


UTL AT DOWNSVIEW



D RANGE BAY SHLF POS ITEM C
39 10 10 05 16 004 0

DR
451
S8

Şükrü, Mehmet
Muşavvâr-i esfar-i
bahriye-'i 'Osmaniye

CALL NO:

DR
451
S8

AUTHOR:

Şükrü
Mehmet

TITLE:

Muşavvâr-i

VOL:

(مصور)

السَّعَابِ مُحَمَّدٍ سَيِّدِ عَمَّانِيَّةِ

W. H. Langley

گۆزلىرى
محرری

محوری

مکتب بحریہ حضرت شاہانہ فن تاریخ معلمی
بحریہ یوزباشیلرندن

محمد شکری



هر حق محفوظدر

مرحی محفوظدر
Musavvar-i asar-i bahriyy
- Osmaniye


معارف نظارت جلیله سنک رخصتیه طبع اولمشدر

استانبول

(قره بت) مطبعه سی — باب عالی جاده سنده

1306

451
58



عرض مرام

961241

تاریخ که . بردورین حقائق نما و برمرآت صاف و مجلادر .
ماضی نی حاله تطبیق . استقباله تقریب ایده جک آندن باشقه
بر واسطه بولندیغی شائبه اعتراضدن معرادر .

استقباله ظهور ایده جک هر حاله قارشی تدارکلی بولنق
ماضی یه دائر معلومات ایدنمکله حاصل اولورکه . بوده مطاق
تاریخ ایله کثرت اشتغاله توقف ایدر : زیرا ، تاریخ وقو
سالفه یی علی وجه الصخه حاوی و حاکی بولندیغندن تاریخیه
مراجعت ایدن ارباب ابتصار ترقیات زمانه یه لازم اولار
وسائطک ایوسنی . کوتوسنی سهولتله اوکر نه ییلیرلر : بناءً علیه
ایفای وظائفه هیچ بر یوزدن مشکلاته تصادف ایتزلر .

تاریخ افکاری تنویره ، وجدانی تطهیره ده خادمدر .
چونکه ، انسان افرادندن بولندیغی وسایه سنده پرورده
اولدیغی جمعیتک صورت تشکل و تعالیسندن ، کچیردیکی

اتصالات عظیمه دن ، خدمات مقبوله و نادیده لريله اشتهار
ایدن اعاضمندن ، خلاصه ساحة عبرتده ظهور یافته اولان
رقایع جسمه سندن خبردار اولنجه نظر حیرتی اوکنده بردن
بره تجلی و تعین ایدن بو قدر حادثات غریبه و متنوعه نك
حصوله کتیره جکی تأثیرات انتباهیه ايله فیکرینی توسیع ،
وجدانی تصفیه ایده جکی شبهه سزدر .

وسیم . تاریخك وجدانه اولان تأثیری اول قدر عالی
و نافعدرکه ، انسان ایچون دینه رعایت ، دولته صداقت ،
ملتته محبت ، وطنه خدمت کبی دنیا و آخرتده باعث نجات
بعادت و مستوجب شرف و منزلت اولان بر طاقم فضائل
بزرگیده صاحبا و ملق انجق تاریخ مطالعه سیله میسر اولور .
دولت ابد مدت عثمانیه مزالی ماشالله تعالی یدنجی عصر
هجریدن بری کره ارضك واسع و کوزل بر پارچه سی
اوزرنده کمال شان و عظمتله اجرای حکم و عدالت ایلمکده
اولان قوی الشکیمه بر هیئت معظمه اولدینی وزیر اداره
عادله سنده بولنان قطعات عظیمه و ممالک وسیعیه بی الده
ایدنجه یه قدر و علی الخصوص همان دائمی الوقوع اولان

تعرضات اعدادن حفظ و حراست ايچون برا و بجرأ بيكرجه
محاربات جسيمه و مصادمات شديده اجرا سنه مجبور اولمش
بولنديني حالده بو آنه دكين اشبو وقوعات حيرت افزانك
جهت بحريه عائد اولانلريني هر نصلسه متسلسلاً وبالاطراف
ضبط ايتك و بر كتاب صورتنده نشر ايلمك خصوصنه
هيچ بر طرفدن همت ايدلمه مشدر.

هر نه قدر كاتب چلي مرحوم « تحفة الكبار » ناميله
مختصر بر تاريخچه بحري تأليف ايدرك اخلافه بر خدمت
خيريه ايفاسنه همته بولنش ايسه ده كتاب مذكور انجق
فاتح دورندن بدأ ايله آوجي سلطان محمد دورينك بر قسمنه
قدر اولان وقوعات بحريه بي على وجه الاجمال حاكي اولوب،
بو قسمه عائد اولان وقوعاتدن بر طاقملرينك دخي نقصان
اولسي و خصوصيله تاريخ عثمانيه تعلق اولان اوروپا وقو-
عات بحريه سنك ناقص و بلا تدقيق قيد ايدلمش بولنسي آرا-
نيلان فائده دن قسماً محروميتي موجب اولغله مفصل بر تاريخ
بحرينك وجوده كتيرلسي لزومي چوقدن بري تحقق ايلمش
ايدى.

شو خدمت موجب المفخرتك طرف عاجزانه مدن در عهده
 قلمسی مجرد پادشاه معارف پرور و شهنشاه تعالی کستر
 ولی نعمت بی منتز السلطان ابن السلطان الغازی «عبدالحمید»
 خان ثانی افند من حضر تلرینک هر حال و کارده اثر همایون
 میامن مقرون حضرت ملوکانه لرینه اقتفاء نیجه نیجه آثار
 عالیہ و مؤسسات نافعه نک ساحه آرای حصول اولسنه موفق
 اولان و خشنودی جناب شہریاری بی استجلابه نائلیت شرفیله
 مباهی بولنان بحریه ناظر معالی مظاہری و عموم دونمائی
 همایون قوماندانی مشیر فلاحون تدبیر دوللو حسن حسنی
 پاشا حضر تلرینک افکار ترقی جو یانه لرندن اقتباس انوار
 معرفت ایلین مکتب بحریه حضرت شاهانه ناظر درایت
 سمیری سعادتلو طیار پاشانک امر و تشویق لریله وقوعه کلمشدر.
 واقعا عصر من تزید آثار فنیہ و تکثیر وسائط علمیہ امر
 اہمندہ درجہ قیمت و علویتنی بحق تقدیردن عاجز وقاصر
 بولند یغمر تشویقات سلطانی و ترغیبات حضرت کیتی ستانی
 ایلہ غبطہ فزای اعصار و ازمان اولان بر عصر ترقی و تجدد
 اولغلہ بر نیجه ارباب فضل و کمال واصحاب لیاقت و استیہال

رضای میامن ارتضای ظل الہی بی تحصیل غیرتنہ دوشوب ،
نشر و تعمیم معارفی در عہدہ ایتمشر و محصول سعی و غیر تلمری
اولان پک چوق آثار قیمتدار ایله کتبخانہ معارفزی ترینہ
ہمت ایلمشلدرد .

بو عاجز کبضاعہ ، یعنی مکتب بحریہ حضرت شاہانہ
فن تاریخ معلمی یوز باشی محمد شکریٰ حقیر دخی حسن
ہمت و خدمتلمری مشہود باصرہ شکران اولان عصر من
ارباب قلمنک آچد قلمری شاہراہ صوابی تعقیب ایدہ رک دولت
علیہ ابدیہ الدوامک ابتدای ظہور و تشککندن والد ماجد
حضرت خلائقناہی جنت مکان سلطان « عبدالمجید » خان
طاب ثراہ حضر تلمری نیک اواخر ایام سلطنتلمری نہ قدر کذران
ایدن بالجلہ وقایع بحریہ سلطنت سنیہی « اسفار بحریہ عثمانیہ »
نام شرف ابتسامی آتندہ علی قدر الامکان صحت و حقیقتی
اوزرہ جمع و تلفیق و خاصہ منسوویتی شرفیلہ مفتخر بولند یغم
صنف جلیل بحری ضابطانی ارقداشلریمہ و علی العموم ارباب
مطالعہ یہ ناچیزانہ تقدیم و ہدیہ یہ جرات ایلدم .

واقعا قوہ قاہرہ عسکریہ سہیلہ اوروپا قوای مجموعہ

مسلمه سنی عصر لرجه تترتمش واجراآت خارقه حیرت افزا-
 سیله چار اقطار جهانه ولوله صالمش اولان دولت عظیم الشو-
 کت عثمانیه نك بر نیجه غرائبات و انقلابات ایله مالی و علی-
 الخصوص فن حرب بحری و فن انشای سفائن و حیل حربیه
 و حقوق دول و قوانین و تجارت و سوقیات بحریه و توزیعات
 و اداره عسکریه مباحثی شامل و خلاصه بالفعل کیجیلکه
 و عسکر لکه عائد و متعلق بولنان فنون و صنایع مهمه سائر نك
 تطبیقات و صور اجرا آتندن باحث اولان وقوعات متسلسله
 بحریه سنی بر کتاب صورتنده وجوده کتیر مک اقتدارندن
 بحق محروم اولدینم حالده تحریرینه تشبث ایتک بونجه ارباب
 اقتدار و فضلالی ذوی الاشتهاره قارشى فضولانه بر جرأت
 عد اولنور ایسه ده مقصد کترانه م انجق ایلری ده بویله بر اثر
 بهینک تألیفی تشبثنده بولنه جق اولان ذات فضائلسماته مهما
 امکان تسهیلات بخش اولور بر مأخذ حاضر لقمندن عبارت
 اولدینی جهتله معذور کور یله جکمدن امنیم.

شو مقصد مهمک تمامی اجرا سیچون یادی تداوله
 بولنان عثمانی تاریخلرینک اکثری سنی صحیفه بصحیفه نظر تدقیق

عاجزیدن کچیرد کدن باشقه انکلیز لسانی اوزره یازلمش اولان
بر چوق کتب تاریخیه و ترجمه وانکلیزجه جغرافیا و تاریخ
قاموسلریله اسکی انشآت بحریه اطلسلرینه و بر خیلی تراجم
احوال مجموعه لرینه و بر چوق وقایع حربیه ده بولنمش قدمای
ضابطان بحریه یه دخی مراجعت ایدرک توسیع معلومات
واکمال وقوعاته چالشمشدر : مع مافیه . « اسفار بحریه
عثمانیه » نك حاوی اولدیغی وقوعات متنوعه یی سهولتله تفهم
و آرائیلان فائده یی تماماً استحصال ایچون دهابر طاقم معلومات
متفرقه و مهمه نك بیلنمنسه احتیاج شدید اولغله بوجهت دخی
نظر دقت و اهتمامدن دور طو تلمیه رق معلومات مقتضیه مذ-
کوره « مدخل اسفار بحریه عثمانیه » نامیله اون برفصلی جامع
بر باب اولمق اوزره آیریجه جمع و تحریر ایدیلوب. اول کتابه
درج و علاوه قلمشدر .

ایمدی . لزوم و اهمیتندن بحث ایله مقدمه کتابه علاوه
اولنان شو بابك مواد مندرجه سی ایسه : مبادی انشآت
بحریه و ملل قدیمه میاننده خدمات حربیه نك غیری تجارت
و خصوصیات سائرده قولانلمش اولان سفائنك اسامی

واشكال ولوازم اعماريه ليله نره لرده انشا قلندقلرى و تجارت بحريه نك صورت ظهوريله سير سفائنه اولان خدمتى و انشات بحريه و سير سفائنك ترقيسييله خصوصات حربيه يه تطبيقى و اهل اسلامك اسفار بحريه يه زمان و صورت مباشرتلى ايله ترقيات بحريه يه مصروف اولان درجه خدمتلى و بويوزدن حصوله كلن منافع و فتوحات واقعه لرى و عثمانلى دونماسنك حاوى اولديغى صنوف عسكريه و مركب بولنديغى سفائن اميريه و سائر ايله رتب بحريه و اصطلاحات مستعمله حتمده معلومات مفصله و مثل قديمه مشهوره نك قرون اولى و قرون وسطى ايله قرون جديده مباديسنده استعمال ايتدكلرى سفائن حربيه و سفائن مذكوره نك صنوف متنوعه و افراد موجوده. سنه دائر تفصيلات لازمه و قديمائى دونماي هميونك دكره قيامنده اتخاذ اولنان اصول و عادات احتياطيه و ازمنه قديمه محارباتنده مستعمل اسلحه و آلات متنوعه ايله و سائط مخابره و دونماي هميون يلكن و كوركله متحرك سفائنندن عبارت ايكن و وقوع بولان محاربه لرده اجرا قلنان تدابير حربيه و مرعى اولان اصول و قواعد بحريه و احوال دريا و دونمايه


دائر دستور العمل اتخاذ ایدملک اوزره مشاهیر بحریون
طرفارندن درمیان ایدلمش اولان اقوال و نصایح مفیده
وسائر دن عبارتدر .

اصل وقایع بحریه عثمانیه دن باحث اولان ایکنجی قسمده
ایسه کرک طوغریدن طوغری یه دول محاربه دونمالریله
وقوع بولمش اولان بیوک وچوک کافه محاربات بحریه وکرک
دونمای هایونک محارب دولتر سواحلی علیهنه اجرا ایلدیکی
حرکات تعرضیه مذکور اولدیغی کبی جهت بحریه جه عصرآ
بعد عصر رونما اولان ترقیات و تدنیاتک اسباب ووسائلی
ومحاربه وقوع بولان باشلیجه لیمانلرله مواقع مشهوره سائر نک
تعریفات جغرافی و تاریخیلری ومحاربات واقعه ده مظفریت
ویا مغلوبیته باعث اولان اسباب ظاهریه و معنویه ایله مشهور
محاربه لردن بعضیلرینک وقوع بولدقلری موقعلری ارانه ایدر
خریطه و پلانلر و تکمیل قیودان پاشالرله کمال رئیس، طورغود
پاشا، مراد رئیس وسائر کبی صاحب نام و شان اولان اعظم
رجال بحریه نک تراجم حاللری و هر ایکی قسمده ده سفائن
قدیمه دن اکثریسنک رسملری و حاصل کلام، عسکرلک

و جهت بحریه متعلق بر خیلی معلومات و تفصیلات مقتضیه
محرر در.

ایشته هر بری آری آری اهمیت عظیمه یی حائز اولان
بونجه وقوعات مهمه و مباحث متنوعه یی بر کتابده جمع ایله
میدانه قویتمده کی مشکلاتک بیوکلکی نظر انصافه الندیغی
صورته کړک صورت افاده و کړک ترتیب عبارده جه تصادف
اولنه جق قصور و نقائصدن طولایی هر حالده قارئین کرام
طرفلرندن مظهر عفو اوله جغمه و حسن نیتمه باغشلا نه جغمه
امید وارم.


ومن الله التوفيق



آنچه در این صراف مدبری محلی که به آنکه یکتا است علی

در کار به - ۱۴۱۵

آنچه انجمنه و باغچه



— اسفار بحریہ عثمانیہ —

بِسْمِ اللَّهِ الرَّحْمَنِ الرَّحِيمِ

برنجی باب

مبداى اسفار بحریہ عثمانیہ

برنجی فصل

مبداى انشاءات بحریہ

مبداى انشاءات بحریہ — مبداى انشاءات بحریہ نك همان
خلقت بشرله توأم اولدیغنه — دنیاده انساندن خالی هیچ بر قطعه
بولنه مامش اولمسنه نظراً — بالضروره حکم ایدلمکده ایسه ده ینه
بو فن جلیله آشنالق شرفنه نائل اولان ملل قدیمه میاننده حق تقدم
مصر یلرله فنیکه لیلره عائددر : چونکه ، مصر قطعه سنی نیل مبارک
ایکی یه بولدیکنندن نهر اوزرنده اجرای سیر وسفر ایتک بالضع
دکزده اولان سیرسفائندن قات قات سهولتی وتهلکه سز اولغله مصر یلر
دخی کندیلرینه طبیعتک بخش وعطاسی اولان بو سهولتدن جسارت
آلهرق ملل سائردهن مقدم نیل مبارک اوزرنده سیرو سفره ابتدار
ایله منافع عظیمه سندن تدریجاً استفادیه باشلامشلدور . ملل قدیمه

مياننده الك اول مصريلرله برابر ترقيات مدنیه مظهر اولمش و طبق مصريلر کي دجله و فرات نهرلری سایه سنده سير سفائنه شروع ايله انشاآت بحريه فننه آشنالق شرفه کسب استحقاق ايلمش بر ملت ده موجود و اشبو مات ده آثوريلر اولديغي معلوم ايسه ده بونلرک انشاآت بحريه ي نه درجه لره قدر ايلر يلمش اولدق لرينه ونه بحجم کيلر قوللانهرق نه وجهله اجرای سيروسفر ايلدکلرينه دائر — لوور (Louviers) موزه خانه سنده محفوظ مسکوکات قديمه آثوريه دن بر سکه اوزرنده منقوش بر رسمدن باشقه — معلومات تاريخيه مفقود اولديغي و سير سفائنلری الحق اسفار نهریه منحصر بولنديغي اجلدن بز دخی بو ملتي صدد بحثك خارجنده بر اقمه مجبور اولدق .

آثوريلرک خلفلری اولان فيککيلر ايسه مصريلره نسبة طبعاً تجارت ده ا زياده مائل و جسارته مالک بر ملت اولدق لری کي تير (صور) و سيدون (صيدا) شهرلرينک وضعیت موقعه لری ده کند . يلرني بو صنعته تشويقه مساعد اولديغدن ، يعني سوريه قطعه سنک بحر سفيد ايله جبل لبنان ارد سنده کائن طار بر پارچه سندن عبارت اولان فيکک قطعه سنک غایت غلبه ک بولنان سکنه سنه نسبة وسعت سز . لکی زراعتله اشتغاله امکان بر اقمديغي کي ساحلار نده کي متعدد و محفوظ ليمانلر و جبل لبنان ده کي جسيم اورمانلر بو قطعه خلقي کيجي دکله اشتغاله تحريص ايدجک و سائط کافيه و مناسبه دن اولغله ايشته بو جهته فيککيلر دخی يواش يواش زمانلرينک امثال سز ملاحلری صر سنه کچهرک بوسايه ده اطرافلرنده بولنان ملت لک تجارتلريني ده کنديلرينه حصر و تخصيص ايلمش لردر .

مصريلرک ابتدا سفينه انشا سنده اتخاذ ايلمش اولدق لری اصولی تعريف ايتزدن مقدم بو اصولک ميدانه چيقمسي و کيده رک کسب انتظام و ترقی ايلمسي اويله ماهر بر استادک اختراعات فکريه سندن

نشئت ایتش اولیوب ، مجرد احتیاجات طبعیه نك سوق و اجبارندن
ایلری یه کیش اولدیغنی ذکر ایتك لازمدر . نیل اوزرنده قولانیلان
کیمیل مصرک آقاسه نامنده کی بر نوع تیکنلی اغاجلرندن کسالمش تخته -
لرله انشا اولنور : بو تخته لر شمديکی کیمیلره اوریلان قاپلامه تخته لری
کبی طولانی اولیوب ، هر مقابل ضلع لری اوچر قدم اولق اوزره
مربعه قریب برشکلده وبری بری اوزرینه — طاملره فرش اولنان
کرده میتلر مثالی — بندیرمه اوله رق وضع اولنوب ، الیوم (قاولیا)
تعبیر اولنان اغاج چیو یلرله دخی یکدیگرینه ربط ایدیلرلردی . بو
اصولده انشا قلنان کیمیلر جناحینی قوتلندیرمک و قاپلامه تخته لرینه
مسند اولق اوزره داخلرنده پوسته (قابورغه) لری موجود دکل
ایدیسه ده موجدلرینک مقصدلرینه خدمت ایده جک درجه لرده
مناقی حائر اولدقلری اجلدن بو نقصانی اکال و اصول متخذینی
اصلاح ایتك زحمتنه تنزله مدت مدیده احتیاج کوسترمامشلردر .
بو کیمیلرک تکنه لری تکمیل اولدقده کورکچیلر ایچون لزومی قدر
اوتراقلر انشا قلنیر و آرموز (ایکی تخته نك برلشمه سندن اورتده
حاصل اولان اره لق) لری پاپیروس تعبیر اولنان نباتك الیافله کوزلجه
قلقات ایدیلوب ، صو کچمز بر درجه ده طولدرلقدن صکره استعماله
صالح بر حاله قونیلوردی . شونی ده عرض ایده لمکه ، مصریلر سفائن
مذکوره ایله نهراً اجرا ایتدکلری سیر و سفرلر ائناسنده سبق ایدن
تجارب عیدیه لری نتیجه سی اوله رق بو کیمیلری تحریک ایتك خصوصنده
مصروف اولان قوه بدنیه لرینه یاردم ایده جک و حتی انسان قوته ده
غلبه ایلیه جک بر قوه سوقیه ایله کیمیلرک مطلوب اولان جهت واحده
اوزره سیر و حرکتلرینی محافظه ایده بیله جک بر آلت مخصوصه
ایجادینه کافی معلومات دخی تحصیل ایلنمشلردر .

شویله که ، مصریلر کیمیلرینی قوه بدنیه معاوتی اولقمسزین سوق

وتحریرك ایچون آقانسہ اغاجنك طوغری بر ساقندن بر دیرك انشا
ایدوب، بو دیرکی کیلیرینه دیکمشلر و پاپیروس نباتنك یاراقلرندن
اعمال ایلدکلی بر یلکنی دخی اشبو دیرکه ربط ایله مطلوب اولان
قوة سوقیه یی حصوله کتیرمشلردر: فقط یالکز بونکه کمینك
مطلوب اولان جهته طوغری سوق و تحریرکی ممکن اوله میه جغندن
دومنی دخی اختراع ایدرک واسطه سیله استقامت مطلوبه اعطا
ایدجك قوتك استحصالنه ده موفق اولمشلردر؛ لکن مصریلرک
قوللاندقلی دومنلر شمیدیکی کی کیلرک قیج بودوسلمه لرینه مربوط
اولیوب، اومورغدن و داخلرندن مرور ایتمکه ایمش. ایشته
بووجهله مصریلرک پک ارکن برزمانده لزومنی حس ایتدکلی یلمکن
ودومندن عبارت ایکی واسطه مهمه نك اختراعنده کی موقعیتلی
طوغریسی شایان دقت و جالب تحسین برکیفیدر.

بوکیلرکک بچملرینه نظر آوکرک تجهیزلرنجه نقصانلری سببیه نیلک
آقتیسنه قارشى سیر وحرکته الویریشلی اولدقلرندن راکد هوالرده
ساحلر اوزرندن یدکله سوق اولنورلر و موافق روزکار اولور ایسه
اوزمان یدکمزحرکته مساعد بولنورلردی. آقتی آشاغی عودتلرنده
مصریلرک ایلغین داللرندن اورولمش برر اوزون سیتی کیلرک باش
طرفلرندن نهره القا ایله بر اوجلری مذکور سیتلره مربوط اولان
حلاطلرک دیگر اوجلرینی کیلرک باش طرفلرینه باغلامق و بو حلاطلر
واسطه سیله سیتلری موازننده بولندیره رق کیلرک ایلری یه طوغری
اولان سرعتلرینی تزیده موفق اولمق عادتلی ایدی. فی الحقیقه،
نهرک آقتیسی سبتک سطحنه زیاده قوتله تأثیر ایتدیکندن وسبت
کینک اوکنده و آرقوری بروضعیتده و طرفیندن طاشقین برامتداده
بولندیغندن کیدن زیاده سبته سرعت اعطا ایتمکه بوسبتک کینک
سرعت سیرینه یاردم ایدهجکی شبهه سزد.

بوائناده کمینک موازنتی محافظہ . یعنی باش وقیچ ارتقا علی ری
بر تسویہ دہ بولندیر مق ایچون سپتک کمی بی باش آشاغی چکمکده کی
مصروف اولان قوتنه مقابل اورتسی دلیکلی و بودلیکن بر حلاطک
اوجنه مربوط بر عظیم طاش کمینک قیچ طرفدن دکنزہ صارقیدیلیر
و بوطاشک ثقاتی باشند تاثیر ایدن قوتہ معادل کلکله کمی موازنتہ
بولندیریلیر و ایشته بوکی قبا بر مانورہ ایله مهارتسز اولان مصر
ملاحری حصول مقصد لرینہ موفق اولدقلرندن جهت مطلوبہ یہ
اجرای سیر و سفر ایدہ بیلیرلر ایدی ؛ فقط مصریلرک کمیجیلکری
بر قاچ عصرلر یالکز نیلہ منحصر قالب ، دکنز سفرلری اجرا سندن
قطعیاً اجتناب ایلمشدر ؛ چونکہ ، مصریلر عجائب اولان مذہبلی
اقتضای غایت متعصب بر قوم اولغلہ — زراعتہ زیادہ سیلہ یاردمی
اولدیغندن — نیلی دخی معبودلری زمرہ سندن عدایدرلر و بوجہ تہ
نیلہ پک زیادہ حرمتہ بولنورلردی .

حال بوکہ ، طایفون (مصریلرک اعتقادنجہ منبع شر اولان معبوددر)
نامی ویردکاری دکنز نہرلری بلع ایلدیکندن ، بوندن طولای دکنز
نفرت ایدرلر و کمیجیلکدن اجتناب ایلرلردی ؛ حتی صرف تعصبدن
نشئت ایدن بونفرتلری دہا ایلری یہ کوتورہ درک کمیجیلکله مألوف
اولان ملتلر حقندہ دخی تعمیم ایله فنیکہ لیلر و دہا سائر اجنبیلری
مملکتلرینہ قویمازلردی . فنیکہ لیلرہ ، یعنی تیر و سیدون اہالیسنہ نقل
کلام ایدیلنجہ بونلر سالف الذکر ایکی شہر مشہوری تأسیس و بنا
ایلدکاری زماندن اعتباراً کمیجیلک مسلک نہ سلوک ایدوب ، بردہا دکنز
مشاق و مہالکندن دوچار خوف و دہشت اولہرق طریق عزملرندن
دونمک و یا دوچار تراخی اولمق کبی بر حال و حرکت بو ملتہ مشہود
اولماشدر .

ایشته بو عزم قوی و قہرمانی سایہ سندنہ درکہ ، فنیکہ لیلر — ذاتاً

تجارت مائل ، چالشقان بر ملت اولدقلرندن — بلاد غریبه تجارت بحریه سنی یدانحصارلرینه آلوب، زمانلرینكك جسور ومهارتلی وشهرت تحری ايله معروف کاشغلری اولمشلردر. دنیاده هیچ بر ملت بونلره رقابته جسارت ایدمه مش وعصرلرجه رقیبسز اوله رق دکزلر اوزرنده تنفیذ احکام ایلمشلر در. بوجسور ملت دیار بعیده ده مستعمرات احداث ایتمه كك زیاده خواهشکار ایدیلر؛ وبویولده مصروف اولان سعیلرینكك ثمره سی اول قدر زیاده ایدیكه، مملکتلرینكك وسعتسزلکی نظر مطالعه یه آنجه بو مملکتكك عدد نفوسنی تقلیل ایتمکسزین بویله هر طرفه مهاجر سوقنه مقتدر اولملری طوغریسی جالب حیرت بر کیفیتدر.

خلاصه، بوکون الده موجود اولانكك موثوق منبعلردن متحصل معلوماته نظراً فنیكه لیلر ملل قدیمه میاننده كرك فن انشای سفائن وكرك فن سیر سفائن خصوصلرنده خیلیدن خیلی ترقی ایتشلرایسه ده قوللاندقلری کیملرک صورت انشالری واشکال وابعادى وسیر سفائن حقنده اولان درجه معلوماتلری مضبوط تواریخ اولماغه خصوصات مسرودیه دائر تفصیلات مقتضیه اعطاسندن عاجز؛ فقط شوقدر جق اولسون سویله لمكه، یالکیز تجارت خصوصنده استخدام ایلمش اولد- قلی کیملر غایت قیصه اولوب، صکره لری حرص وطمعك تشویقیله امور حربیه ده استخدام ایچون یایلمش اولان سفائنذن زیاده عریض ایدیلر. انشای سفائننده رونما اولان فرق، کیملر حرب وتجارتدن عبارت ایکی مقصد متخالف اوزره استعماله باشلانلدیغی زماندن اعتباراً اولوب، هر ملت میاننده عادتاً عمومی اوله رق یوز کوسترمكه باشلامش والحاله هده دوام ایلمکده بولنمشدر.

فنیكه لیلره بوشهرت قدیمه یی اسناد ایتمکدن مقصدمز دنیاده سائر ملتلرک انشاءات بحریه وبونكك مقتضاسی اولان سیر سفائننده هیچ

مہارتلری اولدیغنی و ترقی ایتمه مش اولدقلرینی بیان ایتمک دکلدر. فنون و صنایعه تعلق اولان کافہ مسالکک سبب ظهور و ترقیسی وبالآخره بر احتیاج قطعی شکلنی آلمسی و نوع بشرک ذهننی اشغال ایلمسی انحق طبیعت بشرده موجود و مراق دینیلن برخصیصه نك سوقدن ایلری یه ککش اولوب، دنیانک هر نقطه سنده ترقی یه باعث مستقل و جمعیات بشری یه حال و حشیدن دائرہ مدینته سوق ایدن ده ینه بو مراق اولدیغنی بدیهیات صرہ سنه کچن حقائقدن بولمغله شبهه سز هر ملت ده درجہ استعداد و مساعیلری نسبتندہ سیر سفائن و انشآت بحریه خصوصلرینی ایلری یه کوتور مشلردر؛ فقط بولنرک هپسنه دائر آیری آیری تفصیلات و یرمک برانشائیہ تاریخی یازمق دیمک اولوب، بوا یسه مقصد مزه موافق اولدیغنی و اولسه بیله معلومات صحیحہ مفقود اولدقدن باشقه فائده سزده بولدیغنی جهتله بیهوده معلومات فروشلقدن اجتناب ایدلمشدر. انحق ملل قدیمه نك اک مشهورلری حقننده مضبوط اولان معلوماتک مختصراً بیانی فائده دن خالی اولیه جغندن بوبابده بعض مرتبه ده تفصیلات اعطاسنه مبادرت قلندی .

موضوع بحث اولان ملتلردن بری و بلکه برنجیسی چینیلر اولدیغندن اول امرده بوملتک فن انشای سفن و سیر سفائنہ دائر مضبوط اولان درجہ اقتدار و معلوماتلرینی ذکر ایتمک فکر نده یز؛ چونکه، چینیلرک بوکونکی حاللریله تاریخک احاطه و شمولدن خارج اولان زمانلرده کی حاللری بیننده همان حس اولنور درجده بر فرق و اختلاف مشاهده اولنه مامقده در .

هر نه قدر شو زمانده چینیلر دخی اوروپا ملل مترقیه سنه تقلیداً بعض مرتبه اصلاحات ملکیه و عسکریه اجرا سنده بولتمقدلر ایهده ایشه عمومیت نقطه نظرندن باقلدیغنی صورته الحالده اصول معیشتلری، صنایعه کندیلرینه مخصوص اولان مسلکاری، فنون و معارفه اولان درجہ اختصاصلری، خلاصه، احوال عمومیہ و خصوصیهلری ینه هپ اولکیلرک عینی اولدیغنی مشاهده قلتمقددر .


مع ذلك، چينيلرك اكثر يا يادقلى ايشلر وهله اولى ده معمايه بكنر ايسه ده اليوم دنيا ده موجود اولان ملتير مياننده مهارتلى ثابت و مسلم بر خلق اولدقلى ده انكار اولنه ماز؛ بناء عليه، تقدملرى جهتيه اك اول ذكر اولنقده حقلى دركاردر. چينيلر اوتوز عصر ظرفده مراكب سابعه نك كرك شكل وكرك انشالرينه دائر لازم كلن اصلاحات و ترقياى حصوله كتيرمه كه آرزو كوسترمه مش اولدقلى حالده — ولو كه، جزؤى اولسون — ترقيسزده وقت كچيرمه مش اولدقلى نينه دنيا يوزنده ايلك اول بر قوه بحريه بونلر طرفدن تشكيل اولنشدر. انشاءات بحريه نك ترقيسى انسانلرك مراقدن و احتياجك اجبارندن ايلرى به كلكش اولديغى فكرينى يوقاريدى بلمناسبه ذكر ايلمش ايدك! ايشته نفوسجه غايت غلبه لك اولان چينيلر يبنده دخی بو صنعتك موجود اولسى و اولدقجه ترقى كسب ايلمش بولمى فكر سابقمى مؤيددر.

چينيلر قوه بحريه جه كنديلرينه فائق اولان ملتيله هيچ مناسبته بولمىوب، منزويانه بر صورتده و — هله كندى تاريخلرينه اينانيله جق اولور ايسه — امور و خصوصلرى غوغا و نزاعسز و معلوماتلرى تزيد ايمه مش اولدقلى حالده مارالذكر اوتوز عصر دن عبارت اولان اوزون زمانى كچيرمشلردر؛ حتى عصر سابق (۱۸ نجى عصر) و آخري نه كلنجيه قدر آشناسى اولدقلى معلوماتك توسيعى يد اقتدار بشرده اولديغى ودها ايلرىسى بولنديغى بيلمكلى كچي كنديلرندن باشقه ملتلك، بيلمكلى معلوماتى توسيع ايلمش اولدقلى نه ده واقف دكل ايديلر. بو مثالى قانلرى صوغوق اولان ملتلك اوزون اوزادى به تاريخلرىنى مطالعه ايتك مراقى صرف اولنان زمانك اهميته دكميكى جهته وقوعات ماضيه لرينه بر وقوف مجمل حاصل ايتك اچون مشهودمن اولان بر راپورك

مطالعہ سی کافی کورملکھ لاجل الاختصار مذکور راپوری درج ایله اکتفا قلندی .

بوراپور انکلترہ دولتنک (۱۷۹۲) سنہ میلادیہ سنہدہ پکینہ اعزام ایلمش اولدیغی بر هیئت سفارت طرفدن مرسلول اوراق رسمیه میانده موجود اولوب ، چینیلرک سیر سفائنه دائر ایتش اولدقلری ترقینک پک جزوی اولسی اسبابی وسیر سفائن خصوصنده کی ترقیات عمومیه نك فن انشای سفائنه برلکده اولدیغنک هرکس نزدنده دخی مسلم اولسی حقیقتی بالاطراف توضیح ایتکده در . شویله که ، بر اوروپالی قلاغوز ، معاونتنه احتیاج مس اولنوبده دعوت ایدلدیکی برکینک کوکرتہ سنه چیقدیغی زمان درعقب دومنی النہ الوب ؛ ویادومنه قوماندا ایتک حقنی نفسنه حصر ایدوب ، اوکی اوزرنده اسکی رومالیر بیننده کی دیققاتور (حاکم مطلق) ک شریکسز اولان حکم و نفوذینہ معادل بر قدرتله تنفیذ احکام ایدر . بو کمیده بولنان سائر امرلر (قپودانلر) ک امرلری حکمسز قالیر ؛ ویاخود یالکیز قلاغوزک امرینه امثال ایدلمسنه منحصر بولنور ؛ فقط چینده امر بر عکسدر : یعنی چینہ آمشد ایدن اجنبی کیلری محتاج اولدقلری قلاغوزلری چینیلردن تدارک ایتک خصوصنده دوچار مشکلات اولدقلری کی شاید تدارک ایده بیلسملر بیلہ بونلر یالکیز کینک اداره سنه دقت ایدوب ، صورت تحکم کوسترمکدن قطعاً احتراز ایدرلر . ایشته چینیلرک کندی لیمانلرینہ کلوب کیدن اجنبی سفائنه قلاغوز ویرمک ادعاسنده بولناملری و ایشلرینہ مداخله دن قانچمقده اولملری محضا اجنبیلرله مناسبت حاصل ایتمکدن غایت خوف ایلمکده بولندقلرینہ مبنیدر .

چینیلر اجنبیلرک معاملات بحریه سنه مداخله ایتدکلری حالده کندی کیلرینک تهیه واداره لری خصوصنده دقت واهتمام ایدرلر ؛

فقط کیلرنده اولیه بزم بیلدیکمز پورطلون وخریطه کبی اوزرنده طریق سیر و سیاحتلرینی ترسیم ایده جک و سائط بحریه لری ، اوقانت و سکسات و سائره کبی عرض و طول جغرافی بوله جق آلات رصدیه لری موجود اولیوب ، یالکز برر  پوصله لری واردر ؛ وقولاندقلری ماهر قلاغوزلرک تجارب عدیده و مشاهدات متعدده لری نتایجندن اوله رق اراضی بی طانیق خصوصنده کی مهارتلی اکثریتله اوغرادقلری و اجرای سیر و سفر ایتدکلری ساحلر و لیمانلر ایچون کافی عد اولنور .

بالاده دخی ذکر ایتمش اولدیغمز وجه اوزره هر نه قدر چینیلرک مال سائره بحریونی بیننده مستعمل اولان خریطه و پورطلونلره دائر معلوماتلی مفقود ایسه ده بونلر مقامنه قائم اولمق اوزره کندی اثر ایجادلری اوله رق تحف بر صورتده ترسیم اولنمش خریطه لری دخی موجوددر . بو خریطه لر ویا دها طوغریسی اجرای سیر و سفر ایده جکلری طریقلر ایله طرق مذکوره جوارنده بولنان اراضینک هیئت مشهورده سی صنعت قلمکاری ایله اوزرلرینه حک ایدلمش قنطار قباقلرندن عبارتدر . بو قباقلر شکلا^۱ کره ارضه همان مشابه اولدقلرندن چینیلر دخی خریطه لرینی بونلرک اوزرینه ترسیم ایتکی مناسب کور- مشلردر ظن ایدلمه ملیدر .

قباقلرک کره ارضه شکلا^۲ مشابهتلی سببیه سطح خارجیلری اوزرینه محکوک اولان خریطه لردن بعضیلری اولدجه خطادن سالم بولنسلر بیله بوموقیتی چینیلرک وقوفه اسناد ایتیوب ، حکم تصادفه حمل ایلیمک اقتضا ایدر ؛ چونکه ، چین هیئتشناسلری و بحریه مهندسلری ارضک بر سطح مستویدن عبارت اولدیغی ظنه ذاهب اولان مذهب باطل اربابندن اولوب ، حالا بو قبا ویا کلش فکردن آیرمدقلری جهته رسم ایتدکلری سالف الذکر خریطه لرده صحیحه

قریب اولانلری دخی بولنسه بیلہ ینہ تصادفه حمل ایدمک ضروریدر.
مع هذا، بونلر کندی الکالرینی سطح ارضک تام اورتہ سنده فرض
ایدرلر و بو جهتله «الکای وسطی» ویا «مرکزی» نامی و یروب، ممالک
سائرہ اجنبیه یی ده اطرافنده و دنیانک کنارلرینه طوغری و غایت طار
و کچوک تصور ایدهرک آنلرک حدودلری خارجنی دخی غیر مسکون
و مخوف بریر عد ایدرلر. بوکی براعتقاد اصحابنک رسم ایدہ جکلری
خریطه لر دخی بالطبع یا کلش اولور.

ایشته چینیلرک شکل ارض حقنده کی یا کلش معلومانلری بونلری
ترقیات سیر سفائنه سبب اعظم اولان اجرام سماویہ دن رصدات ایله
ارضک مختلف نقطه لرینک عرض و طوللرینی تعیین ایتمک خصوصنی
میدانه چیقارمق غیرتندن منع ایلمشدر. بوراده بالمناصبه شونی ده
عرض ایدہ لمکه، ایچلرندن بیوک فیلسوفلر یتشوبده بوسایه ده اختراعات
و کشفیات مهمه یه موفق اولمش بولنان ملتدر دخی صنایعک پیری عد
اولنغه شایان اولان احتیاج اجبار ایدنجیه قدر چینیلره یقین بر
حالده ایدیلر: حتی فنون شناده کی بهرملریله ملل قدیمه و جدیدہ نک
استادلری عد اولنان قدیم یونانیلریله مهارت فنیہ و تربیہ فکریه لرندن
بالاستفاده بررصد آلتی ایجاد ایدهرک واسطه سیله برکمینک روی دریاده
اشغال ایلدیکی موقعی تعیین ایتمک خصوصنه صرف همت ایلمه مشلدر.
قدیم یونانیلر دائماً طولاشمعقده اولدقلری بحر سفید ساحللرینی
واطه لرینی علامات مخصوصه و فارقہ لریله صحیفه خاطرلرینه نقش ایدهرک
یا لکز اشبو خاطرہ لری، یعنی معلومات موقعیه لری دلاتیلہ سیاحتلرینی
نهاراً اجرا ایدرلر و نادراً یلدزلری رهبر اتخاذا ایدهرک لیلاً دخی سیر
و سفر ایتدکلری وقوع بولوردی.

ایمدی، چینیلرک دکزلری ده — وسعت و جسامتی و اراضی
متجاوره سنک وضعیتی واطه لرینک کثرتی جهتله — بحر سفیده مشابه

اولديغندن چينيليرده طبق يونانيلر كې بر اصول اتخاذايدىرك اجرأى سېر وسفر ايدرلر . بوندن اكلاشيلوركه ، صنعت مذكوره ملل متاخرىدن اوروپاليلر آره سنده ترقى ايتىش و بوده حدودى معلوم اولميان ابجار محيطه يي كزوب طولاشمق حرصندن منبعث بولمىشدر . بناءً عليه . حرص وطمعندن عارى بولنسان چينيلير بيتنده كرك فن معماریء بحريده وكرك فن حربيه اوزاقدن اوزاغه تعلق ومناسبى اولان فنون سائرده مشهود اولان ترقى همان هيچ حكمنده اولمغه قديمًا سالك اولدقلىرى قبا بر طريقدى حالا دوام ايتمكدى وبوقدر جقاه قناعت ايلمكدىدرلر .

وينه مذكور راپورده حكايه اولنديغنه نظراً چينيليرك قوللاند . قلىرى كچوك كملر اسكى برىتانيايليرك قوللانمش اولدقلىرى كچوك كملره شكلاً مشابه اولمغه بوكيفيت شايان استغراب كورلمىشدر . بونلك اكثرثيا استعمال ايلمكدى اولدقلىرى قايقلىر وياصنداللىر پوسته سز اوله رق برلشديرلمش بش پارچه قاپلامه تخته سندن عبارت اولوب . مذكور قاپلامه تخته لرى يرلرینه قونلمزدن اول لزومى قدر انخا ويرملك اچون آلولى بر آتشه قارشى كوستريالرلر ؛ بعده مذكور تخته لر [*] « صوغره » لرى باش وقيچ طرفلرده برر خط تشكيل ايتمك اوزره برلشديريلوب ، يكدىكرلرينه اوافق قاويليا (اغاج چوى) لرله طوتديرييلرلر . بوندن صكره آرموزلىرى مخصوص ايپك حالته كتيرلمش بيوك هندقامشى اليافيله ديكيلىر واوزرلرينه سونمه مش كيرچ دروننده صوايله حل ايدلمش دكز حيوانات قشيره سى قبوقلرندن اعمال قلنان معجون طلا اولنه رق مذكور قايقلىر صوآلماز بر حاله كتيريلر .

قدمای جغرافيوندن مشهور سترابو (Strabo) نك بر اثرنده — غريب بر

[*] ايكي تخته نك باش باشه برلشمسندن آره لرنده حاصل اولان حد فاصل .

سوز اولق اوزره — چینلیلر قایقلارینی حیوانات قشریه قبوقلرندن اعمال ایتکده درلر! دیسی ایشته بوندن ایلری کیشدر.

چینلیلر کیلرینک (قایق ویا صنداللرینک) بر طاقملرینی تعریف ایلدیکمز اصولده انشا ایتدکاری کبی بر طاقملرینی ده سپت اعمالنده مستعمل اولان شیشه لردن عادتاً سپت کبی اورمه اوله رق اعمال ایدوب، اوزرلرینی ینه سالف الذکر معجون ایله طلا ایدهرک صو کچمز بر حاله قویارلر ورئیس ویا صاحبلی علامت تیقظ اولق اوزره باش طرفلرینه ده کوز رسملی رسم و تصویر ایدرلر. بوکیلر سرعت سیرلرندن وسطح مائه غایت موازنتلی طورملرندن ناشی آنسزین ویکدیگرینی متعاقب هجوم ایدن امواج دریاه وخصوصیه مد وجذر طالعهرینه خارق العاده دینله بیلجک بر درجه ده مقاومت ایدرلر؛ و دورملک و داخلرینه صو آلمق کبی تهسکه لردن وارسته بولنورلر. چینک سرکرده لرینه و کبار طاقملرینه مخصوص اولان قایقلر دخی طبقی بو اصول اوزره انشا اولنورلرایسه ده یالکمز مقیاسلری آزدها بیوجک طوتیلوب، جسامتجه دیکلرلوندن فرق وتمیزایدیلرلر؛ و برده بونلرک باش طرفلری انحنالی ویالیزلی و شکلاً آرسلان باشنه مشابہ برصوتده یاپیلوب، قیچلری دخی کوزل و پارلاق رنگارله بویانمش بر طاقم تصاویر مجسمه ایله تزین اولنور؛ و اوطوریه جق محملری بزم بیلدیکمز کبی قیچه یقین اولیوب، تماماً قیچلرنددر.

ایشته چینلیلرک انشآت بحریه وسیر سفائن حقنده کی معلومات قدیمه لری همان بالاده ذکر ایتمش اولدیغمز قدردن عسارت اولوب، حال حاضرده دخی بو عجائب ملتک فن انشائیجه اولان معلوماتلری اسکینندن پکده فرقلی دکلدر. بعض مرتبه فرق اولسه بیله وده برصورت استثنائییه و ذکره غیر شایان بر درجه ده اولغله تفصیندن صرف نظر قلندی. بحر سفید خارجنده، یعنی بحر محیط ساحلنده

بولنان ملتلرک دخی مبادیء انشآت بحریه لری نه درجه دن عبارت بولندیغی حقنده بورا جقده بر مقدار معلومات ویرمک مناسب کورلمشدر. بحر سفید خارجنده، یعنی بحر محیط سواحلینده بولنان ملتلر ایچنده الیوم کرک انشآت بحریه وکرک سیرسفائین خصوصلرنده اک زیاده ترقی ایتیش بر ملت وار ایسه اوده انکلیزلردر. انکلیزلرک بو کونکی ترقیات بحریه لریله تاریخ نظرنده ایلک معلوم اولدقلری زمانلرده کی معلومات بحریه لری مقایسه ایدیه جک اولسه بوغیور ملتک بولندقلری درجه کاله واصل اولمق ایچون پک چوق سعی وغیرت صرف ایتیش اولدقلری میدانه چیقار.

انکلیزلرک مبادیء انشآت بحریه لرینه دائر ایلک خبر ویرن روما قیصری یولیؤس (Julius Caesar) در. مشارالیه بریتانیای استیلا ایلدیکی زمان عصرلرینک اک عالم ومدنیسی کچین روما ملت معظمه. سی کی بر مات فاضله غایت یقینلرنده بولندیغی حالده انکلیزلر بو ملتک ظرافت مدنیه سندن ومعلومات عمومیه سندن استفاده ایتمک فیکرنده بولمیب، بالعکس دیادن قطع علاقه ایتیش بر حالده، یعنی بر حال طبیعی اوزره یشامقده ایشلر. خلاصه، بو کونکی نیوزیلاند (New Zealand) اهالیسندن کرک صنایع وکرک عادتجه هیچ بر فرقلری اولیان انکلیزلر رومالیر کی مدنی بر ملتک هم جوارلغی فرصتدن استفاده ایلر جلب منفعته مالک وطریق ابتباهه سالک اولمق شرفدن محروم بر حالده بولنشلردر؛ فقط، بو حاللریله برابر انشآت بحریه یه آشنا اولدقلری قیصرک تألیفاتندن اولان ده بللو سیویلی (De bello civili) نامنده کی کتابک (۵۴) نجی قسمنده کی معلومات مندرجه دن مستبان اولمقده در. مشارالیه اسپانیاده کائن ایلردا (Ilerda ویا لریدا — Lerida) شهر. نده بولندیغی صروده روما سردارلرندن آفرانیؤس (Africanus) ک

سواری و پیاده دن عبارت بر بیوک اردو ایله اوزرینه کلوب، مرور ایدہ بیلیمسی ممکن اولان طریقلرک کافه سنی اشغال ایلمش اولمسنه مبنی قیصر بولندیغی ایلردا شهرندن جریان ایدن سیقورس (Sicoris نام جدیدی Sığra در) نهری اوزرینه بر کوپری انشا ایدہ رک عسکرینی جهت مأمنه کچیرمک تصورنده بولنش ایسه ده قوده اولان بو تصویری فعله اخراج ایتکده پک بیوک مشکلاته دوچار اولدیغندن نهایت معیتی عسکرینه ناوی (Nave) نامیله معروف اولان کیلر انشا ایتلرینی امر ایلدی. قیصر بو کیلرک صورت انشا و استعماللرینی بریتانیاده ایکن اوکرشمس ایدی.

بونلرک صورت انشالری ایسه غایت بسیط و سهولتلی اولمغله شاهد موفقیتک قیصر طرفنده عرض دیدار ایتسنه باعث مستقل اولمشدر. بو کیلرک اومورغلریله پوسته لری ایجه و خفیف کرسته لردن عبارت اولوب، مذکور پوسته لرک آره لری ایجه و قابل انخا بر طاقم دالهرله اوریلور و اوزرلری دخی قاپلامه تخته لری مقامنه قائم اولق اوزره دری ایله ستر و احاطه قلنیردی. فن انشای سفائنه هنوز کسب و قوف ایلمه مش اولان کافه ملتیر طرفندن دخی اوزمانلرده استعمال اولنان مراکب بحریه هب بواصولده انشا اولنش قایلردن عبارت اولوب. عصر لرحه ده استعمالدن ساقط اولمامشلردر [۹] ایشته اوزمانکی بریتا-

[۹] بردفعه عثمانیلر طرفندن دخی بونلره مشابه برقایق انشا و استعمال قلنش اولمغله بوراده ذکرینی مناسب کوردک. شویله که: (۱۰۳۷) سنه هجریه سنده بغدادک استرادی ایچون سلطان مراد رابع طرفندن وزیراعظم خسرو پاشا قومانداسیله اول طرفه سوق اولنان اردوی همایون عراق قطعده جسیه سی اوزرنده حرکات عسکریه اجرا ایتکده ایکن آلتون صوبی تعبیر اولنان نهری مرور ایتکک لازم کلوب. او ائشاده نهر مذکور طغیان حالنده بولندیغندن قیون طومرلندن (کلک) تعبیر اولنور سالار انشا قلنهرق بونلر واسطه سیله عسکر نهردن کچیرلمش ایسه ده کلهکله قضیه مرور تهلکه لی اولدیغندن خسرو پاشانک قارشی بقایه عبوری ایچون قایق یاپیق صنعتنه واقف بر یکی چری طرفندن موجود کرسته لردن بر قایق انشاسنه مباشرت اولنش و حال بوکه ۲ استوبی وزفت و ریچینه کبی مذکور قایقی قلغات ایدہ جک لوازم مفقود اولدیغندن مرقوم یکی چری نفری استعداد و ذکاسی قوته مراجعتله بوکا برچاره دوشوش و بولمشدر. بولدیغی چاره ایسه بر قایق صیغیر درینی دباغت ایدہ رک انشا ایلدیکی قایقی اشبو دریلرله قاپلاوب، درونته صوکیرمک تهلکه سنی بر طرف ایتکدن عبارت بولمشدر.

نیالیرك فن انشای سفائنده کی غایه معلوماتلری بو کونکی کونده (طومباس) دیدیکمز مرا کب ساجه نك بر نوعدن عبارت بولمیش اولوب، ترقی ایتدیره مدکلرینک سببی دخی اوزمان یالکیز احتیاجلری اطهلری اوزرنده کی نهرلری کچمکه منحصر اولغله بوقدر جقله اکتفا اتمش اولدقلرینه تعجب اولنمایدیر .


بناءً علیه، بر نظر مدققانه ایله باقلدیغی صورتده اسکی بریتانیالیرله اسکیمو (Esquimaux) لر و نیوزیلاندیلیرك حاللرنجه برفرق مشاهده اولنه ماز؛ چونکه، ملل مذ کوره میاننده بعض مرتبه اختلاف کوزه چارپسه بیله بواختلاف مجرد مملکتلرینک وضعیت موقعیه و طبعیه سیله محصولات ارضیه لرینک عدم مشابهنیدن ایلری یه کیشدر . تعیشلری شکار ایلدکلری آبی بالقلرینک لحومنه منحصر اولان لابرادور (Labrador) سواحلنده کی اهالی قانو (Canoe) تعیر ایتدکلری قایقلرینی مذ کور بالقلرک دریلریله قاپلارلر . بوقایقلرک قاپلامه تختهلری مقامنه سالف الذکر دریلری قولاندقلری کی اومورغه و پوستهلرینی دخی بالینه کیکلرندن انشا ایدرلر . بونوع مرا کب بحریه معلومز اولان پیاده قایقلری مقامنده اولوب، غایت خفیف والویریشلی اولدقلرندن صید ایله اشتغال ایتدکلری انشاده بوز قطعه لرینه تصادف ایلدکلری زمان اوموزلرینه آلوب، مذ کور بوز قطعه لرینک او بر طرفه نقل ایدرلر .

اهالی مرقومه نك بونوع قایقلر استعمال ایتدکلرینک سببی ایسه قطعه مذ کوره خلقنه ایچنده عمر سورمه لری مقدر اولان و دائماً قار و بوزلرله مستور بولان مملکتلرینه جناب واهب العطایانک هواسی دها معتدل ولطیف اولان محللره احسان ایلمش اولدیغی اشجار کونا کون مثلی

ایشه ، مرقوم یکی چری نفرینک طرز قدما اوزره وجوده کستیرمش اولدیغی قایقی صدر- اعظمیه برابر اردوی همایونده بولنان اکبرک کافه سنی بلا تهلکه قارش یه نقل انجک خصوصنده پت بیلرک ایشه یارادیغندن خدمتی مقابنده کلی احسانالوب . مأمولندن زیاده مکافاته نائل اولمشدر .

بر واسطه انشائیہ بخش ایلمه مش اولمسندن عبارتدر؛ حتی هواسی دها لطیف اولان مملکتلرده بیله اوائلده اغاجلری کسه جک درجه ده سرت و کسکین آلات قاطعه و انشائیہ لری مفقود اولدیغی اجلدن اهالی اغاج قبوقلرینک طیاًنقلیلرندن — تحف بر اصولده یکدیگرلرینه اکیه رک — وجوده کتیردکاری مراکب ساجه ایله صولر اوزرنده سیروسیاحت ایتمکدن عبارت اولان احتیاج و ضرورتلرینی دفع و ازاله ایدرلردی. مؤخرأً یکپاره براغاجی اویوب، استعمال ایده جک قدر اثر ترقی کوستر. مشلدرکه، الحاله هده جزائر بحر محیطک اکثریسنده یرلیلر طرفندن بونوع مراکب ساجه قوللانلمقده و (قانو) نامیله یاد ایدلمکده در .

[لوحه (۱)]



ایکجی فصل

قدیمونک مراکب تجاریہ لری حقندہ معلومات :

ملل قدیمہ میانندہ — خدمات حربیہ دہ مستخدم اولیوب — تجارت
و خصوصات سائرہ یہ تخصیص قلمش اولان سفائنک اشکال واسامی ولوازم
انشائیہ لری نہ و نرہ لردہ انشا قلند قلری نہ دائر معلومات تاریخیہ :

نوع بشرک سیر سفائنہ ایلک دفعہ اولہ رق جسارت ایتسنہ سبب
اولان کیفیت مقتضای خلقت اولمق اوزرہ طبیعتلرنندہ موجود و مؤسس
اولان مستعمرات تأسیس ایتمک و جمعیتلہ یشامق و تجارتلہ پارہ قزمانق
احتیاجندن عبارتدر . تجارت خصوصندہ ابتدا عمومیتلہ قوللانیلان
وهر کسک بیلدیکی و استعمال ایلدیکی و اساس معلوماتلری اولان و بتون
مؤرخلر طرفندن ویردکاری صراحتلہ دخی مؤید بولنسان مراکب
ساجہ صالردن عبارت ایدی . بوصاللر تحتہ و اغاجلرک قبا بر صورتدہ
یکدیگر لری نہ بند اولنملریلہ حصولہ کتیریلرلردی . اغاجلری بری برینہ
باغلامق ایچون قوللانیلان حلاطلر دخی ینہ بو اغاجلرک الیافی قبو-
قلرندن عبارت بولنور و یاخود قدمانک درخاطر ایدہ بیلدکاری سائر
مادہ لردن اعمال اولنورلردی .

ایشته وجه مذکور اوزرہ ترتیب اولنان صاللرلہ اجرا قلنان
اسفار دائمہ بوصاللری اداره ایدن کمیجیلرک اقتدار بحریرلری تزییدہ
مدار اولغلہ وقوع بولان متعدد تجربہ لری نتیجہ سی اولہ رق آرزمان
ایچندہ آقتی و روزکار کی موانع طبیعیہ نک ممانعتہ قارشی مطلوب

اولان محله سالماً واصل اوله بیلیمک ایچون مقتضی واسطه یی استحصاله موفق اولمشلردر. واسطه مذکوره بسیط بر علاوه دن عبارت اولوب، حقیقت حالدہ معرفت عداولمنغه شایان برشی دکل ایسه ده خیالجه تسهیلاته خادم اولدیغندن ینه بر بیوک موفقیت صایله بیلیر. بوده صالک آره قلرنندن داخل مایه اوچ درت قدم عمقه دکن غطس اولمش بر قاچ پارچه تحتهدن عبارتدر.

مذکور تحتہ لک خدمتی ده ا مبتدی عداولنان قلاغوزی آرزو- سنه توفیقاً یوقاری قالدیرلق ویا آشاغی سورملک صورتلریله صالک اداره سنه مقتدر قیلمسیدر. الیوم ابحار محیطه جنوبیه ده کائن جزائر سکنه سنی طرفلرنندن بونلره مشابہ صالار قوللانمقده اولدینی مشہود- در. مذکور صالارہ بالزا (Balza) [لوحه (۲)] نامی ویرلمکده اولوب، صورت انشا واستعمالری حقندہ اسپانیولر طرفندن مضبوط اولان معلومات فائده دن خالی اولمدینی جہتله بورایه نقل ایدلی.

بالزا تسمیه اولنان صالار بونامده براغاجدن انشا قلندقلرنندن نام مذکور ایله یاد اولنمقده درلر. مذکور صالار (۵) یاخود (۷) ویاخود (۹) عدد اغاج کووده لرنندن عبارت اولوب، اغاجلر دخی بیاض وسونکره مشابہ وغایت خفیفدر؛ حتی طولی (۴) یارده وقطری بر قدم اولان بر پارچه سنی بر چوجق سهولتله نقل ایده بیلیر.

بالزالر [*] غویا قوئیل (Guayaquil) نهرندہ قوللانقلری کبی تجارت ایچون پایتا (Payta) یه قدر کیتیمک اوزره دکره دخی چیقارلر.

بونلرک ابعاد وجسامتی قوللانیه جقلری خدمتله واجر ایده- جکلری سفرلره کوره تخلف ایتکده در. بر طاققلری بالق صیدایلمک،

[*] قولومبیاده اقوادور جمهوریتنه منسوب بر شهر وبر اسکله اولوب، بورایه جریان ایدن بر نهر دخی نام مذکور ایله یاد اولنمقده در.



بر طاقلری ده میوه و سائر امتعه تجاریه یی بوده غا (Bodega) دن
(غویاقوئیل) ه و بورادن ده پونا (Puna)، سالتوده تامبز (Salto de
Tumbez) و پایتایه نقل ایتک ایچون تجارت نهریه و بحریه خصوصاً لرنده
قوللانمقدمه اولوب، بر طاقلری دخی بر فامیلیا خالقنی اشیای بیتیه سیله
برابر چیفتلک لرینه و یا صیفیه لرینه کال حضور و راحتله نقل ایده بیلیمک
اوزره منتظم صورتده انشا قلنیرلردی.

انشا قلندقلری اغاجلر (۱۲) و یا (۱۳) [°] تويس (Toise)
طولنده، (۲) و یا (۲،۵) قدم قطرنده اولوب، (۹) عدد سرندن عبارت
بر صالک عرضی (۲۰) ایله (۲۴) قدم بیننده اولدینی کبی (۷) و یادها آز
اولانلرک دخی نسبتاً دها آز بولنور. مذکور سرنلر یکدیگرینه ایجه
واوزون سکود داللیله بند اولنوب، اوزرلرینه دخی دیگر آرقوری
سرنلر وضع اولنه رق آنلرده تعریف اولندینی وجهله باغلانیرلر.
بو باغلر چورومه دجه چوزولملری قابل اوله میه جق بر درجه ده غایت
محکم باغلانمشلردر.

وجه مذکور اوزره اعمال اولنان صاللر تامبز ساحلنه و پایتایه
سفر اجرا ایتدکلری ائنده بعضاً فورطنه یه تصادفله بحر محیطک
امواج عظیمه و مرتفعه سنه قارشى مقابله یه مجبور اولورلرایسه ده هیچ
بر تهلکه یه دوچار اولمازلر؛ فقط بو کبی اوزون سفرلرک تکرری
وقوعنده محضاً اهمال سیئه سیله زنجیلرک باغلری معاینه ایتمه ملری
بالاآخره یولده تصادف اولنان فورطنه لر یوزندن مذکور باغلرک
کسیله رک سرنلرک طاغلمسنی، یعنی صالک بوزلمسنی انتاج ایتمکله حمله
ویوجلیرک تلف اولدقلری ده نادر دکلدر؛ لکن یرلیلر غایت عتیک
وچویک آدملر اولدقلرندن هر بری طاغیلان سرنلردن برینه صاریلوب،

[°] بر تويس بش قدم حساب اولنور.

اك يقين برلیمانہ قدر مذکور سرنلرك اوزرلرنده اولدقلرى حالده كیده بيلمكى بجررلر.

بو صاللىرى تشكيل ایدن سرنلرك اك قالينى ديكرلرلرندن زياده قىچ طرفه ممتد اولاندر. مذکور سرنك طرفينه برر سرن باغلا- ندیغى كى بونلرك دخى طرفينه برر سرن دها باغلانوب، بو وجهله مطلوب اولان عدد تمام اولنجيه قدر سرنلر ترتيب وبنده اولنور. سرنلرك عددی دائماً تك اولمق مقتضى اولوب، اورته دهكى قالین سرن دخى اومورغه عد اولنور.

بالزالرك بيوكلرينه (۲۵) طونه حموله تحمیل اولنور. هر نه قدر دها زياده يوك قالديرمغه متحمل ايسه لرده كنارلرلرندن اوزرلرينه صو چيقارق خسارى موجب اولماق ايچون مقدار مذکوردن زياده حموله ايله سفر ايتزلر. (۲۵) طونه حموله ايله اجراى سفر ایدن بر بالزانك اوزرينه دكر آشما دىغى كى سرنلرك آره سندن دخى صولر شيشه رك خسارى موجب اولماز. بونك سببى ايسه هوا فصل اولورسه اولسون صاللك هيئت مجموعه ليله برابر صويك حرکاتنه امثال ايتلريدر. بو صاللىر روزكار اوستنه اومورغلى بر كمى كى كيدرلر. پوپه سنه سيرايدرلر ايكن روزكارك اوكنده بلا انحراف و غایت منتظم اوله رق باش طوتارلر. بو ايسه مذکور صاللىرى اداره ايدنلرك دومن خدمتى ايفا ايتك اوزره قوللاندىقلى بر آلت ايله كوستردكلى بر مهارتدن ايلرنى يه كلكده در.

شویله كه، غورس (Guares) تعبير اولسان اوچ درت يارده طولنده و يارم يارده عرضنده بر طاقم تحتلرى صاللك باش وقىچ طرفلرينه و بيوك سرنلرك آره سنه عمودى بروضعيته صوقارق بونلرك بعضيلرني آشاغى سورمك و بعضيلرني يوقارى قالديرمق كى حرکات مخصوصه و متنوعه سايه سنده صاللك سرعتى آرتديرمق و باشنى

مراد اولنان جہتہ چویرمک واورصہ ایتدیرمک مانورہ لری نی سہولتہ اجرا ایدرلر .

فی الحقیقہ . یرلیر فن جراثقال قواعد ومعلوماتسندن بی بہرہ ایسہ لردہ بو آلت مفیدہ بی تجربہ لری دلائیلہ ایجادہ موفق اولمشاردرد . بو ایجاد نافع بر عصر مقدمہ کلنجہ یہ قدر اوروپا مہندسارینک نظر دقتلرینہ چار پاماشدر . اگر اوروپادہ اوللاری بیانمش اولسہ ایدی وقوع بولان دکر قضالرنده پک چوق نفوسک حیاتی قورتاریہہ بیلیمک ممکن اولوردی .

ازجلہ ، (۱۷۳۰) سنہ میلادیہ سسندہ بر جنوہ حرب سفینہ سی وی وور (Vivore) دہ قضا زدہ اولدی . بو کمینک طائفہ سی ساحل سلامتہ چیقماق اوزرہ موجود سرنلردن برصال وجبودہ کتیردیار ایسہ دہ دومناری اولمدینی ایچون حسن ادارہ سہہ موفق اولہ میہرق آقتیلرہ وروزکارہ قایدردقلرنندن سلامت یقاسنی طومتغہ موفق اولہ مدیلر . بومثالی قضالر اکثریاوقوع بولمقدہ اولدیغندن منع تکرری ایچون دون جورج جوان (Don Jorge Juan) ک ویرمش اولدینی تفصیلاتک بورایہ نقلی مناسب کوردک : —

شویلہ کہ ، رینو (Renau) ورنولی (Bernaulli) وپیتوت (Pitot) ک استدلالاتہ نظراً بر کمی یلکن آلتندہ اولہرق حرکت ایتدیکی وقلرندہ جہت حرکتی یلکنلرہ عمودیتی فرض اولنان بر خط مستقیم اوزرنندہ بولنور . کمینک صویہ اولان مقاومتی صویک کمی یہ اولان مقاومتی دیمک اولدیغندن ، صویک حرکت سفینہ یہ اولان مقاومتی دہ بالطبع یلکنلرہ عمود وروزکار آلتندن روزکار اوستہ طوغری اولور .

مقدار حرکتی مساوی ایکی جسمدن صویک بیوکنہ اولان تأثیری (مقاومتی) کچوکنہ اولان تأثیرندن زیادہ اولدیغندن ، اگر

اوکده کی — غورس تعبیر اولنان — سورکولردن بری صویہ سوروله جک اولور ایسه سال اورصه ایدہ جکی کبی اکر بو سورکو قالدیریلہ جق اولور ایسه بوجه لار، یعنی تکرار یولنه کلیر . بونی نظر دقتہ آلدیغمز صورتده اکر کیریکی سورکولردن بری سوروله جک اولور ایسه سالک بوجه لامسی واکر مذکور سورکو قالدیریلہ جق اولور ایسه اورصه ایلمسی، یعنی ینہ اسکی یولنه کلمسی اقتضایدیر .

هندلیلر (امریقا و جزائر بحر محیطک سکنه اصلیه سی) ک بالزاری روزکار اوستنده بولندیر مق ایچون اتخاذا ایتدکری اصول سالف الذکر تحتہ لک عددینی درت ، بش ، آلتی یه قدر تزید ایتمک و بو وجهله اداره ایلمکدن عبارتدر ؛ چونکه ، مذکور تحتہ لردن صویک آلتده نه قدر زیاده بولنور ایسه یانه اولان مقاومتده اونستنده زیاده اولور . سالار مطلوب اولان جهته سهولته سوق اولمق ایچون سالف الذکر تحتہ لرنجق بر ایکی قدم قدر صویہ سورولمک کافیدر .

یوقاریدن بری طریق استعمالی ارئه ایتمش اولدیغمز بوساج ماکنه لر ، انشالرنده سهولت اولوب ، جزوی مصرفله وجوده کلمکده وبر کمینک طاشیه بیلہ جکی حمله دن زیاده ودها آز مصرف وزحمته اشیا نقل ایتمکده اولدقلرندن الحاله هذه قوللانمقده درلر . انسانلرک تجارت و نقلیات ایله اشتغاله ابتدای تشبثلرنده نقل ایتدکری اشیا زانمژده کیلره نسبتاً هوا و صویک تأثیریلہ بوزلمغه استعدادی دها آز اولان شیلردن اولمغله نقلیات ایله مشغول اولان هر مملکت سکنه سی بو خدمتده بالزاری قوللانیرلردی . مؤخرأ رومالیرک ناویس اونہ راریسیا (Navis Oneraria) و یونانیلرک (فورتنوس) تسمیه ایتدکری نقلیه سفائی شکل و هیئتجه بونلره مشابہ اعمال اولنوب ، مذکور ایکی ملت طرفندن ترقیات بحریه نمونہ ابتدائیہ سی اولمق

اوزره وجوده کتیرلشالر وبونلرله عسکر وحموله ومهمات حربیه نقل ایدلدیکی کبی محاربه خصوصنده بيله قوللانلمشاردر .
 سفائنده یلکن استعمالنه «اسکی استانبول» محاربه سندن اون درت عصر اول فنیکه لیلرله قدیم یونانیلر طرفدن بدأ ایدلمش اولدینی حقیقه بر روایت موجود ایهده یلکنک کمیلره موافق بر صورتده تطبیقی اصل بونوع کمیلرک استعمالله برابر شیوع بولمشدر . بو کمیلر ملل مذکوره طرفلرندن ده صکره لری باشلیجه حرب ایچون انشا قلمش اولان «غالر» نامنده کی کمیلرله مقایسه اولندقلری صورتده جسامتارینه نسبتاً طاقه لری پک آز ایدی . بوده مصرف آزاومسی طمعندن ایاری یه کلشدر . سیرسفائ مسلك ملی اتحاد اولندیغی زمانلره کلنجه یه قدر هر مملکتده کمیلرک درلو درلو اسملری اولدینی کبی شکلری دخی پک مختلف ایدی . بوایه بعضاً احتیاج ایجابندن وبعضاً تصادفک یاردميله کیف مایشا یاپیلش اولملرندن ایاری یه کلشدر .
 مناسبت موقعیه دن طولایی کمیجیلک صنعتی کندیلرنجه مسلك عمومی اتحاد ایدن وبو صنعتده کسب ترقی وتمیز ایلین ملل قدیمه دن برنجیلری سالف الذکر مصریلرله فنیکه لیلر اولوب ، بونلری متعاقب یونانیلر دخی ترقیات بحریه جه اشتهار ایلمشلردر . حتی انشآت بحریه یی «تجاریه وعسکریه» اولق اوزره ایکی قسمه آیرانلر دخی یونا نیلر اولدیغندن انشآت بحریه تاریخلرنده ترقیات انشائیه نك مبادیسی یونانیلره اسناد اولنمقده در .

یونانیلرک سیرسفائنه ابتدای مباشرتلری زمانتی ده آراشدیره جق اولورایسه ك اولادنوحك روی ارضه انتشاری زمانه قدر ذهنلری ایاری یه سوق ایتك اقتضایدر ؛ چونکه ، یونان قدیم تاریخك اساطیره عائداولان قسمی دقتلیجه برنظر مطالعه دن کچیر یله جك اولسه تب قرالی آساماس (Athamas) ك کریمه سی هله (Helle) ایله برادری فریکزوس

(Phryxus) کویا رام (Ram) تسمیہ اولنان برقیونہ را کب اوله رق چناق قلعه بوغازنی مرور ایتمکده لر ایکن هله نك غرق وتلف اولمش بولندیغی وبوجهته مذکور بوغازه هله سپونت (Helles pont) نامی ویرلمش اولدیغی حقنده بر فقره یه تصادف اولنورکه ، ایسته بوندن مستبان اوله جغنه کوره هله نك را کب اولدیغی «رام» حقیقه برقیون اولیوب، بلکه قیون شکله قریب برچمده انشا ایدلمش وبومشابهتدن ناشی قیون دیمک اولان «رام» اسمیله تسمیه قلنمش برکی اولدیغنه حکم اولنه بیلیر .

بووقعه نك میلاد عیسادن (۱۴۰۰) وفنیکه لیلرک پایتختی اولان یر شهرینک بناسندن (۱۵۰) سنه مقدم وقوع بولمش اولدیغی صحته قریب اولمق اوزره تاریخلر خبر ویرمکده درلر . بونی ذکر ایتمکدن مقصدمز اوقار ایلق زمانلرده دخی دنیانک معلوم اولان قسملرنده کی سکنه نك ولو پک قبا برحالد اولسون سیر سفائله الفت ایلدکلرینی اکلتمقدن عبارتدر . ذاتابوفن عحیک قدمنی یوقاریده دخی سویلمش اولدیغمز وجهله نوع بشرک پک ارکن برزمانده روی ارضه انتشار ایلمش اولملری کیفیتده اثبات ایدر . اگر انسانلرجه اوزمان سیر سفائن معلوم اولماش اولسیدی برآ گیدلسی ممکن اوله میان محملرک مسکون اولماسی لازم کلیردی .

صحت وعدم صحتدن صرف نظر چینلیلر حکومتلرینک تاریخ تأسسنی (فوهی) دن اعتبار ایدرلرکه ، بوده همان طوفان نوحدن پک جزوی برزمان صکره اولوب، بزى بوکا اینانمغه تشویق ایدن ماده ایسه چینه نظراً ایتالیا ، فرانسه ، اسپانیا ودهاسائر اشتهار ایدمه مش مملکتلرده دخی تاریخلک بحثه شروعدن مقدم اهالی موجود اولسی وبالاخره بونلرک کچوک کچوک حکومتلر صورتند موجودیتلری حقنده کی معلوماتک دخی سیرسفائن سایه سنده میدانه چیقمش بولنسی کیفیتلریدر .

نه حاجت! تاریخک احاطه و شمولدن خارج بر زمانده حضرت نوحک سفینه معلومه بی انشا ایلمش اولمسی کیفیتی توراتک اخباریله ثابت اولدیغندن سیر سفائنک دخی بوزماندن ابتدا ایلمش اولدیغنی قبول ایتمک ضروریدر.

یونانستانک موقع جغرافیسی یاردمیله سکنه قدیمه سنک ترقیات انشائه خصوصنده فیکه لیلردن صکره اک زیاده شهرت آلمش بر ملت اولدقلرینی سویلمش ایدک! قدیم رومالیلر دخی یونانیلره پیرو اولمشلر ویاپدقلری کیلرده اکثریا یونان کیلرینی مودل اتخاذا ایلمشلردر. بومیانده اسمی ذکره شایان بر ملت دهاقالدیسه، اوده قارطاجه لیلردر. قارطاجه لیلر فیکه مهاجرلرندن بر شعبه اولوب، مرکزی قارطاجه شهری اولمق اوزره شمالی آفریقه ده بر جمهوریت بحریه تأسیس ایلمشلر و بو جمهوریتی قوه بحریه لری سایه سنده توسیع و تقویه ایددایدن دنیاده بحقی جهانگیر نامنه لایق بر دولت معظمه شکنه قومیشلردر؛ چونکه، قارطاجه لیلر فیکه لیلرکی یالکز تجارت بحریه ایله اکتفا ایتموب، کیجیلکدن، باشقه بریولده دخی استفاده طریقنی دوشونه رک کیلرینک شکل و صورتلرینی تبدیل و قوت و متانتلرینی تزید ایتمک مثالی انشآت بحریه جه بر بیوک ترقی کو سترملری سایه سنده تشکیل ایلدکلری جسم دونمالرله جزائر بحر سفیدک همان کافه سنی واسپانیا کی اوروپا ساحلرندن بعض قطعهلری دخی تسخیره موفق اولوب، آق دکزده شریکسز اوله رق اجرای حکم و نفوذ ایتمک بختیارلغنه نائل اولمشلردر. هر نه قدر رومالیلر بالاخره بو شانلی ملتکده محو و انقراضنه آت اولمشلر ایسه ده انشآت بحریه خصوصنده رومالیلره نمونه ترقی کو سترن اصل بوملت اولدیغنه تاریخلر بالاتفاق شهادت ایلمکده درلر؛ چونکه، بویکی ملت بیننده (یون) محاربه لری نامیله بر عصر دن زیاده امتداد ایتمش و نهایت قارطاجه لیلرک محولریله ختسام بولمش اولان

محاربات جسیمه نك باشلانغیچنده قارطاجه لیلر مکمل قوه بحریه به مالک اولدقلری حالده رومالیلرک دونمالری یوق حکمنده اولوب ، بالآخره فورطنه فلاکتدن ایتالیا ساحلرینه دوشن بر جسیم قارطاجه کمیسنی نمونه اتخاذ ایدهرک دونما انشا ایلمش اولدقلری توارنخده مقیددر ؛ فقط رومالیلر ترقیسی مقدر بر ملت اولدقلرندن یکانه مراجعتکاهلری اولان قوه فکریه لرینک یاردمیه کمیلرینک بورده لرینه متحرک وقانجه لی برر اسکله علاوه ایدهرک قارطاجه لیلرله وقوع بولان محاربه لرنده اشبو اسکله لرك اغانه سیله جنکاورلرینی دشمنلری اولان قارطاجه کمیلرینک گوگرتیه لرینه سهولته کچیرمک چاره سنی بولش اولدقلرندن بومانوره سایه سنده بیك ییالق قارطاجه کمیجیلرینه غلبه ایدهرک اق دکزده آنلرک یرلرینه قائم اولمشلردر .

شو تفصیلاتدن آکلاشلدیغنه نظراً طریق تمدن و ترقیده بحق ایلری به کیتمش اولان یونانیلر و قارطاجه لیلر و رومالیلر یکدیگر به معاصر اولوب ، هراوچی ده ملل بحریه دن اولدقلری و یکدیگرینک فنون و صنایعه کی ترقیاتدن مستفید بولندقلری جهته انشات بحریه خصوصنده دخی اشتراکلی اوله جنی درکاردر . بناء علیه ، حق تقدیمی حائز اولان یونانیلرک ترقیات بحریه لری حقنده ویره جکمز معلوماتک دیکرلرینه دخی شمولی اوله جنی خاطر دن چیقارلامالیدر . یوقاریده دخی بالمناصبه عرض ایلمش اولدیغمز وجهله قدیم یونانیلر انشات بحریه یی تجاریه وعسکریه اولمق اوزره باشلیجه ایکی قسمه آیرمشلردر . کرک « تجارت » و کرک « صرب » ایچون انشا ایتدکلی سفائی قوللانه ققلری خدمتله الویریشلی اولمق اوزره فوق العاده دقتی و اهمیتلی بر صورتده وجوده کتیررلردی . بولردن اول امرده باشلیجه تجارتده قوللانیلان کمیلر حقنده بر نزه معلومات و یرمک مناسب کورلمشدر . مثلاً بغدادی نقلنه مخصوص اولان کمیلرینک قسم

داخلیلرینی خدمات سائرده استفاده اولنان کمیلردن باشقه برشکده انشا ایدرلر و بو نوع کیلره (سیقی) تعیر ایدرلردی . اشیا نقلنه مخصوص اولان سفائن میاننده کثرتله مستعمل بر نوع کیلر وار ایدی که، بونلره (اولقاس) تعیر اولنوردی . شو زمانده قوللانمقده اولان وتکنه معناسنی افاده ایدن هالق (Hulk) ، هولکر (Holker) ، یاخود هووکر (Hooker) تعیرلری بوندن آلمشدر . بو شکل کیلر اولاً سکنه قدیمه شمالیه دن فیله مین (Fleming) لر طرفدن اتخاذ و قبول اولمشدر . ایدم، کرک جسامت لرینه و کرک صورت استعمال لرینه نظراً شمیدیکی کیلره تخصیص اولنان اسملر بوندن یکر می عصر مقدمکی کیلره و یریلن اسملردن آلمش اولدقلری بر حقیقت محضه اوله رق تبین ایلمکده در .

مثلاً نوروجیا وسائر ممالک شمالیه ده انشا قلنان سفائنه (سیفانی) ، یاخود سکیف (Skiff) و قاطه (C'trac) تعیر اولمشدر که ، کت (C'at) ، یعنی کدی لفظندن آلمشدر ؛ مع ذلك ، اکثری کیلر انشا قلندقلری محللرک اسملریله یاد اولنق دخی ازمئه قدیمه ده اتخاذ اولنان بر عادت مرعیه ایدی ؛ و بو اصول الحاله هده جاریدر .

مثلاً ازمئه قدیمه ده اوافق سفاهت کیلرینه فاسهلوس (Phaselus) تسمیه اولنوب ، سبب تسمیه دخی کیلیکه (Cilicia) ، یعنی اطنه) ده کائن پامفیلیا (Pamphylia ، یعنی آطالیه) قطعه سنده کی فاسه لیس (Phaselis) شهرینه انتسابی اولماسندندر . بو نوع کیلر زمان قدیمه بک زیاده قوللانیلرلر و موده عد اولنورلردی .

تراس (Thrace ، یعنی روم ایلی) قطعه سنده کائن اولان سایداروس (Cydarus) نهرنده قوللانیلان کیلره دخی نهر مذکورک نامی ویرلمکده ایدی . یونان دکزنده کائن پاریمان (Parian) اطهلرنده انشا قلنان سفائن صغیره ده دخی پارون (Parone) تسمیه اولنور

و جزائر مذکوره سکنه سی طرفلرندن هان عمومیتله قوللانیلردی .
 ینه بونوع کیلردن مایوپارون (Myoparone) تعیر اولنانلره
 دخی مایوپارو (Myoparo) نامنده سیرا کوزه (Syracuse) لی
 برقورسان طرفندن ایجاد اولندقلرندن طولای نام مذکور ویرلمشدر .
 رومالیر طرفندن امور تجاریه ده استخدام قلنان بیوک بر کمییه
 مأکولات معناسه اولان سیبوس (Cibus) لفظندن کنایه اوله رق
 سیبه (Cybea) نامی ویرلمش اولدیغی مؤرخ چیچرو (Cicero)
 خبر ویرمکده در ؛ وسائر یونان و روما مؤرخلری دخی بو حقیقتی
 مؤید اوله رق بعض مثاللر ایراد ایلمکده درلر . مثلاً انکلیزلرک [۹]
 جولی بوت (Jolly-boat) تعیر ایتدکلری پتالیه لر بچمنده وهان
 شکل مدوریده انشا قلنان بر صنف سفائنه لاتین لساننده سوت
 کردلی معناسی مفید اولان قائلوس (Gaulus) تعیری ویرلمشدر .
 سبت معناسی افاده ایدن قوریس (Corbis) لفظندن مأخوذ
 اوله رق قوریته (Corbitae) تعیر اولنان بر صنف سفائن دهاموجود
 ایدی که ، بونلره قوریته تسمیه اولتمقلغک سبی دخی یولیئوس قیصر
 بریتانیای استیلا ایتدیکی زمان اوراده کورمش اولدیغی قایقلره
 تقلیداً انشا قلنمش اولملریدر .

قائودیه (Caudicae) تعیر اولنان صالره دخی بونامک ویرلمسی
 اغاج گووده سی معناسه اولان قائودکس (Caudex) لغتندن ایلری
 کلشدر . بارکی و سوار ی نقلنه مخصوص کیلره ویریلن هیپاجین
 (Hippagine) نامی دخی روجه بارکی معناسه اولان (ایروس)
 لفظندن آلمشدر . مؤخرأ عثمانیلر طرفندن دخی بارکی نقلنه مخصوص
 اولان سفائنده (آت کیسی) نامی ویرلمشدر .
 نهرلرده استعمال اولنان دوبلره انگلیسه (Anglice) تعیر

اولنوردی. لسان یونانیده چاشیر تکه نسیم دیمک اولان (لینوس) لفظندن مأخوذ لیترهس (Lintres) تعیری دخی دیی دوزفلک لره تخصیص قلمش ایدی. شمذیکی ماونه لره مشابه اولان کیلره ده راتیاریه (Ratariae) تعیر اولنوردی. بونلر قاتودیه تعیر اولنان صالمرک ترقی ایتیش برنوعی اولوب : قاتاسقوپئوم (Catascopium) تسمیه قلنان کیلر دخی یونانیلرک (مصریئار) تعیر ایتدکری تفتیش وترصد و اخبار مأموریتندمه مستخدم کیلره نظیره اوله رق وجوده کتیرلش کچوک تکه نلر ایدی.

کرک سالف الذکر سفائن و کرک آتیده ذکر اولنه جقلر قدمانک تجارت بحریه ژورناللرندمه اسملری مذکور اولان سفن مختلفه دن عبارتدر. اگر مؤرخین قدیمه نک اخباراته اعتماد ایدیله جک اولور ایسه سفن مذکوره دن بعضیلری تعجبی دعوت ایده جک درجه لره جسامتلی ایشلر. از جمله، سیراکوزه قرالی هیرو (Hiero) نک امتعه نقلی ایچون (۴۰۰۰) طونیلاته حموله استعابنه الویریشلی برسفینه انشا ایتدیرمش اولدینی روایات تاریخیه دندر.

مصریلرک دخی بوندن دهها قدیم بر زمانده (۱۸۰) قدم طول، (۴۵) قدم عرض، (۴۳) قدم عمقنده (گوگرته دن سنتنه یه قدر) وایزس (Isis) نامنده برکمی انشا ایتیش اولدقلری منقولدر.

بوکینک ابعاد مذکوره سی (۱۸) نجی عصر میلادی نهایتلرندمه یایش اولان برنجی صنف کیلردن چوقلق اختلاف ایتور. انجق عرضنه نسبت طولی زیاده در. ابعاد معلومه سندن حوله طونه سی حساب اولدینی صورتده (۱۹۰۰) بولتقدده اولدیفنه نظراً اشبو معلومات بزه اسکی زمان آدملرینک افاده لرندکی مبالغاتی کوستر مکده در؛ چونکه قدیم مؤرخلرک اخباراته نظراً کویا بوکی بر سفرده بتون یونانستانی اداره ایده جک قدر ذخیره نقلنه قادر ایش.

اسکندریه اهالیسنک انشات بحریه خصوصنده کی اقتدارلری بوکمی وجوده کتیرمش اولدقلری زماندن براق عصر صکره نظر

دقتہ چارپاجق درجہ دہ ترقی کسب ایلمش و خیلی جسم کیلر انشا
ایتمش اولدقلری روایت اولنمقدہ بولنمشدر. خلاصہ ، قدمانک مبالغہ
لرینہ بر نظر مسامحہ عطف ایله دیہ بیلیرزکہ، انشاآت بحریہ پک سرعتی
بر صورتہ ترقی ایتمش و بعض مملکتلر دہ فن مذکورک کشفی عقبنده
ترقیسی دخی مشاہدہ اولنمشدر .

بناءً علیہ . ازمنہ قدیمہ دہ قوللانیلان سفائنک بر اصول وقاعدہ
فنیہ یہ توفیقاً انشا قلمش اولدقلرینی قبول ایتمک ضروریدر؛ چونکہ
مذکور «ایزیس» نامندہ کی کمینک ابعادی زمانزدہ کی یاییلان کیلرک
ابعادندن پک جزوی اختلاف ایتمکدہ اولوب، فقط تفصیلات سائر سہ
دسترس اولنہ مدیغندن قدیمیلرک کیلری حقندہ فضلہ معلومات اعطاء
سندن عاجز ز .

سفائن مذکورہ نک انشا و تجهیزلری خصوصندہ قوللانیلان اشیا
وادواتک نہ کی مادہ لردن عبارت اولدینی ایچون دخی یاییلدقلری
موقعلرک احوال طبیعیہ سیلہ احتیاجات زمانہ نظر دقتہ آلتق مناسب
اولور .

هر مملکتک احوال طبیعیہ سنہ گورہ کرستہ و محصولات سائرہ سی
جزوی، کلی تحالف اوزرہ اولدیغندن انشاآت بحریہ ایله مشغول
اولان ارباب صنایع سالف الذکر کیلری مملکتلرندہ حاصل اولان
وسائطلہ وجودہ کتیر مشلر درر . سروی، میشہ، جام، قزل اغاج
وسائرہ علی مراتبہم انشاآت بحریہ دہ قوللانیلمشدر و خلاصہ، ابتدالری
مراکب بحریہ یالکز بر اغاج گوودہ سندن قبا بر طرزدہ اوپولوب،
یاییلیرکن تجارت طمعنک سوقیلہ صکرہ لری انجق بر قوجہ اورماندن
بر کمی وجودہ کتیر مکہ باشلانلنمشدر .

اوچنجی فصل

تجارتك صورت ظهوريله سیر سفائی میدانه
چیقار مق استعدادی :

بت پرست شعرای قدیمه سی غولدین ایچ (Golden age)، یعنی عصر زرین) تعبیر ایتدکری قدمی لایقوله تقدیر اولنه میان زمانلرده کی انسانلری ساده لك و صافدرونلق حالنده فرض ایدرلرکه، بو زمانلرده « تجارت »، طمعکارلق و معیشت سفیهانه کبی ایکی مستقل خصیصه نك آردسنده صیقیشوب قالمش و ماهیتی میدانه قویه بیلمك استعدادندن محروم بولنش ایدی؛ چونکه، طمعکارلقله معیشت سفیهانه دنیاده میدانه چیقار چیقماز بولرک ولدطبیعیسی حکمنده اولان « تجارت » دخی کندیسنی کوسترمشدرکه، بو جهتله سالف الذکر ایکی خصیصه یه « تجارتك ابوینی » در دیمك وجوب ضروری صره سنه کچمشدر.

اوزمانلر کره ارضك معلوم اولان اقسامی اوزرنده تأسیس قلنان مستعمره لر نوع بشره محصولات ارضیه و صناعیه نك فهرسلرینی و اوزاق محللرده بولندقلرینی و انسانك ذوق و حضورینی اکال و مسعودیت حیاتیه سنی اضافه ایتدکلرینی و کندی وطنلرنده کال ایله حصوله کله میه جکلرینی ویتشدکلری مملکتلرک آب و هواسنه و صفوق و صیجا غنك درجه سنه و طبیعت مخصوصه سنه نظر آ کندی مملکتلرنده حاصل اولانلردن فرقلی بولنه جقلرینی بیلدرمکه واسطه اولمشلردر.

ایشته بو سبیدن ناشیدرکه، یکدیگرندن اوزاقده بولنان ملتلر بیننده بو نوع مراسلات احتیاج صورتی آله رق « تجارت » نامی

میدانه چیقار مشدر . نوع بشرک احتیاج مفروضی اکاله واسطه یکانه و چاره قطعی عد اولنان « تجارت » آرمسی چوق کچمه دن بر اهمیت سیاسیہ میدانہ کتیردی . تجارتک بو وجهله حصوله کتیرمش اولدیغی اهمیت سیاسیہ اول قدر عظیمدرکه ، ظهورینی متعاقب طبیعت ثانیہ حکمنه کچمش و بونکله خواهشکارانه الفت و اشتغال ایدن ملتړک همان کافه سی کویا احتیاج مفروضلرینی ازاله یه باعث اوله جق محصولات و امتعه نفیسه نك مخرجی اولان مملکتلری بیله محروم براقه جق و خراب ایده جک درجه لرده اولاو منحصراً کندی مملکتلرینه کلمسنی ایسته مک کبی بر طلب غیر مشروعه قیام ایلمش لر و ترویج مقصدلرینه خادم اوله جق هر نوع فدا کارلقلرک اجرا سندن ده چکنمه مشلردر .

سوزمړک بر حقیقت محضه اولدیغی بوکبی تدایره تثبث ایتمه مش اولان ملتړک تاریخنه مراجعتله اثبات ایده بیلیرز . از جمله . چینلیرک تاریخنه بر نظر عطف ایدیه جک اولسه حقیقت دعوا کندیلگیله تعین ایدر . بوملتک تاریخنه واقف اولانلردن بر طاقملری دوچار اولدقلری استغرابک ذهنلرینی تشویش ایتمی سببیله هر نه قدر ملت مذکورده نی حال طبعیلری اوزره یشسامقدن عبارت اولان تعصلرندن طولانی تحقیر ایدر لر ایه ده بر طاقملری ده استحسانه و حرمت و رعایتله تلقی یه مجبور اولورلر .

چینلیرک ساکن اولدقلری قطعه ارض شمالدن جنوبه قدر (۱۳۰۰) میل امتدادنده و انسانک هر درلو هوسات و اشتها سنی تسکین ایده جک اولان محصولات متنوعه نی جامع بر مملکت وسیعه اولمغله سکنه سنی ایسته دکلرینی بولمق و احتیاجلرینی ازاله ایتمک ایچون اراضی سائر کشفی و دنیانک سائر جهتلرینه مراجعت مجبوریتی اذیتندن وارسته قیلمش و خلاصه ، مستقل و مسعود بر حالده بولندیرمش ایه ده حدودی دها و سعتسز و محصولاتی کفایتسز اولان سائر مملکتلرده امر بر عکس اوله رق مشاهده قلمشدر .

ایشته انسانك مجبول اولدینی دها بر طاقم امراض نفسانیه دخی بو مقصدك ترویجی اوغورنده اجرای عملدن کیری قالمایه رق « تجارت ملك باعث ترقیسی اولدینی » دعواسنی میدان چیقاروب، بونك نتیجهسی اوله رق هر ملت متبوعلری اولان دولتلری تشویق و ترغیب ایله آخرك ملكنه تجاوز ایتك و قویلر مقصدلرینی ضعیفلره قبول ایتدیره رك بر طاقم معاهدات ایله ده تأمین ایلمك کبی فنالقلره میدان آچلمش و الحاصل، بین الملل تاریخلرك خبر و یردکاری محاربات عظیمه وقوعه کله رك « تجارت » نامنك لکه لفسنه سببیت و یرمشدرد. قرون اخیرده نفوس بشرك تزايدی جهتیله تجارتك آرتق عاداتا احتیاج قطعی رنكنی آلمش اولدینی مجبوری طرفدن بیان وادعا قلمقده در. فی الحقیقه، نفوسی دائماً زیاده لشمكده اولان مملکتلرده اهلینك بر قسمی ممالك بعیده کوندریله رك اورالرده بر طاقم مستعمرلر تأسیس قلمش اولمغله بویکی مستعمرلره یرلشمش اولان اهالی بولندقلری طوپراقلره مخصوص اولان محصولاتی وطن قدیملرینه کوندرکاری صورتده هم منویتی موجب اوله جغنی، همده فوق العاده استفاده ایده جکلرینی اکلا دقلری کبی اسکی مملکتلرنده بولنوبده یکی وطنلرنده یتشمه یلری دخی کتیرمکدن کندیلری منون و مستفید اوله جقلرندن بو کبی مستعمرلر تجارتك دها زیاده رواج کسب ایتسنه باعث اولمشلردر؛ فقط طمع و رقابت سیئه سیله تجارتك دوام و حمایه سی و ترقیسی اوغورنده صرف اولنان امکدر و دوکولن قانلر و اوغرائیلان سفالت وزیانلر دخی بو یوزدن حصوله کلن منافعه غلبه ایده جك درجه لرده اولدینی انکار اولنه ماز.


ایشته بو سببدن طولایی تجارتله محاربه بیننده بر مناسبت و قربیت قویه موجود اولدینی مشاهده قلمقده در که، هر نه قدر بویله بر اتحاد فی نفس الامر طبیعته مغایر و غریب کبی ظن اولنور ایسه ده اك قدیم


زمانلردن بری اجرای احکام ایلمکده وعصر حاضرده دخی حکمی باقی وشدله جاری اولدینی کورلمکده در . «تجارت» نام عمومیسيله اجرا قانمقده اولان اخذ واعطا معاملاتی وجوده کترین وترقی وتوسعی تسهیل واکاله خادم اولان واسطه مستقله «سیر مفائده» اولدیغنه نظراً بوضعتیه وقوف کسب ایدلمکجه حصول مقصده موفقیت مستحیل اولدینی تبیین ایتمکه تجارت یوزندن مستفید اولمق املنده بولنان هر ملت بهمه حال بوضعتک تحصیل وترقیسنه کمال گرمی ایله جهدو غیرت ایلمشله ومستعمرات ایله جریان ایدن مخابره ومراسله لرینی تریمده دوام ایده کلمشله در .

بوضعتدن ابتدا استحصال منافع ایدن ملت فنیکه لیلر اولوب ، بالاخره ملل سائرده دخی بونلری نمونه اتخاذا ایدره ک استفاده یه باشلامشله وبو طریق ایله تجارت هوسی برعلت مسئولیه مثالی آز زمان ایچنده دنیانک هر طرفه انتشار وسرایت ایلمشدر . فنیکه لیلر تجارتیه ایلک اوکجه تشبث ایدن برملت اولدقلری حالده هرگونه تدابیر وحرکاته توسل ایدره ک کندیلرینی ازمنه قدیمده تجارتیه مألوف اولان بالجمله ملتله ک قوتلیسی اولمق اوزره طاتمشله در .

فنیکه لیلرک تجارتجه ترقیلری هر نوع اسبابه توسله حصوله کلدیکی نظر مطالعه یه آلتیجه تجارتی مسلك اتخاذا ایدن ملل سائرده ک دخی نائل ترقی اولمق ایچون بونلرک اثرلرینه اقتفا ایتمش اولدقلری حقیقی طبیعتیه میدانیه چیقار .

فنیکه لیلر ده حال طفولیتلرنده ایکن بیلده درعهده ایتمش اولدقلری امور تجارتک منافعی کندیلرینه حصر ایتک اوزره کمال حرص وانهماک ایله بلافاصله آیش ویریشده دوام ایدره ک بو غیرت فوق العاده لری سایه سنده بالطبع جوارلرنده بولنان ملتله وخصوصیه سوریه لیلره تفوق ایلمشله در . گرچه سوریه لیلرده تجارت میداننده





فیکه لیلر قدر قدیم ایدیه لرده تدبیر سز لکلری سیئه سیله فرات و بحر سفیددن یوزلرینی چویروب، شرقی آسیایله بر تجارت داخلیه باشلامش اولدقلرندن قوهٔ بحریه لری محو اولمش وبالا خرده فیکه لیلره نسبتاً پک کیریده قالمش لردر.

فیکه لیلر بالاده دخی ذکر اولندیغی وجه اوزره قرارلرنده ثبات ایدوب، اللرندن کلدیکی مرتبه مسالک لری نك ترقیسنه سعی وغیرت صرف ایتمشلر و کندیلری ایچون لزوم قطعیمی اولاندن فضاه و دکزدن باشقه بر الکا صاحبی اولق حرص و طمعنه دوشمه مکدن عبارت بر فکره خدمته دنیانک سائر جهتلرند ساکن اولان اهالینک حظوظات نفسانیه سنی تدارک واعطایه خادم اولق خصوصنه قناعت ایلمش لردر. [موخر آفلنکیلر دخی بویه بر فکره خادم اولدق بخرآ پک بیوک بر اهمیت قزائمشلر ایدی]

او زمانلر فیکه دن اوزاق بولنوبده معلوم اولان مملکتلر پک آز اولدیغی حالده فیکه لیلر سیر سفائنه وقوعی محقق اولان هر نوع مشکلاته قاتلانهرق ده بر طاقم ممالک کشفنه غیرت ایدرلر وموفق اولدقلری صورتده او مملکتی بالاطراف معاینه ایدرک تجارتی رواج کسب ایده بیله جک بر متاع بولق املیه دائماً تحریدن کیری طورمازلردی.

اوزمان وحشی و باربار اهالی ایله مسکون اولان بریتانیا اطه لری بولره پک اوزاق اولدیغی کبی دکز سفری جسارتلرینی کسر ایده جک قدرده تهلکه لی اولمدیغندن جزیره مذکوریه کشفه موفق اولمشلر وقلاهی معدنی بوله رق تجارتنه باشلامش لردرکه، معدن مذکورک « قاسیتروس » لفظ ایونانیسندن آلمش اولان قاسیتریده س (Cassiterides) اسمیه توسیم قلنمش اولسی بونی اثباته مداردر.

فنیکه لیلرک بریتانیایی کشفه و قلائی معدنی اخراجنه موفق اولملری سیرسفان و تجارتله توغلارینک دوام و ثباتنده کی قوتی ارائیه کافی اولغله کندیلرینه دهاییقین و کیدوب کلسی دهایی قولای اولان مملکتلرله دهایی وسعتلی و دواملی بر تجارت اجرا ایتمش اولدقلرینه شبهه ایدیه مزه. فنیکه لیلر باشلیجه بحر سفید سواحلینده بولنان اسپانیا. ممالک بربریله قره دکز و آزاق دکزی حدودلری اوزرنده بولنان مملکتلر اهالیسیله تجارت ایدرلر و بو مملکتلرک هر برنده دپولری بولنوب، آجتهلری واسطه سیله ممالک مذکورده محصولات ارضیه و امتعه تجاریه سنی بودپولره جمع ایله بالآ خرده بازارگاه اولان محللره کوندیرلردی. بوچالشقان اهالی تزید ثروت ایچون دائمی سعی و غیرتدن کیری طور- میهرق شعبات تجارتک کافه سنی الارنده بولندیر مق هوسیله هم خارجاً. همده داخلأ تجارت ایدرلر و ترانسپورت (Transport) اصولیه دنیانک هر جهته کافه لوازم بشریه نی نقل ایدرلردی.

نوع بشرک محتاج اوله بیله چکی دنیانک هر طرفده چیقان محصولات بولنرک مملکتلرنده طویلانمش اولدیغندن اسکی زمان خلقی عننده فنیکه قطعه سی بر جسم آنباره تشبیه اولنوردی. فنیکه لیلر تجارت خصوصنده اجنبیلرک کندیلرله رقابته قالدیشه جقلرندن شبهه لهرک پک زیاده احترازده بولنورلر و بو امتیازک الارندن چیقا جغندن زیاده سیله قورقارلردی.

درجه احترازلرینه بر مثال اولمق اوزره منقولدرکه، کیملرندن بری بر اجنبی مملکته گیدرکن باشقه بر اجنبی کمیسی گوروب، بو کمینکده کندی یوللارینه دوام ایتمکده و عادتاً کندیلرینه رفاقت ایلیمکده اولدیغنی آکلاینجیه درعقب یوللرینی دکشدر مشلر و مذکور کمیدن اوزاقلاشمغه غیرت ایتشلر ایسه ده آرقه لرینی بر اقامقده اولدیغندن چاره سز قالوب، قصداً کندی کیملرینی غرق ایله نفسلرینی تلف ایدرک

ملتيرينه مخصوص اولان تجارت امتيازى اجنبيلره قابدرماق ايچون بومئلى برفداكارلق اجرا سندن كيرى طور مامشلودر .

خلاصه سائر ملتلك رقابتيرينه ميدان ويرمه مك اوزره دكرك هر كونا تهلكه سنى كوزده آديره رق مناوبه ايله قورصالق ايدرلر وديساده بولنان ملتلك كافه سنه بردن خفيا اعلان حرب ايدوب . دكرده كنديلرندن ضعيف بر كمى به تصادف ايتدجه باطرمق و طائفه سنى غرق و تلف ايتك كې مظالم ايقاعندن كيرى طور مازلردى .

مؤرخلردن بعضيلرى فنيكه ليلرك بو كې حركاتى مشروع كوستر . مك و تحسين ايتكده ايسه لرده تجارت نوع بشرك حق مشتركى اولديغى حقيقتى نظر انصافه آلتجه افعال واقعه مذكوره نك غير مشروع و مقدوح اولديغى تصديق ايتك ضرورى اولور .

فنيكه ليلر كنديلرينه عظمت قزانديرمغه واسطه اولان قوه بحريه لرينى دائما خاطرلرينه كتير مك و كوزلرى او كنده بولنديرمق ايچون سكه لرينك اوزرينه بر كمى باشى رسم ايدرلورى . روماليلر طرفندن بالآخره بونلره روسسترام (Rostrum) ، يعنى « تيغ » تسميه اولنمشدر . مذكور سكه لر غايت عتيق اولدقلى كې ، اوزرلرينه كمى باشلرينى رسم ايدن استادلر دخی مهارتسز اولدقلى بونلردن فنيكه ليلرك قوللاندقلى كميلرك اشكال و خواصنه دائر يك از معلومات استحصال اولنه بيلمشدر ؛ فقط غايت جسيم و مفصل اوچ جلددن عبارت بر انشائيه تاريخى يازمش اولان انگليزلى جون قارنوك (John Charnock) ك افاده سنه نظراً فنيكه سكه لرندن اله بولنوبده كوزل محافظه ايدلمش اولانلرينك معاينه سندن ملت مذكوره نك قوللانش اولدقلى سفائن روماليلرينك عيني اولوب ، يالكز روماليلرنده مشهود اولان تزينات بونلرده موجود اولديغى آكلاشمقده بولنمشدر .

بوندن آکلاش دیغنه نظراً بالآخره امور دیدہ ک و تجربہ کارلق
سایہ سنده حصولہ کلن ترقی ایله انسان کیلرک یالکز احتیاجہ خادم
اولہ جق رادہ دہ قلمسنہ قانع اولہ میہرق گوزہ دہا گوزل گورنملری
ایچون یچملرینی دخی اصلاحہ چالشمشدر .

خلاصہ ، فنیکیلیر دنیانک اقسام سائرہ سی علیہنہ برخیلی زمانلر
حدوبایانی اولمیان مظالمی روا گوردکن صکرہ غرور وعظمتلری
مدہش برحائلہ تصادفلہ رھین زوال اولمشدر . بوندہ شایستہ اولدقلری
وجہلہ ایرانیلرک یدتغلب وربقہ اسارتہ گچملری اولوب ، بوندن
صکرہ بردہا تجارت میدانلرنده اسملری ذکر اولنماشدر . فنیکیلیردن
صکرہ قدم وقوت جھتیلہ ذکرہ شایان اولان ملت قارطاجہ لیلردر .
قارطاجہ شہری بالادہ ذکر اولندیی وجہلہ تیردن کوندریلن
مہاجرلر طرفندن بحر سفید سواحلندہ وجودہ کتیرلمش اولان
مستعمرلردن بریسی وفیکہ شعبہ لرینک اک قوتلیسی ایدی .

بونلر منشأ اصلیلری اولان وطنک اصول جاریہ سنہ امثال ایله
ہم تجارت ، ہم دہ محاربہ خصوصلرنده بریوک اہمیتی حائز اولوب ،
اینانلمز برسرعتلہ ترقی ایدہ رک بین الملل غایت مهم برموقع سیاسی
احراز ایلمشلر وبو سایہ دہ برچوق عصرلر دنیانک حاکمی مقامندہ
بولنمشلردر . قارطاجہ لیلر ایشتہ بو وجہلہ کسب ترقی ایدہ رک فنون
بحریہ دہ زمانلرینک فریدی اولدقلرندن اوروپانک سواحل شمالیہ سیلہ
آفریقہ نک شمال غربی جھتی کشف وتحقیقہ موفق اولوب ، عصر -
لرینک جغرافیاسنہ علاوہ معلومات ایلمشلردر .

تجارت بحثہ کلنجہ ، بونلرک « بری و بحری » ایکی نوع تجارتلری
اولوب ، تجارت بریلری لیبیالیر ، حبشیلیر ، سودانیلیر ، سیرہ نائیقلیر ،
مصریلیر ایله اجرا اولنوردی . بحرأ دخی جزیرۃ العربدن انواع
احجار ذی قیم ومرصافی وکونلک واینجو وآثورینک منسوجاتیلہ

قالیچه لری و چینک حریرینی و هندستانک بهارات و پاموق و چوید و آلتون و انجوسنی و یونانستان ایله ایتالیا و سیجیلیه نك روغن زیت و شرابی و بحر بالطق سواحلدن و انگلتره دن قلاى و کهربا و اسپانیادن گموش و قور-سیقه ایله بالئار اطه لرندن بال و بالموى و ساردانیه دن باقر و تیمور و معادن سائره جاب ایدرلر و بونلری یکدیگریله مبادلله ایدرک پك زیاده انتفاع ایلرلردی ؛ فقط عاقبة الامر هم عصرلری بولنان دیکر دولترکی بونلرده کندیلرندن زیاده ابراز مهارت و ارائه تدبیرایدن نوظهور بر ملتک اوکنده بیون امکه مجبور اولدیلر . بومات ایسه روما ملت معظمه سیدرکه ، اوشنمک و یورلمق بیلمز اولان چالشقا - نلغی سایه سنده بر طاقم مجادلر و اوزون محابه لر دن صکره قارطاجه - لیلری دخی ربه محکومیتی آلتنه آلمش و گرداب محوہ طوغری سورویوب کوتورمشدر .

قارطاجه لیلرله هم عصر اولوب ده قوه بحریه صاحبی بولنان اسکی ملتردن اک زیاده اشتہار ایدنلری یونانستانک مواقع مختلفه سنده تأسس ایدن جمهوریتلر اولوب ، فقط تجارت نقطه نظرندن باقلدیغی صورته یونانیلر پك کیریده مشاهده قلنمقده در ؛ چونکه ، یونانیلرک مقصدلری هم جوارلری بولنان ملتره کندیلرینی فائق گوسترمکدن عبارت اولوب ، بونلر نظرندہ تجارت ایکنجی درجه ده اهمیتی حائر عد اولنوردی . یونانیلر دشمنلری علیهنه استعمال اولنه حق وسائط حربیه نك امر تدارک و احضاری ایچون لزومی اولوب ده کندی وطنارنده حاصل اولیان ویا کفایت اتمین مالزمه یی ممالک اجنبیه دن نقل ایله اکتفا ایدرلر ؛ و باشقه درلو تجارتہ تشبیدن توقی اوزره بوانورلردی . بوجهته یونانیلر آره سنده تجارت اویقوده ایدی دیمک طوغری برسوز اولور .

قارطاجه لیلر ایسه . وطنلرینی پك چوق زمانلر دنیانک ذخیره

آنباری متاہسندہ بولندیر مشلر ورقیلری اولان روما جمهوریتک یدتغلبنہ گرفتار اولنجه یه قدر مسلك متخذلری اولان تجارتہ دوام ایلمشدر . تجارت تزید ثروت و عمران مملکت ایچون الزم عد اولندیغی حالده مغرور و عظمتلی اولان روما خلق بوکا لایق اولدیغی درجه ده توسل و اعتبار ایتمزلدی . خصوصیلہ پاتریچی (Patrician) لر ایچون تجارت قانوناً ممنوع اولوب ، انجق دون پایده بولنان اهالی ایچون مجاز ایدی ؛ فقط امر حمایه و محافظه سی اهم امور دولتدن عد اولنوردی .

بنابرین ، رومالیر قارطاجه لیلرک تجارت سایه سنده نائل اولدقلری ثروت و سعادت و بو ثروت و سعادتک محافظه و تکثیری خصوصنده حائز اولدقلری اقتدار و لیاقتہ آشوری درجه ده حسد ایدرک رقیلری صرہ سنه گچمشلر و اولانجه قوتلریله علیہلرینه قیام ایدرک دشمنلریغی محو ایدنجه یه قدر اوغراشمشلر ایسه ده ، بلا سبب و محضا حسد بلا سیله حقوق ملی پامال ایلدکلرندن طولایی تاریخ نظرندہ مسئول قالمشدر .

خلاصه ، دنیاده شجاعت و غیرتله اشتہار ایلمش اولان قارطاجه لیلرک و بولندر غلبه ایلہ شان قزانش بولنان رومالیلرک وازمنه قدیمه نک اک مشہور ملت لرندن معدود بولنان یونانیلرک تجارتہ متعلق وقوعات تاریخیه سندن بوراده ها زیاده بحثه کیریشمک صدک خارجندہ اولدیغی اجلدن صرف نظر قلنمش و اوزمانلرده تجارتلہ مألوف اولان سائر ملت لرک دخی اتخاذ ایتش اولدقلری اصول یکدیگرندن پک جزوی فرقلی اولمغله بولنردن آری آری بحث ایتک غایت مشکل و عاداتا غیر ممکن اولدقن باشقه بر فائده یی ده انتاج ایلمیه جگندن لزومسز گورلمشدر .

دردنجی فصل

انشاءات بحریه وسیر سفائنك ترقیسیله خصوصات
حربییه تطبیق :

فطرت بشریه مقتضاسنددرکه، انسان طاب و تحریدن بر آن خالی
قلماز و هیچ راحت طورماز اولان فکرینك سوقیات متوالیه سنه تابع
اوله رق آرزو ایتدیکی بر شیئه نائل اولمق ایچون هر بر فداکارلغی
اجرادن ولزوم کوریلور ایسه حیاتی بیله تهلمکه یه القادن کیری
طورماز .

بناءً علیه ، بوندن مقدمکی مبحثده بیان وتفصیل قلنان اسباب
متنوعه دن ناشی کار و تمتع هوسیه تجارته تشبث ایتك سوداسنده
بولان ملل مقدمه آرزولرینك حدالغایه سی اولان و « عنصر مهلك »
نامیه توسیمه شایان بولان دك زلری آشمق وطولاشمق چاره سنی
حصوله گتیروب ده طریق عزملری اوزرنده بر حائل مدھش مثابه سنده
اولان بو برنجی تهلمکه یه غلبه ایتدکن و بویوزدن چکمکده اولدقلری
قورقولری ازاله یه موفق اولدقدن صکره فوق العاده برچالشقا نقله آز
زمان ایچنده معلوماتلرینی توسیع ایدهرک یغما گرک و سائره مقصدیه
وقوع بولان محاربات مهلمکه ومهاجمات شدیدده تأمین مظفریاته مدار
اولمق اوزره نتایج تجارب اوله رق کشف واستخراج ایده بیلدکلری
مانوره وقواعد حربیه یی دکزلر اوزرنده دخی تطبیقاته قالمشمشلردر .
همان فوق الطبیعه دینیه بیله جك بر حرص و طمع الجاسیه بین الملل

یغما گرلک و توسیع ممالک فیکر لرینک ساحۂ ظهورده دهشتنا اولسی
انشاآت بحریہ فننک « غالی » تعیر اولنان جنک کیملرینی وجوده
کتیردیکی دور ترقیه منسوب اولوب؛ و بوترقینک حصوله کتیردیکی
اقتدار فوق العاده دن ناشیدر.

ترقیات بحریہ نك نمونۂ مجسمه سی اولدقلرینی گوسترن غایلر .
اوللری امثالی نامسبوق محاربات شدیدہ میدانہ کتیروب، سطح ارضی
اشبو محارباتک مصائب مدہشہ سنہ اشتراک ایدر بر حالہ قویمش اولان
برنوع کیملر در . مال متقدمہ طرفلرندن بونوع سفائن اول قدر سرعت
و کثرتله انشا قلمشملر و اول قدر چاپک میدانہ چیقارلمشلر درک . گویا
سحر ایله وجود بولمشلر گبی پک آز بر زمان ایچنده بتون دکزلرک
اوزرلری بونوع سفائنندن مرکب دونمالرله قاپلانمشدر .

هله بودونمالر آره سنده وقوعه گان محاربات عظیمه اول
قدر شدتلی و دهشتلی بر صورتده اجرا قلمشدرک ، مبالغه یه التفات
ایلمدیکیمز حالده بیله دوکولن قانلر او قوجه دکزلری قزل رنکه
بویامشدر دیمکدن کندی میزی کیری آله مامقدمیز !

وقوعات ماضیه نك صورت جریانلرندن باحث منابعده مشهود
اولان اختلافاته منبی آثار مذکورہ یی وجوده کتیرن مؤرخین
قدیمه نك اقواله پکده اعتماد اولنه مدینی گبی ویرمش اولدقلری
خبرلر دخی پک ناقص اولدیغندن مال قدیمه میاننده اک اول دکز
یوزنده حرب ایتمک جسارتنه مباشرت ایدن « قهرمانه » ک کیم
اولدیغنی و منافع سائرہ یه خادم اولان کرستنه نك بو خصوصده استعمالنه
آلت اولدینی جهتله کیمه تشکره بورجلی بولندیغمی بیان و تصریح
ایده میورلر؛ فقط مؤرخین مرقومه نك بونجه اختلافات ایچنده ویر -
مش اولدقلری خبرلردن ایلک اوکجه دکزلر اوزرنده قوه بحریه
بولندیروبده اودکزلره اجرای حکم ایلمش اولان مشاهیرک اک

اسکیلری حقیقہ بعض مرتبہ معلومات تحصیل اولنہ بیلیمکده در . از جمله ، فیلوسترآتوس (Philostratus) نامندکی مؤرخك قولنه گوره [۱] اریتروس (Erythroas) نامنده بر پرنس بحر احمره حاکم اولوب ، مصریلری بحر مذکورده حرب خصوصی ایچون مستعمل اولان غالی ویا سائر نوع سفائن گزدر مکن منع ایتش و حتی تجارت ایچون بیله معین بر زمانده یالکز بر کیلرینك بولمنسه مساعدده ایلمشدر ؛ فقط مصریلر مدبر و متیقظ بر ملت اولدقلرندن اشبو قوه جبریهنك دوامی ائناسنده نائل اولدقلری مساعدده محدوددهن استفاده ایچون او زمانه قدر انشا قلنمش اولان کیلرک کافه سندن جسم اولق و بر چوق کیلرک تحمل ایده بیله . جکلری حموله یی یوکیه بیلیمک اوزره غایت بیوک بر کمی انشا ایدهرک بر موجب مساعدده معین اولان زمانده بو کمی قوللانیرلر ایتش . اگر تاریخك و یرمش اولدینی شو خبره صحیح نظریله باقیله حق اولور ایسه (بعدالهبوط ۲۲۲۰) سنه سنده وقوع بولش اولدیغنه حکم اولنہ بیلیر .

بووقعه مؤرخین سائر طرفلرندن دکر حاکمی اولق اوزره خبر و یریلن هرکول (Hercules) ، پرسوس (Perssus) ، تهسوس (Theseus) ، قادموس (Cadmus) ، پرومتهوس (Prometheus) ، یانوس (Janus) ودها سائر اساطیره عائد وبت پرستلر طرفندن معبود اتخاذا اولنان قهرمانلرک ظهورندن همان برعصر اول سبق ایتش اولدینی مضبوطات تاریخیه دندر .

اسامیسنی تعداد ایلدیگمز شو قهرمانلر میاننده اسمی ذکره شایان بر ذات دها واردرکه ، اوده یاسون (Jason) در .

[۱] مؤرخین قدیمك اکثریسی بوذاتك حضرت اسحق مخدومی «ادوم» نام دیکرله اشو Esau

— عیص) اولدیغنه ذاهب اولمشلر در .

[۵] یاسون حریص تجارت اولدیغدن ناشی بونلر میاننده اڤ
زیاده شهرته کسب استحقاق ایدن ده بودر ،
لوقان (Lucan) ، سنه قا (Seneca) ، سالوست (Sallust)
ودها سائراسکی مؤرخلر بو ذاتی دکنزده سفائله محاربه ایتک صنعتک
» موجب « ی دردییه کوسترمکده در .

سیر سفائک اسفار بحریه اجرا اولنه بيله جک درجه لرده ترقی
ایده رک صنعت نامی آلمغه شایان اولمسنه خادم اولانلردن بریمی دخی سین
وستریس (Sesostris) ک برادری اولوب ، یونانیلر میاننده [۸]
دانایوس (Danaus) نامیله شهرت شعار اولان آرمایس (Armais) در ؛
فقط بو ذات سیر سفائک اصل موجودی دکدر . هر کول ، یانوس ، [۲]
آطلاس (Atlas) نامنده اولان مشاهیر قدیمه نک دخی سیر
سفائک ترقیسنه خدمت واسفار بحریه اجرا سنه همت ایتدکری اشعارات
تاریخیه ایله مثبت ایسه ده بونلر ده موجودک شرفی وریله مه مکده در .
یونانیلرک و رومالیلرک و سائر بت پرست ملل قدیمه نک حکایات
اساطیریله لرنده بالاده اسملری مذکور اولان ذواتدن زیاده شهرتله یاد
اولنان ساتورنو (Saturn) ایله اوپس (Ops) ک اوغلی و ژوپیتر

[۶] یونانیلرک آرغونوترل سفری تعبیر ایتدکری قره دکنز سفرینی اجرا ایدن بو ذات اولوب ،
(بعدلهبوط ۲۷۴۰) سنه سنده وقوع بولمدر . سیاحت مذکوره نک (آرغونوترل سفری) نامی
آسی کی بی انشا ایدن استاد آرغوس (Argus) نامنده بر معمار اولغله بوندن طولانی کبی به (آرغو-
نوت) نامی ویرلش وایچنده کیلره آرغونوترل دینلش اولدیغی ایچوند . سفر مذکورک صورت
جریانی و نتائج حاصله سی صدد بئک خارچنده وخصوصیله تورایخنده مفصلاً مذکور اولغله بورایه
درجندن صرف نظر قلندی .

[۱] بر روایت کوره هجرتدن (۲۱۹۴) وروایت اخرایه کوره (۱۹۳۶) سنه مقدم لیبیاده
سیره نائیک (بنغازی) قرالی اولان سالف الذکر دانایوس برادری اژیپتوس طرفندن طرد اولغله
اول امرده ردوس اطه سنه هجرت والتجا ایلدی ؛ واورادن اول وقته قدر یونانیلرک کورم دکلری
اللی کورکلی برقایقه آرغوس شهرینه یشا هرق قدیم ایشا خوس سلاله سندن حکومت ایتکده بولنان
ژده لانوری طرد و غصب ذمام حکومت ایلدی ؛ ومصریلرک آیین و آدابی بو تاریخندن اعتباراً
یونانیلر پیننده انتشاره باشلا هرق کندیلرینه شهره تمدن آچلدی .

[۲] بو ذات موریتانیا (Mauritania) یاخود لیبیا قرالی اولوب ، حضرت موسی زماننده
اجرای سلطنت ایش و علم هیئتک ایجادیه ده بو ذاته اسناد اولنقده بولمدر .

(Jupiter) ایله پلاتو (Pluto) نك قرن دashi اولان نپتون (Neptune) نامنده کی معبود سیر سفائیک موجودی اولدیغی ادعا قلمقده ایسه ده بونك دخی نه زمانده یشادیغی و کندیسنك حقیقه کیم اولدیغی بیلنه مه مکده در .

مؤرخین قدیمه دن بعضیلری بو ذات حقنه مختلف روایاته بولمنشدر . از جمله [۴] ووسیئوس (Vossius) نامنده کی مؤرخ نپتونك حضرت نوحك اوغلی « یافت » اولدیغی ظنده در . دیگرلری ایسه (۱۹۲۲ ق ۵) سنه سنده مصرده اجرای حکومت ایتش اولان رامسس (Rameses) نامنده کی فرعون اولدیغی ظن ایتمکده در لر . دیئودوروس سکولوس (Diodorus Siculus) نامنده کی مؤرخ دخی ناویغاسیونی میدانه چیقارمش اولدیغی ایچون نپتونی « دکن الهی » نامیله یاد ایتشدر . شو صراحتدن آکلاشلدیغنه نظراً تجهیز سفائیک خصوصنده کی ترقیات بو ذاتدن صکره مشاهده اولمغه باشلامشدر .

گریدلیرك قولنه گوره اول امرده دکنلره حاکم اولمق وظیفه سنی درعهده ایدن معبود ساتورنو ایله ریه (Rhea) دن تولد ایدن آلهاردن نپتون اولوب ، بو وظیفه کندیسنه پدیری طرفندن احاله قلمشدر . شو صراحتدن آکلاشلدیغنه نظراً « نپتوم » متقدمین عندنده بیله سیر سفائیک اصل موجودی عد اولنوب ، فقط حرب ایچون دونما

[۴] ووسیئوس افاده سنه نظراً بعد الطوفان نوع بشرك روی ارضه انتشارلری اثباتنده بحر سفید داخلنده بولان اطالره اروپا قطعه سی حضرت نوحك اوغلی یافثك حصه سنه اسابت ایتش و جزائر مذکورینی اعمار ایتدکن صکره اروپا قطعه سنه یکمکه مأمور قلنش ایدی . بو جهته اولاد واحفادی ایکی صنعتده کسب مهارت ایتشدر . بونلرک بری سیر سفائیک اولوب ، دیگرلری دخی سواریلک ایدی . کال امنیتله دکنلری یکمک و قابل اسکان بر محل بولنجهیه قدر آثار عمراندن خالی وی حساب حیوانات وحشیه و عوارض طبیعیه ایله مالی مملکتلری طولاشمق مقصدی آنجق سیر سفائیک و بئنجیلک سایه سنده حصوله کله بیله جکندن اولاد یافت حصه لرینه اسابت ایدن بوقطعه ارض اوزرنده یرلشنجهیه قدر مذکور واسطه لرله بحرراً و برراً سیاحته دوام ایتشدر . بوسیدن ناشی بت پرستلر طرفندن سیر سفائیک موجودی عد اولنان نپتونك حضرت نوحك اوغلی یافث اولدیغی ظن اولنقده در .

تجهیزی خصوصندہ ایلک تشبث ایدن بر شخص بولندیغی و بو دونما سایه‌سندہ اظهار قوت و ارأئہ سطوت ایدہرک دکز لڑک آمری اولد- یغی میدانہ چیقماقدہ و بناءً علیہ ، حربہ صالح کیملرک موجدی دخی بو ذات اولدیغی ظن اولتمقدہ در : چونکہ ، اگر « نبتون » دن اول سیر سفائن بیلنمہ مش اولسہ ایدی گرک ساتورنو و گرک گرید خالق و بونلرک اولاد و احفادینک اواطہ اوزرنده بولناملری لازم گیرایدی . نبتونہ اسناد اولنان اقتدار ایسہ روما سناتوسنک مارق آنطونیو (Marc Antonio) نامندہ کی آمیرالہ و یرمش اولدیغی صلاحیتہ مشاہدہ در . صلاحیت مذکورہ دخی آرشیپل دکزنده کی اطلہرک حمایہ سی و سیرسفائنک خلدن وقایہ سی گبی نفوذ و قوت دولتی تزید و تحکیمہ مداری اولور خصوصاتدن عبارت ایدی .

عبدہ اصنام اولان ملل قدیمہنک کندی زمانلرنده حرکات مقتدرانه لرلہ اشتہار ایدن آدملرہ محبت و حرمت ایتملری و فعل و عمللرینی تحسین ایلہ آنلرہ اطاعت و انقیاد ایلملری و اجراءات مخصوصہ لرینی فوق الطبیعہ بر اقتدار ایلہ حصولہ گلمکدہ در ظننہ ذاہب اولہرق آنلردن قورقمالری و خلاصہ ، بومثلایلرہ قہرمان نظریلہ باقوب . معبود اعظم طرفندن کندیلرینہ حامی اولمق اوزرہ گوندلریش اولد- قلیرینہ اعتقاد ایلہ و ظنلرینک اعزہ سی صرہ‌سندہ طوتمالری و بردرجہ دہا افراطہ صاپارق بعد الوفات بونلرہ عبادتہ قالدقشمالری نتیجہ سیدرکہ ، ہرفن و صنعتہ انتسابی اولان بر ذاتی اوفن و یا صنعتک الہی اتخاذ ایدہرک آنلرہ حرمت و پرستشدہ بولنملر در .

مع ذلك ، ملل متقدمہ میانندہ بونلرہ دائرہ پک ، چوق اختلاف دخی موجود اولوب ، فقط اختلافات مذکورہ دن شو زماندہ طوغری بر نتیجہ چیقارمق ممکن دکلدہر . شو قدر وارکہ ، ہرمت نزدندہ عینی نام ایلہ یاد اولنان مشاہیرک باشقہ باشقہ کیمسہ لر اولدقلری

ویالکیز مشترک برنام آئنده بولندقلری شبهه محمل قالمایه جق درجه ده حقیقت محضه اولق اوزره تین ایلمشدر: —

شویله که، مثلاً نپتون نامی کندیسینی دکز آلهی عد ایدن ملتک عددی قدر متعدد کیمسه لک هر بریسنه شمول ودلائی اولان برنام مشترکدر! بونام مشترکه توسیم اولنان کیمسه لک یکد- یگرلرندن اوزاق محللرده بولنوب، ماهر اولدقلری فن ویا صنعت سایه سنده کسب امتیاز ایدن وموقع اقتداره گچن پرنسیر ویارئیسیر اولدقلری دخی محقق ایسه ده اصل اسملرینه وهانگی جنسه منسوب اولدقلرینه کسب اطلاع ایتمک مشکلدیر؛ فقط عبده اصنام اولان ملتک دکز آلهی دیه پرستش ایتدکلی نپتون یاخارجدن کلوب ملل مذکورهی اقتدار بشرک فوقده کی ظن اولنان برصنعتله تحت اطاعته آلان بریانبجی ویاخودینه بویله برقوتله خارجدن تجاوزایدن بریانبجی به بالمقابله مملکتلری قورتاران کندی پرنسیری اولدینی شبهه سزدر.

قدمان مؤرخیندن بعضیلری طرفندن مصر فرعونلرندن — اوچنجی — رامسسه دخی نپتون عنوانی ویرلش اولدیقی ذکر ایتش ایدک؛ فقط بالاده تصریح قلنان اسبادن ناشی مؤخین اخیره بوتخصیصی مناسب عد ایده مه مکده درلر. فی الحقیقه، بوذاتک تاریخچه بعض مهم وقوعاتی حکایه قلنمش ایسه ده اسمی آئیده مذکور اولان برشخص مشهوردن برقاج یوز سنه صکره دنیاه گلمش اولد- یغندن نپتون عنوانی احرازه کسب استحقاق ایده مه مشدر.

تاریخك اختیارینه نظراً فرعون مرقوم [*] ترؤا شهرینك

[*] شایفر (Schaeffer) نامده کی مؤرخ ترؤا عماریه سندن چوق اول عربلک وفنیکه لیلرک مهارتلی کمپیلر اولوب، بحرفقید سواحلنده پکچوق شهرلر تأسیس ایتش اولدقلرینی وسبته بوغازی طریقله بحر محیطه دخی چقدقلرینی نقل ایتکده و(سترابو) دخی بورواجی تأیید ایتکده وخصوصیله فنیکه لیلرک ناویفاسیونده خلیفه کسب رقی ابدوب، هرکولس دیرکلرینی (ستبه بوغازی) یکمش ولیبیانک وسطنه طوغری ایلریش اولدقلرینی سویلکده در. شایفرک قولنه کوره بحر محیط هندی دخی

اطرافتہ سور انشا ایدن لاؤمہ دون (Laomedon) ہ یاردمہ بولمش ایدی .

یونان مؤرخری لاؤمہ دونک وقایع تاریخیہ سنی خرافات ایلہ مزج ایدہ رک « ژوپتر » طرفندن اولنان امر اوزرینہ نپتون و آپولون لاؤمہ دونہ اطاعتلہ نپتون شہرک سورینی بنا و آپولون مواسی ری ایدرکن مدت خدمتلی ختام بولدقده لاؤمہ دون حقلرینک اداسندن استنکاف ایتدیگندن نپتون لاؤمہ دوندن انتقام آلق و تارلارینی تخریب ایتک اوزرہ « وحش بحری » ی اوزرینہ تسلیط ایلدی . بوبلیہنک دفعی اصل شریفدن برباکرہ قزک وحش مزبورہ تسلیمہ متوقف اولدیغی بیلدیرلدیگندن قرعہ کشیدہ اولندقدہ لاؤمہ دونک قیزی ایسیونہ (Hesione) یہ اصابت ایتکلہ هرکول ایسیونہ نی تخلیص ایلہ وحشی قتل ایلدیگی حالہ آرہلرنده حاصل اولان برودت اوزرینہ هرکول ترؤای استیلا ولاؤمہ دونی قتل ایلہ اوغلی پریمای کرسی حکومتہ اجلاس ایلدی » دیہ یازیورلو .

شو حکایہ دہکی خرافات برطرف ایدلدیگی صورتده نپتون نامیلہ یاد اولنان رامسس ہیچ سکونت بیلمز آتشین طبیعتلی بر ذات اولدیغندن یا قوتحات طمعی ویا کشفیات نیتیلہ وطنی اولان مصردن چیقوب ، بحرأ سیاحتہ دوام ایدہ رک طالک یاردمی کندیسنی ترؤا ساحلرینہ قدر گتیرمش و سواحل مذکورہ اہالیسی او زمانہ قدر رامسس و معیتک راکب اولدقلری سفینہ یہ مشابہ بر جسیم کمی کورمہ مش اولدقلرندن بو کمی یہ « وھشی بحری » نامی ویردکاریگی رامسسہ دخی « آلہ » نظریلہ باقعہ باشلامشلدرد . رامسس گرک کندہ ندن اول ، گرکسہ صکرہ لاؤمہ دونک ملکی اوزرینہ هجوم ایدن آرغونید طائفہ سنہ غلبہ ایلہ مملکت مذکورہ نی ید استیلاسنہ آلیرجہ سنہ نفوذی آلتدہ بولندیرمش ایسہ دہ مؤخرأ هرکول ایلہ

بولرہ مجهول دکل ایدی ؛ چونکہ ، یاسونک آرغولیدہ سفرندن پک چوق مقدم و حضرت ایوب زمانندہ فنیکہ لیلر اوفرندن مجوہرات کتیرمشلدرد . بومادہ فنیکہ لیلرک اسکی کمییلرندن اولند قلیری میدانہ قویقمقدہ در . یونانیلرک ایسہ یاسونک زمانتہ کلنجہ یہ قدر دکرلہ القتلری یوق ایدی . بحر احمرک ایلک اوکجہ فنیکہ لیلر طرفندن کشف و سیاحت ایدلش اولدیغی اسمنک دلالتسندن دخی معلوم اولور .

آرد لرنده حرب ظهور ایدہ رك كندیسی مغلوب ولائومه دون مقتول اولمشدر.

فراعنه مصریہ دن سیزوستریس (Sesostris — نام دیگر له ایکنچی رامسس) رامسیدن یوزسنه یی متجاوز (۲۱۱۲ الی ۲۰۵۵ ق ه) برمدت اول اجرای حکم و نفوذ ایلمش و بحراً پك چوق موفقیتاته نائل اولمش بولندیغی حالده بوذاته معبود عنوانی ویرلمه مش اولدیغی عجائبدر. ایشته سیر سفائنله اشتغال ایدن متقدمین میاننده آله نامیله یاد اولنمیان برنجی شخصده بودر. روایات تاریخیه به نظراً بوذات (۴۰۰) قطعه سفن حربیه دن عبارت بردونما تجهیز واحضار ایدوب، هند دکز لرنه سوق ایلمش و خیلی فتوحاته نائل اولمشدر. بو کیفیت مصریلر ك ارتق دکر. لردن خوف واحترازلرینك زائل اولمش بولندیغی ارانه ایتمکدهدر. سیزوستریس سروی آغاچندن غایت جسم بر کمی انشا و گونا گون اویمه ویالیزلرله تزین ایتدیرمش اولدیغندن اوزمانکی معلوم اولان دنیانك هر طرفده کی خلق بو کمی یی حیرت و تعجبله تماشا ایلمشاردر. گویا سفینه مذکورہ نك طولی (۴۵۰) قدم و جسامتی (۷۱۸۲) طونه اولدیغی روایت قلمقمده ایسه ده اعتماده شایان دکلدر.

بوندن صکره تاریخك ذکره شایان اوله رق خبر ویردیکی ذات گرید قرالی مینوس (Minos) در. بت پرستلر بونی ده معبودلری زمره سنه ادخال ایلمشدر. مینوس دکز لرن اوزرنده حرب ایتمك و مستعمرات تأسیس ایلمك مقصدیله بر جسم دونما وجوده گتیرمش و بوندونما سایه سنده تراسیادن ردوسه قدر موجود اولان بالجله جزائی تحت تابعیتنه آلدیغی گبی آسیا سواحله دخی تعمیم نفوذی ایچون بر طاقم مهاجرلر نقل وابعاث و مغارا و آتیکي شهرلرنی ده ویرگی یه ربط ایتمش ایدی. سیچیلیه یی ضبط ایتمك ایچون عازم اولدیغی بر سفر بحریده هلاک اولمشدر.

دیئودوروس (Diodorus)، آریستوتل (Aristotle)، توثید-
 یادس (Thucydides) ودها سائراسکی مؤرخلر هپ بوذاتک قوت
 وشهرت بحریه سنی نقل ایتکده درلر. دیئودوروس «مینوس» حقیقه
 «فمه سیر سفانه بک زیاده وقوفی اولدیغنده بو سایده بحرأ فتوحات
 عظیمه نائل اولش و یونانستانک برنجی برنسی و دکنک مالکی طانیلمشدر»
 دیدیگی گبی آریستوتل دخی بو سوزی تصدیق ایله برابر آق دکن
 اطه لرینی ضبط ایتدکن باشقه بعضیلرینی ده اعمار ایلدی دیمکده،
 توثید یادس ایسه مینوسک اسکی قرالار میاننده اک زیاده دونما
 صاحبی اولدیغنی و او دونما سایه سنده یونان دکنینک حاکمی
 بولندیغنی؛ و مذکور دکنی شقاوت مستمره اربابندن اولان
 قورصانلردن تخلیه ایلدیگنی؛ و یونانلر میاننده حرب ایچون
 تجمیز اولان برنجی دونما بواولوب، اعصار متعاقبه ده تعمم و ترقیسنه
 خادم اولان قورینتیلر و آتسه لیلر ودها صکره لاکیده مونیا
 (Lacedaemonia) لیلرک قوت و اقتدار کسب ایدرک برطاقم کچوک
 جمهوریتلر تأسیسنه موفق اولملری هپ دونما سایه سنده وجود
 بولش اولدیغنی حکایه ایتکده در.

قاسایوبون (Casaubon)، پولیبیئوس (Polybius) ه دائر اولان
 تالیفنده «ملکک محافظه منه لازم اولانه اسبابک اقدمی جوارنده بولناه
 دکنلره مالکیتدر» دییور. بوندن ده اسکی اولان مؤرخ توثید یادس
 دخی بو مقصدی حیز حصوله ایصال ایچون غیرته قصور ایتمین
 مملکتلرک گرک تجارتلرینی توسیع ایلمک و گرک بعید مسافه لرده کی
 اطه لره حکم ایتک خصوصنده اساسلی بر اهمیت قزانش اولدقلرینی
 افاده ایلمکده در.

شو ایکی ذاتک فکرلری اعصار سالفه ده بیله قوهء بحریه نک
 فوق العاده اهمیتی اولدیغنی و ملل قدیمه نک بویله بر قوته مالک اولمق

ایچون نه درجه لرده سعی و غیرت ایتش بولندقلرینی گوسترمکده در؛ خلاصه ، بو مؤرخلرک ایکسییده بر مملکتک دیگر یله مخابرده سی منافعی انتاج ایدجکی حقیقتی قبول و ترویج ایله نوع بشرک راحت و سعادت اکیاله واسطه انجق قوه بحریه اولدیغنی ذکر و خلقی طریق تمدن و ترقیه سوق ایتک خصوصنده تشویقات لازمه دن گیری طور مامش لدر .

سفائنك خدمت حربیه ایفاسنه تطبیقنده انتظام وجوده گتیرمش اولانلردن قادموس ایله باقوس (Bacus) قدم جهتیله سالف الذکر سیزوستریس و مینوسه نظراً موجودک شرفه الیقگی گوریلورلر ایسه ده بونلر معبود ویا نیم معبودلردن عد اولندقلرندن بوشرفی احراز ایدن انسانلر آره سنه داخل اوله مازلر .

صنعت سیرسفائن ازمئه مجهوله ده دکلرله جوار بولان مملکتلر سکنه سنجه معلوم اولوب، ترقیات مدنیله ری دخی نقصان بر حاله دیرک ، یلکن ، دومن ایجادندن عبارت ایدی . بورایه قدر اسملریله برابر وقوعات تاریخیله ری دخی اجمالاً ذکر ایتش اولدیغمز اشخاص سیرسفائنك موجودلری و پیرلری مقامنده اعتبار اولوب، اصل منتظماً ترقیسی خصوصنه صرف همت ایلمش اولان ملتلر ینه بر صورت مختصرده بوندن صکره بیان اولنه جقلردر .

ابتدالری تجارتله محاربۀ بحریه نک — وقوعات تاریخیله ری یکدیگرینک عینی اولمغله — بینلرنده مناسبت قریت موجود اولدیغندن برینک میدان چیقماسنه سعی و غیرت ایتش اولان ملتلرک اسملرینی ذکر ایتک دیگرینک وجوده گلمسنه چالشانلری گوسترمکه حاجت بر اقامقده در .

فیکه لیلر تجارت خصوصنده قدم جهتیله برنجی اوله رق ذکره

شایان اولان ملت اولدقلری گبی قوه بحریه صاحبی اوله رق حقوق ذاتیه لرینی محافظه ایچون ابتدا دکره چیقان و دکرک حاکم لکنی حرباً وقایه ایدن ده ینه بونلدر . فیکه لیلرک خیر الحافلری عد اولنه حق و قوت و شهرتجه آنره رقابت ایدیه لکه جک درجه ده دونما صاحبی اولانلر بر طاقم یونان جمهوریتلری اولوب ، فقط یونانیلر طبعاً حربیه میال اولدقلرندن تجارتدن استفاده یه رغبت ایتزلردی . یونان جمهوریتلرینک دونما تدارک ایتلرینک سبی یالکیز هم جوارلری بولنان حکومتلره محاربه ایچون اولیوب ، عدوی دائمی لری اولان ایرانیلره قارش ایدی .

ایرانیلر دخی آرهدی چوق گچمه دن خاطری صاییلر بر قوه بحریه صاحبی اولمشلردر . اشبو ایکی ملت ییننده علی التوالی وقوعه گلن مجادلات و یکدیگرینه قارش ایدی آرهدی کسلمین محاربات اکثریا بحراً وقوعه گلمش اولمغله دکرلر اوزرنده اجرا ایتدکلی دائمی مانورلر سایه سنده اوزمانلر دنیا نک معلوم اولان قسملری اوزرنده اک ماهر ملاحلر بواکی ملتن یتمشملردر .

بونلردن صکره قارطاجه لیلرک قوتلری زیاده لشمکه باشلامشدر ؛ فقط شوکت وسطوتلری پک آز زمان دوام ایده بیلدی ؛ چونکه ، رقیبی اولان روما اوکنه گچیلمز بر سرعتله تکثیر قوت ایدوب ، عاقبت قارطاجه نک قوه بحریه سنی تخریب ایتدکن باشقه معارض گوردیکی سائر ملتلر ککنی دخی محو ایلدی .

ملل قدیمه نک احوال و وقوعاتندن اک زیاده وثوق و صحتله بحث ایدن روما تاریخی اولدیغندن تاریخ مذکورک مطالعه سیله هر ملتک اطوار و حرکاته و اشخاص مشهور دنک شهرت و اقتدارلرینه دائر معلومات کافیه استحصال اولنه بیلیر . بوتاریخک اخبارینه نظراً روما لیلر میاننده ایلک اوکجه قوه بحریه تشکیل ایدن رومانک دردنچی

حکمداری آنقوس مارتیئوس (Ancus Martius) در : حتی بوذات انشای سفائن ایچون بعض اورمانلر بیلہ تخصیص ایلمش ایسه ده وفاتنه قدر رومالیلرک بحر آ بر شهرت ومهارت قزانہ مامش اولدقلرینی لیوی (Livy) نامنده کی مؤرخ خبر ویرمکده در .

رومالیلرک امور بحریه بیه ابتدای مباشرتلی مؤرخلر طرفندن برنجی قارطاجه محاربه سندن اعتبار اولنمقده در . مؤرخین مرقومه رومالیلره دکر تهلکه لرینه قارشی جسارت گوسترمکی وشان وشرف قزانیرمگی تعلیم ایدن دوئیلیئوس (Duilius) نامنده بر قوماندان اولدیغی و بونلرک کیمجیلکی اوکرملری من جهة دخی دشمنلرینک سعیله وقوع بولدیغی افاده ایتمکده درلر : فقط مؤرخین اخیرده دن بعضیلری وخصوصیله جون قارنوق نامنده کی انگلیزلی (انشات بحریه تاریخی) مؤلفی بوسکره کی افاده یی اسباب عدیده دن ناشی قبول ایده مه مکده ورومالیلرک عاداتا بردن بره ظلمتدن چیقوب ، کندیلرینی گوسترمش اولمیرینه اینا ناماقده در ؛ و بو دعوی اعتراضی اثبات ایچون حقائق تاریخیه ابتاء شو وجهله اداره کلام ایلور : —

تارکین (Tarquins) ک دفعی متعاقب قونسلوس انتخاب اولنان بروتوس (Brutus) ک اداره حکومتی ائناسنده قارطاجه لیلرله عقد ایدمش اولان [°] معاهدنک بر بندی نه رومالیلرک ، نه ده متفقلرینک

[°] رومالیلرله متفقلری بولنان قارطاجه لیلر وهر ایکدنک متفقلری پیئنده عصر حاضرده مرعی اولان اصول دول موجبجه غایت دوامی و ثابت برعهد نامه عقد اولنش ایدی . معاهده مذکورده مندرج اولان شروط ایسه هوانک دیا دشمنک تشییق اولماقجه نه رومالیلر نه ده متفقلری فیرپروموتوری (صور شهرینک جهت جنوبیه سنده واقع اولان رأس الایضدر) دن ایلری بیه سیر سفائن اجرا ایتهملرندن وشاید رومایه منسوب اولان برکی حدود مذکورده یی تجاوزه مجبور اولور ایسه کینک تعمیرینه لزومی اولان اشیا ایله مراسم دینیہ ایفاسی ایچون اقتضا ایدن قربانن ماعدا طاقه لری طرفندن امتعه اشترا اولنماسندن وکینک انجا ایتدیکی لیانده بش کوندن زیاده اقامت ایتهمسندن عبارت اولوب . فقط بو شرط یالکز حرب کیلرینه مخصوص اوله رق وضع ایدمش . سفن تجاریه ایسه قارطاجه لیانلرینک کافه سینه کیروب چیتهمفه وتجسارت ایتکه مأذن اولدقلری کبی هرکوتا رسوم و تکالیفدن دخی معفو غولشلا ایدی ؛ خلاصه . رومالیلر ریلرکی مساعدات قانونیه و مساوی معامله کورمه نائل اولشلا ایدی . بوندن صکره عقد اولنان بر معاهده ده ایسه رومالیلرک محارب بولندیقی

فیر پرومونتوری (Fair Promontory) دن اوتیه گچمیہ جکلیرنک تحت قرار و تعہد آلمش اولدیغی گوسترمکده اولوب، شوماده روما لیلرک برتوس زماننده قوه بحریه لری موجود اولدیغی اثبات ایدہ جکی گبی روما قوه بحریه سنی بریانار طاع مثللی بردن برہ میدانه چیقارمغه غیرت ایدن پولیبیئوس (Polybius) ک زماننده ایکی معاہدہ دها عقد ایدلمشدرکہ، پولیبیئوس دخی بو معاہدہ لردن بحث ایلمشدر.

معاہدات مذکورہ نک مواد مندرجہ سی ایسہ برنجی قارطاجہ محاربہ سندن اول دخی رومالیلرک قوه بحریه لری اولدیغی میدانه قویمقدہ در. کذا بودعوائی اثبات ایچون مؤرخ مرقوم دها شووجهله بسط کلام ایلور:—

دوئیلیئوسک فتوحاتندن (۲۰۰) سنہ اول، یعنی روما شہرینک بناسندن (۲۸۰) سنہ صکرہ وقونسوس مایویئوس (Maevius) زماننده رومالیلر آنتیوم (Antium) لیمانہ هجوم ایدوب، بولدقلى (۲۰) غالیدن عبارت سفن حربیہ یی ضبط ایله تیر (Tyber) نهرندن ایچری ایصال وترسانہ پیشگاهنہ اقامہ ایلدیلر. روما شہرینک بناسندن (۴۵۰) سنہ صکرہ دخی اہالی طرفندن سیناتویہ تعین قلمش اولان ایکی نفر تریبون (Tribun) دن دہ چیئوس موس (Decius Mus) امور بحریہ نظارتنہ مأمور ایدلمشدر. اگر اوزمان رومالیلرک دونماسی اولمسیدی، دہ چیئوسہ بویله بر مأموریت ویردکلرندن طولای بو عاقل اہالینک حرکاتی گونج اولوردی.

روما شہرینک بناسندن (۴۷۵) سنہ صکرہ روما دونماسی هر

برملنک کمیسندہ فیر پرومونتوری حدودندن بری یکیرمه لری دخی منع ایدلمشدر. بو صکرہ کی معاہدہ قارطاجہ لیلرہ قارشى بعض مرتبہ شدتلی ایدیسہ لزو می دہ وار ایدی. ایشہ سیاسی برنظرلہ باقیلہ جق اولور ایسہ قارطاجہ لیلرک معاہدہ مذکورہ یی قبول ایتمہ لری رومانک قوه بحریہ جہ کسب ایلش اولدیغی اہمیتدن ایلری کلدیکی مشاہدہ قلنیر.

نه قدر پكده قوتلی دكل ایدیسده نامی آچیقدن آچیغه ذکر اولمغه باشلامش ایدی .

واله ریئوس (Valerius) ودها سائر مؤرخلرک قولنه گوره سالف الذکر تربونلردن قورنه لیئوس (Cornelius) قومانداسنده اوله رق (۱۰) غالیدن عبارت بر روما دونماسی تاریخ مذکورده تارنتوم (Tarentum) لیانی آچیققلنده گوردی . دونمانک تارنتیلیر علمینه سوقی اوزمان رومالیرله بالفعل محارب بولنان سامیتلیر و سائرده ایله براتفاق خفیلری اولمسندن ایلری گلمشدر . تارنتیلیر خائلیکلرینک کشف اولدیغنی گورنجه آرتق آچیقدن آچیغه اظهار خصومت ایدهرک بحرأ رومالیرله فائق اولدقلری جهته هجوم ایتدکلری صورتده روما دونماسنی ضبط ایده بیله جکلرینی عقللری کسه رک درعقب کیلرینی دکره سوق ایدوب ، دشمنلری اولان رومالیرلر اوزرینه هجوم ایتدیلر .

بو هجومده روما کیلرندن بری غرق ودردی اسیر ایدیلوب ، باقی بشی فراره موفق اولمشدر . ایشته شو دلائلدن برنجی پون محاربه سندن اول دخی رومالیرک دونمالری اولدیغی و فقط قوتجه دون مرتبه ده بولندیغی آکلا شلمقده اولوب ، مذکور محاربه ده ایسه قوتجه خاطری صایلیر بر درجه ده اولدیغی محققدر ؛ فقط رومالیرک بوندن اولکی محاربه لری ایتالیا قطعه سنه منحصر قالمش اولدیغندن سیرسفائنه اولان دقت وغیرتلی دخی محدود بدرجه ده ایدی . ایتالیانک فتحی تمام اولنجه روما جمهوریتنک حرص وطمعی اطرافنده بولنان کچوک حکومتلر اوزرینه هجوم ایده جک قدر تزايد ایلمش و ایشته بوزماندن صکره قوه بحریره سی دخی بردن بره کسب عظمت ایدوب ، اطرافه دهشت صالمشدر . روما دولتی قوه بریه و بحریره سنک انتظام وسطوتی وعسکرینک شجاعت وحیتی سایه سنده آرزمان ایچنده

جہانگیر اولدقدن صکرہ جمعیتہ طاری اولان فساد اخلاق سیئہ سیلہ
دخی بولندینی مقسامدن تنزلہ یوز طوتمش ؛ وبوانحطاط گیت گیدہ
تأثیرینی زیادہ لشدیرہ رک عاقبت محو وانقراضہ باعث اولمشدر .

دولت مذکورہ نك صوك زمانلرنده ، یعنی وادیء انقراضہ طوغری
خطوہ انداز سرعت اولدینی ہنگاملردہ آق دکز سواحلندہ بحرآ
ارائہ شوکتہ قادر بر دولت یوقایکن اسپانیانك جنوب شرقیسنده
الحالہ ہذہ « واندالوزیہ » یعنی « اندلس » تعیر اولنان ایالندہ یرلشمش
اولان جرمان باربارلرندن « واندالمر » بالآخرہ وزیری غوتلرک اسپانیایی
استیلالری اوزرینہ ترک وطنلہ آفریقہ یہ گچہ رک شمیدیکی تونس دیمک
اولان قارطاجہ قطعہ سندنہ یرلشدکن پك آزمان صکرہ مکمل
بر قوۃ بحریہ وجودہ گتیرہ رک آق دکزی عادتا بنمسہ مشلر ؛ وحتی
بو قوۃ بحریہ سایہ سندنہ رومیانی یغما یہ موفق اولدقلری گبی قورصانلقده
پك بیوک شہرت آلہرق سواحل و جزائر اہالیسنی دہ امنیتسزلک و دہشت
ایچندہ براقشلردر . مؤخرآ شرق قیصرلکی بونلر اوزرینہ سفر آچارق
مملکتلرینی ضبط ایدوب ، تجاوزلرینہ بر نہایت یرمش و متعاقباً ملت
اسلامیہ ظہور ایدہ رک بوحوالی بی فتح ایتمک لہ آرتق اورتہ دہ وانداللردن
بر اثر قالمیوب ، فقط اندلس ولایتی آنلرہ نسبتلہ تسمیہ اولنمشدر .
قرون وسطانك مبادیسنده کیجلك سالف الذکر وانداللرلہ بردہ
روملردہ اولوب ، صکرہ لری دین مبین اسلامیتک ظہور وانتشاری
اوزرینہ عربلر دخی بالایحباب بو مسلكہ سلوک ایدہ رک آزمان
ایچندہ فوق العادہ ترقی کسب ایدوب ، شان وشرف قرانمشلردر .

عربلرک وقوعات بحریہ سی جہت جامعۃ اسلامیت حسیبلہ بزجہ
بیلمک لازم اولوب ، بوجہتہ ولوکہ ، مختصراً اولسون بر فصل مخصوص
صورتندہ آریجہ تحریرینہ مجبوریت گورلدی .

بخشی فصل

عربلرک اسفار و خدمات بحریه سی :

اهل اسلامک اسفار بحریه زمان و صورت مباشرتلی ایله بویوزدن
حصوله گلن منافع و فتوحات واقعده لری : —

عربلرک اسفار بحریه سی — قرون وسطاده عموم اوروپا
دولتلیله برابر شرق ایمپراطورلری وعدوسی بولسان عرب هیئت
اسلامیه سنک دائمی قوه بحریه لری موجود اولیوب ، حین اقتضاده
دوئما تدارک ایدرک دشمنلری علیه سوق و ختام حربده مذکور
دوئمای ترک و تخلیه ایدرلردی . بونک برنجی سبی دائمی مصرفدن
قاجنمق اولوب ، ایکنجی سبی دخی وقت مذکورده دوئما تدارک
و تجهیز کیفتی کوچ و مصارف کلیه اختیارینه محتاج بر مصلحت
اولدینی ایدی ؛ فقط آردصره ظهور یافته اولان وقوعات صورت
دائمه ده دوئما بولندیرمق احتیاطی استلزام ایلمکده اولسنه منی
سالف الذکر سبیلرک ایی دوشونلمش اولدقلری و دول مذکورده نک
بویابده اختیار قصور ایلمش اولدقلری آشکاردر .

اوائل ظهور اسلامده مجاهدین عربک باشلیجه مسلك و امیدلری
اسفار بریه اجراسیله مستفید اولمقدن عبارت ایدیسده مجاهدین مرقومه
اسفار بحریه اجراسندن دخی گیری قالمالزلردی ؛ فقط دکنز سفرلرینی
کلفتدن عاری برصورتده وقوعه گتیرلر ، یعنی اوایله اجانبی اخافه

وتداركه مجبور ایدہ جك درجہ دہ عظیم دونما حاضر لغندہ گورنیوب،
 از زمان ایچندہ تدارك ایدلکاری کیملره وقت حرکت وهدف
 عزیمتلیرنی اطرافہ اشاعہ ایتہکسزین محل مقصوده بغتہ هجوم وبو
 سایہ دہ تأمین موفقیت ایدرلردی؛ فقط مایہ اصلی اسلام اولان عرب
 قوم نجیبینک احوال بحریہ یہ وقوفلری اولمدینی و اوائل انتشار دین
 میندہ عددجہ دخی پك جزوی بولندینی جہتلہ اسفار بحریہ اجرا سنہ
 تشبث ایتلری محذور دن سالم اولہ میہ جغنہ منی حضرت عثمان
 (رضی اللہ عنہ) افندمرك زمان خلافتلرینہ قدر اہل اسلامہ دکنز
 سفرلری ایچون اذن عام صادر اولماشدر؛ حتی حضرت عمر
 الفاروق (رضی اللہ عنہ) افندمرك زمان خلافتلرندہ « عمرو بن
 عاص » طرفدن مصرک فتحنہ موفقیت حاصل اولسی اوزرینہ
 خلیفہ حضرتلری عمروہ بر مکتوب ارسال ایدوب، دکنزک احوال
 و اوصافنہ دائر معلومات طلب ایلمش اولغلہ عمرو بن عاص دخی
 درکاه فاروقیہ « یا امیر المؤمنین اہ البحر ضلوی عظیم برکہ ضلوی ضعیف
 کردہ علی عود » دیہ جواب یازمش و بوکا بناء طرف خلافتدن — امت
 محمدی صیانت قصدیلہ — اسفار بحریہ منع ایدلمشدر .

ایشتہ بوسیبہ منی درکہ، حضرت معاویہ (رضی اللہ عنہ) (حمص) دہ
 بولندینی ائنادہ دکنز غزاسنی بالاحاح استیدان ایدہرك (قبرس) دہ
 اوتن خروسلرك بیلہ سسلری حمص کویلرندہ ایشیدیلہ جك درجہ دہ
 یقینلق اولدیغنی یازمش بولندینی حالہ ینہ طرف خلافتدن رخصت
 ویرلمش ایدی .

عربلرك دکنزلہ الفتلری اولمدیغندن ناشی تجاوزات بحریہ یہ مقام
 خلافتدن رخصت یوق ایکن (بحرین) دہ عامل (والی) بولسان
 « علاء بن الحضرمی » نك ایران فتوحاتیلہ مشغول اولان عساكر اسلامیه
 سرداری سعد بن ابی وقاص (رضی اللہ عنہ) ایلہ میانہ لرندہ برودت

اولدیغندن سعد حضر تلرینک نائل اولدقلری (قادسیه) مظفریتنه معادل بر خدمت وجوده گتیرمک فکریله امیر المؤمنین حضر تلرندن استیدان ایتمکسزین فرسلر علیهنه بجرأ تجاوزه قیام ایلمسی بالآ خره توخیله منصبندن عزائی انتاج ایلمشدر . [۴]

حال بوکه، بومنع و تحذیر اوزرینه دخی مصرک اهلای اصلیه سیله ممالک مصریه ده بولنان ملل مختلفه تجاری اسفار و محاربات بحریه دن صرف نظر ایلمه مشلدر: چونکه، بونلر ذاتاً حرب و تجارت بحریه ایله مألوف و عمرلری دریا سفرلرینه مصروف اولغله اباعن جد بیلدکلری و نفعی گوردکلری صنعتلرندن فراغت ایده مه مشلر و دمیاط، رشید، اسکندریه و سائر سواحلدن سفینه لرینی ایشلمک و سویش خلیجندن یمن و هند طر- فلرینه سیر و سفیر ایتک خصوصارنده دوام ایله تجارتلرندن گیری قالدقلری گبی سواحل مصریه ده بولنان عرب قبیله لرینی و زناته و مغاربه کبراسنی بجرأ تجارت و غزا ایچون ترغیب و تشویقندن دخی گیری طورما - مشلدر: فقط عمرو بن عاص ایله گن کبار اصحاب و آنلرک امثالی متشیخصان عرب مقام خلافتدن اولان تنبیه ابتدای امرده مخالفته جرأت ایده مه مشلر ایسه ده گیده رک قوت و ثروت و عسکره مالک اولان نخیه شیخی «عرجة بن هرثمة الازدی» و مسکت حاکمی «مسلمینی غزاده و تجارت نافعه ده منع ابللمک رأی صواب دکلر»

[۴] بووقعه هجرت نبویه تک (۱۷) نجی سالنده ظهور یافتنه اولوب، علاء بن الحضرمی تدارک ایلدی کیلره بر قوه کلیه اراکاب ایله فرس سواحله سوق ایلشدر: و اشبو قوه کلیه یی بر طاقم فرقه له بالتقسیم جارود بن الملی سوار بن همام، خلید بن المنذر نام ذواتک تحت ریاستلرینه و یروب بونلرک جمله سنه دخی خلیدی امیر تعین ایلشدر. اشبو دونما اصطغر ساحله یناشوب، اردو قره یه جیقجه ایران سرداری هرئذ معیتنده موجود عساکر کلیه ایله ساحلی طوتارق عسکر اسلامک کیلرله اوله جق مناسبتلرینی، یعنی خط رجعتلرینی قطع ایتدکدن صکره میانه طرفینده بر محاربه شدید و وقوع بولدی. جارود ایله سوار شهید اولدیلر. فرسلردن ده یک چوق تلفات وقوعه کلدی. اهل اسلام هر نه قدر سعی تام کوستردیلر ایسه ده بر درلو ساحله وصول ممکن اولمدیغندن بالمجبوریه برأ بصریه عودت ایتک فکرینه دوشدیلر فقط فرسلر یوللری و یکیدلری طومش اولدقلرندن بوکا دخی موفق اولم مدیلر. نهایت حضرت عمر (ر) کیفیتدن خبر آنجه عتبه بن غزوای عساکر کافیه ایله برأ معاوتنه مأمور ایده رک بو طریق ایله محصورلر قورتاریله بیلدی.

دیہ تدارک ایلدکری کیلرله عمان و سائر سواحل و جزائرہ گیدوب، غزا ایلدکری حضرت عمر (ر) ک معلومی اولنجه عرفجیه عتابنامه ارسال و عمرو بن عاص طرفدن مؤاخذهیه دوجار ایلمشدر؛ چونکه، عنصر اصلی اسلام اولان قوم عربک هنوز قبضه تسخیرہ گچن یرلرده دها لایققله یرلشمدن بر طاقملری اسفار بحریہ ملابسہ سیله اقطار بعیدیه متفرق اوله رق مرکز خلافتدن بعید دوشملری قاعدہ حکمتہ موافق دکل ایدی.

هرنه قدر اهل اسلامک مناسبات بحریہ دن توقیلری خلیفه حضرت تلی طرفدن آرزو والتزام ایدلمش ایسه ده، ینه سواحل مصریه سکنه سندن مراکب بحریہ صاحبی بر طاقم ذی قدرت کیسه لره اکابر اسلام دخی مشارکت ایدرک کاه غزا و کاه تجارت ایچون اسفار بحریہ اجرا ایلمکده اولدقلری حوادثی حضرت عمر (ر) ه منعکس اولدقده، آرتق تنبیه سابق تکراردن صرف نظرله سکوتی ترجیح ایلمش و بو حال حضرت عثمان (ر) ک خلافتی زمانه قدر امتداد ایدوب، بالآخره حضرت عثمان (ر) طرفدن دکرده جهاد ایچون مسلمینه اذن عام صادر اولمشدر. [۵]

شویله که، حضرت عثمان (ر) افندمزک خلافتلری اثناسنده شام والیسی حضرت معاویه نک بحرأ جهاده رخصت و یرلمسی ایچون وقوع بولان ایکنجی بر الحاحی اوزرینه خلیفه حضرت تلی دکر غزا سنده بولنه جق اهل اسلامه بر گونا جبر اولنمیوب، هرکیم طوعاً رغبت گوسترر ایسه سوق واستخدامی خصوصه مساعده ایلمشلردر.

[۵] حضرت عمر (ر) ک ابتدا منعی، صکره سکوتی وبعده اذن عام صدوری نه حکمتہ مبئی اولدیغنی محققین علما بروجه آتی توجیه ایلشلردر؛ شویله که * عرب ملتی بدایت اسلامده احوال بحره واقف اولدقلری جهتله ابتدای امرده حضرت عمر (ر) آنلری آفات و تهاک بچردن صیانت ایچون منع ایلش؛ وبعده طاقم طاقم بو مصلحتہ مباشرت ولوازم و تفرعاتی ثعلبه مبادرت ایلدک ندن طولانی علی طریق المساعده سکوت ایتش، مؤخرأ فنون مقتضیه به آشنا اوله رق احوال دریایه ایچمه کسب و قوف ایلدکرندن اذن عام و یرلمش اوله.

بواذنک صدورینی متعاقب — شمالی آفریقہ بلادینک بر قسمی اهل اسلام طرفندن فتح ایدلمش اولدیغندن — حضرت عثمان (ر) ک امر لریله عبدالله بن نافع بن الحصین ایله عبدالله بن نافع بن عبدالقیس تدارک ایلدکلی کملره بر طاقم مجاهدینی ارکاب ایدرک هجرت نبویه نک (۲۷) نجی سنه سنده اندلس ساحلدرینه طوغری آچلمش لر واول حوالی بی غارتله غانماً عودت ایلمشلردر .

میلادک (۶۴۸) وهجرت نبویه نک (۲۸) نجی سالنده ایسه شام والیسی معاویه نک غیریله فیکه وکیلکيه (قرمان) سواحلنده دونما انشا اولنوب ، اشبو دونمنایه مأموراً بر قوه کله تدارک اولنهرق عبدالله بن قیس امارتیله قبرس جزیره سی اوزرینه سوق ایدلمشدر . شو فرقه مجاهدین میانده اصحاب کرامدن ابوذر ، ابوالدرداء ، شدداد بن اوس ، عباده بن الصامت ایله زوجہ سی [۰] ام حرام بن ملحان دخی موجود ایدیلر . خایفه حضرتلرینک ویردیکی امر اوزرینه مصر والیسی عبدالله بن سعد دخی معاونت ایچون بر طاقم غزاة ایله بجرأ گله رک قبرسک طوزله (لارناقا) لیاننده بوایکی دونما برلشدی . اهالی مقاومتن عاجز قالدقلرندن سنوی (۷۰۰۰) دینار جزیه ویرمک واهل اسلامک روم دولتیله بجرأ محاربه لری وقوعنده روملره معاونت ایتمه مک ، قبرس لیانلری دائماً اهل اسلام دونماسنه کشاده وعساکر مسلمینه استنادگاه اولمق گبی شروط نافعہ ایله مصالحه عقد اولندی .

بعدالفتح عبدالله بن قیس حضرتلری قبرسده برمدت اقامتله

[*] عرب دونماسنک قبرس جزیره سنه وصول ایله طوزله لیاننه تیورلدکدن صکره دروننده بولنان مجاهدین قره یه چیقارق شهری ضبط ایلدکلی صرهده ام حرام حضرتلری دخی بولندی کییدن طشره چیقوب ، برحوانه راکب اولدقده دوشوب وفات ایلدی . مدفن شہرک خارجسنده وطوزله کولنه ناظر اولوب ، زیارتکاه انامدر . بووقعه بی حضرت پیغمبر دیشان افسندم خبر ویرمش اولدقلرندن عینیلہ ظهور ایتمی برمعجزه باهردر .

دو نتمانی — دکنزده برآن ایقاع خسارندن خالی قالمیان — روم وایتالیان قورصانلرینک تنکیلنده قوللانونوب، اللی قدر محاربهٔ بحریه اجرا ایلدی. بو محاربه لرك كافه سنده غلبه طرف اسلاميانده قالدی؛ فقط مؤخرأ عبدالله قبرس جوارندن مفارقتله شرق ایمپراطورلغی تحت تصرفنده بولنان اناتولی ساحلارنده طولاشمقده ایکن روم دونتماسی طرفندن بغتهٔ برهجومه اوغرایه رق شهید ایلدی؛ لکن سفن اسلامیه بر خطرله دوچار اولمقسزین خلاص بوله رق فیکه ساحلنه عودت ایلدیکنندن عبد اللهک یرینه سفیان بن عوف الازدی «امیرالماء» تعیین اولنوب، تکرارمذکور روم دونتماسی علیه سوق اولندی. بودفعه وقوع بولان محاربه ده غلبه طرف اسلاميانده قالب. روملرك پك چوغی تلف اولمشدر.

حضرت عثمان (ر) ك زمان خلافتلرنده هر نه قدر اهل اسلامه بحرأ دخی جهاد ایچون مساعده ویرلمش وبومساعده نك ثمرهٔ نافعیه سی اوله رق قبرس فتحی وروم دونتماسی علیه گبی بعض بیوک موفقیتلرله شان اسلامه شرف ویرر وقوعات سبق ایلمش ایسه ده غزاة مسلمین یالکنز وظائف حربیه بی ایفایه حصر نفس ایدوب، سفائنك امور اداره سنی احوال روزگار وحادثات بحاری لایقوله عارف واجاره ایله مستخدم برطاقم خرسیتانلره تفویض واحاله ایدر. لردی. اهل اسلام بو طریق ایله کاه غزا وکاه تجارت ایچون اسفار بحریه اجرا سنه باشلایه رق تدریجاً دکنزله کسب الفت وانسیت ایلمشدر. وقت مذکورده شرقی روما دولتنك اجزاء ممالکنندن معدود بولنان آفریقه بلادی برر برر مجاهدین اسلامیه طرفلرندن فتح وتسخیر ایديله گلمکده اولدیغندن ایمپراطور قسطنطین گویا تمامیت ملکیه سنی محافظه مقصدیله بش آلتی یوز غلاردن عبارت بردونتمایه مقدار کلی عساکر تحمیل ایله آفریقه سواحله ارسال ایتک تشبثده

بولندی طرف اسلامیاندن استخبار قلمسی اوزرینه ورودی
ملحوظ اولان اشبو دونمایه قارشی قویایله جک بر قوت تدارکی
ضمننده مصر سواحلینده دخی بریوک حاضرلغه مباشرت اولندی .

فی الحقیقه ، اشبو قوه عظیمه هجرت نبویه نك (۳۱) نجی سنه سنده
بالذات امپراطور قسطنطینك قومانداسنده اوله رق آفریقه ساحلینده
مشاهده اولمشدر . بوقوه جسیمه یه قارشی شام عسکری برأ ومصر
والیسی عبدالله بن سعد دخی بحرأ حرکت ایلدی . اشبو ایکی دونما
دکزده یکدیگرینه تصادف ایتدکلی زمان روزگار اسلام دونماسنه
موافق هبوب ایتدکه ایدی . بو جهته روم دونماسی محاربه یه
تثبت ایده میوب ، اسلام دونماسی دخی جوارده بولنان ذات الصوار
(زیواره) نام لیماه بالدخول اقامه لندر ایلمشدر .

سفن اسلامیه لیماه داخل اولدقن صکره کثرتلرینه گوگنمکه
اولان روملر دخی مذکور لیماه گروب تیمورلدیلر ؛ وهواده کسب
سکونت ایلدی ؛ فقط او گیجه بو ایکی دونما یکدیگرینه تعرض
ایتمکسزین صباحه منتظر اولوب ، علی الشفق طرفیندن آثار خصومت
روما اولدی ؛ شویله که ، صباح اولور اولماز طرفین سفائی کال سرعتله
یکدیگرینه بالتلاقی رامپا ایدهرک گوزلجه باغلاندن صکره جنکاورلر
کیدن کمی یه آشارق روی دریاده قلیچلر پارلامغه ، خنچرلر ایشلمکه
باشلادی .

حرب اول قدر شدتلندی که ، دکزک یوزنده انسان جشله ری
حباب گبی نمایان وغائب اولمقده ودوکیلن قانلر کیلردن دکزه آقارق
صولر قپ قرمزی کورنمکه ایدی . کیلر بربرینه مربوط وهر
طاقمک اوستنده قبه کبود ، التده برقان دریاسی موجود اوله رق
رجعت وفرارک امکانی مفقود وبوامکانسزلقدن نشئت ایدن مجبوریت
اوزرینه طرفین افرادنده خوف واحتراز افکاری نابود ایدی ؛ بناءً

علیه ، هرایکی طرف ده مقابله و مقاتله ده صبر و ثبات اختیار ایلدیلر . اهل اسلامک شهادسی کثرت اوزره اولوب ، روملرک مقتوللری ایسه لایعد و لایحیی ایدی .

قسططنین دخی بو محاربه ده بر قاج یرندن یاره لندی . آنجق کیلرینک باغلرینی قطع ایله فرار ایدن روملر قورتوله بیلوب ، ماعداسی کاملاً نلف اولدی . عبدالله بن سعد غلبه دن صکره بر از گونلر ذات الصوارده اقامت و بعده مصره عودت ایلدی .

عبدالله بن سعد معیننده کی دونمانک نواقضی بالاکمال روم دونماسی علیه نائل اولدینی غلبه کامله دن متحصل نشوه مسرتله روم شرقی دولتک ید تصرفنده اولوب ، آق دکز اطهرینک بیوکلرندن معدود بولنان گرید جزیره سی اوزرینه دخی حرکت ایدهرک جزیره مذکو- ره نک بعض محللرینی ده تسخیره موفق اولمشدر .

هجرت نبویه نک (۴۴) نجی سنه سنده بسر بن ارطاة معاویه طرفدن روم غزاسنه مأمور ایدلمش اولمغله قسططنینیه قدر ایلریلدی ؛ وروملرله بحرآ بر بیوک محاربه ایدهرک غلبه قزاندی . وینه معاویه نک هنگام حکومتنده و هجرت نبویه نک (۴۷) نجی سنه سنه مصادف اولان (۶۶۷) سنه میلادیه سنده دخی طرف معاویه دن مأموراً مصر والیسی عقبه بن عامر اسکندریه ده تدارک و تجهیز ایلدیکی جسیم بردونما ایله شرقی روما دولتی اجزاء مالکندن معدود اولان [*] ردوس جزیره سی علیه بر حرکت عسکریه اجرا ایله جزیره مذکوره نی فتح و استیلایه موفق اولدی .

[*] معاویه نک ردوس فتحنه موفق اولسی اوزریشه جزیره مذکوره ده قولوساس (Colossus) نامیله معروف اولان هیکل مشهور تخریب ایدلمشدر . اشبو هیکل زمان قدیمک عجایبتدن اولوب ، قبل الهجره (۹۱۰) تاریخده رکز ایدلمش و یاقلری مدخسل لیجانک ایکی طرفنده کائن برجلر اوزرینه موضوع و غایت جسیم و مرتفع اولمغله لیانه کیره جک سفائن یماقلری آره سدن کچرلر ایمش . بالاخره بر حرکت ارض تأثیریه مخلندن دوریلهرک اهالی جزیره یی بر بیوک خوف و دهشته القاملمشدر ؛ چونکه جزیره سکائی تعصب جاهلانه سیئاتندن اولمرق هیکل مذکورک اصلاً یتیمایه جفی اعتقادنده ایدیلر .

بو قنوحات عربلره بحرآ دخی مستقبلك مساعد اولدیغنی کوستردی. بوجهتله عرب دونماسی «**كاشف بحر**» حفره نك قوما. نداسی آلتده اوله رق بر طاقم كچوك سفرلر اجرا ایتدكن وحقی روم شرقی دولته تابع وآق دكر جزائر عظیمه سندن معدود اولان سالف الذکر گرید اطه سی اوزرینه دخی شدتلی بر هجوم ایله غانه ومظفر اولق گبی موفقیات متابعیه نائل اولدقدن صكره طالعك كندیلرینه توجهندن بالاستفاده شرقك مرکزی اولان قسطنطنیه شهری علیه حرکتله اشوشهر شهری دخی فتح ایتك افکارینه دوشدیلر. بومالی ساحه فعله چیقارمق اوزره هجرت نبویه نك (٤٨) نجی سنه سنده طرابلس شام ساحلنده تدارك ایدلمش اولان بر قوتلی دونما ایله قره دنده بر جسم اردو سوق ایدلدی.

معاویه اشبو اردونك قومانداسنی سفیان بن عوفه احواله ایدوب، اوغلی وولی عهدی بولنان یزیدی دخی ترفیق ایلمشدر. بو حرکت عسکریه قارشى روملرک امید مقاومتلری هان یوق حکمنده اولوب، عربلر دخی روم ایمپراطورینك گرک جسارتندن وگرک ثباتندن خوف ایده جك بر سبب گوره مدکلری جهته نتیجه تشبثلرندن امین ایدیلر: چونکه، او زمان شرق ایمپراطوری بولنان قونسطانس (Constans) خارجاً بیوک پدری هراکلیوس (Heraclius) ك ضعف ورخاوتنه مماثل بر قدر تسمزلکله مألوف وداخلاً غایت جبار بر ظالم اولوب، سیل استیلای اسلامه قارشى طوره بیله جك بر متاتی

هر نه قدر خلاف عقیده لری اوله رق دورلمش ایسه ده یتنه تعصب لری سائقه سیله انقاضی دخی باشقه بر خصوصه قوللانمیب، اولدیغی یرده حالیه ترك ایلشلر ایدی. جزیره نك فاتحی اولان عربلر ایسه هیكل مذکور ی پاره لیه رك بر یهودی تاجر صاعشار وانقاضی (٩٠٠) دوه یوکی اولمشدر. جزیره مذکور نك شمال شرقی جهتنده اولان وبر سور متین ایله محدود بولنان شهرک اوکنده ایکی عدد لچانی موجود اولوب، اشبو لیمانلر مابینی طولانی بر ریختم ایله تفریق ایدلمش اولغله اشبو ریختم ساحله متصل اولان جهتنده الحاله هذه موجود. وعرب قوله سی نامیله معروف اولان موقع مستحکم دخی بعد الفتح کاشف بحر حفره طرفندن انشا قلمشدر.

حائز دکل ایدی . بوجهته عرب دونماسی استانبولک طبعی وغایت متین بر خط مدافعه سی حکمنده اولان آق دکز بوغازنی هیچ بر مانعه تصادف ایتکمکسزین مرور ایله بلامزاحم مرمره دکنزنده ارائه سطوت ایلدیک گبی ، اردوی مجاهدین دخی بر حرکت شدید و سریعه ایله استانبول سورلرینک آلتیه قدر گله رک شهری دائراً مادر محاصره و تضیق آلتیه آلدیلر ؛ فقط بو تشبدن محضاً قونسطانسک طالعی یاردمیه بر نتیجه حسنه حاصل اوله مامشدر ؛ چونکه ، مسلمانلرک امنیتلرینی قزانش اولان ایکی خرستیانک حرکات خائناً نه لریله بر مدت جزوئیه مرورنده محاصره نک رفغنه مجبوریت گورلدی . بو خرستیانلر برادر اولوب ، عرب دونماسنده اجرته استخدام قلنمقده ایدیلر .

کیلرده مقیداً محبوس بولنان اسرای حربیه یی بر گیجه ایچنده آنسزین تخلیص و آنلرله برلکده اوله رق دونمایدن آتش ویرمش اولدقلرندن کیلر همان کاملاً یانوب ، محو اولمش و بوجهته مجاهدین اسلامیه ذخیره و مهماتک محویه برابر بحرأ معاونتدن دخی مایوس قاله رق بالمجبوریه رفع محاصره ایله عودت ایلمشلردر ؛ حال بوکه ، عربلری موفقیتندن امیدوار اولدقلاری برمسلیکدن دوندرمک اویره قولای برشی دکل ایدی . ایشته بوسیدن ناشی تاریخلرده امثالی گوله مش بر سرعتله ایکنجی دفعه اوله رق برنجیدن ده قوتلی بر دونما تجهیز ایدوب ، اشبودونما ایله لیسیا (اطالیه) ساحلرینه طوغری تجاوز ایلدیلر ؛ وبالذات قونسطانسک قومانداسنده بولنان روم دونماسنه تصادفله دهشتلی بر محاربه اجرا ایدرک روملر علیه مکمل بر غلبه نائل اولدیلر .

اشبو مظفریت بحریه نک نتیجه سی اوله رق قونسطانسک سنوی ویرکی اعطا ایتسی ودها سائر برطاقم نافع شروط ایله معاویه ایسته دیکی

مثالی بر معاهده عقدینه موفق اولدی . بو معاهده نك عقدندن پك چوق زمان گچمكسزین عربلر كندی غالیلردن بریسی علینه روملر طرفندن اجرا قلنان برشدتی سبب اتخاذا ایدرك اخذثار ایچون یکیدن حربه حاضرلنوب ، فقط بو دفعه کی حرکتلرینی روم دولتنك شمالی آفریقه ولایتلری علینه اجرا ایلدیلر .

هدف انتقام اولان ولایات مذکوره روملرک معذانه مقا - ومتلری نتیجه سی اوله رق فنا حالده تخریب ایدیلوب ، مهاجرلرک اظهار ایتدکلی حدت وشدتلرله طاش طاش اوزرنده قالمدی . فی الحقیقه ، طرف اسلامیانده نفوسجه خلیجه ضایعات وقوعه گلدیسه ده هدف الحركات اولان شهرلر غارت ایدلدکن باشقه (۸۰) بیکدن متجاوز اسرا دخی یداغتملرینه انتقال ایلدی .

روملر طرفندن آرتق مصالحه امیدلری میدان آلهرق دوجار اولدقلی حال خرابییه برنهایت ویریه چکی ظننده بولنلمقددایکن فرداسی سنه دخی عربلر کوتلی بردونما ایله بحرأ سیچیلیه جزیره سی اوزرینه هجوم ایدوب ، صاعقه واری آثار عمراندن بر نمونه بیله براقیه جق صورتده اجرای تخریباته موفق اولدقدن صکره ینه بویله بر نیتله کیلیکه طرفنه توجه ایدرك قیشی از میر لیمانده گچیردیلر ؛ و (۵۲) سنه هجریه سنه مصادف اولان (۶۷۲) سنه میلادیه سی نیساننده مذکور دونما از میر لیماندن بالقیام بلامزاحم چناق قلعه بوغازینی گچهرک استانبول جوارینه واصل اولدی . اشبو دونما ایله حامل اولدینی عساكر اسلامیه نك قومانداسی معاویه طرفندن قدم واقتدار عسکریسیله اشتهار ایلمش اولان « سفیان بن عوف » ه احاله قلنمش ایدی .

غزاة موحدین تراس (روم ایلی) ه داخل اولدقدن صکره شهرک محاصره سنه مباشرت ایتدیلر ؛ فقط محاصرلر استانبولک

قوت و متانتی اولدن لایقيله تقدير ايدهمه مش اولدقلری جهته آلات محاصره لری نقصان اولدقدن باشقه شهری محافظه ایدن قلعه دیوار - لرینك اویله مانجینقلرله تحریبی ممکن اوله میه جق درجه لرده قالین و متین اولسی وروما اصول عسکریه سنه توفیقاً تجهیز ایدلمش اولان قوه کثیره ایله تحت محافظه ده بولنسی و مصر و سوریه طرفلرندن فرار ایدوب، بورایه التجا ایلمش اولان بر قسم خلک دخی برفرقه معاونه تشکیل ایدهرک محافظینه قوت الظهر اولملری و بدنلرک اوزرنده سراپا ماکنه لر موضوع بولنوب، بونلر واسطه سیله محاصرین اوزرینه لایق قطع طاش و نیزه و آتش رومی گی مواد مهلکه و مشتعل انداخت اولنسی کیفیتلری مجاهدین اسلامیه نك ثباتلرینه فتور و خلل ایراث ایلمشدر .

بناءً علیه، سرعسکر مجاهدین «سفیان بن عوف» تبدیل حرکات ایله قوه مدافعه لری ضعیف اولان مواقع متجاوره اوزرینه هجوم ایتکی تنسیب ایدهرک دونما و عسکری پروپونس (مرمره دکزی) ک روم ایلی وانا طولی ساحل لری اوزرنده بولنان قرا و قصبات علیه قوللانوب، مبانی مذکورده نك کافه سنی تحریب و غارت ایتدیردی : خلاصه، نیساندن ایلول نهایتنه قدر اولان موسم صیفده اشبو دکزله سواحله اجرای حکم ایلدکن صکره قیشک تقریبه برابر استانبولدن همان (۸۰) میل بعد و مسافه ده کائن اولان [۶] سزیکوس (Cyzicus) اطه سنه چکیلهرک مهمات و غنائم بحریه یی بورایه ادخار ایله قیشی گچیرنجیه قدر تعطیل حرکات ایلدی.

عربلر ایرتسی سنه نك ایلك بهارنده ینه استانبول اوزرینه گلوب، تجدید محاصره و تشدید مهاجمه ایلدیلر ایسه ده بوسنه نك وقوعاتی

[۶] سزیکوس قیوطاغی شبه جزیره سنك نام قدیمی اولوب، شبه جزیره مذکورده نك و قتیله هیچ برجهندن ساحله ارتباطی اولدیغندن عادتاً برجزیره اولدیغی محققدر .

دخی اولکنندن ده‌ا زیاده مطلوبه موافق جریان ایتمه مکه قیشی
گچیرمک اوزره ینه مذکور جزیره چکدیلر .

عربلرک اقداملری اول قدر متبصرانه و محاربه‌لری اول درجه
متأنیانه ایدی که، (۷) ویا (۴) سنه‌دن عبارت بر اوزون مدت بر
منوال سابق دوام ایلدکلری حالد اکر دونماری فورطنه ورو
آتشی گبی آفات طبیعی و صنعیه‌دن محو اولمه درجه‌سنه گلمه‌مش اولسه
واردولری خسته‌لک، محاربه و سالف الذکر آتشدن دوچار ضعف
اولسه ایدی نائل مقصد اولنجه‌یه قدر ثبات ایده‌جکلرنده شبهه یوق
ایدی . نه‌چاره‌که . بوگی موانع طبیعی و صنعیه‌نک یکدیگرینی تعقیب
ایدرجه‌سنه قوه اسلامییه‌نی دوچار ضعف ایلرسی آرتق بو ثمره‌سز
سپردن صرف نظر قلنمنی استلزام ایلمکه کلیاً محاصره‌نی رفع ایدهرک
رجعه‌ مجبور اولدیلر .

بو زمانده استانبول امپراطوری « قسطنطین بوغونات » اولوب ،
عربلرک عدم مظفریتلرینه سبب اولان الک‌باشلیجه ماده‌دخی محصورین
طرفندن — فن حربه دائر اولان فصل مخصوصده بر تفصیل بیان
اولنه‌جنی وجه‌اوزره — « نار بحر » ویا « روم آتشی » تعیر اولنان بر
آفت جانسوزک استعمال ایلمش اولمیدر . اشبو آتش بحری و یارومی
تأثیرات مهلکه‌سندن وصو دروننده دخی یانمه‌سندن طولایی مذکور
محاصره‌لرده زیاده‌سیله قوللاندیغندن عرب دونماسنک باشلیجه دوچار
هزیمت اولسنی انتاج ایلمش و بو هزیمتک حصوله گتیردیکی یأس
و کدرله موفقیت امیددی دخی منقطع اوله‌رق عربلر محاصره‌نی ترکه
مجبور اولمشلردر .

قورتوله‌یلن سفائنله اثنای عودنده دخی سیجیلیه آچیقلرنده بر
فورطنه‌یه تصادف ایلدکلرندن بوسبتون محو اولمه تهلکه‌سنه دوشمشار
ولک بیوک مشکلات ایچنده ساحل سلامتی طوته‌یلمشلردر .

یاخودسوتا (Ceuta)، یعنی (سبتہ) شہرندن (۴) قطعہ سفینہ یہ ارکاباً قارشی اسپانیا ساحلہ ارسال ایلدی . اشبو حرکت عسکریہ هجرت نبویه نك (۹۱) نجی سنہ سی رمضان شریفی ایچریسندہ وقوعه گلوب ، — تاریخ مذکور میلاد عیسانك (۷۱۰) نجی سنہ سی ماه تموزینہ مصا- دفدر — عسکر اسلامك سبتہ بوغازی داخلندہ واسپانیا ساحلندہ قریدہ چیقدیغی موقعه سرگرده لرینك نامنه نسبتله (طریف) تسمیه اولمشدر .

بونلر ساحلدن آیریلوب ، تلال متسلسله دن عبارت اراضی اوزرنده هیچ برمانعه تصادف ایتمکمزین (۱۸) میل ایچریده کائن اولان (جولیان) شهرینه قدر ایلریلدیلر . شهر مذکور دکره طوغری ایلر- یلمش بریشیل برون اوزرنده کائن اولمغله عربلر طرفدن اراضی مذکوریه (هزیه الحضر) نامی ویرلمشدر .

مجاهدین اسلامیه «قونت جولیان» طرفندن فوق العاده مظهر حرمت اولدقلری جهته تحقیقات ومشهودات واقعه لرینی آفریقده کی قومل ندانلرینه باتحریرات اشعارایلدکلرندن فرداسی (۵۹۲) سنہ سی بهارنده «موسی بن نصیر» کندی آزادلیسی اولان «طارق بن زیاد» قومانداسیله (۵) بیک نفر عساکر گزیده وگوکلیدن عبارت بر فرقه مجاهدینی گمیلره ارکاباً قارشییه گوندردی . طارق بن زیادك اسپانیا ساحلندہ یناشدینی محل قطعہ مذکورہ نك نهایت جنوبیه سنده کائن اولان برون اولوب ، بورایه عربلر طرفندن (جبل الطارق) نامی ویرلمشدرکه . اوروپالیلر بونامی تحریف ایده رك (جبرالته) ویا (جبلتره) صورتنه قومیشلر وینلرنده اول وجهله قولالانمقده بولمشلردر .

بووقعه یی یازان مؤرخلرک برطاقلری گویا عساکر اسلام قریده چیققدن صکره طارقك امریله کندیلرینی نقل ایدن دوتسانك یاقش اولدیغی وبونكده عسکرک دشمندن یوز چورمه ملرینی تأمین ایچون اتخاذا ایدلمش برتدیر مستحسن بولندیغی بیان ایلمکده ایسه لرده بزبوروايتك صحتنه اعتقاد ایده مه مکده یز ؛ چونکه ،

اوزمانک ایجابات جاهلیه سندن اوله رق کاملاً تعصب محضه اربابندن بولنان خرسیتانلرله مسکون و مسلمانلرجه — هنوز آفاق باصدقلری جهته — احوال موقعیه و سیاسیه سی کلیاً مجهول قوجه بر اوروپا قطعه سنده نسبت قبول ایتز درجه دهکی اقلیتلرندن ناشی فصل بیوک بر تهلکه ایچنده بولندقلری نظر مطالعه ائه جق اولور ایسه طارق بن زیادگی قدرت و لیاقت عسکریه سی و اجرات سریع حیرت افزاسیله عالم اسلامیتک بحق موجب افتخاری اولان برفاع عالی قدرک ممالک اسلامیه دن — آفریقہ قطعه سیله — رابطه سنک انقطاعی موجب و بلاخره مضرات غصیه تولیدینه باعث اوله جق بر تدبیر سقیمی اختیار ایتیه حکمی آشکاردر . بناءً علیه ، بز بوروایتک حخته اعتماد ایده مدیگمز گبی انگلیز مؤرخین مشهوره سندن « کبون » دخی طارقک اقتدار عسکریسی نظر دفته آله رق روایت مذکورنک عدم حخته حکم ایلکده در ؛ خصوصیه کشورلر فتح ایتک ایچون الدہ اک بیوک آلت اولان سالف الذکر سفائنک آفریقہ ساحلنه اعاده قلملری طریق واریکن احراق ایدلمرینه دخی هیچ لزوم گوریله مز .

قوماندان مشارالیه (۷۱۱) سنه میلادیه سی تموزینک (۱۹) نجی گونی خریس دولا فرونترا (Xeres de la Frontera) ، یعنی عربلرک (شریش) تسمیه ایتدکلری محله بر محاربه ایددرک «روده ربق» ایله عسکرینی منہزم و پریشان ایلمش اولدینی گبی موسی بن نصیر دخی (۱۰) بیک نفر عرب و (۸) بیک نفر آفریقہ لیدن عبارت برفرقه ایله موریتانیا (فاس) دن اسپانیایه عبور ایددرک طارق بن زیاد ایله برلکده مرسیه ، غرناطه ، اندلس ودها سائر جنوب مملکتلرینی برر برر ، و فقط کمال سرعتله فتح و تسخیره باشلادیلر .

بوایکی مقتدر مجاهد دها اسپانیا ولایتلرینک فتوحاتیه مشغول ایکن بارسلونا (Barcelona) لیمانی سوریه و آفریقہ سواحلنه منسوب اولان هر نوع سفن اسلامیه کشاده قلمشدر ؛ چونکه ، طارق بن زیاد معیت موجوده سیله اسپانیایه نقل ایدن عرب دوخماسی قطعه مذکورنک شرق سواحلیله اول حوالیده بولنان قورسیقه ، ساردانیه و بالثار (مایورقه ، مینورقه) جزائرینی کشف و ضبط ایچون عزیمت

ایتمش و جزائر مذکورہ فی قبضہ تسخیرہ گچیردکن ماعدا آق دکنزدہ بولنان جزائرک همان کافہ سنی دخی ضبط ایتسکہ بوجہ لدن اولق اوزرہ گرید اطمہ سنک بعض محللری دہ ید ضبط اسلامیانه انتقال ایلمش ایدی . بوجہ تہلہ عربلر آق دکنزک حاکمی صرہ سنہ گچدکلرندن عرب سنجاغی آلتدہ بولنان ہر نوع سفائن دخی بحر سفیدک جہات مختلفہ . سندہ سر بستئ سیر و سفرہ نائل اولمشلردر . بحر سفیدک داخلندہ حصولہ گان بوموفقیتلردن باشقہ اولہرق موسی بن نصیرک اسپانیایہ مرورندن صکرہ دخی طارق بن زیاد ہم قپودان و ہم سردار صفیہ آفریقہ دن جلب اولنان بر بیوک دونما ایلہ سبتہ خلیجندن طیشاری بحر محیط غربی یہ چیقوب ، اسپانیوللر ایلہ مدت مدیدہ حرب ایدہ رک غلبات عظیمہ یہ نائل اولدی . سبتہ بوغازندن ابتدا طشرہ چیقان اسلام دونماسی ایشہ بودونمادر .

یوقاریدہ دخی ذکر اولندیغی وجہ اوزرہ طارق بن زیادک اسپانیا سواخلندہ ابتدا قریہ چیقدیغی موقعہ (جبل الطارہ) تسمیہ اولندیغی گبی بوغازہ دخی ینہ امیر مشار الیہک نامی ویریلہ رک اول وجہلہ کسب تعارف ایلمشدر .

ایشہ اہل اسلامک آرزمان ایچندہ بونجہ فتوحات عظیمہ یہ نائل اولسی آنجق قوہ بحریہ سایہ سندہ وجودہ کلش بر موفقیہ فوق العادہ اولدیغی شہہ سزدر . مع ذلک ، عربلرک شوژماندہ کی ترقیاتی دہ اول قدر شایان حیرت بردر جہی بولمشدرکہ ، اسپانیا قطعہ سنک فتحہ مباشرت ایتدکلری زماندن (۱۰) سنہ مدت مرور ایدر ایتمز — گیبہ گوندز دوام ایدن محاربات عظیمہ آرہ سندہ اختلاس وقت ایدہ رک — ولایات مفتوحہ نک بر قطعہ مکمل خریطہ سنی دخی ترسیم ایلہ مرکز خلافت اسلامیہ اولان شامہ ارسال و حضور خلیفہ یہ تقدیم ایتک گبی بیوکک گوسترمشلردر . بوخریطہ دہ اسپانیا قطعہ سنک سواحل و دکنز لریلہ لیمان

ونهرلری و سکنه و شهرلری و طبیعت اقلیمیه سی، طوپراق، احجار و معدنیاتی، خلاصه، آثار طبیعی و صناعیه سی بالاطراف ارئه قلمشدر. نه بیوک نرقی !

خليفة وليد بن عبد الملك زمانده اهل اسلام اوروپا قطعه سنه غرب جهتدن دخول ايله ققوحاته دوام ایلدکلری گبی شرقاً دخی اناطولی اوزرینه سوق اولنان جسیم براردو اوچنچی دفعه اوله رق (بزانیه) پای تختی حدودینه تقرب ایللمکده ایدی. اشبویای تختی فتح ایتمکن عبارت اولان مقصدک حصولیچون عربلر بجرأ دخی بر بیوک تدارکاته تشبث ایتدیلر ایسه ده تصور مذکورک موقع اجرایه وضعی بالاقتضا «سایمان بن عبد الملك» ک خلافتی زمانه قدر تأخر ایتدی؛ چونکه، شامده بولنان روم ایلیجیسی عربلرک برأ و بجرأ بر بیوک تدارکات حربیه ده بولندقلرینی و بوحاضر لقلرک مثلی نه ماضیده وقوع بولمش، نه ده استقبالده وقوعی ملحوظ اولدینی حوادث دهشت افزاسنی کمال تهالکله ایمپرا- طوره ایصال ایلدیگندن ایمپراطور آناستاسیئوس (Anastasius) بر هجومی دفع ایتمکن ایسه وقوعندن اول منعی تشبثسده بولمق ده تهالکسز ودها زیاده سالم و عاقلانه بر حرکت اولدیغنی درک ايله بر طاقم خفیف غایلردن عبارت بردونما انشا ایتدیروب، روملرک عادت مألوفه لری اوزره عربلرک مهمات بحریه لرینی یاقق تصویرینه دوشه رک اشبو دونمائی مصر و آفریقه لیمانلرنده انشاسی تحت قراره آلمش اولان احتیاط دونماسنه مقتضی وجبل لبنان اورمانلرندن قطع ایدیلهرک فنیکه ساحلرینه ایندیرلمش اولان سروی اغاجلرینی احراق خصوصسده قوللانمقلنی تصور ایدوب، شاید موفقیت حصوله گله مدیکی تقدیرده هیچ اولمازایسه عرب دونماسنک چناق قلعه بوغازندن مرورینی منع ایتک خصوصسده استخدام قرار ویره رک آق دکز ه سوق وارسال ایلمشدر.

ایمپراطور ایشک دھا ایلرینی ده نظر دقته آله رق شاید عربلر طرفندن هر مانع اقتحام اولنوب ده استانبوله قدر گلنه جک وشهر محاصره صره آلتنه آلتنه جق اولور ایسه مقاومت ممکن اوله بیلیمک ایچون محاصره (۳) سنه مدت دوام ایتدیکی صورتده کنیسینی اعاشه یه کافی ارزاقی اولمیانلرک شهردن چیقمالرینی اعلان ایدوب، میری آنبارلریله ترسانه لری دخی ارزاق ومهمات ایله املا ایلدی؛ وقلعه دیوارلرینی تعمیر ایتدیروب، بدنلرک و (بریفانین) تعبیر اولسان حرب گمیلرینک اوزرلرینی طاش وحر به و آتش انداختنه مخصوص ماکنه لرله طولدره رق وقت و حاله مناسب ومقامنه لایق تدابیر متیقظانه ایله امر مدافعه یی اکالده دقیقه فوت ایلمدی .

عربلر استانبول حقنده کی تصورلرینک فاش اولدیغنی آکلا نیجه هجوملرینی دھا مناسب بر زمانده وبغته اجرا ایتمکه قرار ویره رک دونمالرینی فنیکه ساحلنه اعاده ایلدیلر . بو مانوره قارشى روم ایمپراطوری دخی دونماسنی ردوس آچیق لرنده وولطه اورمغه مأمور ایلدی .

روم دونماسنک ردوس آچیق لرنده بولندیرلمسندن مقصد گویا بر فرصت دوشوروب، آنسزین فنیکه ساحلرینه هجوم ایله عربلرک دونما انشاسیچون آفریقہ یه ارسال ایتمک اوزره جبل لبنان دن دکر قیلرینه ایندیرمش اولدق لری کرسته لری احراق ایتمک ایدی؛ فقط دونماده برعصیان ظهور ایدهرک تئودوسیئوس (Theodosius) نامنده برینه بیعت ایلدکلرندن نیت فاسده لرینی اجرا یه قیام ایدمه دیلر؛ ومرقوم تئودوسیئوس دخی ایمپراطورلغنی بعدالاعلان استانبولی ضبط ایتمک اوزره اشبو دونما ایله حرکت ایدوب، آتی آی شدتلی محاصره وتضیقندن صکره شهرک ضبطنه موفق اولدی .

تئودوسیئوسک بوجهله شرقی روما ایمپراطورلغنی تاجنی رأس

تغلبنده بولندیرمسی — مقامی محافظه ایچون لازم گلن اقتداره مالک اولدیغندن طولای — پک آز زمان دوام ایده بیلمشدر؛ چونکه، ایمپراطور آنستاسیئوس طرفندن اردو قوماندانی نصب ایدلمش اولان جنرال لئو (Leo) تئودوسیئوس علیه عصیان ایدهرک تئودوسیئوسک مخالفی بولنان رومانلرله عربلرک دخی اتفاقی قزائمش اولدیغندن وقوع بولان معاونتلی سایه سنده مرقومک اردوسنی مغلوب وکندیسنی ترک تحت مجبور ایلدی.

لئونک ایمپراطورلنی زماننده دخی عربلر طرفندن استانبول اوزرینه بر هجوم وقوعه گلمشدر (۹۷ هـ، ۷۱۵ م) : —
عربلر دنیاده ثبات ایله مشتهر بر قوم اولدقلرندن حصوله گتیرمک نیتده بولندقلری بر مقصدک اجرایی خصوصنه صرف همت ایتمکدن قاچنماقلری جهتله بو قیلدن اوله رق استانبولک فتحی ایچون دخی هر فرصتدن بالاستفاده مکرراً حرکات عسکریه اجرا سندن گیری طور مامش لردر. بودفعه کی محاصره «سلیمان بن عبدالملک» طرفندن وقوعه گتیرلمش و «عمر بن عبدالعزیز» دورنده رفع ایدلمشدر. اشبو محاصره استانبول علیه وقوعه بولان تجاوزلرک الیوکلرندن اولوب، خلافت امویه نك دوامی مدتیجه اجرا قلنان حرکات حربیه نك دخی ال جسیمی اولدیغی محققدر.

خليفة سلیمان بن عبدالملک برأ و بحرأ تدارکات عظیمه ده بولند. قدن صکره (۱۲۰) بیک نفر عرب و ایران عسکرندن مرکب بر بیوک اردوایله (مرج دابق)ه گیده رک اشبو اردویی برادری و عرب جنرا-لرینک ال مشهور و مقتدر لرندن بولنان «مسلمه» نك قومانداسی آتته ووروب، قسطنطنیه نك فتحه مأمور ایتمش وفتح میسر اولدقجه عودت اولنماسی امرینی دخی ویرمشدر. بو اردویی تشکیل ایدن عسکرک قسم اعظمی سواری اولوب، بارگيرودودولر اوزرنده بولندقلری

حالدہ حرکت ایشملر وانا طولی قطعہ سنہ داخل اولدقن صکرہ کمال سرعت و سہولتہ بر قاچ بیوک شہرکدہ فتحہ موفق اولدقنندن شوق و غیرتاری آرتاری ایلریمکدہ دقیقہ فوت ایلمہ مشلدر .

استانبول علیہ بر آسوق اولنان اشبواردودن باشقہ بحرأ بر جسم دونما دخی گوندردی . ارسال اولنان دونما ایکی بیوک فرقه دن عبارت اولوب ، بریسی مصرده و دیگر فیکہ سواحلندہ تدارک و تجهیز قلنمش و مجموعی (۸۰۰) قطعہ یہ بالغ بولنمش ایدی ؛ فقط سفن مذکورہ نك عددجہ اولان کثرتلری قطعہ جہ کچ وکلکلینی ارأه ایدر بر دلیل اولق اوزرہ قبول ایدلمک اقتضا ایدر .

اردو چناق قلعه بوغازینک انا طولی ساحلنہ واصل اولدیغی زمان دونما دخی بوغازہ داخل اوله رق وقت وزمانیہ برلشمش اولدقنندن عساکر اسلامیہ ساحل بحردہ کائن [*] آیدوس (Abydos) خرابہ سنک بولندیغی موقعدن دونمایہ گیرہ رک اشبو طریق ایله ایلک دفعہ اولق اوزرہ آسیادن اوروپایہ مرور ایلدی . اردو تراس قطعہ سنہ داخل اولدقن صکرہ بلامزاحم استانبول سورلرینہ قدر ایلریہ یہرک شہری قرہ جہتندن تحت محاصرہ یہ آلدیغی و مسلمہ نك تدبیریہ مذکور اردونک اطرافی خندق و مترسلرلہ تحدید اولندیغی گبی دونما دخی دکز طرفی چویروب ، بووجہلہ محاصرہ اکمال ایدلدی .

دونمانک آرہ سندہ یالکز (۲۰) قطعہ جسم گبی بولنوب ، بہرندہ یوزدن زیادہ آغر سلاحلی عسکر موجود ایدی . روم مؤرخلرینک اخبارینہ نظرأ بو عظیم دونما را کد بر دکز و ملایم بر هوا ایله شہرہ تقرب ایدہ رک سرای بر ونی طولاشدیغی صرہدہ بوغازک سطحی

[*] شہر مذکور آق دکز بوغازینک انا طولی ساحلندہ و نغرہ بروی اوزرندہ کائن برخرابہ اولوب ، حدود عثمانیہ داخلنہ کیردکدن بر خیلی زمان صکرہ انقاصیلہ چناق قلعه سی وجودہ کستیرلش اولدیغندن شمیدیکی خالدہ مذکور خرابہ دن خارجأ بر اثر مشاہدہ قلنہ مامقدہ در .

متحرک بر اورمانک سایه سی آلتده گولگه لشمش بر حالدہ مشاهدہ قلنمقدہ ایدی ؛ خلاصہ ، بو محاصره ده عربلرک تدارکاتی بک عظیم و مکمل اولدیغی گبی روملر دخی ایمپراطور آنتاسیئوس زمانندن بری عربلرک بر هجوم شدیدنه هدف اوله جقلارینی بیلدکلرندن اسباب مدافعه نی اکیل خصوصنده صرف مساعیدن گیری طور مامشار و شهری ضبط اولنه ماز بر درجده تحکیم و تقویه یه موفق اولمشلر ایسه ده — عربلرک شجاعت و ثبات و متانتلری هر کسیدن زیاده روملر نزدنده مسلم اولدیغندن — ینه حربه میدان ویرلمه مک و محاصره رفع ایدلمک اوزره تضمینات حربیه مقامنده بر مبلغ عظیم اعطاسی تکلیفنده بولندقلاری حالدہ اشبو تکلیف مسلمہ طرفندن رد ایدلمش اولمغله طرفیندن آتش حرب وجدال کال گرمی ایله اشتعال ایلمشدر .

اهل اسلامک قوای مادیه و معنویه سی هر جهتله روملرکنه فائق ایکن ده اوزمانلر مسلمانلر جه اسرار و حقائق مجهول بولان وروم آتشی نامیله اشتہار ایتش اولان آتش معهودک محصورلر طر- فدن کال شدت و مهارتله قوللانلمقدہ اولسی محاصرلرک غیرت و شجاعت جانسپارانلریله کسب توازن ایددرک تشبثلرینی ثمره سز براقش و ضایعات کلیه یه دوچار اولملرینه باعث مستقل اولمشدر .

شویله که ، مسلمہ شهرک محاصره سنی اکیل ایتدکن صکره هم برآ و هم بحرآ بر هجوم اجرانی قرارلشدیرمش و بو هجومی لیلاً اجرا ایتک اوزره حاضرلقده بولنمشدر . ایمپراطور «لئو» دخی محاصرلرک مصمم اولان اشبو هجوملرینی نتیجه سز براقق و آنلری مهلک بردامه دوشورمک قصدیله عرب دونمانسی خلیجه دخولدن منع ایچون استانبول و غلطه بیننه گردیرمش اولدینی زنجیری بر طرفه آدی رورق بو وجهله دونمائی صورت ظاهرده خلیجه بلامزاحم دخول ایچون شریست براقشدر .

عربلر مذکور زنجیرك بر طرف ایدلدیكنی گورنجه قسماً اشبو فرصتدن بالاستفاده خلیجه داخل اولمق و قسماً دخولدن احترازده بولمق طرفی التزام ایله تردد ایچنده بولندقلری بر صروده روملر طرفدن آنسزین و کمال سرعتله طیشارییه متعدد آتش گمیلری سوق اولنه . رق دکزك یوزنده بیوک بر قارغاشالق وقوعه گتیرلدی . عربلر . سلاحلری ، دونمالری آلورل ایچنده قالب ، فرار قصدنده بولان گمیلر دخی بر برینه چاتارق باطمق ، یانمق گبی بیک درلو بلیه باش گوستردی ؛ خلاصه ، عرب دونماسنك قسم اعظمی بوداهیة دهشت افزانك تأثیرات محرقه سیله محو و نابود اولدقلری گبی برطاقلری ده اك قوی تدبیرلری بوزان فورطنه فلاکتلریله غرق و تلف اولدقلرندن روما نامنی صحیفه عالمدن حك ایدمك اقتدارى حائز اولان اوقوجه دونمادن هیچ بر نشانه بیله قالماغله اشبو ضایعات عظیمه مطلوبك حصولنی دائره امکانك خارجنه چیقارمشدر ؛ چونكه ، دونمانك ضیاعیله سورك ایکی واسع جهتی احاطه ایدن دکز لر سربست قالدقلرندن یالکیز قره جهتندن اولنان محاصره ایله خارجدن شهره وقوع بوله جق معاونت لرك منعی ممکن اوله مدینی گبی داخل شهرده بولنان قوه عسکریه نك کافه سی یالکیز قره جهتی تحدید ایدن سورك مدافعه سنه خدمت ایلدکلرندن بو جهتندن ده بر ایش گوره بیلمك درجه استحاله یه وارمشدر .

حال بو منوال اوزره دوام ایتمکده ایکن بر بیوک فلاکت دها باش گوستردی . اوده خلیفه سلیمان بن عبدالملک جمع و تدارك ایتمش اولدیغی بر ایکنجی اردو ایله لاجل المعاونه استانبول اوزرینه حرکت حاضرنمقده ایکن ارتحال ایتمی واشبو اردونك ارسالندن صرف نظر قلنمسی کیفیتی اولوب ، بو وقعده دخی اهل اسلامك شوق و امیدلرینی کسره باعث اولمشدر ؛ فقط مسلمه ثبات و لیاقت

صاحبی بر قوماندان اولمغله اصلا علامت یأس گوسترمیه رک بتون قیش محاصره و محاربه یه دوام ایلدی . اتفاقات غریبه دن اوله رق او سنه قیش پک شدتلی اولوب ، زمین یوز گوندن زیاره قار آلتند قالدی . مصر و عربستان گبی اقالیم حاره سکنه سندن اولان عساکر مسلمین برودتک شدتندن عادتاً جانمزا اشیا مثللی حرکتدن قالدیلر ایسه ده اول بهارک حلولیله وجودلری اویانوب ، اعاده قوت ایلدکلرندن اولککندن زیاده بر غیرتله یکیدن حربه مباشرت ایلدیلر .

بو ائنده ایکی فرقه دن مرکب جسم بر دونما دخی مهمات و ذخیره و عسکر و اسلحه حموله سیله ورود ایلدیکندن مجاهدین دینک شوق و غیرتلی و محصورین حاسرینک خوف و دهشتلی ازدیاد بولمشر . بو دونمانک (۴۰۰) قطعه غالی و ثقلیه سفائنندن عبارت اولان بر فرقه سی اسکندریه دن و (۳۶۰) قطعه دن عبارت اولان دیگر فرقه سی دخی سائر آفریقه ولایات شمالیه سی ساحلرندن سوق وارسال قلمش ایدی .

دونمانک ورودی یالکیز احتیاجانک تهوینه خدمت ایدوب ، معاملات حربه خصوصنده هیچ بر ایشه یارامامشدر ؛ چونکه ، روملرک قوللاندقلری آتش بحری بو دفعه اولکی قدر موجب مضرت اولماش ایسه ده دونمانک موقع حربه تقرینه مانع قوی اولمغله یه دکر طرفنک محاصره سی ممکن اوله مدینگی گبی اسکندریه فرقه بحریه سنده مستخدم بولنان خرستیانلرک حرکات خائنانه لری ، یعنی بولندقلری گیلری دشمنه تسلیم ایله گندیلرینک ده دشمن طرفه فرار و التجا ایلملری عرب دونماسنک یه ضعفه دوچار اولسنه باعث اولمش و بو کیفیت شهرک تکرار تجارت بحریه وسیر سفائنک اعاده اولمنسنه سببیت ویرمشر .

محصورلر بالق صید ایدهرک دفع احتیاج ایلدکلری حالده محاصرلر

ذخیره سزلك مضایقه سندن طولای آچلق مصائبه دوچار اوله رق زیاده سیله
مضر صحت مواد اكلنه مجبور اولدقلرندن عسكرییننده خسته لك دخی
اجرای حکم ایتمک باشلادی. بو آردلقده ایمپراطور «لئو» روم ایلیده ساکن
باربارلردن بلغار طائفه سنی بر طاقم عطایا و مواعید جمیله ایله دائره
اتفاقه آلوب، بولردن بریوک اردویی عربلر اوزرینه جلب و تسلیط
ایلدیکندن بو کیفیت دخی ایشك رنگنی بوسبتون دگشیدردی :
و نتیجه سی طرف اسلامیاندن (۲۲) بیک نفر تلفات وقوعی
موجب اولدی .

طرف دیگردن دخی ده اوزمانلر اهل اسلامك کلیاً مجهوللری
بولنان فرنكلرك غیرت خرستیانیه ایله استانبول روملرینه معاونت
ایچون برأ و بحراً تداركات عظیمهیه تشبث ایلمش اولدقلری وعن
قریب حرکت ایتمك اوزره بولندقلری حوادثی بین العساكر شیوع
بولمش اولغله کیمسه ده شوق و امید قالماش و محاصره نك (۱۳) نجی
ماهی ختامنده خلیفه عمر بن عبدالعزیز طرفندن سرگرده مجاهدین
مسلمه بن عبدالملک ترك محاصره ایله عودت اولنسی امری ورود
ایتمکله بقیه غزاة موحدین استانبول سورلری اوکندن چکلمکله
مجبور اولمشدر .

عرب سواریسنك حدود اسلامیة داخلنه قدر چکلمسی عوق
و تأخیره تصادف ایتمکسزین وقوع بولدی ایسه ده دونمانك قسم
باقیسی تکرار بتکرار فورطنه و آتش بلیه سینه دوچار اوله رق
ضایعات کلیهیه اوغرایوب ایچلردن انجق (۵) قطعه غالی اسکندریه
لیمانه واصل اوله ییلدی ؛ خلاصه ، بو محاصره ده دخی عدم موفقیته
سببیت ویرن ماده روم آتشی تغییر اولنان داهیة عظمانك قوللانمش
اولسندن عبارت اولوب ، یوقسه انتظامنه خلل گلمش اولان روم
دولتمك سایه نور اسلامده هنوز پرتو آلان گنچ و دنچ عرب دولته

قارشى مقاومته مقدر اوله بيلمسى — روم مؤرخلرينىك دخى
اعترافلى وجهله — امكانسىز اولوردى .

ايسته روم دولتىك طالعى سائقه سيله دركه، برکيميا گر و يامهندسك
اثر مهارتى بر دونما ويا اردونك قوتنه تقابل ايتمش وبو سايله ده
روملر بر خيلى زمانلر دها قدرتسىز اولان حڪومتلرينىك دوامنى
گورمك بختيارلغنه نائل اولمشدر .

بو وقعه دن صكره دخى دولت عليه عثمانيه نك ظهور وتشكلنه قدر استانبول
شهرى اهل اسلام طرفندن (۱۲۱ هـ ۷۳۹ م) و (۱۶۴ هـ ۷۸۰ م) و (۱۹۲ هـ
۷۹۸ م) تاريخلرنده محاصره اولمش ايسه ده بو محاصره لرك كافه سى برأ وقوع بولش
اولغله تفصيلندن صرف نظر قلندى .

عربلرک استانبول فتحى مقصديله وقوع بولان سعى وغيرتلىرى
بر ثمره مفيده حصوله گتيره مه مش اولدينى جهتله حاصل اولان
مايوسيت اوزرينه روما الكاسنىك باشقه برجهته هجوم ايله اخذئار
ايتمك ايجون يكي دن تداركاته باشلاديلر. اشبو تداركات جسيمه بحريه -
نىك اككلىدن صكره عربلر ايتاليانىك قسم جنوبي سيله سيچيلييه وقور -
سيقه وساردانيه اطه لرى اوزرينه هجوم ايدوب ، ايشى اول درجه
شدت وثبات ايله درعه ده ايلديلر كه ، (۱۳) سنه دن عبارت براوزون
مدت متمادياً اسفار بحريه ايله اشتغال ايدرك مذكور جزيره لرله
ايتاليا ساحللىرىنى دهشت وانهزام تامه دوجار وروماليلرك قوللاند -
قلى آتش بحرى يى بورالرده موجدلر نى بيله حيرتده بر اقاچق بر
صورت مده شه ده استعمال ايلديلر ؛ خلاصه ، دنيا (۱۳) سنه
قدر بونلرك دهشتندن قيملده انه مامق حاله گلدى .

عربلر بو وقعه دن صكره طقوز اون سنه قدر هيچ بر طرفه بر
تجاوزده بولمىد قلى حالد لئونك خلفى اولان «قسطنطين» همان تخت
ايمپراطورى يه جلوس ايدر ايتمز اهل اسلام عليه نه قيام ايتمكه اشبو

تجاوزہ مقابلہٗ عربلر بر چوق غالی وسائر نوع سفائی امور حربیہ دہ
استخدام ایچون ترتیب و تجهیز ایدہ رک وجودہ گتیر دکاری بردونمائی
قبرسہ گوندردکاری گبی عسا کر بریہ ایله مملو بر طاقم نقلیہ سفائی
دخی مذکور دونما ایله بر لشمک ووقوعی ملحوظ اولان هر گونا
تجاوزہ مقابلہ ایتک اوزرہ جزیرہ مذکورہ یه سوق وارسال ایلدیلر
ایسہ دہ اشبو احتیاط کارانه اولان تدیر لرندن رومالیلرک سرعت
حرکتلری مانعہ سیله بر نتیجہ مفیدہ استحصالنه موفق اوله مدیلر ؛
چونکہ ، استانبولدن چیقان روم دونماسی عربلرک مأمول ایتدکاری
بر زمانده آنسزین دونمالری اوزرینه هجوم ایدہ رک ضایعات کلیه
ایرانہ باعث اولمش و بونا گهانی محاربه دہ عرب دونماسندن آنجق (۳)
گمی قورتوله بیلوب، دیگرلری غرق و خراب اولمشدر .

ذاتاً بوزمانده دولت امویہ نک ادارهٗ داخلیه سنہ خلل تطرق
ایدہ رک انتظامی بوزلمش وقوت و سطوتی زائل اوله رق بر اختلال
شدید ایچنده بولمش اولغله دشمن خارجی یه قارشى اسباب مقاومت
تهیئہ سنہ چالیشیله مدیغندن روملرک بو غلبه لری انتقامسز قلمش
وبوندن صکره دخی عربلر (۵۰) سنہ قدر بحر آرائه شوکت و قدرت
ایتمک هوسنده بولنما مشدر ؛ چونکہ ، اشبو اختلالات مدہشہ نک
نتیجہ سی اوله رق (۱۳۲) سنہ ہجریہ سنده امویہ دولتی کلیاً منقرض
اولوب ، یرینہ «خلافت عباسیہ» قائم اولمش و اهل اسلام یکیدن کسب
قوت ایتک استعدادینی بولمش ایسہ دہ خلافت عباسیہ یه قارشى دخی
بعض ولایتلر اہالیسنک عصیانده اصرارلری و خصوصیلہ اندلسیلرک
خلفای امویہ خاندانی بقایاسندن «عبدالرحمن بن هشام» ہ بیعتلہ خلافت
عباسیہ دن فک رابطہٗ اتحاد ایلملری گبی اهل اسلام بینندہ ظہورہ
کلن تفرقه قوہٗ اسلامیہ یی تقلیلہ باعث مستقل اولدقدن باشقہ امنیت
داخلیہ یی دخی دوچار انسلا ب ایلدیکندن اهل اسلامک بر دائرہٗ

اتحاد داخله ارجاعی خصوصی خصوصیات سائرہ نك كافه سنه مقدم و مرجع گورلدیکی اجلدن مقام خلافتدن باشلیجه بوجهته حصر غیرت اولنه رق ابتدالی پك اوقدر خارجه اوغراشلق جهته گیدله مش و بومیانده بحرأ غزا و جهاد خصوصی دخی عادتا ترك اولمق درجه سنده اهمیتدن عاری طوتمشدر؛ فقط مؤخرأ «محمدالمهدی» و «هارون الرشید» دورلرنده دولت عباسیه کسب قوت و مکننت ایدوب. یکیدن فتوحات خارجه ایله اشتغاله باشلادی. «نیه فوروس» (Nicephorus) ك ایمپراطورلنی زماننده اهل اسلام طرفندن وقوع بولان استانبول محاصره سی نتیجه سی اوله رق ایمپراطور مشار. ایله دولت عباسیه ویرگی نامنه سنوی بر مبلغ عظیم اعطا ایتك گبی بیوك بر شرط آلتیه آلتیدینی حالده دها شدتلی بر اخذنار ایچون فرداسی سنه ینه روملر یدینه گچمش اولان ردوس اطه سی اوزرینه دخی هارون الرشیدك سرعسکری «حمید بن منصور» قومانداسیله جسیم بردونما سوق اوله رق جزیره مذکوره تخریب واسترداد ایتدیرلدی ایسه ده اشبو دونما فنیكه ساحلنه عودت ایدرکن تصادف ایلدیکی شدتلی برفورطنه یوزندن ضایعات مهمه یه اوغرادی؛ وینه هارون الرشیدك زمان سلطنتده حمید بن منصور قومانداسیله سوق اولنان بر دونما گرید جزیره سنك بعض محللرینی دها ضبط ایتمكه ضمیمه ممالك اسلامیه قلندی.

بودورده هر نه قدر قورسیقه، ساردانیه، سیجیلیه، بالئار و دها سائر بحر سفید اطه لرله گریدك بر قسمی وایتالیانك جنوب طرفلری خلافت عباسیه نك اجزاء مالکندن معدود ایدیسه ده عباسیلر قوه بحریه لزومی نسبتنده اهمیت ویرمدکلرندن زمانلرنده بحرأ ارئه شان وسطوتلرینه مدار اوله حق بر بیوك وقعه سبق ایتمه مشدر. مع ذلك، اندلس دولت امویه سیله شمال آفریقه ده تأسس ایدن حکومت

اسلامیہ امور بحریہ یہ قید و اعتنا گوسترش اولدقلرندن اهل اسلام -
مکینه آق دکز اوزرنده شوکت وعظمتی بر زمان ایچون دها انجلا بخش
عیون عالم اولمق شرفنی محافظه ایده بيلمشد .

بوزمانلردن بحث ایدن اوروپا تاریخنه بر نظر عطف اولدینی صورتده
گوریلورکه، خلیفه هارون الرشیدک معاصریندن وغرب حکمداراننک
اعاظمندن اولان «شارلمان» (Charlemagne) ک وفاتندن صکره
فرانق دولتک اوچه انقسامنی نتیجه ویرن اختلالات داخلیه اناسنده،
یعنی (۹) نجی عصر میلادی اوائلنده بحر سفید سواحلنده بولنان
اوروپایه منسوب مملکتلر اهایلی میاننده گمیجیلک یالکز وندیک
ساحلنده قالمش وبونلرک سیر سفائی دخی آنجق بحر سفیدک معین
اولان قسملرینه منحصر بولنش ایدی .

شمال طرفده ایسه ساقسونیه لیلر ایله هم جوارلری بولنان
[*] نورمانلر امور بحریه ایله توغل ایدوب، ملل سائره بو صنعتک
هان یابنجیسی ایدی .

افادات سابقه ایله دخی مؤید اولدینی وجهله دولت امویه نک
صوک زمانلرنده ضیای اقبالی گبی قوه بحریه سی دخی دوچار انخساف
اوله رق شان وسطوت ارئه سندن قالمش اولدینی مثللی بعدالاتقراض
مقامنه قائم اولان خلافت عباسیه ولایات ساحلیه سنک مراکز بحریه
اتخاذ اولنان محللرنده هر نه قدر مأمورین بحریه موجود اولوب،
ظاهراً اصول سابقه یه رعایت اولنش ایسه ده دونما مفقود اولدیغدن
اشبو مأمورلرک دخی اهمیتلری محدود ایدی .

اندلس اهل اسلامی خاندان امویه دن بر حیات قالمش اولان

[*] نورمان، یعنی شمال آدملری دیبه شهرت بولانلر دایمارقه، اسوچ و نوروچیه اهایلیسی
اولوب، بونلر قورصانلق ایله مألوف اولدقلرندن دأما ابجار وانهارده کشت وکذار ایله راست
کتیردکثریه ایصال خسار ومضاردن خالی قالمزلردی .

عبدالرحمن بن هشامی دعوتله کندیلرینه «امیر» ایدوب، بو وجهله استقلاللرینی اعلان ایلدکلری زمان خلافت عباسیه طرفندن اندلسده «عامر القریش» امیرالماء اولوب؛ فقط دونما موجود اولمادیغندن اسپا- نیا اوزرینه خارجدن پک چوق تجاواز و قوعه گلمکده ایدی. بو ذات امریعتی قبول ایلمدیکی جهته ازاله اولدقدن صکره «عبدالرحمن» طرفندن بر منتظم دونما انشا ایتدیریلوب، آنجق بو واسطه ایله خارجک تجاوازا نه نهایت ویریلرک امنیت و آسایش داخلی اعاده قلمشدر.

عبدالرحمن معاملات بحریه دن حصوله گله جک منافعک پک بیوک اولدیغنی تقدیر ایدن بیوکلدن بولمغله بو جهته لزومی قدر اهمیت ویره رک اک سهولتی تجارت طریقلری و ثروت منبعلری دیمک اولان بعض نهرلری تطهیر و قنالر حفر ایتدیره رک قابل سیر سفائن بر حاله وضع ایلمش و بو سایه ده (تجارت بحریه) کسب وسعت و سهولت ایدرک هم اهالی و هم حکومت مستفید اولمشدر؛ خلاصه، تزید ثروت و تأمین سعاده باعث مستقل اولدیغی حیثیتله اهالی گمیجیلک و تجارت گبی فائده لی مسسلکله سلوک ایلمش اولدقلرندن آز زمان ایچنده اندلس لیمانلرنده پک چوق سفینه لر انشا قنوب، آفریقه و اوروپا سواحلی و حتی قسطنطنیه شهری ایله مناسبات تجاریه حصوله گتیرلمش واجبی چارشولری اندلس امتعه سیله مالا مال اولمشدر.

«حکم بن هشام» ک هنکام سلطنتنده دخی (قرطبه) اهالیسندن نفی اولنان بر قسم خلق — عربلر طرفندن (اقریطس) نامی ویرلمکده اولان — گرید اطه سنی کاملاً ضبط ایله اوراده بر حکومت اسلامیه تأسیس ایلدیلر؛ شویله که، بالاده دخی بالمناسبه اشعار اولندیغی وجهله تا زمان معاویه دن بری امرای عرب فرصت دوشوردکجه گرید اطه سی اوزرینه تعرضدن خالی قالمیوب، مصر والیسی عبدالله

بن سعد وکشف بحر حفاره و سرعسکر صاحب اقتدار حمید بن منصور گبی مشاہیر اسلام بواسطہ سفر ایدہ رک بعض محللرینی قبضہ تسخیرہ گچیر مشلر ومؤخرآ خلفای عباسیہ دن ہارون الرشیدک اوغلی «مأمون» زمانندہ «ابو حفص عمر بن حیب اندلسی» دخی جزیرہ مذکورہ اوزرنندہ کائن حصارلردن برینی ضبط ایلہ اورادہ اسکان ایدہ رک یواش یواش ہرطرفی استیلا ایدوب، اہالیٰ خرستیانیہ سنی خراجگذار ایلدی؛ واولاد واحفادی دخی ارتا اشبو جزیرہ صاحب اولہرق (۲۱۲ھ) تاریخنہ قدر حکومتلری دوام ایلدی.

(۱۹۸ھ) سنہ سندنہ قرطبہ اہالیسی عصیان ایلمش اولدقلری خالدہ وقوع بولان مقاتلہ دہ مغلوب اولدقلرندن بقیہ السیوفلری اولان (۱۰) بیگ قدر نفوس اندلس قطعہ سنی ترکہ مجبور ایدلمشلر وآنلر دخی مصرہ قدر گلوب، اسکندریہ یی ضبط ایلہ اورادہ اسکان ایلمشلردر؛ فقط بونلرک بالآخرہ اطرافہ دخی اطالہ دست تجاوز ایدہ جکلری مجزوم اولغلہ دفع فسادلری ایچون آل عباس طرفندن مصر والیسی اولان «عبدالله صفاری» مأمور قلنمش اولغلہ بونلری قوہ جبریہ ایلہ اسکندریہ دن اخراجہ تصدی ایلمش اوزرینہ مالک اولدقلری سفا۔ ثہ راکباً (۲۱۲) سنہ ہجریہ سندنہ گرید جزیرہ سنہ گچہ رک جزیرہ مذکورہ یی کاملاً ضبط ایدوب، سرگردہ لری بولنان «عمر بن عیسی» دخی اعلان استقلال ایلدی.

بونلرک حکومتلری (۳۴۵ھ) تاریخنہ قدر دوام ایدوب، مدت مذکورہ ظرفندہ دخی مالک اولدقلری «قوہ بحریہ» سایہ سندنہ بحر سفید سواحلنک آسایشی اخلاص ایلمشلردر؛ چونکہ، صورت دائمہ دہ تجهیز اولنمش وافرادی مکمللاً تسایح ایدلمش (۴۰) قطعہ غایلری موجود بولنوب، برآن محاربہ دن خلی قالمالزلر و آرشیل داخلندہ بولنان اطہلرک کافہ سنی وحتی استانبول بوغازینی

بیله تهدیدلری آلتده بولندیروب، روملره بحرأ تجارت ایچون میدان ویرمز لر دی . شرق قیصری بونلره مقابله ایده جک قدر قوؤ مدافعه یه مالک اولدیغی اجلدن تجاوزلرندن تحفظ ایچون هدییه نامیه ویرگی اعطا ایتک گی بر مجبوریّت ذیلانله آلتده بولنوردی . نهایت بو امارت دخی احیاسنه باعث وابقاسنه خادم اولان دونماسنی لزومسز گی گورمک خطاسنه دوشه رک استخدامدن صرف نظرله افراد عسکریه سی طاعتمش وهیچ اولمازایسه گمیلرینک مرور زمان ایله چورویهرک قوللانماز برحاله گلنلرینک یرینه یکیلرینی انشا ایتک لازم ایکن بوجهته دخی اهمیت ویرمه مش اولدیغندن عاقبت « عبدالعزیز بن حیب » ک ایام حکومتده روملرک بر تجاوز نا گهانیلر یله محو ومنقرض اولمشدر .

اشبو جزیره اوزرنده بولنان (قندیه) قلعه مشهوره سی دخی عربلرک اثر بناسی اولوب، متانت فوق العاده سی جهتیله شایان ذکر وستایش بریادگار قیمتداردر . حکم بن هشامدن صکره اندلسه امیر اولان « عبدالرحمن ثانی » نک ایام حکومتده دخی قورصا نلقله مألوف ومشهور اولان نورمانلر اشبو قطعه معموره اوزرینه نا گهانی اوله رق آردلقده بر هجوم ایله قتل نفوس ونهب وغارت گی مظالم طاققرسایه قیام ایلدکلرندن طولای عبدالرحمن دونمایه بر قات دها تقویت ویره رک بو واسطه ایله سابق الذکر قورصا نلرک تجاوزلرینه نهایت ویرمشدر ؛ خلاصه، بونک زماننده دخی اندلس قوؤ بحریه سی درجه کمالده اولوب، هم بحر سفیده، هم ده بحر محیط اطلاسیده اجرای حکم ونفوذ ایلدیکی جهته ل شرق قیصری عبدالرحمنی خلیفه « معتمد » علیه اتفاقه دعوت ایتش ایه ده عبدالرحمن « هیئت اسلامیه علیه خبرتیا نلر ایله اتفاقه شعار اسلامیه مغایر » اولدیغی بیان ایله اشبو اتفاقی رد ایلمشدر ؛ فقط قیصرلرله حسن مناسباتی دخی قطع ایلمه مشدر .

بوندن صکرہ اندلس قوۂ بحریہ سی بر خیلی زمانلر دھا دکزلر اوزرنده ارأئه شان وسطوت بختيارلغنه موفق اولديني حالده بالآ خره شرقده هیئت اسلامیہ نی اساساً دركۂ محوه تقریب ایدن بلیات مدھشہ اندلسہ دخی سرايتلہ یكپارہ اولان اوقوجہ دولت اسلامیہ (ملوك طوائف) تورودیلری النده پارچہلہرق اثر شوکتی اضمحلالہ یوز طوتمش وقوۂ بحریہ سی ده بر گولگہ گبی کندیسیلہ برابر عدم آباد نسیانہ چکلمشدر .

یوقاریده بالمناسبہ ذکر اولندیغی وجہ اوزره دولت امویہ نك انقراضیلہ خلافت عباسیہ نك تأسسی عالم اسلامده بردور تجدد حصولہ گتیرمش ایسہده عباسیلر بحرأ غزا و جهاد وفتح ممالك وبلادہ اول قدر اھمیت ویرمدکری جھتلہ بونلرک زمانندہ بیوک بحریہ وقوعاتی سبق ایتمہ مشدر؛ فقط عباسیلرک ایام خلافتلرینک اواخرینہ طوغری ظهور ایدن طوائف ملوکدن بعضیلری بو جھتہ لزومی نسبتہدہ اھمیت ویرہرک تدارک ایتدکری عظیم دونمالرلہ بحرک دخی حاکی اولمق دعواسندہ بولنمشلردرکہ، بونلردن شمالی آفریقہده تشکل ایدن (بنی اغلب) دولتی کافہسنہ تقدم ایلدیکی جھتلہ وقوعات بحریہ سیلہ ہرملت تاریخندہ شانلی صحیفہلر املا ایلمشدر .

دولت مذکورہ ہجرت نبویہ نك (۱۸۴) سنہ سندن (۲۹۶) سنہ سنہ قدر دوام ایدوب، بنی اغلب دولتی دیہ شہرت بولسی دخی مؤسسی اولان (قیروان) والیسی « ابراھیم بن اغلب » ك نامنہ نسبت اولندیغی ایچوندر . گرک ابراھیم وگرک اولاد واحفادی اھالینک امنیت وحرمتہ فوق الحد مظهر آدملر اولغلہ برابر خلیفہ طرفدن دخی حکو متلری بالاستقلال مصدق بولنمق حسبیلہ پك زیادہ قوت وشوکت صاحبی اولمشلر وحتی ساردانیہ وسیچیلیہ قدر دونمالر سوق ایدہرک اورالری نہ کندی دولترینہ ربط والحاق ایلمشلردر .

اغلیسر ترقیات بحریہ بی پک ایلری یه گوتوره رک (۲۰۰) پاره
 تکنه یه قدر دونمالرله بحر سفیده اجرای حرکات حربیه ایدوب ،
 اوروپا سواحلی دوجار دهشت ایلدکری گبی «زیاده الله ابن اغلب»
 زمان حکومتده دخی شوکت بحریه لری درجه علییه واصل اوله رق
 سیچیلیه و ساردانیه جزیره لریله بعض ایتالیا سواحلی دخی قطعاً فتح
 ایدره رک طرفارندن منصوب والیر ایله طوغریدن طوغری یه اداره
 ایتمک و کندیلرندن صکره گلن دول اسلامییه دخی اورالرینی حاضر
 فتح اولمش و مملکت اسلامییه حکمنی آلمش ممالکدن اولمق اوزره ترک
 ایلمک گبی اقتدار فوق العاده ارئه سیله جهانده ناملرینی ابقایه موفق
 اولمشلردر .

بوسالاهدن ابوالغرائق (۲۵۹ هـ الی ۲۶۱ هـ) کنیه سیله شهر-
 شعار اولان « ابو عبیدالله محمد ابن ابی ابراهیم احمد » زمانده مالطه
 جزیره سی دخی فتح اولندیغی گبی خلفی و برادری « ابراهیم » (۲۶۱
 الی ۲۸۰) ک ایام حکومتده ده (صقلیه) ، یعنی سیچیلیه جزیره
 کیره سی شرق قیصرلکی یدندن کاملاً نزع اولنه رق ممالک اسلامییه
 الحاق ایدلمشدر .

بونلر قرون اولانک اواخریله قرون وسطی ابتدالرنده اسپانیانک
 واندالوزیه ایالتندن — شمدیکی تونس قطعہ سندن عبارت اولان —
 قارطاجیه هجرت ایدن (واندال) قومی گبی گرک قورماقله و گرک
 طوغریدن طوغری یه وقوع بولان محاربات عظیمه بحریه لریله و اندا-
 للردن زیاده کسب شهرت ایلمشدر و بونلرده آنلر گبی روما شهرینک
 واروشلرینی خراب و یاپایی خراج و یرمکه مجبور و اوروپا سواحلینده
 بولنان سکنه اوزرنده و انداللردن زیاده تاثیر اجرا ایلمشلردر!
 مظفریات متابعه بحریه سیله آق دکزه ولوله سالان بنی اغلب دولتی

دخی مصرده ظهور ایدن (فاطمیه) حکومتی طرفندن (۲۹۶) سنه
هجریه سنده دوجار انقراض اولمشر .

اشبو دولت فاطمییه تأسیس ایدن « عید الله مهدیء فاطمیہ »
ممالک مغربییه ایلك دفعه اوله رق بر اداره واحده مستقله آتیه
آلوب ، حدود حکومتی مالطه وسیچیلیه وساردانییه قدردنه توسیع
ایلمش اولمغله دول اسلامیہ میاننده بنی اغلبدن صکره آق دکزده
مکمل قوه بحریه صاحبی اولان دولت بودر .

بنی اغلب دولتی حکومت فاطمیہ طرفندن دوجار محو وانقراض
اولدیغی زمان سیچیلیه ده (بنی طبری) نامیله معروف بر امارت مستقله
تأسس ایلمش ایدی ؛ فقط بو امارتک بر بیوک دولته مربوطیتی
اولمیدیغندن قوتسزلکی سببیه شرق قیصرلکی طرفندن سوق
اولنان دونما و عسکر جزیره نک بعض طرفلارینی ضبط ایلمش
و (۳۳۵ هـ) تاریخنده فاطمیونندن « منصور عیدی » دخی « ابو
الحسن کلبی » نک تورونی « حسن بن علی » قومانداسیله بر دونما
و مقدار کافی عسکر گوندروب ، بنی طبریدن امارت ایدن « اسمعیل » ک
مدافعه یه قدرتی اولمیدیغی جهتله اهالی کندیسنه تابع اولدقلارندن
بو طریق ایله جزیره مذکوریه اداره سی آتیه المشر ؛ فقط
موفقیته مذکوریه متعاقب شرق قیصرلکی جزیره نک استرداد
مقصدیله دونما و عسکر ارسال ایلدیکندن حسن دخی مصردن
گوندربلن دونما ایله (مبینا) لیاننده روم دونماسنی مغلوب و عسکرینی
بر هزیمت کلیه یه دوجار ایتدکدن صکره قارشی ایتالیا ساحلنه دخی
تعرضله (قلابریا) قطعه سنی ضبط و تسخیره موفق اولمشر .

بواننده « منصور » وفات ایدوب ، اوغلی « معز » جلوس ایتمکه حسن
مصره دعوت اولنه رق صقلیه امارتنده اوغلی « ابوالحسن » بر اقلمش
و جزیره نک هنوز اله گچمه مش بعض قلاغنی فتح ایتمکه مأمور قلنمش

ایسه ده قسطنطنیه روم امپراطور لغندنینه بر مکمل و مجهز دونمائیله
عسا کر کلیه سوق ایدملک اوزره اولدییی خبر آلدیغندن تکرار حسن
بن علی قومانداسیله مصر دن دونما و عسکر گوندریلوب، مسینا بوغازنده
بر بیوک محاربه بحریه و بریه اجرا قلنمشدوکه، بو محاربه ده هر نه قدر
ابتدا روملر غالب گلمشدر ایسه ده مسلمانان ده جزیره دن صاغ حیقما مغه
عهد ایدرک بر صورت مأیوسانده حربه گیرشدکلرنندن «واقعه المهاز»
نامیله مشهور بر محاربه قطیه وقوع بولوب، روملر مغلوب و دونمالری
احراق ایدلمشدر.

بو مظفریت عظیمه هجرت نبویه نک (۳۵۴) نجی سنه سنه مصادف
اولوب، روملرک برآ و بحرأ حصوله کلن ضایعات کلیه لرینه منی وقایع
جسیمه دن معدوددر. ایشته بو وجهله سیچیلیه ده تأسس ایدن (بنو ابی
الحسن) امارتی (۹۵) سنه امتداد ایتمش و (۱۰) نفر امیر اجرای حکومت
ایلمشدر.

دولت فاطمیه دخی بالآ خره منقرض اولوب. مقامنه (حکومت
ممالکه) قائم اولمشدر؛ و بو حکومت ایسه ایکی قسم اولوب، اولکیسی
حدود مصری سوریه طوغری بالتوسیع هر طرفدن جمع و تحشید
ایلدیکی قوه عسکریه ایله حکومت خرسیتیانیه قارشی سنه لرجه
اوغراشمش و امور دریایه دخی اهمیت ویره رک تجهیز و احضار ایلدیکی
دونما سایه سنده آق دکزده اوروپا دونمالریله محاربات بحریه اجرا
ایدرک فرنک تاریخلرنده «ممالکه بمریه» نامی قزائمش اولان دولتدر.
دیگری (ممالکه چراکسه) اولوب، بونلرک شایان ذکر وقوعات
بحریه لری یوقدر.

فرنک تاریخلرنده ممالکه بحریه دیه گوسترلمکده اولان دولت
سلطان «صلاح الدین» طرفدن مصرده تأسیس قلنمش اولان
«دولت ابویه» نی تعقیب ایدن حکومتدر. دولت ابویه نک دخی

اوروپا اہل صلیبہ قارشى وقوع بولان مقاومت مردانہ سی شایان حیرت بر درجہ دہ اولمغلہ مؤسسى اولان سلطان «صلاح الدین» عالم اسلامیت نامنہ اولہرق نہ قدر تشکر ایدلسہ بجمادر .

مشارالہک اوروپا دول متفقہ خرستیانیہ سی طرفلرندن تشکیل قلنان اہل صلیب اردولریلہ عکا پیشگاہندہ بالذات اوغراشدینی ائنادہ دونماسی دخی دکزدہ اہل صلیب دونمالریلہ جانسپارانہ محاربہ لر اجرا ایلمشدر ؛ حتی بو میانده وقوع بولان بر محاربہ بحریہ بی مدنی گچین اوروپالیرک نصل باربار وحشیار اولدقلرینی اثباتہ برگوزل مثال اولدینی جہتلہ ذکرہ مجبوریت کوردک : —

شویلہ کہ، قدس شریفی اہل اسلام لندن استرداد ایتک مقصدیلہ اوروپا دول خرستیانیہ سی بالاتفاق تشکیل ایتدکلری اہل صلیب اردولرینی اوچنجی دفعہ اولہرق شرقہ طوغری سوق ایتکہ باشلا- دقلری ائنادہ انگلیز قرالی «کوردہ لیون ریشارد» (Cœur de Lion Richard) دخی برعظیم دونما ایلہ سوریه سواحلی اوزرینہ حرکت ایلمش ایدی . ائناى سفرده بر بیوک فورطنہ یہ اوغرایارق ضایعات مهمہ یہ دوچار اولدقدن صکرہ قبرسہ قدر کلوب، جزیرہ مذکورہ نی ضبط ایلہ قدس قرالی سابق «غوئی دہ لوزیان» (Guy de Lusignan) ۰ ویردکن ودونماسنی بالتقویہ (۲۰۰) قطعہ یہ ابلاغ ایلدکن صکرہ پتولومیس (عکا) اوزرینہ حرکت ایلدیکی صرہ دہ سلطان صلاح الدین دونماسنہ منسوب و «امیر یعقوب» قومانداسندہ بر جسیم حرب سفینہ . سنہ تصادف ایدہ رک معیتندہ بولنان (۲۰۰) قطعہ سفائن حربیہ ایلہ برلکدہ مذکور سفینہ اوزرینہ هجوم ایدوب، طرفیندن حرب وجدالہ مباشرت قلندی . وقوع بولان محاربہ پک دہشتلی اولوب، ساعتلرچہ دوام ایتمش واک نہایت (۲۰۰) نفر شہید ویردکن صکرہ عرب گمیسنک انگلیزلر یدینہ اسیر دوشمسیلہ ختام بولمش ایسہ دہ

بو غنيمت انگليزلره يك بهالى يه او طور مشدر ؛ يعنى گمى نى الده ايدنجيه قدر مغلوبلك بش اون مثلى تلفات كلييه او غرامشدر . سفينه مذكوره غايت جسامتلى اولوب ، (۱۵۰۰) نفر موجودى بولمغله او عصره گوره نوادر دن اولديغدن عر بلك ترقيات بحريه سنه بر مثال اولمق اوزره بالخاصه ذكره شاياندر ؛ خلاصه ، گمى ضبط ايدلگدن صكره ريشاردك امريله دروننده بولنان (۱۳۰۰) نفر مسلمان اسيرلى باربارانه بر صورتله دكره القا اولنه رق غرق ايديلوب ، بو وجهه مدنيت دعواسنده بولنان انگليزلر طرفدن حقوق ملل آياقلا آلتنه آلمشدر .

ايشك اك غريب جهتي وقعيني يازان «جون قارنوق» نامنده كى انگليز مؤرخنك هيچ صيقلقمسزين ريشاردك حركات غدارانه سنى موافق مصلحت اوله رق گوسترمكه اولمسيذر . مؤرخ مرقوم سلطان صلاح الدينك اهل صلييه قارشى گوسترمش اولديغى حركات ملايمانه و انسانيتكارانه سنى قطعاً نظر انصافه آلمسزين گويا اوزمانك عادت مليه سى باربارلقدن عبارت اولمغله ريشارد تعيب اولنه ميه جنى گي ذاتاً اسرا دخى خرستيان اولمداقلىرندن تفلر نده بر بؤس اولمديغى حكاية ايلمكه در !!!

خلافت عباسيه نك ولايتلى اوزرنده تشكىل ايدن طوائف ملوكدن « بنو باديس » دولتي دخى قوه بريه و بحريه سيله بر خيلى موفقيتلره نائل اولمش وزماننك اك قوى دولتلى صره سنده بولمش ايسه ده بالاخره بودولت دخى محو و منقرض اولمشدر . دولت مذكوره شمالى آفريقه ده ظهور ايدوب ، (۳۶۰ هـ) تاريخندن (۵۴۳ هـ) تاريخنه قدر دوام ايده بيلدى . بوزمانلرده ونديكليلره [°] جنوه ليلر

[*] جنوه ليلر ، ونديكليلر و فلسكليلر امور بحريه ده يكديكريشه غايت مشابه ايديلر ؛ چونكه بونلر دوختاريني تجارت واجرت تقليه آله رق دائماً اوروپا دولترلرنيك عسكركنى صليب محاربيلر

امور بحریه ده خلیججه ترقی ایده رک حرب و تجارت خصوصاً لرنده استخدام ایتمک اوزره دونمالر تجهیزینه باشلامش اولدقلرندن هم جوارلری بولنان پیزالیرلر ساردانیه اطهسنی مغربلرک ید ضبطلرندن نزع ایچون بونلری ده دائره اتفاقلرینه آلهرق مذکور جزیره علیهنه قیام ایله موفق دخی اولدقدن صکره آره سی چوق گچمه دن بینلرنده نفاق ظهور ایدوب ، بر مهلك محاربه یه باشلایه رق (۱۸) سنه متمادیاً یکدیگرلریله اوغراشمشلر و بو کیفیت طرفینک محوینی موجب اولمق درجه سنه قدرده گلشم ایسه ده پایانک توسطیله اصلاح بینلرینه موفقیت حاصل اولوب ، تجدید اتفاق ایده رک تکرار آفریقهدده بولنان اهل اسلام علیهنه بحر آ تجاوزده قرار ویرمشلردر .

اشبو هیئت متفقیه منسوب اولان عظیم بردونما سیچیلیه (جزیره مذکوره دخی (۴۳۰ هـ) تاریخنده عربلرک یدندن چیقمش ایدی) آمیرالی « جورج » (George) قومانداسنده اولدینی حالده وهله

سوق ایتمک خصوصنده استخدام ایلدکلرندن بو واسطه ایله ساثر ملل خرستیانیه نك ثروت ملکیه لرینی الده ایدوب ، نفوذ و قدرت تجاریه لرینی عادتاً بر شوکت بحریه ، بر حکومت ساحلیه صورته واردیر- مشلر ایدی . مع مانیه ، جنوه لیلر محاربات مذکوره یه بالفعل دخی اشتراک ایشلار واول قدر بیوک معاونتده بولمشلردکه ، بومعاونتلاری حروب و قتالک دوام و تشدید ی خصوصنده عادتاً آلونش اولان بر آتشک سونمه سی ایچون درونته قابل احتراق ماده آتمق نوعندن بر تأثیر مدھش حصوله کتیر- مشدر . محاربات صلیبیده بونلرک قوللاندقلری دونما (۲۰) ایله (۴۰) غالی بیننده برقوتدن عبارت اولوب ، اشبو قوت ایله وندیکلرلردن زیاده خدمت ایده رک سرعتله کسب شهرت ایلدیلر . دردنجی اهل صلیب سفرنیک نفیحه سی اولهرق استانبولده تشکل ایدن لاتین حکومتی روم خاندان ایمپراطوریسی غیرتیه ازاله اولنوبده فرنکلر شرق طرفنندن الیرینی چکدکلری زمان دخی بونلر تجدید ایدن روم شرقی دولتیه کرک دوستانه وکرک رقیبانه برچوق مناسبتلرده بولنهرق بحر سیاه و سفیدک همان بتون سواحلی کسندی نفوذلری التنه المشلردر .

ایمدی ، اق دگزدن نغره پون و قندیه اطه لری ایله موره قطعه سی و سلانیک ولایتی شرقی ایمپراطور- لغنه یالکز اورتودوقسلق جهتیه تابع اولهرق یوقسه تجاره و حکومت وندیکه تابع اولدقلری کبی ازمیر ، ساقر ، مدللای ، تنه دوس و بحر سیاهدن کفه ، اماسره و طربزون ساحلاری دخی جنویزلره تابع اولهرق حتی نفس استانبولده غلطه ایله بک اوغلیده طوغریدن طوغرییه جنویزلرک حکومت مستقله لری التنده ایدی . الحاصل جنویزلر دوقه لق صورتیه اداره اولنور بر یکوک هیئت ایندیسلرده قوه بحریه لری سایه سنده قوی الشکیه بردولت صره سنده طانیله رق وندیکیلر کبی کرک تجاره وکرک سیاست زمانلرینک فیردی عد اولنورلردی ؛ فقط بالآخره بو حکومتکده اجزای ملکیه و موجودیت سیاسییه سی قسماً دولت علیه طرفندن ضبط اولنهرق درجه اهمیتدن دوشورلمش اولسی باشلیعه سبب انقراضی اولمشدر .

آفریقیه گچوب، مهدیدن قیروانه وینه مهدیدن طرابلسه قدر اولان کافه ممالکی ضبط ایله بنی بادیس دولتک بادیء اضمحالی اولمشر : چونکه، بصره ده آفریقیه ده قحط و طاعون گبی ظهور یافته اولان آفات مدهشه سببیه اهالی و عسکرک قسم اعظمی ترک وطن ایدهرک مصره وارنجهیه قدر بلاد بعیده پراکنده اولمش بولندقلرندن کیفیت مذکوره متفقلرک موفقیتلری تأمین ایلمشر.

بوزمان اهل صلیب محاربه لری ایچون کافه ممالک خرسیتانیه ده تدارک گورلمکده و اوروپانک هر طرفده حاضرلق مشاهده قلمقده اولدیغی برزمان اولغله سواحل آفریقیه به سوق اولنان دوتما و عسکر دخی سفرك موفقیتنه مدارکلی اولدیهده بالآ خره فاس ممالکی ایله اسپانیانک دخی جبل الطارق طرفلرنده حاکم اولان موحدوندن «عبدالمؤمن» سالف- الذکر متفقلرلندن ضبط ایتمش اولدقلری ممالکی نزعیه موفق اولمشر : خلاصه، (۹) نجی عصر میلادی ابتداسندن اعتباراً ونديک ساحلیله ایتالیانک بعض جنوب ساحلاری اهالیسی گمیجیلکده ترقیه باشلایهرق گرک تجارت و گرک حرب ایچون اولسون آق دکزده دونمالر گزدریمکه باشلاقلری حالده اهل اسلامک — اتحادینه عارض اولان خلل دوچار تفرقه اولسنی موجب اولدیغندن — درکه تدنییه عازم و بحرآ دخی اهمیتی ساقط اولهرق جزائر بحر سفیددن برر برر قصریده مجبور اولدقندن باشقه آفریقیه ساحلیرینک برقسمی ایله سوریه و اناتولی ساحلرندن دخی بعض قسملرینی الدن چیقارمش و صلیبیونک هجمات شدیدنه قارشى بيله علائم وفاق و اتفاق گوسترمکدن مأیوس برحاله بولنش اولسی جای اسفدر.

حال بو درجهیی بولدقندن صکره اهل اسلامده گمیجیلک آرتق یالکز شالی آفریقیه اهالیسنده قالمش اولوب، بولنده اتحاددن بری بولندقلرندن ابتدالری هر نه قدر برایش گوره بیلیمکه موفق اوله مامشار

ایسہدہ دولت علیہنک ظہورندن صکرہ عثمانلی قورصانلرینک بو ساحلملری مسکن اتحاد ایلملری سایہسندہ صکرہدن استرداد ومحافظہ ملکہ موفق اولہ بیلملشلدردر .

عربلرک خدمات بحریہسی — انشات بحریہ تاریخ عمو - میسی مؤلفی انگلیزلی «جون قازنوق» ملل سائرہ میانندہ عربلرکدہ وقوعات بحریہلرندن بحث ایلدیکی صرہدہ «بونلر ہرنہ قدر اسفار بحر- یہلرندہ موفقیت گوسترمشلر ایسہدہ اجرا ایتدکلری سفرلری فنون وصنایع بحریہنک ترقیسی خصوصنہ خادم اولق ایچون اختیار ایتیوب * محضاملرینہ نائل اولق ایچون اختیار ایدرلردی «دیہرک یالکوز تعصب خرستیانیہسنہ مستند اولان غرض درونی اظہار ایلور؛ وبوغرضنی سترایچوندہ، «یدنجی عصر میلادیہ — پیغمبر عالی مقام حضرت محمد (ص) ک ولادت باسعادتلری تقلیب امور عالمہ باعث مستقل اولغلہ — اکر اہل اسلامک جہاد ایچون وقوع بولان ابتداکی سفرلری بوسبتون برأ اولسہ، یعنی مسلمانلر ولوکہ پک جزوی اولسون بردہ دونما قوللائمش اولسلر ایدی بحرأ برچوق نتیجہلر میدانہ چیقاجنی، یعنی فنون وصنایع بحریہ ترقی ایدہجکی گبی گرک سیاست وگرک دینأ برخیلی تاثیر دخی حصولہ گیرایدی؛ خلاصہ، آزمان ایچندہ اسلامیت اوروپالیلر بینندہدہ — ہیچ بردونماہہ احتیاج گورلمکسزین (۲۰۰) سنہدن عبارت برقیصہ مدت ظرفندہ حضرت قرآن غانج نہرندن بحر سفیدہ وبحر محیط اطلاسی جنوبیدن حزر دکزینہ قدر والحاصل اول زمان معلوم اولان دنیانک برنصفی اوزرنندہ انتشار ایدوب، اشبو قطعات جسمہ سکنہسی اختیاری ویاخود مجبوری اولہرق دین محمدی ایلہ مشرف اولدقلری گبی — کمال سرعت وسہولتلہ منتشر اولوردی . بناء علیہ، اوائل انتشار دین مبیندہ اہل اسلامک بحرأ اشتغاللری اولدیفی ودونما وجودہ گتیرمدکلری اوروپایی بریوک آفتدن، یعنی تحت استیلالرینہ آلفدن قورتارمشدر «دیور .

وینہ سوزندہ دوام ایلہ «دین محمدینک ظہور وانتشار وترقیسی (۷)نجی و (۸)نجی عصر میلادیلر ایچندہ اولغلہ بو عصرلردہ فنون بحریہنک عدم ترقیستہ باعث مستقل اولمشدر وبوکا سبب اولق اوزرہدہ اہل اسلامک تجارتلری قرہدن

کار بنظر واسطه سیله جریان ایتدیگی گئی حضرت محمد (ص) دائماً نتیجه سندن امین اولدیغی شیئه تشبث ایلدیکندن توابعی برأ غزا و جهاده ترغیب و تشویق ایدر و بو وجهله موفقیته نائل اولوردی . مقاصدینی استحصاله خادم اوله جق بر اردوئی بر قاچ گون ایچنده تدارک ایلدیگی و بر کویلی پک جزوی بر زمانده بر عسکر هیئتنه گیردیگی حالده دونتا بویه جزوی همته و آزار زمانده وجوده گله میه . جکندن دونتا تجهیز و تدارکندن عبارت بر تدبیر و تصور نه حضرت محمد (ص) ده ' نه ده توابعنده موجود دکل ایدی . ایشته مذکور سببلره منی بو یکی دینک بیومسی فنون بحریه ناک دکل یا لکز ترقیسنی ' حتی مباشرت اولتقاق خصوصنی بیه منع ایلدیکندن عربلرک بحرأ شان و شهرت قز انقدن عبارت بر حرص و طعمه دوشملری عصر لرحه تأخر ایشدر ؛ یاوری بخت و طالعمن دزن طولاییدر که ' میدانه بر قوئ بحریه چیقارمغه تشبث ایتیشلری بزی (انگلیز لری) دخی تحت استیلا لرینه آتقدن قور تاردی . کیمچیلکه مألوف اولق ' یعنی دکرده عمر سورمک انسانی قرده بولنه بیلن و حظ نفسی موجب اولان هر نوع ذوق و صفادن محروم بر اقه جفی گئی اوزمانلرده بو صنعت هر نه قدر ساده بر حالده ایدیه ده اجر اسی ینه فتور سزلق و تدبیر مثالی خصوص لرك وجودینه متوقف ایدی . حضرت محمد (ص) ك دونتا تدارکی تشبثنده بولمیشی مذکور مانعلرله برابر هر شیئی گوروب ' آ کلامقده اولدیغی اثبات ایدر . کندی افراد امتیه بر دونتا تجهیز ایدوب ده اوزاق بر محله گوندر مکدن بر اردو ایله هر ایسته دیکی بر زمانده چیقوب ' حرکت ایتک دها قولای اولدیغی گئی ' بر دونتا تجهیزنی ایچون اول امرده خزینه صرفی لازم اولوب ' وجوده گلدکن صکره ده قبل الوقوع فورطنیه آ کاه اولق و آ کا گوره حرکت ایتک مقتضی اولدیغندن بو وجهله وقت ضایع اولسی موفقیته مانع اوله جفنه منی دونتا تدارکندن صرف نظر ایشدر . اگر حضرت محمد (ص) بحرأ فتوحاته تشبث ایتسه ایدی آ کا اوزمانلرده قارشى قویه بیه جک آنجق شرق ایمپراطور لانی و ار ایدی . ذاتاً فتوحات اسلامیه مذکور ایمپراطورلق علیه وقوع بولدیغندن دونتانك وجودیه عدی مساوی اولدیغی جهتله انشاسی خصوصی نظر نفرقله گورلمز ایدیه ده اهمال اولمش ایدی . بومطالعہ شرق ایمپراطور لغنده ده عیناً موجود اولغله روملر دخی امور بحریه لایق اولدیغی قدر اهمیت ویرمزلردی ؛ فقط عثمانیلر قوتلری آرتدقچه جوار لرند بولنان ملتلی تحت تابعیتلرینه آلدق تجارت غایت الویریشلی بر طاق لیمان و سواحله مالک اولدقلرندن علی التدریج فنون

وصنایع بحریہ بی تعلیم ملکہ و مہارت حاصل ایدہ رک حرب و تجارت خصوصاً رندہ
اشہار ایلدیلر۔ الحاصل، آردن چوق کچمہ دن و نڈیک و عثمانلی دونالری آق دکر دہ
محاربات مدہشہ اجراسیلہ مشغول اولدیلر « دیور »

مؤرخ مرقومک بو وجهلہ ادارہ افکار ایلمسی، یعنی عربلرک
فنون بحریہ نک جاہلی و ترقیاتنک حائل اولدقلرینی گوسترمک گی بر
مطالعہ سقیمہ ایرادینہ جسارت ایتسی — حالا دوام ایتسکہ
بولندیغمز شو فصلک اولیانہ ارجاع نظر اولندیغی صورتہ آکلا۔
شیلہ جنی اوزرہ — اول امر دہ تاریخ اسلامہ لایقلہ وقوفی اولیشندن
ایلری یہ گلوب، ایکنجی درجہ دہخی ایشہ خرسیتانلق نقطہ نظرندن
باقہ رق ترقیات بحریہ ترقیات مدنیہ نک نتائج طبیعیہ سندن بولندیغی
حقیقتی سترایلہ اقتدار قلمیسنی سؤاستعمال ایلمسی و دہا طوغریسی
بوگونکی گوندہ اوروپادہ مشہود اولان آثار ترقینک منبع ظہوری
بولان ترقیات اسلامیہ اوکنہ پردہ چکرک گویا مدنیت خرسیتانیہ۔
نک مدنیت اسلامیہ دن اخذ و اقتباس ایدلمہ مش اولدیغی گوسترمک
غیرتندہ بولمسیدر۔

ایمدی، شوفکر پر غرضی جرح ایتک اوزرہ عربلر طرفندن
فنونہ و تجارت و انشاءت و کشفیات بحریہ خصوصاً رینہ مصروف
اولان ہممات فوق العادہ بی اوکرنہ بیلدیکمز مرتبہ بورادہ ذکر
و تعداد ایلمک بزجہ بر وجیبہ قطعہ اولوب، آنجق اول امر دہ
مؤرخ مرقومک تعصب پردہ سی آلتہ گیزلہ دیکی مقصد اصلی بی،
یعنی اوروپالیرک مدنیتی عربلر دن اوکرنڈکلرینی و عرب مدنیتنک
ایجابات طبیعیہ سندن اولان ترقیات عمومیہ نک درجہ سنی ظاہرہ
اخراج ایلہ بر شعبہ سی حکمندہ بولان (ترقیات بحریہ) سنی اول وجهلہ
بیان ایلمک آرزوسنہ دوشدیکمز دن وجہ آتی اوزرہ مقصدہ شروی
مناسب گوردک: —

شویله کہ ، بو گونگی گونده بدیہات صرہ سنہ گچمش اولان
بر حقیقت وار ایسہ اودہ غربی روما دولتک انقراضی اوزرینہ
مقامنہ قائم اولان جرمانلرک وحشی وباربار طائفہلر اولمی وبونلرک
فنون و معارفک قیمتی تقدیر ایدہ جک قدر انسانقلرینی بیلیر
طاقلردن بولنامسی سبیلہ اوروپا بر جہالت دریاسی کسلمش وشنا
ورلری ایسہ بر حال وحشت وطبیعی اوزرہ یشامقمدہ بولنمش ایکن
اندلس طریقہ اهل اسلامک اوروپاہ داخل اولمی واوروپالیرک
بالاخرہ صلیب محاربہ لرینہ قیام ایلہ شرقہ طوغری سنہ لرجہ آقوب
گلملری نتیجہ سی اولہ رق اهل اسلام ایلہ حاصل ایلدکلری مناسبت
سایہ سندہ مسلمانلر میانندہ اول زمان ایچون درجہ کمالہ واصل
اولمش بولنان فنونہ و صنایع و تجارت و زراعت گبی جمعیات
بشریہ نک اعظم اسباب ترقی ورفاھندن اولان مادی و معنوی برطاقم
وسائط مقبولہ دن آنلردخی استفادہ یہ باشلایہ رق طریق تمدن و ترقیدہ
بالتدریج خطوہ انداز اولغہ باشلامشلردہ

ہر نہ قدر بو گونگی گونده خرستیان عالمنده موجود اولوب ،
ایادی اعتباردہ تداول ایتمکدہ بولنان آنارک اکثریسی شو حقیقتہ دائر بحثہ
گیرشمیہ رک مدنیت جدیدہ نک مشتملاتنندن اولان فنون و معارف
و صنایع ایلہ ایجادات و کشفیاتک همان کافہ سنی میدانہ گتیرنلرک
اوروپا اہالی خرستیانیہ سندن بولندقلرینی و بو گونگی گونده انظار
حیرتہ چار بمقدہ اولان ترقیات لاتحصانک وجود پذیر اولسنہ یالکز
خرستیانلرک چالشمش اولدقلرینی گوسترمکدہ و کیلر ، **نیونوہ** ، **بقونہ**
بوفونہ ، **لایلاس** ، **سوارج** ، **لارازیہ** ، **غالیلہ** و سائرہ گبی بر طاقم
ذاتلری (**موجد و طائف**) اولق اوزرہ ارأئہ ایلیمکدہ ایسہ لردہ ارباب
انصافدن اولان بعض اوروپالیر دخی مدنیت جدیدہ ایلہ مدنیت

عتیقہ بی بربرینہ ربط ایدن زنجیر خلقہ لرینک عرب تاریخنده آرانلمسی لازم اولدیغنی بیاندن گیری طور مامقده درلر .

فی الحقیقه ، غرض و تعصبک بر درجه یه قدر گوشه مش اولدیغنی شو (۱۹) نجی عصر ایچریسنده بعض ارباب مراقک غایت سطحی بر صورتده شرقدہ وقوع بولان تحریلری نتیجہ سی اوله رق اول قدر آثار متنوعه میدانہ چیقمشدرکه ، اشبو آثارک دلالت وانحہ لرله عربلرک علوم وفنون وصنایعک کافہ شعباتیلہ توغل ایتمش و جملہ سنی بولدقلری درجہ دن پک ایلری یه گوتورمش اولدقلری تحقیق ایلمشدر .

عربلرک بر اقدقلری آثارک تحری و تدقیقنه هنوز جدی بر تثبث و وقوع بولامش ایکن بیله [*] ارضک کرویتی ایله حرکاتی و موازنہ عالم گبی کشفیات مهمه ، بوصد و طغده و اصول طبع گبی ایجادات نافعه نک اوروپالیر طرفدن وجوده گتیرلیوب .

[*] بغداد علماسی طرفارندن ارضک کرویتی کشف اولنق و قطبک ارتفاعی (طول نصف النهار) مساحه ایدیلرکه کره نک حجمی تخمین قلنق کبی ترقیات هیئیه خلقای عباسیہ دن « المأمون » زماننده یوز کوسترن موقیقات فنیہ دندر .

شایان حیرتدرکه ، اهل اسلامک دکل یالکز هیئتله توغل ایدن علماسی ، حتی صرف علوم دینیہ و باطنیہ ایله اوغراشان سلماسی بیله علم هیئته واقف اولوب ، حقایق جویانی ارشاد ایچون نییه مقالات حکمت آیات ذکر ایلشدر . ازجمله النجی قرن هجریک ، یتشددیدی اعظمدن حکیم الاولیا اطلاقنه بحق شایان اولان « امام رفاعی » حضرتلری بر مقاله حکمت اسالهرنده ارضک کرویتی و محورومدارى اوزرنده کی دورینی واجرام سماویہ نک محافظہ حرکات و انتظاملرینه انجذابات و اندفاعات طبیعیہ تأثیراتشک بادی اولدیغنی و خلاصه ، مسلک شمسینک نهدن عبارت بولندیغنی وحقى ماوراسی بیله حکیم مشهور کوپرنیق و غالیلہ ایله جاذبه قانونلرینک کاشفی عد اولنان کپلر (Kepler — ۱۵۷۱ الى ۱۶۳۰ م) دن همان بش عصر مقدم بر صورت واضعده بیان ییورمشدر . مقاله مذکورہ نک بر پارچہ سی تبرکات زبرده درج اولمشدر .

شیخ رفاعی حضرتلرینک مقاله حیرت افزای حکمیہ لرندن بر پارچه : —
« آفتاب ضیادار بوقستسرای عالم بالاده یوارلنان بر کوکب منوردر ! طبقات مختلفه نییه کوکب دخی منتشردر . کوکب مشهوره نک بعضیسی بو دنیادن بیوک اولدیغنی کبی صورت متفاوتده یکدیگرندن دخی جسم و عظیم اوله رق نیا وانوار مقادیر مختلفه ده اشعه نثار اولوب ، تارشعاع هرجهتدن امتدادایله اوله قارشمشکه ، مصادمه دائمه جاریدر . ابراج معینه ده هیسی دونوب طولاشرق سپرنده ثابت وثباتنده سائردر . بونلرک هر بری ماوراسنه حجاب اولدیغنی حالده عالم غیبده قائم اوده دهانہ حجابلر واردرکه ، منتهای بصردن ده اوزاقده بولنهرق کوریلہ مدیکندن

بو بابت کی معلوماتک اندلس طریقله شرقدن اوروپایه داخل اولدیغی تبیین ایتمشدر .

هر نه قدر عربلرده فنون و مدنیتک اصل موجودلری دکل ایسه لرده اوروپالیرلرک « مرمیه » دییه گوستردکلری یونانیلر بیله اصل موجودلردن معدود اولمیب، آنلردخی بیلدکلرینی فیکه لیلر، آثوریه لیلر، مصریلر و سائردهن اوکرنمشلردر ؛ فقط عربلر یونانیلرده بولدقلری علوم و فنونی توسیع و اکمال ایله برابر همان ایجاد دینلمکه شایان بر صورتده شعبات مستقله یه تفریق و بر انتظام داخلنه وضع ایله ترتیب ایلمشدر .

شویله که، عربلر (کیما) ایله (جبر) ی ایجاد ایتشلرو فن (طب) ی یونانیلردن آلب، پک ایلری یه گوتورمشلردر؛ و فن (صیدیه) طبک ترقیسی ایله کیمیانک ایجادی نتیجه سی اوله رق اندلسده و شرقده ظهور ایتمشدر . علم حساب ، علم هندسه ، علم نباتات و حیوانات ، علم طبقات

عقل انکار ایدیورلر ! حال بوکه ؛ واجرام واجسامدن باشقه کوزلریزه کچوک کورینن نیجه اجسام واردرکه ، آنلر بیلله حدداشده دنیادن چوق بیوکلدر .

دستکستر اوله رق بونلرک هوای ساکنده و انجذابات طبیعیه ایله مواقع معینه ده اولان مأوالری خطوط مخصوصده ادوار فلکیه اجرا ایدن کواکبک اوستنده چادر شکلنی آلتشدر .

سباحلریشه غایت اولمیب ، دوشمیه رک یوزوب کیدیورلر ؛ و مسافه لرینی قیصالدوب طی ایده میورلر . اوستنده بولندیغیمز کره ارض ایسه دورینی اجرا وهر بر قطره عائد اولان حصه یی بومعامله و معادله دن اخذ واستیقا ایدوب کیدیور

ترجمان حقیقت نومره (۲۱۱۱)

[۱] فن هیئت و تنجیمک بدایت ظهور و صورت ترقیسیله سیر سفائنه اولان

خدمتی — بوفتلرله ابتدا اشتغال ایدن بابل شهری اهالیسندن اولوب ، قبل الهجره (۲۱۶۰)

تاریخلرنده ظهور ایمش اولان زرواستره نامنده کی ذاتدر . بوندن مسکره ، یعنی (ق . ه . ۲۷۵۰) تاریخلرنده ینه کلدانستان اهالیسندن بلوس (Belus) نامنده بریسی دهـا میدانه چیقارقی فن مذکور حقنده کی معلوماتی توسیع و کواکبک سیر و حرکتلرینی تأمل ایله فلکیاتک قسم دقیقنی حاوی برکتاب تألیف ایتشدر . بابل اهالیسی بو ذاتی وفاتندن مسکره معبودلری صره سنه الحاق ایله هیکلنی یاپوب ، پرستش ایلدیلر .

هجرت نبویه دن (۲۱) عصر مقدم ، یعنی حضرت موسی (عهم) زماننده لیبیا قرالی بولنان اطلاس دخی بعضی اثرلرده فن هیئتک موجودی دییه گوسترلمکده ایسه ده بو ذات حقیقه موجود اولمیب . هند و مصر طرفلرنده کوسترلین میل و رغبت سائقه سیله فن مذکور منشأ ظهوری اولان بابلدن آز زمان ایچریسنده اول طرفلره انتشار ایلدیکندن مشار الیه اطلاس دخی تحصیلنه موفق اوله رق

الارض فن شكنه قونلمش واستعمالی مشكل اولان لاتین ارقامی
یرینه شمديکی اوروپالیرك استعمال ایتكدہ و بعض مسلمانلر طرفندن
عن جهل فرنك ارقامی دییه یاد ایدلمكدہ بولنان ارقام استعمال
اولنمشدرکه، بو ارقام « اوروپایه (۹۹۱) سنه میلادیه سنده ینه عربلر واسطه
سیله ادخال ایدیلوب استعمال اولنغه باشلامش وانگلترده آنجق (۱۲۵۳)
سنه میلادیه سنده گیره بیلشدر — دوكتور ماکی (Mackay) ك وقایع وتواریخ
فرسی » بو جهتله اوروپاده بیله حالا عرب ارقامی نامیله معروفدر .
« خلفای امویه دن ولید بن عبدالملک زمانه قدر حسابات مالیه ده لاتین
ارقامی قوللاننقه ایکن اشبو ارقام موجب اولدیغی تشویشاته بر نهایت ویرلک
اوزره الحاله هذه اوروپالیرك استعمال ایتكدہ اولدقلری ارقام ایجاد اولنوب
دوآر دولته استعمال اولنغه باشلامشدر . ارقام مذکورنك ایجاد فی حساب
ایله فن جبرك والحاصل علوم ریاضیه نك اك دقیق مسائلی كشف و استخراجه
باعث مستقل اولغه اشبو ایجاد نافعدن طولانی عربلر سزاوار تشكر در —
روما تاریخی مؤلفی کون »

« Facts and Dates — یعنی وقوعات و تواریخ نامنده کی اثرک

بعده ترقیسی خصوصنه صرف همت ایلشدر . بولاردن صکره بطلیوس فلادلفوس زمانته ظهور
ایدن بدورسوس علوم فلکیه کلدانیه یی یونانه نقل ایتکله آتیه اهالیسی مکافه مرمردن تمثالی
اعمال وشو تمثالک اوزرینه آلتوندن البسه اکسا ایلدیله ایشته اول امرده سالف الاسامی ذاتلر
تدقیقات مکمله ایله علم هیئت ایلریه کوتوره رک رصد کواکی وضع واستعمال ایتک کبی اساسا
مجهوللری اولان بر فی کشف و ایجاد ایله ترقیسنده خدمت ایتشلردر .

فلکیات اتم ماضیه عندرنده توسعه باشلادیغی قتلرده حوادث مستقبله یی رصد کواکیدن
استعاده زعم باطلنه ذاهب اولدقلری جهته احکام نجوم کبی بعض علوم انتشارندن بر طاقم عقائد
باطله وخرافات التزام ایدیلیرک بوکا « سحر بابلی » تسمیه ایلدیله بوندن صکره علوم مذکوره
ایچون کاهنلر ظهور و غیر ایتکله کهنه مرقومه نوق العاده اعتبار کسب ایتش وبالجمله تکلیفندن
معفوط بولشدر . علوم مذکوره بابل حوالیسندن یونانسانه انتشار ایلدکن صکره کواکب سیر
وحرکتلرندن حوادث مستقبله نك استدلالی حقهده تعمیم ایدن عقائد فاسدهدن یلزلره طایق
کبی بر مذهب باطل عالم قدیمک اتم کثیره سی بینلریه یابیلدی . مصر وهند طرفلرنده فنون مذکوره یی
میل ورغبت یونان حوالیسنده ظهور ایدن میل وتوغلدن دهامقدیمه اولدیغی افادات تاریخیه دن
آکلاشیلوب حتی یونانیلر بیله مصریلر وهندیلردن یوبایده خلیجه استفاده ایتشلردر .

فنون مذکوره یونانیلره انتقال ایتدکن صکره فیلولاثوس ، افقاسوس ، فیثاغورث ، هراقلید ،
آرسطو ، افلاطون ، نیسه تاس مثالی ازمته قدیمه نك مشهور فیلسوفلری بوفنلرله توغل ایدیرک اجرام
سماییه نك اولجه مجهول اولان بر چوق احوال خصوصیه لرینی دهامقدیمه ایلدکلی کبی حرکات
مرئیله نك مشهود اولان آثار دلالتله کره ارضک وکواکب سیاره سائره نك محورلری اطرافنده
دور ایتکده اولدقلریخی دخی میدان ثبوته چیقارمش بولندقلری آثار قدیمه وجدیددن بعضیلرنده
مذکوردر ؛ فقط مرور زمان ایله سالف الذکر فیلسوفلرک اقوال مذکوره ومسالك موضوعه لری

مؤلفی دوقتور (ماکھی) ک افادہ سنہ نظراً علم جبر دخی اوروپایہ (۸۹۸) سنہ میلادیہ سندہ ینہ عربلر واسطہ سیلہ اندلسدن انتشار ایتشدہ

ایمدی، علوم ریاضیہ نک حساب و جبر و هندسیہ عائد اولان شعباتنک ترقیسی اوغورنده — اقلیدسک کتب ریاضیہ سنی عربیہ ترجمہ و شرح ایدن (ابو داود ظاہری) : « کتاب فی حساب الخطاین » * « کتاب فی الجبر و المقابله » نامندہ کی اثرلری وجودہ گتیرن (ابو حنیفہ الدینوری) : « کتاب فین استعمال تقصیل الهندسة » * « کتاب فی الرياضیه » : « رسالۃ فی ان قطر المربع لا یشارک الصلح من غیر هندسة » عنوانی تألیفاتی نشر ایدن (ابو بکر رازی) : « اقلیدسک کتب ریاضیہ سنی شرح و تفسیر و حکمای یوناندن آرسطیقوسک « کتاب الحدود » عنوانیہ ترجمہ ایدلش اولان اثرینی شرح و تصحیح و براہین علاوہ سیلہ توضیح ایدن و هندسیہ متعلق مکمل بر کتاب ایلہ استخراج اوتار حقندہ بر اثر نافع میدانہ قویان (ابو الوفاء بوزجانی) : « حسابہ متعلق « کتاب المعاملات » نامندہ کی اثری تحریر ایدن (ابو القاسم مرخیطی) : « شرح اصول اقلیدس » * « اصول اقلیدس و ابلونیوس » ، « الجامع فی اصول الحساب » ، « کتاب فی تحلیل المسائل الهندسیہ » ، « کتاب فی تحلیل المسائل العدیدۃ بجهة الجبر و المقابله » *

عادتا اونودیلہرق ارضک حرکت دورانیہ سنک وجودینہ قائل اولانلر آلامش ویک جوق کیمسلر ارضک ثابت و مبسوط اولدیغی قول سخیفی قبول ایتدکدن باشقہ قول مذکور بالاخرہ تعمیم دخی ایلشدہ . بومسلک ایسہ اسکندریہ حکماستدن مشہور بطلمیوس (پتولومہ — Ptolemy) ک فن ہیئتہ دائر تدوین و نشر و ترویج ایلدیکی آثارک موقع قبولدہ طوتلمستدن ایلری یہ کلوب، مسلک مذکور عربلرک فن ہیئتہ توغل ایلدکری زمانہ کلچہ یہ قدر بالجلہ ارباب ہیئت طرفلرندن التزام اولنہ کلشدہ . عربلر ابتدا سالف الذکر اسکندریہ لی پتولومہ نک آثارینی ترجمہ ایلہ آثار مذکورہ فی فن عیئت ایچمون مآخذ اتخاذ ایلشلر ایسہدہ یواش یواش یوقسندہ ترقی ایتدکجہ ایچلرندن البتائی، الفرغانی، خوس تیمی، ابو الحسن رازی، ابن عبدربہ، ابن العمید، احمد بن طیب، ابو بکر رازی، ابو معشر، ابو حنیفہ الدینوری، ابو القاسم مرخیطی، ابن یونس، ابو الوفاء بوزجانی، ابن اعلم، ابن سینا، ابن الہیثم، ابو نصر تکریتی، ابو الریحان بیرونی، ابن خیاط، ابن خلدون، مؤرخ مشہور ابن خلدون دکلدہ [ابن سنج، نصیر الدین طوسی، ابو الصلت، ابن باجہ، ابن رشد، ابن الفیسرانی، ابن قدامہ، ابن دھان، ابن الطیب، ابن کونیت، ابن المبودی، ابن مرانہ، احمد ابن کاد، ابو الفداء، ابن فضل اللہ، ابن صفار و سائرہ مثلی بر طاقم ارباب علم و دانش ظهور ایلہ آثار مذکورہ فی پاکلش بولہرق تصحیح و تعدیل و نہایت ارضک کرویتیلہ حرکتی بالاثبات موازنۃ عالمی کشفہ موفق اولشلردہ . عربلرک علم ہیئتہ اشتغال ایدن بیکلرچہ علمای ایچریستندہ یالکز بش اون دابہ سنک

« کتاب فی المساحة علی جهة الاصول » * « کتاب فی حساب المعاملات » ، « مجموع مسائل هندسیة و عددیة » ، « مقالة فی اصول المساحة » ، « مقالة فی مساحة المجسم المكافی » ، « مقالة فی بركار الدوائر العظام » عنوانی مؤلفاتك صاحبی بولنان (ابن الهیثم) ؛ « المدخل الی الهندسة فی تفسیر كتاب اقلیدس » ، « کتاب المعاملات » ، « طبیعة العدد » ، « الكتاب الكبير فی الهندسه » نامی آناری تصنیف ایدن (ابن سمنح) ؛ مشاهیر مهندسيندن « کتاب الهندسه » صاحبی (ابن سید) ؛ « جواب لما سئل عن هندسة ابن سید المهندس و طرقه » نامنده کی کتابك مؤلفی بولنان (ابن باجه) ؛ « کتاب فی الهندسه » صاحبی (ابو الصلت) ؛ « کافیه الحساب و علم الحساب » ، « الرسالة التکامله فی علم الجبر و المقابله » مصنفی (ابن اللبودی) ؛ « عدة الحاسب و عمدة المصاحب » مؤلفی (ابن حنبلی) و سائرہ کی — بر طاقم ارباب فضل و کمال پک بیوک امکمر صرف ایلمش لدر .

افرنج لساننده (آسترونومی) (Astronomy) تعیر اولنان (فرهیشت)

[(۱) نومره ایله مشعر حاشیه ه مراجعت بیوریه] ابتدا مسلمانلرک، خصوص -

صیله بغداد علماسنک نظر دقتلرینی جلب ایدهرک فن مذکورک

اسماری ذکر ایلش اولدیغیمزک سببی برنجی درجه ده بو کتابک بر تراجم احوال مجموعہ سی اولماسندن وایکنجی درجه ده شو ذاتلرک بعض آنرلی اروپا لسانلرینه ترجمه ایدلش و بعضیلری کتبخانه لرنده محفوظ بولنش اولغله اوروپا لیرجه دخی معروف اولمردن ایلری کلمشدر .

ایمدی ، بالاده مذکور الاسامی مشاهیرک برنجیسی اولان ذاتک خلیفه « المنصور » دورنه فن هیئته دائر یازمش اولدیغی بر اثر مقبولی « غولیر » (Goliers) طرفندن لاتین لسانته ترجمه اولنهرق اوروپاده نشر ایدلش و هوسکارانی پیننده پک بیوک بر شهرت و اعتبار قراشمشدر .

[دو قنور طایلر (W. C. Taylor) طرفندن تألیف ایدلش اولان تاریخ اسلامک (۳۲۲) نجی صحیفه سنه مراجعت بیوریه] . دیکر لری دخی بوفن جلیله متعلق پک چوق کتب و رسائل تألیفنه موفق اولهرق اقتدار علملرینی هر کسه تصدیق ایتدیرمشلدر . کافه سنک آثارینی بوراده تعداد اجمک صدر بحثک خارجنده اولوب ، فقط اچملرندن برقاچنه دائر معلومات مجمله اعطاسیله خدمت فنیه لرینک درجه سنی کوسترمک مقصده موافق اولور . ازمجمله اوچنجی قرن هجرینک یتشدرمش اولدیغی اعظمندن (ابو بکر رازی) نک طب و حکمت و علوم ریاضیه نک شعبات سائرہ سیله هیئت و نجومک ترقیسنه اولان خدمتلری حصر و تعدادک فوقنده اولوب ، فنون مذکورہ نک هر بریسی حقنده مصنفات کثیره سی واردر . بولردن باشلیجه طیه عائد اولانلری لاتیجه ده دخی ترجمه اولنهرق قرون وسطاده اوروپا مکاتب طبیعه سنده دستور العمل اتخاذ قلنش اولدیغندن مشارالیه اوروپا لیر میانشده (رازی) دن غلط اولهرق رازس (Razas) نامیله اشتهار ایلشدر . هیئته دائر پک چوق آناری موجود اولوب ، « کتاب هیئت العالم » نامنده کی اثرنده ازضک کرویتی و شمسک ارضدن بیوک و قمرک کچوک اولدیغی اثبات ایلشدر .

بالاده اسماری مذکور اولان فضلادن (ابوالوفاء بوزجانی) دخی دردنجی قرن هجرینک

(علم نجوم) دن، یعنی (آسترو لوجی) (Astrology) نامی آئنده اوله رق کواکبک سیر و حرکتلرندن استخراج احکام ایله غائبدن خبر ویرمک گبی برفن مو هو مدن باشقه برشی اولدیغنی میدانه چیقارمشلردر. فن (صغرافیا و ضریطه) [(۲) نومه ایله مشعر حاشیه یه مراجعت بیوریله] عربلر واسطه سیله اوروپا یه داخل اولمشدر. خصوصیه عربلر (بوصله) [(۳) نومه ایله مشعر حاشیه یه مراجعت بیوریله] یی دکرده قولالانمق و دکر خریطه لرینی تنظیم ایتک گبی آثار تجدد ابراز ایدره ک فن سیر سفائنک ترقیسنه خادم مستقل اولمشلردر. امریقایی کشف ایدن « قولومب » (Colombus)، امید برونی طریقله آفریقه یی طولاشان « واسقوده غاما » (Vasco de Gama)، « آلبو کرک » (Albuquerque) و سائر هپ عربلرده بولدق لری (بوصله و ضریطه) لر سایه سننده شهرت صاحبی اولمشلردر.

فضلا ی عثمانیه دن کاتب چلبینک عرب آثارینی مأخذ اتخاذ ایدره ک

یتشدیرمش اولدیغی مشاهیرک اعظمندن اولوب، علم هیئتک ترقیسنه پک زیاده خدمت ایلش و بعض استخراجات غریبه و کشفیات مهمه یه موفق اولمشدر. علوم ریاضیه ده علمای عربک اکملی و تألیقات متعدده سیله شهرتی عد اولنور. فن هیئته دأثر « الزیج الشامل » عنوانیه تصنیف ایلش اولدیغی بر اثری مکملیتی جهتله آثار نادره دندر.

(ابن الهیثم) دخی بشیی عصرک یتشدیردیکی مشاهیر فضلادن اولوب، علوم ریاضیه ده زمانتک فریدی اولغله مهارتی شهرتکیر آفاق ایدی. حساب، هندسه عاده و رسمیه و حلیه، مناظر، جبر، مثلثات، علم مساحه، قوزموغرافیا، هیئت، صور کواکب، حکمت طبعیه، جراثقال و علم الجو و سائرله تطبیقاتی و خلاصه شعبات فنونک کافه سیله توغل ایدره ک زمانته قدر مجهول قالش اولان پک چوق حقائق فنیه ک کشفنه موفق اولوب، التمشی متجاوز کتب ریاضیه و طبعیه تألیف ایله اخلاقه یادکار براقشدر.

آثار مذکوره ک جامع اولدیغی مباحث پک متنوع و شمولی اولوب، فائضلر دخی داخل اولدیغی حالده کافه مسائل و قواعد حسابیه، جبر و هندسه یه متعلق بائمله مسائلک هر ایکی جهتله صورت حللری، اجرام سماویه ک مراد اولان زمانلرده کرتریز حقیقیلرینک استخراجی اصوللری، سمت قبله ک تعیین، ارض اوزرنده مراد اولان ایکی نقطه معلومه آره سننده کی بعد و مسافه ک بالهندسه حساب و تعیین، زاویه ک اقسام ثلاثیه صورت انقسامنک اثباتی، هیئت عالم، یعنی مسلك شمسی به دأثر معلومات مفصله، خارج سمانک خلا و یاملادن عبارت اولدیغی حقتده معلومات نظریه، عملیات رصدیه و اجرام سماویه ک اقدار و ابعاد و جسماتلری حقتده معلومات مکمله، مرایای محرکه، کواکب الحادّه فی الجو، ضوء قر، قوس قزح و هاله، رؤیت کواکبه دأثر تدقیقات فنیه، کرد و مجسم السکافی مساحه لری، اشکال هلالیه اجرام سماویه ک موقع حقیقیلر نده رؤیت اولنه مدق لرنک

تألیف ایلمش اولدینی جغرافیا دخی عربلرک فنون شتاده کی درجه معلوماتلرینی اثباته بر شاهد عادلدر .

عربلرک فنون و معارفی توسیع و اکمال و نشر و ترویج خصوصاً صنده مصروف اولان غیرت فوق العاده لریله برابر مدنیت و صنعت و تجارتک ترقیسنه اولان خدمتلی دخی صوگ درجه ده اولوب ، کاربانلر ایچون گوزل طریقلر کشاد و یوللر اوزرنده خانلر انشا ایتک مثلی اجراءات نافعه سایه سنده تقلیات خصوصنده تسهیلات و تأمینات حصولنه موفق اولدقدن باشقه ساحلده ایمانلر و انهار بیننده قناللر حفر ایلمک گبی آثار عالیه دخی وجوده گتیر مش اولملری تجارتک قسم اعظمک قرددن دکره گچمنه باعث اولمشدر .

عربلر سایه سنده چین و هند امتعه سی اندلسه و آندن اوروپایه گلیر و اندلس امتعه سی ده سییرییه حدودینه قدر گیدردی . قرون وسطاده اوروپاده مستعمل اولان آلات صربییه ، یتیه ، زراعییه ، صرفت ،

اسبایی ، یعنی انکسار کیفیتی ، غایت تحقیق اوزره نصف النهار مساحه سی ، کولکه مباحثی ، سمانک نصفندن زیاده سنک رؤیت اولنه مدیق اسبایی ، محره (کهکشانشان) ، اضواء کواکب ، قمرده اثر ، یعنی هوانک وجود و عدمنه دائر مباحث ، ضیاء ، خطوط ساعات ، یعنی بسیطه لک تقسیمات و صورت انشالری ، غایت تحقیق اوزره ارتفاع قطب ، یعنی عرض بلد استخراجی ، کسوف و خسوف و حرکت قمر کبی دها یک چوق دقائق فیه دن عبارتدر . بو اسمده ارباب هیئتدن برذات دها اولوب ، « کتاب السما » نامنده بر اثر نفیس تألیف ایلشدر .

حکمای سالف الذکردن (ابو الریحان بیرونی) دخی یشتی عصرک یتشدیردیکی مشاء هیردن اولوب ، علوم و فنون موجوده نك کافه سنده یدطولا احجامیدن بولنقله صرف ماحصل اقتدار ایدره ک معارف و مدنیت اسلامیته ک ترقیسنه ک زیاده خدمت ایدن اعظمدر . بوذات علوم ریاضیه و طبیعییه ایله هیئت و نجوم و جغرافیا و طب فنلرنده نادره روزکار ایدی . هله علم حیوانات و نباتات و احجار و معادن اولان خدمتی یک بیوکدر . شعبات فنونک هر برلری حقنده تألیفات متعدده سی اولوب . بعتمزه تعلق ایدنلری . یعنی علم هیئته عائد اولانلری « قانون » * « الاستشهاد باختلاف الارصاد » ، « الزیج المسعودی » ، « اختصار المجسطی » ، « مقالید الهیئیه » ، « کتاب الاظلال » و سائرده . مشارالیه ک آثاری اوروپالیلر میاننده دخی مقبول و معتبر اولقله انشتری کتبخانه لرنده نسخهلری موجوددر .

سالف الذکر حکمادن « بنذیسیره علی الهندسه و الهیئیه » عنوانلی اثر نفیسک صا حبی بولنان (ابن باجه) دخی المتنبی قرن هجری اوائلنده نشئت ایتش بر حکیم ذوفنوندر . اندلسک اعظم علماسندن اولوب ، فلسفه ، حکمت ، ریاضیات ، طبیعیات و سائر علوم عقلیه و نقلیه ده

صنعت، صہبات، اشجار مٹمرہ نک قسم اعظمی ہپ عربلر واسطہ سیلہ اوروپایہ داخل اولمشد۔ ہلہ بوگونکی گوندہ بحر یونک طول موقع استخراج ایتمک ایچون محتاج بولندقلری (قرنومر) تعبیر اولنان ساعتلرک اساسی اولان واختراعات بشریہ نک اک بیسولکلرندن بولنان (ساعت) دخی عربلر طرفندن ایجاد اولنش ویل دکرمانی وکاغدگی اختراعات نافعہ دہ آنجق اہل صلیب دورندہ اوروپایہ گیرہ بیللمشد۔

عربلرک انشاآت بحریہ فندہ دخی استاد اولدقلری اہل صلیب محارباتی انسانندہ انگلیز قرالی ریشارد طرفندن الدہ ایدلمش اولان بر عرب گمیسنک اول زمانہ قدر گورلمہ مش بر درجہ دہ کی جسامت ومکملیتیلہ ثابت اولدیغی گپی پورتکیز مؤرخلرندن «ژروم اوسوریو» (Jerome Osorio) نامندہ کی پاپاس، کشفیات مراقی اوروپالیلرہ سرایت ایدوبدہ دنیانک ہر طرفنہ دونمالر سوق ایتمکہ باشلادقلری

عصرینک وحیدی وبلکہ اعصار سالفہدہ ظہور ایدن حکمای اسلامک دخی سربلندی ایدی۔ فنون شنایہ متعلق پکچوق آثار براقمش وبرطانیلری لاتین لسانہ دخی ترجمہ اولنہرق مدت مدیدہ اوروپا مدارسندہ دستور العمل طولکشد۔ غریبون میانندہ آون پاچہ (Avenpace) نامیلہ شہرتلشعارد۔ خلاصہ، عربلر فنون معلومہ بی شعبات مستقلہ بہ بالتفریق ہر شعبہ نک ترقیسنہ حصر ہمت ایلدکلری کی فن نجومک دخی ہیئتندن باشتہ برفن اولدیغی میدانہ قویہرق ترقیات حاضرہ نک اساسلری وضعہ موفق اولمشلرد۔ ہلہ فن ہیئتک ترقیسی وتعمیمی اوغورندہ صرف ایلدکلری ہیئتلری پک بیوک اولوب، بغداد، قرطبہ، سمرقندکی ممالک اسلامیہ نک مجمع علما و حکما اولان بیوک شہرلرندہ بوزلرچہ رصد خانہلر تأسیس وکشاد ایدمش وتدقیقات مکملہ ایلہ نتائج مہمہ استحصائلہ موفقیت حاصل اولمشد۔ شو زماندہ اوروپالیلرک ہیئتہ دائرہ ہیچ بر فکرلری بولندیغی ایسہ تاریخلرک شہاداتی ایلہ مثبت اولدقندن باشقہ کندیلرینکدہ تحت تصدیق وتسلیمندہ اولوب، شرق واندلسلہ وقوع بولان مناسبتلری نتیجہ سی اولہرق فنون سائرہ ایلہ برابر فن ہیئت دخی عربلرندن اخذ وتعلم ایلدکلری بوکون بنیہات صرہ سنہ کچن حقائقدندر۔

فن ہیئت اشبو طریق ایلہ اوروپایہ داخل اولدقندن سکرہ اوروپالیلرک برقول مجرددن، عبارت اولق اوزرہ موجد وکاشف دیہہ کوسترمکدہ اولدقلری ذوات مشہورہ دن علوم جدیدہ نک مؤسسہ مقامندہ عدا ایلدکلری شانسلیہ دو باقون (C. d. Bacon) ارضک حرکت دورانیہ سنی بر فرضیات قبیلندن عدا ایشدر؛ و میلادک (۱۵۰۷) سنہ سندن سکرہ، یعنی ہجرتک (۹۲۱) سنہ سنہ طوغری یشہ بوصف ذواتدن کوپرنیک (Copernicus) ۱۵۷۳ م الی ۱۵۴۳ م تألیف ایلدیکی «اختلالات اجرام» اسمندہ کی کتابدہ ارضک حرکت دورانیہ وانتقالیہ سنی اثبات ایتکلہ بو خصوصہ معترض بولنالنر صحت وحقیقتنہ قائل اولغہ باشلامشلرد؛ فقط ارضک حرکت اوزرہ بولندیغی

و بمقصدك ترویجہ ایلک خادم اولان پورتکیزلرك آفریقہ و هندستان و جزیرۃ العرب ساحلرندہ طولاشدقلری و سواحل مذکورہنك اکثری اقسامنی ضبط ایلہ کنندی مملکتلری عدادینہ ادخالہ صا۔ و اشدقلری صرہلردہ پورتکیز دونماسنك برعرب دونماسیلہ وقوع بولان محاربہسنی نقل ایلمکدہ درکہ، محاربہ مذکورہنك اثنای وقوعندہ عرب دونماسی ہرنہ قدر پورتکیزلر طرفدن مغلوب ایدلمش ایسہدہ اشبو دونمائی تشکیل ایدن سفائندن بریسی پک زیادہ متین اولغلہ برخیلی زمان مقام مدافعہدہ ثبات ایدہرک پورتکیزلرہ قارشى پک بیوک مشکلات احداث ایلمشدر؛ چونکہ، مذکور سفینہ غایت جسم و محکم برطرززدہ انشا قلمش اولدقدن ماعداد صورت مکملہدہ تسلیح ایدلمش و قسم خارجیسى گناوسالہ ویا دھا طوغریسی درى ایلہ قابلائمش ایدی۔ سفینہ مذکورہنك خارجاً درى ایلہ قاپلی بولمسی ترقیات انشائیہنك پک بیوک برنمونہسى اولوب، موجدلرینك مهارت فنیہلرینہ دالدر؛ چونکہ، گمینك سطح خارجیسى سترایدن

مسئلہسنك شیوعی اول زمان جاہل و متعصب بولنان پاپاس کروہنك بادئ تلاشلری اولدیغیچہئلہ بو مسئلہنك صحتنہ قائل اولانلر اشذجزا ایلہ قتل و اعدام ایدلمکہ باشلانلدیغندن مسلك مذکورک اوروپادہ انتشاری غایت بطی اولهرق وقوع بولمشدر۔

اون برنجی قرن ہجری ہدایتہ طوغری یوقاریدن بری اعطا قلنہ کلن صراحت دلالتیلہ مثبت اولدیغی وجہ اوزرہ ذاتا اہل اسلامجہ معلوم اولوب، فقط اوروپالیرك کلیگ مجہوللری بولنان و بوجہئلہ «قوپرنیق مسلکی» نامی ویرلن بومسلک غایت سرعتلہ انتشارہ باشلامش و مخالفین کروہنك اشبو مسلک صحیحی احما خصوصندہ صرف ابتدکلی غیرت ثمرہدار اولہمامشدر، خصوصیلہ اون التنجی عصر میلادی رجالنندن اولان غالیلہ (Galileo — ۱۵۶۴ م الی ۱۶۴۲ م) نامندہکی حکیم دخی بومسلک صحتی بالاثبات علناً ترویج و مکاتبیدہ تدریس ایلہ نشریہ خدمت ایتش اولدیغندن ہیئت روحانیہنكسلہ قہریشہ اوغرایہرق زنداندہ و عذاب شدید ایچندہ جان ویرمش ایسہدہ دعواسنہدہ پک چوق کیمسہلرہ قبول ایتدیرمشدر۔ والحاصل غالیلہنك عصرندن بری بطلمیوس مسلکی ترك اولنہرق مسلک صحیح رواج بولش و بوجہئلہ اوروباجہ دخی فن ہیئتک تعلم و ترقی واکالنہ خدمت اولنمشدر۔

ایمدی، عربلرک فن ہیئتکی ایجاد درجہسندہ ترقی ایتدیرملری و خصوصیلہ قبہ سماوی ترین ایدن انجم بی شمارک قسم ثابتی تشکیل ایلین کواکب میانندہ موجود اولان برطائم پارلاق وایریعہ یلدزلرک اطرافلرندہکی مختلف جسماتندہ برطائم یلدزلر ایلہ تشکیل ایتدکلی ییغئلری خاطرلردہ طوتہ بیلک وکرہ سمانکھانکی جہتہ مصادف اولدقلرینی درک ایتک ایچون ہریغنی برحیوان ویا سائر صوردن بریشہ تشبیہ ایلہ «برج» نامی اعطا اولنہرق بللہمسک کبی متقدمین طرفلرندن وجودہ

دری دشمن طرفه شدن وقوع بوله جق هر نوع هجومه قارشی برسد
 حائل اولوب، خصوصیه اول زمانلرده محاربات بحرینه ک مدھش
 سلاحی حکمنده اولان واستعماللری غایت رواجده بولنان بورلوتہ
 (آتش گیمیسی) لرک آتشلرینه وخبرہ مقامنده اولمق اوزره انداخت
 ایدیان محرق دانلره و طوغریدن طوغریه اعطا قلنان آتشلره
 قارشی اک گوزل اسباب مدافعه دن اولدینی نظر دقتہ آلتجه موجد۔
 لرینک لیاقت بحریره لری قات قات میدانہ چیقار۔

الحاصل گمیلری گاوسالہ ایله قاپلامق اصولی اوکره نلکدن صکره
 بواصول پک چوق دفعه لر اتخاذا اولمش ومنافع کثیره سی گورلمش
 اولمغله یقین زمانلره گلتجه یه قدر استعمالدن ساقط اولمه مشدر۔

مؤرخ مرقومک بالاطراف تعریف وایضاحنه نظراً بوگمینک ایچنده بولنان
 افراد عربلرک اک ماهر کمچیلرندن عبارت اولدینی گبی * آتبار اغزلری وقاپلا۔
 مهلری وبتون هیئت وبناسی اول قدر قالین ومتین وگوزل بریولده انشا
 قلمش که * پورتکیز گمیلرندن آتیلان دانلر سهولتله قوه نفوذیه لرینی اجرایه

کتمیش وفن هیئتک بر قسم مهسمی اولوب، «صورکواکب» نامی ویرلمش بولنان فی حقیقه
 بدرجه عالیده ایلرلیتلری سیر سفائیک بوکونکی صورت مکملیتی بولسنه باعث مستقل اولمشره
 چونکه، روی دریاده وهر ایسته نلدیکی زمانده موقع سفینه بی تعیین ایتک کیفیتی اجرام سماویه دن
 اجرا قلنه جق رصدات اعانه سیله نصیب اولور بر موفقیت اولوب، بونک ایچون دخی وجه سماده
 مشاهده قلنان اجرائی طایق، یعنی فن صورکواکبی بیلمکله کواکب مذکوره نکر ویا برقاچندن
 آلنان ارتفاعات ایله عرض وطول جغرافی حساب ایتک کبی هیئتک مباحث لازمه سنده دخی بهره
 صاحبی بولنغه متوقفدر۔

علمای اسلامدن فن مذکورک توسیع وترقیسنه خدمت ایدنلر دخی پک چوق اولوب، علی
 الخصوص بوفن حقننده «المدخل»، «الزیج»، «المذکرات»، «الالوف»
 ناملرنده کی کتب مقبوله بی تصنیغه موفق اولان (ابومعشر)؛ «کتاب فی الکواکب سبعه»
 عنوانلی اثر قیتسدرای تألیف ایدن (ابوبکر رازی)؛ کواکب ثابته حقننده بری مشور
 ودیکری منظوم ایکی کتاب ایله اشعه نک صورت انتشارینه دأر بر تألیف بیینی وثوابت و سیارات
 وبروجک صور واحوالی حقننده مکمل ومصور بر اثری بولنان (ابو الحسن رازی)؛ علی
 الدوام رصدات ایله اوغراشوب کواکب ثابته نک موافقی تعیین وسفلرینک بعض زیجلیرنی تصحیح
 ایدره ک برکوزل «صورکواکب» تألیفنه موفق اولان (ابو القاسم مرحیطی)؛
 «زیج حاکی» [بوکتاب اوروپانک اکثر کتبتانلرنده موجوددر] نامیه درت جلددن
 مرکب بر اثر عظیمک صاحبی بولنان (کمال الدین بن یونس)؛ «تجرید الشعاعات

موفق اولہ مامشدر در . نہایت پورتنکیز دونمائی تشکیل ایدن سفائنک کافی سی
یالکز بوگمی اوزرینہ آتشہ دوام ایدرک ساعتلرجه اوغراشدقدن صکر آنجق
برگوللہ تأثیر ایتدیرہ لیشلدر در .

درونندہ بولنان جسور وہادر محافظلر آرتق گمیلرینک غرق اولق تہلکہ سنہ
دوشدینکئی حس ایدنجہ — دشمندن امان دخی مأمول ایتدکارندن — کافی سی
بردن دکرہ آتیلہرق کمال غیرتلہ یوزہ یوزہ ساحلہ چیقمغہ تشبث ایشلار ایسده
ساحل برقچ میل بعید مسافہ اولدیغندن بو بچارہ فراریلری پورتنکیزلر تعقیب
ایلہ آرقہلرندن دانلر یاغدیہرق اکثریسی تلف ایتمک گی مغایر انسانیت باربارلقلردہ
بولنشلدر در .

عربلرک کندیلرندن صکرہ وقوع بولان کشفیات بحریہ براقدرہ
قلری وسائط و آثار متنوعہ ومہمہ ایلہ خدمت ایتدکدن باشقہ
بو خصوصدہ بالفعل چالشمش اولدقلری دخی مثبتدر .

عرب جغرافیونندن ادریسی « مغربیہ » اسمیلہ مشہور اولان
عرب ملاحلرینک اشبونہ ، یعنی شمیدیکی پورتنکیز دولتک پای تختی
اولان (لیسون) دن قیام ایلہ بحر محیط اطلاسمیدہ قرہ تحریمی ایچون

و الانوار ، « التفہیم لاولی صناعتہ التخیم » ، « کتاب فی الاسطرلاب » ،
« مقالۃ فی استعمال الاسطرلاب الکری » عنوانی اثرلری تألیف ایدن (بیرونی) ؛
« زیج الامد علی الابد » ، « الکور علی الدور » کتابلری وجودہ کستین
(ابو العباس احمد بن ککاد) ؛ « الزیج المغرب المبني علی الرصد المجرب »
عنوانی اثرک مؤلفی اولان (ابن البودی) ؛ کواکب ثابتہ نک صور و اشکالہلہ مواقعی تعریف
وسلفلرینک بعض خطالریخی تصحیح ایلہ اشتہار ایدن (ابو الفداء) ، (ابن جعدی) ،
(ابو نصر تکریتی) ، (نصیر الدین طوسی) و سائرہ کبی بر طاقم مشاہیرک خدمتلری
شایان تذکاردہ .

ایمدی ، فن ہیئتک ترقیدی طول و عرض جغرافی تعینی مسئلہ سنہ مینی خریطہ واطلسلرک
درجہ کافیہدہ مکمل وصحیح اوللرینہ ، یعنی فن مذکور اعانہ سہیلہ طول وعرضلری تعین اولنان
نقطہلری مذکور خریطہ واطلسلرہ علاوہ اتمک و خریطہ اوزرنده ہنوز بولنایان مواقعک طول
وعرض جغرافیلری تعین ایدہرک مذکور خریطہلردہ کوسترمک کی موفقیاتک بوز کوسترمسئہ سبب
اولمشدر . بناء علیہ ، مکمل صورتدہ دکر خریطہلرینک ترسیبی وتعیب اولنہجق طریق بحرینک تعینی
خصوصارندہ علم ہیئتہ نہ درجہلردہ احتیاج قطعی بولنیدی تبیین ایدر . بو جہتہلہ فن مذکورک
مختزلریہ وتوقیسنہ ہمت ایدلرہ ومکمللریہ نہقدر تشکر ایدلسہ آزدہ .

[۲] خریطہ — عرب جغرافیونی خریطہ لفظنی سطح ارضدن برقیمک رسمہ و رسم فلکہ

اجرا ایتدکلری بر سفر بحرئی نتیجه سی اوله رق (قناریا) اطه لرینی بولدقلرینی و جزائر مذکورہنی بعد الکشف آفریقہ ساحلہ گچہ رک مراکش (۱۶۰) کیلومترہ غربندہ و لب دریادہ کائن اولان وفرنک خریطہ - لرینک اکثرینسندہ (صافی) صورتندہ محرر بولنان (اسفی) قصبہ سنہ یناشوب، بعدہ لیسبونہ عودت ایتمش اولدقلرینی وحتی قصبہ مذکو - رہنک بواسطہ یاد اولنمی کاشفلرک بورایہ ورودلریلہ مملکتلرندن نہ قدر اوزاقدہ اولدقلرینی آکلادقلری زمان « واسفی ! » دیہ اظهار تأثر ایلمش اولملرندن ایلری گلمش بولندیغنی دخی حکایہ ایلمکده در؛ فقط عربلرک خدمت کشفیہ لری یالکز بوندن عبارت اولیوب، بحر احمر ساحلرلیہ عمان و عجم کورفرلرنده و هند دکرلرنده دخی اجرای سیروسفر ایدہ رک عصر لرینک جغرافیاسنہ علاوہ معلومات ایلمشلردر. خصوصیلہ بحر محیط جنوبیدہ کائن اولان جزائر مجتمعه سکنہ سنک دین مبین محمدی ایلہ متدین بولنملری عربلرک کشفیات

دلالیت ایدن ورقده استعمال ایشلردرک، ارض اوزرنده بولنان اماکندن ویا وجہ سمادہ مشہود اولان اجرامدن بعضیسنک بعضیسنہ نسبت وابعادی اول ورقدن ظاهر اولور.

خریطہ لرک صورت ترسیم واختراعلری نوع بنی بشرہ قرون اولی ایچریسنده نصیب اولمش بر موفقیت اولوب، شرف ایجاد ایسہ بالادہ ذکر اولندیغنی وجہلہ آن ہیئتہ اولان اختصاصدن ناشی بعض مؤرخلر طرفندن آن مذکورک دخی موجدی اولدیغنی ظن ایدیلن لیبیا قرالی «اطلاس» نامندہ کی ذاتہ اسناد اولنقدہ در. هجرت نبویہ دن همان (۲۰۸۰) سنہ مقدملرنده مصریلرجه خریطہ نک معلوم اولدیغنی بیانات تاریخیہ ایلہ مثبت اولوب، حتی قرائتہ مصریہ دن اوچنچی سزوستریسک فتح ایتدیکی بلادک خریطہ لرینی ترسیم ایتدیرمش اولدیغنیہ تاریخلرک روایتندن اکلاشقدہ در.

خریطہ نک مصریلردن باشقہ بنی اسرائیل میانده دخی معروفیتی محقق اولوب، مؤرخ مشہور ہیرو دوت (Herodotus) ک بیانہ کورہ ملل قدیمہ دن فرسلر بیلہ دارانک زمان حکومتندہ خریطہ ترسینہ واقف ایشلر.

آن جغرافیایونلک متعماندن اولان خریطہ ترسینی اصولنہ قدیم یونانیلرکده و قوفلری اولدیغنی و علی الخصوص قبل المیلاد بشنچی عصر مشاہیرندن اولان یونیالی آناسماندر (Anaximandre) ک کروییت ارضی کشف و برکرہ تنظیمیلہ خریطہ ترسینی اصولی میدانہ قویدیغنی حقتندہ بر روایت تاریخیہ موجوددر.

هرنہ قدر اهم سالفہ دن اکثرینسک پک ارکن زمانلرده خریطہ یہ دائر معلوماتلری بولندیغنی محقق ایسده هجرت نبویہ دن طقوز عصر مقدمنہ کلنجیہ قدر بومعلوماتک پک ناقص بر درجہ ده اولوب، عصر مذکورده بر مرتبہ دها توسیعنہ موفقیت حاصل اولشد؛ چونکہ، فلاسفہ قدیمہ دن ابرائستینوس (ق. ه ۸۹۶) تاریخندہ طول و عرض بلدانک وضعی کبی جغرافیا فتنده

بحریہ بی اورالہ قدردہ ایلیر یلتمش اولدقلرینی اثبات ایدر دلائلندردہ :
خلاصہ ، عربلر بوگونکی اوروپا مدنیتک اساسنی وضع ایتدکری
وتعالیسنی تأمین ایلدکری گبی بحراً وقوع بولان ترقیات وکشفیاتده
باعث مستقل اولمشلردر .

بو حقیقتی اثبات ایچون سویله نیلندن فضلہ برسوزده دها حاجت
یوق ایسه ده فائدہ زائدہ قیلندن اولمق اوزره دوبلینده کائن اقانیم
ثلاثہ مکتبی اسبق حقوق موضوعه مدرسی دو قنور (طایلر) لـ
تالیفاتندن اولان تاریخ اسلامک (۳۲۰ ، ۳۲۵ ، ۳۲۶) نجی صحیفه-
لرنده کی شو سطرلری ده بورایه نقل ایلیورز : —

« اورویانک یک یوق زماندر ضرابی دنکیته باعث و محبوبیتی
مستلزم اولانه فئودالیزم (Feudalism) ، یعنی دره بکاک اصولی
عربلر میانده جاری اولامشدر .

ممالک ضربتیا بنیک هر مهرتنده اقدامات ناموسطرانہ کننا ه تبعیت

برکشف مهمه مظهریتله اثر تجدد ابراز ایلش اولدیغندن یوزماندن اعتباراً اولدقچه صحیح
خریطه لر ترسینه موفقیت یوزکوسترمکه باشلامشدر . حکیم مشارالیهک شو خدمت فنیه سندن
طولای « افلاطون ثانی » دیه تلقیب اولنش وبو نامه بحق کسب استحقاق ایلش اولدیغی معلوم-
مات تاریخیه ایله مؤیددر ؛ خلاصه ، فن جغرافیا و بونک مشتملاتندن اولان تخطیط ارانی فنی
یونانیلر طرفندن خلیفه ترقی ایتدیرلدیکی حالدہ قرون وسطی واسطنده دین مبین محمدینک ظهور
وانتشاریلہ عالم پر باشقه صورت کسب ایتمی اوزریشه اهل اسلامک رونق وسطوتی جهانی
نورایمان وعرفان ایله تنویرہ باشلامغله فنون سائرہ مثلی بو فنلر دخی یونانیلردن عربلره انتقال
ایده رک جدی صورتده توسیع وترقیسی بوندن صکره نصیب اولمش وبو خصوصده دخی عربلر
حقیقه تشکرات اممه مظهریت درجه سنده غیرت فوق العاده کوسترمشلردر .

اعلای کلمه الله ایچون جزیره العرب چوللرندن چیقان بر آوج مجاهدین دینک عقللره حیرت
وبره کج درجه ده بر سرعت سر یعه و بر مدت قلیله طرفنده شرقاً غانج نهرینه شمالاً سیریه
غرباً بحر محیط اطلسی به جنوباً دخی بحر محیط هندی به قیدر اولان ممالک واسعه بی سیف
غالبیتلریله قبضه تسخیره کچیرمش اولماری کبی دنیاده هیچ بر دین اربابشه و بر ملت افروزشه
نصیب اولیان مظفریات عظیمه سایه سنده ذاتاً حائز اولدقلری قوه معنویه ایله برابر بر قدرت
مادیه دخی اکتساب ایلش اولدقلرندن اشبو قطعات جسیه اوزرنده شکل ایدن هیئت اسلامیہ
مالکی بولندیغی قوای مادیه و معنویه نک هر ایکسندن ده استفادہ ایده رک یالکر فتوحات ایله
دکل فنون ومعارفله دخی بالاشتغال شاننه لایق ومتمانه مناسب بر شرف ومزیت قزانشدر .
اهل اسلامک ارباب سیفی بر طرفدن غزا وجهاد ایله توسیع حدود بالاده نائل اولدقچه
ارباب علم ودانشی دخی اشبو ممالک مفتوحه نک عمران وترقیسی جهتہ حصر انکسار ایله اسباب

ایتمک صاییدیفی و تجارت عیب عد اولدیفی ائالرده عربلر نشویقات
و تحریصات مکملده ایله کندیلرینی زراعت و تجارت سوو ایلشمدر .

قبضه تخمیره کیمیش اولدقلری ممالک اهالیسی فتودالیزم تأثیرات
مضره و مهملکه سنده آزاده و سربست ایدیلر . فتودالیزم مصیبتی قورسقییه
هسیج داخل اولامشدر ؛ ساردانی ، سیمیلیه و جنوبی ایتالبادنه عربلر لایمینی
هکیمیه قور ممالک مذکوره اهالیسی بو بهای مبرمک نه اولدیفی بیلنر

سعادت اکیله صرف ماحصل اقتدار ایتک کبی بیوکک کوسترملری سایه سنده درکه . فتوحاتک سرعتی
نسبتنده فنون و معارف دخی انتشار و تعمیم ایلش و همت اسلام آز زمان اینجده آثار حسنه سی
کوسترمشدر .

ایشته بو میانه عرب جغرافیونی دخی حصه لریسه اصابت ایدن وظیفه فنییه یی ایفا ایتک
اوزره فتوحات اسلامیته واصل اولدیفی ممالکک منتهای حدودینه قدر اولان واقعی بالاطراف
طولاشه رق تدقیقات مکمله اجراییله کشفیات فنییه لرینی درجه مترقبه تک بیسه فوقه چیقارمشلر
و بو سعیک نتیجه سی اوله رق فن جلیل مذکوره عائد بر خیلی آثار مفصله و مکمله تألیف و نشرینه
«وفقی اولدقدن باشقه المرند بولنان خریطه لری دخی تصحیح و اصلاح و اکتساب ایلش اولدقلری
یکی یکی معلومات ایله پک چوق علاوه لر دخی اجرا ایده رک عصرلریک معلومات فنییه سی توسیع
و اکیله خدمت ایلشدر . بونلردن بر طاقلری حدود ممالک اسلامیته یی دخی تجاوزله بر عتیقک همان
هر جهتی طولاشه رق تدقیقات فنییه لرینی جامع مؤلفات مقبوله ایله عالم نظرند اقتصار علمیلرینی
کوستریمک شرفنه نائل اولمشدر .

ابن ابی شینه ، عبیدالله بن عبدالله [بو ذات اوچنچی قرن هجری مشاهیر جغرافیونلردن
اولوب « کتاب المسالك والممالك » نامیله غایت مکمل بر جغرافیا کتابی تألیف ایلشمدرکه ،
کتاب مذکور مدنیت اسلامیته کک شعشعه لی بر زمانده ممالک اسلامیته احوالنه کسب و قوف
ایچون پک کوزل بر واسطه در . اشبو نسخه نفیسه قرآنیز و آلمان لسانلریسه دخی ترجمه اوله رق
(۱۸۶۵ و ۱۸۶۶ م) سنلرنده پارس ولیسیغه طبع اولمشدر] « ابن ابی ذروان » ابن حوقل
[بو ذات دردنجی قرن هجری مشاهیرندن اولوب ، (۲۸) سنه دن عبارت بر اوزون مدت
عراق ، فارس ، شام ، مصر ، اندلس ، سیمیلیه و دهاسائر ممالکی طولاشه رق « کتاب المسالك
والممالك » نامیله غایت اطرافلی بر جغرافیا کتابی تألیفنه موفق ایلش و کتاب مذکور اوروپاده
دخی فوق العاده شهرت بولره ق السنه مختلفیه ترجمه اولدیفی کبی (۱۸۷۲ م) تاریخنده متن عربیسیده
(لیدن) شهرنده طبع اولمشدر .] « بیرونی » بو ذات بشنچی قرن هجری مشاهیرندن اولوب ،
غایت طوغری و مفصل معلومات و یرمکله جغرافیا فتنه پک بیوک خدمتی سبق ایدن اعظمدنر .
(۹۰) سنه اقطار هندیه ده سیر و سیاحت ایده رک زمانه قدر مجهول قالمش اولان هندستان وسائر
اقطار شرقیه حقنده معلومات مکمله و یرمشدر . تسطیح کره یه دائر غایت نافع بر تألیفی ده موجود
اولوب ، بونده خریطه ترسینه متعلق معلومات مفصله وارد] « ادریسی » بو ذات التنجی قرن
هجری مشاهیرندن اولوب ، اندلس ، مغرب ، اناطولی ، مصر و اقطار سائر ایله قسطنطینیته ، فرانسه ،

لردی . اسلام یاد شاہلرینک لھر یرده وخصوصیلہ اسمانیاده بر لطف
مخصوص اولورو فنونہ وصنایعی التزام ایله اربابخی جناح حمایت لری آنتہ
آلملری سایہ منده صنایع و تجارت رتقی ورواج کسب ایتمشی و بومالک نتیجہ سی
اولورو آرزمانہ طرفندہ مراسلت تجارتہ آسینانک منہای شرقیسنده
اورویانک نہایت غریبہ منہ قدر محمد بر سلسلہ عظیمہ تشکیل ایلمشدر .
اسمانیاده عربلر طرفندہ تاسیس قلمش اولانہ بر قاج تجارت دیو

انکلترة و اورویانک دها بعض جہتلرخ طولاشرق « نزهة المشتاق فی اختراق الآفاق »
اسمندہ غایت مفصل بر جغرافیایکتابی وجودہ کتیرمشدر . سیجیلیہ حکمداری ایکنجی «روژر»ک
دعوتہ مبنی جزیرہ مذکورہ دخی سیاحت ایدہرک حکمدار مشارالیہ نامنہ کموشدن بیوک و مکمل
برکرہ اعمال و ترسیم ایلش و مرور زمان ایله اشوکرہ ضایع اولمش ایسده جغرافیاسنک نسخ متعده سی
الده ایدیلوب (۱۵۹۳م) تاریخندہ بر مختصری رومادہ طبع ولاتین لسانتہ دخی ترجمہ اولندیقن کبی
(۱۸۳۶م) تاریخندہ فرانسزجہ یده ترجمہ اولنہرق پارسده نشر اولنمشدر . صکرہلری دها مفصل
نسخہلری بولنش ایسده عرب تاریخلری مذکور کتابدہ هر مملکتک نباتاتندن دخی بحث ایدلمش
بولندیقن ذکر ایلکده اولدقلرندن شمیدی یه قدر بولنان نسخہلرک هیچ بری مکمل اولماقلہ آرزچوق
اختصارہ اوغرامش اولدقلری تبین ایلکدهدر [عینی] بودخی یدنجی قرن ہجری مشاہیرندن
اولوب ، کرہ ارضک احوال جغرافیہ و تاریخہ سنی مصور بر اثری موجوددر . اثر مذکورک بر
نسخہ سی انکلتزہده اوقسفورد شہرندہ کائن بودلیان (Bodleian) کتبخاسندہ (۸۷۴) رقیلہ مرقم
اولہرق محفوظدر [، ابو الفداء] سکزنجی قرن ہجری مشاہیرندن اولوب « تقویم البلدان »
نامیلہ مختصر فقط مقبول و معتبر بر اثری موجوددر کہ ، اروپا و ہندستاندہ دفعاتلہ نشر اولنش
واورویا لسانلرینک اکثریسنہ ترجمہ ایدلشدر . « الطريق الرشاد الی تعریف الممالک والبلاد »
نامیلہ مفصل بر تالیفی دها وارد [ابن الوردی] بودات دخی سکزنجی قرن ہجری مشاہیرندن
اولوب ، « خریدۃ العجائب » نامندہ کی تألیف نفیسیلہ مشہوردر [، ابن فضل اللہ] بودخی
سکزنجی قرن ہجری مشاہیرندن اولوب . « مسالک الابصار فی ممالک الامصار »
نامندہ کی (۲۰) جلد اوزرہ مؤلف بر اثر عظیمک صاحبی اولقلہ اشتہار ایدلشدر [ابو جعفر حفص
] یمامہ و جزیرہ العربک بعض طرفلرینک احوال جغرافیسنہ دائر « مناہل العرب » عنوانیلہ
مکمل و مفصل بر کتاب تألیف ایدلشدر [، احد بن فقیہ ، ابن ابی دمنہ ، ابن ابی
العجائز ، مسعودی ، ابن ابی یعقوب ، بکری ، ابن خلدون ، مقدسی ، اصطخری ،
صاعد بن علی جرجانی ، احد بن سهل بلخی ، حسین بن مہلبی] « عزیزی » نامندہ کی
تألیفی مشہور و غایت مقبولدر [، احد عذری ، عبدالرحیم مشہدی ، ابو المجد موصلی
] « فیصل » و « مزیل الارتياب » نامندہ کی اثرلری مقبولدر [، ابن جزلہ ، شیخ ابو
عبداللہ محمد بن عبدالنور حیری] « روض المعطار فی اخبار الاقطار » نامندہ کی حروف

(Dépôt) لری الحاله هذه موجود در. ابريقا ايله اميد برونی طریقی کشف ایدنه اسپانیا و یورنکیز بحریونی فنونه بحریی عرب معلومدرنه تحصیل ایلدکلری و کشفیات خصوصیه دره نمونه امتثال بنه عربلر اولدقلری جهته بو یوزدره دخی بنه آنلره تشکر ایتمکده میبوز.

عربلرک فنونه و معارفه استغاله بائملدقلری آنی متعاقب کوسمر دکلری ترقیات و ترقیات مذکوره نتیجه سی اولدوق آره لریده انتشار و تعمیم

هجا ترتیبی اوزره تألیف ایلش اولدیغی بر جغرافیا قاموسی آثار مقبوله دندر ['یا قوت جوی ' سکز بیوک جلددن مرکب اولان « معجم البلدان » عنوانلی اثر قیتمدارک صاحب اولوب کره ارضک زماننده معلوم اولان جهاتک احوالی مفصلاً جامع و سائر جغرافیا کتابلرینک اهمیتی خذفی ایدنه جک قدر مکمل و خصوصیه حروف هجا ترتیبی اوزره مرتب اولغله بحق مکمل بر جغرافیا قاموسی دیکه شایندر . اشبو اثر نفیس المانیا علماسندن موسیو « ووستنفلد » ک همیتله (لیسیغ) شهرنده طبع و نشر اولش و عالم مشار الیه طرفندن بو طریق ايله معارف عربیه بیوک بر خدمت ایدمشدر . کتاب مذکورک « مرصد الاطلاع » نامنده بر مختصری دخی موجوددر [و سائر کبی عرب جغرافیلرینک الیوم موجود اولوب ' قیمت و اهمیتی زایع ایتمه مش اولان آثار مرغوبه لری زمانه جغرافیا کتابلرینه دخی مأخذ اولوق نظر استفاده دن ساقط اولماشلردر . عربلرک جغرافیا دننی ترق ایتدیرمک اوزره صرف ایلش اولدقلری همتلره کوزل بر میران اولوق اوزره فن مذکور بر طاقم شعباته آرمش اولملرینی و عربلرجه فن هیئتک ترقیسی سایه سنده فن مذکورک بر قسم مهمی تشکیل ایدن و جغرافیایک ممتاندن اولان (قوز موغرافیا) ايله (طبقات الارض) و (جغرافیای طبیعی) کبی فنون مستقله دخی همان ایجاد درجه سنده ایلری به کورتورملرینی ذکر ایتک کافی اولوب صحت دعوا دخی تقلبات ادوار و مصائب آتش نثار ايله ضایع اولانلردن صرف نظر الیوم محفوظ بولنان آثار ايله مثبتدر .

ایمدی ، اشبو آثار متروکه نك مطالعه سندن عربلرک جغرافیا فننده حروف هجا ترتیبیه کتابلر یازمق اصولی ده ایجاد ایلش اولدقلری مشاهده قلنبرکه ، مدنیه سلفلری اولان اسکی یونانیلرک بو اصول اوزره یازلش هیچ بر اثرلری بولخدیغی حالده علمای اسلامک بوقبیلدن یوزلرجه اثرلری موجوددر ؛ خصوصیه جغرافیا کتابلری کره ارضک اقالیم و تقسیماتی و باشلیجه جبال و انهار و امصارک احوالی معرف اولدقلری حالده حروف هجا ترتیبیه مؤلف اولانلری اکثریا بر قریه ، بر تیه و بر چشمیه و ارنجه یه قدر کافه واقعی جامع اولغله دیکرلردن زیاده موجب استفاده درلر : مع هذا ، مشاهیر اسلامدن ابن سعید مغربی ، ابن بطوطه ، ابن جیبیلر کبی پک چوقلری ده فن جغرافیایک توسیع و اکالنه خادم اوله جق صورته برطاقم رحلت ، یعنی سیاحتنامه لر تألیف ایلشلردر . ابن سعید مغربی اندلس و آفریقانه سواحل غربیه و شرقیه سیله مصر و شام و عراق و حجاز قطعه لرینی ایکی دفعه طولاشه رق کوردیکی مملکتلرک اوصاف و احوالی مصور و فن جغرافیا نقطه نظرندن اهمیتلری درکار اولان « المغرب فی حلی المغرب » ، « المشرق فی حلی المشرق » ، « عدة المستبحر و عقلة المستوفز » ، « النسخة المسکیه فی رحلة المکیه » نامنده کی آثار مرغوبه یی نشر ایلشدر .

ایده معلوماتك احوال عمومیہ لہجہ حصولہ کثیر دیکھی تاثيرات ، مدت
میدہ صاحب نیانہ عبارت بر بردہ مظلم آئندہ صاف و نوب فائدہ
صکرہ (شو افادہ دن روما مدینت قدیمہ سنک زوالی مراد اولمشدر)
ممالک ضربتبیانہ اوزرنہ بیکیدہ بر توانداز اولادہ آفتاب معرفتک ممالک
مذکورہ سکنہ سنک احوال عمومیہ لری اوزرنہ اہرا ایلہ کی تاثيراتہ نظراً
نسبت قبول ایتمز درجہ در سربع و عظیمہ .

ابن بطوطہ دخی (۲۳) یاشندن اعتباراً سیاحتہ باشلا یوب ، (۵۰) سندن زیادہ بر مدت دور عالمہ
اوغراشہرق مصر ، سوریه ، ایران ، جزیرۃ العرب ، ترکستان ، تاتارستان ، ہند ، سرندیپ ، سوماترہ
وسائر جزائر بحر محیطی و چین و اندلسی یعنی اسپانیایہ فرانسیہ سنک بعض طرفلری و صحرای کبیر ،
سودان و آفریقہ وسطی و شمالی بی خلاصہ اووقت معلوم اولان اقطار ارشک ہمان کافہ سنی
طولاشہرق زمانندہ کی وساطتہ اجرایی محال عد اولنہ جق مرتبہ اوزون سیاحتلر اجراسنہ موفق
اولش و مشہوداتی حاوی غایت مفصل پر سیاحتنامہ وجودہ کتیرمشدر . اشبو اثر قیتدارک
وطنی اولان فاسدہ ویا قاہرہ اولدیغہ دائر بر روایت وار ایسہدہ حالا بولنہ میوب ، فقط موجود
اولان پر مختصری اورویادہ دفعاتہ طبع والسنتہ سائرہ ترجمہ اولمشدر .

عربلرک خریطہ ترسیبی خصوصندہ صرف ایلدکری ہمتلر دخی افادات سابقہ مزلہ مؤید اولدیغی
وجہلہ جغرافیائی توسیع واکالہ اولان غیر تارندن آشاغی دکلدر ؛ حتی انکلیز مؤرخین مشہورہ
سندن « کبون » تألیف ایتمش اولدیغی مفصل روما تاریخندہ عربلرک اسپانیا قطعہ سنی استیلاد
لری بی بیان ایلدیکی مرہدہ آرہدن (۱۰) سنہ مروا تیکسزین لیل و نهار محاربات مدہشہ ایلہ اوغرا
شدقاری خالدہ پر طرفندنہ ممالک مفتوحہ نک مساحہ و تدقیقہ اشتغال ایڈہدک عسکری و صنای
و طبیعی قیملری جامع اولتی و بر طاقم معلومات نئیہ زائدہ ایلہ دخی موشع بولتی اوزرہ منتظم
خریطہ لری وجودہ کتیرمش و خلیفہ مسلمین « ولید بن عبدالملک » ہ تقدیم ایش ایش اولدقاری مقام
ستایشدہ حکایہ ایلکدہدر .

عربلرک بحر سفید داخلندہ بولنان اطہلرک کافہ سنی و اسپانیا قطعہ سیلہ فرانسیہ و ایٹالیانک
قسم جنوبیستی قلع و استیلا ایتمک و مکرراً قسطنطنیہ شہری اوزرنہ دونما سوق ایلمک کبی حرکات
حریبہ لری و اسپانیانک ہنوز استیلاسنہ تثبت ایلدکری زماندن اعتباراً « باسلونا » لیانسنک
بالجملہ مراکب تجاریہ کشادہ قلنسی (روما تاریخی مؤلفی — کبون) و ذاتا مصر وسائر آفریقہ
سواحلیہ سوریه و قرمان ساحللرندہ بولنان مرسلرک اہل اسلام تجارتیکلرلہ مالا مال بولنسی
و آفریقہ نک شمال و شرق ساحللرلہ سواحل غربیہ سندن بر قسمنہ وحق قناریا اطہلرہ و جزیرہ
العرب ساحللرلہ ہندستان سواحلنہ و بحر محیط ہندی و جنوبیہ بولنان جزائر متفرقہ و مجتمعیہ ،
خلاصہ جاوہ اطہسنہ ، یعنی اول زمانک حدود جغرافیاسندن خارج بولنان موقعلرہ قدر کرک نشر دین
میں ایچون وکرک مشروع اولان تجارتدن انتفاع مقصدیلہ اجرای سیرو سفر دن خالی قالمش اولملری
« فتوحات و تجارت و انشات و کشفیات بحریہ » جہ پک بیسوک بر اثر اقتدار
کوسترمش اولدقاری اثبات ایدر دلائلندہر .

ایشہ عربلرک بحر سفید ، بحر احمر ، بحر محیط اطلاسی ، بحر محیط جنوبی ، خلاصہ عمان
و فارس و ہند دکزلیلہ معاملاتی اولدیغندن بودکزلر اوزرنہ سالما اجرای سیر و سفر ایتمک کبی
مہم پر وظیفہ بی باشہ چیقارمق اوزرہ لازم کلن اسباب و وساطتک تدارکنہ دخی صرف ماحصل اقتدار

عربلر تحصیل معارف ایچونه لسانه اوکر نمک احتیاجنده وارسته اییدلر؛ چونکه، آثار فنیه نیک لافسی لسانه ملی اوزره مؤلف اییدی. مراد اولدانه فنه کسب وقوف ایتمک افکارنده بولنانلره قارشى اوفندیه باعث اولدانه کتب و رسائلک لافسی بر صورت سرستانده کشاده، یعنی هر کسک سرولنده آکلامه بیلدجکی بر طریق مستحسسه اوزره یازلش بولنلریغنده عربلر نعم معارفنده بر ضعیفی زمانه بالکزه لذتیاب اولدیلر.

ایتمک مجبوریتنده بولنلری نتیجه سی اوله رق اسباب مذکوره نیک الک مهمی اولان دکنز خریطه لرخی اختراع ایتمک وسواحلک تعریفاتی مشعر رساله لر تألیف ایله معلومات بحر یه نیک نشر و ترویجینه خدمت ایلمک کبی اثر تجدد کوسترملری سیر سفائنک ترقی و سهولت کسب ایتمسه باعث مستقل اولمشدر.

الیوم بحر احمر ایله عمان وفارس دکنزلنده سیر و سفر ایده جک اولان هر دولت سفائن حریبه و تجاریه سنک قیودانلری تأمین سلامتلی ایچون جزیره العرب ساحلرینده بولنان لیمانلردن و پورت سعید ویا سویشدن برر ویا ایکیشر عرب قلاغوز آلفه مجبور اولدقلری معلومدرکه، بوقلاغوزلرک یدلرنده بولنان — و جغرافیای بحری ایله علم احوال هوا مباحثی خلاصه سندن عبارت اولان — « رهبر مرسا و دریا » کتابلری عرب قدماى بحریونتنک آثار متروکه سندن اولوب، فقط قعر دریا وسواحل و جزائرک مرور زمان ایله دوچار اولدقلری تبدلات طبیعیه و عوارض کونییه نسبتنده جزوی وکلی تعدیل اییدلرک قوللانلقده اولدقلری مرتبه تحقیقده در. بو نوع آتاردن (سلیمان بن احمد مهری) نیک بحر محیط شرقیده اجرای سیر و سفر ایچون « عمدة المهره » نامیه یدی باب اوزره تألیف ایتمش اولدیغی بر اثر عظیم وینه مؤلف مومی الیه طرفندن « تحفة الفحول » نامیه عرب و عجم کورفرلری و هند سواحلی حقتده تألیف ایتمش اولان کتاب کبیر الیوم اهمیتلرینی ضایع ایچین آثار مقبوله دن اولدقلری کبی « منهاج الفاخر فی علم البحر الزاخر » نامنده کی اثری دخی مقبولیت جهتیه یوقاییکیلر معادلدر.

ایشته عربلرک آچیق دکنزلرده تهلکه سزجه کبی کزدرمکدن عبارت اولان بر وظیفه مهمه و مصلحت عظیمیه فی درعهده ایتملری فنون ملاحیه دن، یعنی فن سیر سفائن و هیئت، فن صور کواکب، فن جراثقال، فن جغرافیا و علم الجو، یعنی علم احوال هوا وسائر کبی فنون شتادن معلومات تاملری اولدیغنی تأییداً اثبات ایدر بر دلیل علنیدر.

ذاتاً — بالاده برنده جک اولسون کوسترلیدیکی وجهله — فنون مذکوره نیک عربلر میاننده فوق العاده ترقی ایتمش اولسی وشعباتندن هر بریسی حقتده یوزلرجه آثار مقبوله وجوده کتیرلمش بولنسی معلومات تاریخیه ایله مثبت اولدقندن باشقه آثار مذکوره دن بر طاقملرنکده الیوم موجود و محفوظ بولنلریله مؤیددر.

ایمدی عربلرک جهت بحر یه تعلق اولان اکثری فنونده بهره کاملری بولندیغنی دلائل قویه ابرادیه اثبات ایتمش اولدیغمر خالده دکنزه کزنلرجه بیلنسی الک زیاده لازم اولان علم الجو، یعنی علم احوال هوا به دائر دخی وقوف تاملری بولندیغنی بیان ایتمک مقتضی کورلمشدر. بناء علیه، عالم اسلامده شعبات فنونک هر بریشه کسب اختصاص ایدرک اوشعبه نیک ترقیسنه خدمت ایلمک جهتی التزام ایدن ارباب همت حسابسز اولوب، علم احوال هوا به اتناسی اولانلر دخی نوبستده

اندلس اہالی اسلامیت سنک زقیات فنیہ و مکتسبات علمیہ لری دخی
 بو مثال واجب الامتثالہ رعایتہ حصول بولشدر . بوزماندرہ اور ویاہ
 لسانہ ملی بالکثر متفاہا نعطی مرام خصوصندہ قولہ نیلیر ایہی . فنونہ
 و سیاسیاتہ متعلوہ بر قاج کتاب موجود ایہیہ بیلہ اورنردہ لاتین لسانی
 اوزرہ محرر بولندہ قلمندہ ہلہ ایچونہ استفادہ ممکنہ اولہ مازدی . واعظہ
 بیلہ اکثریا لاتین لسانیہ موعظہ خوانہ اولورلر و نادرأ اصملاح عقائدہ

کثیر ایسہدہ بورادہ آنلرک کافہ سنی تعداد ایٹک بر تراجم احوال مجموعہ سی یازمقلہ مساوی
 اولہ جغدن آنجق ایچلرندن بر قاج دانہ سنک ذکریلہ اکتفایہ مجبوریہ حاصل اولشدر .
 شوبلہ کہ ، علم حکمت طبیعیہ ملحق اولان بو شعبہ مهمہ نک بر فن مستقل اولہوق میدانہ
 چیقمنہ و حکمای اسلامک فن مذکورہ دائر موقی اولہ بیلندکری تدقیقات و تحریات غامضہ ایلہ
 نتایج کشفیہ لری جمع و تدوین و کندی معلومات و محسوسات و تجاربہی دخی علاوہ ایہدہ رک
 وسعت و کمال بولستہ فوق العادہ غیرت و ہمت صرف ایدن ذات اوچتبی قرن ہجری رجالندن
 « ابو حنیفۃ الدینوری » در . آثار مقبولہ سنندن « کتاب الانواء » عنوانہ تالیفہ
 موقی اولدیغی بر اثر قیتدارندہ کندنن اول کلن علمای اسلامک سماہ و جوہویہ و سائر علوم
 فلکیہ و ریاضیہ دائر اولان کافہ معلوماتلری جمع ایہدہ رک اخلافنہ یک بیوک برخدمندہ بولنشدر .
 حکمای اسلام میانندہ ہوارک تبدلاتی و روزکارلرک ہبوی و علائم جویہ سائرہ حقندہ معلومات
 واسعہ سیلہ تقرر ایدن مشاہیردن بری و بلکہ برنجیسیدہ یشہ اوچتبی عصر ہجری رجالندن
 « ابو عثمان سعید بن عبدالرحمن » در .

یشہ بوفندہ مرتبہ کمالہ و اصل اولان حکمان بریسی دخی « ابن الہیثم » کنیہ سیلہ
 شہرتشعار اولان « ابو علی محمد بن حسن » در . بو ذات بشجی قرن ہجری اجلہ علماسندن
 اولوب ، علوم ریاضیہ نک ہر شعبہ سیلہ توغل ایہدہ رک تصنیفات کثیرہ وجودہ کتیرمش و عالم
 اسلامک یتشدیردیکی مشاہیر ایچریستندہ برنجیلک مقامی احرارہ موقی اولوب ، نامی شرق و غربہ
 طانتدیرمشدر . شعبات علومدن ہر بریسی حقندہ متعدد تالیفات او لدیغی کبی علم احوال ہواہ
 متعلق « مقالتہ فی قوس قزح والہالۃ » ، « مقالتہ فی المجرة » ، « مقالتہ فی الضوء »
 و سائرہ ناملریلہ علائم السما و ہالہ و کہکشانش و غیر شمالی و سائر اضواء سماویہ نک صورت و سبب
 ظہورلریہ و تأثیرات خارجہ و دلالت جویہ لریہ دائر برچوق آثار قیتداری واردہ .

بو بابدہ دہا زیادہ تطویل کلامہ حاجت اولماغلہ مقصد و صد اصلیز اولان دکز خریطہ لری
 بحثنہ رجوع ایہدہم : — ایہدی ، خریطہ فی معلوم ایکن عربلرک وجودہ کتیرمش اولدقلری بحریہ
 خریطہ لرخی بالادہ اختراع تعبیریلہ توصیف ایٹش اولدیغیمزہ تعجب ایہدہملیدر : چونکہ ، کرۂ ارضی
 تشکیل ایدن تراب و ماءدن تراب قسمک برپارچہ سنی کاغذ اوزریشہ رسم ایٹک قسم ماءدن برپارچہ نک
 ترسینہ مقیس اولمیوب ، بو ایکی صورت عمل پینندہ یک بیوک بفرق واردہ . ہرنتقدر بری و بحر
 خریطہ لر ترسیندہ اساسا اتخاذ اولنان اصول فی یکدیگرینک عینی ، یعنی علم ہیئتک عرض و طول
 جغرافی تعیین ایٹک حقندہ جاری اولان قواعد حسابیہ سنک تطبیقاتندن عبارت ایسہدہ قرہ
 خریطہ لرنہ تہلکہ بی داعی برمحذور تصور اولنہ مدیغی اجلدن یک اول قدر تحت مطلوب اولماغلہ
 دقیق حساباتہ احتیاج مس ایٹدیکی حالہ دکز خریطہ لری ترسیندہ امر برعکس اولوب ، ہرکونا
 محاطہ ملحوظ اولدیغندن مذکور خریطہ لر اوزرندہ اراضی اصلیلہ و جزائر سواحلنک کیرتی

مداری اولسونه ایچونه او قودقلری خطبه لرک بعضی یارمه لرینی ملی
لسانه ایله تفسیر ایدرلردی . زمانه زده بیدر روماکلیساسی بو عادت
قدیمه بی معنایی محافظه ایدرک (عسای ربانی) آیینی لاتین لسانیه امیرا
ایلمکده درکه ، مضار و مستمعینده هیچ بریسی بو لسانه واقف دکدرلر .
اندلس عربلری آثار علمیه لرله شرقیه بولنامه لشمس بریلرینه نفوس ایدر
مدیر ایدر ، آنلرله رقابته ده کیری طور مدیر . « قرطبه » عربلرک

وچیقنیلرینک ، قوی وکوز و لیان و برونلرینک وروی دریاده واقع برطاقم بانقلرله دوکوتی وکوز
طاشلرک وضعیت مخصوصه و موقع حقیقلرینی غایت صحیح و دقیق بر صورتده کوسترمک لازم
اولدیغی جهتله کرک رصدات و کرک حساباتجه مرتبه غایده دقت و صحت التام اولتیق اقتضا
ایتمکدن باشقه عمق دریایی و قعرینک نه جنس طوپراق ویا طاش ویا چامور و قوم و قیوق وکیل
و بولرله مائند شیلردن عبارت اولدیغی ؛ و آقنیلرک جهت جریانی ؛ و خریطه مقیاسنک جسمته
کوره مناسب قسملرینه بر پوصله ترسینی ، خلاصه ییلنسی قطعیا لازم اولان ماده لرک کانه سی دخی
اشبو خریطه لر اوزرتده کوسترمک ایجاب ایدر .

ایشته بو جهتله بر بحریه خریطه سی ترسیمی حقیقه مشکل بر ماده اولوب ، هیچ یوقدن بونک
لر و می تقدیر ایله ایجابنک اجراسته دخی صرف مقدرت ایدنلرک و لوکه پک ناقص اولسون وجوده
کتیرمش اولدقلری خریطه لر اختراعاتدن معدود اولوب ، موجدلرینک اشبو خدمت فنیه لر دخی
سزاور تحسین و تشکر در .

عربلرک خدمت مذکوره لر اول قدر عالی و قیمتدار درکه ، اگر ناقص و خطالی اولرک
وجوده کتیرمش اولدقلری خریطه لر بو کونکی کونده کاشف و مخترع دیهرک اوروپالیرک
عادتا تقدیس درجه سنده ناملرینی حرمتله یاد ایتدکلری و امید بروی طریقله هندستان یولی
واوروپانک غربدن غربه طوغری حرکتله امریقا قطعیه سی بولان و الحاصل طیش دکرلرده کشت
و کذار ایله اقطار بعیده سیر و سفر اجراسته موفق اولان ذاتلرک اللرینه کچمه مش اولسه
و خصوصیه پوصله تعبیر اولان آلت رهئای دریایی عربلردن اوکر نمه مش بولنسه ایدیلر کشفیات
مذکوره نک هیچ بریسنه موفق اوله میه جقلری درکار ایدی ؛ خلاصه اوروپا بحریونی اچیریسده
کشفیات موفقیته شان و شرف قازانان مشاهیر هپ عربلرده بولدقلری اشبو ناقص خریطه لر
سایه سنده اوشان و شرفه استحقاق کسب ایتشلردر .

شو دعواک صحتی اثبات ایدر دلائلدن اولیق اوزره عصر حاضرده فنون ملاحیه و قوف
و اختصاص تاماری جهتیله بین الملل تقدر ایدن قوه بحریه لرینک جسمات و مکملیلرله شهرتشار
اولان انکلیز لک بیله هیئت و جغرافیا کبی بحریون ایچون اک زیاده لزومی اولان ایکی شعبه
مهمه فنیه بی اتجق (۱۲۲۰) سنه میلادیه سندن صکره اوکر نمکه باشلاملرینی و سنه مذکوره دن اعتباراً
کمبریج (Cambridge) دارالفنوننده تدریس اولتغه باشلانلسی و مبعوث عنه اولان بحریه
خریطه لرینک (۱۴۸۸) سنه میلادیه سنده ایلک دفعه اولرک قیودان قولومب طرفندن
برادری بارتلی قولومباس (B. Colombus) ایله لاجل التمثیل انکاترته کوندلرلش
بولنسی ذکر ایتک کافی اولوب ، بو افاده لر دخی فنون مذکوره نک اوروپاده اک متدن مملکتلره
بیله نه قدر کچ کیرمش اولدیغی و عربلرک اشبو فنلره اولان اختصاصلرینک اوروپالیره نسبه نه
مرتبه قدیم بولندیغی میدانه قویار .

عربلرک وجوده کتیرمش اولدقلری بحریه خریطه لرینه خطالی و ناقص دیدیکمک سبی دخی

بغدادی ایلی . اور دیا بلر طرفنده ایلك دفعه اولدوق معلومات فیه
وانه المرك وغوتارك اهنل فی واسطه سیه قرطبه ده استحصا اولندی .
اسپانیا عربلرینک شعبات فنوره و صنایعه ده انک زیاده اقتدار
کوستردکلری فیه معماری قسمیدر . اندلسک جامع و سربلرنده و دوار
امیریہ سارمهنده مشهور اولاده صنعت و نقاشت رومالبلر یونانیلرک
انک یارلاق زمانلرنده وجوده کتیرمش اولدقلری بوکبی آثار عالیه ده کی

مذکور خریطه لر طریق مستوی اوزره ترسیم اولنش بولندقلری ایچوندور . بو مثالی مستوی
خریطه لده ایسه نصف النهار دأره لر یکیدیکریشه موازی و برطاقم خطوط مستقیمه ایله اشعار اولندی
کی دأره متوازیلر دخی نصف النهارله عمود اولوب ، کرک نصف النهارلرک و کرک خط استوا
ایله عرض دأره لرینک اوزولرنده و ایسته نیلن قسملرنده بدرجه لک مسافه لر هپ بربرینه مساوی
اولق اوزره بولنور .

اعمدی ، ارض کروی اولدیغندن اوزرنده مفروض نصف النهار دأره لر قیطرده یکدیکرلریله
برلشدکلری جهته سطح ارضک اقسام صغیره سندن بیله هپ برقسمک خریطه سن طریق مستوی
اوزره رسم ایتمک صحیح اولماز ؛ زیرا ، بویولده رسم اولنش خریطه لده خط استوا اوزرنده کی
تفاوت طولین ، یاخود ایکی نصف النهار بیننده کی بعد هر موقعه مساوی اعتبار اولندیغندن اشبو
خریطه لر اوزرینه عرض و طول معلوملری اعانه سیله وضع اولنه جق نقطه لرک موقع حقیقه یلرندن
کرک مسافه و کرک کرتریز جهتیله آزچوق تغلقلری وقوع بولورکه ، ایشته اصل خطالی عد اولنلریشه
سببده بوکیفیقدر . وجه مذکور اوزره رسم اولنش خریطه لر بین البیریون پک چوق زمانلر
قوللاندقلری حالده (۱۶) نجی عصرک یتشددیرمش اولدیغی ارباب فندن عن اصل فلسفکی
اولوب ، فلاندر شهرنده تولد ایتمش اولان هیئتشناس مشهور «مارکتور» (Mercator) نامنده کی
ذات — (۱۵۵۶) سنه میلادیه سنده نامنه نسبتله اشتهار ایتمش اولان — اصول صحیحه اوزره
خریطه لر ترسیمی اختراعه موق اوله رق سالف الذکر مستوی خریطه لر استعمالی مجبوریتسندن
بحریونی قورتادیغی جهته کافه سنی کندیسنه منتدار ایلشدر .

شوق دخی عرض ایده لمکه ، کیلرک لیانلره کیروب چیقملری وساحله قریب اجرای سیروسفر
ایتملری خصوصنده و طار و ته لکه لی بوغاززدن مرورلری اثاسنده بانک و دوکونتیلری و مخاطره
ملحوظ اولان سائر محللری برلی یرتبه کوسترمک وکیلرک بلا ته لکه بو مثالی محلردن کیملری
تسهیل ایتمک ایچون سواحک بعض محللرینک خریطه لرلی الیوم بالاده بیان اولنان طریق مستوی
اوزره و ککیش مقیاسده اوله رق ترسیم اولنوب ، قوللانقده در .

بومثالی خریطه لر بین البیریون « پورطلون » تعبیر اولنوب ، لیان و محل مطلوبک جسامتنه
کوره نصف میلدن (۷) و (۸) و بعضاً (۱۰) میله قدر وسعت و امتدادده اوله رق رسم اولنه بیلیر ؛
اوزرلریشه دخی عرض و طول درجاتی رسم اولنوب ، ایکی محل بیننده کی مسافه یی مساحه ایتمک
ایچون آریجه بر مقیاسلری موجوددر .

[۳] بوصله — طیش دکنزلرده و انکیندن سیر اولنوبده اراضی کورله مین زمانلرده سفائی
سالم عمل مقصوده ایصال ایچون بحریون طرفلرندن رهبر مقامنده استعمال اولنان برآلت اولوب ،
بوکا غریلر « دیره » (دأره محرق) ، ایتالیانلر « بوسولا » (Bussola) ، فرانسزلر « بوصل»
(Boussole) ، انکلیرلر « کامپاس » (Compass) تعبیر ایتمکلی کی عثمانلی بحریونی

کوبیلر صنعت و نقاشیك يك زياده فوئنده در. اندلس عربلر يك بقیه
مدينه ندری اولاره ابنیه عالیه هزاره لرینی تعداد ایتک بر قاج جلد کتاب
طولیرمه توقف ایدر.

بو صنعتده نه یوک بهره لری اولدیغنی کوسترمک ایچونه بالکز

دخی ایتالیا نلرک تعبیر مخصوصلرینی جزوی تعریف ایله بالقبول اول وجهله قوللانمقده درلرکه،
لسان خواصده «خبره نامه»، عوام لساننده دخی «قبله نامه» تعبیرلرله افاده اولمقده در.

آلت مذکوره استعمال اولدینی موقع و خدمته نظراً مختلف شکلدره اعمال اولنور ایسه ده
اکثریت اوزره پرچ ویا توفچدن نصف کهره، یاخود اسطوانه شکلنده اصاغه اولنیش بر طاسک
مرکزیه چلیکدن معمول بر میل رکز اولنوب، مذکور میلک اوزرینه دخی طاسک داخلنده
سربست حرکت ایدیه یلجک درجده و دائره شکلنده قطع اولنیش و اوست سطحنه روزکارلرک
سمتی ارئه ایدر اوتوز ایکی شعاعلی بر یلدز رسم ایدلش. سطح تختانیسنه دخی چلیکدن مصنوع
بر مقناطیس ابره سی پودتیرلش بر مقوا اوطور یلررق بو طاس هیئت مجموعه سیله یا بر سهیا
اوزرینه ویا جویر، یاخود معون اغاجسندن معمول بر محفظه درونته وضع اولنق صورتیه وجوده
کستیریلر.

اشبو پوصله نك مقناطیسی ابره سی مرور زمان ایله آشنوب، موازنتی ضایع ایتهمک ایچون
مرکز ثقلنده واقع اولوب، طاسنک مرکزیه مرکوز میلک رأسنه اصابت ایدن ثقبه یه مخروط شکلنده
بر (سلیمانی طاشی) وضع اولنور و مذکور ابره نك بر نهایتی مقوانک سطحی اوزرینه مرسوم سالف
الذکر اوتوز ایکی شعاعلی یلدزک «یلدز»، یعنی شمال نقطه سنه، دیگر نهایتی دخی «قبله»، یعنی جنوب
نقطه سنه تطبیق اولنورق مذکور مقوا یه پرچ ویده لرله ربط ایدیلوب، اوزری دخی جاملی بر قیاقله
ستر اولنور. اشبو مقوا اوزرینه مرسوم اولان یلدزک منقسم بولندینی شعاعات افقک اوتوز ایکی
کرته سن، یعنی شعاعات مذکوره دن هر بری بر روزکارک جهتی ارئه ایدر.

پوصله نك اساسی تشکیل ایدن مقناطیسی ابره نك دائماً قطب مقناطیس جهتنه متوجه بولنسی
روی دریاده سفائنک جهت حرکتلرینی تعیین ایتک و کیده جکری محملره دلالت ایتک کبی بر خدمت
مهمه ایقاسنه باعث اولمقده در. ایشته پوصله نك دکرده فوق العاده ایشه یارادیغی کبی قره ده دخی
بعض محملرک خریطه سی آلق و تونلر ایله معدن اوجاقلرینک استقامتلرینی تعیین ایتک خصوصلرند
و خصوصات سائر هندسیه ده استعمال اولنسی قیمت و اهمیتینی تزیده مدار اعظم اولشدر.

یوقاریدن بری ویرمش اولدیغیمز ایضاحات فنون و صنایعک ترقیسی سایه سنده اصلاحات
مکملیه یه اوغرامش اولان و عصر حاضرده استعمال ایدلمکده بولنان پوصله لر حقنده اولوب،
یوقسه بوالنک دخی مبادئ استعمالنده کی حالی یالکز طولانی بر مقناطیس پارچه سنک صو ایله مملو
بر قاب دروننده متناز ویا صمان اوزرنده سیج ایتدیرلمسندن و اطراف حوضه سنک یالکز سکز روزکار
اشعار ایدیه یلجک قدر تقسیماتی حاوی اولمسندن عبارت اولوب. بویله صو اوزرنده سیج و سکز
روزکار ارئه ایدر پوصله لر دن آتیق را کده والرده ویک ساده برصورتده استفاده اولنه یلجکی درکاردر.

خاصه مقناطیسیه نك کشفیه پوصله نك ایجاد حقنده روایات تاریخیه مختلف اولوب. اشبو
روایتلردن بالاستفاده — مقناطیسک صورت و زمان و محل کشفندن صرف نظر — آتیق پوصله
اختراع مهمی ایتالیان، فرانز، نورمان و انکلیر کبی اروپا ملتری کسندیلرینه اسناد ایله اکتساب
شرف و منفعت ایتک داعیه سنده بولمقده ایسه لرده شه کندی ایتچلردن ظهور ایدن بعض مدققلر
دخی تبیین حقیقه تقریبه کندی ملترینک بو بابه کی دعوالرینی بر خیال محض اولق اوزره کو-
سترمک اصابتده بولمقده درلر

(الحمراء) سرابنی ذکر ایتمک لافیدر . فہ کیمیائی ایجاد ابتدکارندہ
طولانی درہ آنلرہ تشکرہ میبوزد . فہ مذکور حکمت تجزیہ نیک برنجی
سحبہ سی اولوب ، زمانمزدہ دخی اک زیاده الهمینی هاندر . تجارب فیه نیک
تزیسی اوغورندہ فوق العادہ غیرت صرف ایده «جبریت» (Gerbert)

اوروپا ارباب تدقیقندن دیہ خبر ویردیکمز ذاتلر اول امرده پوصلہ نیک اساسی و باعث ایجاد
اولان مقناطیس حقنسدہ بیان معلومات ایتمکدر لک « سیر ویلیم هاری »
(Sir W. Hurry) نامندہ کی اهل فن مقناطیسہ دائر تالیف ایش اولدیغی کتابده (مقناطیس)
علی العموم تیمور ، نیکل ، قوبالت ، قروم معدنلری جذب ایدن شیرہ تعبیر اولنور دیہ تعریف
ایدوب ، بونکده طبیعی وصنی اولق اوزرہ ایک نوعی اولدیغی وطیبی مقناطیسلرک میلاددن مقدم
چین طرفلرنده ، میلاددن صکرہ دخی آسیا واوروپا طرفلرنده بولندیغی بیان ایتمکدر . سنک
مقناطیسی آسیا طرفندہ ابتدا بولان یونانیلر اولوب ، آسیای صغراک قدیمده (لیدیا) تعبیر اولنان
آیدین حوالیسنده کائن مغنیسا طاعارندہ بولش اولدقلرینی و بولدقلری حاکک اسمندن کنایہ اولرق
« ماغنتریا طاشی » ویا « ماغنر » تسمیہ ایش بولندقلرینی دخی خبر ویرمکدر . یونوع
مقناطیسلر صکرہ لری کرہ ارضک مختلف جهتلرنده و خصوصیلہ معدن اوجاقلرنده اکثریا قرستالی
و غایت ثخنلی لوحه لردن عبارت اولق اوزرہ کثرتلہ بولشد .

باشلیجہ رنک لری یشیل ویا مائیہ قریب سیاه ایسده عربستان ، چین ، بنگالہ طرفلرنده
بولنانلرک قرمزیمجہ وقوہ مقناطیسیمہ لری غایت زیاده اولوب ، جرمانیا ، انگلترہ طرفلرنده بولنانلر
خام تیمور رنکنده ، ماکدونیا طرفلرنده بولنانلر دخی زیاده جہ سیاه و طونوق بر رنکدر .

صنی مقناطیسلر دخی بر چلیک ویا خالص بر تیمور پارچہ سنہ کرک طبیعی و کرک صنی بر
مقناطیس دلک ایدیلرک یا خود مذکور پارچہ نیک اوزرندن الکتریک جریان ایتدیریلرک و یا خود
دویمہ و بورمہ ایله ویا بر مدت ارضک تأثیرات مقناطیسیمہ سنہ ترک اولنورق اعمال اولنور . اشبو
نوع مقناطیسلر طبیعی مقناطیسلرہ نظراً دها قوتلی و دها طیانقلی اولدقلرندن الیوم پوصلہ لردہ
قوللانیلان ابرملر اکثریا صنی مقناطیسلردن اعمال اولمققدہ در .

بورایہ قدر ویریلن ایضاحاتدن مقناطیسک نہ دیمک اولدیغی و تره لردہ بولندیغی و خواص
سائرسہ حقنسدہ بر تاریخ کتابندن انتظار اولنان معلومات مع زیاده ویرلش اولدیغی جهتیلہ بوندن
صکرہ دخی زمان کشفی و پوصلہ یہ تطبیق حقنسدہ موجود اولان روایاتک بیانی صرسمہ کلشدر :—

شویلہکہ ، مقناطیسک میلاددن مقدم چین طرفلرنده کشف ایدلش اولدیغی حقنسدہ یوقایردہ
ویرمش اولدیغمز بر خبری تأییداً چین لسانندن لسان افرنجیہ رسالہ لر ترجمہ ایله اشتہار ایدن
موسیو « حالہ » نامندہ کی ذات مقناطیسک چینلیلر جہ هجرتدن (۴۲) عصر مقدم معلوم اولدیغی
و بر ثابت جہتی اشعار ایدر خاصیمہ مالک بولندیغی دخی بیلدکلرینی بیان ایله پوصلہ تعبیر اولنان
آلتی ایجادہ موفق اولرق قرده استعمالہ باشلادقلرینی حکایہ ایتمکده حتی « حوتقی » (Hou-ang-ti)
نامندہ کی چین امپراطورینک میلاددن (۶۳۴) سنہ اول وقوع بولان بر محاربه دہ هواغایت سیسلی
ودومانی ایکن حرکات عسکریمہ اجرا سنہ باشلادیغی دشمننک اردو کاہ اخذ ایتدیکی موقعک جہتی
پوصلہ واسطہ سیملہ تعین ایدرک اوزرلریمہ آسزین هجوم ایله اعداسنی حیرتدہ بر اقدیغی دخی
سویلککدر : ویشہ مؤلف مومی الیہ طرفندن قبل المیلاد (۲۸۸۲) سنہ سندہ خاقان چینہ « قوشین
شین » امپراطورلری جانبندن مرسل بر هیئت سفارتک ادای مراسم رسانندن صکرہ عودت ایدہ جکلری
آشادہ بولارک اوزاقلغندن ولایقیلہ بیلہ مذکلرندن طولانی کلیرکن پک زیاده مشکلاتہ تصادف ایتدکلرندن
بعث ایله قلاغوز ترفیق رجاسندہ بولنلریمہ مبی « خاقان » بولرہ اعطا ایلدیکی ہدایای کرانہا

و «آدلهارد» (Adelhard) نامنده کی حکیمبر دخی بوفنی اندلس دارالفنونلرنده تحصیل موفق اولمشدر.

عربلر طرفنده علوم ریاضیه نك تربی خصوصه صرف اولنايه همنلر عموم نژنده مسللمدر. آلمبره (یعنی الجبر) نامی فیه مذکورک

میاننده مرصع وغایت قیمتی برآلت ده احواسان ادوب — قوشین شین قطعہ سی چینک طرف جنوبیسنده بولندیغدن — اشبولتک براوجی وضکزی کوسترمکله بدیکزده بولندجہ رهبره احتیاجکزی یوقدر! دیدیکی واول زمانلر مذکور آله «چنان» نامی ویرلمش اولدیغی حکایه قلمسوب، الا آن چین لسانده پوصله یه «چنان» تعبیر اولغله مذکور آلتک دخی پوصله دن باشقه بر شی اولدیغی تبیین ایتمکده در.

اشبو روایتک، یعنی هجرتدن (۳۲) عصر مقدم چینلیرجه پوصله نك معلوم اولدیغی دعواسنك صحتی لاتین لسانه آشنا اولان عثمانلی ارباب معارفندن «ابراهیم متفرقه» نك لسان مذکور اوزره مؤلف کتب متعدده دن جمع وتألیف ایله (۱۱۴۴) سنه هجریسنده طبع ونشرینه همت ایتمیکی (فیوضات مقناطیسیه) نامنده کی اثریله دخی استشهاد اولندیغی کبی انگلیز مؤلفین مشهوره رستدن (کلیات علوم) صاحبی «چامپرس» نك منابع موثوقه دن اخذ ایتمش اولدیغی ادعا ایلمیکی معلومات ایله دخی مصدقدر.

مذکور الاسامی ذوات معتبره ایله اروپا مشاهیر ادباستدن «غولت» نام ذاتک بالاتفاق افاده لرنه نظراً مقناطیسده تیوری جذب ایتمک قوتی و یوقودن حدید و پولادی حصه دار قلیق خاصه سی اوروپالیرجه معلوم ایلمیسه قطبینه توجه و اقبالی خاصه سندن، یعنی ثابت بر جهتی ازانه اتجسی کیفیتندن (۱۲) نجی عصر میلادی یه کتجه یه قدر اعنائی غریک معلوماتلری اولدیغی مرتبه شئوده اولوب، اوروپالیرک پوصله یی بر آلت بحریه اولق اوزره کیمیلرنده قوللانغه عصر مذکور دن اعتباراً باشلامش اولدقلری واستعماله صالح برحاله کتیرلمسی آنجق (۱۳) نجی عصر میلادیده میسر اولدیغی دخی آکلاشلقده در.

بورایه قدر ایراد اولنان حقائق تاریخیه یه قارشى — میلاد عیسی (ع.م) دن (۱۲۸۰) سنه مقدم — (تروا) یی ضبط وتسغیر مقصدیله میسی قرالی «اغامنون» نك ریاستی تحتنده اوله رق برهیئت اتحادیه تشکیل ایتمش اولان یونان قدیم حکومت صغیره سی قرالارینک (۱۱۸۶) قطعہ شالوپه دن مرکب بر دونسا ایله (۱۰۰۲۰۰) نفر جنگاوردن عبارت بر قوه کلیه جمع وتوشید واشبو قوه کلیه یی مذکور دونمایه بالارکاب (ایتاکی) جزیره سی قرالی مشهور (اولیس) نك قومانداسیله براتشام غروب شمعدن صکره بئوتیده واقع اولیس لیانندن دکره چیقملری کیفیتی خلقک موجب تعجبی اولدیغدن اول عصرک معروف اولان حکماستدن برینک «اولیس غایت کسکین بر قوه ذکاوه وعظیم بر قدرت کشفیه یه مالکدرکه» اؤز کاواواقتدار سایه سنده کیمیلرنی کیجه نك قرالغنده اداره ایلمه بدیلر «دیمه سنه مینی اوتارنغده — اولیسکده پوصله یه دائر معلوماتی اولدیغی حقتده برروایت موجود ایسه ده اشبو روایتک برخیال مجرددن عبارت بولندیغی شبهه دن بریدر: زیرا، تواریخ موجوده نك هیچ برینسده روایت مذکوره یی تأییدابر باشقه بروقتیه تصادف اولنه مدینی کبی بحرسقیدر و بحرمحیط غربی سواحیلده بولنان ملترلر دن هیچ برینسک قرون اولی ده مقناطیسک ثابت برجیتی کوسترر خاصه یه مالک اولدیغی حقتده معلوماتلری اولدیغی ده کافه ارباب تدقیقک اتفاقلرنه ثابت اولدقدن باشقه اولیسک لیلاً دکره اجرای سفر اتجسی پوصله یه دائره معلوماتی اولدیغی اثبات اینر بر دلیلده عد اولنه ماز: چونکه مشارالیه نژنده پوصله موجود اولسیدی ییله — بالاده دخی عرض ایلمیکی وجهله — مبادئ اختراعنده کی نقصانیق نظر دفته آلتجه اطهر دکرزی کبی هرجهتی عوارض طبیعیه ایله مالامال اولان برساچه اوزرنده اولیله

سرقده نشت ایتیمی اولدیغی اثبات ایرر. فی الحقیقه، خلیفه الامونك زمانه سلطنتده بر هیات بولناه « محمد بن موسی » به فنك بوتعبه سنك ایجاری اسناد اولنقهده ایرده یقینلرده « سرق ترجمه قومینه سی » طرفینه نشر اولناه بر اثرده اسناد مذکورك غلط اولدیغی و علم جبرك

درتویا سکزجهتی اشعار ایدر نقصان پوصله ایله لیللاً سیاحت ممکن اولمهیهجی اربانه معلومدره مع ذلك، اولیسك بویه نقصان بر پوصله ایله اجرا ایدجکی سیر وسفرك تهلكه سنه معادل اولق اوزره قبل المیلاد (۱۶۵۴) تاریخنده فنیكه لیلرك اثر ایجادی اولرق آجیق دکرلرده و خصوصیه بر مجبوریته ظهور ایدوبده لیللاً سیاحت اقتضاییدیکی زمانلرده قبه سمایی تربین ایدن کواکب منیرهیه مراجعت اولتی. یعنی یلدزلر دلالتیه کمی یوروتمك صنعتی موجود اولدیغندن اشو واسطهیه مراجعتله سفر معهودی اجرا ایتمش اولسی اقرب احتمالدره علی الخصوص، وقت مذکورده پوصله نك بر آلت بحریه اولرق استعمالنه چینلیر طرفندن بیله دهها مباشرت ایدلمه مش اولدیغی ایضاحات آتیه ایله دخی تبین ایدر؛ شویله که، پوصله نك چیننده و علی العموم مالک شرقیهده پك اسکی زمانلرده معلوم اولدیغی و فقط میلادك اونچینی عصری و اواخرینه کلنجیه قدر یالکز برده استعمال ایدلمكده بولندیغی سالف الذکر مؤلف « چامپرس » ك منابع موثوقه ن ایلدیکی تحقیقات ایله مؤید اولوب، عصر مذکوردن اعتباراً ذکرده دخی استعمالنه مباشرت ایدلشدر.

آلت مذکورده نك بر آلت بحریه اولرق استعمال ایدلمكده اولسی حوادثی « مارکو پولو» (Marco Polo) (عن ۱۲۷۱ الی ۱۲۹۵ م) نامنده کی سیاح مشهورك هندستانه وقوع بولان سیاحتندن عودتنده اوروپایه کتیرمش اولدیغی روایتی دخی موجود ایسهده آتجق شو روایتدن اوروپا لیرجه بویه بر آلتك وجودینه دائر برخبر آلدیغی آکلاشیلوب، یوقسه آلت مذکورده نك صورت اعمالیه استعمالی، خلاصه اساساً نهدن عبارت اولدیغی حقننده هیچ بر فکر حاصل ایدلمه مش بولندیغی كرك مؤلف مشار الیهك و كرك سائر ارباب تدقیقك افادات قطعیه لیه مؤیددر.

پوصله نك اوروپا کیمیلرنده اون ایکنجی عصر میلادین اعتباراً قوللانلغه باشلانلش اولدیغی روایتی بتون مؤرخلرله ارباب معارف و تدقیقك متفق علیه بولندقلری بر حقیقت اولوب، یالکز اوروپایه نهوجهله داخل اولدیغی ماده سی حقننده کی روایت مابینت دینی و ملیه و سیاسیه کی برطاقم عوارض و علائق تشویشیه نك وقوع بولان تأثیرات قویه لرندن ناشی مختلف بولنلغه بحثك بوجهتی دخی ایضاحات لازمه سیله بیان اتمك مقتضی کورلشدر؛ خصوصیه برجه اصل حائز اهمیت اولان و بحثك مبنی علیه بولان جهتده بوماده اولدیغندن ماده مذکوریه دائر ایده بیلدیكیمز تحقیقات ایله تبیین حقیقه چالشمق دخی اك بیوك وظیفه مزنددر.

ایمدی، پوصله نك نابولی قرالغی داخلنده کائن اولان آمالفی (Amalfi) شهری اهالیسندن «فلایوئو جیوچا» (Flavio Gioia) نامنده بذات طرفندن (۱۳۶۲) سنه میلادیه سنده بر آلت بحریه اولرق اختراع ایدلش اولدیغی اوروپا لیلر پك چوق زمانلر ادعا ایلشدر و بوروایتك تحتی تأیید ایچون نابولی قرالغنك آرمه سنده برده پوصله رسمی مرسوم اولدیغی کوسترمكده بولنلشدر ایسهده سالف الذکر مؤلف « چامپرس » بوروایت تصدیق ایدهجك هیچ بر موثوق منبع موجود اولدیغی مصرانه بیان ایله روایت مذکورده نك اراجیف محضه قبیلندن اولدیغنه قطعاً حکم ایدلمكده و دعواسی اثبات ایچون پوصله نك تاریخ مذکوردن مقدم دخی آلت بحریه اولرق معلومیتی، یعنی اون ایکنجی عصر میلادی ایچریسنده قوللانلغه باشلانلدیغی آثار معتبره شهادتیه ایراد ایتكدهدر؛ خصوصیه بوافاده ی مؤید اولرق پوصله نك عصر مذکوردن اعتباراً اوروپا بحریونی طرفلرندن کیمیلرده قوللانلغه شروع ایدلدیکی ادیب مشهور « غولت » نام ذاتك بعض آثار معتبره سیله

عربلر طرفینه ده اول ایجاد ایدیش بولندیغی نبی الیمشر ؛
فقط اثر مذکورک ناسری « دو قنور روسه » (Dr Rosen) ایه
موسانک دخی مساببات جهریه قواعدهینی زیاده سبد توسیع و ترقی ایتدیرمش
اولدیغی کمال اقتدار ایلد ایلدور . عربلرک فنون ضدملری

مدققین سائر طرفلرندن میدانده قونیان تألیفاتده مذکور بولندیغی یوقاریده دخی بیان و اشعار
قلیش ایدی .

الحاصل ، اوروپالیرک کیلرده پوصله قوللانملری اون ایکنجی عصر میلادیدن اعتباراً اولوب ،
بو یایده صورت ترقی کوسترملری و پوصله لرده اولدقجه اصلاحات اجراسنه موفق اولملری اون
اوچینجی عصر میلادیده وقوع بولدیغی تحقق ایتکله پوصله نك اعمال ویا استعمالی حقتده روایت
اولان شو ترقیه سالف الذکر ایتالیالی « فلاویثوجیثوجا » نام ذالک خدمت ایلش اولمسیده مؤلف
« چامبرس » طرفندن ظن اولتمقدور .

ایمدی ، بالادهکی صراحتدن جیثوجانک ویا سائر بر اوروپالینک پوصله یی ایحاد ایتشمش اولدیغی
تحقق ایلدیکی حالده اوروپا بحریونک آلت مذکوریه یی کیلردن تعلم ایلش اولدقلریشه دأر بر سوز
سویله نلشمش اولدیغندن شمدیده بوماده حقتده بیان مطالعه یی لزوم کورلمشدر .

اوروپا ملتلیش اکثریسی اشبو آلتی اهل صلیب محارباتی اشناسنده عربلردن اوکرندکلی کبی ،
قرون وسطاده بحر اک زیاده اقتدار کوسترن پورتکیر لیلرده ملل سائرده دن ده اولجه اندلس
مسلمانلردن اوکرتمشلرد ؛ چونکه ، پوصله نك بر آلت بحریه اوله رق اوروپا کیلرندده استعمالی
اون ایکنجی عصر میلادیدن اعتباراً اولدیغی حالده عرب کیلرندده قوللانلسی همان ایکنجی قرن
هجریه مصادف اولان سکزنجی عصر میلادی ایتیرسندده اولمسی آلت مذکورده نكده عربلر واسطه
سیله اوروپایه ادخال ایدلش اولدیغنه شبهه بر اقامقدور . شو افاده نك حقتی مؤید دلائل پك چوق
اولوب ، مؤلف چامبرسک بر منبع موثوقدن روایتله « دکر پوصله سی اوروپالیرجه کیلیک مجهول
ایکن چینده وعلی العموم ممالک شرقیه ده معلوم ومستعمل ایدی » دییه صراحت کامله اعطا
ایتکده و سالف الذکر دو قنور طایرک دخی تألیف ایتش اولدیغی تاریخ اسلامک (۴۲۰) نجی
صحیفه سندده « امریکا ایله امید برونی طریقسی کشف ایدن اسپانیا و پورتکیر بحریونی فنون
بحریه یی عرب معلملردن تحصیل ایلدکلی و کشفیات خصوصندده نمونه امتثال یشه عربلر
اولدقلری جهتله بو یوزدن دخی اول امرده یشه آنلره تشکر ایتکله مدیون » مأننده اداره لسان
ایده رک عربلرک اقتدار بحریلری تسلیم و بویایده دخی اوروپالیرک استادلری اولدقلرینی اعتراف
ایلکده اولمسی دلائل مذکورده جمله سنددر ؛ مع ذلک دیار بکری عایدین پاشاحضرتلری « مرآت العبر »
نامیله تألیفنه خامه ران اولدقلری تاریخ عمومیده « پوصله نك موجدی چینلیر اولوب ؛ فقط
اهالی چین بونی برده استعمال ایدرلدی . هندلیر چینلیردن و عربلر هندلیردن اخذ ایتدیلر ؛
اوروپالیرده عربلردن آلمشلرد » دییه بیان بیورمئده و « رهنمای سفائن » مؤلفی محمد پاشاحضرتلری
دخی تتبعات عمیقهلری نتیجه سی اوله رق پوصله یی اوروپالیرک عربلردن اوکرتمش اولدقلریشه قناعت
حاصل ایلکده در . عربلرک ایکنجی قرن هجریدن اعتباراً کیلرندده پوصله قوللانقلرینی یوقاریده
افاده ایتش ایدک ؛ بو ماده نك حقتی حتمده دخی بعض دلائل تاریخیه ایراد ایدهل : —

شمس منیر محمدیتک جزیره العربیدن طلوعی متعاقب دین مبین اسلامک انوار قدسیت نشاری
آفریقهنک نهایت جنوبیه سندن آسیانک منتهای شرقیسنه قدر اولان ساحه فسغفسرای اشعه دار
ایلدیکی جهتله مجاهدین نصرت قرین اشبو قطعات عظیله نك هر بر کوشه سی جولان ایدهرک
استیلای جلا دتلری آلتنده بولندیرمق شرفنه موفق اولشلردی ؛ بناء علیه ، مدنیت اسلامییه احکام

حقیقہ اطرافلیمہ معلومات اطلی استینار دوقور « فورستر » (Forster) ایلمستر « شارونہ طورنر » (Sharon Turner) ک آثارینہ

عالیہ سی ایجاباتندن اولہرق ممالک وبلاد مذکورہ نك ترقیات مادیہ ومعنویہ سنہ خدمت عربلر ایچون بر وظیفہ مقدسہ دیانت اولغله بر طرفدن علوم ومعارفك تشروترویجی وسناعت وزراعتك اصلاح وترقیسی خصوصلرینہ ہممات کثیرہ صرف اولغش ، دیگر طرفندن ده توسیع تجارتہ حصر افکار ایدیلرک شرق ایله غرب میانسنده برآ وجرآ یکیمدن تأسیس مناسبات وتأمین مراسلاتہ غیرت قلغش اولغسہ مبنی آر زمان ایچندہ اشبو سعی وهمتلرک ثمرات عالیہ سی اقتطای اولنوب، اهل اسلامک ثروت وسعادتله خوش حال اولمزلندن عبارت بولغان مقصد مهمک حصولی تیسرغای مرات انجلا اولمشدر .

عربلرک بر مدت قلیلہ ظرفندہ تجارت بحریہ وبرہہ بی فوق العادہ توسیعہ موفق اولدقلری حقیقہ کی مطالعات مسرودہ مرک صحتی تواریح اسلامیہ یہ وقوفی اولانلرجه مصدق اولوب فقط اثبات بحریہ تاریخی مؤلفی « جون قارتوق » مثلی ترقیات اسلامیدن بی خبر اولان ارباب غرض طرفلرندن دوچار رد واعتراض اولمجنغہ مبنی بومثالیرہ قارشیدہ اعتراض قبولرینی قیامت ایچون یشہ بر خرسیتیان مؤرخک بوخصوصہ ذائر اولان افادہ سنی ذکر ایتک مقتضی کورلدیکی جہتلہ سالف الذکر دوقورتورطایلر طرفندن مؤلف تاریخ اسلامک (۳۲۰) نجی صحیفہ سنندہ منظورم اولان شو « اندلس عربلرینک اسپانیادہ تأسیس ایش ایلدقلری بز قاج تجارت دپولری الحالہ ہندہ موجوددر — وحضرت محمد (ص م) ک ارتحالندن همان بر عصر صکرہ عربلر (قانون) ده بر تجارت دپوسی تأسیس ایتدیلر ! » سولرینی بورایہ نقلہ مجبور اولدق؛ حتی زمان سعادتہ بیلہ افراد قریشدن « ابن وهبان » ک قانونہ قدر بر سیاحت اجرا ایدوب، اہالی چینی دین اسلامی قبولہ دعوت ایلش وچیندہ دین مبین محمدینک بوزماندن اعتباراً انتشارہ باشلامش اولدیغی شرق وغرب تاریخلرینک اکثریسندہ مذکور بولندیغندن اهل اسلامک تازمان سعادتدن اعتباراً چین ایلہ عقد مناسبت ایلش اولدقلری کیققی میدانہ چیقار .

ایشتہ ہند وچین کی آسیا قطعہ سنک شرق طرفندہ کائن اولان ممالک بعیدہ ایلہ عربلرک مناسبات تجاریہ پیدا ایتلری وسواحلدہ دپولر تأسیس ایللری تجارت بحریہ یی مرتبہ کمالہ ایصال ایلش اولدقلرینہ بردلیل اولغله برابر جزیرۃ العرب ساحلرندن چینہ قدر کیدوب کلک ایچون خریطہ وپوصلہ مثلی محتاج اولدقلری وسائط بحریہ یی ده ایدغش بولندقلرینہ برہان جلدیر ؛ خصوصیلہ عرب جغرافیونندن ادریسینک « مغروین » عنوانیلہ اشتہار ایلش اولان بر قسم اندلس بحریونشک بحر محیط غربی جزائرندن اولان « قناریا » اطلرلہ آفریقہ تک سواحل غربیہ سندن بعض نقطہ لری کشف ایلش اولدقلرینی بسان ایتکدہ اولسی وبنہ مشاہیر جغرافیون اسلامدن مسعودینک دخی « مروج الذهب » نامیلہ تألیف ایلش اولدیغی جغرافیا کتابندہ عرب بحریونشک بحر محیط کبیردہ بولنان جزائر مجتمعه طاقلرندن اکثریسی کشف ایلہ اسمی فارقہ تخصیص ایلش بولندقلرینی ذکر ایلکدہ بولغسی عربلرک کمیگیلکہ باشلاقلری زماندن اعتباراً کیلرندہ بوصلہ قوللانغدہ باشلامش اولدقلرینی اثبات ایدر حقائققدر؛ چونکہ ، بوصلہ اولقسزین کیما مجھول بولنان بر دکرہ طوغری اجرای سیاحت ایتک ہیچ بر عاقلک قبول ایدہ چکی جسارتلردن دکادر .

ایشتہ شو تفصیلاتدن بوصلہ نك عربلر واسطہ سیلہ اوروپایہ کیرمش اولدیغی تحقیق ایتکلہ برابر ایجاد درجہ سنندہ ترقیسی واستعمالہ صالح بر حالہ کتیرلمسی خصوصنہ دخی یشہ عربلرک خدمت ایلش اولدقلرینی دعوا ایدرسک خطا ایتہ مش اولور؛ چونکہ ، عصر حاضرده بیلہ بحرآ ک زیادہ ترقی ایش وعادتا درجہ کمالہ واصل اولش بولنان ملتلر بیلہ بوصلہ دائرہ سنک اشعار ایتکدہ اولدیغی (۴۲) جھتدن یالکز جہات اربعہ اصلیه مستقل اسملر تخصیص ایدوب، جہات سائرہ یی او اسملرک اختلاطنندن حصولہ کلیر بر طاقم اسمی مرکبہ ایلہ اشعار ایلکدہ

مراجعة ایتیلیرلر . آثار مذکورده بو مخصوصه دائر معلومات لایفه واردر .

اوللرینه قارشی عربلر دائره افقک نصف شرقیسنه اصابت ایدن اون یش جهتدن هر برینه کره سمایی ترین ایدن ابراج معینهدن برینک اسمنی تخصیص ایدهرک اسمائی مذکوره اوللرینه برر « مطلع » کلهسی علاوه و دائره افقک نصف غربیسنه تصادق ایدن و اولکیلرک متناسطری بولنان دیکر اون یش کرته ایچسون دخی اوللرینه برر « مغرب » کلهسی علاوه اولنش مقدمکی اسملری تخصیص ایچشیر و شمال و جنوب جهتلری اینه ایدن ایکی اصل کرته یه دخی مخصوص اسملر ویرمشلردر . شو تخصیصات پوصله یی استعمالده بر انتظام و مکملیت فوق العاده حصوله کتیرمش اولغله بو وجهله مرتب پوصله لر هندیلیر طرفندن دخی قبول اولنهرق الحاله هده استعمال اولنه کلکده بولنشدیر . [لوحه (۴)]

عثمانی قدما ی بحر یونی هرته قدر عربلرک پوصله کرته لرینه تخصیص ایچش اولدقلری اسملری عیناً قبول ایله قوللانق اصابتنده بولنامشیر ایسه ده اورو بالیلرک یالکز جهات اربعه اصلیه یه اسم ویرمش اوللرینه قارشی آنلر سکن جهته اسم تخصیص ایدهرک صورت استعمالجه بر درجه دهها سهولت کوسرتمشلردر . شونی دخی عرض ایدهرک « پوصله لرک کیمیلرده ابتدای استعماللرنده ابره لرینک شمال و جنوب نهایتلری قطبین حقیقی اینه ایدر ظنیه بر خیلی زمانلر سیر و سفر ایدیلهرک (انحراف طبیعی) کیمیتی عجول قالمش اولغله بوندن طولانی سفائنک جهت مطلوبه یه طول غری وصولری ممکن اوله میهرق پک چوق قضالر وقوعه ککشدیر . نهایت قپودان قولومبک امریقایی کشفی نتیجه ویرن (۱۸۹۲) سنه میلادیسنده کی سفر عظیمده بوکیفیت دخی آکلاشیلهرق قپودان موی الیه اوروپایه حین عودتده « کره » ارض اوزرنده انحراف اولیان بر نصف النهارک وجودی تصدیق ایله برابر هر موقعده پوصله ابره لرینک جهت حقیقیه یی کوستره مدیکنی ، یعنی انحراف طبیعی اعلان ایلشدیر . اشته بوندن سکره پوصله ایله خطاسزجه سیر و سفر ممکن اوله ییش : وانتط دهها سکره لری کیمیلرده تیمورک آرمسی و یاخود کیمیلرک کاملاً تیموردن یاپیشی سببلرله عارضی برانحراف دهها حصوله کلهرک یشه قضاالر تکثر ایلدیکی حالده فنونک ترقیسی سایه سنده بو خطالرک دخی مقدارینی تعیین ایتک و پوصله لری تصحیح ایله یا کشفلرک اوکنی آلق چاره لری بولنه ییشدر .


التجی فصل

عثمانی قوۂ بحریہ سی حقندہ معلومات تاریخیہ

عثمانی دو نئاسنک حاوی اولدیغی صنوف عسکریه ایله مرکب بولندیغی سفائن
امیریہ وسائرہ — امرای بحریہ — تعبیرات واصطلاحات مستعمله حقندہ
بر مطالعۂ مخصوصه: —

عثمانی دو نئاسنک حاوی اولدیغی صنوف عسکریه ایله
مرکب بولندیغی سفائن امیریہ وسائرہ — دولت علیہ نک
ابتدای ظهور و تشککنده الی سلاح طوته بیان افراد عثمانیانک
کافه سی عسکر اعتبار اولندقلرندن حین اقتضاده بونلر جمله ویا قسماً
دارالحربه سوق اولنورلر وعادتا عساکر موظفه مثللی امور حربیه -
ده استخدا م قلنیرلردی . بانیء ملک و دولت اولان « عثمان غازی »
حضر تلیزینک دور سلطنتلرنده حال بو منوال اوزره اولوب ،
« سلطان اورخان » دورنده دخی هر نه قدر دولت علیه تنسیقات
اجراسنه تشبثله عساکر موظفه احداث ایلمش ایسه ده سواحل
عثمانیه نک طارلغندن و ذاتاً عثمانیلرک دکزله الفتلی اولمیدیغندن
طولای تشکیل اولنان عساکر جدیده میاننده برده بحریه صنفی
کشادینه لزوم کورلمه مشدر .

فی الواقع بوایکی پادشاهک مدت سلطنتلرنده — فصل مخصوصنده
بر تفصیل بیان اولنه جنی وجه اوزره — تدارک اولنه بیان ساحل



لوحه ۳ — بحر احمر ابله عمان و فارس و هند دگر لرنده سیر و سفر ایدن
 اهل اسلامک وجه استعمال لرینه گوره دائره خار جهده و عثمانلی اصطلاحات
 بحر به سنه نظراً دائره داخله ده بوصله دائره سنک منقسم اولدینی اوتوز
 ایکی روزگار جهتلرینک اسامیدنی مبین بوصله در .

قایق‌لریله بعض کچوک بحریه سفر لری ده وقوعه گلمش ایسه ده شبهه یوقکه، بوگی حرکتلر نو ظهور بر حکومت ایچون لزومی اولان نمایشلردن معدود اولوب، یوقسه حقیقت حالده حائز اهمیت شیلر اولمادیغندن بو دورده دولت علیه‌نک عساکر بریه‌سی مثلی برده منتظم قوۋە بحریه‌سی اولدیغنه حکم اولنه‌ماز؛ فقط دولت علیه‌نک اصل عسکرجه اولان تنسیقاتی «خداوندکار سلطان مراد اول» حضرتلر ینک ایام سلطنتلرنده وقوع بولوب، (دوشیرمه) اصولیله طوپانیا لان خرسیتان چوجقلرینی آداب عثمانیه اوزره تربیه ایددرک آنلردن عساکر منتظمه یتشدیرمک ایچون ملکک مواقع مناسبه‌سنده بیوک بیوک قشله‌ر تأسیس و بنا قلندیغی صرده ده گلیولی [ایک ترسانه گلیبولیده تأسیس اولمشدر] ده دخی عساکر بحریه یتشدیرمک ایچون بویله بر قشله بنا قلنمش و دوشیریلن چوجقلرک بر قسمی ده بورایه قونیه‌رق امر تحصیل و تربیه‌لرینه باشلانمشدر.

ایشته بو زماندن اعتباراً دولت عثمانیه‌نک بر صنف بحریه عساکر منتظمه‌سی دخی تشکال ایلمشدر. تواریخ عثمانیه‌ده بو صنف عسکره «عزب» نامی ویرلمکده اولوب، هر نه قدر بو نام ایله شمدیکی استحکام عساکری مقامنده اولمق اوزره کوپریجیلک و لغمجیلق گی خدماتده مستخدم بر صنف عساکر بریه ده وار ایدیسه‌ده بونلری یکدیگرلرندن تفریق ایچون امور بحریه‌ده استخدام اولنلر «بحریه عز بلری» نامی ویریلر و بونلر دونمای هایونک شمدیکی تفنک انداز عساکری مقامنده بولورلردی. گرچه سلطان مراد دورنده دونمای هایونک تفنک انداز صنفی دیمک اولان بو قوۋە عسکریه‌نک تشکیلاتنه وضع اساس قلنمش ایسه‌ده اصل سفائی اداره ایده‌جک گمیچی صنفک امر تدارکی بر قاعده‌ منتظمه داخلنه آئنه‌ماش ایدی؛

چونکه، اصل عثمانلیلر دکنز نه دیمک اولدیغنی دخی بیلمز — بیوک آسیایه منسوب — بر ملت اولدقلری حالده محضا حرکات عاقلانه وشجاعت قهرمانانهلری سایه سنده نائل فتوحات اوله اوله توسیع حدود ممالیکه موفق اولمشلر ودائرة نفوذ وحکومتلرینه آز زمان ایچنده مرمره دکنزینک روم ایلی سواحلی ده احاطه ایتدیره جک بر درجه نی بولدرمشلر ایسه ده اساساً بحر ایله انسیملری اولمدیغندن طولایي بالطبع ایچلرنده گمیجیلک فن مشکله وقوفی اولان افراد دخی موجود دکل ایدی؛ مع هذا، هر نه قدر بو ایشی ده اوکر نمک خصوصنده لازم گلن وسائطه مراجعتدن گیری طور مامشلر ایسه ده ایچلرندن مطلوب وجهله گمیجی یتشجیه قدر پک چوق زمانلر دخی مرور ایلمشدر.

عثمانلیلرک بو خصوصده کی ایلک تشبیلری گمیلرنده آق دکنز سواحلنده کی یکی فتح ایتدکلری مملکتلرک گمیجیلکله مألوف اولان اهالیسنی استخدام ایتک اولوب، فقط بونکله دخی مطلوب حاصل اولمیدیغندن بر زمانه دکنز رومان، اسپانیول، ایتالیان گبی اجنبی ملتلردن دخی لزومی قدر افراد معلمه استخدام ایتک مجبور یتنده بولمشلر درر. فی الواقع، عثمانلی دولتتک ابتدای تأسیسنده قره سی، آیدین، منتشه، قسطنیونی گبی امارات ترکیه اهالیسی گمیجیلکده خیلجه ایلر یلمشلر حتی ایچلرندن بر قسمی ده [°] قورصانلق گبی ایفاسی مشکل و مخاطره سی کثیر خدمات ایله اشتغاله بیله باشلامشلر ایسه ده ینه او زمانک اوروپا لیلرینه قارشی بونلر امور دریاده ده ااستادلق درجه سنی بوله مامشلر ایدی.

[*] قورصان (Corsair یا خود Corsaire) — محاربه اتناسنده افراد طرفندن تعقیب اولنان وحامل بولندیغنی سنجاعک منسوب اولدیغنی دولت طرفندن دشمن سفینه لر یشک تعقیب وضبطنه مأذون ایدیلن سفینه لره اطلاق اولنور، فقط ازمئه سالفده کرک اثنای صلحه وکرک هنسکام حربده بر سفینه یی ضبط ایله دروننده بولنان اموال واشخاصی نهیب وغارت واسیر ایدن دکنز

ایشته بوجهتله دولت علیه دخی هر نه قدر افراد بحریه سی
ابتدالری صرف بونلردن تشکیل ایلمش ایسه ده دولته التزام اولندی
قدر ترقی مشاهده اولنه مدیغندن بر زمان موقت ایچون اوروپالی
ملتلردن دخی دونمای هایونه اجرتله لزومی نسبتنده افراد قبول
ایده رک آنلرک قدرت بحریه لرندن بالاستفاده افراد عثمانیانک صنعت
مذکوره ده اولان نقصانلری اکیل ایلملری خصوصی ترویج
اولمشدر ؛ مع ذلك ، « فاتح » دورینه گنجیه یه قدر امور بحریه ده
صرف دولت سفائی استخدام اولمیوب ، ایجابی تقدیرنده افرادی
کاملأ « باشی بوزوق » اولان تجار سفائی دخی سفن حربیه
مقامنده قوللانیلیر و بونلرله خلیجه ایشلر دخی گوریلور ایدی ؛
خلاصه ، زمان فاتحه قدر حال بو منوال اوزره دوام ایلمش
ایسه ده حضرت فاتح نظرنده دولت علیه لری ایچون قوه بریه نسبتنده

خسرلرینه ویرلش بر نام اولوب ، عادت مذکوره دخی اجنیلره قارشى همان احوال دائمة
طبیعیه دن معدود ایدی ؛ بناء علیه ، قورصانلق پک چوق سؤاستعمالاته سبب اولمش ایدوکندن
اوکی سؤ احوالک تهوخی مقصدیه دول بحریه قورصان سفینهلری حقنده نظامات مخصوصه وضع
ایده رک اولباده کی معاملاتی برقات ده تحت انضباطه آلمش اولدقلری کبی یکدیگریه شوخصه
دائر برخیلی معاهدات دخی عقد ایشلردر . بوندن ایکی عصر اول ، یعنی قورصانلقک عموماً
مشروع صایلدیغی بر زمانه ارباب حقوقدن « غروتیوس » (Grotius) و مؤخرأ « مابلی »
(Mably) و « غالینی » (Galliani) نام ذاتلر دخی مضرات عمیه سی حقنده اداره افکارایله
علیه ده بولنشلر ؛ و غالیانی حتی روسیه ایمپراطوریه سی « قاترینه » یه بر مکتوب ارسالله عموم
اقوامک تجارتیه بادئ خسار اولان قورصانلق عادت مضره سنک الغاسی ایچون اوروپا دولتلری
نزدنده استعمال نفوذ و تثبیت لازمه اجراسی توصیه رجا ایشلدر . قورصانلقک علیه ده افکار
کشدکجه تعمیم ایش اولدیغندن عصر سابق اوآخذنده شونک ثمره سی ظهور ایشک باشلامش
و (۱۷۸۵ م) تاریخنده حکومت مجتمه امر یقسا ایله پروسیا دولتی بیننده عقد اولنان معاهده یه
کندی آرهلرنده محاربه وقوعنده هیچ بر طرفندن قورصانلق رخصتنامه سی اعطا اولنماق و طرفینک
سفائن تجاریه سی سربست اولق شرطی علاوه قلنشد . (۱۷۹۲ م و ۱۸۲۳ م) تاریخلرنده فرانسه
دولتی طرفندن بو ماده حقنده برتثبیت وقوع بولش ایسه ده اکثری دولتلر طرفندن قبول اولندیغی
کبی آندن صکرده بعض دولتلر برقاج دفعه قورصانلقک الغاسنه تثبیت ایتدکلری حالده مساعیلری
یشه ثمره سز قالمش ایدی . نهایت (۱۸۵۴ م) سنه سنده قریم محاربه سی ائشاننده دول محاربه قورصان
سفائنی تجهیز ایتمه که قرار ویروب . سائر دولتلرده تبلیغ کیفیت ایتدکلرنده عموماً اولباده بیان
ممنونیت ایله برابر ایلریده دول محاربه دن بری جانبدن شاید قورصان سفینهلری تجهیز ایتدیرله جک
اولور ایسه کندی لیانلرینه قبول اولنیه جغی دخی اعلان ایشلردر . قریم محاربه سی ختامنده
(۱۸۵۶ م) سنه سی پارسده عقد اولنان قونقره ده بعض مسائل معلقه نک خلی حقنده ویرلن قرار
ایله برابر قورصانلقک الغاسی دخی قرارلشدیرلشد .

قوهٔ بحریه نكده لزومی اولدیغی بر حقیقت محضه اولمق اوزره تعیین
 ایلمش اولدیغندن ایشته او زماندن اعتباراً دونمای هایونه ویریلن
 اهمیت نسبتنده عساكر بحریه یه دخی اهمیت ویریله رك «عزب» نامیله
 یاد اولنان بحریه عساكری تكثیر اولمش و بونلر باشلیجه ایکی صنفه
 آیرلمشدر. بو صنفلردن بری دونمای هایونك اصل حائز اهمیت
 اولان مأمورین ممتازه سی اولوب، قیودانلر، رئیس لر، قلفا تخیلر.
 خبره جیلر، مرانغوزلر ودها سائرده دن عبارت ایدی که، بونلره اصل
 «ترسانه خلقي» تعبیر اولنور و معاشلری دخی صنوف سائرده نسبتاً
 طولغون بولنوردی. دیگرى ایسه دونمای هایونك صنف حربی.
 یعنی سلاح اندازلق وظیفه سنی ایفا ایدن عسکر طاقی ایدی. ذات
 شاهانه بونلره مخصوص اولمق اوزره شمندیکی اون قپانی کورپرسنك
 غلطه جهتده کی باشی جوارنده برده جسم قشله بنا ایتدیر مش
 اولدیغندن موقع مذکور الحاله هده «عزب قیوسی» نامیله یاد
 اولنمقده در؛ فقط بو ایکی صنفك افراد مجموعه سی بر دونما تجهیزینه
 کفایت ایده جك درجه ده اولدیغندن کورخیلر افراد اهلیدن تدارك
 اولنور و قوهٔ مذکورده نی حد لازمه ابلاغ ایچون یکی چری وجهه جی
 [جبخانه جی] عسکری دخی علاوه قلنیر دی. «فاتح» و «بایزید ثانی»
 دورلرنده بحریه عسکرینك ترتیباتی بووجهله اولوب، فقط، «سلطان
 سلیم اول» زمانندن اعتباراً ترتیبات مذکورده تعدیل اولنه رق عزبلرك
 صنف ثانسی، یعنی دونمای هایونك اصل حرب و حربه مأمور
 اولان قسم عسکریمی مقامنه قائم اولمق اوزره دكزه جوار اولان
 بعض سنجاقلر افراد عسکریه سی تعیین قلنمش ایسه ده «سلطان سلیمان»
 دورنده اجرا اولنان تنسیقاته مبنی مرکزی گلیبولی لواسی اولمق
 اوزره (قیودانه یا شا ایالتی) نامیله اسملری زیرده محرر اولان متعدد
 سنجاقلردن عبارت بر مستقل ایالت تشکیل اولنوب، الویهٔ مذکورده

افراد عسکر یہ سی دونمائی ہایونہ تخصیص قلمش و بو اصول «سلطان حمید اول» زمانہ دکن دوام ایلمشدر .

عسا کر مذکورہ (لوند) نامیلہ یاد اولنوب، دونمائی ہایونک تفنیکچی عسا کر می مقامنہ قائم اولمشدر ایدی ؛ فقط بو صنف عسکر دائماً سلاح آلتندہ بولندیریلیر طاقمدن اولمدقلری جہتلہ دولتجہ لزوم گوریلوبده علی العجلہ بر طرفہ دونما سوق اولنہ جفی تقدیرده بونلری طوپلامق وقته محتاج اولدیغدن اول زمان دونمائی ہایونہ یکی چری وعزب وجبہ جی گبی دائماً سلاح آلتندہ بولندیریلان صنوف موظفہ دن لزومی مقدار نفرات تعیین اولنور ومطلوب اولان طرفہ سوق ایدیلیر دی . بعض کردہ دکزه چیقاریلہ جق دونما سفن کثیرہ دن عبارت اولوبده ایالت عسکری تجهیزینہ کفایت ایتدیکی صورتده اشبو قوتہ ینہ بالادہ مذکور الاسامی صنوف موظفہ دن لزومی مقدار قوۂ معاونہ ترفیق والحاق اولندیغی گبی صکرہ لری آنلا طولی ایالتندہ واقع « یایا ومسلم » اوجاقلری ده دریا قلمنہ قید ایدلمش اولمغلہ قوۂ مذکورہ دخی دونمائی ہایونده استیخدام اولنوردی .

دونمانک کورکچی طاقملری ایسہ قسماً مجرملردن وقسماً اسرای حربیہ دن ترتیب اولنور وممالک محروسہ اہالیسندن طوپلانان برقسم افراد دخی علاوہ اولنہ رق بونلرک نقصانی اکمال قلنیردی . سفائنک امر ادارہ لرینہ مأمور اولان قیودانلر دخی عثمانی سہنجانک دکترلر اوزرندہ گورندیکی گوندن اعتباراً برعصر اولنہ گلنجہ یہ دکن حتی عصر سابق ابتدارندہ بیلہ قورصانقلہ مدت مدیدہ سیروسیاحت ایتمش واحوال بحرہ لایقیلہ کسب وقوف ایدہ رک علم دریادہ ملکہ ومہارت پیدا ایلمش ومتعدد محاربہ لردہ بولنہ رق حربک حیل و دسا . ئسنی اوگرنمش وقعہ دیدہ وکار آزمودہ ذاتلردن انتخاب اولنور ودونمائی ہایونده بونلر طرفندن یتشدیرلمش اولان بعض مستعد ذاتلر دخی

رتبہ مذکورہ ہی احرازہ موفق اولوردی ؛ خلاصہ ، نظام جدیدك
 احداثی تاریخہ گنجہ قدر بحریہ ضابطی یتشدرمك ایچون بر [*]
 مکتب موجود اولدیغندن و قورسان سفائی تطبیقات حربیہ
 مکتبیلری حکمنده اولدیغندن بورلرده اجمال عملیات ایله کسب تمیز
 ایلمش اولان ذاتلر دولتك رسمی بحریہ سنه قبول اولنهرق سفن
 هایونك امر اداره لری بونلرك عهدہ لیاقتلرینه تفویض اولنق قاعدہ
 متخذہ دن ایدی .

بحریہ افرادینہ ۱۰۹۳ ھ تاریخندہ « قابیرنجی » نامیله برصنف
 مخصوص دها علاوه اولنهرق بونلر ایچونده قاسم پاشا میداننده
 آریجه بر قشله بنا اولنش وامر اداره لری بر بیوك ضابطك عهدہ
 کفایتنه محمول اوله رق تخصیصات مقننه و صورت اداره جه صنوف سائر دن
 آیرلش اولدقلرندن باشلی باشنه بر صنف مخصوص تشکیل ایلمش لر
 ونظام جدیدك احداث اولندیغی تاریخه دکین وجه مذکور اوزرده دوام
 ایدہ گلمش لر در . دونمای هایونك باشلیجه مرتباتی اولان ایکی صنف
 عسکر دن ترسانه خلقی تشکیل ایدن برنجی صنف ارباب معارف
 و صنایعدن آدملر اولدقلرندن بونلر ترسانه عامرہ نك ارکان
 اساسیہ سی عد اولنورلر و دائما مأموریت مخصوصه لری باشنده
 بولنورلردی . ایکنجی صنفی تشکیل ایدن عسکر ایسه قپودان پاشا
 ایالتی افرادندن مرتب اولوب ، بونلر دخی اثنای سفرده جلب و جمع
 اولنهرق دونمای هایونہ توزیع اولنورلر و دیگر صنفله برابر امور
 حربیہ ده استخدام قلیرلردی .

قپودان پاشا ایالتك حاوی اولدیغی سنجاقلر — فتوحات عثمانیہ
 ایلر یلدکجه یکی فتح اولنان ممالکدندن بر طاقلری الحاق اولنهرق —

[*] هرنه قدر «سلطان حمید اول» دورنده بر «مکتب بحریه» کشاد اولنش ایسه ده یکدیگری
 متعاقب ظهور ایدن غوائل داخلیه و خارجییه مانعه سیله سدینه مجبوریت کورلش ایدی .

عددجه دائماً تكثر ایلمش و دونمای هایونك بو صنف قوۋە عسکریه سی دخی اول نسبتده تزیاید ایده گلمشدر .

ایالت مذکورہ نك حاوی اولدیغی سنجاقلر : گلیسولی [مرکز ایالت اعتبار اولنوردی] ، اغریبوز ، اینه بختی ، مدلی ، صیغه جق ، قوجه ایلی [ازمد سنجاغی] ، قارلی ایلی [مورده ده] ، ردوس . مزستره (مورده ده) لوالری اولوب ، بونلردن باشقه ساقز ، نقشه ، مهدیه [طرابلس غرب سواحلنده] لوالری ایله قبرس ایالتندن لفقوشه ، باف ، کرینه سنجاقلری دخی دونمای هایونه عائد ایدی . بو سنجاقلرک « امر » و « ° » « زعما و ارباب تیمار » ی امور بحریه ده استخدام اولنورلر و مقدار موجودلری هر عصرده بر قرار اوزره اولیوب . بعضاً نقصان و بعضاً زیاده قبول ایدرایدیه ده بر مقدار متوسط اولمق اوزره (۱۰۱۷ هـ) تاریخنده قپودان دریا قلمنده مقید اولان بر ایستاتستیکه گوره مقدارلری (۱۳۸) زعامت ایله (۱۴۳۴) تیمار اولوب ، هر ایکسی مجموعی (۱۵۷۲) [°°] قلیجدن عبارت ایدی . انسانی سفرده بونلر معیتله گله جک اولان جبهلی [تسلیحاتی مکمل عسکر نفری] نك مقداری دخی (۲۹۲۸) نفر اولدیغندن جبهلی

[*] زعما و ارباب تیمار — ارباب تیمار و زعامت عادتاً اوروپانك شوالیه عسکرینه مشابه بر صنف مهم اولوب ، رتبه و حیثیتلرینه کوره طرف دولتدن کسندیلرینه اراضی اوزرینه اعشار وارداتی تخصیص اولنشییدی . بونلر دولت علیه نك اک جسیم قوۋە عسکریه سی اولوب ، (۲۰۰۰) آچقه دن (۲۰۰۰) آچقه یه قدر تخصیصاتی اولانلره « ارباب تیمار » و آندن زیاده تخصیصات صاحبی بولانلره « ارباب زعامت » تعبیر اولنوردی .

تخصیصات عسکریه لرنک ترقیسی دخی مجرد محاربه ده اثبات لیانته موقوف ایدی . ارباب تیماردن محاربه لرده حتمله یارارلقی تبین ایدنلرک تخصیصاتی — هر نه مقداردن عبارت ایسه مقدار مذکور هر اون آچقه ده بر آچقه ترق ایتمک اوزره — تزیید اولنوردی ، فقط سفر همایونده حددن زیاده بهادرلک و یارارلق ایدنلر زعامته مستحق اولورلردی ؟ چونکه ، زعما ارباب تیمارک بیوکلری وهپ کیشی زاده ، معلوم و مجرب ذاتلر اولورق نوعاً اشراف ملت مقامنده بر طبقه ممتازه ایدیلر .

[**] قلیج — تیمار و زعامت اربابنه قوللانیلیر بر تعبیر مخصوص اولوب ، بر قلیجه متصرف اولان بر ذات طرفندن تخصیصات عسکریه سنک هر (۳۰۰۰) آچقه سنه بر نفر اصابت ایتمک اوزره مقدار مخصوصی نسبتده سلاح و جینانیه سی مکمل افراد احضار ایله معینته آلورق اول وجهله سفره عزیمت ایتمک دولته قدیم موضوع اولان نظامات اقتضاسندن ایدی .

ایله قلیج عسکرک مجموعی (۴۵۰۰) نفره بالغ اولوردی . بومقداره تاریخ مذکورده موجودی (۱۸۹۳) نفردن عبارت اولان عزبلر [ترسانه خلقی] دخی ضم اولندیغی صورتده بحریه عسکرینک مقداری (۶۳۰۰) نفر اولوب، طرابلس غرب، تونس، جزایر، کفه ایالتلری عسکری دخی دونمایه منسوب اولدقلرندن خین اقتضاده بونلرده اوچدرت بیک عسکرله سفره گیرلروبوحسابجه عساکر بحریه نك مقدار یكونی (۱۰۰۰۰) نفر قدر اولوردی؛ فقط کورجکی طاققلری بوحسابک خارجنده اولوب، آنلربالاده ذکر اولندیغی وجه اوزره صورمختلفه ده اوله رق جمع وتدارک اولنورلر ومقدارجه عساکر سائرهدن بيله زیاده بولنورلردی . بونلردن باشقه حین اقتضاده یکی چری وعزب وجهه جی صنفلرندن ده مقدار کافی نفرات امور بحریه ده استخدام اولنهرق قوه موجوده حدلازمه ابلاغ اولنوردی . یوقاریدن بری مقادیر موجوده سی بروجه مفردات ارائه قلنان عساکر بحریه ترسانه گمیلرینه مخصوص اولوب، دونمای هایونک اصل دولته عائد اولان قسم مهمنی تشکیل ایدرلردی . دولتک قوه اساسیه سی اولان ترسانه گمیلرندن باشقه (بک گمیلری) نامیه (۲۵) قطعه [مقدار مذکور ثابت اولیوب، بعضاً نقصان وبعضاً زیاده اولوردی] ده سفاثن حریبه موجود اولوب، بونلر دخی دونمای هایونک ایکنجی واحتیاط قسمنی تشکیل ایدرلردی . بو مثللی برقوه احتیاطیه تشکیکنده « یاوز سلطان سلیم » زمانندن اعتباراً وضع اساس اولمشدر .

سفاثن مذکوره قپودان دریا ایالتنک سنجاق بکلری طرفندن تدارک وتجهیز اولنور وائنای حربده دونمای هایون رفاقتنده بولنوردی . حین اقتضاده مذکور الاسامی سنجاقلردن اغریبوز، اینه بنتی، مدللای، قوجه ایلی، قارلی ایلی، بیغا، ساقز، نقشه، مهدیه، لفقوشه، باف، کرینه لوالرینک بکلری بررگمی ایله، ردوس میرلواسی

برگمی کندی طرفندن (۴) گمی دخی میردن ویرمک اوزره (۵) گمی ایله، مزستره میرلواسی برگمی و بریدک ایله دونمائی هایون معینه گیرلردی؛ تکه ومنتشه بکلری دخی کاه قرهیه وکاه بررگمی ایله دریایه مأمور ایدیلرلردی. بونلردن باشقه دکرملک، سالانیک، اسکندریه، دمیاط بکلری ده برگمی ایله دکره چیقارلر و دونمائی هایونه التحاق ایدرلردی.

اکثریا دونمائی هایون رفاقتده بر صنف سفائن حربیه دها بولنوردی که، بونلر قورسان فیلوسندن عبارت اولوب، دولت علیه نك ماده اوچنجی، فقط معنأ برنجی قسم قوۂ بحریه سنی تشکیل ایدرلردی. بوصنف سفائنك افراد موجوده سی بر طاقم فدائی قهرمانلردن عبارت اولوب، لیل ونهار مألوف اولدقلری غزا و جهاد ثمره نافعہ سیله تعیش ایدرلر و یاز قیش دکرده بولنوب، هر راست گتیردکلری دول اجنبیه سفائن تجاریه و حربیه سنی جبرأ ضبط و اغتنام و اوغرا دقلری اوروپا سواحل و جزائر نده کی ممالک و بلادی زور بازوی جالادتلریله فتح و تخریب ایدهرک اللرینه گچن سکنه و اموال موجوده بی غارت و یغما ایدرلر و بوجھتله «رایت عثمانی» بی آق دکرک هر کوشه سنده شریکسز اوله رق موجه نمائی مهابت ایتدیرلردی. بوصنف منتخبی تشکیل ایدن قهرمانلردن بارباروس خیرالدین پاشا، طورغود پاشا، قلیج علی پاشا، مراد رئیس و سائرہ گی بر طاقم مشاهیر عصر لرجه عثمانی دونماسنی یار و اغیاره قارشى بر مقام منفردده، بدرجہ عالیہ و غالبه ده اداره ایله شان و شوکت بحریه مزى اوج اعلای رفعتہ اصعاده خادم و موفق اولمشلردر. ملتزم ایچنده یتشمش اولان بو نوادر روزکارک مجاهدات بی مدائی و فضائل قهرمانیلرینه قارشى عالم نظر نده نه قدر افتخار ایتسه ک بجادر.

امرای بحریه — دولت علیه عثمانیه نك امور بحریه ايله اشتغاله ابتدای تشبثده تدارك اولنان سفن هایونك حسن اداره لر - یچون هرکمی بر « رئیس » ك قومانداسنه تودیع اولنور و مجموعنه دخی « دریا بکی » نامیله میرلوا پایه سنده بر ذات « باشبوغ » نصب و تعیین بیوریلوردی . بوذاتك متصرف اولدیغی لوا ایسه — آق دکز بوغازینك مفتاحی و شرق تجارتك مخزن عظیمی اولوب، فوق العاده اهمیت عسکریه و تجاریه یی حائز و دولت ابد مدتك ایلک تاسیس ایلدیکی ترسانه یی ده شامل بولنان — گلیولی سنجاغی اولق مشروط ایدی . جهت بحریه دولتك نظر نده کسب اهمیت ایتدیکجه بالاده دخی بالاطراف ذکر اولندیغی وجهله توسیع و تنسیقنه صرف همت ایدلمش اولغله شو « رئیس » تعبیری مقامنه قائم اولق اوزره ایتالیان لسانندن مأخوذ « قپودانه » (Captain, Capitaine, Capitano) لفظی قوللانلمغه و دریا بکی عنوانیله معنون اولان دونما باشبوغنه دخی « قپودانه دریا » نامی ویرلمکه باشلانلمشدر .

اوائل دولت علیه ده مسند قپودانینك وزرادن بر ذاته توجیهی دولتجه متخذ اصول دائمه دن معدود اولیوب، بلکه حسب الاقتضا دکره بیوک دونمالر چیقارلدیجه بوگی تدبیره مراجعته مجبوریت گوریلور؛ یعنی بر وزیر قپودانلق مقامنه اندر اوله رق گتیریلوردی . بوگی بر لزومه منی مسند قپودانی وزرادن بر ذاته احاله قلندیغی صورته گلیولی سنجاغی دخی « آرپهلق » نامیله او ذاته توجیه اولنلق اصول جاریه دن اولوب ، ایشته بوندن طولای قپودانلغه باشالق عنوانی دخی علاوه قلنه رق « قپودانه پاشا » دینلمك تنسیب اولنشدر . سلطان سلیمان قانونی حضرتلرینك عهد سلطنتلرنده جزایر امیری « خیر الدین پاشا » مقام قپودانییه سایه بخشا اولغله امارت

مذکوره دولت علیه‌نک بر ایالتی صرہ سنہ گچمش وپاشای مشار الیہ
 حضر تلبینہ بر حرمت مخصوصہ اولمق اوزرہ بو ایکی ایالتک بکمر
 بکیلیکی دخی عہدہ لیاقتلرینہ توجیہ قلنمش اولدیغندن بوجہتہ زمان
 مذکور دن اعتباراً مسند قپودانی کسب شرف واهمیت ایلمشدر .
 خیرالدین پاشانک ارتحاندن صکرہ قپودان اولان « پیالہ پاشا » ایسہ
 ہرنہ قدر گلیبولی سنجانغی متصرفلیغہ بومقامہ گلمش ایسہدہ بالآ خرہ
 حسن خدمتہ مکافاتہ آکا دخی جزایر بکمر بکیلیکی پایہ سی ویرلش
 وبو طریق ایلہ قدری اعلا ایدلشدر . صکرہ لری گلیبولی لواسی
 مرکز اولمق اوزرہ دکزہ قریت ومناسبتی بولنان متعدد سنجاقلردن
 عبارت مستقل بریالت تشکیل اولنوب ، اشبو ایالت والیکی قپودان
 پشارلہ توجیہ اولنور والویہ مذکورہ متصرفلرینہ دخی « دریابطری »
 نامی ویریلہ رک امور بحریہدہ استخدام قلنیرلردی .

ایستہ بو وجہلہ دونمای هایون تکثیر اولنوبدہ فرقہ لہرہ تقسیم
 اولدینی وبو فرقہ لردن متعدد فیلولر تشکیل ایدلدیکی زمانلر مذکور
 فرقہ لہرہ قوماندایتمک اوزرہ جزایر ، تونس ، طرابلس وسائرہ گی
 بعض ایالتلر بکمر بکیلرینہ دخی قپودانلق عنوانی ویرلش و فیلو
 قوماندانقلری ایسہ سالف الذکر دریا بکمرینہ احالہ قلنمشدر ؛ فقط
 دونمای هایونک عمومہ بردن قوماندایتمک حق کفی السابق قپودان
 پاشا بولنان ذاتلرہ محول اولغلہ شمدیکی فریق ولوا گی مراتب
 عسکرہ اربابی دیمک اولان بکمر بکی وسنجاقل بکمری دہ قپودان
 پاشانک قومانداسی آلتندہ بولنورلردی .

بورادہ بالمناسبہ شونی دہ عرض ایدہ لمکہ ، اوائلدہ اسفار عظیمہ
 وقوع بولدجہ وزرادن بری دونمای هایونہ سردار نصب وتعیین بیوریلوب ،
 قپودان پاشایلہ برلکدہ اعزام اولنور وقپودان پاشا دخی بو ذات عالینک
 امری آلتندہ بولنورلردی ؛ فقط قپودان پاشا آیندہ مستقل اولمدجہ مطلوب

وجہلہ خدمت ایتک مشکل اولوب، علی الخصوص پاشای مشارالہدہ دخی رتبہ وزارت وار ایکن دیگر بر وزیرک سردار اولسی قوماندا مصلحتی تشویش ایدہرک بوندن دفعات ایلہ ضرر مشاہدہ اولنمشدر۔ بورایہ قدر اعطا قلنان ایضا حاتدن مستبان اولدیغہ گورہ قپودان پاشالر اوائلدہ آنجق حال حاضرده ترسانہ ایشلریلہ توغل ایدرلر وائئای سفرده بالذات دونمائی هایونہ قوماندا ایتکدن عبارت صرف عسکری بر وظیفہ ایلہ موظف بولنہرق عادتاً برعسکر قوماندانی و بر دونما آمیرالی عد اولنورلردی؛ بناءً علیہ، دونمائی هایونک مجتمعاً امر اداره سی قپودان پاشایہ محول اولوب، دونمائی مذکورئی تشکیل ایدن فرقه وفیلورک قومانداسی دخی بکلر بکی وسنجاق بکلرینہ عائد اولمغلہ بواصول بزرگیہ قدر شمیدیکی تنسیقاتک اساسی اولان تشکیلاتہ مشابہ براساس اولمق اوزرہ قبول اولنہ بیلیر۔ تشکیلات مذکورہ «سلطان حمید اول» عصرندہ — لونداک الغا اولندیغی صرہ لردہ — تقرر ایتش اولوب، تنظیم مراتب خصوصندہ دخی قویاً ظن اولندیغہ گورہ ترتیبات عتیقہ ایلہ دول اجنبیہ امرای بحریہ سنک حائز اولدقلری رتب مختلفہ نظر دقتہ آلمشدر؛ زیرا۔ بوزماندن اعتباراً امرای بحریہ «قپودانہ یاشا»، «قپودانہ هایونہ» [*] «یاطرونہ»، «ریالہ» ناملریلہ یاد اولمغلہ باشلانمشدرکہ، بوناملر ہر نہ قدر «آوجی سلطان محمد» زمانندن بری عثمانلی بحریونی میانندہ قوللا نلمقدہ ایدیسیہ دہ صورت رسمیہ دہ دولتجہ قبول اولنش واربابنہ تخصیص ایدلمش اولمیوب، مجرد اوروپالیر لسانندن ایشیدیہ۔

[*] پاترونہ — لاتین لسانندن مأخوذ و بحرف اولوب، اصلی «پاترونوس» (Patronus) در۔ ایتالیانلر «پاترونہ» (Patrona)، انکلیئرلر «پاترون» (Patron) صورتندہ استعمال ایدرلر۔ ایتالیانلر بوتعیری اوائلدہ دونما بیوک قوماندانلرینہ تخصیص ایلش اولدقلری حالہ انکلیئرلر الیوم بریکوک کمینک یاخود نقلیہ صندالک قوماندانیلہ کمی صندالریک دومنلری قوللانلرہ اعطا ایتکدہ درلر۔

رك بزم بحریونمز طرفلرندن ده خصوصی اوله رق استعمال قلمقده
ایدیلر . بونلردن « قپودان پاشا » اجنیلرك علی الاطلاق « **آمیرال** »
تعبیرایتدکلری باش قوماندان مقامنده ایدیهده شمديکی حالده انگلیزلرك
« لوردهای آدمیرال » (Lord High Admiral) و « فرست لورد
اوف ذی آدمیرالتی » (First Lord of the Admiralty) تعبیرایتدکلری
« **قپودانه دریا** » و « **بحریه ناظری** » مقامنده اولوب ، « **باطرونه** »
رتبه سنده اولان ذاتلر « **ویس آدمیرال** » (Vice Admiral) ،
« **ریاله** » رتبه سنده بولنانلر دخی « **ریپر ریاقونتر آدمیرال** » (Rear
Admiral) و یا) اعتبارنده عد اولنمشلردر . « **قپودانه** »
(Capitana) رتبه سی شمديکی شورای بحریه رئیسکی دیمک اولوب ،
ترسانه عامره جه بیوک بر مقام ایدی . دونمای هایون سواریلری میاننده
« **اوج انبارلی سواریلکی** » رتبه سی احراز ایدن بیوک ضابطلر دخی
شمديکی « **میر میرانه** » لر مقامنده اولوب ، اروپا دولترلرینک
« **قمودور** » (Commodore) رتبه سنی حائز اولان ضابطلریله
هم صنف بولندقلرندن قوماندانلرك غیوبتی ائناسنده وکالت ایتمک
و بعضاً ایجه فیلولره قوماندا ایلیمک ، بعض کره دخی ایکی اوج گمینک
تشکیل ایده جکی بر « **غروپ** » (Group) ه قوماندا ایتمک حق
وصلاحتی حائز ایدیلر . اشبو قدیم عنوانلرك دلالت ایتدکلری
رتبه لر حال حاضرده « **مشیر** » ، « **فریب** » ، « **لوا** » ، « **میر میرانه** »
ناملریله یاد اولنان رتبه لردن عبارت اولوب ، هر نه قدر شمديکی
زمانلرده متروک ایه لرده آنجق بونلردن « **قپودانه پاشا** » عنوانی
الحالة هذه بحریه نظارت جلیله سنده بولنان مشیره مختص اوله رق
استعمال اولتمقده در .

تعبیرات واصطلاحات مستعمله حقنده بر مطالعہ مخصوصه

[۰] — عثمانی دولتی یدنجی عصر هجرت ایچنده تشکل ایتش بر هیئت اولغله عثمانلیرک دخی اوروپا ملل بحریه سنه نظراً گمیجیلک صنعتنه اک صکره تشبث ایلمش بر ملت اولدقلری بدیهیدر . دنیاده عمومیتله دستورالعمل اتخاذ قلنان برقاعده واریسه اوده بر شیئک عجمیسی اولوبده اوکرمک املنده اولانلرایچون بهمه حال اوشیده ماهر بولنانلره مراجعت ایتک خصوصندن عبارت اولوب ، عثمانلیر دخی گمیجیلکه ایلک مباشرتارنده بوقاعده عمومیهیه اتباعاً اوزمان امور بحریهده ترقی ایتش اولان اوروپا ملتارندن باشلیجه وندیکلیلره مراجعت ایتک وخدمت بحریه عثمانیهده ایتالیان ، رومان ، اسپانیول گبی ملل مترقیه افراد معلمه سندن ده برطاقلرینی استیخدام ایلمک طریقیله اونلرک قدرت بحریه ومعلومات ملاحیهلرندن استفاده ایتک غیرتنده بولنملشر و آز زمان ایچنده استادلرینهده تفوق ایده جک درجهده نائل امل اولملشر در .

ایشته بو تشبث جدیدک نتیجه باهره سی اوله رق آلا رغه —
 (à larga — ایتالیانجه) ، آلابانده (à la banda — اسپانیولجه) .
 ویا (Via — ایتالیان و اسپانیولجه) ، هیس (Issa — اسپانیولجه) .
 ویرا (Vira — اسپانیولجه) ، فوندو (Fondo — ایتالیان و اسپانیولجه) ،
 آیقو (à poco — اسپانیولجه) ، آلا (Ala — ایتالیانجه) ، آریا (Arria —
 اسپانیولجه) ، آریوا (Ariva — ایتالیانجه) ، دیریه (Driza — اسپانیولجه) .

[*] کیمیلك اصطلاحاتك پك چوغنی السنه اجنبیهدن مأخوذ وبونلرك الفاظ ومعانی حقیقیه لری علی وجه الصحه معلوم ایسهده مرور زمان ایله بعضیلرینك الفاظ ومعانی اصلیه لری تبدل واصطلاحات بحریه دن اولسق اوزره برر موقعده استعماللری تقرر ایتش وبونلرك اصطلاح وتغییری دائرة امتناعه کیرمش اولدیغندن حقیقی معنا ولفظلرینی استعمالدن صرف نظر ایله دونخای هما یونده الیوم هر نه معنا وموقعده استعمال ایدلکده ونصل الفاظ ایله سولنلکده ایلر بو کتایده دخی اول وجهله استعماله مجبوریت کورلمشدر .

آلسته (Alista — اسپانیولجہ) • لاوا (Leva — ایتالیانجہ) • آغانضہ (Aquantia — اسپانیولجہ) گبی صرف قوماندایہ عائد تعبیر لر؛ گوگرته (Coperta — ایتالیانجہ)؛ پرووہ (Proa — اسپانیولجہ) • پوپہ (Poppa — ایتالیانجہ)؛ اسکله (Scala — ایتالیانجہ) •
 . . . سانتاباربا (Santa barba — ایتالیانجہ) • قارینا (Carena — ایتالیانجہ) • بیتہ (Bitte — ایتالیانجہ) • دومن (Timon — اسپانیولجہ) •
 دستہ مورہ (Testa di moro — ایتالیانجہ) گبی اقسام سفینہ اسماری؛ غومنه (Gomena — ایتالیانجہ) • چیا (Chiama — ایتالیانجہ) •
 قصا (Caza — اسپانیولجہ)؛ پالانغہ (Paranco — ایتالیانجہ)؛ گبی آلات اسماری؛ وولطہ (Vuelta — اسپانیولجہ)؛ اورصہ (Orza — اسپانیولجہ) •
 تیرہ مولہ (Tira-molla — ایتالیانجہ) • فاجہ (Facha — اسپانیولجہ) • صوبرہ (Sobre — اسپانیولجہ) گبی مانورہ عائد تعبیرات؛ غابیسہ (Gabbia — ایتالیانجہ) • مایستره (Maestra — ایتالیانجہ) • ترنکت (Trinquete — ایتالیانجہ) •
 قونطرہ میزانه (Contra mezzana — ایتالیانجہ)؛ اسقوپومار (Scopo mare — ایتالیانجہ) • ولہ استرالیہ (Vela straglio — ایتالیانجہ)؛ ولہ دی بارقہ (Vala di barca — ایتالیانجہ) • ترنکتہ (Trinchettina — ایتالیانجہ) •
 پیک (Pico — ایتالیانجہ)؛ فلوق (Fiocco — ایتالیانجہ)؛ قونطرہ (Contro fiocco — ایتالیانجہ)؛ راندہ (Randa — ایتالیانجہ) گبی افقی وعمودی سرن وستونلرلہ یلکنلرک؛ سارتیہ (Sartie — ایتالیانجہ) •
 استرالیہ (Straglio — ایتالیانجہ)؛ پاتریسہ (Patarazzi — ایتالیانجہ) • قندیلینسا (Candalizas — اسپانیولجہ)؛ ونتو (Vento — ایتالیان و اسپانیولجہ) •
 پراصیہ (Praza — اسپانیولجہ)؛ مزو (Mezzo — ایتالیانجہ) • امورہ (Amura — اسپانیولجہ)؛ اسقوطہ (Escota — اسپانیولجہ)؛ غارغاباشو (Caricabasso — ایتالیانجہ) • قونطرہ اسقوطہ (Controscotte —

ایتالیانجہ) غارغافونده (Cargues fondo — فرانسیزجہ) گبی آرمہ و سلوپیجہ،
 یعنی ثابت و متحرک حلاطارک؛ متافیون (Matafioni — ایتالیانجہ) •
 آلتہ باشو (Alabasso — ایتالیانجہ) • لوسترومو (Nostromo — ایتالیانجہ) •
 پورسون (Poatsuin — انگریزجہ) • مارینل (Marinaro — ایتالیانجہ) •
 موجو (Mozzo — ایتالیانجہ) قانا (Cana — اسپانیولجہ) • آرمہ دور
 (Armateur — فرانسیزجہ) و سائرہ اسماری و خلاصہ، الحالہ ہذہ
 دونمائی ہایوندہ مستعمل اولوب، عادتاً بر لسان مخصوص و مستقل
 تشکیل ایدہ جک قدر کثرتی و مضبوط اولان تعیرات و اصطلاحات
 بحریہ وجودہ گتیرلش و مرور زمان ایله اکالنه چالیشیلہ رق الیوم
 بحریونمزک پک بیوک بر سرمایہ سی اولمشدر •

السنة اجنبیه دن آلوبده خلقمز بیننده دخی استعمالی شیوع
 بولش اولان — رسالہ، آمیرال، قیودانہ، لوند گبی علم اولہ رق
 قولانیلان لغتک ہانکی لسانلردن ونہ وجہلہ انمش اولدقاری
 کیفیتی محررین عثمانیہ دن بعضیلری طرفدن موقع بحث و تدقیقہ
 چکلمش و ہر بریمی برو جہلہ بیان مطالعہ ایلمشدر۔ ازجملہ « رفعت
 افندی » لغات تاریخیہ و جغرافیاسندہ « رسالہ » لفظی (ترساخانہ) دن محرف
 اولوب، بعدالفتح شمدیکی ترسانہ عامرہ نک موقعندہ اسرای حر -
 بیہ نک توقیقلری ایچون ترساخانہ اسمیلہ انشا قلمش بر زندانک
 بولمنسندن ایلری یہ گلدیکی و بوتعیرک « دارالصناعہ » لفظندن تحریف
 ایدلمش اولدینی و تقویۂ دعوا ایچون عربلردہ « رسمی » لغتی وار
 ایکن دارالصناعہ تعیرینی قوللانمغہ احتیاجلری اولمہ جفی بیان ایدلمکدہ
 ایسہدہ تحقیقات مخصوصۂ عاجزانہ مزہ نظراً ترسانہ لفظی ترساخانہ دن
 محرف اولیوب • اسپانیول لسانندہ اسلحہ و ادوات حربیہ نک اعمال
 و محافظہ سنہ مخصوص بر دائرۂ عمومیہ معناسنی متضمن اولان

« دارسینا » (Darsinah) لفظندن محرف اولدینی شوا یکی صورتک هم معاً همده شکلاً یکدیگرینه غایت مشابه اولملریله مثبتدر . دارسینا لفظنک ایسه دارالصناعه دن تحریف ایدلمش اولدینی شبه ایدیلهمیه جک درجه لرده کی مشابهتلیله ثابتدر ؛ مع مافیه، لیمان بولنان محله ترسانه بولنهمیه جغه نظراً مرسی لغتک دلالت ایتدیکی معنا ایله دارالصناعه تعیرینک مدلولی بولنان معانک هیچ بروجهله توفیق قبول ایتیز درجه لرده فرقلی اولدینی لغات جغرافیا صاحبی طرفندن دخی تصدیق ایدیلیر ظنیده یز !

تأیند مدعا ایچون شونی دخی عرض ایدلمکه ، علم الاسنه علماسندن مدقق مشهور انگلیزی « وهبستر » (Webster) تألیف ایتیش اولدینی مختصر دیکسیونرک (۲۹) نجی صحیفه سنک برنجی ستونی نهایتلرنده « حوس اوف اینداستری » (House of industry)، یعنی دارالصناعه تعیرینک عیناً معناسنی مفید اولان (دارسینا) لغتی اسپانیوللرک عربلردن آلمش اولدقلرینی افاده ایلمکده اولوب، پورتیکیز، ایتالیان، فرانسر، انگلیزگی ترقیات بحریه لریله تاریخچه مهم موقعلر قازانمش اولان اوروپا ملل مشهوره سنکده تعیر مذکور — طوبخانه، جبه خانه، سلاحخانه، ترسانه — معنلرینی تضمن ایتک اوزره جزوی وکلی تحریفات ایله لسانلرینه بالقبول استعمال ایلمکده اولدقلرینی سویلمکده در . از جمله انگلیز و فرانسزلر « آرسینال » (Arsenal) و ایتالیانلر « آرسینالی » (Arsinali) صورتلرنده تحریف ایله قوللانمقده درلرکه ، بو قییلدن اوله رق عثمانیلر دخی اسپانیوللرک ذاتاً محرف اولان صورت استعمالرینی برقات دها تحریف ایله « ترسانه » صورتنده قوللانه گلمشلردر ؛ حاصل کلام، تعیر مذکورک دارالصناعه دن غلط اولدینی مرتبه وثوق و بدهتده در ؛

وینہ سوزمزنك سختی اثبات ایدر دلائلدن اولمق اوزره فاضل شهر
 «جودت پاشا» حضرتلری دخی تألیفاتنك الكیمتیلرندن اولان تاریخ
 مشهورنده «اندلس عربلرندن اسپانیا طرفنده يك چوق الفاظ عربیه قالدیقی
 ودولت ابویسهنك قوت وقدرتی زماننده اسکندریه دارالصناعه سنك غایت
 معمور ومکمل اولمسیله وندیکیلر يك چوق تعبیراتی آنده اوکره نوب لسانلرینه
 نقل ایتدکلری گبی» دییه برفقره ذکر ایلمشلردرکه، حقیقت
 حالی توضیحه مداری اولدیغندن بورایه عیناً نقل ایلدك .

تعصب خرسنیانیه نك جنت درجه سنی بولوب ده اهل اسلام علیهنه
 قیاملری دیمك اولان اهل صلیب سفرلرینی متعاقب وندیکیلر ك ممالك
 اسلامیه ایله مناسبت پیدا ایتمش اولدقلری وبو واسطه ایله شرقدن
 اورویایه يك چوق معلومات نقل وادخال ایلمش بولندقلری هرکس
 نظرنده مسلم اولمغله جودت پاشا حضرتلرینك دیدکلری وجهله
 اسکندریه ترسانه سنده گوردکلری صنایعه دائر يك چوق شیلری ده
 اوکرندکلری ومملکتلرینه نقل ایتدکلری گبی ملل بحریه دن محدود
 بولنان اسپانیوللر دخی حاصل اولان احتیاج اوزرینه دارالصناعه
 تعبیرینی عربلردن طوغریدن طوغرییه آلمشلر فقط تلفظ ایده-
 ییلدکلری وجهله لسانلرینه نقل ایلمشلردر .

شو زمانلرده بزده دخی استعمالی شیوع بولمش وبحریه پاشالرینه
 اضافه ایدلمکده بولنش اولان «آمرال» لفظی هر نه قدر بر لغت
 اجنبیه گبی ظن اولنمقده ایسه ده بو لفظك دخی اساساً عرب
 لسانندن آلمش اولدیغی علمای السنه طرفلرندن تصدیق
 اولنمقده در؛ از جمله لغات علماسندن انگلیزجه وترکجه لهجه
 صاحبی مشهور «ردحاوص» آمرال لفظنك «امیر الماء» ویا «امیر البحر»
 تعبیرلرندن تحریف ایدیلهر ك آلمش وبتون اوروپا لسانلرینه
 ادخال ایدلمش اولدیغی افاده ایللمکده در؛ کذا، انسقلوپه دی مؤلفی

انگلیزی مشهور « چامبرس » (Chambers) دخی آمیرال لفظك
 عربلردن آلمش اولدیغی قبول ایله انگلیزلر طرفندن « آدمیرال »
 (Admiral) ، فرانسزلر طرفندن « آمیرال » (Amiral) ، یاخود
 (Ammiral) ، اسپانیولر طرفندن « آمیرانتیه » (Ammirante)
 یاخود (Almirante) ، ایتالیانلر طرفندن دخی « آمیرالیو »
 (Ammiraglio) صورتلرندده تحریف ایدلمش اولدیغی واهل
 صلیب سفرلری اثناسنده عربلردن اوکوره نیلوب ، ایلك اوکجه
 سیچیلیه لیلر و بعده جنویزلر طرفندن قوللانیلار رق بالآ خره عموم
 اوروپا لسانلرینه ادخال ایدلمش بولندیغی و (۱۳) نجی عصر میلادی
 نهایتلرینه طوغری فرانسز و انگلیزلر طرفندن قوللانیلمغه باشلانیدیغی
 حکایه ایتکده بولنمشدر .

فی الحقیقه ، شرق واندلس عربلری اسفار بحریه ایله اشتغال و فن دریاده
 کسب کمال ایلدکاری زمانلر دونما باشبوغلرینه « امیر البحر » تسمیه
 ایدوب ، بیلرندده امارت بحریه یی بر بیوک منصب اولق اوزره تلقی
 ایدرلردی ؛ بناءً علیه ، عصر مزده وهر زمانده ده (امارت بحریه) هر
 دولت بحریه نزدنده بر رتبه رفیعه و بر مصلحت عظیمه اولق اوزره
 طانلمشدر . فی الاصل باشبوغ معناسنه اولان « قینانه » لفظی دخی
 ایتالیان لسانندن مأخوذ اولوب ، تحریف ایدیلهرک « قیودانه » صو-
 رتنده شایعاً استعمال ایدلمکده بولنمشدر . تعبیر مذکور هر دولت
 بحریونی لسانلرنده مستعمل اولوب ، یوزباشیدن اعتباراً میرلویه قدر
 اولان ضابطلره ویرلمکده ایسه ده شمدیکی حالده بزده یالکز صول و صاغ
 قول آغالریله بیکباشیلره تخصیص ایدلمش بر لقب رسمیدر . اجنبیلر
 بیننده طوپیجی و سواری و پیاده یوزباشیلریله مصر بحریه ملازمترینه
 دخی ویریلیر .

قدیماً سفن هایونده مستخدم تفنگچی نفراتنه علم اولان « لوند »

لفظی دخی (لوانتی) دن منحرف اولوب، ینه ایتالیان لسانندن اخذ ایدلمش و خلقمز بینده استعمالی شیوع بولمشد. لوانت (Levant) ایتالیان لساننده شرق معناسنه اولوب، وندیکیلر کنیدیارینه نسبتله شرق طرفنده بولنان خرواتلق و ارناودلق ساحلاری ضبط ایده رک اول حوالی اهلایسندن گمیلرینه تحریر و تدارک ایلدکلی جنسکجیلرینه «لوانتی» تعبیر ایللمش لر درکه، شرقی دیمکدر.

[مؤخراً دولت علیه ده دونما اموری مختل اولدق مارالذکر لوند نامیله خدمت بحریه ده مستخدم اولان سنجاقلر عساکرینک اکثریسی برایشه یاراماز اولدقلرندن باشقه آناتولی ایجلیرینه یاییله رق پک چوق خساراته ودرلو ادبسر. لنگروده جسارت ایتکه باشلادقلرندن بونلر بر آرهل ق آریجه بر اوجاق شکله قونیلوب، بعض خدمات عسکریه ده استخداملرینه چاره آرانیلش ایسه ده بروجله رابطه وانتظام تحتیه گیرمدکلی جهتله مدت مدیده شروشورلرندن اهالی رنجیده و خسار دیده اولمش در. ایشته آسیانک بعض طرفلرنده لوند نامنک عارسز و ناموسسز وباغی مقامنده استعمالی بوجه مشروح لوندلرک شهرت شقا. وتلری بتون آسیایه منتشر اولمش ایدوکنندن ناشیدر].

خلاصه، یوقاریدن بری اعطا قلمقده اولان تفصیلاتدن آکلا - شلدینی وجهله دونمای هایونده الحاله هده قوللانمقده بولنان تعبیرات واصطلاحات متنوعه نک اکثریسی ایتالیان و بر طاقملری ده اسپانیول ورومان لسانلرندن مأخوذ اولدینی ملل مذکوره بحرینی طرفلرندن دخی قوللانمقده اولملریله مثبت ایسه ده نه وقت ونه وجهله لسانمزه قارشمش اولدقاری کیفیتی مؤرخین عثمانیه میاننده قطعياً تعین ایده. مه مش، داعی اختلاف بر ماده حکمنه گیرمشدر. بوبابده وقوع بولان تتبعات عاجزانه م نتیجه سی اوله رق (ضبطه فیوداناه دریا) مؤلفی رامز پاشا زاده محمد عزت بکک (تحفة الکبار فی اسفار البحار) نام تاریخچه بحری مؤلفی کاتب چلبی مرحومدن نقلاً تعبیرات واصطلاحات مذکوره نک ایتالیان، رومان، اسپانیول لسانلرینه منسوب

اولوب؛ و دولت علیه ده دونما تجهیزى ابتدا ملل مذکوره دن اوکر -
 نلمش اولسنه مبنی اصطلاحات مبحوئه نك دخی طوغریدن طوغریه
 بوملتردن آلمش اولدقلرینی بیان ایلمکده اولدیغی گورلمشدر؛ وینه
 مؤرخلریمزك اك معتبر لرندن بولنان عالم نحریر ومدقق شهر «جودت
 پاشا» حضر تلی دخی نام عالیرینه منسوب اولان تاریخ رغانده
 «دولت علیه تکثیر دونما واکمال فن دریا امرینه اهتمام بیوردیغی اوانده
 وندیکیلر کمچیلک فن وصنعتنده ماهر وحتی بروقتدن بری روی دریاده بادباد
 کشای نفوذ و اقبال اولان جنویزلیلره دخی غلبه لری ظاهر اولمق حسینیه
 دولت علیه اکثر سفینه استادلرینی و بحریه معلرینی وندیکیلر دن جلب واستخدام
 ایدوب سیاح جهان پتای حکمت ایسه بر دیاردن دیار آخیره سیروسفر ایتدکه
 ترجانی مقامنده بولنان الفاظ واصطلاحاتك بر نیجه سنی برابر استصحاب ایده
 گلدیکندن بر مقوال سابق دولت علیه
 دونما امورینك اكمالنه تثبیت بیوردیغنده دخی بر خیلی ایتالیان کله لری لسانزه
 داخل اوله رق اکثری اصطلاحات بحریه مز ایتالیان لسانندن مأخوذ بولنوب،»
 دیه دولت علیه نك امور بحریه یه ابتدای تشبثده وندیکیکی انشائی
 مهندس لری و بحریه معلملری استخدام ایلمش اولدیغی و اکثری
 اصطلاحاتك ده عثمانلی بحر یوننه بونلر طرفندن تعلیم قلمش بولندیغی
 افاده ایلمکده درلر .

عطوفلو «احمد مدحت» افندی حضر تلی ایسه مفصللر نده شوافاده -
 دن باشقه اوله رق تعیرات اجنبیه مذکوره نك لسان عثمانیه قارشمسی
 اولا ترك قورصانلری طرفندن اخذ و قبول اولنسندن ایلری گلش
 وسبب اخذی دخی اجنبی بحر یونی مرکزی اولان از میر لیانی گبی
 دها بر چوق لیانلرك ونديك و جنویزلیلر انده بولنه رق بونلرك یواش
 یواش گمیجیلکی ترکله دخی تعمیم ایلدکلری صره ده اصطلاحات
 بحریه یی ده آنلره اعطا ایلملرندن نشئت ایتش بولندیغی و دولت
 علیه نك دخی ابتدا دونما تجهیزاتی ترك قورصانلرندن آلدیغی محققات
 تاریخیه دن اولدیغنه مبنی اصطلاحات اجنبیه نك دخی بو طریق ایله

دولتک رسمی بحریه سنه انتقال ایلمش اولدیغنی ویا لکزد دوتنای
هایونده مستعمل اولیوب، ترك گمیجیلرینک کافه سی طرفدن دخی
قوللانمقدہ بولندیغنی مقام استشهادده ذکر واتیان بیوریورلر.

بالاده مذکور الاسامی شو درت مؤرخدن اوچینک فیکری بر
ودردنجینک باشقه اولسنه نظراً هر نه قدر بویوک ذاتلره قارشى سوز
سویلمک جسارتی بزم گبی بر عاجزه قالماز ایسه ده عغولرینه اغتراراً
فکریمزی بر مطالعه مخصوصه صورتنده اولسون افاده ایتکده بر بآس
اوله میه جنی اعتقادنده بولندیغمزه مبنی تهیز خامیه اجتسار ایلدک : مع
ما فیه، من غیر حد افاده ایتک ارزوسنده بولندیغمز مطالعه یوقاریده کی
ایکی مخالف فیکری توحید ایتک مقصدینه خادم اوله جنی جهتله
ایشته بوخصوص ده آریجه جسارتمزه باعث اولمشدر.

اول امرده شونی عرض ایده لم که، فصل مخصوصنده بر تفصیل
بیان اولنه جنی وجه اوزره دولت علیه بحریه سنده ابتدالری استعمال
اولنان سفائن آرمه سز ویلکنسز دینله بیله جک درجه لرده و سائط
ملاحیه سی نقصان « قره مرسل » انواعدن گمیلر اولوب، هر نه قدر
« سلطان سلیمان قانونی » عصر نده سفائن جسیمه دخی قوللانلمش ایسه ده
آنلرکده آرمه ویلکنلری نقصان اولدیغنی و تا (۱۰۹۳ هـ) تاریخنه
گنجیه به قدر تام آرمه ویلکنلی گمیلرک بزده استعمال ایدلمه مش
اولدقلى محقق بولندیغنی اجلدن الیوم دوتنای هایونده مستعمل
اولان تعبیرات و اصطلاحات اوپله جزوی بر زمانده اوکرده -
نلمش شیلر اولیوب، بلکه بزده کی صنایع بحریه نک ترقیسی
وقولانیلان گمیلرک حجماً و شکلاً تبدیل و اصلاحی نسبتده حصوله
کلن احتیاجه مبنی تدریجاً اخذ و قبول اولنه رق اکمال قلمشدر. شو
حقیقت اوزرینه بنای افکار ایلدی کمز صورتده اصطلاحات اجنبیه
دعواسی دوتنای هایونک همان ابتدای تشکلندن بری بحریون عثمانیه

میاننده مستعمل اولان — آلا رغه، آلابانده، صوغه، اورصه، بوم،
نومبا، طوقه، لوا، لامقه، فونده، امیاصه، صالیه، آغانظه، صالطه،
آریا، مانیرا، آریوا، موله، صالیه — کبی صرف قوماندایه عائد
تعبیرات ایله بر قاچده اسامی به منحصر قایلرکه، بونلرک بر قسمی
طوغریدن طوغری به اجنبیلر طرفدن، بر طاقملری ده ترک قورصانلری
واسطه سیله دولتک رسمی بحریه سنه انتقال ایلمش اولدقارینه حکمده
تردد اولنه ماز؛ چونکه، هر نه قدر دولت علیه نك ابتدای امرده
دونماسنی ترک قورصانلری ایله تجهیز ایلدیکی محقق ایسه ده بونلرله
برابر روم، ایتالیان، اسپانیول ودها سائره گبی بر طاقم اجنبیلری
دخی استخدام ایلمش اولدیغی «چلبی سلطان محمد» زماننده وندیگیلرله
وقوع بولان گلیولی محاربه سنده دونمای هایونده بومثللی اجنبیلرک
بولنسیله ثابت اولدیغنه و «حضرت فاتح» ک انشای سفائن خصوصنده
روم معمارلری دخی قوللاندیغنه و «سلطان بایزید ثانی» حضرتلری
زماننده (کوکه) [گووه] تعبیر اولنان ایکی عدد جسم قالیونلری
انشا ایدن ذاتک وندیگی بر معمار بولندیغنه واول و آخر کورکچیلرک
اکثریسی اسرای حربیه دن تدارک ایدیلرک دونماده دأما
اجنبیلر بولندیرلدیغنه نظراً اصطلاحات مبحوثنه نك دخی قسماً ترک
قورصانلرندن و قسماً ده طوغریدن طوغری به اجنبیلردن آلمش
اولدیغنه شبهه قالماز. بونکله برابر فکر مزده کی اصابتی تصدیق
ایچون مقدمه دخی خاطرده طوتمسنی بالخاصه عرض ایلمش اولدیغمز
وجهله عثمانلی بحریه سنک اوائل حالنده دونمای هایونک اويله مکمل
آرمه لی سفائنندن عبارت اولمدیغی ده نظر دفته آلتق اقتضا ایدر؛
بناءً علیه، اول زمانلر شمیدیکی موجود اولان اصطلاحاتدن قسم
کلیدینک گمیلرده محل استعمالی اولمدیغی مناسبتله اخذینه لزوم گور -
مدیدیکی گبی محل استعمالی اولانلرینک دخی بعضیلرینه ترکیه بر طاقم

اسملر ویرلمش اولمسی و مثلاً « یورسونه » لره (اولطہ باشی)
و « واردیانہ » لره (کومی) تعبیر اولندیغی و « چوردک » مقامندہ
(اوچوردو) تعبیری قوللاندیغی و مثلاً یلکنلره (جانہ قورتارانه)
(اورتہ یلمکی) و سائرہ گبی اسملر ویرلمش اولدیغندن باشقہ الحالہ ہندہ
دونمای ہایونندہ مستعمل اولان اصطلاحات ایلہ سفائن تجاریہدہ
قولانیلانلر بینندہ جزوی ، کلی بر تفاوت دخی گورلمکدہ و مثلاً
— فلوق . ییک . ورنہ (یان یلکنلری) . مارسیت . طاولونہ .
قابورطہ ، بورینہ . چوردک . قونظرہ . جمادانہ . منافورہ . جوادیرہ .
یونفہ . ال یومہ سی . اسرالیہ . ارغاد . قصارہ . کمرہ . مطبخ . جبقمہ —
تعبیرلری یرینہ سفائن تجاریہدہ — فلوقہ (یاخود فلوقون) . فلیر .
استانجہ (یلکنلری) . بصادورہ . قولادیرہ . اسیرالیہ . کونجی .
مانتار . آمورہ . مودہ . غریوا . بومبورسہ ، ماندوز . برانفہ . استانجہ .
مینولہ . قاناریا . مانفاصہ . غوزینہ . بارغاریسا — تعبیرلری قوللانلمقدہ
و بو مثالی یک چوق اختلافات مشاہدہ قلمقدہ اولمسی اصطلاحات
مذکورہنک ہان کاملاً ترک قورصانلردن آلتامش اولدیغنہ بزجہ
قناعت کاملہ حاصل ایتدیرر .

ایشته شو صراحتدن آکلاشلدیغنہ نظراً جای بحث و مقال
اولان اصطلاحات بحریہنک قسماً ترک قورصانلری واسطہ سیلہ دولتک
رسمی بحریہ سنہ داخل اولمش بولندیغی ، قسماً دخی ہر عصردہ
دونمای ہایونندہ استخدا قلمش اولان اجنبیلردن اوکرہ نلمش
اولدیغی گبی گمیجیلک فنی ترقی ایتدجہ گمیلرکدہ وسائط سوقیہ
و صور انشائیہ لرنده مشہود اولان نقصانلر اکال ایدلمک و بو جہتہ
تعبیراتہ عائد حصولہ گلن احتیاجات ینہ اجنبیلردن آلتق صورتیہ
بوگونکی مکملیتی بولمشدہر .

افادات مسروده مزى تقویه ایچون شونی ده عرض ایدم که .
یقین زمانلره گنجیه قدر آق دکر روملری و خصوصیه بلبجه
اهالی خرستیانیه سی سنه لرجه دونمای هایونک « غایار » و
« آرمه دور » صنفلری تشکیل ایلمش و بونلرک استخدام اولندقلری
زمانلر ایسه اصل سفائنک تکنه و آرمه جه مکملیت کسب ایلمش
اولدیغی زمانلر اولوب ، اصطلاحاتک دخی وجود و تکثیرینه اصل
بوزمانلرده احتیاج مس ایلمش و قوللانیلان روملر ایسه بو احتیاجی
ازالهیه کفایت ایدم جک قدر کار آشنا آدملر اولمغله واسع اولان
اسانلرنده کی [°] تعیرات بحریه یی بزله دخی تعلیم ایلمشدر . دها
صکره لری انگلیز و فرانسزلرگی صنایع بحریه ده تفرد ایلمش اوروپا
ملتلیله طوغریدن طوغریه پیدا اولان مناسبات سایه سنده آنلر
طرفدن یکیدن یکیه میدان چیقارلمقده و دونمالرنده قوللانلمقده
اولان دها برطاقم آلات و ادواتک و عسکرلک و تجارت عائد تعیراتک
دونمای هایونده دخی استعماللرینه باشلانیله رق نقصان اولان
وسائط بحریه مز اکیال ایدلمش و اشیاى مذکورده نک اسملری دخی
یاعیناً ویابالتحریف قبول اولنه رق بووجهله اصطلاحات بحریه مزى
اکاله موفق اولمشدر .

مثلا : — واپور (Vapor — اسپانیولجه ، Vapour —
انگلیزجه ، Vapeur — فرانسزجه ، Vapore — ایتالیانجه) (بو
لغت هر نه قدر بخار معناسنه ایسه ده بزده بخار ایله متحرک سفینه لره علم اولمشدر) :
بوط (Boat — انگلیزجه ، Bateau — فرانسزجه) (عربلرک اصطلاح
بحریه سنده قایق و صندال معناسی افاده ایدن بوت تعیرندن مأخوذدر) :
ستیمبوت (Steamboat — انگلیزجه) : ساب مارین بوط (Sub marine boat
— انگلیزجه) (تحت البحر متحرک استیمبوت) : غانبوط (Gun-boat — انگلیزجه) :

[*] روملر دخی اصطلاحات بحریه یی ایتالیانلردن آلمش و عیناً قوللانمقده بولمشلدر .

لا یضبوط (Life-boat — انگلیز) (جان قورتاران صندالی): قرو وازور
 (Croiseur — فرانسزجہ، Cruiser — انگلیزجہ) (قرہ قول کیسی):
 قومپوزایت (Composite — انگلیزجہ) (اخشاب و صاحب دین مرکب حرب
 گمیسی): کہ چر (Catcher — انگلیزجہ) (طور پیدو استقبو طارینی تعقیبہ
 مخصوص بر نوع خفیف حرب گمیسی): آویزو (Aviso — فرانسزجہ)
 (مخابرہ گمیسی): فلوتن لایت (Floating light — انگلیزجہ) (فنار دوبہ سی):
 قروت (Corvette — فرانسزجہ): غولت (Golette —
 فرانسزجہ): یات (Yacht — انگلیزجہ): سفاهت کیسی): بریق (Brig-
 انگلیزجہ، Brick — فرانسزجہ): فلک (Felucca — ایتالیانجہ،
 Félouque — فرانسزجہ): بومبارطہ (Bombarde — فرانسزجہ):
 آمیرالٹہ (Admiralty — انگلیزجہ، Amiraute — فرانسزجہ)
 (دیوانخانہ معناسنی مفید اولوب لغات موضوعہ دندر): قطرہ (Cutter —
 انگلیز و فرانسز لسان لرنده مشترك) (بولغت عربلرک قتیہ تعمیرندن مأخوذ در):
 فرقتین (Frégate — فرانسزجہ، Frigate — انگلیزجہ) (بول
 تعمیر شم دیکی اصطلاحات بحریہ دہ فرقتین نامی ویریلن، معروف سفینہ لرد مختص ایسده
 اوللری بزده فرقتہ تعمیر اولنان بر صنف کچوک سفینہ لرد اسم مخصوصی ایدی):
 پتالیہ (Batello — ایتالیانجہ، Batelet — فرانسزجہ) (کچوک فلک):
 کیگ (Gig — انگلیزجہ) (آشیرمہ کورکلی طار واوزون و نارین فلک):
 اسقونہ (Schooner — جرمانجہ، Schooner — انگلیزجہ) (یان
 یلکنلریلہ متحرک ایکی سو بیید دیرکلی کچوک برکی) کبی صنوف مراکب بحریہ
 اسملری: طور پیدو (Torpedo — لاتنجہ) (دکڑلغمی): تیوب (Tube —
 فرانسزجہ و انگلیزجہ): (طور پیدو و روکت انداختہ مخصوص قووان):
 باتریا (Batteria — ایتالیانجہ، Batterie — فرانسزجہ،
 Battery — انگلیزجہ): پیل (Pile — فرانسزجہ): الکتریق لایت
 (Electric light — انگلیزجہ): او بحقیف (Objectif —
 فرانسزجہ): (عدسہ مرثیہ): فلاشین لایت (Flashing light —

انگلیزجه) (شمشکلی مخاره فناری)؛ موریله (Morille—فرانسزجه) (طبا)؛
 پاراتونر (Paratonnere — فرانسزجه) (شپر صاعقه)؛ سافور
 Sémaphore — جرمانجه) (برنوع آلت مخاره)؛ دیرکتور (Director
 — انگلیزجه) (کرتیز آلتی)؛ باندیره (Bandira — ایتالیانجه) Bandière—
 فرانسزجه)؛ روکت (Rocket — انگلیزجه)؛ فیلتر (Filter — انگلیزجه)
 (صوتصفیه سنه مخصوص برنوع سوزکی)؛ هایدرولیق رام (Hydraulic ram
 — انگلیزجه) (یوک قالدیرمغه مخصوص صوماکنه سی)؛ خارتوج (Car-
 touche — فرانسزجه)؛ مانوله (Manivelle — فرانسزجه)؛ قولونه
 Colonne — ایتالیانجه، Coloune — فرانسزجه) (ساحلارده پالامار
 ربطیچون رکنز اولمش ستونلر)؛ ترومبامارینا (Trombone marinaio
 — ایتالیانجه، Trompe marine—فرانسزجه) کبی آلات وادوات حریبه
 وصناعیه وسائر اسملری، آبلوقه (Blockade — ایتالیانجه)؛
 انگلیزجه، Blocus — فرانسزجه) (محاصره بحریه معناسنه برتعیر عومیدر)؛
 بومباردمان (Bombardement — فرانسزجه) (طوبه طومق)؛
 پاروله (Parola — ایتالیانجه)؛ مانورا (Manavra — ایتالیانجه)؛
 پروتستو (Protestor — لاتنجه)؛ آتشه نوال (Attache-naval
 فرانسزجه) (سفارت معیتنده مستخدم بحریه مأموری وضابطی)؛ لیغه (League
 — انگلیزجه) (اصطلاحات بحریه ده اوچ میل مسافه ده تعبیر اولنور)؛ قالبره
 (Calibre — فرانسزجه) (چاپ)؛ قونسنتره (Concentrer —
 فرانسزجه) (انداخت اولنان مرمیاتی بر نقطه ده جمع ایتک)؛ اونیفورمه
 Uniformis — لاتنجه، Uniforme — فرانسزجه، Uniform
 — انگلیزجه) کبی عسکرلک تعبیرلری، [°] استالیا (Stallia—ایتالیانجه)؛
 قونطره استالیه (Contra stallia — ایتالیانجه)؛ پرووهدی فورطونه
 (Prova di fortuna — ایتالیانجه)؛ قونطره باند (Contraband)

[*] نول ایله طوتیلان سفائن تجاریه نك تحمیل وتخلیه سی ایچون باقونظرآتو تعیین اولنان مدت اولوب، مدت مذکوره نك مروری تقدیرنده حمله صاحبندن یومیه برمبلغ معین اخذ اولنور.

(— انگلیزجه) (اشیای ممنوعه)؛ مانیفستو (Manifesto — ایتالیانجه)
 (كرك تذكره سی)؛ پورتو فرانکو (Puerto-franco — اسپانیولجه) :
 (سربست لیان)؛ امبارغو (Embargo — اسپانیولجه) (گمینك لیمانده توقیفی) :
 پساپورت (Passeport — فرانسیزجه) (مرور تذكره سی)؛ سیقوستر و
 (Siquestro — لاتنجه) (جز دیمك اولوب تعبیرات عمومیه دندر)؛ ویزه
 (Visa — فرانسیزجه) (تصدیقی مشعر امضا) کبی تجارت بحریه تعبیرلری ،
 پاتنه (Patente — اسپانیولجه)؛ بیلت (Bellet — فرانسیزجه) :
 قپودان ده پورت (Capitaine de porte — فرانسیزجه) * قاماره
 (Camara — اسپانیولجه)؛ قرانتنه (Quarentina — ایتالیانجه) :
 (تعبیرات عمومیه دندر)؛ سالون (Salon — فرانسیزجه) : طونو
 (Tonneau — فرانسیزجه) (بیک کیلو غرام ثقلتی حاوی اولوب سفینه
 مساحه سنده مستعمل مقیاسدر)؛ ویزیته (Visito — لاتنجه * Visite —
 فرانسیزجه) (تعبیرات عمومیه دندر)؛ دپو (Dépôt — فرانسیزجه)؛ گبی
 اسماء متفرقه و ماکنه نك حرکات و سکنانه دائر اعطا قلنان
 قوماندالر وهله ماکنه اقسامنك کافه اسامیسی عصر حاضرده حاصل
 اولان احتیاج اوزرینه اوروپا ملل مترقیه سی لسانلرندن آلوب ،
 بعضاری عیناً و برطانیقاری ده محرفاً اصطلاحات بحریه مزه علاوه
 قلنمش وایلریده احتیاج مس ایتدکجه ینه اقتباسدن گیری طورلیه جنی
 شبهه دن وارسته بولمشدر .



پښتې فصل

ملل مشهوره نك قرون اولی و قرون وسطی ایله قرون جدیده مبادیسند
استعمال ایندکلی سفائن حربیه و سفائن مذکوره نك صنوف متنوعه و افراد
موجوده سنه دائر معلومات تاریخیه: —

پښتې بابك ایکنجی فصلنی تشکیل ایدن مبحث مخصوصده امور
حربیه ایچون استخدام اولنیوب، تجارت و خصوصات سائرده قو-
للانیلان سفائن قدیمه حقنده کتابمزك حجهیه متناسب معلومات
مختصره اعطا قلمش ایدی. بو فصلده دخی باشلیجه امور حربیهده
قوللانیلمش اولان سفائنه دائر معلومات مجمله اعطا قلمه جقدر.
ایمدی، قدیم یونانیلر، قارطاجه لیلر، رومالیلر گبی قرون او-
لی ده اجرای حکم و نفوذ ایلمش اولان ملل سالفه نك استعمال ایتد-
کلی سفینه لر شکل خارجیلرندن صرف نظر قلندیغی صورته همان الیوم
مستعمل اولان سفائن جسیمه مثلی جسیم اولوب، سکن صره قدر
مرتب کورکه تحریک اولنورلردی. بالاده دخی بیان اولندیغی وجهه
گمیلر ابتدایری یالکز کورکه تحریک اولند قلی حالده مصریلرک
و مؤخرأ، یعنی (ترؤا) محاربه سندن همان (۱۴) عصر مقدم فیکه -
لیلرله قدیم یونانیلرک یلکن استعمالنه باشلامش اولملری سفائنك
سوق و تحریکلرینی تسهیل ایتش اولغله بو کیفیت دخی جسامتلرینك
تزییدینه باعث اولمشدر.

قرون اولانك نهایتلرینه طوغری « غالر » تعیر اولنور و هر
کورکی بش کیشی ایله چکیلیر (۵۰) و اکثریت اوزره (۲۶) الی

(۳۰) عدد کورکلی گمیلر انشا اولمشدر. بونلرک طوللری عرضلرینک (۵، ۶، ۷ و بعضاً ۹) مثلی اولور و اکثریت اوزره طولاً (۲۹۰) و عرضاً (۵۰) قدم امتدادنده بولنور. لردی؛ فقط قرون وسطاده استعمال اولنان « غار » لر طار و او- زون و غایت آلق اولوب، ایکی دیرکلی وهر بر دیرکنده بر چکد- یرمه [لاتین] یلکنی طاشیرلر و قارینهلری دوز، یعنی صودن آشاغی اولان قسملری شمدیکی یانندن چرخلی واپورلرک قارینهلرینسه مشا- به و باش، قیچ طرفلری طوپ ایله مجهز اولوب، بر صره کورک و یلکن ایله سوق و تحریک اولنورلردی. بو اصول اوزره انشا او- لمش سفینهلر یالکیز کورکله سوق اولندقلری زمان برنجی ساعتده وسطی اولهرق (۴،۵) میل سرعتله قطع مسافه ایدرلر ایدیسه ده گتدیکجه سرعتلری تناقص ایدرک بالتدریج (۳، ۲ و ۱) میل قدر تنزل ایدر و دها صکرهلری کورکچیلر بوسبتون یوریلوب، عادتاً سفینهیی ایلرییه سوق ایتمکدن عاجز قالهرق بولندقلری یرده بلا حرکت توقفه مجبور اولورلردی. روزکار اولدینی زمانلرده ایسه حرکات بحریه اجرا- سیچون مطلوب اولان سرعتی بلا تعب تحصیل ایلدکلرندن اثنای حرب ووغاده روزکارک هبونی آرزو ایدرلر و نسیم فوز و ظفرک روزکار اوستنده بولنان دونما طرفنده وزان اوله جغه قطعاً حکم ایلرلردی. میلادک (۴) عصر مقدمندن (۳۰) سنه اولنه گلنجهیه دکن استعمال اولنان سفن حربیه نک اک جسیملری طولاً (۱۶۵)، عرضاً (۲۱)، عمقاً (۵) انگلیز قدمی امتدادنده و (۳۰۴) طونه ماء مخرج نقلتنده اولوب، مرتباتی (۳۰۰) نفر کورکچی، (۱۵۰) نفر جنکچی، (۵۰) نفر گمیجیدن عبارت اولهرق درونلرنده دخی افراد موجوده سنی (۲۰) گون ایچون ادارهیه کافی ذخیره بولندیریلردی. بو ذکر اولنان زمان اناسنده ماء مخرجی (۱۰۰۰)

طونویه قدر سفینه لر نادرأ اعمال وانشا اولنورلردی : فقط مستثنا اوله رق میلاددن (۲۶۹) سنه مقدم آتله لیلر طرفندن طولی (۳۰۰) عرضی (۵۰) عمقی دخی (۲۲) قدم و (۳۰۰۰) طونو حموله استیعابنه الویریشلی وماء مخرجی (۵۶۰۰) طونو اولمق اوزره بر سفینه انشا اولنمشدرکه ، بوسفینه خلاف عاده اوله رق اوچ دیرکلی اولوب . (۸۰۰) نفرده کورجیسی موجود ایدی .

ازمنه قدیمه ده اک جسیم اوله رق انشا اولنان سفائنندن بری ده قبل میلاد (۲۰۵) تاریخنده ینه آتله لیلر طرفندن انشا اولمش بر سفینه درکه ، طولی (۴۲۴) ، عرضی (۵۸) ، عمقی دخی (۸) قدم (۳) پوص اولوب ، (۴۰) صره اولمق اوزره (۳۰۰۰) کورجیسی . (۴۰۰۰) جنکجیسی و (۲۶۰۰) طونو ماء مخرجی وار ایش ! ازمنه ماضیه ده هیچ بردفعه بوندن بیوک سفینه انشا اولنماش . بو گمی ایکی باش ، ایکی قیج ، درت دومن ، ایکی دیرک ویدی مهمیزلی اوله رق « نیراقونیدی ئیریس » نامیله معروف ایش . مؤلف « جون قارنوق » طرفندن دخی اعتراف اولدینی وجهله تاریخک بو گمی حقنده ویرمش اولدینی اخبارات مبالغات یونانیه ایله مزوج بولنمغله اخبارات مذکوره یه پکده صحیح نظریله باقیله ماز .

هرنه قدر غالر نام عمومیی آتنده اوله رق انشا ایدیله گلمش اولان آنف الیان سفائن هرملت بحر یونی طرفلرندن برچوق زمانلر ده قوللانمش ایسه ده (۱۳۵۵) تاریخ میلاد یسنه طوغری اسپانیولر « قابیوره » [غالیون] تعیر اولسان مکمل آرمه لی سفائن جسیمه انشا وزیاده یلکن استعمالنه مباشرت ایلمش اولدقلرندن حکومت بحریه سائر طرفلرندن دخی درجات متفاوته ده اصلاحات و ترقیات اجرا قلنه رق بالتدریج اسکی غالرلردن فراغت اولنمغه باشلانمشدر . گرک بحر سفید و گرک بحر محیط غربی سوا -

حلتندہ بولنان ملتلك ترقیات بحریہ سی (۱۵) نجی عصر میلادی
 ایجریسندہ برقات دها کسب وسعت ایدوب، (۱۴۵۲ م) سنه سنه
 طوغری ونديک وجنوه واسپانیا گبی تجارت وکشفیات خصوصلرینک
 توسیعنه فوق العاده ساعی اولان حکومتلر (۱۵۰۰) دن (۲۰۰۰)
 طونویه قدر جسماتده سفائن حربیه وجوده گتیرمشلر؛ وخلاصه
 آمریقانک تاریخ کشفی اولان (۱۴۹۸ م) سنه سنه طوغری انشات
 بحریه جبه بر تحول کلی رونما اوله رق سفائنک جسمات وماتنتک
 تزیددی ویلکنلرینک تکثیری وطوپ آلت ناریه سنک تعمیم واصلاح
 وترقیسنه دائر موفقیات عظیمه حصوله گلمشدر.

ملل مترقیه مذکورہ نک (۱۵) نجی عصر میلادیده قولاندقلری
 سفائن حربیه باشلیجه اوچ صنف اوزره مرتب اولوب، بونلر «غالی»
 (Galley) یاخود «غالر» (Galère)، «غالیوره» (Galleon)، «غالیس»
 (Galleas) ناملریله یکدیگرلرندن تفریق اولنورلردی. غالی ویا
 غالر تعبیر اولنان گمیلر دیگر ایکی صنف سفائنه نظراً مراکب صغیره دن
 معدود ایدیلر؛ فقط بو صنف سفائنک دخی نسبتاً جسم اولانلری
 ونديکلیلر طرفندن قولانیلیردی. [سفائن مذکوریه دائر معلومات
 لازمه عثمانلی قادرغہ لرینک تعریفی صرہ سنده اعطا قلنه جقدر.] غالیون
 و غالیس تعبیر اولنان حرب گمیلری غایت جسم شیلر اولوب،
 بونلرک گوگرته لری بردن زیاده اولمغه اوست گوگرته لرنده بولندی
 وجهله آلت گوگرته لرنده دخی مخصوص کشاد ایدلمش لومبارلر
 واسطه سیله استعمال اولنور جسم طویلری حامل ایدیلر. سفائن
 مذکورہ نک باش وقیچ طرفلری غایت یوکسک قصارلرله تجهیز
 اولنش ومذکور قصارلر درونه دخی بردقت فوق العاده وانتظام
 صنعتکارانه ایله طویلر وضع ایدلمش ایدی.

اسپانیا قرالی ایکنجی فیلیپ انگیلزلره قارشی «اینوینسبل»

(Invincible)، یعنی «مغلوب اولماز آرمادا» (Armada) نامیہ وجودہ گتیرمش اولدینی جسم دونمائی تشکیل ایدن سفائن بو ایکی نوع گمیلردن مرکب اولوب، ایچیلرنده (۱۵۰۰) دن (۲۰۰۰) طونویہ قدر جسامتی اولانلری ده وار ایدی. سفن مذکورہ بر قاج صره اوزون کورکله سوق اولنور و مذکور کورکلرک بهری بر قاج کیشی طرفدن چکیلردی؛ فقط جسم و آخر اولدقلرینه مبنی حرکتلری باشلیجه دیرک و یلکنه متوقف ایدی. اسپانیوللر طرفدن بونلره «قاراقا» (Carraca) نامی دخی ویرلمشدر. اشبو ایکی صنف سفائنک صورت انشالرنجه پک اول قدر فرقلری اولیوب، آنجق غالسلره نسبتاً غالینلرک بوردهلری یوکسکجه وعرضلری زیادهجه اولدینی گبی طوللری دخی بالعکس قیصرق ایدی. سفائن مذکورہک حامل اولدقلری اساحه ناریه دن نسبتاً حائز اهمیت اولانلری «دهمی قانون» (Demi Cannon) تعیر اولنان تقریباً (۳۲) [*] لبرهک مرمی انداخته مخصوص طویلر اولوب، بونلردن باشقه برطاقم خفیف طویلرله دخی مجهز ایدیلر. (۱۵۷۱ م) سنه سنده اوروپا دول متفقہ سیله عثمانلیلر بیتنده وقوع بولان «لیانتو» محاربه مشهوره سنده باشلیجه ایش گورن وندیک «غالیزا» (Galeazza)، یعنی «ماونه» لری اول زمان ایچون جسم عد اولنان مذکور طویلردن سکزر عددینی حامل ایدیلر. [بوگیلره دائر فصل مخصوصنده تفصیلات مکمله واردر.] بوندن صکره، یعنی (۱۵۸۸ م) سنه سنه طوغری دخی ترقیات بحریه نک بر نمونه سی اولق اوزره اسپانیوللر طرفدن الیشر طویلی غالینلر انشاسنه باشالانلمش و (۱۶۴۱ م) سنه سنه طوغری (۲۴۰۳۶) لبرهک

[*] بر لبره (۱۴۲) عتیق درهم حساب اولنور.

یتیمش سکسان طوبی حامل سفائن و (۱۶۹۲ م) سنہ سنہ طوغری دہ اوچ باتریالی ، کہ « اوج انبارلی » تسمیہ اولنان (۱۱۰) طوبلی سفائن جسمیمہ گورنمکہ باشالایوب ، آرتق بالتدریج غالر لر غائب اولمغه باشلامشدر .

(۱۲۶۸) سنہ رومیہ سنده دخی فرانسه دولتی طرفندن زرہلی سفینہ ایجاد اولتمش ایسہدہ اشبو تاریخ عصر مزده کی تاریخ ظہوری اولوب ، یوقسہ سفینہ یی زرہ مقامندہ الواح معدنیہ ایله ستر و محافظہ ایتک خصوصی ہان دکر محاربہ سنہ بدأ و مباشرت اولندیغی تاریخلر دہ خاطر لرہ گلدیکی وہلہ میلاددن (۱۴۶) سنہ مقدم قارطاجہ لیلر ایلہ رومانیلرک مشہور اوچنچی « یورہ » محاربہ لرندہ قارطاجہ دونماسندہ زرہلہ مستور (۱۲۰) قطعہ سفائن موجود اولدیغی و میلادک (۱۳۵۴) سنہ سنده قستیلیہ (Castile) قرالی « پراغو » (Prague) دخی دونماسنی حریقندن محافظہ ایتک ایچون باقر ایلہ قاپلاتدیغی و میلادک (۱۲) نجی عصرندہ نورمانلر دخی کذلک خارجدن اجزای ناریہ و مشعلہ ایلہ سفینہ لرینی احراق اولتمقدن مصون قیلمق مقصدیلہ تیمور ایلہ قاپلایوب ، کورکچی و محاربہ لرک محافظہ لری ایچون دخی ہر ایکی آلاباندہ لرندہ کوششتہ لرینک اوزرینہ سپرلر ترتیب و تنظیم ایتیمش اولدقلری و (۱۵۳۰) سنہ میلادیہ سنده شارلکن (Charles.V) طرفندن تونسہ گوندریلن دونمانک دخی قورشونلہ قاپلاتمش اولدیغی و مشہور قپودان دریا « بارباروس خیرالدین پاشا » ایلہ غایت خونریزانہ محاربہ ایدن جنویز دوقسہ سی « آندریا دوریا » (A . Doria) دخی تحت ادارہ سندہ بولنان دونمائی قورشونلہ قاپلاتدیغی مضبوط توارینخدر .

سفینہ نک برنجی دفعہ اولہرق کاملاً آہن ساجدن اعمالی ایسہ میلادک (۱۷۸۷) سنہ سی انگلترہ دہ واقع « برادلی » (Bradley)

نام محلہ وقوع بولش و (۱۸۰۷) سنہ میلادیہ سنددہ واپور
سفینہ لری اختراع ایدلمشدر .

دولت علیہ عثمانیہ بحریہ سنہ نقل کلام ایدیلنجه : عثمانیلرک دکنزده
ایلاک گورینشلی « قره مرسل » تعیر اولنان « چکدیرمه » لرله
اولوب ، بولر عادتاً زمانزده نقلیات تجاریہ ایچون قوللانمقنده اولان
بر یچق دیرکلی مرمره قایقلری طرزنده وگوگرتہ سز صغیر تکنہ لر
ایدی : فقط مرور زمان ایله ونڈیک سفائن حربیہ سنی تقلیداً بولنرک
جسامتلری تزید و شکللری آز چوق تبدیل اولنہ رق اوئی متجاوز
انواعی میدانہ چیقارلش وهر برلرینه باشقه باشقه اسملر تخصیص
اولنہ رق صنوف متعددیہ تفریق اولنمشلدر . ذکر صددندہ
بولندیغمز چکدیرمه انواعدن اولان سفائن هم یلکن وهم کورکله
متحرک خفیف تکنہ لر اولدقلرندن صورت اعمال واستعماللرنده کی
سهولتن باشقه حرب ایچونده غایت الویریشلی بولندقلری جهتله
عثمانی بحریون قدیمہ سی بولری انتخاب خصوصندہ اصابت ایلمشلدر .
سفن مذکورہ نك هاگی صنفه منسوب اولدقلری سهولتله تفریق
وتمیز اولنق ایچون بحریون عثمانیہ میانندہ اتخاذ ایدلمش اولان مقیاس
(اوتوراق عددی) حسابی ایدی :

شویله که ، بولنرک (۱۰) اوتوراقدن (۱۷) اوتوراغه قدر
اولانلرینه « فرقه » دینلیر وکورکلری (۲) یاخود (۳) نفر معرفتیله
چکیلیر وبو صنف سفائنک جسامتجه اک کچوک اولانلرینه بالخاصه
« قیرلانغیج » [لوحه (۴) شکل (۱)] نامی ویریلیرایدی . بولر
زمانزک سرعت واپورلری مقامندہ ، غایت لزوملی وفائدلی سفینہ لر
اولوب ، دائماً دونما معیتندہ بولنہ رق قره قول خدمتی ایفا ایدرلر
ومخابرات خصوصندہ استخدام قلنیرلردی . صنف مذکورہ منسوب
اولان سفائنہ شمالی آفریقه بحریونی طرفلرندن دخی « یضامه » و « نئم »

ناملری ویرلمشدر . [اشبوتعریفی صددندہ بولندیغمن فرقتہ تعبیر اولنان گمیلر عثمانلیلر طرفندن ایجاد اولنماش و تاقرون اولادن بری قوللانلیہ گلمکدہ بولمشلردر . ایتالیانلرک « فریغاتا » (Frigata) وانگلیرلرک « فری گہیت » (Frigate) و فرانسزلرک (Frégate) تسمیہ ایتدکلری گمیلرک دخی بو صنف سفائنندن عبارت اولدکلری اسملرینک مشابہتی دلالتیلہ مبرہندر . ایمدی* مذکور اسملر غوطلر ولایتیلر طرفندن قوللانیش اولان گوگرته سز محاربہ غالیلرینک تسمیہ اولندکلری « فارغوت » (Fargot) و « آفر اکتوس » (Aphractus) ناملرندن بریسنی بالتحریف وجودہ گتیرلمشدر . سفائن مذکورہ اوزون و طار* کورک و یلککنلہ متحرک* سریع گمیلر اولدکلری جہتلہ مقدماتون آق دکز بحریونی طرفلرندن — خصوصیلہ سرعت سیرمطلوب اولدیغی زمانلردہ — قوللانیلر- لردی . دہا صکرہ لری، یعنی (۱۸) نجی عصر ایلہ (۱۹) نجی عصرک ابتدالرنده اوروپالیلر طرفندن بونام (۲۰ دن ۲۵) ہ قدر طوپ چکن وقرہ قوللق خدمتدہ قوللانیلان قیاقدن کچوک حرب گمیلرینہ تخصیص ایدلمش اولغلہ عثمانلیلر طرفندن دخی اوروپا بحریونہ تقلیداً فقط « فرقتین » صورتندہ تحریف ایدیلہرک صنف مذکور سفائنہ تخصیص قلنشدر . اک صکرہ ، یعنی عصر حاضرده سفائن مذکورہ برقات دہا اصلاح اولنہرق الواح معدنیہ ایلہ ستر واحاطہ قلنش وماء مخرجی (۶۰۰۰) طونویہ قدر جسامتلری تزیید اولمق صورتیلہ شمدیکی بیلدیگمز زرهیلر وجودہ گتیرلمشدر .]

اکر (۱۸) یاخود (۱۹) اوتوراقلی اولورایسہ « برکنہ » [بو صنف سفائشہ عربلر « برغندی ، ایتالیان و فرانسزلر « بری غانتین » (Brigantine) وانگلیرلر (Brigantin) تعبیر ایتدکدہ اولوب* سفائن مذکورہ عصر حاضرده قوللانماقدہ اولان « بریق » نامندہ کی ایکی دیرکلی فقط برووہ دیرکی قباصورتہ ، یعنی سرنلی و غرانیدی سویہ دوناعلی کچوک گمیلردر] نامی ویریلوب ، (۲۰ دن ۲۴) ہ قدر دہ « قابینہ » [بو صنف سفائشہ ایتالیانلر « غالیتا » (Galita) و فرانسزلر « غالیئوت » (Galiote) تعبیر ایتدکدہ اولوب ، انگلیزلر (Galiot) صورتندہ لسانلرینہ قبول ایلمشلردر . نام مذکور (بری غانتین) نوعندن کچوک غالیلرہ تخصیص قلنش اولغلہ عثمانلیلر دخی (قابینہ) صورتندہ تحریف ایدہرک قوللانمشلردر . سفائن مذکورہ بالخاصہ خدمت تعقیبیہدہ استخدام ایدیلرلردی . فلمنک بحریونی طرفلرندن (۴۰۰) دن (۵۰۰) طونویہ قدر جولہ استیعابہ کافی و غراندی و میزانہ ستونلریلہ بردہ جسم پوقرووہ یلککنی حامل و غایت محکم انشا قلنش ، دیپلری دوز سفائشہ

دخی «غاللیوت» (Galliot) صورتده اولدوق املاجه جزوی تحریف ایله
ینه بو نام اعطا قلمشدر . سفائن مذکوره اسکیدن هاوان تکنه لری مقامنده
دخی قولانیلیدی .

و (۲۵) اوتوراقلیسنه «قادرغه» [وندیک قادرغله لری (۲۶) اوتوراقلی
انشا قلنیرلردی دیرلردی که هر کورکنی دردر آدم چکریدی .
بورایه قدر ذکر و تعداد اولنان سفن متنوعه عصر حاضرجه «اینبه
درنما» نامی آلتنده کی قوه حربیه یی تشکیل ایلین سفائنه معادل عد
اولنه بیلیرلر . (۲۶) اوتوراقدن (۳۶) اوتوراغه قدر اولانلره
«یاستاره» یاخود «باشتارده» و بالخاصه (۳۶) اوتوراقلیسنه «یاستا
یاستاره سی» تعبیر اولنوردی . بونوع بر سفینه نك اکر قیچی شکل
مدوریده اولور و هر کورکی بشر، آلتیشر، یاخودیدیشر آدم طرفندن
چکیلیر، تکنه سی دخی یوکسک و عریض اوله رق انشا اولمش بولنورایسه آکا
«ماونه» نامی ویریلیدی .

اگر گمینک گوگرته سندن باشقه برده طوپ آنباری بولنور .
یعنی آتی (ماونه) اوستی (قالیونه) یاییسنده اولور ایسه آکا دخی
(کوک) دیرلردی . بونوع سفائن «سلطان بایزید ثانی» زماننده بر
دفعه بهری ایکیشر بیک بشریوز طونیلاته لق اولمق اوزره ایکی دانه
انشا اولمشدر . بورایه قدر ذکر اولنان سفائنک کافه سی چکدیرمه
انواعندندر . سفن مذکوره دن (قادرغه) ، (باشتارده) ، (ماونه)
ناملریله یاد اولسانلر همان بر ایکی عصر اولنه گلنجه یه قدر عثمانی
دوئماسنی تشکیل ایلین باشلیجه حرب گیلری اولوب، شکل وجسا-
متلری، افراد موجوده لری، اسلحه حربیه لری و خصوصات سائرله لری
حقنده معلومات مکمله تحصیل ایلمک تاریخ بحریمزی تزین ایلین
محاربات جسیمه نك نه وجهله قزانلمش اولدقلرینی واسلافلزك بوگونکی
گونده جداً حیرتمزی موجب اولان مظفریات عظیمه لری فصل

گمیلرله حصوله گتیرمش بولندقلرینی آکلاتهجنی و حیرتمزی برقات
دها تزید ایلیمه جکی جهتله بوراده سفن مذکوره یه دائر اطرافلیجه
ایضاحات اعطاسنی مناسب گوردک ؛ شویله که ، بواوج صنف سفائن
شکل و هیئتجه همان یکدیگرینک عینی اولوب ، فقط جسامت جهتله
فرقلی ایدیلر . اک بیوکلرینه «ماونه» ، اک چوککلرینه دخی «قادرغه»
دینیلرک هرایکیسی بیننده اولانلرده «باشتارده» نامی ویریلیردی ؛
فقط دونما آمیرالنک رکوبنه مخصوص اولان بشتارده جسامت
جهتله ماونهنکده فوقنده ایدی .

قادرغه — عثمانیلرک قادرغه تعبیر ایتدکلری حرب سفینهلری
ایتالیان و فرانسلرک «غالر» ، انکلیرلرک «غالی» ، اسپانیولرک
«غالهرا» (Galera) نامیلر یاد ایلدکلری گمیلرک شکلاً همان عینی
ایدیلر . ملل مذکورهدن بالخاصه وندیکیلرک قوللاندقلری قادر -
غهر جسامت جهتله عثمانلی وسائر ملتلرک قوللاندقلری قادر -
غهرک فوقنده بولندیغندن فرق و تمیز اولملرنده سهولت وار ایدی .
بونلر غایت خفیف واوزون وطار وهمان صوایله برابر عد اولنه جق
درجهلرده آلحق و غایت قوروزلی تکنه لر اولدقلرندن گرک سوق
و تجریکلری و گرک صورت استعماللری سهولتلی اولغله بحر سفید
سواحلنده بولنان هر ملت بحریونی طرفلرندن عمومیت اوزره سائر
نوع سفینهلره ترجیحاً قبول اولمشلر و عصرلرجه قوللانیله گامشلردر .
عثمانیلرک قوللاندیغی قادرغهلرک قائمدهن قائمه یه طوللری (۱۶۵
الی ۱۶۸) ، عرضلری (۲۱ الی ۲۲) ، قیچ ارتفاعلری (۱۷
الی ۱۸) ، باش ارتفاعلری (۱۰ الی ۱۱) قدم عثمانی ، کمره ارتفاعلری
دخی (۵) قدم بر پارمق الی (۶) قدم بر پارمق اولوب ، قیچلری
ذاتاً آینه لیکلی اوله رق انشا قلنه گلدیکی حالده صکره لری دکره

دھا زیادہ طیانین ایچون نصف کرہ شکنده مرور اوله رق یاسلمغه باشلانمشدر .

بوگمیلرک ابعادی حقنده ویریان معلوماتدن دخی آکلاشیله جنی وجه اوزره قیچلری باشلرینه نسبتاً دھایوکسک وباش بودوسلمه لری اومورغلرینه عمودگی بر وضعیتده اولمغله — تالیملارلرندن صرف نظر — پرووه جهتلری گورینشده شمیدیکی (بالطه باش) تعمیر اولنان واپورلره همان مشابه اولدینی گی باش وقیچلرنده برقصاره لری موجود اولوب، قیچ قصاره لرندن ایکی اوچ آیاق براسکله ایله آشاغییه ایندیکی صورتده باش قصاره لرینه قدر گمینک گوگرته سندن عبارت اولق اوزره طولنجه ممتد طار واوزون بر صالونه گیریلیدی . ذکر اولنان قیچ قصاره لرینک اطرافی وارده وله ، غالاریا و شبقه لرله محافظه اولنوب ، اوزرلرنده دخی قپودانلرله سلاح اندازلر بولنور وقوماندا مصالحتی بوموقعلردن اجرا قلنیردی ؛ فقط بزده انشا اولنان بو مثللی قصاره لر وندیک قادره لرندکی قدر جسامتلی دکل ایدی ؛ چونکه ، بزده جنسکاورلر مانعه لره ، یعنی کورک آرملرینه تقسیم ایدیله گلدیکی حالد وندیکلیر محاربلینی قصاره اوزرنده بولنیرمغی اعتیاد ایلمش اولدقلرندن اشبو عسکری استیعابه کافی اوله بیله جک صورتده قصاره لرلی ده گمیلرک طولنه طوغری زیاده جه یر طوتمق اوزره انشا ایدرلردی .

سفائن مذکورہ نك بورده لرندہ باشند قیچہ قدر ممتد (قنار) تعمیر اولنور برر شهنشینلری اولوب ، کوپشته لری دخی طیشارییه طوغری مائل بر وضعیتده اوله رق انشا قلنیر وسنجاق ، اسکله یکریمی بشر عدددن عبارت اولان کورک اسقارموزلری اشبو کوپشته لر اوزرینه موضوع بولنوردی . گمیلرک ایکی طرفلرینه بویله چیقمه لر انشا اولتمقدن مقصد کورک طوپاچلرینک گوگرته لرده چوق یر طو-

تماملری وافرادی سربستجه باشه، قیچه گز نملرینه مانع اولماملری ایچون اولدیغنده شبهه یوقدر . بونلرک یالکیز باش طرفلرینه (۳) عدد طوپ قونیلوب، دیگرلرینه نسبتاً جسم اولانی اومورغه استقامتده مخصوصاً آچیلمش اولانیو وایه و دیگر ایکسی طرفینه یرلشدریلیردی؛ فقط وندیك قادرغه لرنده بووجهله یالکیز باش طرفه بر آغر طوپ قونیلوب، چاپلری کچوک (۲) ویا (۴) عدد خفیف طوپلر دخی گمینک وسطنه و سالف الذکر گوگرته لر اوزرنده کورکلر آرهلرینه تصادف ایتک اوزره وضع اولنوردی . بو گمیلرک بعضاً قیچلرینه ده باشلرینه قونلیدی و جهله برر طوپ قونلیدی گورلمشدر . وندیك غایلرینک بزم قادرغه لردن برفرقی دخی ازمئه ماضیه ده جاری اولان اصوله موافق بر صورتده باشلری موزورلی و غایت کسکین اولوب، تکنه- لرینک ده سیاهه بویالی بولمنسی ایدی . بو جهته مغربلر آنلری « غراب » نامیله یاد ایدرلردی ؛ مع ذلك ، عثمانیلر طرفدن شط نهرنده قوللا- نیلان قادرغه لر بالاده تعریف اولنانلرک هان عینی اولمیوب، بعض مرتبه فرقلی اوله رق انشا قلنیرلردی؛ شویله که، بو گمیلرک بورده لرنده (مهرنشیع) تعبیر اولنان حقیقه لری موجود اولمیدیگی درونلرنده کی افرادی دشمن مر میاتندن محافظه ایچون کویشته لری دخی غایت یوکسک اوله رق انشا قلنیر و صره واری مازغال شکننده لومبوزلر کشاد اولنوب، کورکلر بوزالردن ایشله دیلیردی . بویولده انشا قلنن گمیلره دخی (غراب) نامی ویریلوب، اول وجهله زباززد اولمشلردر . بر قادرغه نك ایکی عدد دیرکی اولوب، بونلر دخی حین اقتضاده آشاغییه آله بیلیرلردی . وندیك قادرغه لرینک هر ایکی دیرکی ده (سوییه دونام) اولوب، بیوک لاتین یلکینلرینی حاوی ایدیسه لرده لبته قادرغه لرک یالکیز غرانندی ستونلری سوییه اوله رق پرووه ستو- نلرنده برر تر نکت سرنلری ده موجود ایدی . بو گمیلرک عرضلری

يك دون بولنديغی جهته سرت هوالرده يلكن قوللانه ميوب، ديركلى
 آشاغییه آلمغه و كوركله حركت ايتمه مجبور اولورلردی؛ چونكه .
 عرضاً وسعت سزلىكلى ايله غير متناسب بر صورتده طوللری زياده
 اولديغندن بومثللى سرت هوالرده شايد يلكن ايله سيروسفر ايدجك
 اولسهلر دكزلرك صدماتيله بللری قيريله رق غرق و تلف اولملری
 محقق ایدی؛ فقط طوللرينك زياده لكندن طولايده ابي هوالرده
 غايت زياده سرعته حركت ايدرلر و صولرى آز اولمقدن ناشى سرت
 هوالرده ايسه تكلرى ليانلره و قويلره گيرهك بارينه بيليرلردی .
 بولر عصر حاضر ك سرعت واپورلری مقامنده اولوب، بارينه جقلری
 يرلرده ديركلى آشاغییه آله رق اول و جهله ياتارلر و خارجدن
 بو حال ايله گوريله ميه جكلرندن اكر صيغندقلری محل دشمن ساحلى
 ايسه ليلاً او موقعی آتسه ويرهك ياقوب يغما ايدرلردی. افراد موجوده-
 لری دخی: آرمه و يلكنلرك اداره سنه مأمور برپورسون ايله معيتنده
 (۱۹) نفر آرمه دور، ايكي نفر سردومن، بر معلم يلكنجی ايله رفاقتنده ايكي
 نفر واردیان (بولرك بری «ساستره» يعنى دودك چالار، ديگرى يلكنلرك
 اداره سنه نظارت ايدرلردی)، ايكي كورك يايچی، ايكي قلقانچی، ايكي
 مراقوز و سائر ايله برابر غايه مجموعی (۳۵) نفر گميچی اولوب،
 (۲۵) اوتوراغك بر كورك محلی مطبحه ترك اولنه رق باقى (۴۹)
 كوركه دردر [°] پايزندن (۱۹۶) نفر كوركى و (۱۰۰) نفر

[°] بولرك اكترى اسراى حربيه ايله ارباب جرم و جنايتدن اولدقلرندن كورككر حذاسنده
 كوركترله چاقى اولان مابه (خلقه) لره اياقلردن زنجيرلره كوستكلى بولنديرلر و بولردن
 اسرا صنفه «فورسه» تعبير اولنديغی كبی هرايكيدسده (پايزن) نامی ويريلىردی.
 فورسه (Forza) تعبيری ايتاليان لسانندن مأخوذ اولوب، كوركه محكوم مجرم معناسی
 ائده ايتكده ايسده بزه كوركده قوللانيلان اسراى حربیه خرستيانیه به تخصيص ايدلشدر.
 كبلرده اسراى حربيه كورك چكديرمك عاذق (۱۵) نجي و (۱۶) نجي عصر ميلاديلرده يك
 زاده رواج بولش اولوب، و تديك، جنوز، بارسلونا، قارطاجه (تونس)، مالطه، جزاير
 و عثمانلى قبودانلری اسراى مرقومه ينه منسوب اولدقلری ملتره قارشى وقوع بولان محاربانده
 بيله قوه جبريه، يعنى قراج قوتيله كورك چكديرهك بو طريق ايله حربى قازانغه چالشيرلردی .

جنکچی (سلاح انداز) اولق اوزره بر قادرغه موجودی (۳۳۰) نفره بالغ اولوب، جمله سی پوصله وخریطه استعمالنه واقف، مقتدر بر قپودانک تحت اداره سنده بولنور و قپودان مرقوم رئیس عنواتی حائز اولوردی. [لوحه (۷، ۶، ۵)]

باشتارده — بزده بونام ایله تسمیه قلمش اولان سفائن حبیبیه مقابل وندیکلیلرک قوللاندقاری گمیلره «غاله ریس باتاردیس» (Galères) (Batarde) تعبیر اولنوردی: بناءً علیه، (باشتارده) نامنک دخی (باتاردیس) لفظندن غلط اوله رق استعمال ایدلیدی محققدر. بو صنف سفائنک جسامت جهتیه یکدیگرندن فرقلی اولق اوزره بزده بر قاق نوعی اولوب، اک جسم اولانلرینه (پاشا بشتارده سی) تسمیه قلمشدرکه، سفائن مذکورهنک طوللری (۲۱۰) دن (۲۱۶) قدم عثمانییه قدر اولوب، (۳۶) اوتوراغه تقسیم اولنور وهرکورکنه یدیشمر نفر تعیین اولنوب، هرمانغه سنده اوچر نفر جنکاور مأمور ایدیلیدی. بونلرک قادرغه لر مثلی باش طرفلرینه اوچر طوپ وضع اولندقدن باشقه چیقمه لری اوزرینه دردر بشر عدد کچوک چاپلی خفیف طوپلر دخی وضع و تعبیه اولنور وپاشا گمیسی اولدغنه بر علامت فارقه اولق اوزره قیچ قصاره لری اوزرنده اوچر قنار ایقاد ایدیلیدی. مرتباتی: (۵۰۰) نفر کورجکی، (۲۱۶) نفر جنکچی، (۴۸) نفر دخی گمیچی و طوپچی ایله مجموعی هان (۸۰۰) نفره بالغ اولور و بونلرک جمله سی فن دریاده ماهر قدملی بر «رئیس» قومانداسنده بولندیریلیر ایدی که، گمینک قپودانلغی دخی بودانک عهده سنه محول ایدی. [لوحه (۸)]

اورت **باشتارده** — (۲۶) اوتوراق اولوب، طولاً (۱۷۱) قدم و عادتاً قادرغه نک براز دها بیوجکی دیمک ایدی. بر نوع بشتارده دها موجود ایدی که، بوکا «خنکار گمیسی» نامی ویریلیر

وپاشا گمبسی گبی بودخی اوچ فنار ایقاد ایدردی . اسمندن دخی
 آکلاشدینی وجهله بوگمی رکوب شاهانه به مختص اولدیغندن سفن
 سائرده نسبتاً زیتلیجه اولوب ، وزرای عظامدن بری دونمانک
 قره عسکری سرداری تعین بیوریلیرده قپودان پاشا ایله برلکده
 سفده عازم اولورایسه اوزمان بوگمی به بیزردی . سفینه مذکورده سفن
 سائرده دن تفریق ایدن باشلیجه علامت خارجیه تکنه ودرک وکور -
 کلرینک یشیله بویالی بولنسی ویشیل رنگلی سنجاق کشاد ایلمسی
 اولوب ، غراندی ستوننده دخی پاشا سنجاغی بولنوردی . « واردیان
 باشی » [اسکیدن ترشانهجه بیوک بررتبه ایدی] بوگمینک رئیس [سوار -
 یسی] بولنق قانون قدیم اقتضاسندن ایدی .

ماره — ماونه نامی آلان باشارده دخی وندیکیلرک « ماهون »
 (Mahon) و « غالیزه » (Galeazza) تعیر ایتدکلری سفائنک عینی
 واکثریا ایکی وبعضاً اوچ دیرکلی اوله رق انشا قلنیر و فقط تکنه سی
 عریض و یوکسک و باش و قیچ طرفلری قصارده لی اولوب . طولی
 (۱۹۵) ، عرضی (۳۳) ، قیچ ارتفاعی (۲۰) ، باش ارتفاعی (۱۲٫۵) ،
 کمره ارتفاعی دخی (۷٫۵) قدم اوله رق (۲۴) عدد طوبی حامل
 بولنوردی . بویله بر حرب سفینه سنک امر اوارده سی مجرب الاطوار ،
 آموردیده وکار آزموده — رئیس نامیله یاد اولنور — بر قپودانه محول
 اولوب ، مرتباتی دخی (۴) معلم سردومن ایله ایچلرندن اک ماهری
 پورسون رتبه سی حائز (۴۰) نفر آرمه دور ، (۲۶) اوتوراغسک
 سنجاق واسکله سنده واقع بهر کورکده یدیشر نفر دن (۳۶۴) نفر
 کورکچی و قنادلر اوزرنده و هر ایکی کورک آره سنده اولان مانعه لرده
 اوچر نفر اعتباریله (۱۵۰) نفر جنکاور و (۳۰) نفر معلم طوبیچیدن
 عبارت اولوب ، بر حساب متوسط ایله (۶۰۰) نفر قدر موجودی
 بولنوردی . [لوحه (۴) شکل (۲)]

یوقاریدن بری ذکر وایضاح ایلمکده بولندیغمز سفن حربیه
متنوعه نك ترتیبات عسکریه سی حقنده و یردیکمز معلوماتك نتیجه سی
اوله رق حساب وسطی ایله بر ماونه موجودی (۶۰۰)، بر بشتار -
ده موجودی (۸۰۰)، بر قادرغه موجودی دخی (۳۰۰) نفرا اعتبار -
اولنور و عادتا (۴۰) قطعه قادرغه (۶) قطعه ماونه و بر قطعه
باشتارده دن عبارت اولمق اوزره (۴۷) پاره سفن حربیه
بر دونما نامی و یریلردی که، بو دونما نك موجودی (۱۶۴۰۰)
نفر اولوب، مقدار مذکورك (۱۰۵۰۰) نفری کورکچی، (۵۳۰۰)
نفری جنسکچی عسکر دن عبارت بولنوردی؛ فقط دونما نك
« انچه فیله » قسمی تشکیل ایتک اوزره رفاقتنده (۲۰) قطعه ده
« بك کیدری » بولندیرق اصول موضوعه اقتضاسندن اولمغه سفائن
مذکورده نك بهرنده دخی یوزر نفر جنسکاور بولنه جغندن بو حسابجه
(۶۷) پاره سفائن دن عبارت بر عثمانلی دونماسنده (۷۰۰۰) قدر حرب
و ضربه مأمور نفرات بولنوردی .

ایشته (۶۷) پاره سفائن متنوعه دن عبارت بر عثمانلی دونماسنك افراد
موجوده سی حقنده ذکر اولئان مقدار، مقنن اتخا ذ اولندیغی صورته
زیاده و نقصان چیقارلمش اولان دونمالر موجودی دخی اشبو مقدار
مقنه نسبتاً تقریبی اوله رق حساب و استخراج اولنه بیلیر . سفن
مذکورده موجود اولان آلات و ادواتك باشلیجه لریله اسلحه ناریه
و مهمات حربیه نك جنس و مقداری دخی آتیده ذکر اولنور :
شوویه که، بر قادرغه ده بر عدد صندال، اوچ عدد سرن، بر دومن
(یدکلك)، (۷۵) عدد کورك، (۵) عدد تیمور، (۵) عدد یلکن .
(۱۰) عدد حلاط غومنه، (۲) عدد تنته، بر عدد چادر، (۲) قنطار
بزیر یاغی، (۳۳۰) عدد واریل؛ (۲۰) گونلك پکسات، (۸) قنطار
طون یاغی . بر مقدار استوی وزفت، (۲) لوحه قورشون،

بر استقنیل، آرمه و سلاویچه دکشدرمک ایچون مختلف بور غطه ده
(۲۷) روده خلاط، بر زفت و بر یاغ قزغانی، بر کفگیر و بر کفچه
وسائره بولندیریلیر ایدی.

مذکورالاسامی اشیای موجوده دن اوچ عدد سرنک ایکسی احتیاطاً
گمینک سنجاق، اسکه قنادلری آلتده حفظ اولوب، شاید ستونده کی
سرن بر سببه قیر یله حق اولور ایسه بولردن بری محله قالدیریلیردی.
(۷۵) عدد کورکک دخی قرق طقوزی قوللانیلوب، باقی یکر می آلتسی
احتیاط اولق اوزره آنبارده حفظ اولنوردی. بش عدد تیمورک ایگیسی
یدیشر و دیگرلری سکز، طقوز، اونر قنطارلق اولوب، ایکی یدی قنطار-
لقلرگوز تیمورلری و دیگر ایکسی او جاقلق مقامنده اوله رق گمینک گو-
کسند بولندیریلیر و اون قنطارلق تیمورده احتیاطاً آنبارده حفظ
اولنوردی. ماونه و باشتارده لک دخی ایکسی ایکشر طرناقلی و اون
آلتیشر قنطار ثقلندده، دیگر دردی دردر طرناقلی و اون ایکشر قنطار
ثقلندده اولق اوزره آلتیشر عدد تیمورلری بولنور و یقین و قتلره
گلنجه یه قدر تیمورلرده زنجیر قوللانمادیغندن مذکورالعدد اوچ منه لر
دخی زنجیر مقامنده قوللانیلیردی. مذکور درت پارچه یلکنک
اوچی مثلث و بری مربع الشکل اولوب، مثلث یلکنلردن بیوکنه
«جان قورتاران» تعبیر اولنوردی بو یلکن (۷۵) یپراق اولوب،
(۱۴۰۰) آرشون بزدن اعمال اولنور و قومه اوتورمش اولان
برسفینه یی یوزدیرمک ایچون قوللانیلیردی؛ مؤخرأ لزوم سزگور یلهرک
اعمال واستعمالندن صرف نظر قلنمشدر. مذکور مثلث یلکنلردن
دیگرینه «اورته یلکن» نامی ویریلیردی که، بوده (۱۲۰۰) آرشون
بزدن اعمال اولوب، هر زمان قوللانیلیردی. اک کچوکی دخی (۸۰۰)
آرشون بزدن اولور و بوکا «بورده یلکنی» نامی ویریلوب، فورطنه
اثنا بنده استعمال ایدیلیردی.

مربع الشکل اولان سرن یلکنی ایسه (۶۰۰) آرشون بزدن اعمال اولنه رق « ترنکته » نامیله یاد اولنور وهر زمان قوللانیلردی. تنته لرك هر بری آلتش بشرطوب قالین بزدن اعمال اولنوب، هر طوب دخی طولاً اون بشر آرشون گلیر ویاغوردی زمانلرده ایکسی بردن یاپیلردی. | چونکه، بوگمیلرک پالاوره وطاوولون وطوب آنباری گی عسکر بارندیره جق یرلری اولمدیغدن بالضروره کیجه گوندز گوگرته ده بولنه جق اولان عسکری صوغوقدن ویاغوردن محافظه ایتک ایچون ایکی تنته بردن یاغفه احتیاج مسایدردی. | یلکنلر هر نه قدر اوچ درت سنه ده برتبدیل اولنور ایدیسده تنته لرك بری مطلق هر سنه دکشدر ملک اصولدن ایدی.


چادر — قیچ تنته سنه تعبیر اولنور وهر قادرغه ایچون یتش آرشون بکلک چوقه دن اعمال اولنوب، هرایکی سنه ده برکره ده دکشد. یریلردی. پاشا باشتارده سنک چادری ابتداری سراسردن اولوب، صکره لری بریشیل و برقرمزی قطفه دن اعمال اولمش ونهایت قرمزی چوقه دن یاپلمس نه قرار ویرلشیدی. دوشمه سیله برابر (۱۰۰) بیگ غروش مصرفله وجوده گلیر وهر سنه تجدید اولنوردی! قادرغه لره ویریلن (بزیراغی) گیجه گوگرته لرنده اوچ مختلف موقعه ایتقاد ایدمک ایچون اولوب، مقنن اوله رق سنوی ایکی قطار اعطاقلنیردی. باشتارده وخنکار گمیسنک لیلاً قیچ اوستنده اوچ فانوس [فنار] ایتقاد ایدمک اصول جاریه دن اولوب، فقط دول سائر قوماندان گمیلرنده بو فنارلر عرضانی [اومورغه یه عمود] اوله رق وضع اولتمقده بولملرندن آنلره بکزه دلمه مک ایچون بز مکیلرده طولاً، یعنی اومورغه خطنه موازی دیزیلیر و ستونلرنده گیجه فنار، گوندز سنجاق بولندیرمغه دخی رعایت اولنوردی.

دونمانک کافه سنه لیلاً فنار ایتقاد ایدمک عادی ده اوزمانلر جاری اولمدیغدن « ناظم رونما » مقسامنده اولان گمیلره دخی لیلاً

سفائن سائر دنك اوكلرينه دوشوب، ارائه طریق ایتك ایچون هر سنه میریدن ایکسی برقیه قفلتنده یکر می بشر عدد صاری بالومی اعضا اولنوردی. سفن حربیه نك کافه سنده ایچه جك صوینی قویق ایچون هر نفر باشنه بررواریل و هر گمیچی و کوکچی یه یومیه یارم قیه پکسات ویریلوب، یالکز پاشا گمیسنك جنکجیلرینه دخی پکسات ویرلک اصولدن ایدی. یکی برگمی انشا اولندیغی زمان اول امرده تکنه سی فونده ایله یاقیلوب قورودیلور و صکره قلفات ایدیلوردی. برقادرغیه برنجی قلفاتنده (۱۲) قطار استوی، (۲۵) قطار زفت گیدردی؛ مؤخرأ (۲۰) قطار تزیل قلنمشدر. و هر یاغلامده دردر قطار طون یاغی صرف اولنور و اقتضا ایتدکجه یاغلانوردی؛ فقط بر سفرده اوچ دفعه یاغلامق عادت اولوب، بونک بری ترسانده ایکسی ده طشرده وقوع بولوردی. طشرده یاغ محلده ایکی گمی بی بر برینه طیاوب اول وجهله آتی کیشی یاغلر و قلفات ایدردی. گمیلده بولندیریلان ایکشر لوحه قورشون ایسه حین اقتضاده فالیه [دلیک] قیامق ایچون اولوب، کورکلرک پالا طرفلرینك ثقلتی تنقیص ایله موازنت پیدا ایتدیرمک و چکیلرلرنده قولایلق اولق ایچون طوپاچ باشلرینه ایکشر قیه قورشون اصاغه ایتك دخی اصول موضوعه دن ایدی. هر گمیده خریطه و پوصله استعمال ایتك ایچون ایکی ماهر رئیس ایله عمق دریایی اولچمك ایچون بر اسقندیل و پاشا گمیلرنده برده آینه [دوربین] بولندیریلوردی. پاشا باشتارده سنه و کدخدا [بحریه رئیس مقامنده بیوک برضابط] گمیسنه میریدن «فلاندره» و «قیچ بایراغی» و «پاشا سنجاغی» و «یل بایراغی» [پیکل اوله حق] و سائر گمیلره یالکز صاریلی قرمزلی برر «قیچ بایراغی» ویریلیر و سائر بایراقلری و فلاندره لری رئیس کندی طرفلرندن تدارک ایدرلردی.

قپودانلر و رئیسلر گمیلرجه لزومی اولان کافه مهماتی مخزنن

آلیرلر و قپودانلره قومانیہ مصارفی نامیلہ بحریہ خزینہ سندن سنوی اون بشر بیک آچہ دیر یلردی . بو گمیلرده مستعمل اولان اسلحه ناریه نك باشلیجه لری طوپ و تفنگ اولوب ، دونمایدیه مأمور اولان جنکاوران ذاتاً سلاحلریله برابر گله جکارندن گمیلرک مقنن اوله رق اسلحه خفیفه سی همان یوق حکمنده ایدی . طوپلر ایسه یوقاریده دخی بیان اولندیغی وجهله قادرغه لرده اوچر قطعه بولندیریلوب، بولردن باش طرفلره — اومورغه اوزرینه — موضوع اولانلرک طوللری (۱۴) ، (۱۵) قاریش و مرملیری (۱۲) قیه ثقلتنده ایدی . بونوع سفائن دها جسم طوپلرده قالدیریله بیله جک قدر متاتی حائز اولد . قلرندن بعضیلرینه چاپلری زیاده طوپلرده وضع اولندیغی وقوع بولوردی ؛ خلاصه ، قادرغه لرک باش طوپلری (۴۰) قطارلقدن آشاغی دکل ایدی . باش اوموزلقلرینه وضع اولسانلر دخی طوللری اوزر قاریس و (۳) دن (۹) قیه قدر مرمی انداخت ایدر « قلوبر » [فرانسزلرک (Coulevrine)] تعبیر ایتدکری نامیلیری اوزون بر نوع قوال طوپلری) طوپلری اولوب ، بونلرک طولاً دها زیاده بولمنسی محسنات کثیره یی موجب اولوردی . ماونه لره وضع اولنان (۲۴) عدد طوپلرک (۸) دانه سی باش طرفلرینه ، (۴) دانه سی قیچ طرفلرینه ، (۱۲) دانه سی دخی بورده لرینه یرلشدیریلردی . باش طرفه موضوع اولان (۸) عدد طوپدن ایکسی اون آلتیشر قیه ثقلتنده مرمی انداخت ایدر جسم شیلر اولوب ، بونلر پرووه جهته و سنجا ق ، اسکله اومورغه یه موازی اولق اوزره وضع اولنورلر و دیگر (۶) قلوبر طوپلرندن ایکسی مذکور بیوک طوپلرک جانینه ودردی قصاره اوزرینه وضع اولنوب . قیچ طرفنده کی (۴) طوپدن دخی ایکسی دومن اوینه و اومورغه یه موازی و دیگر ایکسی قیچ اوموزلقلرینه قونیلردی . بورده لره قونیلان طوپلر دخی کورک



لوحه ۲ — اوان یدنجی عصر میلادیده قوللانیان بر (ماوند) ایلده خا بره و قوره قول
 خدمتکرنده مستخدم بر (قولانیغ)

آرد لرینه تصادف ایتک اوزره چیقمه لراوزرینه وضع اولنوب، بونلرده
صالقم و صاقولته انداخت ایتک اوزره چاپلری کچسوک و ناملیلری
قیصه « اوبوس » و سائر چرخه طویلرندن عبارت ایدی . مذکور
المقدار طویلر ایچون قادر غه لره (۲۰) و ماونه لره یوز آلتیشر قنطار
باروت و یریلیر وهر طوپ ایچون (۱۰۰) عدد دانه بولندیریلیدی .
هرنه قدر دونمای هایونی تشکیل ایدن باشلیجه سفائن حربیه بالاده
بالا طرف ذکر و بیان قلمش اولان مراکب بحریه دن عبارت
ایدیسه ده بونلره برابر اکثریا قالیون انواعندن اولان سفائن حربیه
جسیمه دخی استعمال اولنمیشدر .

اصطلاحات بحریه عثمانیه جمله سندن بولان (قالیون) تعیری ایوم
اوچ آنبار لیلرله قباقلره تخصیص قلمش ایسه ده اساساً بردن زیاده
گوگرته می اولوب، باشلیجه یلکنله قوللانیلان بیسوک سفینه لره تعیر
اولنوردی [لوحه (۹)] . بالاده دخی بر تفصیل بیان ایدلیکی وجهه
بوصف سفائنه اجنبی بحریونی طرفلرندن علی العموم (غالیون)
و (غالیس) نامی و یریلیر؛ و فقط بونلرک دخی گرک شکلاً و گرک
حجماً یکدیگرینه نظراً از چوق فرقلری اولوب، « قاراقا » بارجه ،
« قاراده لا » یولا قا ، بورتونه و سائره گی مختلف نوعلری بولنوردی .
بونلر دن پورتکیز و اسپانیوللرک « قاراقا » (Carraca) و انگلیزلرک
« قاراوه » (Carack) تعیر ایتدکلی قالیونلر قرون اخیره
مبادیسنده قوللانیلان سفائن حربیه نک ال جسیملری اولوب ، بونلر
باشلیجه پورتکیز و اسپانیوللر طرفندن استعمال اولنوردی [لوحه
(۱۰)] .

یارجه (Bargie) نامی و یریلن قالیونلر اول امرده فلمنکیلیر
طرفندن انشا قلمش؛ و فقط عموم اوروپا ملتلی طرفندن قوللا-

نلمش اولان دیبلری دوز و یوک نقلنه مخصوص سفائن جسیمه اولوب ، قاراقالرك مادوننده عدا اولنور و خصوصات حربیه ده دخی استخدام ایدیلیرلردی [لوحه (۱۱)] .

اسپانیوللرك « قاراوله » (Caravela) ، ایتالیانلرك (Caravello) ، انگلیزلرك (Caravel) و فرانسزلرك (Caravelle) تعیر ایتدکلی قالیونلر دخی باشلیجه خدمات نقلیه ده مستخدم اولوب ، اسپانیوللرله برابر فرانسز ودها بعض ملتلر طرفدن دخی قوللانیلیردی . [لوحه (۱۲)] .

« پولاقا » (Polacca یا خود Polacre) ایسه قالیون انواعندن اوچ دیرکلی و سوبیه دوناملی برسفینه اولوب ، علی العموم آق دکرده طولاشان بحریون طرفلرندن قوللانیلیردی [لوحه (۱۳)] .

دولت علیه عثمانیه بحریه سنده ایلك دفعه اوله رق قالیون انواعندن سفائن حربیه « سلطان بایزید ثانی » دورنده قوللانیلوب ، « کورکه » [گووه] نامیله توسیم اولتمشلردر . « سلطان سلیمان قانونی » دورنده دخی (۱۵۰۰) دن (۲۰۰۰) طونیلاتیه قدر حموله استیعابنه کافی وقاراقا انواعندن سفائن حربیه جسیمه قوللانیدینی مضبوط توارینخدر . سفائن مذکوریه دائر غالیون وغالیسارک تعریفی صره سنده تفصیلات لازمه اعطاقلنمش اولدیغندن بوراده تکرارندن صرف نظرایلدی . بوگمیلر هر نه قدر کورکه دخی تحریک اولنورلر ایدیه ده حرکتلری باشلیجه یلکن و دیرکه ، یعنی روزکاره متوقف اولدیغندن اثنای حربیه روزکار هبوب ایتدیکی زمانلر پک اوقدرایشه یارامازلردی . بوجهته سفائن مذکوریه قارشى خفیف قادر غه لرله حرب ایتک ممکن اولدینی گبی اکثر یا ظفرو غلبه ده دخی نائلیت وقوع بولوردی ؛ چونکه ، بوگمیلر هر نه قدر آغر طوپلرله تجهیز اولتمشلر ایدیه ده عصر حاضره نظراً ده اوزمانلر طوپچیلق صنعتی پک گیریده بولندیغندن مذکور طوپلردن

حقیقه استفاده اولنه ماز، یعنی بونلر طرفندن انداخت اولسان
مرمیااتک خفیف قادر غله لره ایراث ایتدیکی خسار پک جزوی
مرتبه ده اولوردی : بناء علیه، عثمانلیر طرفندن سفائن مذکوره
باشلیجه نقلیات امورنده قوللانلق تنسیب اولمش واول وجهله
حرکت ایدلمش ایدی .

دور سلیمانیدن صکره بزده بر مدت بوگی سفائن جسمه نك
استعماللری ترك اولمش ایسه ده ینه حاصل اولان احتیاجه مبنی
(۱۰۵۴ هـ) تاریخلرینه طوغری « بورتوره » [لوحه ۱۴] تعیر
اولنان (۴۰) و (۴۵) عدد طوب چکر قالیونلر استعمال اولمش
ونهایت (۱۰۶۱ هـ) تاریخندن اعتباراً بو وسائر نوع قالیونلرک
استعمال وتکثیرلرینه دوام اولنه رق (۱۰۹۳ هـ) تاریخنده دخی
سکسانز پاره طوب چکر قیاقلرله یوز اونز پاره طوبلری حامل
اولان اوچ آنبارلی قالیونلر انشاسنه باشلانلمشدر .

سکرنجی فصل

اسکیدن دونخانک دکره قیامنده اتخاذا اولنان اصول وقواعد احتیاطیه : —


دو نمنای هایون قدیمدن بری بشکطاش اوکنده یاتمق عادت اولدیغندن برمحله قیام اولنه جنی زمان اول امرده یدی قله اوکنه واریلوب ، اوراده عسکری گمیلره یرلشدیرمک ایچون بر ایکی گون آرام اولنوردی . بورادن دخی قیام اولندقدن صکره ارکلی ، مرمره اکنلک ، گلیبولی وبوغاز حصاری [چناق قلعه] خارجنده پیاله پاشا باغچه سی سرویلکلی برر (یتاق لیان) وقرقر آلتیشر میل منزل اولدقلرندن بولیمانلرک کافه سنده یاتیلیر و (لیان باصلمز) ، یعنی ایلریده کی لیمانه گیدمک اوزره یوله دوام اولنمازدی . سرویلکده برگون قالینوب ، صو واریللری طولدیرلدقدن و صندالر قلعه سلطانیه یه گوندریلوب ، گمیلری یاغلامق ایچون لزومی اولان اوتوزر طومرق چرا دخی آلدقدن صکره قیام اولنوردی . بولیمان موصلت اولندیگی زماندن اعتباراً — بوغاز خارجنده امنیت اولمدیگی جهتله — دائماً ایکی قطعه یوروک قالیه قره قوله مأمور ایدیلیر و دونمادن ایکی اوچ میل آلا رغده یاتیریلردی . بورادن صباح نمازی قلندقدن صکره قیام اولنوب ، تأنی ایله ایلرینیر و ذکر اولنان قره قول قالیه لری اوچ میل ایلریدن گیدوب ، شاید برگوردکلری اولورایسه اشارت ایله دونمایه اخبار کیفیت ایدرلر و « ترسانه کدخداسی » [شورای بحریه رئیس مقامنده بر آمر] (۱۰) قطعه منتخب قادرغه و باشتارده ایله آرد قره قولنه

مأمور اولوب، دو نمانك آرقه سی صره گیدر و گيجه لین برقرار ایتاد ایدردی. وظیفه سی ایسه حرکتدن قالان و فورطنه عارضه سیله یلکنی پاره لوب، سرنی قیریلان و سائر گونا سقطنان گمیلره امداد ایتک و آنلری یدکه آلق گبی مصالح مهمه بی ایضادن عبارت ایدی. اک گیریده دخی ایکی بک گمیسی بولندیریلوب، بولنرده دو نمانك قیامندن بر ساعت صکره قالقارلر و شاید گمیلردن گیری یه قالمش عسکر واریسه آنلری طویلایوب. منسوب اولدقلری سفائنه ایصال ایدرلردی. بابا برونی طولاشیلوب، سیوریجه لیانی و مدلی و ساقزه اوغرانلقدن صکره روم ایلی یقاسنه گچیلیر و اغریبوز و مودوندن ناوارینه واریلیردی. دو نمانك جمعیتکاهی و میدان باشی، یعنی اس الحركات اتخاذ ایلدیکی نقطه بولیمان ایدی. بورایه مواصلت اولندقدن صکره تحقیق احوال ضمننده اسیر آلق ایچون دشمن یقاسنه [باشلیجه ایتالیا سواحلی اوله جق] ایکی سرعتلی قالیته گوندریلیردی. دشمن دو نمانسك جمعی دخی ناوارینه قارشی تقریباً (۵۰۰) میل مسافه ده کائن اولان مسینا لیانی اولوب، بورایه ده اکثریا پاپا، مالطه، جنوه، اسپانیا دو نمانلری گلوب، وندیک ایله مخابره ایدرلردی، اگر ایکی دو نمانده یکدیگرینک مذکور لیمانلرده بولندقلرینه دائر معلومات آله جق اولورلر ایسه لیامندن چیقیمیوب، حال تحفظیده بولنورلر و یا مخالف بر طرفه گیدرلر، فقط قیام ایتزدن مقدم سقط و سائر گونا عذری اولان گمیلری اوراده ترك ایتک خصوصنه رعایت ایدرلردی.

دو نمانا ناواریندن قیام ایتدکدن صکره اکثریا آیاماوره اطه سنك انجیر [واسیلی] لیمانه اوغرار و مؤخرأ آرشیل داخلنده کشت و گذار ایدردی. بوسیر و سفر هنکامنده اوچ گونده بر صو آلق و گیریلن لیامندن صباح نمازی قیلنمدجقه قیام اولنماق قواعد مرعیه دن اولوب، اوکله دن صکره دخی بر لیمانه یتیشیلیر ایسه اوتیهاننده اولان

نیمانه گنمز لر و انگیمنده بولمذخه — محذور دن سالم اولمذیغی جهته — گيجه دکرده قالمازلردی . اگر ردوسدن اسکندریه یه گیتمک اقتضا ایدرسه بویکی موقع بیننده اولان بعد و مسافه تقریباً (۵۰۰) میل اولدیغندن موافق هوا ایله ایکی گيجه ده مواصلت اولنور و اگر روزکار مساعد اولماز ایسه ایش کورک قوتنه بینه جکنندن بالطبع اوچ درت گيجه دکرده قلنیردی . مودوندن ، یاخود ناواریندن طرابلس غربه سفر لازم گیرایسه سیر اولنه جق مسافه تقریباً (۷۰۰) میل اولدیغندن اوچ گيجه دکرده بولنیلیر و اگر روزکار اولماز ایسه بو مسافه بالطبع کورکله قطع ایدمک اقتضا ایده جکنندن آنجق بش آلتی گونده مواصلت اولنه بیلیردی . دونما انگینه صالدرلمازدن مقدم گيجه فوطنه ظهور ایدرایسه گمیلر یکدیگرینه چاتماق ایچون هر گمینک فنار یا قسی و فناری اولمیانلرکده بر موقت فنار آصمه سی اکیداً تنیه اولنور و اثنای سیر و سفرده خریطه و پوصله استعمالنه تقید اولنه رق اوقات مناسبه و مخصوصه ده « بوزط » ، یعنی موقع سفینه تعین قلنیردی . شاید فورطنه ظهور ایدرده بالمجبوریه مخالف سمتیه گیدیه جک اولور ایسه طوتیلان حساب اعانه سیله سفائنک روی دریاده بولندقلری موقع خریطه اوزرینه تعین اولنه رق تصحیح طریق اولنور و حسابجه گيجه کناره قرق الی میل قدر مسافه قالنجه آفریقه سواحلی منحنط اراضیدن عبارت اولدیغی ایچون ده ایلرییه گیدلمکدن صرف نظرله یلکنلر ماینه وانوب ، گمیلر حال طبعیلری اوزره براقیلیر و دائماً عمق دریا اسقندیل ایله اولجیلهرک یکرمی اوتوز قولاج درینلک بولنجه همان اورایه تیمورلر فونده ایدیلیردی ؛ چونکه ، قادرغهرک طوللری زیاده اولوب ، یلکنلری دخی بالعکس آز اولدیغندن (وولطه) سیرینه الویرشلی اولمذقلری ، یعنی بونلره (تیره موله) مانورده سی اجرا اولنه مدیغی جهته سلامت سفینه یی تأمین ایچون

بویله زمانلرده تیمور آتمق شروطنه رعایت اولنوردی؛ فقط قالیونلرك بویلی قېصه و یلکنسلی زیاده اولدیغندن آنلرله تیردمسوله ایدیلوب، وولطه ایله سیر و سفر اجرا اولنه بیله جکی ایچون تیمورله - مه مکدهده برأس یوقایدی؛ خلاصه. صباح اولدقدن صکره اقتضاسنه گوره حرکت اولنوردی. بویله برسفر هنکامنده گمیلر ایکی اوچ دفعه یاغلانیرلر و علی الا کثر برکزه فوجهده، برکرده ناوارین لیمانده یاغلانمق اصولدن ایدی. یاغلی گمی ایله یاغسز گمیده سرعتجه پک بیوک فرق اولوب، مثلا بر موافق روزگار ایله اسکی یاغلی برگمی ساعتده (۷) و کورکله (۳) میل مسافه قطع ایدر ایسه یکی یاغلی ایکن ینه اویله بر روزگار ایله یلکنسله اولان سرعتک همان ایکی مثلی قدر و کورکله (۴،۵) میل مسافه قطع ایدردی. قادرغهلر یکی یاغلی ایکن موافق روزگار ایله اکثر یا (۱۵) ساعتده (۲۰۰) میل، یعنی ساعتده (۱۳) میلدن زیاده جه مسافه قطع ایلردی.



طقوزنجی فصل

ازمنه قدیمه محاربات بحریه سنده استعمال ایدلش اولان اسلحه و آلات متنوعه ایله
وسائط محاربه دائر معلومات مختصره — فوغرازوآ — بورلوتنه: —

ازمنه قدیمه ده بحرأ استعمال اولنان آلات حربك اك اهمیتلیسی
سفائنك باش طرفلرینه موضوع بولنان «*مرمیر*» لر اولوب، بومدهش
آلت ابتدای امرده میلاددن (۴۸۰) سنه مقدم آتیه لیلرله فرسلر بیتنده
وقوع بولش اولان مشهور [*] سالامین محاربه بحریه سنده «تستوقلس»
(Thémistocles) طرفدن ایجاد اولوب، سفائنك باش طرفلرینه.
صو کسملرینه قریب وضع و ترتیب اولمش ایدی. آلت مذکوره

[*] بومشهور محاربه هجرتدن (۱۱۰۲) سنه مقدم فارسلیلرله آتیه لیلر بیتنده ومدیه محاربه لری
نامیله وقوع بولش اولان محاربات متسلسله میانشده اشتهار ایتش بر بحریه محاربه سیدر. محاربه
مذکوره آتیقه شبه جزیره سیله قارشیسند بولنان سالامین اطه سی آره سنده کی طار بوغازده
وقوع بولوب، فرس دو تناسی (۱۲۰۰)، یونان دو تناسی دخی آنجق (۴۰۰) پاره سفن حریه دن
عبارت و فرسلرک سفائن حریه سی جسامت جهتیله یونان سفائنه قائق اولوب، افرادی دخی
فنیکه، قارطاجه، مصر ملاحینندن تدارک اولمش ایدی. سالامینده محاربه وقوع بولمزدن مقدم
ایلك دفعه اوله رق اغریوز اطه سنده واقع (آرتمیس) برونی پیشکاهنده بر محاربه وقوع بولش و بو
محاربه ده هر نه قدر یونان دو تناسی (۱۸۰) پاره کچیدن عبارت ایدیه ده روزکارک یاردمیه اول امرده
نائل فوز ونصرت اولشدر؛ فقط «لئونیداس» (Leonidas) فرقه سنك محو و پریشانسی
خبرخی آلدقدن صکره وقوع بولان ایکنجی محاربه ده مغلوب و سالامین جزیره سی اوکته قدر فرار
ورجته مجبور اولدیلر. سالامینده وقوع بولان محاربه ایسه علی الصبح بدأ ایشدر. شولیکه یونانیلرک
(۴۰۰) و فارسلیلرک (۱۲۰۰) سفائن حریه سی موجود ایدیه ده (۴۰۰) عددی دهالیمانه
دخولدن مقدم فورطنیه طویله رق تلف اولمش و سفائن یونانیه روزکاره مساعد جهته تعبیه
قلنش ایدی؛ بناء علیه، سفائن فرس جسیم کچیلردن عبارت اولدق لری کبی بوغاز دخی بالعکس
طار و صیقلق بولندیفندن لایقیله اداره اولنه میوب. برطاقلری طاشلره چارپه رق غرق و تلف
اولشلر، برطاقلری ده تستوقلینک همان بومحاربه دن اولجه اثر ایجاد اوله رق میدانیه چیقارمش
اولدینی مهمیر آلت مدده سیله مسلح بولنان یونان سفائی طرفلرندن مصادمه ایله باطیرلش و هر
نه قدر فرس دو تناسی ده بومانوره نك اجرا سنه سی و غیرت ایش ایه ده روزکارک عدم مساعده سیله
قدرت حاصل ایده مدکارندن مغلوباً و منهزماً فرار و (۲۰۰) قدر کچی ضایع ایشلر، یونانیلرک ایسه
آنجق (۴۰) قطعه سفینه لری غرق اولشدر.

ابتدای ایجادنده برنچدن اعمال ایدیلیر و اول زمانلردونما نك قوتی دخی خط
 حربه داخل اولان سفائنندن بوآلت مخربه ایله تسلیح و تجهیز ایدنش
 اولانلرك عددیله تقدیر اولنور ایش ! ازمنه قدیمه و متوسطه ده مهمیز
 اکثریا تیمورلی و یا بربرینه رامپا اولان و یا خود حرکتی بطی بولسان
 سفائن علیهنه قوللانیلیر و شممدیکی مثلی غایتله مخوف و مدهش بر
 سلاح اوله رق طانیلردی : بناءً علیه، دشمنه یقین اوله رق لنکر انداز
 بولمغه مجبور اولان کورکله متحرک بر دونما یا اطرافنه سر نلردن
 صال چویره رك و یا خود قازیققر چاقه رق مهمیزدن تحفظ ایدردی .
 اول وقتلرده استعمال اولنان اسلحه سائر ه گلنجه : بونلر دخی اوق .
 جرید ، طاش ، صپان ، یاغلی پاچاورد ، آتش رومی و نفط شیشه لری ،
 یعنی اجزای ناریه و مشتعل هنی حاوی جام و اخشاب خمیره لر ، اوجی
 تیمور گوندر . اوج کوشه لی اکسر ، سونمه مش کیرج ، کیدن معمول
 قاپلر دروننده عقرب وانگرك ییلانلری و قینامش زفت گبی بر طاقم
 وسائط مده شه دن عبارت اولوب ، ایکی محارب دونما یکدیگری
 اوزرینه بونلری کمال مهارت و ممارسته فیرلاتیرلر و تیمورلرینه مربوط
 اولان غومنه لرینی و یلکن و سلویچه و آرمه لرینی کسمک ایچون دخی
 اوراق و طریان مثلی آلات طویله استعمال ایدرلردی : فقط
 بونلری انداخت ایتک ایچون قوللانیلان ماکنه و دستکاهلر غایت
 قاریشق و گورلتیلی بر صورتده ترتیب اولنش شیلر ایدی ؛ مع مافیه ،
 اسلحه قدیمه ایله بالسهوله حرب ایده بیلیمک ایچون هر گمینک باش طرفنده
 بر متحرک پرده اولوب ، مذکور پرده ایجابنه گوره قوللانیلیر ، یعنی دشمندن
 اوزاق ایکن قالدیریلیر و تقریبه یکدیگرینه رامپا اولدقلری زمان تنزیل
 اولنوردی . رامپا اولندقدن صکره محاربه امنیت تامه ایله اجرا اولنسون
 ایچون ایکی محارب سفینه یکدیگرینه غانجه مثلی آلات آهنیه ایله
 مربوط بولندیریلیر دی . اول زمانکی سفینه لرده اخشابدن موقت

قوله وطایفه لر دخی نقل اولنوب، محاربه یه مباشرت اولننجه محاربه یه
وضع واقامه اولنه رق اوزرلرنده و درونلرنده حرب ایدرلر : فقط
هزیمت وقوعنده رجعت ایدر ایکن سبکبار اوله رق سرعت و سهولته
فرار ایده بیلیمک ایچون مذکور قوله و قلعه لری دکره القا ایدرلردی.
رامپا حالنده وقوع بولان بر محاربه یه محاربات بریده استعمال اولنان
اساحتہ جارحه و قاطعه ایله نهایت ویریلیر و بوائتاده سفینه یی دلوب.
باطر مق ایچون غایت آخر، اوجی سیوری تیمور بالیلر قوللانیلیر
وعسکر و گمیجیلرک کافه سی طالوب، یوزمکده ماهر اولدقلرندن
حین اقتضاده صویه آتلا یوب، گمی یی قعرندن دلهرک غرق و تلف
ایدرلردی.

ازمنه قدیمه و متوسطه ده محاربات بحریه اکثریا ساحلر قربنده،
کورفلر درونی ایله اطهر آرمسند و وقوعه گلوب، حرکت و مانورده.
لری دخی پوصوده صاقلانه رق یکدیگری اوزرینه بغته هجوم ایتک
و اثنای محاربه ده تیراندازلرینک گوزلری قاشوب ده گوزل نشان
آله ماملری ایچون طرفین محاربیندن هرایکسی ده دشمنی شمسه
مقابل بولندیرمغه صاواشیرلردی. الحاله هذه سفائن حربیه نك اك
برنجی اسلحه سی عمد اولنان طوپ آلت ناریه سی ایسه میلادك (۱۳۷۲)
سنه سنده انگلیزلره فرانسلر بیننده روشل (Rochelle) پیشگاهنده
وقوع بولان محاربه بحریه ده ایلك دفعه اوله رق استعمال اولنش
و تاریخ مذکور دن اعتباراً سفائنده قوللانمغه باشلانمش ایسه ده
اول زمانلر هر فصله بورده لره لومبار کشادی در خاطر ایدیلهمه مش
اولدیغندن اسکی غالرلرک یالکز باش طرفلرینه اوچر عدد قونیلیر
و بونلرک اك جسیملری اولان (۳۲) لره لککری وسطه گلمک
اوزره وضع اولنوب، بش آتی لبره لك اولانلری دخی جناحلرینه
یرلشدریلهرک گولله مقامنده طاش و جام و قوطی دروننده چپوی

پارچه‌لری و بوگی مواد متفرقه قوللانیسایردی . مذکور طوپلرک منتظم عرب و قونداقلری اولمديغندن ناشی سفائنك يالکز باش طرفلرينه قونداقلری و جزوی دیريسه ايله قوللاندقلری جهته بولندقلری وضعیتدن استفاده ايدلمك اوزره دشمنه قارشى [۲] بورده نظامنده هجوم اولمق خصوصى ده اول زمانك فن حربجه اصول اتخاذ قلمش ایدی .

مؤخرآ سفائنك بورده‌لرينه (مازغال) ، یعنی مدور دلیک‌لر ودها صکره‌لری مستطیل الشكل (لومبار) لركشاد اولمغله بویکیت بین البحرین بک بیوک موفقیت‌عد اولنوب، آرتق سفائنك آلابنده‌لرينه وضع اولنان طوپلری استعمال ایتمک مقصديه دشمن خط حربنه موازی نظام حرب اخذینه بدأ و مباشرت ایدلمش و محسناقی دخی (۱۵۷۱ م و ۹۷۹ هـ) تاریخنده عثمانلی دو تناسیه و ندیک و سائر دو تناسی بیننده وقوع بولمش اولان (اینه‌بختی) محاربه جسيمه‌سنده گورلمش اولديغندن آرتق بو تاریخندن اعتباراً سفائنده استعمالك اهميت والزمیتی تقدیر و تصدیق اولنوب، محاربه مذکوره دخی کورکله هجوم واسلحه جارحه ايله حرب ایتمکلك نهایتی عد اولمشدر . طوپك سفائنده ال برنجی سلاح اوله‌رق قبول و تصدیق دخی (۱۶۷۲) تاریخ میلاديسندن اعتباراً اولوب، اشبو تاریخندن صکره محاربات جسيمه مستثنا طوتلديغی حالده رامپا اصولی ترك والغا اولنه‌رق اوزاقدن محاربه ايدلمک باشلانمش و طوپ قوت و اهميت کسب ایتدکجه مرمياته مقاومت ایتک اوزره دخی سفائنك جسامت و متاتی بالطبع اول نسبتده تزید ایدلمش اولمغله ابتدالری سفائنه وضع اولنان طوپلرک عددینی تکثیر ایتمک جهتی ترویج اولمش ايسه‌ده نهایت بو فکرک بطلانی آکلاشیله‌رق

[۲] فن حربه دائر اولان مقالیه مراجعت اولنه .

عددی تنقیص ایلہ جسماتی تزیید ایتک خصوصنک لزوم و اہمیتی میدانہ چیقمشدر ؛ مع هذا ، شو قرارہ قارشى عصرمن مشاہیر بحریونندن بر طاقلمری دہ سفائن حربیہ دہ مستعمل اولان طوپلرک غایت جسیم اولما لمری و عددجہ زیادہ بولنلمری طرفی التزام ایلہ فکر۔ لرنده کی اصابتی اثبات ایچون دخی بر طاقم دلائل مقبولہ ایراد ایلمکده اولدقلرنندن ہرنہ قدر بونلرک فکری دہا قبول اولنماش و تعمم ایلمہ مش ایسہ دہ اربابنک اذہانی اشغال ایلمکده بولنسی بومادہ حقندہ دہا قطعی برقرار ویرلمہ مش اولدیغی اثبات ایدر حقا نقدندر۔ تاریخ مذکورہ گنجہیہ قدر گرچہ دونمادہ مستعمل اولان اشارات اصولی دخی بر درجہیہ قدر تعدیل و اصلاح اولنش ایسہ دہ ینہ پک نقصان بر حالہ ایدی۔ مثلاً دونما حرکت ایتزدن اول قوماندان ایلہ سواریلر بینندہ برقاج اشارت قرارلشدیریلر و دونما بر کرہ حرکت ایدنجہ آرتق اولجہ مقرر اولان او برقاج اشارتدن ماعدہ دیگر بر صورتلہ ایجاب ایدن اوامرک اعطاسی ویا یکدیگریلہ تعاطیء مرام ایتک اصولی ممکن اولہ مازدی۔ اول و قتلر قوللانیلان اشارات مثلاً قوماندانک معیتندہ بولنان سفائندن بری شاید سقطنیر ویا سائر گونا مخاطرہیہ دوچار اولور ایسہ بوگرفتار اولدیغی تہلکینی قوماندانہ طوپ انداخت ایتک واسطہ سیلہ بیلدیرمکدن عبارت اولوب، حال بوکہ، نہ گبی سقطلغہ اوغرا دیغی آکلاتہ ماز و دیگر طرفندن آکلا۔ شیلہ مازدی۔ دونمادن بر سبیلہ آیرنسی اقتضا ایدن سفینہ کچوک یلکینلرنندن برینی رفع و تنزیل ایلہ بر درجہیہ قدر تفہیم مرام ایدردی۔ اشارت خصوصندہ ہرنہ قدر مختلف رنگلی سنجاقلر دخی استعمال اولنورایدیسہ دہ غرابدن اولہ رق بوسنجاقلرہ (الفبا) ترتیبی، یاخود (ارقام) تخصیصی خاطر لرینہ گلمیوب، الوانک عددی دخی محدود اولد۔ یغندن درجہ کفایہ دہ تعاطیء مرام اولنہ میہ رق تکمیل اشارت برقاج

سوزه منحصر قالمش ایدی . مثلاً قوماندانان استمداد ایدن سفینه بر رنکده سنجاق چکوب، شاید بردها احتیاج مس ایدر ایسه ینه اورنکده بر سنجاق دها علاوه اولنور و بو منوال اوزره سنجاقلرک عددی تکثیر قلنیردی . لیلّا دخی فسار قولانیلیردی ؛ فقط ینه تاریخ مذکوره دکین (ندا) ایله تفهیم مرام اصولی جاری و معتبر ایدی ؛ حاصل کلام، دو نمانده اشاراتک اصلاح و اکالی ده بوتاریخدن صکره تدریجاً میسر اولمش و عصر حاضرده بر صورت فوق العاده اکیال ایدیلرک لیلّا و نهاراً وسائط متعدده و طرق سهیله ایله بین السفائن هر نوع مخبره و مکملیه موفقیت حاصل اوله رق اسکی مشکلاتدن اثر قالمشدر .

فوغراژوآ (Fou Gregeois) — ازمنه متقدمه ده مستعمل

اولان وسائط حربیه میاننده اک زیاده مدهش و مهلك اولانی و صورت مکمله ده اجرای فعل و تأثیر ایدنی « فوغراژوآ » یعنی « بوم آتشی » تعبیر اولنان مواد مشتعل اولوب، ملل سالفه دن بر طاقلری طرفلرندن گرک برآ و گرک بحرآ اجرا قلنان محارباتده استعمال اوله رق منافع کثیره استحصال ایدلمش و اعصار اخیرده بولندیغی درجه دن ترقیسی خصوصنه دخی صرف همتله نتایج مطلوبه و موفقیات عظیمه حصوله گتیرلمشدر . اشبو آتش متعدد اجزای ناریه و ملتبه نك ترکباتندن حاصل اولمش بر ماده اولوب، ماده مذکوره یی وجوده گتیرن ترکیباتک نهدن عبارت اولدقلری حقنده — افاده لری صرف مبالغات یونانیه ایله مملو بولنان — بیزانتین مؤرخلرینک ویرمش اولدقلری معلومات یکدیگرینه اویماز بر طاقم مغالطاتدن عبارت بولمغله طوغری بر خبره دسترس اولمق همان ممکن دکل گیدر ؛ مع مافیه ، کیون، جون قارنوق ودها بر طاقم مؤرخلرک آتش مذکور حقنده اعطا ایتمش اولدقلری اخباراتی یکدیگرینه مزج ایدرک اولدقجه صحیح

بر نتیجه چیقاروب، ایضاحات لازمه ایله برابر بورایه درج ایتمک فائده دن خالی اولمیه جغندن اول وجهله تبیین مقصده مباشرت ایدلمشدر. ایمدی، روایات تاریخیه دن آکلاشدیغنه نظراً آتش مذ کوری ترکیب ایدن اجزای اصلیه جوف ارضدن نبعان ایدن روغن نفط ایله گهرچله، کوکرت وچام آغاچلرندن استحصال اولنان زفتدن عبارت ایهده بونلرک نه وجهله ونه مقدارلرده اوله رق قاریشدرملری لازم گلدیکی حقنده معلومات صحیحه مفقوددر. اشبو جزؤلرک ترکبندن حصوله گلن ماده ملتهبه اشعال اولندیغی صورتده غایت کثیف بر دومان ایله پاطلامق نوعندن شدتی بر صدا حصوله گلوب، متعاقباً سمایه طوغری آلودن عبارت عمودی بر ستون ناری فیزالیه رق اطرافنه مدهش آتشر صاچار و تصادف ایندیکی اشیایی یاقوب، محو ایدهرک ینه اوشدت وقوتله نزول ایدردی. هوا موجود اولدقچه آتش مذ کورک هیج بر واسطه و فعلیات ایله وجودینی اورته دن قالدیرمق ممکن اوله مدیغی گبی صوایله اطفاسی دخی قابل اوله مدیغندن شاید اوزرینه صو دو کیله جک اولور ایهه شدت و حرارتی بر قات دهاتزاید ایدهرک ایراث ایده جکی مضرت دخی اونسبتده تشدد ایلردی. آنجق قوم، بول، سرکه گبی بر قاق ماده شدتی آز چوق تسکین ایده بیلمک خاصه سنه مالک ایدیلر. ایشته ماده مذ کوره نك غیر قابل انطفا اولسی روملر طرفندن ده «آتش بحری» نامیه توسیم ایدلمسینه باعث اولمشدر.


مرور زمان ایله حصوله گلن ترقیات نتیجه سی اوله رق ترکیبات مذ کوره نك برار دها اصلاحنه موفقیته حاصل اولمش وباشلیجه اجزایی اسید آزوتیک [ماء تیزاب] ایله پوتاسک امتزاجندن حصوله گلن آزوتات دوپوتاس، یعنی گهرچله وتوزحاله گتیرلمش کمور ونفط وکوکرت ونیترات دوپوتاسدن عبارت اولمق اوزره اعمال واستعمالنه

باشلانمشد. ترکیب مذکورک جزو مهمی اولان گهرچله مواد مشتعلدن اولوب، آتسه تماس ایدنجه سرعتله یاتمغه باشلار و طبیعتده مبزول و سطح ارض اوزرنده و مطلقا مواد ترابیه و سائر ايله مخلوط بولمغه سرعت احتراقی دخی درجه مخلوطیتنه گوره متفاوتدر. اکبر بروجیه مطلوب تصفیه ایدیه جک اولور ایسه عادتاً باروت گبی پاطلامق نوعندن بر احتراق عاجل اثری گوسترر: فقط آتش مذکورک ابتدای ایجاد و استعمالنده کیمیا گرک صنعتی ده پک گیریده اولمغه بالطبع گهرچله بی مطلوب درجه ده تصفیه ممکن اوله مدیغندن حال طبیعی اوزره قوللانیدی و باروت قدر عاجل بر احتراق حصوله گتیریه مدیکی جهتله حین احتراقده عادتاً شمیدیکی هوای فشنکارینک یا نشرینه مشابه و تدریجی بر احتراق حصوله گتیریدیکی مضبوط توارینحدر.

گهرچله ده بو احتراقی حاصل ایتک ایچون قور حالنده بولنسان آتشله تماسه گتیرمک مقتضی اولوب، کمورک سرعت احتراقی ایچون دخی توز حالنده بولندیرلمسی لازم گله جکندن بو مقصدک حصولیچون کموری صحق ایدرک گهرچله ايله قاریشیدردقن و مطلوب اولان احتراقی بر قات ده ساریع حصوله گتیرمک مراد ايله کوکرت و نفت کبی ساریع الاشتعال مایعات ايله حمیر ایلدکدن و بعضاً ده نیترات دوپوتاس علاوه ایتدکدن صکره استعمال ایدرلردی. مخلوط مذکور نیترات دوپوتاس قاریشیدیرمقدن مقصد دخی ماده مذکور زیاده اوقسیترن [مولدالموضه] حاصل ایتمکه گهرچله نک یا نمسی ایچون لزومی اولان اوقسیترنک هوادن آلمسنه نسبتله بوماده دن آلمسی احتراقک ده زیاده سهولتله حصوله یاردم ایده جکندن طولای ایدی؛ بناء علیه، گهرچله بی احراق ایتک خصوصنده باشلیجه توز کموره مراجعت اولمق و ترکیب مذکور کوکرت علاوه ایدمک طریق عادتاً باروت اعمالنده کی اتخاذ

ایدیلن اصوله موافق اولمغله باروت اختراع مهمنك دخی اساسی بو آتش اولدیغنده شبهه ایدیه مه مکده در . مخلوط مذکور « روم آتشی » نامی ویرلمسی (۷) نجی عصر میلادیده سوریه قطعه سی داخلنده کائن الیوپولیس (Heliopolis)، یعنی (بعلبک) شهرنده تولد ایتمش «قالینیکوس» (Callinicus) نامنده یونانی بر معمارك اثر ایجادی اولدیغی حقدنه روملر طرفندن در میان اولسان بر ادعایه مبیدر ؛ حتی روملر بو اختراعك کندیلرینه میسر اولمش بر موفقیت اولدیغی و باروتك اساسی دخی ینه بو آتش اولسنه نظراً اصول محاربات قدیمه یی بالکلیه دکشدرمش و تقلیب امور عالمه باشلیجه خدمت ایتمش اولان باروت ایجاد مهمی شرفنك ده ینه کندیلرینه عائد اوله جغنی دعوا ایدرلر ایسه ده مرقوم قالینیکوس آتش رومی یی فی الحقیقه کندیسسی ایجاد ایتمش اولیوب ، بلکه چینلیردن اوکرنمش اولدیغی مؤخرأ تاریخچه مرتبه بداهته وارمشدر .

روملرک بومهلک آتشی کندیلری ایجاد ایتمش اولدقلرینه دائر بر ادعاده بولملرینك سببی شرق امپراطوری ایکنجی «قسطنطین» زما ننده «حضرت معاویه» طرفندن استانبولك فتح و ضبطی مقصدیه سوق اولنان جسیم بر دونما علیهنه مرقوم قالینیکوسك اثر تعلیمی اوله رق قوللانمش اولدقلرندن بو آفت مدهشه قارشى دونماجه بالطبع علائم انہزام و پریشانی رونما اولمغله «حضرت معاویه» نك بر مبلغ عظیم تضمینات حربیه اعطا ایده رك مصالحه یه مجبور اولمش بولنمسیدر . بالاده تفصیلاً نقل و حکایه قلندیغی وجهله عربلرک صکره کی محاصره لرنده دخی ینه روملر طرفندن بو آتش جانسوز کمال مهارتله قوللانیلوب ، شهرک استخلاصنه موفقیت حاصل اولمش ایسه ده دولتک اسرار مکتومه سی طوتیه رق دائره اتفاقلری داخلنده بولنان ملتره دخی فاش ایلمه ملری و عقد ایتدکلری معاهده لرله قوانین موجوده لرینه



گویا بوسرك جناب حق طرفندن كندیلرینه بر احسان فوق العاده اولوب، هیچ بر اجنبی یه افشاسی جائز اولدیغی و گرك ایمر اطور لر . گرك تبعه لری نظر ندده مذهب درجه سنده محترم طو تلمسی مقتضی اولدیغی و خلاف امر حر كته ده بولنانلرك مسئولیت مغنویه سندن ماعدا جزای شدید ده دخی اوغر ادیله جغی حقه ده بر طاقم قیدلر درج ایلملری نتیجه سی اوله رق ، یعنی اشبو احتیاط و بصیرت سایه سنده (۴۰۰) سنه قدر عدم افشاسنه موفق اولمشلر ایسه ده مرور زمان ایله كندیلری دخی اونو تدقلری حالده (۱۱) نجی عصر میلادیده عربلر طرفندن یكیدن میدان ه چیقارلمسی صنعت مذ كوره نك روملردن باشقه بر ملت طرفندن اختراع ایدلمش اولدیغی اثبات ایدر حقائق دندر . عربلر ایسه صنعت مذ كوره نی ینه چینلیردن ده ا اطرافلیجه اوله رق اوكرنش بولندقلری جهته سوریه و مصر قطعه لری اوزرنده وقوع بولان محاربات صلیبیه ائناسنده غایت ماهرانه بر صورتده قو- للانمش اولملرندن و صلیبیون ایسه ده ا اوزمانلر صنعت مذ كوره یه واقف بولندقلرندن اوزرلرینه یاغ دیریلان باران آتشیندن طولانی دوجار خوف و دهشت اولمشلر و بوكا عربلر طرفندن اختراع ایدلمش بر آفت نظریله باقه رق « عرب آتشی » نامی ویرمشلردر . محاربات صلیبیه ائناسنده عربلرك مزراقلریله پالالرندن اوركمش اولان بر شوالیه آغزندن مؤرخ کیبونك غایت دهشتلی بر صورتده نقل و روایت ایلدیکنه نظراً : عربلر ، باشلری خوك یمانی قدر جسم و قویر و قلری غایت اوزون اژدرلر مثالی درون هواده طیران ایدن وانسانك باقغه بیله یورکی طیائماز بر درجه ده رعد و برق صداسی قدر دهاش گورلتیلر و صاعقه سرعتی ایله شمشك پارلاقلی قدر سوزناك آلور صاچان آتشلری غایت ماهرانه وجوده گتیرلمش

ماکنہلر واسطہ سیلہ باران بلاگی صلیبیونک باشلرینہ یاغدر مشلردر.
 عربلر اشبو آتشلرله ماکنہلری قوللانق خصوصندہ اول قدر
 سرعت و مہارت گوستر مشلردرکہ. اک قارانلق بر گیجہدہ دخی
 استعمال ایلدکلری صورتدہ اورتلقدہ ظلمتدن اثر قالماز وعادتہ
 گوندزدن زیادہ آیدنلق مشاہدہ قلیردی. پروسیا امرای عسکریہ.
 سندن موسیو «مایر» (Mayer) ک تدقیقاتہ گورہ آتش رومی
 روملر میانندہ بیلہ ایلک استعمالہ باشلامش اولان آدم سالف الذکر
 «قالینیکوس» اولیوب. بوصنعت بیزانتینلرہ تا (۴) نجی عصر میلادی
 اوائلندن بری معلوم ایمش! جزویت پاپاسلرندن مدقق مشہور
 «امیوت» (Amiot) چیندن بو صنعتک آناتولی و سوریہ
 طرفلرینہ طوغری انتشاری میلادک (۲) نجی عصرندہ وقوعہ
 گلدیکنی ادعا ایلمکدہدر. بو آتشک اسرار مکتومہ سی ضایع
 اولمش بولندیغی حالہ یکی کیمیا گرلرک تکرار کشفندن صکرہ
 ایمپراطور «اوچنجی ناپولیون» ک یاورلرندن «جنرال فاوہ» پارس
 کتبخانہ کیرندہ غایت اسکی بر عرب خط دستی بولنوب، نسخہ
 مذکورہدہ قدمانک آتش رومی صنعتی حقندہ ایضاحات مکملہ ویرلش
 اولدیغی بیان ایلیمور. اونسخہدہ دخی بو صنعتک ابتدا چیندہ ایجاد
 اولندیغی و چونکہ، ایجاد مذکورک جزؤ اصلیمی اولان گہر چلہ
 چیندہ حال طبعیسنندہ اولہرق سطح ارض اوزرندہ بولندیغی جہتلہ
 استعمالی امور عادیہ صرہ سنہ گچمش اولدیغی مندرج ایمش؛ بناء علیہ.
 صنعت مذکورہنک شرف ایجادی چینیلرہ مختص اولوب، روملرک
 بوندہ بر حصہلری یوقدر.

طریق استعمالنہ گنجہ: وسائط گوناگون ایلہ درلو درلو شکل
 و صورتلردہ اولوب. صور مذکورہدن اک مشہوری عادتہ شمیدیکی
 هوائلر طرزندہ و مراد اولنان استقامتدہ سوق اولنلق اوزرہ

روکت قووانلری گبی مجف اسطوانلر داخاندن انداخت اولمقدن عبارت ایدی . اثنای انداختنده دخی برهوائی فشکی انداختنده مشهود اولان حالاتک عینی اولمق اوزره عادتاً قویروقلی یلدزگی گیرسندہ ضیادار بر قویروق براقیر وحشدامق نوعندن شدتلی برصدا چیقارر ایش . آتش مذکوری استعمال ایتک خصوصندہ مهارت پیدا ایلمش اولان ملتدرده طبق خبرده واری یووارلاق و طوپراقدن معمول — اوانی ترابیه مثلی آتشده دخی پیشیرلمش بولنان — ظرفلر دروننه مایع حالندہ طولدیرلدقندن صکره بو ظرفلری شمدیکی هاوانلره مشابه اسطوانلر ایچنه قویوب . انداخت ایتک درجه سنده اثر ترقی مشاهده اولمشدر . دها اسکی زمانلرده ینه بو یولده تهیه ایدلمش بولنان مرمیاتی انداخت ایتک ایچون جاری ومستعمل اولان اصول طاش آتغہ مخصوص اولان مانجنقلری قوللانمقدن عبارت ایدی . مرمیات مذکورہ نک حاوی اولدقلری سالف الذکر مواد ملتہبہیی اشعال ایچون برردہ یانار فیتلری اولمغہ دوشدکلری یرلردہ پارہلنہرک مذکور فیتلر واسطہ سیلہ اشتعال ایلیہ جکلرندن اورالردہ عظیم برر آتش پیدا ایدرلر وبالادہ دخی ذکر اولندیگی وجهلہ ذاتاً مذکور آتشلرک آلوری صو ایلہ ممکن الاطفا اولمدقلرندن شاید صو دوکیلہ جک اولور ایسہ بوسبتون آلو وتأثیرلری تزايد ایدہرک غایتلہ مدہش بر حریقک ظهورینہ سبب اولدقلری جہتلہ دوشدکلری یرلرہ فوق العادہ مضرات ایراث ایدرلردی . بعض کرہ دخی قلعه محاصرہ لرنده مذاب حالندہ بولنان مخلوط مذکوری بدنلر اوزرندن بیوک قزغانلر ایلہ محاصرلرک باشلرینہ دوکدکلری اولوردی ؛ خلاصہ ، آتش مذکورک بین الملل دشمن علیہنہ استعمالی رواج بولدقچہ اک کچوک برپارچہ سندن برفوچی دروننه قونیلہرق انداخت اولنانلرہ وارنجہیہ دکین مختلف

قطعه و جسماتده آتشلر ایچون دخی و سائط انداخت تدارك و ایجاد ایدلمشدر . مثلاً كچوك پارچهلری اوقلارك اوجنه ربط اولنه رق . دها بیوجکهلری جریدلرله انداخت اولندقلری گبی صپان واسطه سیله دخی آتیلرلر و ترکیب مذکورایله مملو جسم فوچیلرده مانجقلرله انداخت اولنورلردی .

آتش رومی و یاجیری . یاخود عرب آتشی نامنی آلان اشبو ترکیب کیمیوی (۱۴) نجی عصر میلادینك واسطه قدر گرك قلعه محاصره و مدافعه لرنده و گرك میدان محاربه لرنده و الحاصل هر نوع محارباتده استعمال اولنش ایسه ده وقت مذکورده یا فنی و یا تصادفی اوله رق گهرچله ، کوکرت ، گمورك تخلیطیله باروت اعمالی گبی ترقیات عسکریه حصوله گلمش اولدیغندن آرتق اولکینك اهمیتی ضایع اولمغه استعمالی موقع اعتباردن دوشمش و صکره کی ایسه فن حربده بر تبدل کلی وجوده گتیردیکی گبی تاریخ بشریتی دخی باشقه بر صورتہ تقلیب ایلمشدر .

تواریخك بیانانسه نظراً بو واسطه مخربیه بر چوق محاربات بریده مراجعت ایدلمش ایسه ده تطویل مقالدن اجتناباً یالکز بر قاج دانه سنك ذکرینی مناسب گوردك : —

شویله که ، (۱۱۹۱) سنه میلادیه سننده اهل صلیب ایله اسلام آره سننده وقوع بولان عکا محاصره و محاربه سننده استعمال ایدلمش و (۱۲۰۳ هـ) سنه سننده کی ابوقیر محاصره سننده بو واسطه محرقیه مراجعت اولنشدر . « تیمورلنك » دخی بعض محاصرانده و از جمله از میر محاصره سننده آتش رومی استعمال ایتش اولدیغی کی « فاتح سلطان محمد » حضرتلری استانبولی محاصره ایتدکری زمان دخی اشبو آتش قوه تخربیه سیله روملرك اخشابدن معمول عثمانلی محاصره قوله لرینی یاقش اولدقلری معلومدر ؛ مع هذا ، استانبول محاصره .

سندن صکرده صنعت مذکورہ نك ترقیسنه خدمت ایدنلر بولمشدن .
 بوبادہ تدقیقات ایله اشتغال ایدن هنرورلردن ازجمله فرانسهده اون
 دردنجی واون بشنجی «لوی» (Louis) زمانلرنده بر طاقلمری صنعت
 مذکورہ نی بولندیغی درجه نك فوقنده ترقی ایتدیرمك دعواسیله میدانه
 چیقوب؛ وحتی بولاردن بریسی (۱۷۵۶) سنه میلادیه سنده اجرا ایلدیکی
 بر تجربه نتیجه سی اوله رق آتش رومی ایله ملو بر خبره نی بر گمینك
 صو کسیمندن آشاغیسنه اصابت ایتدیرمكه مذکور گمی ی احراقه
 موفق اولمشدن . زمانمزه قریب اولان بر وقتده انگلیز جنراللردن
 «قونگروه» (Congreve) بوضعتی احیایه پك چوق خدمتله محاربات
 بحریه وبریده استعمال اولنق اوزره نامنه نسبه (قونگروه روکتی)
 تعبیر اولنان محاربه روکتلرینی اختراع ایلدیکی گمی بالخاصه اوستریالیلر
 دخی بونی صنایع حربیه دن عدایده نك ترقیسنه خدمت ایتمشلردن .
 شو زمانده دخی محاربات بحریه ده وا کثری ملل نزدنده محاربات
 بریده بیا ره روکت استعمالی موجوددرکه ، روکتلرک اسکی آتش
 رومیلرک اکمال اولنمش صورتلری دیمك اولدیغی صنایع عسکریه
 واقف اولانلر نزدنده مسلمدر .

بورلوته (Brûlot) — آتش رومینك تأثیرات مخربه سی
 یالکیز برقلعه اوزرینه هجوم ایدنلرک اوقلعه داخنده یانغینلر حصوله
 گتیرملری ویاخود قلعه ده محصور اولانلرک محاصرلر اوزرینه آتشلر
 یاغدی رملری صورتده گورلمكه قالمامشدن . بونلرک اک بیوک
 واک مدھش قدرت تخریبیه لری دونمالر آره سنده کی مهاجمتده
 مشاهده اولنمشدن . بو فصلك ابتدالرنده دخی ویرلش اولان
 تفصیلات لازمه دن آکلاشلدیغی وجه اوزره طوپك بحریه محاربه لرنده
 استعمال اولنغه و اهمیت کسب ایتكه باشلادیغی زمانه قدر
 وقوع بولان دکر محارباتنده ایکی طرف سفاکتك یکدیگری

اوزرینه هجوم ایله مصادمه ویا رامپا ایدرک عادتاً محاربات بریده مستعمل اولان آلات و ادوات حریبه ایله اجرای حرب و ضرب ایلملری بر قانون عمومی حکمنده اولیشنه نظراً بویله یقیندن اجرا اولنه حق بر محاربه ده طرفین سفائنک بالطبع یکدیگرینه قارشی غایت شدید بر مدافعه یه محتاج و قیودانلرک ، راکب اولدقلری سفینه لری دشمن سفائنک تصادمندن محافظه و تخلیصه مجبور بولنه جقلری امور ضروریه دن اولغله گرک مهاجم و گرک مدافع لر طرفدن بوگی بر مقصد مشترک تأمین حصولیچون آتش رومی کی بر واسطه مخربیه مراجعت اولنه جنی طبعیدر .

حال بوکه ، آتش رومی یی یکدیگری علیه استعمال ایتک ایچون یالکنز گمیلرک آورده اولملری ویا بر برینه یقین بولملری لازم اولیوب . بومهاجمه یی برقات دها دهشتلندیرمک ایچون « بورلوت » تعبیر اولنان آتش قایقلری ویا گمیلری ایجاد اولمشدرکه ، رامپا حالنده محاربه ایدن گمیلردن بری برینه و سائط گونا گونا ایله آتش رومی دهملری انداخت ایلدکلری حالد اشبو بورلوتلر برلیمانده لنگرانداز اولان دونما اوزرینه ده هجوم ایدرک مقتدر اوله بیلدکلری قدرینی و بعض کره کافه سنی احراق بالنار ایلدکلری دفعات ایله گورلمشدر . بورلوتلر صورت ترتیب و اعمالرینه نظراً برقاج نوع اولوب ، جسامت جهته دخی باشلیجه ایکی صنفه منقسم ایدیلر . بونلرک جسامت و قطعه جه منقسم بولندیغی ایکی صنفدن بری عادتاً (مقومه) جسامتمده بیوجک گمیلر اولوب ، فقط متانتلری مطلوب اولمدیغی جهته صورت اعما - لرنجه اول قدر تقید اقتضا ایلمدیکندن غایت خفیف و نارین اوله رق انشا قلنیرلر و قیچ طرفلرینه ایکی عدد جسیم جان قورتاران لومبارلری دخی کشاد اولنوردی . بوگی بر سفینه نک تکنه و آرمه و سائرده سی و آنبار داخلی انواع اجزای ناریه و مشتعل و زفت فوچیلری و باروت

و مواد ملتهبه سائر ايله ترتيب و املا اولوب ، دشمن دونمائی اوزرينه سوق اولنور و گيريسنده برده صندالی بولنور و حين تقربنده دروننده اولان ماهر گميچيلار سفينه مذكوره يي مناسبی وجهه طوتشدير دقن و مطلوب اولان سفينه اوزرينه تسليط ايلدكدن صكره قيسچ طرفنده دكزه متناظر كشاده بولنان لومبارلردن كنسديلرينى درياه القايديرلر و يوزه رك گيريده كي صنداله جان آتارلردى ؛ فقط سفينه مذكوره نك بعد الاشغال استقامت مطلوبه يه سوق و توجه يي غايله مشكل و متمعر اولديغدن آچيق دكلر ده دونما عليه اصلا قوللايله ميوب . دأما ليانده لنگر انداز بولنان سفائن اوزرينه سوق ايديلير و نادراً سوا حمله دخي استعمال اولنوردى .

بولوته رك ديگر صنفى عادتاً شمديكى (كيك) لر بچمنده و فقط دها بيوك و جسامته نسبتله غايت خفيف قايقار ايدى . صورت استعمال لارينه گليجه : بولنرك ده برطاقلارى يوقا ريده ذكر ايتديگمز آتش گميرينك عيني اوله رق كنسديلارى يانلق اوزره ترتيب اولنورلر و اچلرينه كورك چكمكده قوتى و گميچيلكده مهارتى اولان افرادك فدايلرندن انتخاب اوله رق تعيين اولوب ، دشمن سفائى اوزرينه سوق و ارسال اولنورلر و آرقه لرندن ده بولنرى تخليص اچون بياغى صندال و قايقار گوندريلوب . احراقى مراد اولنان سفينه يه حين تقربلرنده راكب اولدقلى قايقارى طوتشديره رق كنسديلرى ده دكزه آتيلير و آرقه لرنده بولنان صندالره چيقره رق اجرا سنه موفق اولدقارى حريق مدهشى آلا رغه دن تماشا ايدرلردى . بوقايقارك برطاقلارى ده يانار نوعندن اوليوب ، فقط درونلرينه لزومى قدر و سائط احراقيه يي آلدقن صكره دشمن سفائى اوزرينه هجوم ايدرك يانلرينه صوقوله بيلدكلى گمير عليه بعض آلات خفيه ايله آتشلرينى حواله ايدرلردى . بولنردن بعضيلرينك باش طرفلرنده بر فواره آتئين صورتنده

لاینقطع آتش پوسکوردر برر معدنی اسفلوانه بولنور و بویله بر آلت
 مدھشہ ایلہ مسلح اولان بر قایق دشمن سفینہ سنہ صوقولدیغی زمان
 گمی یہ آتش ویرنجہ یقدر اورادن آیرماز و دایماً آتش پوسکورر ایدی.
 حال بوکده بو مثالی فواردرلر گمیلرده دخی بولنہرق دشمن سفینہ لرینہ
 تقرب ایدلدیکی حالده یاقلدیغندن شو یولده آتش قایق لر یله گمیلر
 آره سنده بری بری اوزرینہ آتش یاغدر مقدن عبارت بر محارقہ پیدا
 اولور و بعض کرہ آتش قایقنک آلونہرک یاندیغی ده وقوع بولوردی:
 بناءً علیہ بعض نوع آتش قایق لر ی دکر ایچنده دخی انطفاسی قابل
 اولمیان مواد مشعلہ نی حاملأ دشمن سفینہ صوقولوب بولنری
 یاقدقدن و سفینہ اوزرینہ سوق ایلدکن صکرہ کنسیدیلری رجعت
 ایدرلردی کہ بونک تہاہکسی دیگرلرندن ده زیاده اولہجنی درکاردر.
 بو واسطہ مہاہکک یقین وقتلرہ گلنجه یقدر محاربات بحریہ ده استعمالنہ
 دوام اولنہرق یوزندن پک چوق دونمالمک محوینہ موفقیت حاصل
 اولمش ایسہده مؤخرأ سفائن حربیہ نک اخشابدن اعمال اولملری
 اصولندن صرف نظرلہ زره وچلیک و عادی ساچدن انشا اولملرینہ
 قرار ویرلدیکی واول وجهلہ امر انشالرینہده باشلانیدیغی زمان
 بولوتہلرک ده آرتق برایشہ یارامیہ جقلری تحقق ایتمکک استعماللرندن
 صرف نظر اولمشدر: مع مافیہ، ارباب فن بولنری اولیہ بوسبتون
 ترک اولمش بر حالده بولندیرمنی ده تجویز ایدہ میہرک قوللانیلہ بیلہ جک
 وجهلہ باشقہ بر قالبہ افراغہ چالشمشلر و صورت استعماللرینی نظر
 دقت اوکنہ آلہرق بواساسہ استناداً و فکر ایجادک یاردمیلہ شمدیکی
 محاربات بحریہ نک اک مدھش سلاحی حکمنده اولان «**طورییدو**»
 و «**طورییدو استیمبرط**» لرینی ایجادہ موفق اولمشلردر. فی الحقیقہ، براز
 تأمل ایدیلہ جک اولور ایسہ طور پیدولرک ایچنده کی مادہ مخربہ هر
 حالده اجزای مشعلہ دن عبارت بولنوب، یالکز قدمانک استعمال

ایتدکاری اجزاء آغر آغر یاندینی حالده معاصرینک اختراعی اولان اجزاء دفعهٔ یانهرق صدمه سیله اڤ بیلوک زرهاییلی دخی غرق ایلمکده در . شو صورتده صکره کی اختراع اولکینک اصلاح و اکمال اولمش دیمک اولدیغنه شبهه ایدیله مز .

ایمدی . حقائق توارینجه مراجعت اولندینی صورتده اڤ اسکی ماتلر میاننده دخی محاربات بحریده آتش گیلیرینک قوللانماش و غایت سوزشلی و دهشتلی تأثیرات مخربه و محرقه لیرینی اجرا ایلمش اولدقلری گورلمکده در . از جمله مؤرخین قدیمه دن « قورتیئوس » (Curtius) ک روایتنه نظراً « اسکندر کبیر » فمیکه لیلرک پای تختی اولان تیر [صور] شهرینی محاصره ایتدیکی زمان محصورین طرفلرندن اشبو واسطهٔ مخربه یه مراجعت قلمش . یعنی بر آتش گیمسی استعمال ایدلمشدر : —

شویله که ، تیر شهری بر جزیرهٔ صغیره اوزرینه منی بولندینی جهته فمیکه ساحلندن طار بر بوغازله آیرلمش اولدیغندن اسکندر کبیر ساحلدن جزیره قدرمتد براخشاب اسکله وجوده گتیره رک بو طریق ایله شهری ضبط ایتمک فکیرینه دوشوب ، بیکلرجه انسانلری چالشد . یردقدن و بر اوزون مدت اوغراشیدردقدن صکره مذکور اسکله یی جزیره تقریبه موفق اولش ایسه ده تیراییلی دخی بوائناده وجوده گلن اسکله یی محوه تشبثله یدلرنده بولنان اڤ جسیم غالیلرک برینی بالانتخاب قیچ طرفی طاش و سائر آغر اقلرله تولدیروب ، باشنی سطح بحردن یوقاری یه و بر ارتفاع اعظمی یه دکن قالدیرمشلر و صویک سطحندن یوقاریده بولنان قسمی کوکرت ودها سائر قابل اشتعال ماده لردن عبارت قویو و لزوجیتی بر مایع ایله خارجاً طلا وداخنه ینه قابل اشتعال بر طاقم مواد ملتهبه املا ایتدکدن صکره هجوم ایچون مساعد بر روزگاره منتظر اولمشدر در . دکزدن طوغری هبویه باشلایان

موافق بروز کارایله احضار ایتدکلی گمینک بتون یاسکنلرینی کشاد ایدوب، — سرعت سیرینه مداری اولسون ایچون — تکمیل طاقه سی دخی کورکاره اوتوره رق اسکندرک کمال مشقتله انشا ایتدیرمش اولدیغی مندرکه طوغری هجوم ایلدیر. حین تقر بلرنده طاقه صندالره گیردکن وگمی یه آتش ویردکن صکره آچیغه چیقهرق وقوعه گتیره جکی تخریباتی تماشا یه باشلادیلر. اطرافنه شدید آلور صاحهرق یانمقده اولان گمینک طوغریجه مذکور اسکله یه تصادمی اسکله یی دخی طو تشدیرهرق بوقدر بیک کشینک سعی وامکار یله اسکندرک بتون امیدلرینی برآنده محو وهبا ایلدی؛ چونکه، او قوجه اسکله پک آز بر زمان ایچنده کاملاً یانه رق صویک یوزنده رمادندن باشقه بر اثری قالمدی. هر نه قدر اسکندر شمدیکی زمان ایچون همان ممکنه دینه بیله جک بر جسم عملیاتی ده ا اجرایی گوزه آدیرهرق سالف الذکر بوغازی طولدیر مق طریقله مقصدینه نائل اولدی ایسه ده صرف ایتدیکی زمان دخی کندیسنه اوصانچ ویره جک درجه یی بولمش ایدی. ایشته شووقه تاریخیه دن استدلال اولندیغنه نظراً آتش گمیسی اختراع یله محاربات بحریه ده استعمال ایتک تصوری ایلک اوچه تیریلرده گوریلوب، ایلک نتیجه دخی ینه آنلر طرفندن کمال موفقیتله استحصال ایدلمشدر. بوندن صکره، یعنی میلاددن، (۱۹۰) سنه مقدم رادوسلیلر دخی آتش گمیسی استعمالنه باشلایوب، قوللاندقلی گمیلرده خیلی ترقیات و تعدیلات اجراسنه ده موفق اولمش وبالاده تعریف اولنان شکل و صورتلرده بورتولر انشایله قدرت بحریه لرینی گوسترمشلردر. ایشته رادوسلیلرک بوباده کی سبق ایدن خدمتلی عظیم وحائز اهمیت اولدیغنه منی بعض مؤرخلر طرفندن اشبو ایجاد نافعک بونلره اسناد ایدلدیکی گورلمش ایسه ده بالاده ایضاحات لازمه یله نقل و حکایه قلندیغی وجه اوزره رادوسلیلردن اول فیکه لیلر طرفندن

آتش گمیلری قوللانمش ؛ و فقط آنارک قوللاندقلمری بسیط بر درجه ده بولنمشدر . رادوسیلردن صکره آتش گمیلرینک رومانلیر طرفندن دخی قوللانمش اولندیغنی تاریخلر خبر و یرمکده درلر : — شویله که ، « قیصر » له « پومپه یوس » (Pompéius) میاننده وقوع بولمش اولان محاربات داخلیه ده « پومپه یوس » دونماسنه قوماندا ایدن « قاسیئوس » (Cassius) معیتده کی دونما ایله « مارقوس پومپونیئوس » (Marcus Pomponius) قوماندا سنده اوله رق مسیناده یاتمقده اولان « قیصر » دونماسی اوزرینه علی الغضله بر هجوم اجراسنی تصور ایلمشدر . اشبو مصمم اولان هجومک اجراسی ایچون « قاسیئوس » معیتی دونماسندن تقلیه و تجارت خصوصیلرنده قوللانیلان بر طاقم گمیلری زفت و کندر ودها سائر قابل اشتعال ماده لرله املایده رک احضار ایتدکن صکره مساعد بر روزگار ایله آنسزین مسینالیمانه سوق وادخال ایدوب ، مذکور لیمانده لنگر انداز بولنان قیصرک دونماسنه تقر بلرنده درونلرنده بولنان مواد مشتعله ایقاد ایدیلهرک بو طریق ایله (۲۰) قطعه سی اول زمانک برنجی صنف حرب گمیلرندن عد اولنان جسم غایلردن عبارت اولق اوزره (۳۵) قطعه گمیلرینی بردن احراقه موفق اولمشدر .


« قاسیئوس » بوموفقیته عظیمه یه نائل اولدقدن صکره « قیصر » دونما سندن (قالابریا) ساحلنده کائن ویبو (Vibo) لیمانده لنگر انداز بولنان دیگر برفرقه اوزرینه دخی ایکنجی بر هجوم اجراسنه تشبث ایلدی . بوهجوم اولکنندن دهه زیاده مدهش اولوب ، (۴۰) قدر آتش گمیلریله اجرا ایدلمشدر . « قاسیئوس » اشبو (۴۰) قطعه آتش گمیلریله دشمنی اولان دونمانک جناحینندن بر صورت شدیدده هجوم ایدوب ، مذکور دونمانی تشکیل ایدن سفائنندن بر طاقلمرینی احراقه موفق اولدیغنی صره ده مذکور دونمانک عساکر شجیعہ سی ید محافظه لرنده

بولنان سفائنك فنا بر حالده و ناموسلرني اخلال ايدر بر طرزده
تخريب اولندقلرني گورهرك غليان حمله در عقب كنديلرني دهـا
هنوز آتش آلمان گميره آتوب، يلكنلرني كشاد ايله قاسيئوس
دونماسي اوزرينه غايت شدتلي بر هجوم اجرا ايلديلر؛ واك جسم قطعهده
(۴) عدد غاليلرني دخي ضبط واسير ايتديلر. اشبو اسير ايديان
سفائنن بريسي بالذات قاسيئوسك ايچنده بولنديني گمي اولمغه مرقوم
در حال برفلكيه آتلايهرق كوچ بلانقسي قورتاره بيلمش و دونماسنك
قسم باقيسي دخي بويله (۴) جسم گمينك بردن دشمن يدينه اسير
دوشديكني گورنجه قاريشق بر حالده رجعه مجبور اولمشدر.

روماليلردن صكرده ملل سائر طرفلردن بولنرك ترقيسنه خدمت
ايدلمش و پك چوق محارباتده قوللانمشدر. از جمله: — (۱۰۸۹)
سنه ميلاديه سنده «آلكسي قومن» (Alexius Comnenus) ك
پيزانلره قارشى سوق ايلديكي دونماي تشكيل ايدن سفينه لر عادتاً
برر بورلوته اولوب، مذكور سفينه لرده آتش رومي بر صورت
مكملهده موجود ايدى. گميرك باش و قيچ طرفلرنده برر آتش
طولماسي موجود اولوب، بولردن باشده بولنان طولمبار هجوم
اولنه جق گمي ي ياقق ايچون اولديني گي قيچده بولنانلر دخي
اوزرينه هجوم ايدهك اولان گمي يه قارشى مدافعه ايچون ايدى.

قرون اخيرهده بورلوته استعمال ايديلن باشليجه محاربه لر بروجـه
زير بيان اولنور: — شويلهكه، (۱۵۸۸ م) سنه سي انگليز دونماسي
طرفندن مغلوب اولماز آرماده ناميله مشهر اولان اسپانيا دونماسنه
قارشى؛ و (۱۶۹۲ م) سنه سي فرانسزلر طرفندن انگليزلرله
فلمنكيلرك متفق دونماسنه و مذكور متفق طرفندن فرانسزلره
قارشى؛ و (۱۷۷۰ م، ۱۱۸۴ هـ) سنه سي چشمه محاربه سنده
موسقوفلر طرفندن عثمانى دونماسنه قارشى؛ و (۱۸۲۷ م، ۱۲۴۳ هـ)

سنه سی ناوارین محاربه سنده انگلیز، فرانسیز و موسقوفلرک متفق
 دونمائی طرفدن عثمانلی و مصر دونماسنه قارشى : و (۱۸۵۷ م)
 سنه سی قانطونده چینلیلر طرفدن انگلیز دونماسنه قارشى استعمال
 اولمش ایسه ده یوقاریده دخی ذکر اولندیغی وجهله زرهلئ سفائن
 وجسیم طویلر و طورپیدولرک ظهوری اوزرینه آرتق بونک ده اهمیتی
 قانامش اولدیغندن شمایلرده هر دولت طرفدن ترك و ابطال ایدلمشدر .



اونجی فصل

فن حرب قدیم حقننده معلومات مختصره ناریخیه

دو نهای همایون یلکن و کورکله متحرک سفائندن عبارت ایکن وقوع بولان محاربه لرده اجرا قلنان تدابیر حربیه ایله دستور العمل اولدوق اتخاذا اولنان اصول وقواعد حربیه بحریه دائر معلومات مختصره: —

یلکن سفائی ایله (فم حرب بحری) یه موافق صورتده مانورده و حرکات حربیه اجرایی اعصار سالفه دن بری وقوع بولمقده اولان محاربات متعدده اتخاذا و اجرا ایدلمش اولان تدابیر و حرکات متنبو-عهنک بالتجربه نافع و دستور العمل اتخاذه الیرشلی اولانلرینی ضبط و حفظ ایله حین اقتضاده اول وجهله حرکت اولنمقندن عبارت اولوب، نتایج مذکورده هر نه قدر ثابت بر قانون اولمق اوزره قبول و تصدیق اولنمش ایسه ده خط حربیه داخل اولان سفائنک جنس و جسامت و سرعتلرینک تبدلاتنه و اسلحه سنک انواعنه نظراً تبدل ایده جکی بر امر آشکاردر؛ فقط ماضیه دائر معلومات ایدنمک حال و استقبال حقننده کی افکاری تنویر و تقویه ایده جکی گبی بوکتابده محرر اولان وقوعات حربیه نکه صورت جریانلرینی لایقیله آکلامق ایچونده مطلقاً قدامنک نه گبی اساسلره استناداً حرکت ایللمش اولدقلرینی بیلیمک مقتضی اولدیغندن شو مطالعاته مبنی قدمای بحریونمز طرفلرندن قبول و اجرا ایدلمش اولان قواعد حربیه بحریه دایر بو مبحدده بر مقدار معلومات ویرلمک مناسب گورلمشدر. شو مقاله نکه مطالعه سنندن

ایدیله جك بر استفاده دها اولوب، اوده قواعد حربیه قدیمه دن بعضیلرینك الحاله هنده دستور العمل اتخاذ ایدلمکده بولمیسدر. مثلاً: دکنزده دشمن دونماسنه تصادف اولندیغی زمان اگر دونمای هایون انگین جهتده بولنور، یاخود قره دشمن ساحلی اولور ویاخود ایکی دونماده انگینده بولنور ایسه شواوچ صورتده محاربه ایتک مجازدر؛ چونکه، اثنای حرب ووغاده افرادك سلامتی آنجق گمینك نجاتنه وابسته اولوب، باشقه بر جای امیدوالتجا بولمیدیغدن عسکر مقابللرنده بولنان اعدا دونماسنك انهمزامله ایراث ایده جکی ضرر وخطردن تخلیص نفسلری ایچون برجهد تاموسی بلیغ ایله وظائف حربیه لرینی ایفایه مسارعت ایدرلر و بویوزدن نسیم فوزونصرت دخی دونمای هایون طرفنده وزان اولور. دونمای هایون ساحل جهتده بولنوب ده دشمن دونماسی انگینده اولور ایسه اول صورتده محاربه یه طوتشمقدن احتراز اولنق وعادتا دشمنی گورمه مشجه سنه حرکت اولنه رق جوارندن تباعد ایله دکنز طرفی طوتمغه سعی اولنق لازمدر؛ چونکه، دریا جنگی جان پازاریدر؛ ایچنده بولنمیان بیلمز! اوله بر هنکامه قیامت نمونده هر کس قره یه جان آتمق ایستر! گوزلری قره یه دیکلمش اولان عسکرله محاربه یه قیام ایتک عادتا گوز گوره فلاکت ومخاطره یی دعوت ایلمک اولدیغدن بویله بر موقعده هر وجهله حربدن توقی ومجانبت شیمه عقل وفطانتدر.


بو قواعد نافعه یه رعایت اولنماق خطاسیله برقاچ بیوک دوننامز دوچار محو اولمشدر. ازجمله: وندیکلیلرله وقوع بولان فوچه وحانیه محاربه لری بوزغونلخی، چشمه، ناوارین، سینوب لیمانلرنده دونمای هایونك دشمن دونمالری طرفندن احراق اولنمی فلاکتلری هپ بودستور متینه عدم رعایت یوزندن ایلری گلمشدر. هر نه قدر محاربات مذکوره ده کی مغلوبیات واقعیه — تفصیلاً نقل وحکایه اولنه جقلری

صرده ذکر و اتیان ایدیله جنک اولان — دها بر طاقم ماده لر کده حکم و تأثیرلری اولمش ایسه ده اساساً سمیت و یرن کیفیتک قواعد مذکوریه عدم رعایتدن عبارت اولدیغنده شبهه یوقدر .

قره دکر سواحلیک بر قسمی روسیه دولتی یدینه گنجیه قدر مذکور دکره یالکیز دوات علیه حاکم اولدیغندن اسکیدن بوراده اوله بیوک بحریه محاربهلری وقوع بولمامش ایسه ده بعضاً چاپو لچلیق ایچون (افزی) [دینه پر] نهرندن «شایقه» (Tshaika) [(۵۰) نفر محاربی حامل* آلتی دوز و عریض و اوچ خفیف طوپ چکر و روس و قازاقلر طرفندن قوللانیلیر بیوکجه بر نوع قایق] لرله دکره چیقان و — و احل عثمانیه باصقین ایدن قازاقلر علمنه دونما سوق اولنور و آنرله دکر محاربهلری وقوع بولوردی .

بویله بر محاربه ده اتخاذ اولنان اصول ایسه آق دکرده جاری اولان قواعد حربیه نك مخالفی اولوب، قازاق شایقهلری ساحلدن (۱۵) ویا دها زیاده میل مسافه بعید اولدجه اوزرلرینه وارماز و دفع و تبعیدلری ایچون ساحلدن چاره سنه باقیلردی؛ چونکه، اثنای حرب و ضربده گمیلر ساحله تقرب ایدرک حرب غالبه سیله فرقه وارلمق سزین صیغ صولرده اوطورملری ملحوظ ایدی . بو جهته اگر شایقه لر آچیقده لر ایسه دونما ساحل جهتی آلوب، آنلری دکر طرفه سورمکه سعی ایدر وانگینه چیققدن صکره جنک ایدرلر و اگر روزگارده بولنور ایسه اول زمان آرتق بی پروا اوزرلرینه واروب، چیکنه تیرلردی؛ زیرا، قادر غلره نسبتاً شایقه لر صغیر و اهمیت سز سفینه لر اولدقلرندن ازاله لری ایچون اک کسیرمه طریق ده بوایدی . دکرده تصادف اولنان دشمن دونماسیله محاربه ایتک محذوردن سالم اولدینی صورتده وقوع بوله حق محاربه ده استحصال مظفریت ایچون نه گی تدابیره تشبث ایلمک اقتضا ایدر؟

لوم ۶ — اوندردنجی عصر میلادیده انشاقاقلنمش بر (وندیک قادرعسی)



بو مسئله نك حلی ایچون اول امرده هجوم و مدافعه شقلمندن
هانکیسنك اختیار اولمنسی اولی اولدینی بیلنمك لازمدر؛ چونکه،
گرك دکرده، گرکسه قرده محاربه یا هجوم ویا مدافعه صورتیه
وقوع بولور.

بویکی صورتك برندن، مثلاً هجوم مانوره سنك اجراسندن مقصد:
دشمنك اك از مدافعه لی و ضعیف اولان قسمی اوزرینه سرعت
و سهولتله زیاده قوت جمع ایدوب، بو قسمنی دوچار انهزام ایتدکدن
سکره قسم باقیسی اوزرینه ده قوه متبایه نك ینه حائر رحجان
بر صورتده هجوم ایتمکله صالح و مقتدر بر حالده بولمسیدر.

صورت دیگردن، یعنی مدافعه مانوره سنی اجرادن مقصد دخی:
دشمنی سوق ایده جکی قوتدن دها زیاده بر قوته تصادف ایتدیرمك
اوزره هجوم ایده جکی آکلاشیلان نقطه یی ترتیبی و احتیاطی بولندیرمق
ویا خود دشمنك هجوم پلانی و [*] نظام حربی و مانوره و حرکتی
مناسبتسز و یولسز گوردیکی آنده همان بو فرصتدن استفاده ایله
نظام حربنك اك ضعیف نقطه سی اوزرینه آکا راجح بر قوتله هجوم
ایتمك اولدینه نظراً شو ایکی صورتك هر ایکسینده ده نائل ظفر
و غلبه اولمق الده بولنان قوتك حسن صورتله استعمالنه متوقف
اولدیغندن بر دونما قوماندانی معیت موجوده سنه اعتمادی اولدینی
صورتده هجوم شقنی اختیار ایتمك و قوتندن امین اولدقجه مدافعه
طریقنه گیتمك مناسب اوله جنی قواعد حربیه اقتضاسندن ایسه ده
هر حالده هجوم مانوره سنی بالترجیح او یوزدن استفاده یه چالشمق
بر درجه یه قدر مظفریتی کندی طرفنه تأمین ایلمکدر؛ چونکه،

[*] نظام حرب — «کشت و کذار» و «هجوم» و «رجعت» و «تعقیب» مقصدیه
دونما ویا اقسامنك بر ویا خود زیاده کتریز خطری اوزرینه ترتیب و تنظیم ایلمسنه تعبیر اولور.

مهاجم بولنان دونماتك افراد عسكریه سی دها حربہ مباشرت اولنمازدن اول حرکتلری دلالت ظاہرہ سیلہ نائل ظفر و غلبہ اولہ جقلرینہ قطعیاً امیدوار بولنہ جقلری جہتلہ بر امنیت تامہ ایلہ وظائف عسکر۔ یہلرینی ایفایہ مسارعت ایدرلر۔ قارشیلرنده بولنان مدافع دونما افرادی ایسہ دها ابتدادن قوؤ مقاومتلرینك کفایتسزلکنہ حکم ایلہ بر مایوسیت مغنویہ دوجار اولہ جقلرندن او مایوسیت سائقہ۔ سیلہ خدمت عسکریہلرینی دہ بحق ایفایہ مقتدر اولہ میہ جقلرندن شاهد مظفریتك مهاجم دونما طرفندہ عرض دیدار ایدہ جکی بر امر آشکاردر۔

ایشتہ بو حقیقتہ مبنی سلفندہ وقوع بولمش اولان محاربہ لردہ دونمای ہایون دائماً هجوم حرکتی اختیار ایدر و بو طریق ایلہ مظفریتی تأمین واستحصال ایلردی۔

گرك هجوم و گرك مدافعه صورتیلہ محاربہ ایدہ جك اولان بر دونما وظائف حربیہ یی یولیلہ ایفا ایتك ایچون نہ وجہلہ تعیہ اولنمق ونصل نظام حرب اخذ ایتك اقتضا ایدر؟

ابتدائی دول بحریہ دن کافہ سنك دونمالری بزده قادرغہ تعبیر اولنان غالر نامندہ کی سفائنندن عبارت اولوب، سفائن مذکورہ نك آنجق باش طرفلری طوپ ایلہ مجهز بولندیغندن محاربات بحریہ سفائن مذکورہ ایلہ اجرایہ منحصر اولدیغی مدتجہ اخذ اولنان نظام حرب «بورده نظامی» یعنی سفائنك پرووہلری بر جہتہ متوجہ وجناحلری یکدیگرینہ متناظر بولنمق اوزرہ برصرہ «صف حرب» تشکیل ایتکدن عبارت ایدی۔

بو نظامی اخذ ایدن سفائن ایکی صورتلہ صف حرب تشکیل ایدرلردی:—

برنجیسی — سفائنك بر خط مستقیم اوزره مرتب بولنسی
اولوب، بو نظام حربی اخذ ایدن دونما اکثریا ایکی ویا اوج صره
اولق اوزره ترتیب و تنظیم اولنورلر و تك صره بورده نظامی اندر
اوله رق استعمال اولنور و هر بر خطده موضوع و مرتب اولان
سفائنك ینلری طوللرینك ضعفه مساوی بولنوردی.

اینگلیسی — بالایجاب تك صره بورده نظامی آله مجبوری
حاصل اولدینی تقدیرده نظام مذکور مقعر طرفی دشمن جهته متوجه
اولق اوزره «شبه نصف دائره» شکلده ترتیب و تشکیل اولوب.
جناحینه «پوینوز» نامی ویریلیر و خط مذکورده موضوع و مرتب
اولان سفائنك آره لری کافی السابق گمیلرک طوللرینك ضعفه مساوی
بولنوردی.

(۱۶۷۲) سنه میلادیه سنه دین باشلیجه مرعی اولان نظام
حرب بویکی صورتدن عبارت اولوب، نادراً دخی مرکزی ایلریده
و جناحینی خط مستقیم اولق وینلرنده برزایوه بولنق اوزره گیریده
بر نظام دها اخذ اولنوردی. تشکیلات مذکورده دن باشقه بعض کرده
قاعدہ سی سکر گمیدن عبارت اولق اوزره «مثلث» شکلده بر نظام ایله
بونک گیر یسنده ینه شبه نصف دائره شکلده بر خط حرب تشکیل
اولنوردی.

دولت علیه بحریه سنده عصر حاضرجه معلوم اولان سفائن
استعمال اولنغه باشلانمازدن مقدم باشلیجه سفائن حربیه قادرغه
انواعندن عبارت اولدیغندن بو نوع حرب گمیلریله وقوع بولان
محاربه لده اتحاد اولنان اصول باشلیجه شبه نصف دائره شکلده
بر نظام حرب اخذ ایدلک و دشمنه تقرب اولدینی زمان یلکینلر
ماینه ایدیلوب، دیرکلر دخی آشاغی آله رق گورکله هجوم اولنق

و شدتلی طوپ آتشیلہ دشمنک نظام حربی بوزدقدن صکرہ بورده -
 لرندن مصادمه ایلہ باطرمق ویا رامپا ایدیلہرک عادتاً بوغاز بوغازه
 دو گوشه دو گوشه دشمنی زبون ایدوب ، گمیلرینی ضبط ایتمکدن
 عبارت ایدی ؛ فقط دشمن دونمسانده قالیونلر موجود اولدینی
 صورتده قادرغه ایلہ قالیونه چاتمقده محذور اولدیغه منی اوزاقدن
 طوپ ایلہ دوگوب ، دومن و دیرکلرینی قیردقدن و آرمه سنی اوچور -
 تدقدن صکره چاتمق و بووجهله ظفریاب اولمق قاعدۀ متبخذهدن ایدی ؛
 چونکه ، قالیونلرک باتریالرنده کی طوپلر قیصه اولدیغندن منزللری
 دخی آز اولوب ، حال بوکه ، قادرغه لرک باش طوپلری قالیونلرککنه
 نظراً اوزون بولندیغی ایچون منزللری ده اول نسبتده زیاده اولدیغندن
 قالیونی دوگمکده هر وجهله حصول موفقیت محقق ایدی . عکسی
 تقدیرنده دخی قالیونلر قادرغه لره نسبتاً غایت جسم و یوکسک گمیلر
 اولدیغندن اگر روزگار اولور ایسه سیرسریع ایلہ قادرغه لری
 چیکنه یه جکلری گبی طوپلرینک منزللری داخلنده بولندیغی صورتده ده
 بر قادرغه نک قوللانہ جنی نہایت اوچ طوپه قارشی قرق ، قرق بش
 طوپله مقابله ایدہ جگندن قادرغه یی غرق و تلف ایتسی محقق اولوب ،
 رامپا اولندیغی حالده دخی قادرغه نک آلچقلغیله برابر عسا کر موجوده -
 سی ده نسبت قبول ایتز درجده قالیونلرککندن دون بولندیغندن ینه
 حربی غائب ایدہ جکی درکاردر .

اگر دونما قالیون و ماونه و قادرغه لردن مرکب اولور ایسه محاربه
 وقوعنده بورده نظامی اوزره اوچ صره صف حرب تشکیل اولنوب ،
 برنجی خطه قالیونلر ، ایکنجی یه ماونه لر ، اوچنجی خطه دخی قادرغه لر
 تبعیه اولنہ رق پاشا باشتارده سی اک گیریکی خطده براقیلیر و محافظه سی
 ایچون دخی رفاقتہ بش قطعه قادرغه مأمور ایدیلریدی . بوقادرغه لرک
 ایکسی ایلرینسندہ و اوچی گیرینسندہ بولنوب ، گیریدہ کی گمیلردن بری

دومنی محافظه ایدر ، دیگر ایکسی ده بشنجی آلتنجی کورکری حداسنده برابرجه ایلرلردی . اثنای حربده قپودان پاشا عسکری حربہ تشویق ایتک مقصدیله باشتارده دن چیقوب ، قایقله موقع حربده طولاشمقدن اجتناب ایتک مقتضای حال ومصاحت اولوب . شاید بومثللی بر حرکت سقیمه ده بولنه حق اولور ایسه انهمزام وقوعنه سببیت ویره جکی بالتجربه ثابت اولدیغندن « اثنای حربده سردارک موقع مخصوصنی ترک ایلمی مغلوبیتی موجب اولور » قاعدۀ اساسیه سی دستورالعمل اتخاذایدیلردی . اثنای حربده فورصلردن زیاده سیله حذر ایدرلردی ؛ چونکه ، جزوی بر انهمزام وقوعنده بولندقلری سفینه ایله برابر دشمن طرفه فرار ایتدکری مکرراً وقوع بولمش اولدیغندن مؤخرأ ترک ایله قاریشقی بولندیرمق اصول اتخاذا اولنمش ایدی .

قالیونلر باشلیجه یلکنله متحرک بولندقلری ایچون روزگار اولمدیغی صورتده دونمانک سرعت مطلوبه ایله سیر وحرکته مانع اولدقلرندن عثمانلی بحریه سنده بومثللی سفائن جسمه ابتدای انشالرنده — بوغاز دشمن دونماسی طرفندن سد و بند اولندیغی زمان — یالکزدوننمای بوغازدن چیقارمق واکثریا سوقیات خدمتنده قوللانلق اوزره ایکنجی درجه ده اهمیتی حائر قوه حریه دن عداولنه رق اصل دونمای هایونی تشکیل ایدن سفائن هم یلکن وهم کورکله متحرک ماونه وقادرغه وسائر سبکار مراکب بحریه دن عبارت اولوب ، ایستیلان جهته سرعت وسهولته سوق اولنورلردی . بومثللی بردونما دکزده دشمنه تصادف ایتدیکی زمان یا بک گیلری ایلریکی خطی تشکیل ایتک وترسانه گیلری گیریکی خطده بولنق اوزره بورده نظامنده ایکی خط حرب تشکیل ایدرلر ویاخود شبه نصف دائره شکلنده اوله رق مرکز وصاغ وصول جناح لر نامیه اوچ فرقه اولق اوزره

بر بورده نظامی اخذایدرلردی . بویکی صورتدهده پاشا باشتاردهسی مرکزده بولنوب ، عموم خط حربہ قوماندا ایدر وماونہلر جناحلرہ تعیہ اولنہرق طرفین بووجهله قوتلندیریلیر وهر فرقهیه مخصوص اولان قوماندانلر دخی منسوب اولدقلری فرقلرک مرکزلرنده بولنوب ، جناحینه قوماندا ایدرلردی .

اگر دونما معیتده قورصان سفائیده بولنہ رایسه آنلر دخی خط حربک خارجنده «امتیاط» مقامنده بولندیریلہرق حین اقتضاده ضعیف اولان نقطہلرہ معاونته سوق اولنورلر وفرصت دوشدکجه دشمن خط حربنک یان طرفلرندن هجوم ویاخود گیرسینی آلہرق تعرض ایله خط رجعتلرینی قطع ایدرلردی . بومثللی بر نظام حرب اخذ ایتمش اولان دونما دشمن دونماسنه حین تقابلنده ابتدا جناحین یکدیگرہ تلاقیده جکلرندن محاربهیہده اولامرده بونقطہلردن باشلانیر وبرقاج دقیقه صکرہ مرکزہ دخی سرایتله عموم خط حرب اوزرنده جنک وجداله ابتدار ایدیلردی .

محاربهیه شروع اولنمازدن مقدم باش طویلری (مسکت) ایله طویلیریلہرق حاضر بولندیریلوب ، حین تقریده هپ بردن آتش ایدیلرلر وتمامیله یکدیگرہ قارشدقلری ائنالرده اک زیاده رامپا مانو - رهنک اجراسنه ویادشمن خط حربینی یاروب ، گچمکه سعی ایدرلردی ؛ چونکه ، ایکی سفینه برکرہ بربرینه رامپا اولدیلرمی ! آرتق ایکسینکده برطرف کورکلری ایشله میه جکسندن بربرندن انفکاککی محال اولوب ، ایش طرفین عسکرینک بازولری قوتنه قاله جنی جهتله گوجلرینه گوگنمکده اولان عثمانلی دلاورلری بوخصوصی ازجان ودل آرزو ایدرلردی . رامپا اصولنده ایکی طرف دونماسنی تشکیل ایدن سفائن بر صنفدن اولمق شرط ایدی . برده دونماجه مخابراتی تسهیل ایچون شمیدیکی گبی اشارات مکمله موجود اولدیغسندن قوماندالرده ندا ایله اجرا

اولنوردی ؛ و دونما قوماندانی اولان ذات حربك قاریشق زمانلرنده ترسانه چاوشلرینی و بندکاتی قایلرله جهات مختلفه یه سوق وارسال ایدهرک اقتضا ایدن اوامری بو وجهله اعطا ایدردی .

درنمانك [۶] کشت و گذاری ویا لیللاً حرکتی ائساننده ویا خود بوغازلردن و آطه لر آره سندن مرور اولنورکن « قول نظامی » اوزره حرکت اولنق اصول متخذدن اولوب . بونك ایچون دخی دونمائی تشکیل ایدن سفائن یکدیگرینك دومن صوبی استقامتنده بولنور ، یعنی بر خط مستقیم اوزره ترتیب و تنظیم اولنوردی ؛ مع مافیه ، موقعك مساعده سی و سفائنك عددجه کثرتی نسبتنده دونمانك بردن زیاده قول نظامیه سیرو حرکت ایتدیکی ده وقوع بولوردی . قدمای بحریونمز بونظامه « دوه قطاری » نامی ویرمشلردر . نظام مذکور طوپك سفائنده برنجی سلاح اوله رق قبول و تکثیر اولندیغی زمانلردن اعتباراً اثنای حربده دخی نافع بر مانوره اولنق اوزره استعمال اولنغه باشلانلمشدر . دونمائی هایونك کشت و گذار ائساننده بعض کره دخی « عرب آلوی » تشکیل ایلدیکی ، یعنی هیچ بر کرتریز خطنه تابع اولنقسزین اجرای سیر و حرکت ایتدیکی ده وقوع بولوردی .



[۶] دشمن دونمانسك بولندیغی محله ده اجرا اولنان سیر و سفره تسمیه اولنور .

اون برنجی فصل

احوال دریا و دونه‌ایه دائر دستور العمل اتخاذ ایدلک اوزره
مشاهیر بحریون طرفلرندن درمیان ایدلش
اولان اقوال و نصایح مفیده : —

(۱) اگر قپودان قورصانلقدن یتشمه دکل ایسه امور بحریه
و خصوصات حربیه‌ده قورصانلرله مشورت ایدوب ، رأی و تدبیرلری
اوزره حرکت ایتک و کندی فکریله عمل ایلمه مک لازمدر ؛ چونکه
کندی بیلدیکنه گیدنلر اکثریا نادم اوله گلمشلردر ؛ علی‌الخصوص بو
باده بر خطا واقع اوله جق اولور ایسه ضرری یالکیز نفسنه منحصر
اولیوب ، عموماً بردن تعلق ایدر .

ملاحظه — شوماده هر نه قدر حال حاضره نظراً حکمسنر و فائده‌سزگی
مشاهده قلمقده ایسده اعصار سالفه‌ده متانت فوق‌العاده‌ی حائر بردستور
قطعی مثابه‌سنده ایدی ؛ چونکه ، بوندن همان یارم عصر اولنه کلنجیه قدر بحریون
ایچون قورصان سفائی تطبیقات حربیه مکتبیلری حکمنده اولدیغندن هر دولتک
مشاهیر بحریونی همان هپ بورالردن یتشمس و مؤخرأ دولترینه خدمات
عالیه و مشکوره‌ده بولمشلردر ؛ زیرا ، محاربه‌ایچون سرعت انتقال ایله اعتدال‌ده
قدرفواندی درکار هیچ‌برشی اولمادیغندن اوصاف مذکوریه حائر اولمق ایچون‌ده
متعدد محاربه‌لرده بولمق و هیچ اولماز ایسه آتش و نشان تعلیم‌لیله پک‌چوق اشتغال
ایتمس اولمق اقتضا ایدر . یوقسه عادی دونه‌مانوره‌لیله قپودانلرک وظیفه‌لرینی
اوگر غلری قطعاً قابل اوله‌ماز ؛ بناءً علیه ، قپودان اوله جق ذات ایچون حین
محاربه‌ده هر شیدن زیاده متانت و غیرت و سکونت و تام و صحیح گوریجی گوز
وایی ایشیدیلجی قولاق لازمدرکه ، اشبو اوصاف مطلوبه اوله صرف علوم
و فنون ایله اکتساب اولنه‌میوب ، آنجق عملیات و استیناس ایله تحصیل ایدیلیر .
ایشته بوجهتله اوللری قپودانلرک قورصانلقدن یتشمس اولرینه اعتناقلیردی :

حاصل کلام، دستور مذکور شوزمانه تطبیق ایدیلدهجک اولور ایسه
استحصال اولنهجق نتیجه: حرب سفینه سی سوارسی اولدهجق ذاتک «تعبیه بحریه»
قواعدینی مکملاً بیلکه برابری آز چوق محاربه گورمش ومدت مدیده دکرده
گورمش، اموردیده ومجرب الاطوار ذوات نادرده دن بولنمی ویالکزرای خودیله
حرکت ایتیوب، ایجابنده معینکده فکرنده استفاده چاشمی شرط اعظم
اولدینی گبی بواوصاف مطلوبه نی حائز اولمانلرکده وظیفه نازکه ورقیمه نینی
ایفا ایدهمیه جکری حقیقتندن عبارتدر.

(۲) دولت سفائن حربیه سنی کندی ترسانه لرنده انشا ایتدرملیدر؛
چونکه، هم پاره داخلده قالیر، هم مملکتده ارباب هنر و معرفت
چوغالیر، هم ده عمله نک تعیشلری تأمین ایدلمش اولور؛ فقط
اوصاف مطلوبه ورسانت لازمه نی حائز سفائن انشا اولنه میور ایسه
اول حالده مطلوب حاصل اولنجه به قدر موقه وبالضروره خارجدن
مبايعه ایتک اقتضا ایدر.

(۳) دونمایدیه مقتضی اولان مهمات متنوعه هرزمانده مکملاً
حاضر ومع احتیاط موجود بولندیریلوب، هیچ برسبیله وهیچ بر
وجهله ناقص براقلماملیدر؛ یعنی «ماضر اوله بنده اگر صلح وصلاح
ایستمر ایتک» مضمونجه حرکت ایدملیدر؛ چونکه، اثنای سفرده
تدارکی مشکل وبلکه ممکنسز اولور.

(۴) دونما بوغازدن طیشاری چیققدن صکره دقت وبصیرت
اوزره بولنیلوب، «قره قول» اکسک ایدلمملیدر. سیر وسفر اثناء
سنده دائماً دونمانک اوچ درت میل ایلریسنده ایکی الویرشلی «قالیه»
بولندیرمق وبونلری لیمانده یاتلدینی مدتجه دخی دونمانک تیمورلی
بولندینی محلدن دکر طرفه اولمق اوزره لااقل اوچ، درت میل
الارغه یاتیرمق ایجاب ایدر.

ملاحظہ — ہو مادہ ہر زمان ایچون موجنبہ عمل اولندجق بر دستور عوی حکمنده اولوب * عصر حاضرده دخی دوننانک کشافلق و مترصدلق یعنی ایلری قره‌قولی خدمتی (قرووازورلر) و سائر نوع سفائن صغیرہ و سریعہ ایلہ طورپیدو واپورلری ایفا ایتکده‌در.

(۵) دونما سفائن کثیرددن عبارت اولدینی صورتده ایکی فرقہ‌یہ تفریق ایلہ برنجی فرقہ‌یہ دیگرندن برگون مقدم حرکت ایتدیرمک اقتضایدر؛ چونکہ، ہر لیمانک بوقدر کثرتلی سفائی استیعابہ تحملی یوقدر. ہر نہ قدر اطہلرک ہر طرفندہ یاتیلہ بیلیر وروز-گار نہ طرفدن اسرایسہ اوتہ طرفہ گچیلیرایسہ‌دہ سواحل بویلہ اولمد-یغیندن دوننانک اقامتی ایچون ہر حالده بر لیمانہ احتیاج مس ایدرکہ، بویلہ عظمتلی بر دونمائی استیعاب ایدہ بیلہ جک لیمان دخی ہر یردہ بولنہ‌ماز. ایشہ بوسیددن دوننانک ایکی ویادہا زیادہ فرقہ‌لرہ تقسیمیلہ آری آری سوق ایدملری و حین اقتضادہ متفقاً حرکات بحریہ اجراسی ایچون برلشمک اوزرہ معروف و مساعد لیمانلردن بری دخی مرکز اتخاذ ایدلمک مناسب اولور.

ملاحظہ — ہو مادہ اعصار سالفہدہ اجرای احکامنہ رعایت اولنور، حائز اہمیت بر قانون حکمنده ایدی؛ چونکہ، دولت علیہنک آق دکرہ (۳۰۰) قطعہ‌ی متجاوز سفائن حربیہ‌دن عبارت جسیم دوننالر شوق و اخراج ایلدیکی پک چوق کرہ لر وقوع بولمشدر. حال بوکہ، شمیدیلرہ سفائنک قیمتہ نظراً اولہ کثرتلی دونما سوقہ دکل دولت علیہ، ہیچ بردولت قادر اولہ‌مدیغندن وعلی الخصوص گمیلر بخار ایلہ متحرک بولندیغندن دستور مذکورک دخی شمیدیلرہ اسکسی قدر حکم و اہمیتی قالمش گبیدر.

(۶) اطہلر آرہ‌سندہ گرک روم ایلی وگرک آناتولی ساحلرندہ بولنلسون، گرکسہ اورتہ‌لرہ اولنسون زوالدن صکرہ بر لیمانہ یتشیلیر ایسہ ہر حالده گیریلوب، لیمان باصلماق، یعنی ایلریدہ بر لیمان دہا

واردردیه گچیلیمه مک اقتضا ایدر ؛ زیرا ، یاروزگار وفورطنه ظهور ایتمک یاخود گیجهیه قانوب ، پریشانلق واقع اولمق احتمالی وارددر . بو باده «انگینده باشقدکرده یاتمنه خطادر» مثل مشهورینه رعایت ایتمک لازمدر .

ملاحظه — بوماده هر نه قدر یلکن سفائی حقنده جاری اولمق اوزره وضع ایدلمش ایسه ده واپورسفائی ایچون دخی — اکر بر مجبوریت یوق ایسه — احکامنه رعایت اوانمقده منفعت کثیره درکاردر .

(۷) بوغازی چیقدقدن صکره صباح نمازینی قلمینجه قالقلمامیلدر . بو دینا مکلف اولدیغمز بر و وظیفه در ؛ ایفاسنه رعایت هر حال وکارده موجب نجات و سلامت اولور .

(۸) باشتارده رئیسلی [پاشا گیمسی سواریلری] جزایر ده و دریاده نیجه ییلر گزمش ، قورصانلق ایتمش ، وقعه دیده و کار آزموده عارفلر اولمیلدرلر ؛ زیرا ، دونمانک حرکت و سکونی آنلره تابعدر .

ملاحظه — بو ماده نک گرچه شو زمانده حکمی قالمش ایسه ده پاشا گیمسی سوارینک بر قورصان اولسی مقامنه (۱) رقلی ماده نک ملاحظه قسمنده کی اوصافی جامع بر قیودان بولنسی شرطدر ؛ دینلدیکی صورتده ینسه اهمیتی محاقطه ایده جکنده شبهه یوقدر .

(۹) دونما گیدرکن باشتارده کورکچیلری کورکلرینی «قارنال قنادی» یعنی یواش یواش چکەرک آغر آغر ایلرلیمک اقتضا ایدر . پاشا گیمسی سرعتله حرکت ایتمه میلدر ؛ چونکه ، فورصلره گمی باصمق ایچون میدان ویرلمش اولور . بعض اسپانیا قیودانلرینک عثمانلی دونماسی حقنده

« سزك كيميركنز بوروك دكلر ! » ديهه مؤاخذه يه قيام ايلمش اولمليينه قارشى عارف عثمانى قورسانلرينكده « بزم كيميرمنز قايماي قورماز ؛ قوراندنه قايماز كيمردر ! » ديهه مناسظرلريني الزام ايلمش اولدقلرى مشهوردر .

ملاحظه — عصر حاضرده دخی دوتياي تشکيل ايدن سفائن حربيه ناک يولسز بولنانى قوماندان گيمسى اتخاذا اولمق ويا خود قوماندانک بولندينى گمى دوتخاذا موجود اک يولسز گمينک يولسه موافق برسرعتله حرکت ايتک — محافظه انتظامه سبب مستقل اولديغنه مبنى — قبول اولمش قاعده مرعيه دندر .

(۱۰) اطهر آرهسى صيغ يرلردر وقارتيدر ؛ برروزگار اسر ، اوتوز ايکي دورلو گوستر ؛ مراد اولنان يرلره توصيل ايتز ؛ هر اطه نك بر باشقه قارنيسى واردر ؛ دوکونتيلرى دخی چوقدر ؛ آز زمانده چوق گمى قضاذه اولور ؛ « اطهر آرهسى دونما قنارهسى » ديرلر مثل مشهوردر ؛ بنابرین . قبودانلر ايچون آرشيل داخلنده غايت احتياط و انتباه اوزره سير وسفر ايتک امور واجبه دندر ؛ باخصوص يلکن گمیلری حقنده بوماده نك احكامنه صوك درجهده رعایت لازمدر .

(۱۱) گمیلر ياغلانہ جنی زمان ايکيه تفريق اولمق و بر قسمي ليمانده ياغلانمقده ايکن قسم ديگري احتياطاً ليمان خارجنده بولندير . يلوب ، محافظه اعتما قلنمق امور واجبه دندر .

ملاحظه — شمديلرده قوللازيلان گمیلر ياغلانمغه محتاج دگلر ايسهده اشناي حربده بر دوتما صو وکور ولوازم سائرهنى اخذ واکمال ايتک ايچون بر ليمانه ايشه نك اولدينى زمان بر قسمي مهمات مقتضيه سنى اخذ ايدنجيه قدر قسم ديگرينک احتياطاً همه حال ليمانک خارجنده بولنديرلى رعایتى واجب بر امر مهمدر .

(۱۲) دونما ناوارین لیمانه مواصلت ایتدیکی زمان مذکور لیمان همواسع ، هم محافظه‌لی ، همده مناسب بر موقعده بولندیغندن بر خیلی زمانر دونمای همایون طرفندن اس الحركات اتخاذ ایدیشیدی ایکی قطعه سریع السیر قالیته انتخاب اولنوب . دشمن سواحله ارسال اولنهرق احوالنی تفتیش وتفحص ایتدیرمک واسیر الدیرمق خصوصلرینه اعتنا واجرا قلنان تحقیقاندن اگر دشمن دونماسنک مسیناده اجتماع ایتمش اولدقلری آکلاشیلیر ایسه یالکز سواحلك محافظه سیله اکتفا اولنوب ، بریره حرکت اولنماق مقتضیدر .

(۱۳) اگر مسیناده دشمن دونماسی یوق ایسه اول زمان دشمن سواحله ویا انگینه گیتمک اوزره قرار ویریلوب ، حرکت اولنمازدن مقدم دخی (ناوارین) ده (۱۰ ، ۱۵) پاره قادرغه بوزمق ، یعنی دونمای تشکیل ایدن سفأندن ایشه یارامیانلری اوراده ترك اولنهرق کورکچی وجنکجیلری سفأن سائرده توزیع اولنوب ، عسکرک دوکوتیلری اوراده ترك اولنمق خصوصلرینه دقت ایدلمک اقتضا ایدر .

(۱۴) ناواریندن انگینه طوغری حرکت اولنمق خصوصنه قرار ویرلمش ایسه واریلرده اون بش گونلك صوبولندیرمق ولیماندن اقشام نمازدن صکره چیقوب ، اهالی یهده بر یوکسک محله ایکی گجه آتش یاققلری اکیداً تنیه اولنمق اصولدندر ؛ چونکه شاید فورطنه ظهور ایدرده عودت اولنمق لازم گلیر ایسه دونمانک سهولتله لیانی بوله بیلرسی ایچون بویه برتدبیره مراجعت اولنمق وحتى اوزرلرینه برمامور بیه تعین ایدلمک مقتضای حال ومصلحتدندر .

[اول زمان ممالك محروسهده ساحل فنارلرینک مفقودیتی بو گئی تدابیره مراجعتد احتیاج مس ایتدیررمش] .

(۱۵) آچیق دکره سفر اولنه جغی زمان گيجه لین شاید بر فور۔
طنه ظهور ایدر ایسه گمیلرک یکدیگرینه چاتملمری وبر برینی غائب
ایتملمری، یعنی فیلودن چیقماملمری ایچون هر گمینک فنارینی یاقسی
واکر دائمی فناری یوق ایسه موقت بر فنار آصمسی تنیه اولنمایدیر۔
شو مادهدن گمیلرک لیلا بورده فنارلری استعمال ایتممکده اولدقلری
آکلاشیلیر».

(۱۶) دونما روم ایلی ویا آناتولی سواحانه گستدیکی زمان
تجهیزاتی مکمل (۱۰) قطعه قالیتهدن عبارت بر «اینجه فیلو» آطه لر
آره سنه مأمور ایدیلوب، قره قول ومحافظه یه تقید واهتمام قلملیدیر۔
ملاحظه — شو «۱۱، ۱۲، ۱۳، ۱۴، ۱۵، ۱۶» رقلریله
ارائه اولنان ماده لر وقتیلر رعایتی الزم اولان خصوصات احتیاطیه دن معدود
ایدیه لرده شمیدیکی حالدده حکم سرلک لرینه بناء بر حکایه دن عبارت قالمشاردر۔

(۱۷) اکر دونما دکرده ایکن سیس ودومان ظهور ایدر ایسه
ساحله تصادف اولندیغی صورته در عقب تیمور براقق وهوا آچیلنجیه
قدر بکلمک شرطدر۔ اکر انگینده بولنیلیر ایسه گمیلر پراکنده
اولماق ویکدیگرینه چاتمماق ایچون سیس قالقنجه یه قدر پاشا باشتار۔
ده سنده (مهرخانه) [موسیقیه] چالدرلمق وسفائن سائرده دن دخی
چالماق خصوص لرینه اهتمام اولنمایدیر۔

ملاحظه — بواصول الحاله هذه جاری ایسده قوللانیلان وسائط
اخباریه تبدیل اولفتش وهر ملت بحریونی ایچون مشترکاً مرعی الاجرا طوتلق
اوزره (۱۸۶۳) سنه میلادیه سنده گرک بو وگرکسه سفائنک منع مصادمائی
ماده لر حقه دن بین الدول بر نظامنامه ترتیب وتنظیم اولنوب، (۱۸۸۰) سنه
میلادیه سنده دخی تعدیل واصلاح ایدیلرک الحاله هذه دستورالعمل اتخاذ
قلمقده بولمشاردر۔ نظامنامه مذکور احکامجه واپور ویلکن سفائنی طرفلرندن
سیسلی ودومانلی هوالرله قاریاغدینی زمانلرده «بخار دودوکی» و «کوروک»

و « ترومبا مارینا » [سیس بوروسی] و « چاک » گبی وسائط مخصوصه ایله هرابکی دقیقه ده بر دفعه اخبار اتده بولنلقده و بو خصوصه کیچد ، گوندزدقت و اعتنا ایدلکده در .

(۱۸) دونما سرداری اولان ذات کندی گمیسنده بولنوب .
بر خصوص ملاحظه سیله محل معرکه ده گمیدن چیقماملی و عسکر سورمک ایچون بنگگانی گوندرملیدر . « سردارک بیانه صربی قایقه کزمسی قانونه رزمه مخالف و داعی فطردر » .

ملاحظه — شو ماده دونماده حرب ایچون « قره عسکری » دخی استخدام اولندیغی زمانلره عائد اولوب ، عصر حاضرجه محل تطبیقی یوقدر .

(۱۹) اثنای محاربه ده قپودان پاشا فیلوجه موقع مخصوصنده بولنوب ، ایلری وارمغه و دشمنه چاتمغه هوس ایتمه ملیدر . شاید تهلیکیه دوچار اولور ایسه « باش کیمنجه ایاق یایدار اولاز » مثل مشهوری حکمنجه مغلوبیت مقرردر .

(۲۰) بک گمیلرینک هر برندن یوزر نفر فورسه چیقاریلوب ، یرلرینه ترک کورکچی قونلملی ، مخالفت ایدنلر اولور ایسه بلامساحله جزالندیرملیدر ؛ چونکه ، چوق دفعه فورسه لر بک گمیلرینی باصوب گیتمشلردر .

(۲۱) گمیلرک کورکچیلری ترک و فورسه قاریشوق اولملیدر . اسکی قپودانلر کورکچیلرک ایوسنی انتخاب ایدوب ، باشتارده کورکنه اوچ فورسه ، اوچ ترک قورلر و فورسه لردن شدیداً احترازده بولنورلردی . استانبول گمیلرینه دخی چوق فورسه قونلمیوب ، میری اسراسی گمیلره دفترله توزیع اولمق و برگمیده اللی نفر بیله

بولندیرلماق لازمدر . تركك بیلدیكى قدر كورك چكديكى كافیدر .
فورصه لرك مهارتنه طمع اولناملیدر ؛ زیرا ، بك چوق كره لر
گیلیری باصوب ، گیتدكلى وقوع بولمشدر .


ملاحظه — شو (۲۰ ، ۲۱) ماده لرك عصر حاضره تعلقلری یوقدز .

(۲۲) اثنای حربده طوپ و تفنك دانه لرینك اصابتیه شهید
و مجروح اولانلر فی الحال آنباره ایندیریلوب ، نظرلردن ستر و اخفا
ایدملیدرلر . اكر بو خصوصه تقید ایدلیوبده شهیدا و مجروحین
محاربه ایله مشغول اولان افرادك گوزلری اوكنده بولندیریه جق
اولورلرایسه خوف و دهشته دوچار اوله جقلرندن پریشانلق و قوعی
محققدر ؛ حتی یاره لرندن آقان قانلر گوگرتهلری لعل گون ایده جكی
جهتله بومنظره مدهشه نك افراده اوله جق سؤ تأثیراتی ازاله ایچون
گوگرتهلر اوزرینه قوم دوكمك خصوصه دخی همت اولنملیدر .

(۲۳) بر گمینك فتحی میسر اولنجه اول امرده طوپلرینی
یوقلامق ، جبخانه لیکلرینی تحت نظارته آلق و لازم گیلرایسه طوپلری
چیویله مك و سننه لرینی معاینه ایتك خصوصلرینه اهتام اولنوب ، دها
فتح و تسخیری تمام اولمدهن مال غنائم یغماسنه قویولاملیدر .

(۲۴) محاربه اثناسنده بر گمینك صو کسمندن آشاغی اولان
قسمنه گولله اصابت ایدوبده بر دلیك آچدیغی و آچیلان دلیکی
سرعت و سهولته قیامق ممکن اوله میه جنی تحقق ایتدیکی صورتده
صاریق و پیشگیر وسائره مثللی بر طاقم اوزون بزلر صویه ویریلوب ،
آقتی سوقیله بونلرك آچیلان فالیه یی طیقماهلری ممکن اولور ، بعض
گمی بو واسطه ایله غرق اولق تهلكه سندن قورتلمشدر .

لوم ۷ — (مالطن قادرخه سی)



ملاحظه — بوماده اخشاب گمیلره کچوک چاپلی طویلرک آچهجفی دلیکلی طیقماق خصوصنه دائر اولوب * ماضیه عائد بر حکایه در. شوزمانده ایسه: تخم ایصلاندیغی حالده جمی توسع ایتک خاصهسند مالک اولدیغندن مریماتک سفینهیه آیدینی یارهودلیکلی یلکن بزندن معمول طوربه لره تخم وضع ایدیلرک بو طوربه لرله سد اولنوب * ایچرییه صویک دخولی منع ایدیلر؛ فقط طوربه دروننده کی تخم شیشجهیه قدر دلیکک اوزرینه بر امنیت یالیتی وضع و بند ایدلک اقتضا ایدر *

(۲۵) ایام قدیمه دن بری کشورلر فتح ایده گلن عسکر طورر ایکن لوند یازمغه هوس اولنما ملیدر. بلکه عسکری مطلوب وجهه قوللانق نصل ممکن اولور ونیه توقف ایدر؛ بونلری بیلوب، یولیه حرکت ایدلمکه سعی وغیرت اولملیدر.

ملاحظه — بوماده نك دخی عصر حاضرجه محل تطبیق یوقدر *

(۲۶) سواحله قلعه و استحکامات انشاسنه اهتمام اولنه رق دشمنک پای تجاوزی کسر ایدملیدر.

(۲۷) سریع السیر تجار سفائنندن ماعدا بتون سفائن تجاریه ایله سواحله اولوب، مستحکم اولیان کافه شهرلرک محاربه بحریه جه بر ضعف مللی عد اولمنسی قواعد کلیه حربیه دندر.

(۲۸) دونمادن مراد، محاربه بحریه اجرا ایتک اولدیغندن بحر یون ایچون نظر تدقیق و تفتیشدن گچیرلمسی لازم گلن ماده محاربه بحریه نه ایله ونه صورتله اوله بیله جکی مسئله سی اولوب، مسئله مذکوره ایسه الحاله هذه لایقیله حل اولنه مامشدر. بوبابده الکیزیده جالب دقت اولان ماده غایت جسمیم ومکمل اسلحه ایله مجهز بر

دو نمایی اثنای محاربه ده استفاده لی بر صورت ده قولاً لائق ایچون نه وجهه
جمع و سوق ایتک اقتضا ایله جکنه دائر لازم گلن معلوماته احتیاج
عمومی بولنمیدر. معلومات مذکوره آنجق وقت صلاحده (نعبیه بحریه)
فنک نظریاتیه توغل ایدنلرک معلومات مکتسبه و تجارب متحصله لری
سایه سنده بر درجه یه قدر استحصال اولنه بیلیر. (فیه نعبیه بحریه)
سفینه نك قوتی ترکیب و تشکیل ایدن اسلحه متوعه نك اثنای حربده
استفاده لی بر صورت ده استعمالی بیلدیر دیکندن فن مذکور بحریه
ضابطاننك نظر دقت و اهمیتده طوته جنی علوم و فنون بحریه نك اهم
واقدمیدر.

(۲۹) بحرك فوائد عظیمه و منافع جسمیه سندن حصه مند اولمق
املنده بولنان بر دولت اسلحه جدیده ایله مجهز، قوی و متین سفائن
ایله تعلیم و تربیه لری مکمل و اصحاب غیرت و حمیتدن مستعد ضابطانك
تحت قوماندالرنده بر دونما ایله میدان معرکه یه گیرمکه هر آن ودقیقه
حاضر و مهیا بولنمیدر.

(۳۰) تجارت بحریه سی واسع اولوب ده هر مملکتده حقوق دولت
و منافع ملتی محافظه یه ساعی بولنه جق، یا خود نقض عهد ایله حقوقه
تجاوز قیام ایدن بر دولتک تجاوزات واقعیه سنی منع و تکالیف
مضره سنی رد ایده جک بر دولت ایچون جسم اولماز ایسه بیله افرادی
تعلیم و تربیه ایله مألوف، درجه کفایه ده بر دونما ایله هر آن محاربه یه
حاضر و مهیا بولنق واجبات اموردندر. خصوصیه بویه بر دونما
منسوب اولدینی دولت و ملتک هر دقیقه اعتلای شان و شرفه
خدمت ایدر بر واسطه قویه در.

(۳۱) بر دولت دو نمایی حین اقتضاده استفاده ایتک فکریه

تهیه ایلدیگندن اکی اسلحه ایله تجهیز ایلرسی شرطدر. شاید بونوع اسلحه او دولتک مالکی داخلنده اعمال و تدارک اولنه میور ایسه ممالک اجنبیه دن مبیعه و جلب ایلرسی ایجاب ایدر. اگر وطن محصولیدر؛ ویا کندی اختراع کرده مزدرد دیهرک حربجه ایشه یارامیان اسلحه نی قوللانه جق اولور ایسه بر حرب وقوعنده دونمائی غائب ایده جکی محققدرد؛ بنابرین، دونمائی رغبت عمومیه یی قازانمش اسلحه ایله تسلیح و تجهیز ایتک شرطدر.

(۳۲) بر حرب سفینه سندن مطلوب اولان خدمتک اعظم و اقدمندن بری دکرده تصادف ایتدیکی دشمن گمیسنی تخریب ایتک اولوب، بومقصدک حصول چون دخی افراد موجوده سنده ائی گمیجیلک ایله ائی طویجیلغک متحداً بولرسی ایجاب ایدر « بحریه تربی ایچونه کمچی قوللاریموز لازمدرد!» ضرب مثل قدیمندن مراد بحریه افرادی مستعد و معلم اولمق اقتضا ایدردیمکدر. « آتیغنی اورانه عسکر وظیفه سنی ایضا ایتش صابیر!» و « نسانه تعلیمی کورمیه عسکر عسکره اولماز!» سوزلری ده هب قول سابق مؤیددر. « ائی طویجیلغده مقصد ائی تعلیم ییلوب، آتیغنی اصابت ایتیرمکدر!» سوزی دخی ضابطان و افراد بحریه ایچون دستور العمل اتخاذ اولنه جق نصایح حربیه دندر.

(۳۳) بر قوماندانک گوزل ترینائی جسارت، شجاعت و انشای حربده سرعت انتقال ایله محاضرات فیکریه سنی حسن استعمال اولدیغی گئی اک بیوک هنری دخی بعد الظفر کال حلم و عفت ایله تنظیم امور ایتسیدر.

(۳۴) ظفر وقتو حاتی اکمال و ثمره سنی اقتطاف ایتک ایچون ممکن اولدیغی حالدده احتیاط سفائی بولندیرملیدر.

(۳۵) ضابطان ایچون شجاعت، جسارت، متانت و اوصاف سائرہ مستحسنہ نیک تحصیل مجر دس فائ جسمہ دروننده تعلیم و تجربہ و عملیات ایله اشتغاله متوقف اولوب، هر نه قدر بو مثالی سفائ ایله عملیات اجرایی مصارف کلیه یی موجب اولور ایسه ده عدم اجرایی طرفنده بولنان دونما سالف الذکر سفائ جسمه دروننده تعلیم ایله مألوف بولنان ضابطانک منسوب اولدقلری دونمانک دائما مادوننده بولنه جغندن هر حالده ممکن مرتبه جسم سفائ ایله تعلیمه دوام اولمق واجبات امور دندر.

(۳۶) محارب بولنه جق دولتر یکدیگرینک دونماسنک کافه احواله واقف اولمق حربک قواعد مرعیه سندندر.

(۳۷) یالکز برگمینک مرکز دن اوزاق بر محله تصادف ایستیکی دشمنله حرب ایدوب، ایتمه سی خصوصنده باشلیجه نظر اعتباره آله جق ماده لک برنجیسی سفینه ده موجود اولان اشیا و مالزمه سائره محاربه دن طولانی ظهوری ملحوظ اولان تعمیر و تجهیزه کافیمیدر؟ ایکنجیسی دخی ایفاسنه مأمور اولدینی بر مهم خدمت سفینه یی بولنه دوام ایتمکدن منع ایده جک درجه ده بر تهلکیه گیرمه مسنی ایجاب ایتریریورمی؟ ایشته نظر دفته آله جق ماده لر باشلیجه بو ایکی خصوصدن عبارتدر.

(۳۸) دکر دولتر ایچون میدان امتحان و غا و ستیزدر!

(۳۹) دکر قوماندانلر ایچون متصف اولدقلری هنر و معرفت و عقل و کیاست و شجاعت و جسارتی و قوماندالرنده اصابتله برابر محب وطن و دولت و صاحب حمیت اولدقلرینی ابراز ایده رک اکتساب فخر و مباهات ایله جک بر ار میدانیدر!

(۴۰) بحری اولیان بردولت وقت صلحده ملکندن استفاده
ایدهمیه جکی گبی هنگام سفرده دخی حربی تمدید ایده مز !

(۴۱) بحر محیر عقول اوله جق درجه ده فن وصنعت وشجاعت
ومهارتک محل اجتماعیدر !

(۴۲) قوهٔ بحریه سی منتظم اولان بر دولت دنیانک حاکمیتی
صفتی احراز ایله کننددن دون وضعیف اولان دولتلر ایچون
بروزن مقابل وبرساعد عظیم اولورکه ، ضعیف طرفک کفهٔ میزانه
وضع اولنور ایسه اول طرفی آغر باصار وهانکی طرفه اجرای
فعل وتأثیر ایدرایسه اول طرفی درجهٔ اعلایه رفع واصعداد ایلر !

(۴۳) محاربه ده حسن نتایج نائلیتک اعظم اسبابی : قوماندانلغه
نصب وتعیین اولنه جق ذاتک رأی وتدبیری متین ، ثبات واقدامی
مسلم ، شجاعت و متاتی مجرب ، دونما افرادینک خشنودی وامنیتی
قازانمش ، مانوره وحرکات بحریه اجرایی خصوصنده معلم وماهر ،
سکونت قلب وسرعت انتقاله مالک و مضطرب اولسنه ؛ خلاصه ، هر
خصوصده معلومات کامله وهر درلو کجالات فطریه ومکتنسبه بی حائز
بولمغله برابر غیرت ملیه وافراط اوزره صلابت دینه سی اولوب ،
متبوع مفتخنی دخی هر شیدن اقدس بیله رک زیاده سیله سومسنه
منوط ومتوققدر ؛ مع مافیه ، نتیجهٔ حربک ظفر وغلبه طرفه سا -
تقلرنندن الک بیوکی قوماندان ایله طالع واقبال اولدیغندن برامر حربه
تعیین اولنه جق قوماندانک طالعی دخی فرخنده اولمق لازمدر .

(۴۴) ضابطانک دخی سالف الذکر اوصافی حائز اولملری الزم

اولدینی گبی هله مافوقه امنیت اسباب فتوحاتک نصفی تهیه ایده جکندن بوجهتک ده بغایت تحت التزامده بولندیرلمسی امور واجبه دندر .

(۴۵) نفراتک ایسه قوماندان و ضابطلرینک شجاعت و مهارتندن امین اولمغله برابر آنلاردن خوف ایتلمری ، تعلیم و تربیه عسکریه و نظامات حربیه لری یولنده ، غیرت ملیه و صلابت دینیه لری کمالده اولمیدر .

(۴۶) محاربه بر میدان اجرا اولوب ، تعلیم و تحصیل زمانی وقت صلح اولدیغنه بناءً وقت صلحی غایت عزیز و مقدس و قیمتمدار بیله رک بر آن ودقیقه بوش گچیرمه مک اوزره دائماً تحصیل علم و تعلیم ایله اشتغال ایندلمیدر .

(۴۷) انسانی محاربه ده دو تنم او یا اقسامنی خطر و هزیمتدن وارسته قیله رق دشمنه زیاده مضرت و خسارت ایقاع ایتک اوزره بر قاعده سالنه و متأمنده ترتیبات و تشکیلات و مانوره و حرکات بحریه نک اجرایی ایچون محاربه بحریه نک اصول و قواعدینی اوکرنمک اهم و الزمدر .

(۴۸) گرک محاربات بحریه ، گرک بریهیه متعلق بالجمله و قایع تاریخیه کال دقتله مطالعه اولنهرق احوال حربیه دائر بر فکر مخصوص و سالم پیدا ایدمک کافه ضابطان عسکریه ایچون و جائب امور دندر .

(۴۹) گرک امرا و ضابطان و گرک افراد عسکریه دن بولنسون بر شخصک ترفیع صنف و رتبه سی خصوصنده حقانیه کمال درجه رعایت اولنوب ، هیچ بر وجهله شفاعت قبول اولنمایدر .

(۵۰) صنوف عسکریه نک کافه سنه ، منسوب اولدقلری دواثرده

فرصت دوشدکجه گیجه لری « قانوننامه هما یومره » ی قرائتله مألنی آکلاتمق
 و هر فردده مکلف اولدقلری وظائفک حسن ایفا و عدم اجرایی
 تقدیرنده مکافات و مجازاته متعلق گوره جکلری معاملاتک درجاتی
 اوکرتمک و بووجهله عسکرلکه اولان رابطه و اختصاصلرینی تحکیم
 و تقویه ایله نظام حالارینه همت اینمک وجائب اموردندر .

ایکینجی باب

﴿ عثمانی در تمام سنک ابتدای دور ظهوری ﴾

برنجی فصل

مبادی اسفار بحریه — استانبولک محاصره و فتحی : —

(عن ۶۹۹ الی ۸۵۷)

مبادی اسفار بحریه — بحرك حائز اولدینی فضائل و اوصاف عالیہ
لایعد و لایحصى اولوب ، از جمله : « نغونہ صلیمت » ، « منظرہ عبرت » ،
« شہراہ تجارت » ، « باعث تکثیر ثروت » ، « واسطہ انتشار مدینت » ،
« ناشر اقتدار حکومت » ، « مرآت شاہ سلطنت » ، اولدقدن باشقہ « سرعت
مخابرہ » ، « سہولت نقلیات » ، « کشف مجہولات » گبی بر طاقم مهم و نافع
خدمات مقبولہ اجرا سنہ دخی واسطہ یکانہ اولدیغندن بحردن حقیلہ
استفادہ ایدن ، یعنی بر قوۂ فائقہ ایلہ بحرہ حاکم اولان دولتلہ تجارت
وزیر دستانک دول و ملل سائرہ میانندہ حائز اولدقلمری نفوذ
و حیثیت و اعتبار و اہمیت بالطبع درجۂ قصوای کالہ واصل اولمش بولنور .
شو افادہ دن آکلاشدینی اوزرہ حدود حکومتلری لب دریایہ

واصل و منتهی اولان دولترك ثروت ملیه لرینك تزییدی معاملات بحریه یه کسب و قوف و اختصاص تام ایله سفائن تجاریه لرینك تکثیرینه و بونلرك امر محافظه و حمایه لری؛ و علی الخصوص تمامیت مالکیه لرینك تأمین قوتلی دونمالر تدارکنه وابسته بولندیغی جهتله دول مشارالیهیم تحت اداره و تابعیتلرنده بولسان ملل و اقوامی فن انشای سفائن و ملاحات ایله اشتغاله تحریك و تشویق ایده گلدکرندن بو تحریکات جدیه و تشویقات متوالیه سایه سنده امور دریاده ملکه و مهارت کسب ایتمشلر و صناعت بحریه نك گوندن گونه ترقی و اکلانه سعی و غیرت ایلمشلر در.

بو ترقیات متوالیه نك نتیجه سی اوله رق سفینه لرك جسامتی تزايد و شکل و صورتلری تبدل ایدوب، عصر مزده مشهود اولان (قیاق) و (اوج آتبارلی) گبی سفائن کیره انشا اولنمش ودها صکره لری بخار ایله متحرک گمیلر و غایت جسیم زرهیلر و طورپیدو استیمبوطلری و تحت الماء متحرک واپورلر ایجاد اولمغله احوال بحریه بتون بتون باشقه لشوب جهانك روابطی و دول و مللك معاملاتق شکل آخره گیرمشدر.

شو احوال مبسوطه یه تمامیه نصب نظر دقت ایده گلمکده اولان دولت علیه من دخی ابتدای ظهورندن بری امور بحریه یه لایقی نسبتنده اهمیت ویره رك شان و شرف موقعیسنی محافظه یه همت ایتمشدر. ایشته بوجهته بحرأ شرف ترقی یه نائل اولان ملتلر میاننده عثمانلی ملت معظمه سی دخی داخلدر؛ چونکه، دولت علیه نك اوج مختلف قطعه ارض اوزرنده ممالك جسیمه سی اولدیغی و ممالك محروسه سنك اکثر اقسامی سواحل و جزائر دن عبارت اولوب، خصوصاً برای تحت سلطنت من دخی ایکی دریانك نقطه التصاقده بولندیغی جهتله دولت علیه بحرأ فوق العاده براهیت موقعیه یی حائزدر.

رونق و عنوانی برین و بحرینه اجرای حکم و نفوذ ایله کشایش
بولان و بویله ارضک اوج مختلف قطعه سی اوزرنده ممالک جسیمه سی
اولان بر دولت معظمه ایچون او ممالک بعیده و متفرقه بی و سائط بحریه
اعانه سیله یکدیگره ربط و توصیل ایدرک تأمین مخبره و تسیر عسا کر
و مهمات و سائرده هر دقیقه قادر و مقتدر اولق حکمت حکومتجه
شریکسز بر امر اهم اولدیغندن دولت علیه ابدیه الدوامکده خصوص
مبحوث عنیه لزومی نسبتنده اهمیت ویرمش و دول بحریه میاننده
ملکاً و موقعاً حائز بولندینی شو برنجیلک شرفی بحق محافظه یه غیرت
ایتمش اولدینی تاریخک شهادتیه ثابتدر .

هر نه قدر دولت علیه نک ابتدای تشکل و استقلالنده اکثر محلا
ربات قرده و وقوع بولغله سواری و پیاده دن عبارت اولان قوای
بریه جه دول سائرده کافه سنه تقدماً اجرای تنسیقات و تنظیماته موفق
اولدینی تواریخ عثمانیه ده بالا طراف مذکور اولوب ، آنجق تنسیقات
بحریه حقیقه معلومات مقتضیه مفقود ایه ده بو خصوص دولت ابد
مدتک امور بحریه لزومی نسبتنده اهمیت ویرمه مش اولسنه دلالت
ایده مر ؛ چونکه ، دولت علیه اوائل حالنده قوه بحریه یه لزوم گو -
ستره جک قدر سواحله مالک اولدینی و ممالک محروسه نک دریاه منتهی
اولان حدودی آنجق بر قاج میل امتدادنده بر قییدن عبارت بولندینی حالده
بیله بانی ملک و دولت اولان «عثمانه غازی» حضرت تری مجرد قدرت
عثمانیه بی دریا اوزرنده دخی گو سترمک فکر جهانگیرانه سیله مدانیه
کورفرزینک قارشیسنده کائن اولان (قالولینی) جزیره سنه «قره علی»
نامنده گنج بر سرداری بر مقدار عسا کر ایله قایق لره بندیروب ،
سوق ایدرک جزیره مذکوریه فتح ایتدیرمش و سردار مشارالیه
بر چوق غنائم و اسرا دخی الده ایدرک کمال مظفریتله عودت ایتمش
اولسنه باقیلیر ایه دولت ابد مدتک ده ایلک تشکلی زمانرنده بیله

بوجهتی دخی نظر اهمیتدن دور طوتماش اولدینی مرتبه تحققه وارر؛ مع مافیه، دور عثمان غازیدهینه اشبواسفار بحریه جمله سندن اولمق اوزره عثمانیلر مدانیه سواحلی قربنده کائن اولان کیوس (Kıyus) [*] جزیره سنه دخی بر آقین ایتشلردر.

بو سفر، اوزمان دولت علیه نك مرمره دکنزنده کی آناطولی سواحلی محافظه ایتک اوزره امرای مشهوردن «قره مرسل» نامنده کی ذاتک باشبرغی بولندینی بر (ایجه دونما) طرفدن اجرا قلمش ایدی؛ حتی بعدالفتح (ایمرالی)، یعنی (امیر علی) نامی آلمش اولان (قالولینی) جزیره سنه دخی «قره علی» قومانداسیله سوق اولنان مفرزه عسکریه نك «قره مرسل» اداره سنده بولنان مذکور دونمایله گوندرلمش اولمسی ده عادتاً محققاندندر.

ایشته شوایضاحدن آکلاسیله جنی وجهله اوزمان دولت علیه نك مرمره سواحلندن مالک اولدینی بر چوک پارچه یی محافظه ایچون بر (ایجه دونما) تدارک ایتش وبو دونمایه قره مرسل باشبوغ تعیین ایلش اولمسنه باقینجه امور بحریه یه دخی لزومی نسبتنده و بلکه فضله اوله رق اهمیت ویرمش اولدینی تحقق ایدر؛ بناء علیه، دولت علیه نك بو ایلک تدارک اولنان دونماسنه قوماندا ایدن ذاتک دخی عثمانیلر میاننده «ایلك قیودانه دریا» اولمق اوزره طانلمسی موافق حقیقت اولور؛ حتی غازیء مشارالیهک ایام مأموریتنده امور بحریه دولت ایچون استعمال ایلدیکی قایق لر طرزنده اوله رق الحاله هذه انشا ایدیه گلمکده اولان سفائن صغیره یه (قره مرسل قایغی) نامی ویرلمکده اولوب، بو کیفیت دخی مشارالیهک عثمانیلر میاننده خدمت بحریه ده کی قدمی اثباته کافی بر برهان جلیدر. هر نه قدر مؤرخ

[*] جزیره مذکوره قبو طاغی شبه جزیره سنك خواننده و پاشا لیانی اطه سنك قربنده کائن اولان جزائر صغیره نك اک بیوکیدر.

«پاشمر» عثمانیلرک ایلک قوللانیدی قایقلر کندیلرینک اولیوب، بلکه قره سی و صاروخان و آیدین و منتشه بکلرینک قایقلری اولدیغی یازیور ایسه ده بوسوز اسفار بحریه نك دها زیاده وسعت بولدیغی صکره کی زمانلر ایچون طوغری اوله بیلوب، یوقسه مدانیه کورفری قارشیسینده مرمره دکزینک آنجق بش اون میل مسافه سنه قدر اجرا ایدلمش اولان شو کچوک سفرلرک — ایشک ساده لیکی دلالتیله — ینه اوساحلده تدارک ایدیلان قایقلر ایله اجرا ایدلمش بولدیغی عطاو قتلو «احمد مدحت» افندی حضرتلری مفصللر نده بیان بیوریور۔ لرکه، حقیقت حالک دخی بوندن عبارت اولدیغنه شبهه ایدیه مز۔

دولت علیه ده «قره مرسل» دن صکره ایکنجی خدمت بحریه شهزاده «سلیمان پاشا» ده گوریلور؛ چونکه، پاشای مشارالیه ترتیب ایلدیکی صالرو واسطه سیله (گیلیولی) یه گچوب، روم ایلینک فتوحاته قدمزن شروع اولمشدر۔ حال بوکه، روم تاریخلری سلیمان پاشادن اول دخی عثمانیلرک بعض اسفار بحریه سندن بحث ایتمکده درلر؛ گویا شهزاده مشار الیهک گیلیولی یه مرورندن اول دخی بردفعه «سلطان اورخان» حضرتلرینک (۳۶) قطعه سفینه یه کلیتلی عسکری بالارکاب استانبول جوارنده واقع (چکمجه) اوزرینه سوق ایلدیکی و بو دوتنا وعسکری اوراده فنا حالده بوزوله رق یالکمز (۳) سفینه نك فراره یول بوله بیلیدی و بوندن براز صکره «غازی اورخان» حضرتلری استانبول ایمراطورینک قزینی آلدقده (۳۰) قطعه سفینه یه بر چوق سواری بالارکاب گوندریدی مذکور ایسه ده بو وقوعات صرف اسکی روم مورخلرینک توهاتندن عبارت اوله رق تاریخلرینه درج ایتمش اولدقلری خیاللر اولدیغنه شبهه ایدیه مز؛ چونکه، وقوعات مذکور ه نك هیچ برعثمانلی تاریخنده مقید اولمیدیگی بطلاتی اثباته مداری اولورالده پک چوق دلائل دخی واردر۔ از جمله: اوزمانلر

عثمانی سواحلی مدانیه ایله قپو طاعی آردسندده اون بش یکر می
 میلک محلدن عبارت اولوب، بو محلدده کی گمی اصحابی بولان روملرک
 بعدالفتح استانبوله و محال سائرده هجرت ایتش و قالان اهالی ایله
 عثمانلیرک ده هنوز انشآت بحریه یه مقتدر اوله میه حق بر حالدده بولنمش
 اولملری کیفیتی وقوعات مذکورده نک بر افسانه قیلندن اولدیغنی میدانده
 قویه جغندن باشقه مرمره اوزر ندنه قدر گمی و ارایسه جمله سنک روم ایلی
 طرفده کی روملرک مالی اوله رق بو گمیلر روم ایلی جهته جلب ایدیلنجه
 آناتولی کنارنده گمی قالمیه جغنی مناسبتله روملرک عثمانی هجومندن
 امین بولندقلری دخی ینه روم تاریخلرنده محرردرکه، بومذ کوراتک
 عین حقیقت اولدیغنی مؤخرأ سلیمان پاشانک روم ایلی یه (صال) ایله
 مرور ایتش اولسی و روم ایلیده تدارک ایدیه یسلیکی روم قایقنریله
 عسکرینی نقل ایتش بولنمسی ده اثبات ایدر؛ مع مافیه، اوزمانلر قدرت
 بحریه عثمانیه نک اوله (۳۶) قطعه سفائن احضارینه عدم کفایه سنی ده
 دوشنملیدر. واقعا قره مرسل قومانداسی آلتنده بعض قایقنر پیدا
 اولمش ایدیه ده آنلرک گرک مقداری و گرک جسماتلری بیوک بر
 اردویی نقله کفایت مرتبه سنه وارمش اولسه ایدی روم ایلی یه حین
 تجاوزده صال یایمق گبی کوچ ایشلره و روم سفائننه مراجعت گبی
 کلفتلره حاجت قالمیه رق عثمانی عسکر ی ینه عثمانی گمیلریله امرار
 اولنوردی. شو ایضا حاتدن آکلاشیله جغنی اوزره قره مرسلک مدانیه
 جوارنده کی ایکی آطه علیه نه اجرا ایلدیکی سوقيات عسکریه سندن تا
 سلیمان پاشانک روم ایلی یه مرورینه دگین دولت علیه بحرأ هیچ بر
 حرکت عسکریه اجرا ایتشمش اولدیغندن ایکنجی درجه اولان حق
 تقدم دخی « سلیمان پاشا » حضرتلرینک اولوب، بوجهته ذات عالیلری
 عثمانی قبودان دریالری میاننده ایکنجی عد اولنمق اقتضا ایدر.
 پاشای مشارالیه حضرتلرینک روم ایلی یه مروری وقعه سنه گنججه:

اورخان غاینگ دورسلطنتلرنده قره سی امارتی فتح اولنوب، برولایت تشکیل ایدلمش و اداره سی شهزاده مشارالیه احاله قلمشیدی. سلیمان پاشای غازی بویکی تشکیل اولنان ولایتک اهایسنی تسکین و اداره داخلیه سنی تنظیم ایتدکدن صکره آق دکر بوغازینه قدر اولان مالکی ده برر برر ضبط ایدرهك اداره سی آلتنه آلمش ایدی؛ فقط اوزمانلرده استانبول ایمراطورلغنگ ضعفی مناسبتیه وندیکیلر و جنویزلیلر اهل صلیب دورندن بری بو طرفلره گلوب گیدهك سواحلك امنیتتی اخلاله تصدی ایلیمکده اولدقلری گبی آره صره مرمره سواحکنده بولنان بلاد عثمانیه بی ده غارت ایتکده اولدقلرندن بونلرک تجاوزلرینه بر نهایت ویرمک لزومی حس اولنمده ایدی. بونک ایچون بوغازک روم ایلی جهتی ده ید عثمانیانه بولنق مقتضی اولدیغندن سلطان اورخان غازی بوامر دشوارک حصولی مقصدیه قره سی والیسی سلیمان پاشایه تعلیمات خفیه ویرمش ایدی. بواننده استانبوله قیصر منازعاتی ظهور ایتمش اولغله تام دشمنک قاریشقلغندن استفاده زمانی اولدیغندن شهزاده حضر تلری پدرلرندن آلدقلری مأموریتی بادیء امرده کیمسده افشا ایتیهك هم ایشلرینی ذهنلرنده دوشونمک، هم ده سواحلی بر گوزدن گچیرمک ایچون قیوطاغی برزخته اینشلر ایدی. قیوطاغی آناتولی ساحلنده باندرمه ایله آیدنجق آره سنده مرمره دکرینه طو- غری ایلر یلمش بر شبه جزیره درکه، قره سیدن آنان یرلردندر. (آیدنجق) تاریخده (سزیک) نامیه مشهور بر خرابه اولوب، تایونان قدیم زمانندن قالمش و صکره رومالیره انتقال ایدرهك محاربات جسیمهك بریسنده خراب اولمشدر. قیوطاغی شبه جزیره سی دخی بو شهر مشهوره نسبة (سزیکوس) نامیه یادایدلمکده در. ایشه «سلیمان پاشا» حضر تلری قیوطاغی شبه جزیره سنک یوکسک تپه لری اوزرنده هم دکر ی تماشا ایدر، هم ده قارشیه نه وجهله مرور اولنق ممکن اوله.

بیله جکی چاره سنی دوشونوردی . براقشام قره سی امراسندن «آچه» بك و غازى «فاضل» بك و «آورانوس» بك دخى اوراده اولدقلى حالد و شهزاده حضرتلى ينه تفكره طامغله بونلر سبب تفكر نه اولديغنى سؤال ايلدكلرنده پدر عاليلرندن كنديسنه توديع اولنان سر عظيمى آنرده آچدى . آنلر دخى بوملى موقع اجرابه قويمق خصوصنده در حال شهزاده حضرتلى ينه موافقت ايلديلر ؛ بناءً عليه ، ليلاً قارشى يه گچهره ك احوال مملكتى تحقيق ايچون بر اسير گتيرمكى فاضل و آچه بكلكر تعهد ايلديلر . قو طماغى موقعنده مرمره دكزينك عرضى بك واسع اولدينى جهتله مرور كوچ اوله جغندن (غوروجق) نام محلدن قارشیده واقع (چيمنى) نام قريه يه گچمه كه قرار ويرديلر . چيمنى قلعه سى گيلبولى يه بر يچق ساعت مسافه ده و شرق طرفنده واقع اولوب ، غوروجق دخى تمام آنك مقابلنده وبوغازك مدخلنده اولمغله مرور اولمق ايچون انتخاب اولنه حق اك مناسب محل دخى بوراسى ايدى .


بر روايتده فاضل و آچه بكلكر برصنداله راكباً بوغازى گچديلر . روايت ديگره گوره بونلر كوتوك كسهرك سال ياپوپ ، آنكه گچديلر . هر حالد قارشى يه واردقلى زمان باغلا ايچنده بر خرستيان بولوب . اخذ و گرفت ايله ينه سال وياصندالرينه راكباً غوروجغه ، حضور شهزاده يه عودت ايلديلر ؛ و شهزاده حضرتلى بو اسيرى التفاتلر يله تأمين ايدهره ك كنديسنى در دست ايتمكدن مقصد نه اولديغنى بيلدير نجه خرستيان چيمنى قلعه سنه گيرلسى قولاي اولان بريرى بيلديكندن بحث ايله غازيلره قلاغوزلق ايدجكنى تعهد ايلدى . بو قرار اوزرينه حضرت شهزاده اطراف و جواردن بر طاقم صيغيرلر طوپلا تديره رق دريلر ني طولوم چيقارتوب ، بونلرى شيشر مكه عاداتا فرات و دجابه نهرلى اوزرنده قوللانيلان (كلك) لرگى كلك ياپدى . ديگر بعضى

روایتہ گورہ بودریلری اینجه، اوزون کسهرک قایشلر یاپوب، دیگر طرفدن تدارک ایتدیردیکی سرنلری بونلر ایله بربرینه باغلایه رق ایکی صال وجوده گتیردی .

اسباب حرب و ضرب ایله برابر بو صالارک برینه (۴۰) نفر بهادر ایله شهزاده سلیمان پاشا، دیگرینه ده امرای مشهوره دن حاجی ایلیا بک، آچه بک، فاضل بک، آورانوس بک (۴۰) نفر مجاهد ایله راکب اوله رق قارانتق بر گيجه ده بوغازی گچوب، آقتیلرک یاردميله نقطه مطلوبه یه واصل اولدیلر. بر محله چیمنی قلعه سنک دیوارندن آشاغی یه آتیلان گوبره لر یوکسله یوکسله هان قلعه ایله برابر اولمشیدی . دلیل اولان خرسیتیان غازیله بورای ارائه ایتکلک جمله سی اورادن قلعه یه گیردیلر . اهالی قلعه نك شويله بر باصقندن خبرلری بیله اولیوب، برده ولوله شبخون ایله جمله سی آیاغه قالقنجه بره قدر قلیچدن گچیریله جکلری مطالعه سیله قورقدیلر ایسه ده شهزاده حکمت سمات بونلرک کافه سنی تأمین ایدهرک هیچ بر کیمسه نك قیلنه بیله طوقمندی؛ و جمله سنندن خدمت کشور کشاییده مظهر معاونت اولق ایچون تعهدات و تأمینات آلدی . قلعه نك بویه سهولتله ضبطنه موفقیت حاصل اولدقدن صکره ساحل دریاده موجود اولان روم قایقلری ده الده ایدهرک قارشى یقایه گوندروب، اول گيجه (۳۰۰) نفر غازی نقل ایتدیردیکی گبی اوچ گون ظرفده دخی مجاهدینک مقداری (۳۰۰۰) ه ابلاغ ایدلدى؛ و بر مدت قلیله ظرفده بولایر، رودوستو [تکفور طاغی]، گلیولی، قوگور حصار، ایصاله و اطراف وجوانی ایادی عثمانیانه انتقال ایلدی (۷۰۸ ه و ۱۳۵۶ م) .

ایشته عثمانیلرک روم ایلی گبی بر قطعه جسیمه یی آز زمان ایچنده فتح و تسخیره موفق اولیشلری محضا شهزاده نامدار سلیمان

لوحه ۸ — (۱۵۳۹) تاريخ ميلاديسنده ونديكلير طرفندن فوق العاده اوله رق
 انشا قلمش طقوز طوبلي واويج صره كوركلي بر (باشنارده)



پاشای غازینک بر غیرت خارق العاده سی نتیجه سی اوله رق ایکی صالنه کندینی دریایه القا ایدوب، بیسک تهاک ایچنده مقدمات فتیحی حصوله گتیرمک گی عالی جنابانه بر فداکارلنی ثمره باهره سیدر.

عثمانلی دولتک ظهورینی متعاقب قوه بریه جهتیله عادتاً خارق العاده دنیایه بیله جک درجه ده بر ترقی فوق العاده گوسترمسینه قارشنی بحراً بویله سرعتی بر ترقی گوسترمه مسی فی الحقیقه برأ وقوع بولان یوزلرجه محارباته بدل بحراً آنجق بر ایکی محله اهمیتسز بر قاچ حرکات عسکریه اجراسنه منحصر قالدیغی گورلمکده ایسه ده بو دخی عثمانلیلر ایچون پک بیوک بر موفقیت عد اولمغه شایاندر: زیرا، او زمان عثمانلیلرک دکر نه اولدیغی بیله گورمه مش بولندقلری ودکرده سیر وسفر اجرا ایتک ایچون لزومی اولان سفائنک فن انشالرینه دخی واقف اولمداقلری وگی تدارک ایتسه لر بیله نه وجهله سوق وتحریرک ایده جکلرینی بیلمدکاری نظر مطالعیه آنه جق اولور ایسه بر اشارت پادشاهی اوزرینه علی العمیا دکره آتیلی ویرمک حکمنده اولمق اوزره حرکات بحریه اجراسنه قالقشمیلرینه طوغریسی تحسین وتشکردن باشقه دینه جک هیچ برسوز بولنه ماز.

اسباب مذکوریه مبنی ترقیات بحریه جه مشاهده اولنان تأخرات یالکز ایلاک عثمانلیلرده، یعنی «عثمان غازی» یه منسوب اولان قبیله ایله «غازی اورخان» زماننده خداوندکار سنجانی داخنده تشکل ایلین هیئت نزدنده اولوب، آنلردن ماعدا بحر سفید وسیاه سواخلنده بولنان ترکرک مهارت بحریه لری پک ایلری ده اولدیغی وقوعات بحریه-لریله معلومدر: حتی بونلر شهزاده سلیمان پاشانک گلیسولی یه مرورنندن اولده صکرده شرقی روما دولتک اوروپا قطعه سننده کی ممالکی اوزرینه آقینلر ایتشلردرکه، اصل عثمانلی گمیجیلکنی تأسیس ایدن،

ایلری یه گوتورن ده بونلر اولدقلرندن وقوعات و ترقیات بحریه لری حقتده مضبوط اولان معلومات بوراده نقل و حکایه اولنمق مناسب گورلمشدر:—

شویله که، ترکلرک دکنر اوزرنده ایلک ظهورلری (۶۶۲ هـ ، ۱۲۶۳ م) تاریخسده اولوب، بو دخی (سینوب) سواحلی اوزرنده « صالتوق دده » نام بر رئیسلیرینه تابع اولان ترکملرک (۱۰) بیک ایل (۲۰) بیک آره سنده بر جمعیت اولدقلری حالدده گمیلرینه راکباً شمیدیکی (دو بریجه) قطعه سنه گچمش اولملری قضیه سیدر . بویله (۱۰) بیک متجاوز نفوسی بر دفعه ده اولسه بیله نقله کفایت ایدن قوه بحریه نك خلیجه بر قوت اوله جفی درکاردر .

بونلر (قسطنونی) وجواری اهلایسندن اولوب، گمیجیلیکی بو درجه یه واردیرمش بولملری ایسه او طرفلرک اورمانلری سایه سنده اولدیغنه شبهه ایدیله من ؛ حتی اوزماندن صکره و بایک تازمانمزده قدر قره دکنرک بو طرف ترکلری، گمی یا مقده و قولانمقده مهارتلیله شهرت شعار اولمشلردر . تاریخ سالف الذکردن (۴۴) سنه صکره، یعنی (۷۰۶ هـ ، ۱۳۰۷ م) سنه سنده آیدین ترکلری دخی « اسحق » نامنده بر باشوغلری قومانداسیله (۴۰۰) کیشی اولدقلری ولزومی قدر گمیلره راکب بولندقلری حالدده آق دکنردن اوروپا قطعه سی اوزرینه هجومه گله رک شمیدیکی (ایصاله) یه یناشمشلرو متفقاری بولنان « قاتالان » (Catalan) لرله برابر روملر ایله جنک ایتمشلردر .

(۷۳۱ هـ ، ۱۳۳۱ م) تاریخنده دخی قره سی ترکلری (۷۰) پاره تکنه ایله آق دکنردن روم ایلی اوزرینه هجوم ایدرک (قره فریه) طرفلرینی چالقه مشلردرکه ، قره سینک ممالک عثمانیه الحاقی (۷۳۸ هـ) سنه سنده وقوعه گلدیکندن شو حرکت بحریه نك عثمانیلردن اول اجرا ایدلمش اولدینی آکلاشلمقده در .

بووقعه دن صکره ینه آناطولینک آق دکز سواحلی ترکلری
(۶۰) سفینه یه راکبا (آناروز) اوزرینه هجوم ایتشلر ایسه ده بونک
هانکی سنده وقوعه گلدیکی مصرح دگلدیر . قره سی ولایتینک
ممالک عثمانیه یه ربط اولندیغی ائنده . یعنی (۱۳۳۵ م) سنه سنده دخی
آبدین پرانی « امور » بک (۷۵) تسکنه ایله (مریچ) وادیسی اوزرینه
بحراً هجوم ایتش وقره یه دخی عسکر دوکهرک روم ایمراطورینک
اردوسنی گورنجه آز عسکرله قوجه اردویه غلبه ایدهمیه جکنی
آکلانه رق گیری یه چکلمشدر .

ایشته بحر یون اتراکک اشو هجمات بحریه سی هپ (قره سی) سنجایا-
غذک ممالک شاهانه یه هنوز ربط اولندیغی ، یعنی قره سیلیرلر قدرت
بحریه لرندن استفاده امکانی حصوله گلمدیکی زمانلرده وقوع بولمشدرکه ،
بو اسفار بحریه یی اجرا ایدن ترکلر مؤخرأ عثمانلیق دائره سی داخلنه
گیرمش اولدقلری جهتله ترقیات بحریه من تاریخی اصل بو اساسلر
اوزرینه بنا ایلمک لزومی بدیهی و آشکاردر . شهزاده سلیمان پاشانک
روم ایلی یه مروری ائساننده قره سی امارتی ممالک شاهانه یه ربط
ایدلش حتی آورانوس بک و حاجی ایلیا بک و سائر گبی قره سی
امراسی دخی شهزاده حضرتلرینک معیتده اولدقلری حالده
صالره بنش اولدقلرندن او زمان قره سیلیرلر ائنده بولنان گمیلردن
نیچون استفاده اولنیوبده سال اعمالی گبی تکلفاته قیام اولندیغی
کیفیتنه گلنجه : آنجق سلیمان پاشانک روم ایلی یه مروری بر زمانه
قدر یالکز پدرلری ایله کندیملری آردسنده بر سرمکتوم صورتنده
صاقلانه رق مرور قضیه سنک بهممه حال روملردن گیزی اجرایی
مطلوب اولسنه حمل اولنورکه ، بودخی بر حقیقت محضه اولمق اوزره
قبول اولنه بیلیر .

قره سی امارتی ممالک شاهانه یه ربط اولندقدن صکره دخی

صاروخان و آیدین گبی هنوز عثمانلیق دائرہ سی داخلہ گیرمہ مش
اولان امارات ترکیہ ہب بحر اُروم ایلیہ تعرضدن خالی قلمہ مشلدرہ .
از جملہ ، (۱۳۴۱) سنہ میلادیہ سندہ صاروخانلیلر « یخشی » بک
قومانداسندہ اولہرق عظیم بردونما ایلہ روم ایلیہ تعرض ایتشلدرہ .
بوتعرض اوزرینہ استانبول ایمراطوری آیدین پرنسی « امور » بکدن
استمداد ایلمکله اودخی (۳۸۰) پارہ تیکنہ یہ (۲۸) بیک محارب
ارکابیہ مریچ نہرینک آق دکرہ قارشدیغی (اینوز) موقعنہ گلمشدر .
ایمدی ، (۲۸) بیک آدمی (۳۸۰) گمی یہ تقسیم ایدر ایسک بہر گمی یہ
(۷۴) کیشی قدر اصابت ایدرکہ ، بوندن دخی اوزمانک گمیلرینک
جسامتی آکلاشلہ بیلیر . واقعا گمیلرک کافہ سی برجسامتدہ اولماز ؛ آنجق
بہر گمی یہ (۷۴) کیشی اصابت ایلدیکنہ و بہر گمی ایچندہ (۱۵) کیشیدن
آز آدم بولنہ میہ جفی درکار اولدیغنہ گورہ اک بیوک گمینک دخی غایتی
(۳۰۰ ، ۲۵۰) کیشی استیعاب ایدہ بیلہ جکنی تخمین ایتک قولایدہ . تتبعات
تاریخیہ دن آکلاشلدیغنہ گورہ آق دکر ساحلی اوزرنده قدرت بحریہ جہ
اک ایلریدہ اولان امارت آیدین امارتی ایمش . امور بکک اشبو قدرت
بحریہ سی یالکز یوقاریدہ مقداری گوستریلن دونمادن استدلال
اولنغلہ قالماز . بلکہ بر آرهلق دونماسی عظیم بر فورطنہ یہ اوغرایہرق
(۱۰۰) دن متجاوز گمیلری غرق اولدیغی حالہہ برایکی سنہ ظرفندہ
یکیدن انشا ایلدیکی گمیلر ایلہ دونماسنک مقدارینی (۴۰۰) ہ وارد -
یرمش اولسی دخی بو قدرت بحریہ سنی اثباتہ مدار اولور ؛ زیرا ،
یالکز گمی یہ بنک ، گمی قوللانق ، گمی ایلہ محاربہ ایتک گمیجیلکک
درجہ کالی عد اولنہ ماز . بلکہ اصل گمیجیلک گمی یامقندن باشلارکہ ،
گمی یی یاپانلر البتہ ادارہ سندہ دخی اونستدہ ماهر اولورلر ، یعنی ایی
گمیجی اولان بر ملت امور انشائیہ دہ دخی ماهر اولور .
امور بک روم ایلی قطعہ سیلہ اولان مناسبات بحریہ سندہ شہزادہ

سلیمان پاشا و بعده سائر امرای عثمانیه نك روم ایلی طرفلرنده فتوحاته باشلادقلری زمان دخی دوام ایلمشدر. همده هر زمان روم ایمراطو- رلغنك متفقگی حرکت ایتمه مشدر. روم ایمراطورلنی اوزمانلر غایت ضعیف بر حاله گلهرق مفاسد داخلیمدن طولای پولیتقه لری دخی هر گون دکشدیکندن بر آرهلق امور بلك روم ایلی اوزرینه دکزدن اجرا ایلدیکی آقینلر حرکات عثمانیه یه او قدر موافق گلمش ایدی که عثمانیلر الک عزیز بر باش ایچون یمین ایده جککری زمان «امور بلك باشی ایچوره» دییه یمین ایدرلر ایتمش.

عثمانیلرک ترقیات بحریه سنه نقل گلام ایدیلنجه : «سلطان اورخان» زماننده مرمره دکزینك آناتولی سواحلی ضمیمه ممالك عثمانیه قلندقدن وشهزاده «سلیمان پاشا» طرفندن روم ایلی یه مرور اولنوب. او سواحلی دخی قبضه تسخیره گچیرلدکن صکره بوایکی قطعیه یی مراسلات بحریه اعانه سیله یکدیگره ربط ایتمک وسواحلی متجاوره سنی تسلط اعدادن محافظه وتأمین ایلمک ایجاب حال ومصلحتدن گورلمش اولغله امور بحریه اولان تقید اول زماندن اعتباراً تزید اولمش وگلیولی معبرنده بر خیلی سفائن تدارک ایدلمش ایدی. بوندن صکره دخی روم ایلی طرفلرنده کی اسفارک هر یاز وقوعه گلمسی، یعنی ایلك بهارده آناتولیدن اردوی هایونك روم ایلی یه گچهرک قیش موسملرنده ده تکرار آناتولی یه مرور ایلمسی دائمی بر حرکت عسکریه حکمنی آلهرق بو عسکری گلیولی معبرندن گچیرمک قضیه سی الده بیوک گمیلر بولندیرمغه توقف ایلدیکندن امور بحریه دائر اولان تقیدات بر قات دها زیاده لشدرلمش و «سلطان مراد» حضرتلری طرفندن لزومی قدر سفائن انشاسی «لالا شاهین پاشا» یه امر وفرمان بیورلمش ایدی. (۷۶۳) سنه هجریه سنه مصادف اولان اشبو اراده سنیه بزده انشاآت بحریه نك دخی تاریخ مبدئی اولمق اوزره

قبول اولنہ بیلہ جکی گبی «لالا شاهین پاشا» دخی رجال بحریہ مزك اور بیجیسی عد اولنہ بیلیر.

اشته بوزماندن اعتباراً ازمید، گملیک، گلیسولی گبی مواقع مناسبه دولت علیه جه رسانه اتخاذ اولنہ رق ایجاب مصلحتہ والدہ بولسانان دکره گوره لزومی مقدار سفائن انشا ایتدیرمکه تشبث اولمش، افراد عثمانیان دخی ینه بوزماندن اعتباراً دکره معاملاتنه آلشہ رق آغر آغر بحر ایله الفت وانسیت کسب ایتمکه باشلامشدر؛ فقط سلیمان پاشانک روم ایلی به مرورندن «سلطان بایزید» اول حضر تلرینک گلیسولیده بر لیان انشا ایتدیردکاری زمانه دکین امور بحریه به دائر تاریخلرده بر صراحت گوریلہ مه مسی عثمانیلرک اصل ترقیات بحریه لرینک آیدین وسائرہ گبی آق دکره سواحلی اوزرنده بولسان امارات ترکیه نک ممالک عثمانیه به التحاقدن صکره اولدیغی میدانہ قویمقدہ اولوب، شوکت بحریہ عثمانیه نک حقیقهٔ اعتلای شان و شرفه مدار اعظم اولان سبب اصلی دخی آق دکره سواحلنده کی ترکلرک تدارک ایلدکاری گمیلره راکباً کندی حسابلرینه اولہ رق (قورصانلق)، یعنی دکره حیدودلغنه تشبثلری کیفیتی اولمشدر. بونلر بعض جزیره لر اوزرینه هجوم ایدرلر و مقتدر اوله بیلدکاری چاپوللری اجرادن صکره ینه مملکتلرینه عودت ایلرلردی؛ حتی ده صکره لری بو صنعی ده ایلری به گوتوره رک بر قاچ یوز پارچه گمیلردن عبارت قورصان دونمالرینک آق دکره چالقه دقلری دخی واقع اولمشدر.

قورصانلغک مبادیسی تاریخ عثمانیہ کی ترقیات بحریه مبدآنندن اول اولدیغی گبی بودرجه لرہ ترقیسی دخی دولت علیه نک نفوذی خارجنده و ترکلرک کندی اختیارلریله وقوعه گلمش برشی اولوب، تمام قورصانلق دول معظمه دونمالریله بوی اولچہ جک درجه به واردقدن صکره اک مشهور قپودانلر خدمت دولت علیه یی قبول و اطاعت پادشاه آل

عثمانیه تشرف ایتمهکه ایشته بو حال بزم شوکت بحریه منری بردن بره
درجه کاله ایصال ایتمشدر.

گلیبولی قلعه سنک تحکیمی ایله اورایه برده لیمان انشاسی (۵۷۹۳)
سنه سنده وقوعه گلمشدر. غازی «سلطان بایزید» حضرت تئری روم ایلی
طرفه گچرکن بوقلعه نك حین فتحنده کی خرابیتك هنوز باقی اولدیغی
گوره رك و حال بوکه، قلعه مذکوره آرتق بر عثمانلی دکنری حکمنی
آمش بولنان مرمره نك کلیدی مثابه سنده اولدیغی نظر دفته آله رق
«صاروجه پاشا» یه قلعه نك تعمیر یله برابر مخالف هوالرده سفن
عثمانیه نك بارنمی ایچون ذاتاً موجود اولان اوفاجق بر لیمانك حفر
وتوسیعنی و بولیمان مدخله برده محکم قوله انشاسنی اراده و فرمان
بیورمشلر ایدی. پاشای مشارالیه اول زمان عزب عساکر بریه سنه
قوماندان اولدیغی گبی گلیبولی بوغازینك محافطی و مرمره دکنرنده کی
سفن عثمانیه نك دخی ناظری اولوب، غایتله شانلی بر وزیر ایدی.
اشبو بحریه قوماندانلی حسیبله مأموریت مذکوره کند یسنه
حواله قلمشدر،

اشته شو قیده منی پاشای مشارالیه تاریخچه طانمش اولان
رجال بحریه مزك دردیجیسی عد اولنور؛ و همده انشآت بحریه من
بویله (۶۰، ۷۰) گمی استیعابنه کافی بر لیمان حفرینه اقتدار پیدا
ایتدیره جك درجه یه واردیغی استدلال قلنیر. ینه بو تاریخده احوال
بحریه مزه دائر بروقه ده سبقت ایتمشدر: شویله که، آق دکنر ساحلی
اوزرنده بولنان آمارات ترکیه آرتق ممالک عثمانیه یه الحاق ایدلمش
و بناء علیه، اترک مذکوره الرنده بولنان گمیلر علامت عثمانیه یی
حاوی بایراقلر چکمکه باشلامش اولدقلرندن «سلطان بایزید» حضرت تئری
جزائر بحر سفید اوزرنه کندی ناملرینه اوله رق بر حرکت بحریه
اجراسنی آرزو بیورمشلر ایدی. بو حرکتك اجراسندن اول

جزائر مذکورہ میں بالتضییق قوتدن دوشورمک ایچون آناطولیڈن اورالره ذخیره اخراجی منع ایتمشلدردر . جزائر مذکورہ محتاج اولدقلری ذخائر آناطولیڈن ، یعنی قرددن آلمقدہ کی مجبوریتده عینیلہ انگلترہ مشابہ اولدیغندن هجوم ایدیله جنک بر جزیرہ ذخائر اخراجاتنک منعی تدبیری «سلطان بایزید» حضر تلدن آتجق اوج درت عصر صکره بیوک «ناپولیون» دخی دوشونهرک انگلترہ میں بو صورتله تضییق ایتمکی ترتیب ایلمشدر .

«بایزید اول» حضر تلی بریاندن (لسبوس) [مدلی] و (لینی) و (رادوس) و (ساقز) آطه لرینه ذخیره اخراجی منع ایلدکاری گبی دیگر جہتدن آق دکز لیمانلرندہ (۶۰) قطعہ دخی قادرغه و سائرہ نوعندن سفائن تجہیزینہ باشلا یهرق بونلر اکمال اواندقدن صکره یرلی قبودانلر قوماندانلر لریله سفائن مذکورہ میں ذکر اولنان جزیرہ لر اوزرینہ سوق ایلمشدر . اوزمانلر وندیک وجنوز گمیلری اوزرندہ طوپ بولند . یعنی محققانندن اولوب ، آناطولی ساحلندہ بعض یرلر دخی بو مثالی تجارت بحریہ میں ایلری یه گوتورمش اوروپا لیلرک یدضبطنده اولدیغندن وبالخاصہ (ازمیر) شہری گرک روملرک و گرک لاتینلرک اک بیوک لیمانلری اولہرق اورادہ انشاآت بحریہ میں ایلری یه گوتورمش بولنلری آیدین امارتنک شوکت بحریہ سنی اتمام ایلین سبب اعظم صایلدیغندن ترک گمیلرندہ دخی طوپ بولنہ بیلمسی استبعاد اولنہ ماز ایسہدہ اوزمانلر قورصانلق ایچون دکل عادتا محاربات دولیہ ایچون بیله گمیلرندہ کی طوپلرک استعمالی رواجده دکل ایدی .

فن حرب قدیم حقندہ کی مقالہ مزده ایضاح اولندیغی وجہلہ دکرده گمیلر یکدیگری نہ رامپا ایدہ رک ایچندہ کیلر بری بری اوزرینہ بالهجوم بوغاز بوغازہ جنک ایتمک و یاخود دشمن گمیلری اوزرینہ (بورلوتہ) تعبیر اولنان آتش قایقلری سوقیلہ یاقق و برشہر اوزرینہ هجوم

ایدیه جك اولور ایسه جوارنده بر محله یناشیله رق هجوم ایتك انک
رواجلی محاربات بحریه دن ایدی. الحاصل، بایدید اولك آطه لر اوزرینه
سوق ایلدیکی گمیلر ایشته بواصول بحریه اوزره محاربه ایدرهك
جزائر مذکورده نی هرج و مرج ایلدکندن و بر چوق اسرا و غنائم
آلدقن صکره بر روایت گوره (موره) اوزرینه دخی صالدره رق
تخریب اتده بولنشلر و روایت دیگره گوره ینه طوغریجه آناطولیده کی
لیمانلرینه عودت ایلمشلر در.

ترقیات بحریه مزك بورایه قدر نقل اولنان گیدیشنه نظراً: «سلطان
مراد اول» حضر تلرینك دور سلطنتلرنده انشای سفائن ابتهار
اولندیغی و «یلدیرم یازید» حضر تلرینك ایام حکومتلرنده دخی گلیولی
لیمانی توسیع اولنق و آق دکره دونما سوق ایدلک گی اجراآت
وانشآت بحریه یه تشبث قلندیغی آکلاشلمش ایسه ده گیت گیده ظهور
یافته اولان بر طاقم غوائل داخلیه و خارجییه حیلولتیه بوغیرت تزید
اولنه جنی یرده تنقیص ایدلش و بلکه ده هیچ بیله اهمیت ویرلمیهك
دولتك رسمی بحریه سی بر حال وقوف و متروکیتده بر اقلمشدر.

بو ایام فترده دکل سفائن حرییه، نقلیه امورنده استخدام ایچون لزوم
قطعیمی اولان سفائن بیله انشا ایتدیرلمه مش اولدیغندن آناطولیدن
روم ایلییه و روم ایلیدن آناطولییه سوقیات عسکریه لازم اولدقچه
استانبول ایمپراطورلغنه، اوده اوله مدیغی صورتده وندیک و جنويز
سفائن تجاریه سنه مراجعته مجبوریت حاصل اولور و فاحش مقدارده
بر مبلغ کلی اجرت نقلیه اعطاسیله سوقیات مقتضیه اجرا قلنیردی؛
فقط بو زمانلرده دخی آق دکره سواحلنده کی ترکلرک قدرت
بحریه لری گرکی گی آرتمش و حال بوکه، ذاتاً بونلر پکده امر ونیه
اطاعت ایدر طاقدن اولمدق لرندن باشقه حال فترت ایجابجه هر قپودان
کندی ایسته دیکی یولده حرکت باشلامش و بواثناده روملرله بر قاق

مخاربه لری ده وقوعه گلمشدر : شویله که ، انقره وقعه فحیعه سنی متعاقب «سایمان چلبی» روم ایلیه گچوب ، اعلان استقلال ایتدیکی و حکومتی تصدیق ایتدیره رک معاونتی دخی قازانق اوزره تسالیا طرفلری استانبول ایمپراطوری «مانوئل» (Manuel) ه ترك ایلدیکی وقت مانوئل او طرفلرک ید ضبط و اداره یه آلمسی ایچسون «ژان پالئولوغ» (Jean Paléologue) ك ولد طبعیسی اولان ینه «مانوئل» اسمنده بر آمیرال معیتنه بیوك بردونما ویره رك آق دكزه سوق ایتمش ایدی . حال بوكه ، سالف الذکر بحریون اترك ضبط عثمانی التنه گیرمش اولان یرلری تکرار روملره ترك ایتمه مك خصوصنده عناده باشلادقلرندن آمیرال مانوئل بو قورصانلری ایکی یرده صیقشدیروب ، مغلوب ایلمش ایسه ده ینه آنلری سلائیك و تسالیا صولرندن گیریه چكلمكه مجبور ایده مه مشدر . نهایت او چنجی دفعه اولق اوزره [°] (پلاتنیا) آطه سنده دخی صیقشدیره رق بر دها مغلوب ایتمش ایسه ده او اناده «سایمان چلبی» شهیداً وفات ایده رك روم ایلیده «موسی چلبی» نك حكومت ایتكده اولسنه مبنی بو خبر چلبیء مشار الیه حضر تلینه واصل اولنجه غضبنی تحریك ایلدیكندن ایمپراطوری تصدیق ایتكه قیام ایلمشدر . نهایت موسی چلبینك ده ازاله سیله «چلبی سلطان محمد» حضر تلی تحت عثمانیه جلوس بیوردقلری زمان دورفترتك سیئاتندن اوله رق شعبات دولتك هر قسمنده رونما اولان عدم انتظامه نهایت ویریلوب ، اصلاحات داخلیه تشبث اولندیغی ودول متحابه ایله معاهده لر تجدید ایلدیکی ائنده [°°] ونديك جمهوریتله دخی معاهدات عتیقه تجدید

[*] آتسه كورفرزی مدخلنه قریب (پترو) و (قره قو) ناملرنده کی اوافق آطه جقلرد .

[**] وقت مزبورده ونديك جمهوریتی اوروپا دولتلری میاننده اك منتظم و حیثیتی حكومتلردن معذور ایدی . ونديك آدریاتتیق سواخلندن ماعدا همان علی العموم بحر سفید آطه لرله اوج بیکی متجاوز سفینه و اوتوز ایکی بیكدن زیاده عساكر دائمیه مالك ایدی ؛ فقط بوقدر قوته مالك اولدیغی حالده باخصوص ایتالیا داخلنده كوردیكی ایشارده بوقتی استعمال ایتوب ، هپ قان دوكمكسزین ،

اولئش ایسده زیرده بیان ایدیله جک اسبابدن طولای جمهوریت مذکور دایله بر محاربه بجزیره دخی وقوعه گامشدر : شویله که : هر نه قدر وندیک ایله تجدید اولنان معاهدهیه طرفینک یکدیگرینه تعرض ایدمه ملری کیفیتی دخی درج اولئش ایسده آق دکر آظه لر نده وندیک جمهوریتی نامنه اوله رق اداره حکومت ایدن بعض ورقه و سینمورلر

یعنی بر طاقم دسیسلر ایله تصوراتی اجرا ایدر وهرکس جمهوریت مذکوره نك قوه عسکریه سیله مایه سندن زیاده دسائس شیطانیه سندن قورقار ایدی .

وندیک جمهوریتی کسندی عصر نده عصر حاضرک انکلتروسی مقامنده اولوب، کسندی منافع مادیه سندن باشقه بر شیعه اهمیت ویرمز ایدی . وندیکلر دولت علیه ایله حسن مناسبات پیدا ایلک و بوسایه ده هم تجارت و همده مستقلکات خارجیه لرینی عثمانیلرک بد استیلا لرندن محافظه یه موفق اولق املیه هر نه قدر عثمانیلرک اورویایه مرورلرینی متعاقب دولت علیه ایله علی العجله بر معاهده دوستانه عقد ایلش ایسده اشبو معاهده دن بر ثمره حاصل اوله نامشدر ؛ چونکه ، روم ایلی ایله آناتولی قیچ ایش اولان دولت علیه اشبو ایکی قطعه سواحلنک آسایشی تأمین ایچون آرده لر نده واقع دکر دخی تسخیر ایتکه مجبور بولنغله بو دکر داخلده بولنان وندیکه تابع کافه جزائرک دخی قحی اقتضا ایلدیکندن وندیکلرله بالچوبریه حسن مناسبات ممکن اوله نامشدر .

فی الحقیقه وندیک ایله دولت عامیه بینده چوق وقت مرور ایلده دن محاربه آچیلوب، کمال شدت اوزره خیلی دوام ایش وهر نه قدر بو محاربات متبادیه ایله وندیک جمهوریتی مستقلکاتنک قسم اعظمی نائب ایلش ایسده یه دولت علیه نك اک مهلک دشمنلرندن معدود ایدی ؛ حتی عثمانیلر نظر نده هیچ بر معظم دولتک وندیک جمهوریتی قدر قدرت و اعتباری یوق ایدی .

جمهوریت مذکوره نك مرکزی نفس وندیک شهری اولوب، تقریباً (۴۰۰) بیک نفوسی حاوی واستانبولدن صکره اورویانک اک معمور وزنکین بر شهری ایدی . هونلرک سرکرده می «آتیل» نك ایتالیا اوزرینه هجومی هنکامنده (نومباردیا) ساحلی امالیسنک بر قسمی آدریاتیک دکرینک شمال غربی گوشه سنده واقع آله لرله التجا ایدهرک اوراده وندیک شهرینی تأسیس ایتشدر .

ذاتاً وندیک ایتالیان لسانده کثیر العدد معناسی افاده ایدن (ونه سیا) لغتندن محرف اولوب، شهره ، متعدد جزائر مجتمعه اوزرینه مؤسس المسی سبیلله ویرلش بر اسمدر . شهر مذکور آلتیشی متجاوز جزائر اوزرینه بنا قلمش و جزائر مذکوره اخشاب و کارکیر اولق اوزره (۴۵۰) قدر کویری ایله یکدیگره ربط اولنشدر . بونلر دن باشقه مراسلاتی تسهیل ایچون یک چوق قایقئر دخی استعمال اولنوردی . هر نه قدر شهرک اطراف سور ایله محاط دکل ایسده موقعنک حائر اولدیی متانت و مناعت طبیعیه جهتله خارجاً و داخلً تجاوز سیئرلر دن آزاده اولوب، آز مدت ایچنده فوق العاده کسب معموریت ایش وانشا ایلدیکی دوناواسطه سیله (ایلیریه) [آرنالدق] سواحلنی و بحر سفیده ده واقع آله لرک اکثریسی قح و استیلا ایدهرک هندستانه و ارنجیه قدر معلوم اولان دنیانک هر طرفیه مناسبات تجاریه و سیاسیه پیدا ایلش ایدی ؛ فقط (۱۰) نجی عصره طوغری زواله یوز طومشدر ؛ چونکه ، بر طرفدن مستقلکات بحریه سی دولت علیه طرفدن ضبط اولندیگی کبی دیگر طرفدن دخی قطعات جدیده نك کشتی اوزرینه طرق تجارت دکشدیکندن وندیکک تجارقی ؛ و بناء علیه : قوت و حیثیتی دخی زائل اولشدر . حاصل کلام ، جمهوریت مذکوره (۱۲۱۱ هـ ، ۱۷۹۷ م) سنه سی فرانسه ایله اوستریا بینده انعقاد ایدن «قامپوفورميو» (Campo Formio) معاهده سیله لغو اولنوب ، مالکی دولتین مشارالیهما میانده تقسیم اوله رق نامی دخی خریطه عالمدن حک ایلشدر .

کنند یلرینی حرکات و سکنات واقعہ لرنده مستقل عد ایلدکلرنندن
 « ونیدیکک عقر ایلدیککی معاہدہ درہ بزم امضامن یوقدر! » دیہ عثمانلی سفائن
 تجاریہ سی حق لرنده دشمن معاملہ سی ایتکده ایدیلر. بو معاملہ عهد شکنانہ.
 ده ایلر ییہ کیدن (ناقشہ) دوقہ سی « پیہ تروزہ نو » (Pietro Zéno)
 ایدی. فی الحقیقہ بو آطلارہ بعض ترک قورصانلری تعرضاتده بولمنش
 اولملرنندن سینورلرک شکایتلرینہ حق ویریلہ بیلیر ایسده ذکر اولنان
 قورصانلر هیچ بردولتہ تابع اولمیه رق مجرد دکر حیدودی صورتیہ
 هر طرفی اوردقلرنندن آنلرک انتقامی ینہ آنلردن آلمق اقتضا ایدرکن
 طوغریدن طوغری یہ دولت علیہ یہ تابع بولنان و تجارتلہ اشتغال ایدن سفائن
 علیہ نہ روی شدت گوسترمک و بومثللی سفائن تجاریہ یی هر راست
 گتیردکلری یرلرده آولامق گبی عهد شکنانہ حرکتلرہ قیام ایتلری
 طوغریسی پک بیوک حقسزلق اثری ایدی. ایشتہ بومثللی برحقسزلغہ
 قیام ایلہ تبعہ عثمانیہ نک تجارتنہ سکتہ ایراث ایدن سینورلری
 تأدیب و حقوق تبعہ یی تأمین ایلہ اورتده دونن فسالقرہ بر نہایت
 ویرمک ایچون «سلطان محمد» حضرتلری «چالی بک» نامندہ کی آمیرال
 قومانداسیلہ (۳۰) قطعہ سفائن حریہ دن عبارت بردونمائی ناقشہ ،
 آندیرہ ، بارہ ، میلو [دکرمنلک] گبی جزائری اورمق اوزرہ
 گلیبولیدن دکرہ چیقارتمشلردر. حال بوک، بواثنادہ ونیدیک جمهوریتی
 دخی منازع فیہ اولان مسئلہ مذکورہ یی مذاکرہ دوستانہ ایلہ صالحاً
 حل و تسویہ ایتک ایچون «پیہ ترو لورہ دانو» (Pietro Loredano)
 نامندہ کی آمیرال قومانداسیلہ (۱۵) قطعہ قالیوندن عبارت بر دونمائیہ
 سفیرلرینی ارکاب ایدہ رک نزد دولت علیہ یہ گوندرمکده اولدیغندن
 ایکی دونمائیہ دکرده یکدیگرینہ تصادف ایلتمشلردر.
 بوایکی دونمائیہ قارشی قارشی یہ گلنجه : چونکہ ، حکومتین آرہ سندہ
 اعلان حرب ایدلمہ مش بولندیغندن وایکی آمیرالک دخی بری برینہ

قارشی حرب ایچون اللرنده تعلیماتلری اولدیغندن ایشه بر نتیجه قطعیه ویریلنجه قدر توقف وانتظار ایتک اوزره عثمانلی دونماسی گیلیولییه عودت ایلمش، وندیک دونماسی دخی اورایه قدر گلمشدر؛ لکن اوزمان دونمای هایونده — فصل مخصوصنده ایضاح اولدینی وجه اوزره — یالکز ترکر مستخدم اولیوب، بر چوق روملروحتی اسپانیول، ایتالیان و سائره گبی اوروپالیر دخی بولندیغندن بونلر بلاتعلیمات بر منازعه چیقارمق فکریله وندیک دونماسی اوزرینه زهرلی اوقلر آتمغه باشلايخجه «لوره دانو» بوحرکتی اعلان حرب عد ایدوب. فک لنگرله یلکن اوزرینه قالقهرق دونمای هایونه طوپ آتمغه باشلامش وایشته بو صورتله گیلیولی قارشیسنده شدتلی بر محاربه بحریه وقوعه گلمشدر. اشبو محاربه هجرتک (۸۲۰) ومیلادک (۱۴۱۶) سنه سی مایسک (۲۹) نجی گونه مصادف اولوب، هیچ لزومسزیره وقوعه گلمش اولدینی او قدر محققدرکه، وقوعندن بر گون اول اقسام اوزری «طوماس» (Thomas) اسمنده برکاتب واسطه سیله «چالی» بک و «لوره دانو» یکدیگرینه عرض خلوص ایلمش اولدقلری دخی توار یخده مقیددر. سهواندر سهو اولمق اوزره تمام محاربه بدأ ایلمش اولدینی بر زمانده آچقده بر جنوز گیمیسی گورینه رک بو گمی وندیکلیلری تعقیماً اورایه گلمش اولدینی حالده عثمانلیلر مذکور گمی بی عثمانلی گمیسیدر و آرقه سنده دهها باشقه گمیلر دخی واردر ظنیله دشمنی ایکی آتش آره سنده تضییق ایچون لیاندن طیشارییه اوغرامشلردر. بویکی دونما دکنزه آچلدقن صکره محاربه کسب شدت ایتمش و عثمانلی دونماسی طرفندن اصل هجوم دشمنک آمیرال گیمیسی اوزرینه اجرا ایدلیکندن بالذات «لوره دانو» بر چوق یرلندن مجروح اولدینی وباخصوص بریسی برونی ایله برابر یناغندن و دیگر ی صول لندن اوق ایله یاره لندیکی حالده جنک گتدکجه شدت کسب

ایده رک دشمن سفائنک جسامت و مکملیتته و طوپ و سائر اسلحه ناریه سنک کثرتنه و افرادینک گمیجیلکده اولان مهارتنه قارشى عثمانلی دونماسی تشکیل ایدن سفائنک درمه چاتمه گمیلردن عبارت اولمسی و اسلحه ناریه سنک عادتاً یوق دینیله بیله جک درجه ده قلیله برابر اکثر افرادینک گمیجیلکدن دخی بی خبر بولملری مذکور دونمانک دوچار انهزام اولمسی موجب اولمش و عاقبت عثمانلی آمیرال گمیسی ایله دیگر (۶) قطعه سفائن و ندیکلیلر اننه اسیر دوشمشدر.

بو گمیلرک تکمیل عسکری دشمن طرفدن قلیجدن گچیرلمشدر. قوماندانک وقوع اسارتی اوزرینه افراد عثمانیان دوچار خوف و دهشت اوله رق آرتق حربه دوام ایده میوب، دونمای هایونک قسم باقیسندن آنجق (۱۰) قطعه سی گلیبولی لیمانه التجا ایده بیلمش و دیگر لری دشمن طرفدن ضبط ایدلمشدر؛ حاصلی کچوک و بیوک (۲۰) قطعه عثمانلی گمیسی و ندیکلیلر طرفدن ضبط اولنه رق بولنرده بولنان خرسیان طائفه لر مسلمانلرک خدمت عسکریه سنده بولندقلرینه جزا اولمق اوزره سرنلرک چونده لرینه اصلمشلر و مسلمانلر ایسه اسیر ایدلمشدر. ضبط اولنان سفائن عثمانیه دن (۵) قطعه قادرغه ایله (۷) عدد سفائن صغیره دن ماعداسنک بر قسمی گلیبولی قارشیسنده یاقلد. قلری گبی بر طاقی ده «لورده دانو» نک (تهدوس) [بوزجه آطه] آطه سنه چکلمسی اوزرینه اوراده احراق اولمشلردر.

بو دونمانک (۱۲) قطعه سندن ماعداسنک بو صورته احراق اولنشلری شبهه سز بولنرک هیچ بر ایشه یارایه جق شیلر اولمدقلرندن نشئت ایتمشدر. ایشه شو معامله دن عثمانلی دونماسی ایچنده و ندیکلیلرک ترقیات بحریه سنه گوره ایشه یارایه بیله جک صورته گوریلان گمیلرک آنجق بولنر اولدقلری آکلاشیلیر.


اگر عثمانلی دونماسی آچیقده گوریلن جنویز گمیسنه آلا -

نوبده لیماندن چیقمامش اولسه ایدی، بومغلوبیت فاجعه نك وقوعه گلمیه جکی درکار ایدی : چونکه، لیمانك مدخلنی محافظه ایدن استحکاک- مات اول عصر ایچون پك متین و مکمل اولوب، طوپارله مجهز بولند- یغندن دشمن دونماسنك اوزمانکی بحرأ مستعمل اولان اسلحه یه نظرأ بو مثللی استحکاماتی تخریبه مقتدر اوله مدقندن باشقه استحکاک- ماتدن آتیله جق مرمیاته مقاومت ایده بیله جك درجه لرده دخی متاتی حائر اوله مامسی سبیلرله لیمانه تقر به جسارت ایده میه جکی و لیمان داخلنده بولنان دونمانك ده مذکور دشمنك تخریباتندن مصون قاله جخی محقق ایدی ؛ ختی محاربه نك ابتدائرنده براز زمان ایچون استحکاماتك طوپلری ایشلیدیلرک و ندیکیلره پك چوق ضایعات و یردیردکاری و یالکز مجروحلرینك مقداری (۳۴۰) نفره بالغ اولدیغی ینه آنلر طرفندن مقید ایکن آچقده ایدیلن محاربه ائناسنده گلیولی طوپلری ایشله مه مش اولمسندن نه درجه لرده استفاده ایلمش اولدقلری قازانیلان مظفریتله ثابتدر.

فی الحقیقه فن حربیه دائر اولان مقاله مزده دونما لیان داخلنده ویاساحله قریب ایکن دشمنله محاربه داعی مخاطره اوله جخی و بلکه ده مغلوبیتی انتاج ایده جکی حقتنده بر مطالعه سرد ایدیش ايسده بوقعه نك اومطالعہ نی جرعه مدار اولور بر جمتی اولمديغی آشکاردر ؛ چونکه، اومطالعہ ایکی دونمانك لیان داخلنده محاربه ایتمی حقتنده جاری اولوب، یوقسه دشمن دونماسی خارجه ده بولئور و لیمانك مدخلی ده استحکامات متینه ایله ترصین ایدیش اولور ايسه ذاتاً دشمن لیمانه فرجه یاب دخول اوله مازکه، محاربه یه میدان بوله بیلین . اگر دشمنك دخولنه مساعد ایدیلرده محاربه یه باشلادقندن و ایکی دونما یکدیگرینه قارشى دقندن و باروت دومانی اورتلغی قاپلادقندن صکوه قره ده کی استحکاماتدن حربیه اشتراک ایتک و دشمنه گویا ضرر ایراث ایلک گئی برفکر سقیمده بولنیله جق اولور ايسه ایشته اوزمان ایراث ایده جکی زیانك همان ایکی دونمایه ده مساواة شامل اوله جخی شهه سزدر .

خلاصه، بو محاربه ده عثمانلی دونماسنك مغلوب اولیشی ضایعات جسمیه نی موجب اولمش ايسه ده ینه شان دولته نقیضه گتیریر بر ماده گئی تلقی

اولئہ ماز ؛ زیرا ، یوقاریده دخی افادہ اولندیغی و جهله هر نه قدر و ندیک دونماسنه نسبتہ عثمانلی دونماسی عددجه زیاده ایسه ده اوزمانلر و ندیک و جنویز جمهوریتلری دکزلر اوزرنده بوزمانک انگلیزلری گبی حاکم اولوب ، گمیلرینک غایت منتظم و جسیم اولدقلرندن ماعدا طوب و تشنک مثللی اسلحه ناریهلری دخی هم چوق ، همده مکمل اولدیغی و گرک سفائنه قوماندا ایدن امرا ، گرکسه اداره لرینه مأمور اولان افراد مدت مدیده امور دریاده استخدام اولمش معلّم و تجربه لی کیمسهلر اولدقلرندن خصوصات مذکوره قسماً غلبه لرینه یاردم ایتدیگی گبی بری طرفک گمیلری ده — ایشک مبادیسنده بولندیغی جهتله — دشمن سفائنه نسبتہ عادتاً درمه چاتمہ دینه بیله جک درجه ده حربہ یارار شیلر اولیوب ، تجهیزات و آلات حربیهلری ناقص اولدیغی و سوا ریلری ایسه مدت مدیده دکزده گزمش و محاربات جسیمه ده بولنه رق مانوره و دسائس حربیه و قوف و معلومات کسب ایلمش طاقلردن اولدقلاری و افرادک بر قسمی هنوز گمیجیلکه آلشماش ، قسم دیگری ده اجرتله مستخدم اجنبی بولندقلری جهتله غیرت ملیه و محبت وطنیه گبی حرب ایچون بر عسکرده بولنسی فرض عین مثابه سنده اولان خصملتلدن عاری کیمسهلر اولدقلرندن اسباب مذکوره دخی دشمنک غلبه سنی قسماً اکمال ایلمشدر ؛ مع مافیه ، شو افاده دن اول زمان دونمائی هایونده اجنبی استخدام اولندیغنه اعتراض ایدیورز ظن اولنماملیدر . فی الحقیقه بر دولت ایچون اجنیدن عسکر ترتیبی و او عسکری حین لزومنده دشمنه قارشی استخدامی دکل بر فائده یی ، بلکه بیوک بیوک مضرتلری تولید ایده جکی امثال کثیره سیله مثبت بر کیفیت ایسه ده دولت علیه نک ابتدالری امور بحریه سنده بومثللی اجنبی استخدامی مجبوری اولوب ، مضرتندن صرف نظر ، حتی فائده سی بیله گورلمشدر ؛ چونکه ، یوقاریده دخی



لوم ۹ — (۱۵۶۴) سنه ميلاديه سنده انشاقلمش بر (وندك قاپوني)



بالمناسبہ عرض اولندیغی وجهله ابتداری عثمانیلرک گمیجیلکدن
بی خبر بولنملری دولتک ترقیات بحریہ سنه مانع قوی اولدیغندن
بوصنعی ملت حاکمہ افرادینه اوکرتک و ترقیات بحریہ منی تأمینہ
کافی بر چیغیر آچق ایچون دونمائی هایونده لزومی قدر اجنبی
استخدامی چاره سندن غیری دولتجه تشبث اولنه جق باشقه برواسطه
مفقود اولسندن ایلری گلمشدر . خلاصه کلام، وندیک دونماسنک
مظهر غلبه اولدقدن صکره حین عودتنده یالکز (لاپسکی) ده
وقیله شهزاده سلیمان پاشا طرفندن انشا ایدلمش بولنان قوله دن
اوزرلرینه طوب آتلمش ایسه ده اوقوجه دونما اولانجه طویلرینی
هپ بو قوله علیهنه استعمال ایلدیکندن قوله دخی خراب ایدلمشدر .
وندیکیلرله وقوع بولان بومحاربه بحریه ده عثمانی دونماسنه
قوماندا ایدن « چالی » بک نامنده کی ذات دخی رجال بحریه من
میاننده بخشی عد اولنق اقتضا ایدر . نهایت محاربه مذکورہ نک
ایکی طرفه ده بلا اختیار وقوعه گلدیکی گویله رک وندیک طرفندن
تعین اولنان سفیرلر دخی (ادرنه) یه واصل اولغله مذاکرات
لازمه نک اجراسندن صکره عثمانیلرک النده بولنان وندیک اسراسی
آنلره ووندیکیلرله بولنان مسلمان اسراسی دولت علییه ترک
اولنق و آق دکزده نه قدر ترک قورسانلری گوریلور ایسه دشمن
عدیله وندیک دونمائی طرفندن اورلمسنه دولت علییه جانبندن
بر شی دینلمه مک ووندیک کماکان حمایه عثمانیه آلتنده بولنهرق هیچ
بر طرفده گمیلرینه تعرض اولنماق و جمهوریت طرفندن هرسنه
ویرلمسی معتاد اولان ویرگی کالاول ویرلمک اوزره معاهده قدیمه
ینه تجدید و تأیید اولمشدر ؛ یعنی دولتجه اوزمان ووندیکیلرله
محاربه ایتک مطلوب اولماسنه منی اورته ده دونن مسئله منازع فیهایه

صورت مذکورہ اوزرہ مذاکرہ دوستانہ ایلہ نتیجہ ویرمشدرد؛ چونکہ،
داخلاً ظہور ایدن بر طاقم غوائل دولتی پک زیادہ اشغال ایلدیکندن
خارجہ باقغہ وقتی یوق ایدی .

«چلبی سلطان محمد» حضرتلری بو غوائل داخلہ یی بر طرف
ایتدکدن صکرہ آرتق زمانلرینی کاملاً اصلاحاتہ صرف ایتمکی
قورمشلر وبو اصلاحہ دخی جہت بحریہ دن بدأ بیورمشلر ایدی کہ،
گلیولیدہ وندیکیلر ایلہ ایدینن محاربہ اوزرینہ سفن حربیہ نک
ہمان کافسی صنایع اولمش بولندقلری گی محاربہ مذکورہ دہ وندیکلری
غالب ایدن انتظامات بحریہ آنلریدینہ اسیر دوشن بحر یون عثمانیہ نک
نظر دقت و اہمیتلرینی جلب ایتمش بولنمغہ بعدما شوکت بحریہ
عثمانیہ یی اتمام ایدہ جک بر منتظم دونما وجودہ گتیرمکہ احتیاج
قطعی اولدیغی میدانہ چیقمشدر . آنجق تمام بحر سفید و سیاہک گمی
انشاسنہ صالح اولان سواحلندہ اوروپالیر طرفندن قوللانیلان
سفائن طرزندہ گمیلر یاپیلنمغہ باشلانمش اولدیغی بر زماندہ دخی
«شیخ بدرالدین» و «دوزمہ مصطفی» و سائرہ نک فتنہ لری میدانہ
چیقمش اولدیغندن ایش ینہ لایقیلہ ایلر ییلہ مہ مشدر .

«سلطان مراد ثانی» دورندہ دخی ینہ بر برینی متعاقب ظہور ایدن
غوائل داخلہ و خارجیہ امور بحریہ ایلہ جدّاً اشتغال ایدیہ بیلہ جک
بر زمان بر اقامش اولدیغندن بودورده دخی انشاءات و ترقیات
بحریہ مز بر حال وقوف و تساویده قالمشدر؛ و نہایت «سلطان محمد
خان ثانی» حضرتلرینک ایام سلطنتلرندن اعتباراً انشاءات و ترقیات
بحریہ جدّاً اعتنا قلمش و دولت علیہ بحرّاً دخی لایق اولدیغی
موقعی استحصالہ موفق اولوب، ایشتہ بوزماندن اعتباراً ہمتک ثمرہ
فعالیہ سنی دخی مظفریات بحریہ متابعہ یی نائلیتلہ اقطافہ باشلامشدر .
شویلہ کہ، سلطان محمد خان ثانی حضرتلری استانبولک فیحنہ تمشث

بيوردقلىرى زمان يالکىز قره طرفندن محاصره سى تاأمين موفقيته كافي اولمىوب، بحر آدخى هجوم ومحاصره سى لازم گله جىكنى آكلامش اولمىرينه مېنى پدر عاليلىرى زماننده دىخى مقام قېوداننده بولانان « بالظه اوغلى سليمان بك » معرفتيله مقدار كفايه دونما تدارك وتجهيز ايتديروب، محاصره خدمتنده استىخدام ايلمىش وبو تدبير مستحسن سايه سنده شهرک فتحى ميسر اولمشدر [*].

ايشته شو خدمت اساسيه اوزرينه حضرت فاتح نظر ننده دولت عليه لرى اچون قوه بحريه نك وجود وتكثيرينه احتياج شديد اولديغى حقيقتى تجلى وتعين ايلمىش اولديغندن گليولى ترسانه سنه ويريلن اهميت تزيد اولنديغى گي ابتدا شهرک مرمرديه متناظر اولان جنوب شرقى جهتنده الحاله هذه (قادرغه ليمانى) ناميله معروف اولان محلى انشاى سفائ اچون مرسا اتخاذ ايلمىش وبر مدت بوراده خيلى قادرغهلر انشا ايتديردكن صكره دها بيوك سفينه لر انشاسنى بالاقتضا مراد بيورمش اولدقلىرىندن دستگاهلر يالى كوشكنه نقل ايتديرمىش، بوراده دىخى بالاكال دكزه اينديرمىكده اولان (۳۰۰۰) طونيلاتلىق بر قاليونك موقعك عارضه طبعيه سى حيلولتيله قيزاقدن دوريلوب، شكست اولمىسى اوزرينه بورانك دىخى الويرشلى اولمديغى آكلاشلديغندن دستگاهلر (آينه لى قواق) سمتنه نقل ايله اوراده شمديكى ترسانه عامردنك انشاسنه وضع اساس اولنوب، امور بحريه لايىقى نسبتنده همت اولنه رق خيلى سفينه لر انشا قلنمش ومدت قاييله طرفنده اول عصرده آق دكزى بنمسه مش اولان ونديكلىلرى تهديد ايدىجك قدر دونما تداركنه موفقيت حاصل اولمشدر.

استانبولك محاصره وفتحى — شرقى روما امپراطورلغىنك

پای تخت قدیمی اولان (استانبول) شهر جسیمنک فتحی سلاطین عثما-
 نیه نك (۷) نجیسی بولنان «سلطان محمد خان ثانی» حضرت تدرینه نصیب
 اولمش بر موفقیت جلیله در. حضرت پادشاه بو مقصد مشكلك
 حصو لیچون (ادرنه) تختگاهنده تداركات لازمه یه تشبث ایدوب.
 بر قیش ظرفنده مقتضی اولان لوازم و مهمات اكمال واستحضار
 ایدلمش اولدیغندن (۸۵۷هـ) سنه سی محرمنك (۱۵) نجی گونی ادرنه دن
 (۲۵۰) بیك موجودلی بر جسیم اردو ایله استانبول اوزرینه
 حرکت ایلیمشدر. شهرك تحت محاصره وتضيقه آلمشی حرکت
 هایونك (۶۴) نجی گونی باشلا یوب، داود پاشا سحراسیله اوق میدانی
 ساحه سی اردوی هایونلر ایچون برر مرکز اتخاذ اولمش و آلتی
 گون صكره عموم عساكر مواقع مناسبه یه تعیین وتعبیه ایدلمشدر.
 اردوی هایونده موجود اولان (۱۴) باتریا [۸۴ عدد] مختلف
 چاپده محاصره وصحرا طویلرندن باشقه (۳) عدد دخی (۱۲) قطار
 ثقلتنده مرمر گولله آتاروهربری یتشر چیفت اوکوز واسطه سیله حرکت
 ایتدیر یلیر و (۶۰۰) نفرله اداره اولنور غایت جسیم طویلر
 موجود اولوب، بونلردن ماعدا اسکی اصول محاصره موجنبجه
 اخشابدن معمول سیار قوله لر وسائر ادوات تضیقیه دخی بو محاصره
 ایچون طویلره ضم وعلاوه قلمش ایدی. بو جسیم طویلر ابتدا
 اگری قپویه، فقط بر مدت صكره طوپ قپویه قارشى تعبیه قلمشدر.
 آناطولی عسکری صاغده، یعنی یدی قوله ایله ادرنه قپوسی آره سنده،
 روم ایلی عسکری دخی صولده، یعنی ادرنه قپوسیله ایوب آره سنده
 اولان قلعه نك محاصره سیله مكلف ایدیلر. عسكرك بر قسم مفرزی ده
 غلطه وقاسم پاشا جوارنده ساحلی آبلوقه ایتمكده اولوب، اوتاغ
 هایون دخی طوپ قپو ایله ادرنه قپوسی آره سنده ایدی.
 اشبو قوه بریه دن باشقه «فاتح سلطان محمد» حضرت تدری استانبول

اوزرینه برده مکمل قوهٔ بحریه سوق ایتمشلدردر. قوهٔ مذکوره حضرت فاتح استانبول محاصره می ایچون ادرنده تدارکات ایله مشغول بولندقلری بر قیش ظرفنده قپودان دریا نصب و تعیین بیورمش اولدقلری بلغار دونمه لرندن [۹] « بالطه اوغلی سلیمان بك » واسطه سیله گاییولیده تدارک واحضار قلنمش ایدی. روم مؤرخلرینک اخباراتنه گوره گلیولی ترسانه سنده تدارک اولنه رق درسعادته گتیرلش بولان بودونمانک (۷۵) قطعه سی بیوک سفینه لر اولوب، بولردن اون سکزی اوچ صره کورکلی غایت جسم گمیلر ایشکه، اوزمانه مخصوص حرب گمیلرینک اک بیوکلرندن معدود ایشلار؛ و (۳۲) قطعه سی ایکنجی صنف سفائن حربیه دن صاییلان ایکی صره کورکلی گمیلر اولوب، (۲۵) قطعه سی دخی نقلیه سفالندن عبارت ایش! بولردن باشقه اوچیوزی متجاوز سفائن صغیره دخی مذکور آغر دونمایه ملحق اولدیغندن سفن هایونک مجموع مقداری گویا (۴۲۰) یه بالغ اولمقده ایش!

ینه روم مؤرخلرینک روایتنه گوره بو قوته قارشی روملرک دخی ابتدای محاصره ده استانبولده کی قوهٔ بحریه لری گویا (۱۴) قطعه سفائنندن عبارت اولوب، بودونمانک ایسه اوچی وندیک، اوچی جنوبی، بری فرانسر اولق اوزره (۷) قطعه سی اجنبی وبری استانبول، دردی قنیده، ایکسی ده حانیه گمیلری اولق اوزره (۷) قطعه سی دخی اصل روم سفینه سی ایش!

هر نه قدر عثمانلی تاریخلرنده دونمای هایونک مقدار مجموعنه دائر بر صراحت یوق ایسه ده روم تاریخلرینک ویرمش اولدقلری

[*] میر مشارالیه دولت علیه نک (۶) نجی قپودان دریاسی اولوب « سلطان مراد خان ثانی » حضرتلری زماننده بو مقام سامیه ایصال ایدلش ومدلی جزیره سی اوزرینه اهمیتسز بر حرکت بحریه اجراییله (قانونیه) قصبه سی ضبط ایش ایدی.

شو معلوماتی قبوله دخی بزجه هیچ بر مجبوریت یوقدر ؛ و بو
ادعای ائبانه کافی بر طاقم براهین تاریخیه دخی موجوددر .
از جمله ، « مراد ثانی » زماننده آناتولییدن وارنیه عسکر سوق اولنه جنی
صرده روملرک بحر اُگوستر دکری ممانعی دفعه و عساکر موجودنی
سوقه کافی دونما بولمندیغندن جنوزلردن استعانه اولنش ایدی ؛ کذلک ،
« فاتح » حضر تلی دخی آناتولی سفرندن بروسیه گلوب ، اورادن
گلیولی طریقله ادرنیه عودت ایتک ایستدکری حالد ایمپراطورک گیلیری
گلیولی معبرینی سد ایلدکرندن قردن بوغاز ایچنه گله رک آناتولی
وروم ایلی حصارلری آره سندن گچمکه وتأمین مرور و عبور ایچون
ینه بوسفرده روم ایلی حصارینی دخی بنایه مجبور اولمشلر ایدی ؛
بنابرین ، فاتح سنه جلوسی (۸۵۵هـ) واستانبولک تاریخ فتیحی (۸۵۷هـ)
اولغله آره ده کی ایکی سنه و برقاج آیدن عبارت اولان برمدتک نصفی
قدرنده ، یعنی روم ایلی حصارینک بناسنه دکین دولت علیه ده اعتماد
صالح دونما بولمندیغنی شو براهین تاریخیه ایله ثابتدر .

بوندن صکره سنه گنججه : فاتحک استانبول فتحی عزم ایدوبده
تدارکاته باشلامسی یالکز بر قیش ایچنده وقوعه گلمش اولدیغندن او
قیش موسمنده دخی او زمانه قدر امثالی گورلمه مش درجه ده جسم
طوپلر دوکمک و سائر اسباب حرب و ضربی تدارک ایلماک گبی مشغولیت
کثیره آره سنده یالکز بالظه اوغلینک دونما انشا و تجهیزینه صرف ایلد-
یکی غیرتله درتیوزی متجاوز سفائن حربیه نک وجوده گتیرلمسی ممکن
اوله میه جنی حقیقتی میدان چیقار ؛ حتی دولت اولانجه قوتیه یالکز
بوخصوصه حصر همت ایلمش اولسیدی بیله ینه بویله کثرتلی بر
دونمانک تدارکی ممکن اوله مازدی ؛ معافیه ، استانبولک ابتدای محله
صره سنده روم دونمانسی (۱۴) قطعه دن عبارت گوسترمک و بونلرک
آنحق بردانه سی استانبول گیمسی اولدیغنی میدان قویمق هیچ بروجهله

اعتماد شاهان بر سوز دگلدر ؛ بنابرین، بودونما حقنده دخی روم مؤرخلرینک کتم حقیقت ایلمش اولدقلری گون گبی آشکاردر ؛ چونکه، بوقیدی بلااعتراض قبول ایلماک یاستانبول ایمپراطورینک هیچ دونماسی اولمديغنه ویاخود دونماسی اولوب ده باشقه یرده بولنديغنه قائل اولمق دیمکدر . اکر ایمپراطورک دونماسی اولمديغی شقی قبول ایدیله جک اولسه یوقاریده دخی بالمناصبه ذکر ایدلمش اولان وقوعات تاریخیه یی انکار ایلماک، یعنی گرک «سلطان مراد» دورنده، گرکسه ده یقین اوله رق «فاتح» زماننده عساکر عثمانیه نك آناتولیدن روم ایلی به مرورلرینه مانع اولان اوقوجه روم دونماسنی یوق فرض ایتماک اقتضا ایدر ! عجبا یدی آی ظرفنده بر قوجه دونما محو اولورده بوکا دائر تاریخنده برصراحت بولمازمی ؟ بنابرین، دونماک یوقلغندن بحث ایتماک بر حقیقت تاریخیه یی انکار ایلماک دیمکدرکه، مانع تفاخر اولدییی جهتله بوکا روم مؤرخلری دخی راضی اولمازلر .

اگر روم دونماسنک خارجه بولنديغی شقی اختیار ایدیلیر ایسه بو دخی شاهان قبول اوله ماز ؛ زیرا، فاتحک استانبولی محاصره سی روم ایلی حصارینی بناسندن یدی آی صکره وقوع بولوب، حال بوکه، حصار مذکورک بناسی فاتحک استانبول حقنده اولان فکرینی آچیقندن آچیغه روملره آکلاتمش اولدییغندن آنلردخی اوگوندن اعتبار آسباب مدافعه یی اکماله تشبث ایدرک استانبول سورینک بعض قپولرینه دیوار اور- دیرمک وایجاب ایده جک ذخائری در آنبار ایلماک گبی برطاقم خصو- صات مهمه ایله اشتغاله باشلامش و بویدی آیدن عبارت اولان مدت ظرفنده ایمپراطور اوروپایه دخی مراجعت ایدرک برخیلی معاونت ده گورمش اولدییی حالده کندی دونماسنی جلب ایدمه می ممکن اوله- میه جنی آشکاردر .

ایشته دونمای هایونک مقباری (۴۰۰) دن متجاوز گوسترلمی

بر افراط عظیم اولدینی گبی روم دونماسنك ده قسم اعظمی اجنبی سفائنندن عبارت اولمق اوزره (۱۴) قطعه گوسترلمسی دها بیوک بر تقریط اولدینی ذکر اولسان براهین تاریخیه ایله کسب تحقیق ایلر . ائمدی ، طوغری یه تقرب ایدلمك ایچون همه حال عثمانلی دونماسنك مقدارینی آزالتوب ، روم دونماسنك دخی مقدارینی برازدها چوغالمق اقتضایلدیر . ذاتاً روم تاریخلرنده دونماجه مشاهد اولنان شونستسزلک قوه بریه جه دخی گورلمکده درکه ، بودخی روملرک استانبول محاصره سی حقنده کی اختیار ایلدکلری کذب لری میدانه چیقارمغه باشلیجه بر دلیل علنیدر . مؤرخین مرقومه نك بو گبی یلانلری ارتکاب ایتلری ایسه محضاً عثمانیلرک مزیات عسکریه لرینی تنزیل و کندیلرینك قهر . مانقلرینی اعظام ایچون اولدیغنده شبهه ایدیله مز .

عثمانیلرک برأ اولان قوه مجموعه لری هر نه قدر (۲۵۰) بیکه بالغ ایدیسه ده بوقوتك اصل محارب اولان عسکر قسمی آنجق (۱۵۰) بیک راده سنده اولوب ، بوکا قارشى قلعه بی محافظه ایدن عسکر سلاح بدست اوله رق خدمت مدافعه ده بولنان اهالی ایله برابر لری ، ایتالیان ، اسپانیول ، فرانسز ، آلمان وسائر اولمق اوزره (۱۵۰) بیکه قریب ایدی . عسکرجه حاصل اولان بوتساویدن باشقه موقعك مناعت طبیعیه سیله قره جهتندن ایکی قات خندق و دیوار وغایت مرتفع برجلر ایله محافظه آلتیه آلمش اولمسی وایکی جهتنك دریایله محاط بولمسی نظر موازنه یه آلتیجه محاصر لر ایچون میدانده اولان مشکلات قات قات تزايد ایلوردی . برده قیصر اون ایکنجی قسطنطینك محاربه لره بدأ اولدینی وقت شجاعت وقهر مانلقده اك جسور لرده عبرت گوستره جك هر درلو فداکار لقلر اختیار ایتمه باشلامسی استانبول اهالیسنی ده غیرته گتیره رك مأمولك فوقنده مقاومت گوسترمش اولملری ایشی بوسبتون تصعب ایلیمکده ایدی .

محاصره باشلايوبده طويلرك تائير سزلكي دخي گوريانجهيه دكين
دوتماي هايون بوغاز اچنده كائن بالطه لياننده بوليوردى . دوتماك
اوزمانلر «حيقته قولون، دينلن شمديكي بشكطاشه ورودى (۱۴۵۳) سنه
ميلاديه سى نيسانك (۱۵) نجى گونه مصادفدر . بودوتماك استانبوله
جلبي محضاهم روم دوتماسى عليه استعمال ايدلك و همده سورك دكر
جهتدن اولان محاصره سنى اجمال ايلمك اولوب، فقط روم دوتماسى
خليج داخنده بولنديگي باغچه قپوسيله قره كوى قپوسى آره سنده
گرمش اولان بر زنجير ايله دوتماك خليجه دخولى دخي منع ايدلمش
بولنديغدن ابتدادن نه روم دوتماسى عليه قوللانيه بيلمش . نه ده
سورك خليج داخنه منحصر اولان قسمي عليه استعمال اوله
بيلمشدر . بوجهته دوتمان ايديله جك استفاده هوا مساعد اولدجه
قلعهك مرمره به ناظر اولان طرفنى تحت تضيقه آلمقدن و برده خدمت
نقلهده قوللانمقدن عبارت قالمش ايدى . بو حال اوزره آرددن بر
قاج كون دها مرورندن صكره مرمره دكرنده ايكيى قاليون
واوچى سائر نوعدن اولمق اوزره او عصر كاك جسم سفائن حرييه-
سندن (۵) قطعه سفينهك امداد و مهماتى حامل اوله رق استانبوله
طوغرى گلمكده اولدقلى گورلمش اولديغدن حضرت «فاتح» طرفدن
بونلرك اخذ و ضبطى حقنده دوتماي هايونه امر و يرلمشدر . گلن
گميرك برى ايمپراطورك بايراغنى و دردى دخي جنويز بانديره سنى
حامل ايدى . وقوع بوله جق اولان محاربه ني تماشا ايتك اچون
استانبولك دكر جهتي ديوارى اوزرينه بتون اهالى چيقمش اولدقلى
گي بالذات «فاتح» حضرتلى دخي محاربهك نتيجه سنى مراق ايدرك
ساحل بحره قدر اينمشلرايدى . مفرزه مذكره به قارشى دوتماي
هايوندن بالا فراز سوق اولنان قوت بر يچق فيلو، يعنى (۱۸) پاره
سفائن حرييه دن عبارت اولوب، بر بورده نظامنده اولمق اوزره

دشمنہ قارشی کورکله هجوم ایلمش ايسه ده حین تقر بیلرنده اوق
وصیان طاشی و آتش رومی گبی مر میات مده شه ایله قارشیلانمش
اولد قیلندن گوردکلری شدت مدافعه یه تاب آور مقاومت اوله میهرق
(آیاستفانوس) ساحلی اوزرینه طوغری رجعه مجبور اولمشلردر .
بو رجعت دشمنک بر قات ده ا جرأتی آرتدیردیغندن روم
گمیسنک سواریمی و جنویز قیودانلری صو ک درجه شدتله سفائن
عثمانیه اوزرینه هجومه باشلادیلر . ایشه بو هجوم ائناسنده دشمن
دوتماسندن آتیلان او قیلرله عادتاً دکزک یوزی طولدیرلمش و تأثیرات
مهلهکلریله عثمانلی گمیلرنده کی کورکچیلر وظیفه لرینی ایفادن عاجز
قالمشلر ایدی . بومیانده انداخت اولنان آتش رومیلرله سفائن
عثمانیه دن ایکیمی آتش آلمش و بو حالی ساحلدن مشاهده ایدن پادشاه
غضبنی تسکین ایده میه رک بلا اختیار آلتنده کی آتی دکره طوغری
سورمش واکر دریا مانع اولسه هربری برر قلعه سیاره حکمنده
بولنان سفائن اعدا اوزرینه بالذات هجوم ایتک فیکرنده بولمشدر .
اوزمان عثمانلی گمیلری فاتحک بولندیغی ساحله صوقلمش اولد قیلندن
ذات شاهانه نک شو حرکات غضوبانه سی گوره رک صو ک بر غیرتله بر
ایکینجی هجومه ده ا تشبث ایلدکلری صره ده روزگارک تجدد ایلمسی
سفائن اعدانک حرکاتی تسهیل ایلمش اولغله دوتنای همایونک آره سندن
گیچهرک استانبول لیمانی مدخله گلمش اولیمان آغزنده کی زنجیر آلات
مخصوصه سیله در حال ایندیرلدیکندن گمیلر خلیجه داخل اولوب ،
بعده یه قالدیرلمشدر .

بز بو محاربه یی رأی العین مشاهده ایده رک اول وجهله قید ایلمش
بولنان مؤرخ «فرانزه» (Phranza) نک صورت افاده سی اوزره
یازدق ايسه ده شمعی ذکر ایده جکمز بعض قسملرینی مدار اعتراض
گوردیکمزدن صورت حکایه یه قارشیدیرمدق . ایدی ، مؤرخ مرقوم

گويا مهاجم اولان عثمانلى دوتناسنىك (۱۵۰) پاره سفائنن عبارت اولوب ، فقط برنجى خطده (۱۸) قطعه سفائن بولنديغندن وهوانك سكوتلى، دكزك دخى راكد اولديغندن بحث ايدهر ك تلافاتك ده (۱۲) بيك راده سنده بولنديغنى قيد ايلور كه ، ايشته شو سوزلرى شايان قبول گوره ميشمزينه كندى افاده سنه گوره محاربه نك صورت وقوعى نظر محاكمه دن گچيره جك اولان امور بحريه يه اولدقجه وقوفلى هر فرد طرفدن دخى تصديق اولنور ؛ مع مافيه ، شو سوزلرك حقيقت وقعده ي دخى ميدانه چيقارمق ايجون بزه بك بيوك ياردملرى اولمشدر .

از جمله ، مهاجم اولان عثمانلى دوتناسنىك (۱۵۰) قطعه سفائن حر . بيه دن عبارت اولمى كى قىتى بر كره شايان قبول دكلدر ؛ زيرا ، مؤرخ مرقومك ينه كندى افاده سندن يالكز بو دوتنامك ايلريسند بولان (۱۸) قطعه سفائنك محاربه ايتمش اولديغى آكلاشيلوب ، باقى (۱۳۲) قطعه سنك نه ياپديغى ونه حر كت اجرا ايلديكنه دائر هيچ بر صراحت يوقدر . شوقيده نظراً استانبول محاصره سنه مأموراً گليوليدن گتير . لمش اولان عثمانلى دوتناسنىك مقدار مجموعى آنجق (۱۵۰) پاره سفا . نندن عبارت اولديغى ظن اولنه بيلير . هله تلفاتى (۱۲) بيك مقدارنده گوسترمى بوسبتون غريب گوريلور ؛ چونكه ، بو محاربه ي اجرا ايدن سفائنك عددى (۱۵۰) بيله فرض ايد جك اولسه ق ينه بو قدر تلفات ويرمى ممكن اوله ماز . بر كره سفائن اعدانك طوبى طوبى (۵) گميدن عبارت اولمى گوز اوكنه گتيريله جك اولور ايسه عساكر موجوده سى (۳) بيك نفر بيله فرض اولسه لر هپسى ايكي دفعه وقوع بولان هجوم ورجعت اثناسنده دكل اوق ، صبان طاشى ، فلان شمديكى سلاحلرله مجهز اولسه لر دخى هدفلرك متحرك اولسنه مبنى

ینہ بوقدر تلفات ویردیره میه جککری زره قدر افکار عسکریمسی اولانلر طرفندن تصدیق اولنه جغنده شبهه یوقدر .

برکرده عثمانلی دونماسنک عاقبتی دوشونهلم : اکر (۱۲) بیک تلفات ویرمش اولسه لر ایدی ایکی مثلی ده مجروحلری بولمق لازم گلیردی . هر گمیده کورکچی و جنگچی (۳۰۰) نفر فرض ایده جک اولسه ق دونمای هایونک موجودی (۴۵) بیک نفره بالغ اولور . بومقدارک (۱۲) بیکی تلف واك آزدن بر اوقدری ده مجروح اولور ایسه عجبا گمیلرک اولدقلری محالردن حرکتیه محالیریمی قالیر ؟ و دشمن بومثلی حرکتدن ساقط سفائی حاضر فرصت یدینه دوشمش ایکن ترک ایدوبده استانبول خلیجته می فرارایدیر ؟ یوقسه کافه سنی یاقعه می صاواشیر ؟ ذاتابومثلی ترهانی اکثری اوروپا مؤرخلری بیله قبولدن استنکاف ایدهرک تلفات عثمانیهی (۱۲۰۰) نسبتنده گوستر مشلردر . هوانک سکونتلی ، دکزک دخی را کد اولدینی بخته گلنجه : دکزک را کد اولدیغنه بر شی دینله من ایسه ده هوانک سکونتلی بولندینی قبول اولنه ماز ؛ زیرا ، دشمن سفائی باشلیجه یلکنله متحرک جسم گمیلر اولدقلردن اکر روزگار ، همده لدوس روزگاری اسمه مش اولسه ایدی بونلرک استانبول جوارلرینه قدر گله بیلیمسی ممکن اوله ماز . دی . ثانیاً اکر محاربه نك وقوعی ائساننده مذکور روزگار اسمکده اولماییدی عثمانلی دونماسنک برنجی رجعتی اوزرینه دشمن دونماسی طرفندن هجومه تصدی اولنه مامق لازم گلیردی . اوچنچی درجه ده دخی بونونمانک خلیجه قدر داخل اوله بیلیمسی ممکن اوله مازدی . ایشته بر کره شواوچ ماده اثنای محاربه ده دشمن ایچون موافق روزگار اسمکده اولدیغنی اثبات ایدر . برده دشمنله حرب ایدن مذکور (۱۸) قطعه سفائنک بر صره کورکلی ، کوپشته لری صویه غایت یقین ، آلچق غالرلر اولدینی نظر دقتیه آلتنجه عثمانلی دونماسی

ایچنده دشمن سفائننه معادل جسمیم گمیلر واریکن بویله اوچنچی صنف سفائن حربیه دن معدود اولان گمیلرک سوق ایدلمش اولمسی دخی عثمانیلر ایچون روزگارک مخالف بولندیغنی اثبات ایدر: بنابرین، روزگارک سفائن اعدا ایچون موافق اولمسی حرکات حربیه ومانوره بحریه اجراسنده سهولتی موجب اولدیغنی گبی عثمانلی دونماسی ایچون دخی مغلوبیتی انتاج ایدن اسبابک بر قسم مهمیدر.

محاربه مذکورده یی عثمانیلرک غائب ایتلمرینه سبب اولان ماده لرک بری دخی بویکی دونمانک یکدیگرینه تقربله رامپا ایدرک اول وجهله اجرای حرب ایلملری اول زمانک فن حربی اقتضاسندن اولدیغندن مذکور مانوره نك اجراسی ایچون سفائنک صو سطحنندن یوقاری اولان ارتفاعلری هیچ اولماز ایسه مساوی بولنق ایجاب مصلحتندن ایکن عثمانلی گمیلرینک ارتفاعلری دون بولنمی حسینیه دیگر طرفدن آتیلان اوقلر و سائر ايله کورکیلرینک وظیفه لرینی ایفا ایدمه جک درجه لرده عاجز قالدقارینی افاده ایلمسی بوادعای اثبات ایدر. ایشته بوجهتله عثمانیلر دشمن دونماسنه صوقولمغه ورامپا ایدرک حرکات حربیه لرینی ابطال و آنلری صعوبته دوچار ایتمه کده قادر اوله مامشلدردر؛ مع مافیه، شاید رامپا ایتمش اولسه لردی بيله گمیلرینک آلحق بولنمی ینه بالاخره مغلوبیتلرینی انتاج ایده جکی درکار ایدی. بوندن باشقه بر سبب ده واردرکه، اوده گلن دونما افرادینک احوال و معاملات بحره وقوف تاملری اولمسی، دونمای همایون افرادینک ایسه اوزمان ایچون بو فضیلتدن کلیاً محروم بولنمیدر. ایشته بوگی مانع قویلر سببیه تشبثلرنده مظهر موفقیت اوله مامشلدردر.

بزبووقه حقنده کندی مطالعه مزدن ماعدا انگلیز مؤرخین مشهوره سندن «کیون» (Gibbon) و «قره یزی» (Creasy) گبی ذاتلرکده

ویرمش اولدقلری معلوماتی شورایه تحشیه ایله مؤرخ «فرانزه» نك سوزلرینك نه درجه یه قدر طوغری اولدقلرینی گوسترمك فیکرینه دوشدك : —

بویاکی مؤرخك ایکیسی ده دونمای هایونك موجودینی (۳۲۰) قطعه اولق اوزره گوستریورلرایسه ده بونلك آنجق (۱۸) قطعه سی قادرغه نوعندن سفائن حربیه اولوب، قصور گمیلرك عادتا گوگرته سز مراكب صغیره اولدقلرینی و محضا اردوی هایونه ذخیره و مهمات سائره نقل ایتك اوزره تدارك اولمش بولندقلرینی قید ایلورلر : و حرب گمییسی عد اولنان سالف الذکر (۱۸) قطعه قادرغه نك ده حقیقه حربیه الویرشلی شیلر اولیوب، اصول انشا و تجهیزاتجه پك چوق نقصانلری بولندیغنی و حتی دونمادن بر قسمك قره دن خلیجه گچیرلدکلری زمانه قدر درونلرنده طوب دخی موجود اولمیدیغنی و گلن دشمن گمیلرینك غایت جسم قالیونلر اولوب، هر نه قدر استانبوله ارزاق و مهمات ایله عساكر بریه و بحریه دن عبارت برده قوه امدادیه یی حامل اوله رق گلمكده ایدیسه لرده اغر طوپلری ده حامل بولندقلرینی و غایت مکمل بر صورتده تسلیح و تجهیز ایدمش اولدقلرینی ذکر ایلدکلری گبی اثنای محاربه ده سرت بر لدوس روزگاری اسمکده و دکز طالعه یامقده اولدیغنی ده آریجه قید ایلورلر. و دشمنه قارشى سوق اولنان عثمانلی گمیلری دروننده کی افرادك غایت خریصانه و شجیعانه بر صورتده حرکت ایتشلر ایسه ده عجمیلکلرینی و حال بویله ایکن بیله بلافتور ایمراطورك گمیسنه صوقوله رق ضبط ایتمه درجه لرینه گتیردکلری حالده صوسطحیه همان مساوی اولان گمیلری اوزرینه دشمنك غایت یوکسك و جسم اولان گمیلرندن یاغمور دانه سی گبی یاغدیریلان مرمیات و آتش رومیلرك تأثیرانه قارشى ترکه مجبور اولدقلرینی و عثمانلی آمیرالی بالطه اوغلی سلیمان بكك

ارباب شجاعیدن بر ذات ایسه ده اثنای محاربه ده گوزندن بر یارده
آلمش اولمسنه مبنی قوماندا ایفاسندن عاجز قالدیغنی ذکر و اتیان
ایلیورلر؛ و حتی مؤرخ «پروفسور قره یزی»، ابراز ایتدکاری فوق
العاده غیرت و شجاعتله برابر حربک نتیجه سندن حاصل اولان مایو-
سیت اوزرینه عثمانیلر میاننده بر فکر غریب بینه پیدا اولمش
بولند یغندن بحث ایلیورکه، تحفلی جهتیهله بر حکایه نوعندن اولمق
اوزره ذکر ایلیورز:—

مؤرخ مرقوم دیورکه، گویا عثمانیلر بومغلویت اوزرینه جناب
حقک کندیلرینه کره ارضک یالکز طوپراق قسمی اوزرنده اجرای
حکم و نفوذی نصیب ایلمش و دکنزلرده خرستیانلری حاکم قلمش
اولدیغنی حقه سده بر فکر غریب پیدا ایلمش لدر؛ فقط مؤخرأ
عثمانلی تاریخ بحریسنه شانلی، شرفلی صحیفه لر کشاد ایلمش اولان
«کمال رئیس»، «بارباروس ضیرالدین یاشا»، «طوغرد یاشا»،
«بیاله یاشا»، «پیری رئیس»، «سیدی علی رئیس»، «قلیچ علی یاشا»
و سائر گبی مشهور آمیرالرک دکنزلر اوزرنده حکم و نفوذلرینی
ایستدکاری وجهله یوروتدکاری زمانلر عثمانیلر آرتقاسکی فکرلرینی
تعديل ایله برک حاگمی اولدقلری قدر بحره دخی اجرای حکم
و نفوذ ایلمکده بولندقلرینی گوروب، مستریح اولمش لدر.

شو انگلیز مؤرخنک مطالعه مسروده سی عثمانیلرک صکره لری
بحرأ نه درجه لده ترقیاته واصل اولمش ونه قدر بیوک شان و شرف
قارائمش اولدقلرینی تقدیره پک گوزل بر میزاند.


فاتح حضرتلری شو مغلویت بحریه دن طولایی درجه نهیاده
غضبنه رق دونما قوماندانی بالطه اوغلی سلیمان بکی تأدیب ایتدکن
صکره نفی ایتش و بحریه عسکرینی تکدیر ایلمشدر؛ بعده دونمانک

اصلاحی و نواقضك اكالى چاره لرینه باقش و مقصدمهما امكن حصو-
له گلدكن صكره آتی هان لیمانده بولنان دشمن دونماسیله استانبولك
خلیج طرفدن سورینك تضییقی خصوصلرینه استعمال ایتك ایسته-
مشدر: چونكه استانبولك یالکیز قره طرفدن محاصره و تضییقی کفایت
ایتموب، اصل خلیج طرفنده کی دیوارلری ایجه اولمق حسیله اول
طرفدن دخی اسباب هجوم تهیه اولندیغی صورتده مقصده واصل
اولمق کسب سهولت ایده جك ایدی؛ فقط مدخله گریلمش اولان
زنجر لیمانه دخولی تصعب ایده جکی گبی دشمن دونماسی دخی ممانعت
ایده جکندن حضرت پادشاه طولمه باغچه طرفدن گمیلری قبریّه
آلهرق کچوك چیفتك و شیشلی بایری وقاسم پاشا دره سی واسطه سیله
خلیجه سوق ایتك تدبیری دوشونمشدر [۴].

«سلطان محمدخان» حضرتلری بالذات ترتیب ایلدکاری پلان مو-
جبنجه انتخاب اولنان طریقى ابتدا تسویه ایتدیرهرك مؤخرأ اوزرینه
قیزاقلر فرش ایتدیرمش و بو قیزاقلری طون و زیتون یاغریله یاغلا-
تدقدن صكره کیمسه نك خبری اولمقسزین بر گیجه طرفنده عسکره
جراثقال ماهرلرینك بيله دوچار حیرت اوله جقلری بر صورتله (۷۰)
گمی چکدیروب، خلیجه ایندیرتمشدر. اوزمانك عادتى اوزره قپودانلر
کیمیلرینك باش طرفلرنده، قلاغوزلر دخی دومن یکه سنده بولنهرق
روزگاری قوللانه بیلیمك ممکن اولدقجه یلکنلری فوره ایلدکاری
و بوریلر و نفیرلر چالندیغی حالده گمیلر سوق اولنمشدر. صباحه قارشى
گمیلرک ایچنده بولنان عسکرک آوازده تکبیرلریله طبل و سورنا صدالری

[۴] یونان قدیم مؤرخین مشهوره سندن «هیرودوت» (Herodotus) ك بیانته نظراً قردهرك
متناسنه قدر بعراً برسیاحت اجرا ایش اولان مشهور آرخوتوتلر اشو سفر بحری بی اجرا ایتدکاری
اشاده بالایجاب کیمیلری قیزاقلر اوزرینه آلهرق قره دن برقاچ میل مسافه یوروشلدر. اسپارلیاتلر
دخی پلوپونس (Peloponnesus) محاربای اشناسنده پلوس (Pylus) موقعی اوزرینه اجرای هجوم
ایچون (۶۰) قدیر سفائنند عبارت اولان دونالری لوقادیا [ازمنه قدیمه ده آیاموره اطه سی برشبه جزیره
اولندیغندن شبه جزیره مذکوره بی ساحله ربط ایدن برزخ ایدی] برزخندن کچیرمشلدر. رومامؤرخین

لوحه ۱۰ — اسپانیول دو تمانسنه منسوب (قاراقا)





بربرينه قاريشه رق حاصل اولان ولوله استانبول خلقنى بر عظيم
تلاشه دوشور مشدر. اهالى ايشك نه اولديغى آكلاماشلر وشهر فتح
اولدى ظننه دوشمشلردر ؛ فقط صباحلين دونماي هايونى لمانده
گورنجه حيرت ودهشت ايچنده قالمشلردر . خليجه داخل اولان
گمىلر ديوار بويجه بورده نظامنده بر صف حرب تشكيل ايدرك
اوزرلرينه دخى مترسلر وضع اولنوب، حرب و ضربه مباشرته قاعه
بوجهندن دخى تحت تضيقه آلمشدر . بو حالى مشاهده ايدن جنويز
اميرالى « ژان ژوستينيانى » (Jean Giustiniani) دونماي هايونى
احراق ايتك سوداسنه دوشهرك بر گيجه اڭ جسور گميجيلردن
لزومى قدرينى معينه آلوب، گميسنه راكباً ترتيب ايلديكى آتش قايقلىرى
وصنداللىرى دخى برابرنده اولديغى حالحه عثمانلى گمىلرينه تقرب ايتك
تشبشه ايكن ذاتاً عثمانلىلر دشمنك بويله بر تشبشه بولنه جغنى بيلد-
كلرندن تيقظ واتباه اوزره بولندقلرى جهته كيفيته مطلع اولور اولماز

قديمه سندن « پوليبوس » (Polybius) طرفندن دخى قارطاجه جنرال مشهور « آنيبال » (Hannibal) ك
دوئناسى قره دن تارنتوم (Tarentum) لمانته ايصال ايتك ايچون نقيجه سز بر تصور
جرا تكارانه ده بولنش اولديغى مقولدر . مؤرخ « فرائزه » ايسه روماليلر طرفندن ايكي دفعه قره ده كى
يورودلش اولديغى بيان ايتكده اولوب، بولردن برى « آوگوستوس » (Augustus) ك آتقيوم
(Actium) محاربه سندن صكره دوئناسى قورينت (Corinth) برزخى اوزرندن و تقريباً (۶)
ميلدن عبارت اولان بر مسافه دن آشيرمش اولسى وديكرى (آميراس) برزخى اوزرندن كيچيرمش
بولنميدر ؛ وينه مؤرخ مرقومك روايته نظراً اونجى عصر ميلاديه رومان جنراللردن « نيسه تاس »
(Nicetas) دخى (قورينت) برزخندن بر دونما كيچيرمشدر . طقوزنجى عصر ميلاديه پارسى ايكي
دفعه محاصره ايتش اولان نورماندياليلرك قايقلىرى سن نهرينه كيچيرمك ايچون قره دن ايكي ميل
قدر بر مسافه نقل ايلش اولدقلرى ده مضبوط تواريندر ؛ مع هذا، اهلى صليب طرفندن ازنيق مح-
صره يه آلدديغى زمان صليبونك مهرمه ساحلندن (۳) ميل ايچريه قدر كيچيلرى سوق ايلش
اولدقلرى مروي آلوب، خصوصيله ونديكيلرك (۱۴۳۷) سنه ميلاديه سنده آديك (Adige) دن
غاردا (Garda) كولنه قدر قره دن بر دونما كيچيرمش اولدقلرى دخى محققات تاريخيه دندر . ايشته
بر مشكلك ظهورى و بر مصلحتك اجباى اوزرنيه كيچيلرى قره دن سوق ايتك خصوصى ملل سا-
لغه دن بعضلى طرفندن مكرراً وقوع بولش وتوارينده بر طاقم مثاللر مذكور بولنش اولغله
فاتح حضر تلى عرب و عجم و عيرانى و روم ولاتين لسانلرله تكلم ايتك و اوقويوب ، يازمق كى
بربيوك اقتداره مالك اولديغندن السنه مذكوره اوزره محرر كتب توارينى نظر مطالعه دن كيچيررك
سالف الذكر مثالره تصادفه امثال ايلش اولديغى شبهه دن وارسته در .

بو مهاجره قارشى شدتلى طوپ آتشلىله مدافعه به باشلامشلدور .
 انداخت اولنان مرمياتك بريسى مومى اليه آميرالك راكب اولدينى
 سفينه به اصابتله غرق و تلف ايلديكندن دونماي هايونه بر زيان اير-
 يشديره مدكدن باشقه مذكور سفينه دروننده بولنان (۱۵۰) نفر قدر
 ايتالياندىن هيچ بريسى دخى تخلص جان ايده مه مشلدور؛ فقط نصلسه
 آميرال جنابلرى بيك مهالك ايجنده جاني قورتاره بيلمش ايدى .
 مذكور سفينه ايله باطان ايتاليانلرك فرياد مايوسانه لرى اوزرينه هر
 طرفدن عساكر عثمانيه تكبيره باشلايه رق اويله عظيم بر صدا چيقار-
 مشلركه ، ساحل بحر ايله استانبولك مبنى اولدينى يدى طاغ دخى
 بوصداي مهيب تكبيرى عكس ايتدير مشلدور . فرداسى گونى دخى
 على الصباح غلظه اوكنده تيمورلى بولنان بر جنوز گميسنى باطرمق
 قصديه دونماي هايوندىن انداخت اولنان بر جسم مرمى طوغريجه
 مذكور گمى به اصابتله صوكسمى حذاسنندن بورده سنى پاره ليه رك
 گمى ي دخى همان او آنده غرق ايلمش اولمغله غلظه دن جنوزلر
 حضور فاتحه گله رك ظاهراً بى طرفقلرى حسيله عرض شكايى
 ايلدكلرندن طرف فاتحدىن دخى بو كيفيتك بر اثر سهو اولدينى و بعد
 الحاربه گمينك تضمين قلنه جنى بولنده معنالى جواب ورتشدر .

آرتق لیمان نوعما عثمانلی النہ گچمش اولدیغندن فاتح حضرت تلی
قاسم پاشا طرفندن قارشى یه قدر لیمانك الك طار محلنه برده موقت
کوپری انشاسنی تصور بیوره رق بر قاج گون ظرفنده بوتصورلرینی
دخی موقع اجرا یه قومیشلردر. بو کوپری یکدیگرینه تیمور خلقه لی
لاته و کریشلرله ربط اولنش واریل و مانجانه لردن عبارت اولوب،
اوزری دخی قوی و متین دوشمه ایله فرش ایدلمش و مربوط بولندی
زنجیرلرک ایکی اوجلری ایکی ساحله ربط اولمشدر. بو وجهه ترتیب
ایدلمش اولان سال کوپری (۱۵) کز [دیرسک ایله پارمقلرک اوجی

آره سنده اولان بوی [عرضنده و (۱۰۰) کز طولنده اولمغاه آنجق
 بش آدمک یان یگا گچه بيله چکی قدر وسعتلی اولوب، قوه سبجیه سی
 دخی اوزرندن مرور ایده جک عسکرایله بوعسکرك حرکاتی محافظه
 ایچون وسطنه قونیلان بر طوبی قالدیره جق درجه لرده ایدی .

بو صورتله دونتانک خلیجه داخل اولسی و بر صال کوپری
 وجوده گتیرلسی گی تشبثات تضییقه یه ابتدار ایدلمش بولمسی بر
 طاقم فوائد معنویه ایله برابر بر فائده مادیه یی ده موجب اولدی ؛ چونکه،
 اوزمانه قدر قلعهنک ساحل جهتی محافظدن خالی ایکن شمدی لاجل
 المحافظه قره جهتده بولنان مدافعینک بر مقدارینی ده بوجته گچیرمه
 محبوریته حاصل اولمغله ایشه بوحالک نتیجه سی اوله رق دیگر فرقه لره
 دخی ضعف طاری اولدی . قلعهنک ایسه پک چوق محملری ییقلوب،
 محافظلرک ده بر قسمی تلف اولمش ایدی . حال بویه ایکن بيله محصورین
 تدبیرلرینی اصلا شاشرمیه رق کوپری یی ده گمیلری ده آتسه یاقق ایچون
 بر تشبث مأیوسانه ده دها بولندیلر . بودفعه شوتهلکه لی ایشی درعه ده
 ایدن « ژاق قوق » (Jacques Cock) نامنده بر وندیکللی اولوب ،
 انتخاب ایلدیکی (۴۰) نفر جسور وفدائی گمیجیلردن بر طاقیمله کنیدیسی
 اوافق وخفیف برگمی یه بینوب، سائرلری دخی ترتیب اولنان صندالره
 را کب اوله رق آتش رومی ونقط شیشه لری گی ادوات احراقیه یی ده
 برابر آلمش لر و غایت قارانلق بر گیجه ده کوپری یه طوغری تقربه
 باشلامش لردر .

کوپری یه حین وصولرلنده « ژاق قوق » اوزرینه ایکی نفر گمیجی
 چیقاردقن و بونلره عثمانلی گمیلرینک آتش آلدقلمی گوریلور گورلمز
 همان کوپری یه آتش ویرملرینی تنبیه ایلدکدن صکره کنیدیسی دونمای
 همایون اوزرینه یورومش ایسه ده سفن عثمانیه دن دخی تیقظ وانتباه
 اوزره بولندقلرندن درحال شدتلی بر طوب آتشیله قارشیلانمش

وراکب اولدیغی سفینه — اصابت ایدن عظیم قیالرك تأثیریله — غرق اولدقدن ماعدا مرمیاتك اکثریمی لیمانده بولان سائر روم سفینه لرینه ده مضرات کلیه ایراث ایتشدرد . هر نه قدر بری طرفده کوپری اوزرینه چیقارلمش بولان ایکی نفر گمیجی کوپری یه آتش ویرمشلر ایسه ده حریقك دهامبدأ ظهورنده یتشیلوب ، درحال اطفای ایدلمش ایدی . لیلاً وقوع بولان بو عریبه ائناسنده مهاجم اولان روملرك (۳) صندالاری عثمانیلر طرفدن الده ایدلمش اولدیغندن گوزلری قورقه رق بردها بو مثللی تجاوزده جرأت ایدمه سینلر ایچون افرادینك قلعه یه قارشى قتل ایدلمش اولملری اوزرینه روملر دخی گویا مقابله بلمثل اولمق اوزره اللرنده بولنان اسرای عثمانیهدن (۲۶۰) نفرینی سور اوزرنده استیصال ایلمشلردر . گمیلرك خلیجه ائزالندن وکوپری انشاسندن صکره بو جهندن ترتیب اولنه جق هجومی اجرا یه آنجق دشمنك لیمانده کی گمیلری مانع اولدیغندن اول امرده بونلری غرق ایله اورته دن قالدیرمق ایچون فاتح حضرتلری قوله قپوسی طر فلرنده مناسب بر محله طویلر تعبیه ایتدیره رك لیمان داخلنده بولان بالجله روم و جنویز گمیلری اوزرینه آتش ایتدیرمکه باشلامشدر .

ایلك انداخت اولنان مرمیان ایله بر جنویز گمیسی باطیرلمش اولغله جنویزلر تکرار حضور فاتحه شکایته گلمشلردر ؛ فقط بودفعه فاتح حضرتلرینی تهدیده قدر واردقلرندن وهله وقوع بولان تعرض تجار گمیلرینه قدر واردیغی بیانیه بونك شان بی طرفی یه مغایر اولد . یغنی ده سویلده کلرندن فاتح حضرتلری « طویلرله مجهز اولدوق بزه اعدا ده عداوت دخی ایتدی اولدقلری مهالده به بوندره فصل تجار گمیلری دییه بیلیرم ؛ بناءً علیه ، رها کن مقبول اولدماز ! » جوابی ویرمش وطویلرك آتسه دواملرینی امر ایتشدرد . بوجواب قطعی اوزرینه

جنويزلر گميرليني فاتحك طوپ آتشندن قورتارمق ايچون غلطه ساحلنده كي مرتفع بنارك تا آلتنه قدر گتيرمشلر وعادتا ساحله قارن قارينه يناشد يرمشلر در . حال بوكه ، جناب فاتحك اينه مذكوره ي دخي طوپه طوته رق گميرلر مرميلرينه قارشى ميدانه چيقارده بيلمسي ممكن ايديسه ده خصومتلريني يالكز كندى دونماسنه خصومت گوسترن گميرلر حصر ايدده رك غلطه شهرى حقنده كي بي طرفلنى ينه محافظه ايتك و فقط باشقه يوزدن مقصده وصول بولمق ايچون (۳۰ الى ۴۰) درجه ارتفاع ايله مقوس گولله آتار (اوبوس) و (هاوان) طوپلرى اختراعندن عبارت بر تدبيره مراجعت ايلدى . صورت وقوعنى بورايه قدر حكايه ايلديگمز محاصره يدى هفته در دوام ايليور و خليج طرفدن شو تداركلى گورلمسكه برابر قره طرفدن دخي ديوارلرى طوپه طومتق عملياتنه خليل گتيرليور ايدى . (۱۴۵۳ م) سنه سى ميسك (۲۴) نجى گونى سلطان محمد خان صوك دفعه اوله رق قيصرى واهالى يي تسليمه دعوت ايلديكى حالده تسكلى رد اولنديغندن ميسك (۲۹) نجى گونى ايچون هجوم عمومى امر اولنوب ، يوم مذكوره على الصباح هجومه بدأ اولمشدر . ليمان و دكز جهتنده بولنان دونماي هايون دخي كنديلرنجه مرتب اولان هجومى اجرا ايتمشلر ، يعنى گميرلر بر طاقم زربانلر توزيع واعطا قلنمش اولديغندن برأ وقوع بولان هجوم ائناسنده گميرلر دخي بولندقلرى محللردن فك لنگرله ديوارلر ك آلتنه صوقلمق اوزره ايلرى يه طوغرى حركت ايلمشلر در . عساكر شاهانه بر ساعت ظرفنده قلعه يه بش آلتى يردن داخل اولمشلر ايسه ده ايلك اولگيرنلر اودون قپوسى ساحلنه مأمور اولان دونمادن (۵۰) نفر بحريه عزبلريدر . ايشته بو هجوم عمومى نتيجه سى اوله رق شهريد تصرف عثمانيه گچمش و اوزماندن اعتباراً ياي تحت سلطنت مزيه اتخا ايدلشدر .

في ۲۹ ميس سنه (۱۴۵۳ م) و في ۲۷ جمادى الاخرى سنه (۸۵۷ هـ)

ایکینچی فصل

فاتح زماننک بقیه احوالی

(عن ۸۵۷ الی ۸۸۶)

برنجی وایکینچی آق دکن سفرلری — اینوز و طاشوز و سمدارک و ایمروز قحی — قپودان اسماعیل پاشانک نتیجه سز بر آق دکن سفری — اماسره سینوب، طربزون سفرلری — مدالی سفری — بحرآ و قوعی ملحوظ اولان اهل صلیب هجمانه قارشى عثمانلیلرک تدارکات احتیاطیه لری — وندیکیلرک تشویقیله مورهده عصیان ظهوری — وندیکیلرک مدالی به دونما سوق ایتدکری — وندیکیلرک آق دکن بوغازینه هجوم و بعض موافقه ایصال خسار ایلدکری — اغریبوز سفری — پاپانک دولت علیه علیه تشکیل ایلدیکی اهل صلیب دونماسی و عثمانلیلرک تدارکات بحریه لری — کفه و آزاق سفری — موته سفری — آبولیا سفری — رادوس سفری

برنجی وایکینچی آق دکن سفرلری — دولت علیه ایچون قوه بحریه نک تکثیر و تنسیقنه احتیاج قطعی اولدیغی بودفعه استانبول فتحنده بوسبتون تحقق ایامش اولدیغندن سلطان محمدخان ثانی حضر- تلی بوجهتهده لزومی نسبتنده اهمیت ویره رک دونمای هایونلرینک اصلاح احوالی خصوصنه اعتنا ایله حین لزومنده استخدا مه الویرشلی بر حاله گتیرلمسنى مراد بیورمشلر و قوه قاهره عثمانیه یی یار و اغیاره قارشى بحرآ دخی لایق اولدیغی درجه عال العاله ایصال ایده رک شان و شرف دولتی محافظه قیدنده بولمشلردر .

بوصرده بر طاقم حکومتلر دولت علیه عرض دخالت ایدرک
 خراج اعطاسنی تعهد ایلمش اولدقلری گبی رادوسده حکومت ایدن
 «سن ژان» (St-Jean) «شوالیه» (Chevalier) لرینک رئیس دخی
 درسعاده آغر هدایا ایله بر هیئت سفارت ارسال ایدرک عثمانیلرک
 رادوسده سربست تجارت ایدر بیلملری شرطیه کنیدیلرینک ده آناتولی
 سواحنده سربستیء تجارتی نائل اولملری استدعاسنده بولنملر ایسه ده
 طلبلرینک اسعافی دولت علیه نك خراجگذارلغی قبول ایتمکه متوقف
 اوله جنی کنیدیلرینه افهام اولدیغندن بوتکلیفه رادوسیلرک ردایله
 ویرمش اولدقلری بر جواب جناب فاتحی اغضاب ایلمش اولمغله
 شوالیه لر علیه اعلان حربی قرار ویرمشلر وعداوتی بر زمین مقدمه
 تهیه ایتک اوزره آناتولی سواحنده بولنان (۳۰) قدر سفن
 حربیه نك رادوس صولرینه عزیمتی امرایدرک گیریدن دخی «همزه
 پاشا» قپودانلغیله اصل قوه حربیه اولمق اوزره (۲۵) قطعه سی
 اوچ صره و (۵۰) قطعه سی ایکی صره گورکلی (غالر) لرایله (۱۰۰)
 قدر دخی بر صره گورکلی قادرغه و سائر نوعلردن عبارت جسم
 بر دونمائی آق دکره ارسال ایلمشلردر. (۸۶۱ هـ، ۱۴۵۵ م).
 پیشدار مقامنده اوله رق ابتدادن سوق ایدلمش اولان فرقه بحریه
 طرفندن ساقز و رادوس جزیره لرینه وارلدقده قلعه لرینک متانتنه
 قارشى بر ایش گوریه میه جکی آکلاشلغمغله برابرینه بعض قریه لرینه
 هجوم اوله رق ایچه غنائم اله گچیرلیدی صرده اصل قوه بحریه یی
 تشکیل ایدن بیوک دونما دخی لسبوس [مدلی] آطه سنه واصل
 اولمش ایدی. بو آطه دولت علیه نك خراجگذاری اولدیغندن دوقه سی
 «نیکولا» (Nicolas) قپودان پاشایه بر معتاد (۶۰۰۰) دوقه آلتونی
 ایله ملبوسات و مأکولات و مشروباته دائر ده بر طاقم هدایا تقدیم
 و ارسال ایلدی. دونمائی هایون جزیره ده (۴۸) ساعت اقامت

ایتدکن صکره فك لنگرله ساقزه طوغری توجیه سکان عزیمت ایلدی . حین مواصلتده هر نه قدر ساقز دخی دولت علیه نك خراجگذاری ایدیهده دونمای هایونه حسن قبول گوسترلمدی . بونك وجهی ایسه جنویز تاجارندن « فرانسوا دراپر » (Francois Drapere) ك ساقز اهالیسندن مطلوبی اولان (۴۰) بيك دوقه آلتونك تحصيلی دونمای هایونه حواله ایدلمش اولمغله قپودان پاشا طرفندن مبلغ مزبورك طلب اولنه جفی ساقزلیلرك معلومی بولنمی قضیه سی ایدی .

قپودان پاشا دونمایه گلن ساقز مبعوثلرینه بویارده ویرلمدیکی صورتده جزیره ایراث خسار ایدیه چکنی آکلاتدی ایسهده آنلر دخی بورجلری اولمدیغی بیانده اصرار گوستردیلر . بونك اوزرینه خزه پاشا دخی قلعه یی طویه طومتق افکارنده بولندی ؛ فقط قلعه غایت محکم اولوب ، دروننده دخی کلیتلی ایتالیان محافظلرله غایت معلم طو پچیلر ولیمان اوکنده (۲۰) قطعه مکمل و جسم سفائن حربیه بولندیغندن بوقوته قارشى تعرضندن هیچ برثمره حاصل اوله میه جغی آکلایه رق جوارنده بولنان قریه لری و باغچه لری خراب ایتکله اکتفا ایلدی . وقوع بولان تجاوزاتندن اهالی شکایتیه قالدیشجه قپودان پاشا دخی فرانسوا مواجهه سنده بر قاچ مبعوثكزك اثبات مدعا ایتسی اقتضا ایدر دیهرك اورادن بری گنج وبری اختیار ایکی نفر وکیللری دونمایه آلوب ، فك لنگرله رادوسه عزیمت ایلدی . حال - بوکه ، رادوس قلعه سنك ساقزده قیاس قبول ایده میه چك درجه لرده متاتنه و محافظلرینك کثرتنه قارشى استعمال اولنه جق قوت کافی گورلمدیکنندن بوراده بیهوده اویه لانتقدن صرف نظرله استانکویه عودت اولندی ؛ فقط اهالیسیله محافظه سنده بولنان شوالیه لر (راشیا) قلعه سنه چکلمش اولمغله استانکویده بر قاچ اختیاردن

باشقه کیمسه بولنه مدیغندن بولر دونمایه آلنه رق راشیا قلعه سی
 اوزرینه وارلدی . قلعۀ مذکوره دن دونمای هایون طوپله استقبال
 اولمغله دونمادن دخی قره یه عسکر دوکوله رک بر اوجرأ تحت محاصره یه
 آلنوب، تام (۲۲) گون محاربه و مبارزه دن صکره عسکر میاننده ظهور
 ایدن قانی باصوردن طولای و قوع بولان تلفات کلیه یه منی بالجبوریه
 محاصره رفع اولنه رق لسبوس آطه سنه رجعت اولندی . بوراده
 آطه لر اهالیسی نامنه اوله رق ذات شاهانه یه بر هیئت مبعوئه ارسالی
 مذاکره اولندقدن صکره قیش حلول ایتمکله دونمای هایون گلیولی یه
 عودت ایلدی . دونمانک شوسفری ایکی آی قدر سورهرک عودت
 تشرین اولده وقوع بولمشدر .

خمره پاشانک بو سفرده اهمیتلی بر خدمت ایفاسنه قدرتیاب
 اوله میشندن طولای پادشاهک جانی صیقلدیغندن کندیسنی عتاب
 و مقام قیودانیدن عزل ایله یرینه «یونس پاشا» یی قپودان دریا و گلیولی
 محافظی نصب ایتمشدر . سالف الذکر «خمره پاشا» دولت عثمانیه نک
 یدنجی قپودان دریاسیدر .

آق دکره چیقارلمش اولان اشوبرنجی دونمانک حسن تأثیری
 بعض آطه لرک خراجلرینی ضم ایتملری و دیگر بعضلرینک یکیدن
 خراجگذارلق عرضی ایچون در دولته مبعوئلر گوندرملری صور -
 تنده گورلمشدر . خمره پاشانک آق دکره اجرا ایلدیکی برنجی
 سفرك ایرتسی سنه سنده، یعنی (۸۶۲ هـ . ۱۴۵۶ م) سنه سی ایلک
 بهارنده «یونس پاشا» (۱۰) قطعه اوچ صره کورکلی و (۱۰)
 قطعه ایکی صره کورکلی گمیلر و بر مقدارده نقلیه سفائنندن عبارت
 بر دونما ایله آق دکره چیقارلمش ایسه ده (ترؤا) طرفلرنده برشدتلی
 فورطنه یه اوغرایه رق معیت موجوده سندن (۷) قطعه سفائن غرق
 اولمش و کندیسنک را کب اولدینی غالر گوج حال ایله ساقزه التجا

ایده رک دیگر اون ایکسی ده لبوس آطه سنه واروب، اوراده بارینه بیلمشلردر .

یونس پاشا ساقز طرفلرنده — برقچ گون مقدم قاتالان اشقیا- سنک گورلمش اولان بر گمیسینی تحری ایچون لبوس پر نی نیقولانک گوندرمش اولدینی — برقالیونه تصادف ایتش ایدی . لبوس پر نی عثمانی خراجگذاری اولمغله برابر آناطولی سواحلمک محافظه بحریه سی کندیسنه تودیع اولنش بولندیغندن اول طرفلرک امنیت بحریه سندن مسئول ایدی . بو جهته سالف الذکر اشقیا گمیسینی تحری وتعیب ایچون برقالیون گوندرمش ایدی . بو گمی عثمانی حمایه سی آلتنده بولندیغی وسواحل عثمانیه یی محافظه ایچون چیقمش اولدینی حالد یونس پاشا گمینی لبوسه قدر تعقیب ایده رک اوراده گویا دشمن گمینی ایتش ده اسیر آلمش گی ضبط ایتکده قالدشمشدر . یونس پاشانک بو حرکتی بر غیرت زائده اولوب، محضا سلفی خمره پاشادن زیاده ایش گورمش اولق هوسنه دوشمه سندن ایلری گلمش اولدیغنه شبهه ایدیلهمز؛ خلاصه ، یونس پاشا لبوسده کی گمیلری ده آله رق اورادن یکی فوچه یه گیدوب ، اها لیبی حسن قبول ایلمش اولدق لری حالد گویا اوراسنی هجومله ضبط ایلمش گی دروننه محافظ بر اقه رق (۱۰۰) نفر دخی گنج کوله وجاریه آلدق دن صکره گلیولی یه عودت ایده رک بعده بونلری حضور شاهانه یه تقدیم ایلمش ایسه ده ذات شاهانه یی ممنون ایده مه مشدر .

اینوز وطاشوز و ساد رک وایمروز فتحی — فره جک قاضیسی [*] اینوس پر نی « دوریا » (Doria) نک ایصاله

[*] اینوس قلعه سی آق دکرک روم ایلی ساحلنده وینه بونام ایله یاد اولنان بر کورفرک ساحل جنوبیسنده اولان بررونک اوزرینه بنا ایلمش اولوب، مذکور کورفرک مدخلی هر نه قدر طاریسه ده ایتیریسی ککیش ودرت بش میل امتدادنده در . قسم شمالیسنه دخی مشهور صریح نهری منصب اولور .

و فرجهك اهالیء اسلامیة سینه اذا و جفا ایتمکده اولدیغنی و اهالیء
مرقومه نك دائماً او جهتدن دوچار تجاوز ایدلمکده بولندقلرینی مقام
شکایتده در دولته عرض و انما ایلیمش اولدیغندن سلطان محمد خان
حضر تلی بونك تأدییله تحصن ایلدیکی حصارك فتح و تسخیرینی
مراد بیوره رق مقام قیودانیده بولنان یونس پاشایی حضور
هایونلرینه بالاحضار (۱۰) پاره قادرغسه دونادوب ، حاضر اولان
عزبلری ارکاب ایله محل مذکوره عزیمت ایتسینی و کیفیتی اورایه و صو-
لندن مقدم هیچ بر فرده افشا ایتمه مسنی اکیداً اراده ذات هایونلرینك
دخی عساكر کلیه ایله بر أعزیمت نیتنده اولدقلرینی اعلام بیورمشلردر.
یونس پاشادخی فرمان هایونه امثالاً اول قدر سفائن حربیه ایله استا-
نبولدن حرکت ایدوب ، مساعد هوا ایله مدت قلیله ظرفنده اینوز
پیشگاهنه واصل اولمش و همان بو زمانده ذات شاهانه ده ادرنیه
مواصلتله «دوریا» اوزرینه برأ دخی بر قوه کافیه گوندرمشدر ؛ فقط
دوریا عاقبت حالندن قورقه رق [*] صاموتراکی [سبادرك] آطه سینه
فرار ایلیمش اولدیغندن قلعه برأ و بجرأ تحت تضییقه آنوب ، داخلنده
بولنان محصورین مدافعه یه مقتدر اوله میه جقلرینی درك ایله دوچار
دهشت اوله رق بالاستیمان تسلیم اولمشلردر .

پرنس دوریا بویله فرار یلکله خشم شاهانه دن قورتیه میه جغنی
آکلانجه گوزل بر قزینی حرم هایونه تقدیم ایدرك بو صورته نائل
عفو اولوب ، صاموتراکی ، [*] طاشوز و ایمروز آطه لری ده کندیسینه
ترك اولنمشدر .

[*] بیضی شکلنده برآطه اولوب ، شرقدن غربه طولی (۱۲) و عرضی (۶) میل قدردر . جزیره مذکوره نك هیئت طالع و قیالقدن عبارت بولنوب ، سواحلنده سفائن بارمنسه مناسب هیچ بر لین و مرسا یوقدر . قره یل جهتده کی پروندن يك بعید اولیه رق برقلعه خرابه سی موجود اولدیغنی مثالی لدوس جهتی نهایتده بر و کششله طرفنده دیگر بر قریه واردر .

[**] طاشوز آطه سی همان مربعه مشابه برشکلده اولوب ، سواحل اربعه سی تقریباً (۱۳) چرمیل بحری امتدادنده در . سطحی یوکسک تپه لر و اورمانلرله محاط اولوب ، پویراز جهتنده بر قصبه سی

حال بوک، دوریا لابس خلعت اولہرق معیتندہ بر طاقم عثمانی ضابطلری اولدیغی حالده یکی ممالکنہ گیدر ایکن بو صورتلہ عثمانی خراجگذاری اولمش بولمسنندن ندامت گتیرہرک یانندہکی مسلمانلری کاملاً قتل و آوروپایہ فرار ایلمش ایدی؛ بناءً علیہ، سالف الذکر جزیرہ لر دخی یونس پاشا قومانداسندہکی دونمای هایون ایلہ برر بر فتح اولنہرق تحت ادارہ عثمانیہ آئندی. (۸۶۲ ھ، ۱۴۵۷ م). یونس پاشانکدہ مأموریت بحریہ سندن خشنود اولہ میان ذات شاہانہ «خادم اسماعیل پاشا» یی قپودان نصب ایدہرک او آرہلق لینی آطہسی اہالیسنک وقوعہ گلن بر استدعاسی اوزرینہ مکمل بر سفر بحری اجراسنی امل بیوردیلر ایسہدہ دیگر طرفدن ظہورہ گلن شمال سفری بو املی قوہدن فعلہ اخراج ایچون مساعده ویرمدی. مشار الیہ «یونس پاشا» دخی دولت علیہنک مکرنجی قپودان دریاسی عد اولنور.

قپودان اسماعیل پاشانک نتیجہ سز براق دکز سفری — «پاپاقالقس» (Callixtus) فاتح حضر تلرینک (بلغراد) سفرندہ اہل صلیبہ ویردیردیکی تلفات کثیرہ بناء حاصل اولان تأثرندن طولانی عثمانیلردن انتقام آلق سوداسنہ دوشہرک (۱۴۵۷) سنہ میلادیہ سندن کندی پارہ سیلہ (۱۸) قطعہ جسم حرب سفینہ لری تجهیز ایتدیرہرک آق دکرہ گوندرمش واورالردہکی سفائن و محافظین عثمانیہ یی محوہ یوریمش ایدی. ونديک بطریق قاردینال «لوئی سقاراما»

(ویناچیا) لیانی تہیر اولنور کوزل بر تیمور علی بولغله ہر نوع سفائن کیرہ بیلیرلر. لیانک شرق جہتندہ بر اسکی قلعہ ونہایتندہ بر مرتفع قولہ خرابہ سی موجوددر.

ایروز آطہسی سمدارک جزیرہ سنک طرف جنوبیہ سندن، (۱۲) میل مسافعدہ وشرقدن غربہ (۱۶) میل طولیلہ (۷) میل عرضندہ اولہرق مذکور سمدارک کبی مرتفع دکلدر. طرف شرقیہ سندن کشتالو برونی آئندہ شدتی جنوب روزکارندن بارمق ایچون (۱۰) دن (۱۵) قولاجہ قدر صوفی حاوی تیمور بری اولوب، شمالی روزکارک شدتی حالندہ دخی الیک برونی آئندہ وکولک پیشکھندہکی محلہ تیمورلنیر.

(Louis Searampa) قومانداسنده بولنان بو جسم دونما دولت علیهیه تابع بولنان جزائر بحر سفیدی قورتارمغه مامور ایکن نه ساقزلیلر، نه ده لسبوس اهالیسی بودونمایه حسن قبول گوسترمه مشلر و عثمانی خراجگذارلغنی ترکدن عبارت اولان تسکلیفلرینی دخی رد ایلمشلر در.

پاپا قالیقس جنابلری گوندردیکی بر بحق فیلو دونما ایله آق دکرلیلری دولت علیهیه قارشی آیاقلاندرمهیه جغنی گورنجه جزائر بحر سفیدی بر قوه غالبه ایله عادتاً فتح ایچون [*] قاتالان اشقیاسنی دخی بالتشویق (۴۰) قطعه قورصان گمیلرینی دونماسنه ضم ایدهرک دولت علیهیه تابع بولنان لینی، صاموتراکی، ایروز، طاشوز آطه - لرینه گلنجه جزائر مذکور اهالیسی اشبو قوه کلیهیه مقاومت ایدهد - کلری ایچون تسلیم اولمشلر و مملکتلرینه برر فرقه محافظ بر اقلمنه رضا گوسترمشلر در. پاپا دونماسی بو جولاننی اجرا ایلدکن صکره دولت علیهیه نک، دونما سوقدن خوف ایله رادوسه چکلمشدر. واقعاً قپودان دریا [**] اسماعیل پاشا بر فیلو دونما ایله رادوس جوارینه قدر گیتمش ايسه ده پاپانک قوتی پک بیوک اولدیغنی گورنجه ینه گلیبولییه عودت ایلمشدر.

آماصره، سینوب، طربزون سفرلری — استانبول فتحندن صکره دولت علیهیه قارشی طربزون ایمراطوری « داوید قومنن » (David Comnenus) ایله آق قیونلی حکمداری « اوزون حسن » و قرمان وقسطمونی پرنسلی « ابراهیم و اسماعیل » بکلر بر اتفاق خفی عقد ایدهرک بواتفاقه اول زمان قره دکر سواحلنده کی اکثری

[*] اسپانیانک شمال شرقیسنده ساکن اولان — لاتین اقوامندن — بر شعبه در .

[**] پاشای مشارالیه دولت علیهیه نک (۹) نجی قپودان دریاسی عد اولنور .

مواقع مستحکمہ تحت اشغالندہ بولنان و قوۂ بحریہ جہ بر اقدار فوق العادہ فی حائز اولان جنویرلری دخی ادخال ایله برآ و بحرآ بر قوۂ جسمیہ تہیئہ ایتمکده اولدقلرینی فاتح حضرتلری خبر آلہرق آناتولجہ تہیئہ قلمقده اولان بو مدہش نائرۂ فسادک امر اطفاسی حقنہ لازم گلن تدارکات جسمیہ بہ بالتشبث کیفیتی دخی کیمسہ بہ اخبار ایلمہ مشلر ایدی .

حضرت پادشاه اجرای مافی الضمیرلری ایچون اقتضا ایدن تدارکاتی اکیال بیوردقدن صکرہ اول امرده جنویرلیر ید ضبطندہ بولنان آماصرہ اوزرینہ حرکت بیورمشلردر . آماصرہ دینیلن موقع قرہ دکز سواحاندہ برشبہ جزیرۂ صغیرہ اوزرندہ کائن و طرفیندہ برر لیانی اولوب ، قلعه سی دخی اوزمانہ گورہ غایت متین اولدیغندن و جنویرلیرک قوۂ بحریہ لری مکمل بولندیغندن فاتح حضرتلری بوموقع متین علیہنہ برآ (۱۰۰) بیکہ قریب براردو ایله بحرآ دخی وزیر اعظم محمود پاشا قومانداسندہ اولہرق (۳۰) بیک بحریہ عسکرینی حامل اولان (۱۰۰) قطعہ قدر قادرغہ نوغندن سفائن حربیہ و (۵۰) قطعہ دہ نقلیہ سفائنندن عبارت برجسیم دونما سوق وارسال ایلدیلر . اجرا قلنان بو حرکت عسکریہ اوزرینہ جنویر جمہوریتی دولت علیہ بہ اعلان حرب ایلمش ایسہ دہ عسکر و دونما دخی آماصرہ پیشگاہنہ واصل اولمش بولندیغندن آماصرہ سنیوری قرہ دن دکردن ورود ایدن قوای جسمیہ قارشی مقابلہ ایدہ میہ جکنی بحق تقدیر ایله تسلیم ایچون وقوع بولان ایلاک تکلیفی قبولہ مجبور اولمش و بو وجہلہ آماصرہ قلعه سی دخی ضمیمہ ممالک محروسہ قلمشدر . (۸۶۴ هـ ، ۱۴۵۹ م) . بومظفریتدن صکرہ قسطنطونی امارتنک حاکمی اولان « اسفندیار اوغلی اسماعیل » بکک دولت علیہ علیہنہ اولہرق تشکل ایدن اتفاق معہودہ داخل بولنسی حسبیلہ میر مرقومک دخی ید تصرفندہ

اولان سینوب قلعه سنک فتحیله تأدینه تشبث اولنوب، وزیر اعظم محمود پاشا قوماندانسانده اوله رق قره دکزه چیقارلمش اولان سالف - البیان دونمای هایونک — دشمنک وقتدن اول خبردار ایدلمه می مقصدیله — گویا طربزون اوزرینه عزیمت ایتمکده اولدیغی اشاءه اولنوب، سینوبه سوقیله قره دن دخی آماسره علینه استخدام ایدلمش اولان اردوی هایون بورایه سوق ایدلمشدر. (۳۰) بیسک بحریه عسکرینی حامل اولان بو جسم دونما سینوب لیمانه بالوصول قلعه نی دکز جهتدن تضیقه باشلا یوب، برأ سوق اولنان اردو دخی قره طرفدن ترتیب محاصره یه ایتدارایلمش اولمغله قلعه نک متانتنه استناداً کندیمی ایچون برجای سلامت اولدیغی ظننده بولنان اسماعیل بک بوقوه جسمیه قارشى تاب آور مقامت اوله میه جغنی آکلانجه بالاستیان قلعه نی تسلیم ایدوب، زیر جناح سلطنت سنییه التجا یلمش وبو فتحک نتیجه سی اوله رق (قسطمونى امارتی) ده کاملاً قبضه تصرف عثمانیانه انتقال ایله برولایت حکمنه گیرمشدر. (۱۸۶۴ هـ . ۱۴۵۹ م) .

سینوب ضبط اولندقدن صکره ینه بوسنه ایچنده طربزونک فتحی تشبثنده بولنلمشدر. اوزمان ایسه طربزون روم پرنسلیری تحت تصرفده بر حکومت مستقله اولوب، ایمراطوری بولنان «داویدزان قومن» ک کریمه سنی آق قیونلی پادشاهی و اوزون حسن» تزوج ایلمش اولدیغنه منی ایمراطورله میانه لرنده پیدا اولان صهریت مناسبتیله اوزون حسنک ممالک عثمانیه وقوع بولان تجا وزاتنه طربزونلیلر دخی اشتراک ایلمش اولدقلرندن بونلرک تأدیجی والدرنده اولان ممالکک تسخیری اقتضا ایلمشدر. بو فکرک قوه دن فعله اخراجی ایچون ذات شاهانه اولا اردوی هایون ایله اوزون حسن علینه بالعزیمه تأدینه موفق اولدقدن صکره سمند عزیمتی طربزون اوزرینه چویر مش و قلعه سنی تحت محاصره


و تضییقہ آلمشدر. ذاتاً دونمای هایون دخی مقدما آلمش اولدیغی امره امثالاً تمام وقتده مواصلتله قلعه‌نک دریا جهتدن اولنه‌جق محاصره‌سنی بالاکال تضییقہ باشلامش اولدیغندن محصورین مدافعه‌دن عاجز و مایوس اوله‌رق بالاستیمان قلعه‌نی ید عثمانیانه ترك و تسلیمه مجبور اولمشلر و بوتدیر دلزیر ایله طربزون ایمپراطورلغی ده خریطه عالمدن حك ایدلمشدر. (۸۶۶ هـ، ۱۴۶۱ م).

مدللای سفری — فاتح سلطان محمد خان حضرتلری (۱۴۶۲)

سنه میلادیه‌سی موسم صیفی نهایتلرینه طوغری (افلاق) سفرندن عودت ایدره‌ك [*] مدللای جزیره‌سنی تسخیر ایلمك املیه گلیولی جانبنه توجیه عزیمت بیورمشلردی. ذات شاهانه‌نك بو دفعه مدللای فتحنه عزیمتلی ایکی سبیدن ایلری گلمشدر. بریسی جزیره‌نك پرئسی بولنان جنودلی «نیقولا غانه‌لوسیو» بوندن مقدم برادری دومنیقی اعدام ایله جزیره‌نی غصب ایتمش و اوزمانلر ذات شاهانه روم ایلی طرفلرنده مشاغل حربیه‌ایله اوغراشمقده بولملرندن ناشی مومی‌ایله پرئسك جنایتی جزاسنی صکره‌یه تعلیق ایدوب، خراجگذارلغی قبول ایله اکتفا ایلمشلردی‌که، بو دفعه‌کی حرکت هایون دخی قسماً او جنایتك جزاسنی ویرمك ایچون ایدی. ایکنجی سبب ایسه صربستان و یونانستانك فتح قطعیلری اوزرینه پاپالق مقامی ینه آوروپایی دولت علیه‌علیه تشویق ایله بحرأ بر اهل صلیب سوق و اخراجی تشبثده بولندیغندن آوروپانك بیوك بر صدمه بحریه‌سنه

[*] مدللای، لسبوس جزیره‌سنه ویرلمش اولان برنامدرکه، بونام ذاتاً یالکز جزیره‌نك مرکزی اولان شهره مخصوص ایکن مؤخرأ بتون جزیره‌یه تعیم اولنمشدر. بو جزیره آرشیبل دکزنده وازمیر کورفر جسیی مدخلنه قارش کائن اولوب آسیا قطعه‌سنه منسوبدر. طولاً زیتون برونندن صغری بروننه قدر (۲۸) وعرضا (۲۵) میل‌اولوب، اوزری طاغلق و آقاچقدرد. شهر وقلعه شرق ساحلنده، اراضینك چیقشتیسی اوزرنده کائن درکه: بوچیقنتی ذاتاً بر آطه‌جق ایشسه‌ده شمیدکی حالده ایکی طرفننده برر کیوک لیانی حاری بر شبه جزیره‌در. یاره * قالونیه کورفر لایه‌صغری و مولووه لیانلری مواقع مشهوره‌سنددر.

لوم ۱۱ — (بارجه) تعبير اولنان قاليون



اوغرامازدن اول سواحل عثمانیه قریتلری حسیله اهل صایک
اس الحركات اتخاذ ایتلری ایچون غایتله مساعد اولان لسبوس و رادوس
گبی بحر سفیدک الک مهم موقعلری نی اله گچیرمک و بو موقعلردن
وقوع بوله جق تجاوزات مخربانه لرینه میدان ویرمه مک ایچون ایدی .
ذات شاهانه گلیبولی یه حین وصوللرنده دونمای هایونک حرکت
ایچون مهیا بولندیرلمسنى و استانبولده کی سفن سائر نک دخی جلب
واحضار اولنسنی فرمان ایلمش لر، دونما آمیرالغنی دخی وزیر اعظم
«محمود پاشا» یه احاله ایله کندی لری گلیبولی معبرندن آناتولی یقاسنه
گچوب، جزیره مذکوریه قارشی بولنان (آیازمند) موقعنه بالمواصله
نزول و اقامت بیورمشلردر. بوشناده (۶۰) قطعه قادرنه ایله بر
چوق طوپ و هاوان گبی افواه ناریه و از جمله طاشدن معمول (۲)
بیك عدد دانه و بر قاج بیك نفر یکنی چری محمول اولان (۷) قطعه
نقلیه سفائنندن عبارت دونمای هایون دخی گلیبولیدن قیام ایله صوب
مقصوده توجیه سکان عزیمت و پیشگاه جزیره یه مواصلت ایدوب،
قلعه اوکنه لنگر براقه رق بر طرفدن تداییر حربیه یه تشبث اولندیغی
گبی دیگر طرفدن دخی جزیره نک پر نسی بولنان نیقولایه قلعه نک
تسلیمی تکلیف اولنش واکر بلا محاربه تکلیف مذکور ی قبول ایدر
ایسه ممالک محروسه نک سائر بر محندن واردات جزیره یه مساوی
وارداتی اولان بر مالطه ویریه جکی دخی بیلدرلمش ایسه ده نیقولا
قلعه نک متانت فوق العاده سنه و آلات حرب و ضربنک مکملیتنه وبا
خصوص معیتنده (۵) بیك منتظم عسکر بولنوب، براوقدرده اهایلدن
قوة معاونه تدارک ایلمش اولسنه گوگنه رک وقوع بولان تکلیفی
قطعیاً رد ایله صوک نفسنه قدر مدافعه ده ثبات ایده جکنی افاده
ایلمش اولمغله قلعه بر و مجردن طویه طوتیلهرق بعده هجوم ایله ضبط

اولنغه قرار ویریلوب ، اول وجهله حرکته ابتدار اولمش و نقلیه سفائنك حامل اولدقلری عساكر بریه ایله سفن حربیه دن دخی مقدار کافی تفنك انداز وادوات حربیه و افواه ناریه قریه و اخراج اولنه رق قلعه نك طرف بریسی تحت محاصره ای آلدینی گبی دونمای هایون دخی دریا جهتی قوشاتنه رق عمومی و شدتلی طوب آتشنه باشلانوب ، بو اسلوب اوزره آتشنه دوام اولدینی ائنده نیقولا برقاچ دفعه لر خروج هجومی ترتیبله لیانده کی گمیلری دخی دونمای هایون اوزرینه سوق ایتمش ایسه ده گرك برآ و گرك بحرآ مغلوبیت مکمله یه اوغرا دیله رق رجعتنه مجبور ایدلمش و آرتق قلعه دخی خرابه یوز طوتمش اولدیغندن محصورینك تاب و طاقتلری قالمیه رق محاصره نك (۲۷) نجی گونی بالاستمان حصاری تسلیم ایلمش اردر . (۸۶۶ هـ) .

قلعه ضبط اولندقدن صکره عساكر محافظه سنه طرف عثمانیاندن ایلیشلمدیسه ده بونلر میاننده (۳۰۰) قدرده قورصان بولندیغندن و اوزمانکی اصول دول اقتضاسی بو خرسزلر هر نره ده بولنسه لر اعدام ایدلایکندن حضرت فاتح بونلری دستره ایله ایکی یه بچدیردی . قلعه تعمیر اولندقدن و دروننه مستحفظین قوندقدن صکره دونمای هایون گلیبولی یه عودت ایلدی .

بحرآ وقوعی ملحوظ اولان اهل صلیب هجماتنه قارشی عثمانیلرک تدارکات احتیاطیه لری — ذات شاهانه مدلی فتحندن صکره دخی سواحل عثمانیه نك آوروپالیر طرفندن بحرآ بر هجومه دوچار اوله جغنی دائماً نظر دقت و اهمیت اوکنده بولندیردقلرندن استانبولده وجوده گتیردکاری دستگاهلرده غایت جسم گمیلر انشا ایتدیرمکه باشلادقلرندن ماعدا بحر سفید بوغازی اوزرنده دخی بر

طاقم استحکامات ایلہ برابر روم ایلی جهتمده (سد البحر) تسمیه اولنان قلعه و آناتولی ساحلی اوزرنده (چناق قلعه) تعبیر اولنان قلعه سلطانیه یی دخی انشا ایتدیروب، بونلرک هر بر لرینه اوتوزر عدد جسم طوپلر وضع ایتدیر مشلر در .

عثمانلرک طوپچیلق فننده اوزمانکی ترقیء فوق العاده لری سایه سنده بویکی قلعه یه وضع اولنان جسم طوپلرک — مرمیاتی عاداتا قارشی ساحل لری دوکده بیله جک درجه لرده — منزل لری زیاده اولسی بوغازدن دشمن دونمسی مرورینی قطعاً محال حکمنه قویمش ایدی . بونلردن ماعدا استانبولده (قادرغه لیمانی) نی دخی توسیع ومدخله استحکاملر انشاسیله تحکیم ایلدی . آوروپا طرفندن وقوعی ماحوظ اولان حرکت بحریه یه ائک اول وندیک و جنویزلرک باشلا یه جقلری دخی فاتح حضر تلرینک جماعه تخمینا ندن ایدی؛ چونکه، فاتح حضر تلری وندیکلرک سواحل عثمانیه اوزرنده بولنان تجارت بندرلرینی ضبط ایتدکن ماعدا پایالق مقامنک دخی اوزمانلر شوکت ومهارت بحریه جه آق دکزک انگلیزلری مقامنده بولنان وندیک و جنویز جمهوریتارینی دائماً تشویق ایلمکده بولنسی حرکت متقدمه نک بونلر طرفندن وقوع بوله جغه شبهه بر اقیور ایدی؛ مع هذا . آما صرهنک ضبطی سببیه جنویزلر دخی ذاتاً دولت علیه اعلان حرب ایتمش و فقط بو اعلانک حکمنی فعلاً اورتیه قویما مشلر ایدی سه ده وندیکلر طرفندن وقوع بوله جق بر حرکت بحریه یه ایلک اوکجه بونلرک اشتراک ایده جکلری ده محقق ایدی؛ بنابرین، حضرت فاتح شاید وندیک طرفندن بر حرکت بحریه یه ابتدار ایدیه جک اولور ایسه آدریاتیق دکزی اوزرنده بولنان وندیک مواقعه برآ هجوم ایدهرک تجاوازت بحریه لرینی عقیم بر اقق فکریله سواحل مذکورده یقین بولنق اوزره (۱۴۶۳ م) سنه سی اول بهارنده (بوسنه) اوزرینه سفر آچدیله .

وندیکیلرک تشویقیہ مورہدہ عصیان ظہوری -- فاتح

حضر تلمرینک وندیک طرفندن ظہورینی نظر دقتہ بولندیردینی تجاوزات هنوز (بوسنہ) سفرینک وقوعی اٹناسندہ مقدمہ سنی گوستردی ایسہدہ اویہ آچیقندن آچقہ بر محاربہ صورتندہ اولیوب ، بلکہ مورہدہ فسادہ ویرمک صورتندہ گوسترمش ایدی ؛ حال بوکہ ، او اٹنالردہ محارلر دخی حربہ اشتراک ایدہرک بوسنہ طرفلرندہ کی محاربات کسب شدت ایلمش و ذات شاہانہ بی جدأ اشغالہ کافی بر درجہ بی بولمش اولدیغندن مورہ طرفندہ کی ظہور ایدن آتش عصیانک امر اطفاسی ینہ او طرفلردہ بولنان محافظین عثمانیہ امر واحالہ بیورلمش ایدی . مورہ قومانداننک وندیک مواقع عسکر یہ سنہ وقوع بولان هجومیہ محاربہ کسب علنیت ایدہرک (۱۴۶۳ م) سنہ سنہ وندیک جمهوریتی دولت علیہ اعلان حرب ایتمش و بو محاربہ برأ و بحرأ تمام (۱۶) سنہ دوام ایلمشدر .

اعلان حربی متعاقب جمهوریت مذکورہ طرفندن «لویجی لورہدانو» (Luigi Loredano) نام اصیلزادہ (۲۵) قطعہ مکمل قادرغہ ایلہ (۱۲) قطعہ دخی نقلیہ سفائنندن عبارت اولان دونمایہ آمیرال نصب اولنہرق مورہدہ قریبیتی حسبیلہ وندیکہ تابع (نفرہ پون) [اغر بیوز] آطہ سنہ اعزام اولندی . سواری و پیادہدن عبارت درت بش بیک کشیلک بر قوت دخی برأ مورہدہ گوندیرلہرک عثمانیلرہ تابع بولنان روملری عصیانہ تشویق و اجبار ایتدیرمکہ باشلادیلر ؛ و قریبأ اوروپادن عظیم بر اہل صلیب اردوسی امدادہ یتشہ جکنی اعلان ایلہ معتبران اہالی بی تشویق و عادتاً جبرأ عصیانہ قیام ایتدیردیلر . «لورہدانو» دخی مایس و حزیران و تموز ایلرندہ جزائر بحر سفیدی طولاشہرق اہل لیسنی آیاقلان دیرمغہ چالشدی ایسہدہ ہان ہیچ بر شینہ موفق اولہ .

مقسزین آغستوس ایتداسنده موره یه گله رک وندیک عساکر بریه سی قوماندانی «برتولدو» (Bertholdus) ایله برلشدی. بویکی سردار برلکده عثمانلی محافظارندن خالی بولان (آرغوس) قلعه سی ضبط ایله آرتق موره قطعه سنک هر طرفی بر حال فساد و فتره بالادخال یکیدن یکی ایتالیان سوق اولان بیوک برقوتله (قورینت) اوزرینه یوریمکه جسارت آلدیلر. فاتح حضر تلی اشبو موره فسادنی خبر آلدقاری زمان عادتاً وقوعه منتظر اولدقاری بر حرکت اولق اوزره بالتاق هیچ بر تالاش گوسترمدیلر؛ و مقدمه الجیش مقامنده اولق اوزره موره اوزرینه (۱۰) بیك نفرله عمر بکی سوق ایلدیلر. وندیکیلرک قورینت برزخنده ذاتاً موجود اولوبده مؤخرأ سلطان مراد ثانی طرفندن هدم ایدلمش اولان سوری تکرار انشا ایله نفس قورینت قلعه سی اوزرینه (۲۰۰) طوپ و (۲) بیك طوپچی و (۱۵) بیك پیاده دن عبارت بر جسم قوتله هجوم ایلدکرینی و قوماندانلری «برتولدو» نک آدیغی جریحه دن وقوع وفاتی اوزرینه ضبطه موفق اوله مدقارینی عمر بک ذات شاهانه اعلام ایتکه ذاتاً او زمانده بوسنه قطعه سی کاملاً ید عثمانیایه گچمش بولندیغندن ذات شاهانه صدراعظم محمود پاشانی بوسنه ده کی اردو ایله موره یه مأمور ایلدی.

محمود پاشانک موره یه وصولی اوزرینه آرتق وندیکیلر هر طرفده مغلوبیته دوچار اوله رق اکثر مواقعی ترک ایله چکلمکه مجبور اولدیلر؛ فقط فرداسی، یعنی (۱۴۶۴) سنه میلادیه سنده مجارستان دخی وندیک ایله بالاتحاد یکیدن حربه باشلادیلر.

وندیکیلرک مدلییه دونما سوق ایتدکاری -- وندیک جمهوریتی، لوئیجی لوره دانو «نک بحرأ برایش گوره میشنی قباحه عد

ایدہرک عزلیلہ دونمائی آمیرال « اوراستو جوستینیانی » (Orasto Giustiniani) نك تحت اداره سنه ویروب ، گویا موردهده کی ضایعہ۔
 تنی قسماً اولسون تضمین ایچون مذکور آمیرالی مدللای فتحنه مأمور
 ایلدی . وندیک دونمائی بر فرقه بریه عسکرینی دخی حامللاً اغر۔
 یبوزدن قیام ایله مدللایه مواصلت ایدوب ، حامل اولدیغی عسکر
 وبرخیلی جسم طوپلری قرهیه اخراج ایدہرک قلعهینی محاصره صور۔
 تنده تضییقه ابتدار ایلدی ؛ فقط بوخبر تجاوز وقت وزمانیه خاکپای
 شاهانهیه عرض ایدلمش اولدیغندن ذات شاهانه دخی استانبولده آماده
 بولنان دونمائی همایونی درعقب گلیولییه بالارسال موردهده بولنان
 محمود پاشایهده معیتده اولان عساکر موجوده ایله سریعاً گلیولییه
 گلوب ، ورودینه منتظر اولان دونمائی را کباً مدللای امدادینه یتشمه سنی
 اراده بیوردی . بوامرک وصولی متعاقب پاشای مشارالیه وقت فوت
 ایتمکسزین موردهدن حرکتله گلیولییه مواصلت واوراده حاضر بولنان
 دونمائی را کباً مدللای اوزرینه حرکت ایدوب ، موافق روزگار ایله
 ایکی گون ظرفنده جزیرهیه واصل اولدی ایسهده وندیکلیلر گان
 دونمانک عثمانلی دونمائی اولدیغنی دها اوزاقدن آکلانجه حربه میدان
 براققسزین علی العجله گمیلرینه گیرهک فراره شتابان اولدیلر .
 محمود پاشا دخی قلعه نك نواقضی اکمال ایله عودت ایلدی . (۸۶۹ هـ) .

ملاحظه — استانبولک قحی ائساننده (۵) پاره دشمن سفائننه مقابلہ ایدہ۔
 مذکوری قصوریه روم مؤرخلری طرفندن دوچار مؤاخذہ اولان عثمانلی
 کمپیلرینک آریدن آنجق (۱۲) سنه لک بر مدتجک مرور ایدر ایتز امور
 دریاده کسب ایتدکری ماسکه ومہارت سایہ سندن زمانلرینک انگلیزلری مقامندہ
 اولان بیک ییلاق وندیک جهوریت بحریہ سنک یتشکن کمپیلرینی محاربه یه بیلہ
 جسارت براقہ جق بر دہشت عظیمہ دوچار ایله فراره مجبور ایدیشلری سکوت
 ایله کچمیدر یلہ جک بر کیفیت عادیه اولدیغندن تحدیث نعمت قبیلندن اولدرق
 بورادہ تکرار ذکر ایله علماً بیان افتخار ایلر وجناب حقک بو ملت نجیبہ یه احسان

ایش اولدیغی استعداد فطری و لیاقت خارق العاده نك نه مرتبه عالی و ممتاز بر فیض بی انباز اولدیغی دشمنلرینک بيله نظر حیرتلی اوکنده تجلی و تعین ایش بر حقیقت اولق اوزره معالسه سولرم .

آميزال جنابلری مدللیدن فرارایله طوغریجه اغریبوزده گیتمش و محمود پاشانک عودتی خبر آیر آماز دفعه ثانیه اوله رقینه مدلییه گلمش ایسه ده بو دفعه قلعه نك مع زیاده عساکر عثمانیه ایله محاصظه ایدلمکده اولدیغی گوروب ، بر شی یامغه موفق اوله میه رق گیری دونمکه مجبور اولمش و بر مدت صکره حلول اجلیه وفات ایتمشدر .

ونديکيليرک آق دکز بوغازينه هجوم و بعض مواقع ايصال

خسار ایلدکلی — خلاصه ، وندیکیلر بر آ دخی مغلوبیت کامله یه دوچار اولدقلرندن آرتق اولانجه قوتلرینی بر یره جمع ایله بحرآ گلیبولی بوغازندن مرور قصدینه دوشوب ، بتون دونمالرینی اورایه جمع ایتمشلر و بوغازی گچمک درجه سنده غیرت گوسترمشلر ایسه ده استانبول اوزرینه گلمکه موفق اوله میه رق گیری یه عودتله اینوز و فوجه موقعلرینی ولینی و ایمرور آطه لرینی اشغال و مورد سواحلنده کی پاتراس کورفرزنده واقع لوستیجا لیمانی ضبط ایدوب ، برارده یغما گریلکده بولنشلردر ؛ فقط بو گی اهمیتسز موفقیتلرله هیچ بر شیئه نائل اوله میه جقلرینی گوردکارندن و بوائساده بر آلتنجی اهل صلیب تشکیل ایتمک ایچون صوک بر غیرتله چالشمقده اولان پاپایکنجی « پی » (Pius. 1.1.) جنابلری دخی املنه موفق اوله مقسزین وفات ایلمش اولدیغندن آرتق وندیکیلر ناچار اوله رق بر آو بحرآ دوچار اولدقلری مغلوبیات متابعه رزائلنه دخی باقمسزین دولت علیه ایله مصالحه عقد ایتمک تشبثنده بولنشلر ایسه ده وقوع بولان مراجعتلرینه قارش

طرف دولتدن هیچ التفات اولنماش : فقط یینه کندی کندیلرینه برمتارکه عقدی صورتیله (۳) سنه مدت قدر هیچ بر طرفدن اثر خصوصت گوسترمه مشاردر ،

اغریبوز سفری — فاتح سلطان محمد خان حضر تلری قرمان سفرندن عودت بیوردقلری ائشاده وندیک آمیرالی « نیکولا قاناله ، (Nicola canalle) نك (۶۰) قطعه‌یی متجاوز قالیون وقادرغیدن عبارت بردونما ایله بغته اینوز اوزرینه گلوب ، قاضی بلده وخطیب وسائر متعینان شهرری اسیر ایله کلی خساره متجاسر اولدیغی دردولته عرض واششکا اولنمغله بویکیفیت متأسفه شهریار عالی وقاری پك زیاده دلگیر ایلمش اولدیغندن همان دونمای هایونك احضاری فرمانیه وزیر معزول [۰] محمود پاشایه گلیبولی سنجاغی توجیه بیوروب ، [اول زمان قپودان پاشالره گلیبولی سنجاغی توجیه اولنقی اصولدن ایدی] سواحل عثمانیهده اولان سفائن سائر نك دخی جمعنی مشارالیه تفویض ایلدی . [۰۰] اغریبوز آطه‌سی اول زمان وندیکلیلرك ید تصرفنده اولدیغندن دونمالری ایچون برگوزل مرسا ومناسب ملجا اتخاذ قلمش وموردهده اجراسنه باشلادقلری فسادلرك قریقی جهتیه

[*] پاشای مشارالیه دولت علیه نك (۱۰) نجی قپودان دریاسیدر]

[**] اغریبوزك احوال موقعیه‌سی — (اغریبوز) یاخود (نقره‌بون) آطه‌سی آطلردکونش (کرید) دن صکره اك بیوک بر جزیره‌سی اولوب ، اسم قدیمی (اویا) در . جزیره نك مرکزی اولان شهرک اوکسنده کی بوغازك اسمی (اورپوس) اولدیغندن بونك تعریفیه اغریبوز اسمی حاصل اولش و مرکزندن آطه‌یه دخی تعمیم اولمشدر . بوآطه موره شبه جزیره نك ساحل شرقیسی قارشینده و شمال غربیدن جنوب شرقیه طوغری تمتد اولور ، اوزون وغیر منتظم برشکده اولوب ، قره‌ایله آره‌سندکی بوغاز ایکیه منقسم اولرق شمالده‌کنه (تالانته بوغازی) ، جنوبده‌کنه ده (اغریبوز بوغازی) نامی ویرلشددر . بو ایکی بوغازك محل اختلاطنده آطه نك ساحلی قره‌یه پك زیاده قریب برشبه جزیره صغیره اولوب ، آنجق (۳۰) یارده وسعتشده بریکچید ایله آیرلش وجزیره نك مرکزی اولان اغریبوز شهریه ده بویکوک شبه جزیره اوزرنده کائن اولنمغله حین اقتضاده سهولتله قالدیرتیه . بیلیر آتمه بر کوپری واسطه‌سیله قره‌یه ربط اولنش ایدی . لیمانی ایسه مذکور شبه جزیره صغیره نك شمال طرفنده کائن اولوب ، کوپرنك باشنده متین ومستحکم بر قلعه‌سیده موجود ایدی .

اٲٲ باشلی اوجاغی حکمنی آلمش وداٲما اوجهٲدن اهل اسلامه تعرض
وقوعه گلدکدن باشقه بودفعه کی اینوز هائله سنده جزیره اهالیسناک
دخی مدخلی اولدیفی آکلاشامش اولدیفندن آرتق جزیره مذکورده نک
تسخیری تشبثه قیام اولنق مقتضای حال ومصاحت صرده سینه
گچمش ایدی .

(۱۴۶۸) سنه میلادی سینه مصادف اولان (۸۷۳) سنه هجریه می
اوائنده شهریار عالی تبار حضرتلری عسا کر نصرت مقرون ایله
برآ، محمودپاشای غازی دخی یوزی متجاوز سفائندن عبارت دهشتلی
بردونما ایله بحرآ حرکت ایدوب، اغریبوز حدودینه واصل اولدیلر .
پاشای قلعه کشا جانب دریادن اسباب محاصره بی مهیا ایدوب .
قومانداسی تحتنده اولان یوزی متجاوز سفائن ایله جزیره بی آبلوقه
آنته آله رق خارجدن وقوع بوله بیله جک هر نوع معاوتی امکانسر
بر حاله قویدقدن صکره دشمن طرفندن شهری اصل قرده
ربط ایدن آصمه کوپری قالدیرلمش وبو وجهله واسطه مرور قطع
ایدلمش اولدیفنه مبنی برقاچ عدد کهنه سفینه لر واسطه سیله درعقب
موقت برکوپری انشا اولنوب . بو طریق ایله عسا کر منصوره جزیره
اوزرینه امرار ایدلمش وحصاره تقرب اولنه رق کشاد اولنان
مترسلره لزومی وجهله آلات ناریه وعسا کرکافیه وضع وتعبیه اولنوب .
قره دن ، دکزدن دانه طوب ایله قلعه نک هدم وتخرینه مباشرت
قلنمش و طرفیندن کال گرمی ایله انداخت اولنان طاش مرملر
عادتا لجه دریاده دوکوتی حاصل ایده جک درجه بی بولمشدرد . بو محاربه
شدیده نک دوامی ائناسنده وندیک آمیرالی « نیقولا قاناله » اورویا
تاریخلرینک روایتلرینه گوره (۲۵) قالیون وعثمانلی تاریخلرینک
صورت اشعارلرینه نظرآ (۸۰) یاره قالیون وقادرغه ایله حصارک
امدادینه گلنمش ایسه ده جزیره نک صورت مکمله ده آبلوقه آلتنده آلمش

اولدیغنی و دونمای هایونک کثرتیه عساکر عثمانیه نك صولتی اوزاقدن مشاهده ايله بر درلو تقریه جسارت ایده میهرک گویا گیریدن گله جک معاونتی بکلمک بهانه سیله (قولوری) [سالامین] آطه سی لیمانه التجا ایدوب، وقوع بوله جق ایلاک فرصتدن استفاده زعمیله نتیجه حاله منتظر قالمشدر.

اوروپا تاریخلرینک بو اختلافی محضاً هر وقعه ده عثمانیلرک قوتلرینی چوق و دشمنلرینککنی آز گوستره رک دوچار اولدقلری مغلوبیت رزائلنی مهما امکن تخفیف ایتک مقصدینه خدمت ایتلرندن ایلری گلمشدر.

آمیرال جنابلرینک دونمای هایونه تقریب ایده میشی او یله گیریدن معاونت بکلمک گبی اصلسز بر بهانه یه تبعیتندن ایلری گلمیوب، حقیقت حالده او زمان عثمانلی دونماسنک و ندیکلیری یسلدیره جق درجه یه وارمسنندن منبعث اولدیغنه شبهه ایدیه مز؛ حتی «سته فانو اوتوبونی» (Stephano Ottoboni) نامنده کی و ندیک سوارینسک راکب اولدیغی غالر، ايله بر عثمانلی قادرغهی بیننده وقوع بولان محاربه نك نتیجه سی و ندیک قادرغه سنک احراقی موجب اولسی مومی الیه آمیرالک بوسبتون پای ثباتی کسر ایلمشدر؛ خلاصه، احوال حربی اوزاقدن بر نظر تفتیش ايله تماشا ایتمکده اولان آمیرالک نتیجه قراری گویا عساکر عثمانیه طرفدن حصارک ضبطی ایچون اجرا اولنه جق هجوم عمومی ائناسنده معیتنده اولان دونما ايله اوده بری طرفدن یورویه رک آبلوقه خطنی یاروب، ایلری یه گچمک و حرکات عسکریه یی تشویش ايله حصارک فتحی تعویق ایلمکدن عبارت اولدیغنه منی بومقصدک حصولی ایچون اول امرده یوم هجومی اوکر نك فکرینه دوشمش ایدی.

هر نه قدر بر مرتد واسطه سیله بومهم معلوماتی آلمغه موفق اولمش ایه ده بری طرفندن ده الدهه ایدیلان اسرا واسطه سیله آمیرالک فکر

معهودی او کرده نلمش اولدیغندن ذات شاهانه نك تدبیر داپزیرلریله
یوم معیندن اوچ گون مقدم هجوم عمومی اجراسنه قرار ویریلوب ،
کیفیت اوکیجه منادیلرله اردوی هایونه اعلان و اخبار ایتدیرلمش
وبوندن مقدم اجرا قلنمش اولان بش دفعه کی هجومارده موفقیت
حاصل اوله میشنه مبنی بودفعه غیرتک صوڭ درجه سی اجرا اولنق
وبهمه حال قلعه ضبط ایدمک اوزره عسکرجه لازم گان وصایا
دخی تلقین ایدلمشدر . فرداسی ، یعنی محاصره نك (۱۷) نجی گونی
علی الصباح بر اوغوردن هجومه مباشرت اولنوب ، بر طرفندن ده
اجرا قلنان شدتلی وسورکلی طوپ آتشاریله دشمنه گوز آچدیرلیه -
رق طوپلرک احداث ایلدیکی رخنه لردن آچیلان گدکلر واسطه سیله
داخل حصاره فرجه یاب دخول اولندی . حرباً حصاره داخل
اولا عساکر دشمن افرادندن استخدماه الویرشلی اولانلارینی قیدوبند
ایله ماعداسنی قهر وتدمیر ایلدیلر . وقت زوالده ناگهانی قلعه نك
برج وباروسنه دیکیلن رایات ظفر آیات عثمانیک موجه نمای سطوت
ومهابت اولمسی اوزاقده کی تیمورلی بولنان دشمن دونماسندن مشاهده
اولننجه آرتق اوراده طورمق کندیلمی ایچون ده خطر وتهلکی
انتاج ایده چی تحقق ایتمکه درعقب فک لنگر ایدرک خائب وخاسر
سمت فراره شتابان اولدیلر . بووجهله قلعه ضبط اولنوب ، دروننه
مناسب مقدار محافظین وضع واقامه قلندقدن صکره جزیره نك جنوب
غربی ساحلی اوزرنده (قاریستو) ، یعنی (قزل حصار) نامیله
معروف بر کچوک قلعه سی وگوزل بر لیانی دخی موجود اولوب ،
حاکم جزیره « پول اریزو » (Paul Erizzo) نامنده کی « بالیوز »
[قونسلوس مقامنده بر مأمور] ک اموال وخزائی اوراده محفوظ
اولدینی استخبار قلندیغندن اول جانبه عزیمتله قلعه مذکوره دخی

تسخیر اولنوب ، الدہ ایدیلان اموال غنیمت خزینہ جلیلیہ آندی ؛
و بوندن صکرہ مقر خلافتہ عودت هایون وقوع بولدی .

پاپانک دولت علیہ علمینہ تشکیل ایلدیکی اهل صلیب
دوئناسی و عثمانیلیرک تدارکات بحریہ لری — دولت علیہ نک
ایرانده تسلطن ایدن آق قیونلی حکمداری « اوزون حسن » علمینہ
— قرمان فسادینی تحریکندن طولانی — اعلان حرب ایتمک
اوزره بولندیغی برزمانده پاپا دردیجی « سیقت » (Cixte. 1.1.1.1.)
دخی اوروپا طرفندن عثمانیلیر علمینہ برآ براهل صلیب اخراج ایتمک
فکریلہ حکومات خرسیتانیہ یی تشویق ایتمکده ایدی .

بو صرہده « اوزون حسن » دولت عثمانیہ ایلہ همان بر حرب
دائی اوزره بولسان وندیک جمهوریتنه مراجعتلہ عثمانیلیر علمینہ بر
اتفاق تجاویزی تکلیف ایلیمش اولدیغندن اوروپا حکومات خرسیتا -
نیہ سی بوتکلیفی مع الممنونیه قبول ایلیمشار وروما پرئسی بولنان پاپا
جناباری دخی بر حرکت متقدمه اولمق اوزره تشکیکنه موفق اولدیغی
بر اهل صلیب دوئناسی سواحل عثمانیہ یی تخریب و غارت ایتدیرمک
ایچون آق دکره سوق و اخراج ایلیمشدر : شویله که ، پاپا جناباری
فاتح حضر تارینک اوزون حسن ایلہ مناسبتی پک فنا بوزهرق ایشک
بر محاربه مدهشه مرتبه سنه واردیغی گورنجہ حاضر عثمانیلیرک بو
مشغولیت حربیہ لری صرہ سنده بر زیان ایقاعنه قادر اوله بیلیمک
امیدیله پاپالق مقامنه مخصوص اولان (۱۹) قطعه قادریغی « قار -
دینال قارافا » (Caraffa) قومانداسیله وندیکه گوندروب ، ذاتاً
نابولیدن دخی (۱۷) قطعه جسم حرب قالیونلری اورایه وارمش
اولدیغندن بو قوه موجودیه وندیک جمهوریتنک (۳۵) واستلا -

وونيانك (۱۲) ورادوس شوالیه لرینك دخی (۲) قطعه قالیونلری التحاق ایدهرک مجموعلری (۸۵) قطعه به بالغ اولمش وبو عظیم دونما « پیه ترو مونچه نیغو » (Bietro Moncenigo) نام وندیک آمرالی قومانداسیله همان دکره چیقارلمشدر . (۸۷۷ هـ و ۱۴۷۲ م) .

بوجسیم دونما طرفندن آق دکر سواحلی یاقیلوب، ییقلمغه وقادین ارکک اسلام اهالی اسیر ایدلمکه باشلانمشدر . بو صورته اهل صلیب دونماسی هر گچدیکی یرلری آتش وقان ایچنده براقشدر . بودونمانك تعرضنه دوجار اولان مملکتلر میاننده اڭ زیاده تخریب ایدیلن آطالیه وازمیر شهرلریدر . آمرال «مونچه نیغو» ازمیر شهرینی تخریب ایتدکن والتحاق ایدن ده بر قاچ سفائن ایله دونماسی (۹۰) هـ ابلاغ ایلدکن صکره ینه قرمان سواحله عزیمت ایتمش وبو دفعه اڭ بیوک سردارلرندن « ویتورا سورانزا » (victora Souranza) نی گمیلردن چیقاردیغی عساکر وافیله سالفککه ، صغین ، قورقو قلعه لرینی عساکر عثمانیه یدندن نزع یلتمکده اولان قرمان پرئسی وقاسم بك ایله ده سائر بر قاچ مخالفینه امداد ایدهرک سالف الذکر قلعه لری ضبط ایتدیرمش وبونی متعاقب صکره دن گلوب ، التحاق ایدن (۹) قطعه سفائن ایله دونمای اهل صلیب تمام (۹۹) گمی اولدیغی حالده (مکرری) اوزرینه یوریمشدر . اوراسی دخی اوروب ، آتسه یاقه رق بتون اهالیسنی تحت اسارته آلدیغی صروده فاتح حضر- تلرینك اوزون حسنه برغلبه کامله ایله غالب اولدیغی حوادثی دونمایه ورود ایدنجه ، آرتق نوبت کندیارینه گلدیکنی آکلایه رق تخریباتدن کف ید ایله قبرسه چکلمکه مجبور اولمشلردر .

اهل صلیبک آق دکر سواحلی اوزرنده وقوعه گتیردیکی بونجه تخریبات وحشیانه به قارشى دولت علیه نك بر حال سکون وتحمل ایچنده بولمنی وتخریبات مذکوریه میدان ویرمه مک قصدیله بر

دوئنا سوقنه قیام ایتهمش اولمسی وهله اولی ده خوف وحشیته حمل
اولنور ایسه ده بر از تعمیق فکر ایدیلنججه بوظنك کلیاً یا گکش اولدینی
آکلاشیلیر ؛ چونکه، اوزمانده دولتك دوجار اولدینی مشکلات ایکی
باشلی اولوب، آسیاده اوزون حسن گی حکمداران اسلامك الك قوی
وعظمتلیسنه قارشی حیات دولت مسئله سی دیمك اولان بر حرب
عظیم ومدهش ایله اوغراشمقده ایکن اوروپا طرفندن دخی پایا گی
عالم نصرانیتی بر اشارت آمرانه سیله کاملاً آیقلا ندیرمغه مقتدر بر ذاتك
تشویقات متوالیه سی نتیجه سی اوله رق میدان حصوله حقیقمقده اولان
اهل صلیب اتفاقك احداث ایده جکی مهالك مده شهیه قارشی طوره
بیله جك بر بیوک قوتی روم ایلی قطعه سنده هر آن حاضر بولندیرمغه
مجبور اولدینی بر صرعه ده نسبه حکمسز دیمك اولان بوزیانه قارشی
قوای دولتك بر قسمی ده بحر آ سوق ایتمی بر حرکت عاقلانه اوله میه
جفی بدیدیر ؛ مع هذا، الده اولان دوئمای هایون دخی دشمنك
قوة جسیمه سنه قارشی سوق اولنسه ایدی بیله لایقلیجه بر ایش
گوریه میه جکی محقق ایدی ؛ فقط حضرت فاتح هراموری وقت
مناسبنده اجرا ایتك گی بر فکر صائب ایله حرکت ایدر بر پادشاه
عاقل اولدیغندن حیات دولت مسئله سی دیمك اولان اوزون حسن
محاربه سنه عزیمت بیوردقلری زمان بیله دوئمای هایونلرینك تنظیم
وتکثیری امراهمنه حقندن زیاده اهمیت ویرمشار وایلریده بر مکمل
انتقام آلق فکر یله تدارکده بولنمشلردر : —

شویله که، ذات شاهانه اوتهدن بری قوة بحریه نك تزیدینه مراقلی
اوله رق بر چوق وقوعات بحریه ده عثمانی دوئناسنك سفن اعدایه
نسبتله درجه کفایه ده بولندیغنی گوردکلری گی مدلی واعریبوز
محاربات بحریه لری مثالی ینه بر چوق وقوعاتده دخی دوئنامزك سفن
اعدایه بالنسبه تفوقی نصل پارلاق پارلاق فتوحاتی منتج اولدیغنی نظر


دقت و اهميته آلمشلا ايدى. دها اوزمانلر ونديك و جنويز انشائيه مهندسلرندن بر قاجنى بالتلطيف استانبوله جلب ايلدكارى گې لازستان وقرمان ساحلارنده گمى ياقمقله اشتهار ايلين لاز و تركلردن دخى برچوق عمله يي استانبوله جلب ايدى ككال سرعته خايج سواحله انشائيه دستگاھلرى وجوده گتيرمشلا و بش اون گمى يي بردن ياپدير مغه باشلامشلا درر ؛ هله آنا طولى مسئله سى ميدانه چيقوبده اولا (۹۰) و متعاقباً (۹۹) عددينه واران سفائن ايله اهل صليب آنا طولى سواحلى آتسه ياقعه و قانه بويامغه باشلاخه انشاآت بحريه يي بر قات دها تسريع ايجون اردوى هايوندن استانبوله متعدد اراده لر گوندرمشلا ايدى .

ايشته بوغير تارك نتيجه سى اوله رق خايج ايجريسندى برياندن تكنه لرى انشا ايلدكجه برياندن دخى آرمه لرى دوناديله رق و طوپلارى قونيله رق وجوده گتيريلن سفائنك عددى (۳۰۰) قطعه يه ابلاغ ايدلمش ايدى . جناب فاتح هيچ برايشده اصل افكارى نه دن عبارت بولنديغى كيمسه يه آكلا تدينى گې بودونما تهيئه سى مسئله سنى دخى برسر مكتوم صور- تنده ايلرى يه گوتورمش اولديغندن استانبولجه بو دونما نك اولسه اولسه آنجق ونديكليدن گريد جزيره سنى فتح ايجون ياپلدقارنى ظن ايدرلردى . حال بوكه ، بو ظنك درجه بطالانى صكره دن آكلا شلمشدر . آنا طولى سفرندن درس عاده معاودتله ايكي سنه قدر اختيار اقامت بيوردقارى مدت اك زياده دونما ي مذكورك اتمامنه صرف اهميت ايلدiler . ذات شاهانه برياندن بوغيرتده بولنوب ، ديگر طرفدن — محضا وقت قازانق ايجون — ونديك جمهوريله عقد مصالحه يي ارزو بيورمشلا گې طاورانشلا درر . بو مقصده مبنى طرفيندن برقاچ كره لر ارسال سفرا مثلى تدابيره مراجعت اولمش ايسه ده هيچ بر نتيجه قطعيه يي متبع اوله مدينى گې هله صوك دفعه اوله رق درس عاده گان

وندیک سفیرینک جملہ سی تہیہ ایدلمش بولنان (۳۰۰) پارہ سفن هایون نظر حیرتہ عرض اولنہ رق بعدہ صدر اعظم طرف شاہانہ دن الدینی امر اوزرینہ «اگر وندیک جمہوریہ عثمانی سبجانی علیہ نہ بھیج بر اثر حضورت کو سترہ ملکی نفر۔ ایڈر ایہ ذات شاہانہ دخی وندیک علیہ نہ صرفت ضمانہ رہ بولنہ بقدر ایہ رہ ہوتا کہ ایچوہ بھیج بر ورقہ رسمہ امضانہ رضای لہمایوندری اولیوب، کیفیت یالکز سوزدہ قالہ بقدر!» دیمش وبوجواب ایلہ سفیرک استانبولدن مفارقتی متعاقب (۳۰۰) پارہ تیکنیہ ارکاب اولنان اردوی هایون صدر اعظمک قومانداسیلہ خلیجندن فک لنگر اقامت ایلمش ایسہدہ ہر کس بودوتمانک وندیک اوزرینہ یورویہ جکی ظنندہ بولندینی حالہ دونمای هایون بالکس قرہ دکز یولی طوتمشدر۔

کفہ وآزاق سفری — دونمای هایونک قرہ دکزہ اعزامندن

مقصد پادشاہی جنویزلر علیہ نہ بر حرکت عسکریہ اجرا سیلہ ید ضبطلرندہ بولنان مواقعک استخلاصندن عبارت ایدی۔ قرہ دکزک طربزونہ قدر اولان آناتولی سواحلی ومؤخرأ طربزون دولت علیہ ید ضبطنہ گچدیکی زمان اورالردہ کی جنویز بندر گاہلری فسخ ایدلمش ایدیسیہدہ آباہ وچرکستان سواحلی ایلہ قریم شبہ جزیرہ سی وطونہ منصبلری وقرہ دکزک روم ایلی ساحلاری اوزرندہ دہا برچوقیرلر جنویز تجارت بحریہ سنک ہنوز بندرلری اولوب، بونلرک عمومک مرکز و مرجعی غلطہ ایکن استانبول فتحندن صکرہ جنویزلرک غلطہ دن اللری کسیلہ رک قریم ساحلندہ کائن کفہ لیمانی بواہمیت مرکزہ بی آلمش ایدی۔ اوزمانلر آسیای وسطی وچین و ہندستان و ایران تجارتک طریق مروری جنویز ید ضبطندہ بولنان سالف



لوم ۱۲ — (قارواولا) تعبیر اولنان قالیون

الذکر بندر لر اولدیغندن سلطان محمد حضرتلری تجارت راضیه
 و ضارحیه بی توسیع ایله یدا داره سنده بولنان مملکت و اهالی بی معسور
 و مسعود ایتکی جمله لوازم جهانداریدن عدایدن قره دکر سوا
 حندن جنوزلرک الی کسمک و بودگری عادتاً بر عثمانلی گولی حکمنه
 قویه رق تجارت عظیمه سنیده عثمانلی گمیجیلرینک یدانتفاعلرینه و یرمک
 املنده بولنه رق بومقصدک ساحه حصوله اخراجی ایچون دخی بر فرصت
 مناسبه بکلمکده ایدیلر . بودغه قریمی اداره ایدن تاتار میرزالری
 بینده عدم اتفاق و او قوجه قطعه اوزرنده بر فترت متادیه و شقاق
 و نفاق اجرای احکام ایتکده بولندیغندن و کفهدده مقیم بعض جنوز
 وارمنی تاجرلری ده جنوزلر انده بولنان قره دکر بندرلرینک ضبطه
 فاتح حضرتلری تشویق دخی ایلمش اولدقلرندن آرتق حضرت
 فاتح بوااملرینک حصولی ایچون بش آلتی سنه دن بری امر تجهیزینه
 صرف اهتمام بیورمش اولدقلری دونمای هایونلری نفیم الهم
 علی المهرم قاعده سنه توفیقاً اول امرده جنوزلر علینه استخدای مناسب
 گورمش و بوسبیله قره دکره سوق و ارسال بیورمشدر .

دونمانک کفیه ورودینه دکن مقصد هایونک بر سر مکتوم
 صورتنده طوتلمسنه اولنان اعتنا ایسه جنوزلرک قره دکر
 داخلنده کی دونمالرینی جمع ایله منتظماً مدافعه گوسترملرینه میدان
 و یرمه مک ایچون اولدینی درکاردر . بومقصد ایچون قره دکره
 چیقاریلان دونمای هایون صدراعظم « گدک احمد پاشا » قومانداسنده
 اولوب، قادرغه، گوکه، ماونه، آت گمبسی و سائره انواعدن اولق
 اوزره (۳۰۰) پاره سفائن حربیه دن عبارت جسم بر قوت ایدی .
 دونمانک کفه لیمانه بالمواصله قلعه سی اوکنده ظهوری (۸۸۰ هـ
 و ۱۴۷۵ م) حزراننک ابتداسنده وقوعه گلوب، گدک احمد پاشا

دونمادن (۴۰) بیک قدر عسکر و لزومی قدر طوپلری قرهیه اخراج ایله قلعه‌ی تحت محاصره‌یه آلمشدر .

قره‌دن و دکزدن اجرا قلنان تضییقات شدید اوزرینه محصورین مقاومتدن عاجز قاله‌رق محاصره‌نک (۳) نجی گونی بلا شرط حصاری تسلیم ایدوب، حیاتلری قور تارده بیلمشلردر . قلعه فتح اولندقدن و محافظه‌سی تحت تأمین آلدقدن صکره توابع و لواحق دخی ضمیمه ممالک عثمانیه قلندی ؛ بعده مظفریات واقعیه‌ی حسن ختامه ایصال ایتک مقصدیله پاشای غازی آزاق قلعه‌سی و ملحقاتنک دخی فتحی تصمیم ایدهرک دونمای هایون ایله کفهدن بالقیام گرج بوغلا زندن گچوب، آزاق دکزینه داخل اولمش و بحر مذکورک منتهای شمال شرقیسنده و (دون) نهرینک ساحل یساری اوزرنده، نهر مذکور منصبندن (۶) میل یوقاریده، مرتفع بر محله کائن اولان آزاق قلعه‌سی پیشگاهنه بالوصول قلعه‌ی نهر جهتندن اینجه دونما ایله منتظماً آبلوقه ایدوب، قرهیه چیقاردیغی عساکر و جسم طوپلرله دخی برأ محاصره آلتیه آله‌رق هر ایکی جهتندن ده تضییقه باشلامشدر . قلعه محافظلری بولنان جنویزلیلر قوه قاهره عثمانیه قارشی مدافعه‌دن عاجز اولدقلری آکلاینجه (۱۳) نجی عصر میلادیدن بری ید ضبطلرنده طومتقمده اولدقلری بو قلعه‌نک دخی مفتاحی تسلیمه مجبور اولمشلردر .

بو میانده ینه جنویزلیلر ید تصرفنده بولنان (منقوب) حصن متینی ده تسخیر اولنه‌رق ضمیمه ممالک محروسه قلندقدن و بونک نتیجه‌سی اوله‌رق قریم خانلغنک دخی دولت علیه‌یه تابعیتی تحت تأمین آلدقدن صکره دونمای هایون مظفرأ در سعادته عودت ایلدی .

موتا سفری — حضرت فاتحك مقدما گدك احمد پاشا قوما .
 نداسيله قره دكزه سوق و اخراج ايتدكلری دونما طرفندن كفه .
 منقوب ، آزاق قلعه لریله توابعی فتح و تسخیر ایتدیرلدیکی صرهدده
 آزاق دكزی ساحلنده كائن اولوب ، جنویزلرید تصرفنده قلمش
 اولان (موتا) قلعه سی ایکنجی درجه ده حائز اهمیت اولدیغندن هر
 نصله اوزمان فتحنه تشبث اولنماش ایدی ؛ حال بوکه ، قریم قطعه .
 سنك كاملاً تابعیتی تحت تأمینہ آلمش و آرتاق قره دكز بر عثمانی کولی
 حکمنه قونلمش اولدیغی حالده ینہ جنویزلرك بو ساحل اوزرنده
 بر نقطه یی حکم و نفوذلری آلتده بولندیرملری مقصد پادشاهی یه
 موافق دوشمه مکله تجهیزات حربیه سی مکمل (۳۰) پاره قادرغدن
 عبارت بر دونما ایله قوجه ایلی بکی قره دكزه گوندیرلوب ، مذکور
 قلعه نك تسخیرینه مأمور ایدلدی . دونمای هایون زمان قلیلده بحر
 سیاهی بلرور آزاق دكزینہ داخل و قلعه مذکوره پیشگاهنه واصل
 اوله رق قره یه چیقاریلان اسباب حرب و ضرب ایله محاصره و تضییقه
 اقدام تام اولنوب ، اجرا قلنان شدتلی طوپ آتشریله محصورینك
 پای مقاومتلری کسر ایدیله رك امان ایله تسلیم حصاره مجبور ایدلایلر .
 بعدالفتح قلعه نك خراب اولان محللری تعمیر و ایچنه مقتضی مقدار
 قوه محافظه تعیین اولندقدن صکره دونمای هایون مظفراً درسعاده
 عودت ایدلدی . (۸۸۴ هـ ، ۱۴۷۹ م) .

آپولیا سفری — بروقتدن بری ایتالیا اوزرنده کی حکمداران
 خرسیتانیه نك یکدیگرلری علیه اظهار عداوت ایتمکده و آره صره
 معاونتنی استحصال ایچون دولت علیه دخی مراجعت ایلیمکده
 اولملری کیفیت جناب فاتحك نظر دقتی جلب ایتش اولغله ذات

شاهانہ علامت فوز و نصرت اولان **ھول عثمانی** بی بردہ ایتالیا جھت لرنده
 تموج ایتدیرمک آرزو سنہ دوشمش ایدی . بواملک حصولی ایچون
 مناسب بر فرصت گوزنمکده اولان حضرت پادشاه زانطہ و کفالونیه
 طرفلرینک سنیوری بولنان «لئوناردو» (Leonardo) نک گوسترمش
 اولدیغی بر وسیله بی سررشته اتخاذ ایدہرک ھمان قوہدہ اولان اشبو
 فیکر لرینی موقع تطبیقہ وضع ایتک تشبثندہ بولنمشلردر : —

شویلهکہ ، ھر دفعہ طرف شاهانہدن یانیہیہ سنجاق بکی نصب
 اولنان ذات قورفو اوکنندن گچر ایکن یول مصرفی نامیلہ ویرلمسی
 مشروط اولان (۵۰۰) دوقہ آلتونی اخیراً نصب اولنان سنجاق
 بکنہ ویرمہمش اولمسی بہانہ سیلہ ذات شاهانہ لئوناردو اوزرینہ بر قوہ
 عسکریہ سوقتی ارادہ ایدہرک گدک احمد پاشانک عہدہ سنہدخی اولونیه
 سنجاغنی بالتوجیہ احضار قلنان عسکری (۲۹) قطعہ سفائن حربیہ جسیمہدن
 عبارت بر فرقة دوئما ایلہ (۸۸۴ ھ ، ۱۴۷۹ م) سنہسی اول طرفہ
 سوق واعزام بیورمشلردر . بوجہتہ دوئما گوندرمکدن اصل مقصد
 ھایون ایسہ آیماورا وزانطہ و کفالونیه طرفلرنده بحرأ اس الحركات
 اتخاذ اولئہ جق بر موقع طوتہرق اورادن بعدہ ایتالیا یہ تجاوز ایتک
 اولدیغندہ شہہ ایدیلمہ مز . دھا احمد پاشانک ورودندن اول مرقوم
 لئوناردو خزینہ سندنہ کی اموالی آلوب ، ناپولی یہ قاجمش وقرال
 « فردیناند » (Ferdinand) دخالت ایتمش اولدیغندن احمد پاشا
 زانطہ ایلہ آیماورائی بلا حرب ضبط ایلمشدر . حال بوکہ ، لئوناردونک
 فردیناندہ فراری مومی ایلہ موجود اولان معاہدہ صلحیہ بی دہ
 حکمدن دوشورمش صایلدیغندن طرف فاتحدن گدک احمد پاشانک
 اولونیه دہ بر اردو جمعیلہ بواردو بی مستصحباً ناپولی قرالنی داخلدہ
 بولنان آپولیا (Apulie) سواحلنہ گچمسی امر اولندی .

آپولیا قطعہ سی ایتالیا الکاسندن باری ، اوترانتو ، بازیلیقاتہ ایلترینک

اراضیسنی جامع اولوب، آدریاتیق دکنینک ساحل شرقیسی اوزرنده و آولونیه سنجانی قارشینده کائدر .

گدک احمد پاشا فرمان هایونه امثالاً آولونیه دن آلدیغی اردوی همایون ایله اوترانتو بوغازینی گچوب، (۸۸۵ هـ ؛ ۱۴۸۰ م) سنه سی تموزینک (۲۸) نجی گونی ایتالیا نك جنوب شرقی سواحلی اوزرنده کائن اولان اوترانتو پیشگاهنه موصلت ایلدی . دونمای همایونک ورودی اوزرینه هر نه قدر شهرک اهاالیسی مقاومتیه قالمشقم ایستیه . مشر ایسه ده آنلر کندیلرینی طویلایچه یه قدر [۹] گدک احمد پاشا وصولنک (۴) نجی گونی عسا کر منصوره یی قره یه اخراج ایدره ک شهری هر طرفدن قوشاتمش و آغستوسک (۱۱) نجی گونی هجوم ایله ضبط ایدوب ، مقدا اهل صلیبک آناطولی سواحلی اوزرنده اجراسنه متجاسر اولدقلری تخریباتک اوده بر مثانی بوراسی حقنده اجرا ایتشدر ؛ و مؤخرأ اطراف وجوارده بولنان بعض مواقع مستحکمه یی دخی برربر قبضه تسخیره گچیره ک هر برلرینه مقدار کافی عسا کر محافظه و مهمات مقتضیه وضع و تعیین ایلدکن صکره ایتالیا جه توسیع فتوحاتی ضامن بر قوت جدیده تدارک ایده بیلیمک اوزره معیتی امراسندن خیرالدین پاشایی قائم مقام براقه رق کندیلی در سعادته عودت ایتدیکی صره ده قالا بریه دوقه سی اسپانیا و ناپولی قرالی فردیناندک (۴۰) پاره دن عبارت بر جسم دونما ایله سوق وارسال ایلشم اولدیغی قوه کلیه نك انضمام معاوتی سایه سنده وقوع بولان هجمات

[*] پاشای مشارالیه زمره عسکریدن ایکن استعداد و شجاعت فطریه سی سایه سنده کسب ترق ایدره ک عصرنده استحصالی عسیر اولان رتبه وزارتق تحصیل و سردارلق کبی خدمات مهمه ده استخدام اولنه رق عز و ناموس جلادق تکمیل ایدوب ، (۸۷۷ هـ) سنه سنده « محمود پاشا » نك اوستنه قیودان و (۸۷۸ هـ) ده مسند معلا ی صدارتله کامران اولش ایسه ده سنه سنده عزل اولنه رق بر مدت منکوباً قالدقدن صکره (۸۸۴ هـ) سنه سنده ینه دونمای همایون قوماندانلغیه ایتالیا فتحنه مأمور ایدیلره ک ایضای خدمته قصور ایتشمش اولدیغی حالده عصر بازید خان ثانی اولان (۸۸۷ هـ) سنه سنده کردن داده سیف خیف اولشدر . مرحوم مشارالیه دولت علیه عثمانیه نك (۱۱) نجی قیودان دریاسی اولوب ، حسن خدمتیه تفرد ایدن وزرای عظامدندر .

شدیدہ سیلہ عسا کر عثمانیہ ید ضبط نہ گچمش اولان مواقعك كافه سنی
برر برر استرداد ایتش ومحافظین عثمانیہ نك اكثر یسنى قتل و اعدام
ایدوب، بوغرورایله پاشای ده الدہ ایتك سوداسنه دوشه رك آرقه سندن
مذکور دونمایلہ دکره آچلمش ایسه ده مدت مدیده بیوده یره تحریدن
صکره خائباً عودت ایلمشدر .

اوترانتونك اشبواستردادی (۱۴۸۱ م) سنه سی ایلوانك (۱۰) نجی
گونى وقوعه گلمش اولوب، برى طرفده احمد پاشا دخى در سعادته
عودتنده سلطان محمد خان حضر تلى ارتحال ایتش و سلطان بايزيدك
جلوسيله دور فاتح تبدل ایلمش اولدیغندن اسکیسی گبی مظهر اعتبار
اوله میوب، هر نه قدر اورالرك اهمیتی و براز عسکر ده ویرلدیکی
حالدہ پك چوق فتوحاته میسر اوله جغنی دفعات ایله سویلمش ایسه ده
— آرده شهزاده «جم» وقعه سی گبی بر بیوك ماجرا بولمغله — افادانه
سمع اعتبار ایدن بولنامشدر .

رادوس سفرى — استانبولك فتحى متعاقب جوارده بولان
حکومات خرسیتانیه نك كافه سی طرفندن ایلچیلر گوندریله رك فاتح
حضر تلى نك شرق ایمر اطورلنى تبریک ایدلدیکی صرده رادوس شوا-
لیه لری طرفندن ایلچى گوندریله مش اولمسی حضرت فاتحی زیاده سیله
دلگیر ایلمش ایدی. آندن صکره دخى بر قاج مسئله سیاسیه ده دولت
علیه ایله مخالف تلى وقوعه گله رك محللر نده تفصیل اولندیغی وجهله
بر قاج کره لر اوزر لرینه دونما سوق ایدلدى ایسه ده جدی بر ایش
گوریله میوب، نهایت ظهور یافته اولان طربزون مسئله سندن طولایى
رادوسلیلر ایله ایکی سنه ایچون موقت بر متارکه عقد ایدیلوب، بومدتك
ختمانده دخى براز زمان ده طرفیندن مخصوصیه ابتدار اولنامش

ایسه دهه (۱۴۶۷ م) سنه سنده سوق اولنان بر فیلو دونهانك جزیره یه
 ویردیکی ضرر وزیانینه تجدید محاصمه یه باعث اولوب، فقط اوآردلق
 ظهور ایدن اغریبوز سفری و آتی متعاقب ونديك محارباتی سببیه
 جزیره مذکوره عایینه بللی باشلی بر حرکت عسکریه اجراسنه قالمیشیه -
 مامش ایدی .

وندیکله مصالحه اولندقدن صکره آرتق نوبت بورایه گلدیکی
 رادوسلیلر طرفندن دخی قطعاً آکلاشمغله تدارکاته باشلامش وقلعه یی
 بر قات دها تحکیمه لزوم گوردرک دکر جهته یکیدن ایکی قوله ایله
 (سنت مارغریت) دینیلن طرفه دخی دیگر بر قوله علاوه ایدوب ، بر
 یاندن ده اوزمانکی غران متری « پیه رده بوسون » (Pierre
 d'Aubusson) رادوس شوالیه لرندن اولوب ده جزیره ده بولنیانلره
 مکتوبلر ارسال ایدرک جمله سنی طوپلاتمش و بوجنکورلرک منقسم
 بولندقلری درت فرقه یی ائک بنام سردارلرندن درت نفرک قومانداری
 آلتیه ویروب، بر طرفندن دخی ذخیره جلب وجمعنه و خارج حصارده
 بولنان ابنیه و کلیساری هدمه مسارعت گوسترمشدر . فاتح حضر تلی
 بوتدارکاته تمامیه واقف اولدیغندن اکر رادوس مسئله سنی براز دها
 تأخیر ایده جک اولور ایسه ایتالیان بر چوق جنکاورلرک ده بورایه
 گله جک لرینی بالحساب حاضر گدک احمد پاشا ایتالیایی مشغول ایتک
 اوزره ایکن بو مسئله یی ده حله قیام ایدرک (۱۸۸۴ هـ ، ۱۴۷۹ م)
 سنه سی افرنجی کانون اولنک (۴) نجی گونی مسیح پاشایی بر فیلو
 دونما ایله [°] رادوس اوزرینه سوق ایدوب، استکشافه مأمور ایلدی .

[*] رادوس آطه سنک موقع طبیعیسی — رادوس آطه سی آرشیل دکرینک آسیایه عائد
 جزائرندن اولوب مذکور دکرزایله بحر سفیدی یکدیگرنندن تقریق ایدن خط فاصل اوزرنده و آناتولی
 ساحلنده جسمات جهتیله دخی ایکنجی درجه ده در . بو آطه نك شمال شرقیدن جنوب غربیه
 طوغری طولی (۴۹) میل و اک عرض اولان محلی (۱۲) میلدر . شهر ی جزیره نك شمال شرقی
 جهته ده واقع اولوب، اوکنده برده مندرکی موجوددر . قلعه سی واستحکاماتی غایتله متین وایکی عدد

ایمدی، مسیح پاشا رادوسده (فانو) قلعه سی اوکنه گلوب، قره یه بر مقدار سپاهی چیقاردیغی حالدہ شوالیه لر کندی سواریلرینی اشبو عثمانی سواریلی اوزرینه سوق ایدہ رک تکرار دونمایہ التجا مجبوریتندہ بولندیردیلر. رادوسده اجرا ایتک ایسته دیکی استکشافاتی بجرده مین مسیح پاشا ینہ شوالیه لرہ تابع بولنان (تیلو) [پیسقوی] جزیره سنہ واردی ایسه ده اوراده دخی برایش گورده میوب، قیشلامق اوزره [۶] فنیکه لیمانہ گیتدی. ذاتاً مأموریتی دخی بو نمایشلری اجرادن صکره اصل دونمای هایونی فنیکه ده بکلمک ایدی؛ بناءً علیه. (۱۴۸۰) سنہ میلادیه سی نیساننده (۱۶۰) قطعه مختلف جسمات ونوعده سفن حربیه دن عبارت اولان دونمای هایون رادوس اوکندن گچہ رک فنیکیه وارب، مسیح پاشا معیت موجوده سیله دونمایہ التحاق ایلدکدن صکره مایسک (۲۳) نجی گونی رادوس مقابلنه گلدیلر. دونمای هایونک رادوس پیشگاهنه مواصلتی اوزرینه مسیح پاشا شهرک بر ساعت قدر غرب جهتندہ کائن (سن آتیہن) طاغی دینیلن محله عسکر چیقارمغه باشلامش و جبل مذکورک اوزرنده کی حصارده متحصن شوالیه لر عسکری وخصوصیله طوپلری قره یه چیقارمغه مانع اولمق تشبثندہ بولمشلر ایسه ده مقتدر اوله مدقلرندن ایکی گون صکره پاشا دونمادن چیقارتمش اولدیغی (۳) قطعه جسم طوپلری

لیمانی شامل اولوب، بری شمال جهتندہ کی ترسانه لیمانی ودیکری مملکت اوکندہ کی جنوب لیماندر. بونلرک آره سی اوستندہ متعدد یل دکرملری اولان ونہایتندہ قلعه ایله (سنت الم) فنار قوله سی بولنان طولانی ریختم فصل وتفریق ایلر. مذکور فنار قوله سنک جنوب جهتندہ دخی سطح بحر دن (۱۵۲) انکلیز قدیمی مرتفع بولنان مربع الشکل عرب قوله سی [یاخود سنت نیتولو قوله سی] موجوددر. ترسانه لیمانی آغزینک هر ایکی طرفی بر طاقم ریختم خرابه لیلہ طولیدر. جنوبده کی دیگر لیمانک بوغازی عرب ویا سنت نیتولو قوله سیله کاندیه برونی میانی اولوب، سفائنک آمدوشد ایتدکری اصل لیمان دخی بوراسیدر.

[۶] فنیکه لیمانی - بحر سفیدک قرمان سواخلی اوزرنده موجود اولان متعدد لیمانلر دن بریسیدر. بولیمان فنیکه برونیله (۱۴) میل بعدندہ بولنان قالیدونیا برونی آره سنده کائن، فنیکه کورفزی داخلندہ درین وکوزل برلیمان ایسه ده آنجق جنوب روزکارلیشه آجیقدیر.

(سن نيقولا) ياخود (عرب قوله سى) دينيان طرفه تعبيه ايتديره درك
مذكور قوله اوزرينه آتش ايتديرمكه باشلامشدر .

بو قوله اوزرينه (۳۰۰) قدر دانه انداخت اولنه رق يرايله يکسان
اولمق درجه سنه وارديرلمش ايسه ده شواليله لر ايجرى طرفندن يکي
بر خندك آچوب . آغاچدن سپرلر دخي انشا ايلمشدر . مسيح
پاشا آرتق هجوم ايله ضبطنه تشبث ايددرک بر زنجيره قايقلر ربط
ايتمک صورتيه وجوده گتيرديکي سهولته متحرک برکوپرى يي دکزدن
چکوب ، بر اوجنى ساحلک چيقتيلي بر محله ربط ايله سن نيقولا
خرابه سى آردسنه اوزاندى و ديگر اوجنى مذکور خرابيه ربط
ايلدى ايسه ده همان اوگيجه شواليله لر زنجيرى قيروب ، کوپرى يي
دکزه طوغرى تبعيد ايلدکلرندن عثمانيلر ايجون بو کوپرى يي تکرار
چکوب ، گتيرمکه مجبورييت حاصل اولدى ؛ و مذکور کوپرى يي
سابقى مثللى عرب قوله سنه ربط ايتدکلرى زمان حزينانک (۱۹) نجى
گيجه سنه تصادف ايدوب ، بوگيجه دکز غايت فورطنه لى اولديغندن
تمام عساكر عثمانيه کوپريدن و دکزدن صنداليله هجوم حالنده ايکن
کوپرى اوچ يرنندن قيريله رق اوزرنده بولنانلر دکزه دوکمش و کنا-
ردن بو حالى مشاهده ايدن شواليله لر بيوک طاشلرى آتمغه مخصوص
برنوع مانجنيق ايله سابقاً عثمانيلرک انداخت ايتمش اولدقلى طوب
مرمياتنى تکرار صندالرده بولنان عساكر باقيه اوزرينه آتوب ،
باطرمغه باشلاديلر . بو جهته وقوع بولان هجوم دخي بر موفقيتي
انتاج ايتمکسرين رجعت مجبورييت حاصل اولدى .

بو حالى مشاهده ايدن [*] مسيح پاشا موجود طوپلرک کافه سنى

[*] پاشاى مشار اليه فاتح سلطان محمد خان حضرتلرى و زراى عظامندن اولوب ، کدک احمد
پاشانک (۸۷۸ هـ) تاريخنده مقام قيودانيدن انفصالنه مبنى اشبو منصب جليل القدر ايله تبديل
قلنش ايسه ده رادوس فتحنده وقوع بولان قياضته وعدم موفقيته بناءً (۸۸۹ هـ) تاريخنده وزارقى
رفع وکليبولى سنجاغى توجيبيسه در دولتدن دفع ايدلمشدر ؛ فقط عصر بايزيد خان ثانى اولان

عرب قوله سیله یهودی محله سی آرمنده ، یعنی قلعه نك شمال جهتده کی دیواری مقابله تعیه ایده رك گیجه لی گوندزلی آتسه دوام ایله (۳۵۰۰) عدد مرمر گوله آتمش وعظیم برگدك آچمشدر . هر نه قدر شوایلهلر سورك بو قسمی ضعیف اولدیغنه منی بو جهتده کی خانه لری کاملاً هدم ایله ایچ طرفه برخندق وبردیوار دها علاوه سنه موفق اولمشلر ایسه ده بو ایکنجی دیواره انداخت اولنان جسم مر میاته تاب آور مقاومت اوله میه رق خراب اولمش ایدی ؛ فقط « پهر ده بوسون » هجومك الك شدتلیسی بوگدكن وقوعه گله جکنی بالحساب کوکرت وطون یاغی و بالومی گبی سریع الاشتعال مواد ملتبه دن اعمال اولمش خیره لرله قارشیلایمق اوزره عثمانیلری او جهتدن بکلدی .

واقعا مسیح پاشا قلعه فتح اولندیغی صورتده ایستندیکه گبی یغما ایچون عسکره مساعده ویریه جکنی اعلان ایله تشویقاندہ بولنه رق تمام هجومه باشلانوب ، عسکر مذکور گدکن ایجریه گیرمش وحتی سورك اوزرینه مسیح پاشانك بایراغی بیله دیکلمش اولدیغی گبی قلعه نك ایچ طرفه اینلمك ایچون دخی (۴) عدد واسع زردبانلر اقتضا ایدن یرلره قونلمش ایدی . ایشته آرتق قلعه آلمش دییه حکم اولنه حق بر زمانده مسیح پاشا درون قلعه ده کی اموال ذات شاهانه نك اوله جغی وهیچ بر عسکرک یغما یه قویلمسنه رخصت ویرلمیه جکی بیانیله اولمکی وعدینه مغایر اعلاناتده بولمش اولدیغندن هنوز قلعه خارجنده بولنان عساکر ایجریه گیرمکدن واز گچدکلی گبی اولجه ایجریه گیرمش بولنانلرده طیشاری یه چیممغه باشلاد .

(۹۰۵ هـ) تاریخنده منصب صدارت علیایی احراز ایله مشار بالبنان اولوب ، بر مدت اداره امور دولته بذل غیرت ایلدکدن صکره وخریق اثناسنده یوسک برمحلدن دوشه رك آیاغی قیرلغله بو کیفیت باعث ارتحالی اولمشدر . مرحوم مشار الیه دولت علیه نك (۱۲) نجی قیودان دریاسی اولوب ، (۶) سنه مقداری بومقام معلاده اجرای حکم وتفوذ ایشل ایدی .

قلرندن رادوسایلر بویله قلعه ایچنه گیرن دشمنك براقوب، چیقمنسی بر معجزه نصرانییه حمل ایدهرک اول قدر جسورانه هجوملره باشلادیلرکه، داخلده قالان عسکرک همان هیچ بریسی قورتیله مدینی و خندقلرک عادتاً شهدا نعلیلرله مالا مال اولدینی حالده ایکی ساعت قدر بر مقاتله دوام ایتدی.

شوفلاکتک ظهورینه باعث اولان کیفیت ایسه مسیح پاشانک بخلی و عسکرک طمعی اولدیغنده شبهه یوقدر. بو صوک بوزغونلغه قدر محاصره (۳) آی مقداری امتداد ایدوب، مدت مذکوره ظرفنده طرف عثمانیاندن (۹۰۰۰) شهید و (۱۵۰۰۰) مجروح وقوعه گلدیکی جمله تخمیناتنددر. عثمانیلر تکرار دونمایدی گوردکاری صروده (۲) قطعه ناپولی سفینه سی رادوسه امداد و مهمات گتیرمکه بونلری لیمانه صوقه مق ایچون مسیح پاشا پک چوق غیرت گوسترمش و بریسی ایچه زده لمش ایسه ده موفق اوله مدیغندن گمیلرک ایکسی ده لیمانه گیره بیلملردر. نهایت مسیح پاشانک اردو و دونماسی فنیکه لیمانه چکلوب، اورادن دخی استانبوله عودت ایلدی. پاشای مشار-الیهک فاتح طرفندن پک شدتلی بر عقوبت گورمسی مأمول ایکن یالکز وزارتدن عزلی و گلیبولی سنجاغنه نصیله اکتفا اولندی.



اوچىنچى فصل

سلطان بايزيد ثانى و سلطان سليم اول دورلر يله سلطان سايمان
قانونى ايام سلطنتك خىرالدين پاشا قىودانلغنه قدر اولان
وقوعات بخر يه سنى شاملدر .

(عن ۶۸۸ الى ۹۴۰)

دوئنانك امور تقليه ده استخدای — كمال رئيسك اسپانيا صولرينه عزيمتى
— مصر سفرى مالبه سيله قرمان سواحله دوئنا سوق اولندينى — اولونيه
سفرى — لپانتو (اينه بختى) سفرى — ونديك كفالونيه آطه سنى استرداى
— ونديكليرك يكي انشا اولنان عثمانلى گميرينى احراقى — مودون وقورون
وناوارين سفرلى — مدالى سفرى — متاركه موقته صورتيله اسفار
بخر يه فيصل و يرلديكى — رادوس ققى — سلمان رئيسك بخر احرفى .

دوئنانك امور تقليه ده استخدای — سلطان بايزيد ثانى
حضر تارينك دور سلطنتلى وقوعات بخر يه سندن برنجيسى (۸۸۹
ه ، ۱۴۸۴ م) سنه سنده (مولدوا امارتى) اوزرينه حرکات عسكريه
اجرا بيوردقلى زمان دوئناى هايونى قره دكزه اخراج ايدهرك
طوب و جبخانه گي احوال ثقيه يي طونه طريقه بخر آ نقل ايتيرملرى
واردوى هايونك طونه دن مرور و عبورى قضيه سنى تأمين خصوصنده
ينه دوئناى هايونى استخدا ايلملرى اولوب ، سفر مذكورك نتيجه -
سى اوله رق دخى مولدوانلر تاديب و كيلي و آكرمان قلعه سى
تسخير اولمشدر .

کمال رئیسک اسپانیا صولرینه عزیمتی — ایکنجی عصر هجر-
تده اسپانیاده تشکل و تأسس ایدهرک عصر لرجه اوروپا اقطار
غریبه سنی نفوذ و اقتدار عسکریلریله اخافه ایتمش و قدرت علمییه
و آثار مدنیلهلریله قطعۀ مذکورده تمیز ایلمش اولان اندلس دولت
اسلامیه سنک بلیۀ نفاق و رقابت ایله گیت گیده دوچار ضعف و انقراض
اوله رق مرکب بولندیقی قطعاتدن دوربایزید ثانیده یالکز « بنی احمر » ک
تحت اداره لرنده بولنان (غرناطه) حکومتی باقی قالمش ایدی . حال
بوکه ، قاستیلیه و آراغونیه قرالی « فردیناند قاتولیک » بودفعه قطعۀ
مذکورده بی ده ید اسلامدن نزع ایتک اوزره برتجاوز غدارانه یه قیام
ایلمش اولدیغندن بنی احمرک الک صوک حکمداری طرفدن غایت تعظیم
کارانه برنامه ایله درسعادتیه برسفیر گوندریلوب ، حال اسف اشمالرینه
ترحمًا « سلطان یازید » حضر تلیرنک معاونت و عنایت پادشاهیلری
استرحام اولمشدر . هر نه قدر دولت علیه بو ائشاده مصر کوله منلریله
حرب اوزره ایدیسه ده ینه ذات شاهانه اندلس اهل اسلامک اشبو
استمدادلرینه امرای بحریه دن مشهور [°] « کمال رئیس » قومانداسنه

[*] عثمانلی امیرالری میانشده اشتهار ایدن ذوات نادرده دن بریسی ده کمال رئیسدر . بومشهور
ذات دور « سلطان بایزیدخان ثانی » مظفریات بحریه سنک فتوحات بریسه ندن دها پارلاق وشانی برصو-
رتده جلوه کر ساحۀ بروز اولسنه خدمت ایدن امرای بحریه نک سرتاجی ومدار فخر و ایتهاجیدر .
اوائل حالنده قیودان کویکو سنان پاشانک کوله سی اولوب ، دها کیوک یاشنده ایکن پاشای مشار
الیه طرفندن مابین همایونه تقدیم اولنش ومنظور حضرت شهریار ی اولدقده حسن و جمالده یکتا
برنورسیده نهال اولسی حسن توجه حضرت پادشاهی بی استیلا یه بادی اولغله برلطف مخصوص
فوق العاده اولق اوزره اسمی طرف شاهانه دن « کمال » تسمیه اولنش واندرون همایونده تحصیل
وتربیه سنه اعتنا اولنسی دخی تنبها ت اکیده حضرت پادشاهی اقتضای عالیسندن بولنش اولغله
مومی الیه آرز زمان ایچنده حسن و جمالی قدرده کسب عرفان و کمال ایدهرک الحق برکوهر فرید واکمل
اولدیقی حالده ترسانۀ عامریه چراغ بیورلشدر . بو طریقه دخی جزوی بر مدت طرقتنده کسب
مهارت و ترقی ایدهرک زمرة قیودانانه داخل وکیده رک بالاستحقاق امیراللق رتبۀ رفیعهنه قدر واصل
اولشدر . دونخای همایونده امیرالقلعه اشتهاری (۱۵۸۳) تاریخ میلادیسندن اعتباراً اولوب ،
هرنه قدر قدری قیودان دریالق مقام معلاسی احرازه دکین کندیسینی سوق ایتشمش ایسه ده حد
ذاتنده لیاقت فوق العاده احصایندن اولسم و سیمای ذات شاهانه نک پک زیاده مظهر حسن توجهی
بولنسی جیتلریله خدمات بحریه نک الک دیققلرنده استخدام اولندیقی کبی بولندیقی محاربات جسیه نک
همان کافه سنده ده هرنه قدر کندندن بیوک رتبیه بی حائز بر قیودان دها بولنش ایسه ده ینه دونخای

تودیع ایلدیکی بر فیلو دونتانک اسپانیا سواحانی اورمغه ارسالیله مقل۔
 بله ایلمشدر؛ فقط دونتا حائز اهمیت برایش گورمکسزین عودت ایلدی۔
 دونتانک برایش گوره میشی مجرد بو قطعه نك ممالك محروسه دن اوزا۔
 قلغیه برابر برده شهزاده جمك اوروپاده بولنسی حسیله اسلامك
 بوصورته اتفاقی گورن اوروپایی اولکیاره نسبت قبول ایده میه جك
 بر اتفاقه دخی مجبور ایده بیلیر مطالعه سیله دولت علیه نك خصوص
 مبحوث عنه اول قدر اهمیت ویرمه مش اولسنی ایما ایدر؛ بناءً علی
 ذلك، کمال رئیس بس بللی طرف شاهانه دن آلمش اولدینی تعلیماته مبنی
 بولمخدرکه، دونتانك حرکاتی یالکز نمایشدن عبارت عد اولنه جق
 بر دائره دن خارجه چیقارمیوب، اسپانیا صولرنده آنجق حامل
 اولدینی رایت عثمانی یی گوسترمکله قناعت ایده رک قوری برته دیده
 بولنش واوروپایی آياقلاندير مامغه غیرت ایلمشدر (۵۸۹۲، ۱۴۸۷ م)۔

مصر سفری مناسبتیله قرمان سواحله دونتاسوق اولدینی

— فاتح حضرتلرینك دور اخیر سلطنتلرنده حج یولنده کی
 صهرنچلری تعمیره مصریلرک مخالفت ایتملرندن و ذوالقدر امارتنه
 مداخله لرندن وسائرهن طولایی دولت علیه ایله مصر حکومتی بیننده

همایونك عمومی قوماندانلی یه مهارتنه تودیع قلنش اولسی حسیله شهرتی برقات دها آرمشدر۔
 بوذاتك محارباتی یازان بر قاچ انكلیز مؤرخلری ونديك واسپانیولر و ملل سائره علیه نائل
 اولدینی برقاچ بیوك غلبه نك كنندیسنه یادکارابیدی اولان شان و شرفی عادتاً «سلطان سلیمان قانونی»
 آمیراللرینك بیله شهرت غالبانه لرینه فائق طوتیله بیله جك درجه لره گوسترمكده درلر۔ دعوالرینی
 اثبات ایچون دخی سلطان سلیمان دورنده کی آق دکرده کرن عثمانی کمپیلرینك مهارت بعریلری
 سلطان بایزید دورنده کی کمپیلرک اقتدار بعریلرندن قات قات زیاده اولدینی بالاتیان اولیه مجمعی
 کمپیلرله محاربات جسمیه قازانان بر ذاتك معلم افراد ایله نائل ظفرو غلبه اولان آمیراللردن دها زیاده
 مدح وستایشه مستحق اوله جغی افاده ایتمکده درلر، شو سوزلرینك ردینه دخی امکان یوقدر۔ شایان
 تأسفدرکه، بعریونزك بحق مدار افتخاری اولان شوعلی ذاتك مدفنته وتاریخ وفاتنه ومدت حیاتنه
 دائر بر یرده بر صراحت بوله مدق۔ کویکز ایستردی که، الك کچوك خصوصیت حالنه بیله کسب وقوف
 ایله زماننده اوروپا دوخالرینه ایراث دهشت ایلش اولان شو قهرمان حقنده کی معلوماتی توسیع
 واول وجهله تعریر ایده لم۔


منافرت ظهور ایلمش ایدی. دور بایزید خانی ده دخی کوله منلرک دولت عثمانیه حقننده کی آثار خصومتی زائل اولمامش بولندیغندن سلطان جمه حمایه یوزی گوسترمک واستانبوله عزیمت قصدیه مصردن گچن هند سفیرینک برابرنده اولان هدایای نفیسه نك اکثریسی عادتاً غصب وغارت درجه سنده الندن آلمق وحدود اوزرنده دولت علیه ممالکندن معدود اولان بعض قلاعی ضبط ایتک گی برطاقم تجاوزاته متجاسر اولملری اوزرینه (۸۹۰ هـ، ۱۴۸۵ م) سنه سی نیساننده مصر یلرله حرکات خصمانیه ابتدار اولنمشیدی. بوخصاصمه برخیلی زمان دوام ایتش ومحارباتک همان اکثریسنده عثمانلی قوماندانلری ییننده کی رقابت سیئه سیله مصر یلر غالب اولمش بولندقلری جهته (۸۹۳ هـ، ۱۴۸۸ م) سنه سنده مصر یلر علیننه سوق اولنان برجسیم اردویه قوه الظهر اولق اوزره [°] «هرسک احمد پاشا» قومانداسیله (۱۰۰) قطعه سفائن حربیه دن عبارت برده جسم دونما قرمان سواحله ارسال ایدلشد.

احمد پاشا دونمای هایون ایله طوغریجه قرمان سواحله عزیمت ایدهرک سوریه قطعه سنندن گله جک اولان بر اردونک همه حال

[*] مشارالیه خروانی الاصل اولوب، زمان صباوتنده مخفر سلاطین عظام ابو الفتح عالی مقامک کعبه الامال اولان باب سعادت مأبده آبیاری دست تربیه اولهرق آناتولی بکتر بکلیکی رتبه رفیع سنه قدر تصاعد ایتش وعصر بایزید خان ثانیده عنصاهرت پادشاهی به نائل و (۸۹۳ هـ) سنه سی منصب جلیل قپودانی احرار ایله مقبوط الامائل اولمش و (۸۹۸ هـ) ده عزل و (۹۰۲ هـ) سنه سنده صدرصدارنه صعود و برسنه صکره عزل ایله (۹۰۴ هـ) سنه سنده تکرار مستند قپودانی به نقل اولنهرق (۹۰۹ هـ) ده ثانیاً مستند افروز صدارت و (۹۲۴ هـ) سنه مقداری تمشیت امور انامه تشمیر ساعد همت ایلوب، (۹۱۲ هـ) ده معزول و کالاول جاه والای قپودانی ایله دریامورینه مشغول اولدی. (۹۱۷ هـ) ده اوچنجی دفعه اولهرق مهر هایون ایله کامیاب اولوب، سنه مزبوره خلانسنده اختفا ایدهرک (۹۱۸ هـ) ده یاوز سلطان سلیم خانک جلوسی اوزرینه ینه تشریف صدارت عظمای ایله تکریم اولندی. (۹۲۰ هـ) ده تکرار دوچار سله عزل اولوب، (۹۲۲ هـ) ده بروسه محافظه سننده ایکن ارتعالی وقوع بولشدر. مرحوم مشارالیه بو ترتیب اوزره (۴) دفعه نائل صدارت و (۷) سنه ایضای وظیفه وزارت ایلدیکی کی، دولت علیه عثمانیه مرک (۱۳) نجی قپودان دریایی اولوب، (۳) دفعه بومقام معالی احرار و (۱۵) سنه مقداری امور دریاده اقتدار فوق العاده ابراز ایتش عاقل و کامل بر وزیر بی معادل ایدی.

گچید محلی اولان (بقرص) در بندی پیشگاهنه گلوب ، سفن
 هایونی تمام مذکور در بند استقامته تعبیه ایلمشدر ؛ چونکه ،
 بو گچید بر طرفدن یالچین قیالر و بر طرفدن دخی دکزله محاط
 وغایت طار و ایجه بر یولدن عبارت اولوب ، حتی طارلغندن
 کنایه اوله رق دخی (صقال طوتان) نامیله اشتہار ایلمش اولدیغندن
 پاشانک بو نقطه یی انتخابده کی اصابتی عسکرلک نقطه نظرندن
 فوق العاده تقدیر اولنورایسده نه چارہ که ، تمام مصر اردوسی گچیده
 تقرب ایلدکری زمان ظهور یافته اولان شدید بر فورطنه بلاسیله
 دونم ای هایون بو آچیق ساحلده بارینه میوب ، بالطبع ترک موقعه
 دکزه آچلمغه مجبور اولمش و حتی موقعی محافظه عنانده بولمان
 اکثر سفائن دخی غرق و شکست اوله رق مقصده موفقیت حاصل
 اوله مامشدر . بو حالی مشاهده ایدن مصریلر فرصتن استفاده ایدہ رک
 بر حرکت سریعه ایله گچیدی گچوب ، دونم انک ایراث ایدہ جکی
 ضرر کلیدن پک اوجوز قورتلمشلر وسیحان و حیجان نہر لر نی ده
 بالورور آٹنه ایله طرسوس آره سنده (آغا چایری) دینیلن غایت واسع
 بر صحرایہ نزول ایلمشدر .

بورادہ عساکر عثمانیہ ایله شدید بر محاربه لری وقوع بولوب ،
 غلبہ دخی مصریلر طرفندہ قالمش اولدیغندن آلتان اموال غنائمی
 مصر قوماندانی « اوزبک » در عقب مصرہ ارسال ایتک اوزرہ بر فرقه
 عسکرلہ یولہ چیقارمش و تمام (صقال طوتان) گچیدینہ گلنجه ذاتاً
 ہر سک احمد پاشا ہوانک مساعده سندن بالاستفادہ اورایہ دونمادن
 عسکر چیقاروب ، مصریلرک خط رجعتی کسمش اولدینی جہتلہ
 بورادہ دخی شدتلی بر مقاتلہ وقوعہ گلہ رک ہرنہ قدر مصریلر
 کنیدیلرینہ یول آچوب ، گچہ بیلدیلر ایسده میدانده بر چوق مقتوللریلہ
 برابر گوتور مکدہ بولندقلری اشیانک دہ کافہ سی قالدی . بو محاربه



(۱۴۸۸) سنه میلادی می آگستوس ماهنه مصادف اولوب ، بعد الحاربه دونمای هایون دخی در سعادتہ عودت ایلمشدر . فی الحقیقه ، دونمانک سواحلی مذکورده بولمسی نفع کثیرندن طولایی دولتجه ملتمز ایدیسده اول زمان سوریه سواحلی کاملأ مصر مالککندن معدود اولدیغی گبی قرمان سواحلیک دخی بر قسمی مصر لیلر یندنه بولندیغی و دولت علیه نک ایسه اورالرجه دونماظر فندن سواحلی مذکورده ی هر زمان تحت نظارت و ترصدده بولندیره بیله جک یقین بر لیمانه مالک اولمندیغی برر مانع قطعی اولوب ، هر نه قدر وندیکیلر اداره سنده بولنان قبرس جزیره سنک (ماغوسه) لیمانی بوسواحله قریبتیه برابر دونمای استیعابه کافی و محفوظ بر موقف بحری اولمسی حسبیله مصر ایله دوام ایدن محاربه نک ختامنه قدر دونمای هایونک بولمانی اس الحركات حربیه اتخاذ ایلمسی ایچون دولت علیه طرفندن وندیك سناتوسنه مراجعت اولمش ایسه ده محاربه مذکورده وندیکیلرک بی طرف بولملری بو طلبک حصولنه مانع اولمشدر ؛ خلاصه ، مصر محاربه سی ده بر خیلی زمان دوام ایتمش ونهایت تونس آمیرینک توسط ورجاسیله (۱۴۹۱ م) سنه سی طرف دولت علیه دن عقد صلحه موافقت اولمشدر .

آلونیة سفری — محارستان قرالنک وقوع وفاتیله یکی نصب اولنه جق قرالنک امر انتخابنده محارزادکانی طرفندن اتفاق آرا حصوله گلمیشندن طولایی ظهور ایدن محاربات داخله دن بالاستفاده دولت علیه نک اوته دن بری نصب نظر طمع ایلمش بولندیغی (بلغراد) قلعه سنی الده ایتک افکاریله سمندیره والیسی « خادم حسین پاشا » قلعه مذکورده ایله جوار قلعه لرک قومانداننه تحت محافظه سنده بولنان قلعه لری

تسلیم ایدہ جک اولور ایسہ ینہ کندیس ی اورالرہ قوماندان نصب اولندقدن ماعدہ طرف دولتدن بر یوک پایہ دخی نائل اولہ جنی بیلدیرلمش و قوماندان مومی الیہ طرفندن ذات شاہانہ او جہتلرہ تشریف ایدوبدہ بر صولت عسکریہ گوسترہ جک اولورلر ایسہ کندیس ی دخی گویا مغلوب اولمش گی بر طورلہ تابعیت عثمانیہ ی قبول ایلیہ جکنہ دائر بر جواب موافق آلمش اولمغلہ سلطان بایزید خان حضرتلری خادم حسین پاشانک انہاسی اوزرینہ بلغرادک فتحندہ کی سہولتہ شہہ ایتیمہ رک صوفیہ قدر وارمشر و آرناوودلق ساحلنہ دخی — حین حاجتدہ وندیک کورفزندہ مجارستانی اشغال ایدہ جک بر حرکت عسکریہ اجراسیچون — احتیاطاً قپودان دریا [°] گوکیو سنان پاشا قومانداسیلہ (۳۰۰) قطعہ مختلف جسامتدہ سفن حربیہ دن عبارت بر جسم دونما دخی آلونیہ ساحلنہ سوق و اخراج بیورمشلردر (۸۹۸ھ، ۱۴۹۳م). بوسفرده مجارلیلرک در عقب بر قرال انتخاب ایلہ عثمانیلرہ قارش ی متفقاً حرکت ایتلرندن طولای ہر نہ قدر بلغراد فتحنہ موفقیت حاصل اولہ مامش ایسہدہ اردوی ہایون پک چوق مظفریاتہ نائل اولمش ونہایت مجارلرلہ عقد مصالحہ ایدیلوب، ذات شاہانہ عنان عزیزمتنی آرناوودلق طرفہ توجیہ ایلہ اورالرجہ دخی خیالیجہ مظفریاتہ نائلیتلہ برابر بحر آ دخی دونمای ہایون آلونیہ و خروااتستان ساحللرینی اورہرق بوجہتندنہ قدرت عثمانیہ ی ارانہ یہ موفق اولمش و موسم شستا تقرب ایدوب. سفر زمانی گچنچہ گلیولی پہ عودت اولنمشدر.

[°] مشارالیه عصر بایزید خان ثانی اولان (۸۹۸ھ) سنہ سی ہر سک زادہ احمد پاشانک برنجی عزلندہ منصب جلیل قپودانی ایلہ بکام بیوریلوب. آلونیہ سفرینہ عزیزمت و بعدالعودہ عزل اولنش و باقی ترجمہ حالتہ دسترس اولنہ مامشدر. دولت علیہ نک (۱۴) نجی قپودان دریاسی اولوب، آنجق برس نہ مقداری بو مقام معلاہدہ بولنہ ییلدی.

اینه بختی سفری — ونډیک جمهوریتک مصر سفر نده دونمای

هایونی ماغوسه لیمانه قبول ایلمیشی و سلطان جک اوروپاده اسارتی حبسیله دها برطاقم طفره فروشلقره قیام ایلمش اولمسی گبی اسباب سیاسیهدن طولایی وقت مرهوننده دولت علیهک برانتقامنه دوچار اوله جخی کندیسینک دخی معلومی اولغله سلامت سیاسیهدنی تأمین و مناسبات دوستانه سنی تجدید ایتمک گبی بر فکر دور اندیشهانه ایله درسعادته بر سفیر ارسال ایلمشیدی؛ فقط بوسه سفیر درسعادتجه پک صغوق قبول اولمش و حضور شاهانه یه چیقنجه یه قدر آرهدن پک چوق زمانلر گچمش و بر چوق مشکلاته دخی تصادف ایلمشدر. بو حال ونډیک جمهوریتنی پک زیاده اورکوته جک احوال دن اولدینی گبی گلیسولی و استانبول ترسانه لرنده دخی بر بیوک تدارکات بحریه گورلمکده اولمسی جمهوریت مذکوره نک بوسبتون توحشنی آرتدیر. مقدمه ایدی. بو جهته ونډیک جمهوریتی دخی الده بر احتیاط اولمق اوزره غایت قوتلی بر دونما تجهیزینه باشلامشیدی.

سفیرک حضور شاهانه یه قبولندن (۱۵) گون مقدم قپودان دریا [°] داود پاشای ثانی قومانداسیله یکر میسی قالیون و آلتش یدیسی ماونه وقضوری قادرغه نوعندن اولمق اوزره مجموعی (۱۶۰) گمیدن عبارت بولنان عثمانلی دونماسی (۶۳) بیکدن متجاوز عظیم بر اردویی حاملاً هنوز ونډیک النده بولنان مودون واینه بختی [لپانتو] به عسکر چیقارمغه گیتمشیدی. مؤخرأ دونمای هایونه آق دکره مامور

[*] مشارالیه عصر سلطان بایزید خان ثانی اولان (۸۹۸ هـ) تاریخنده سنان پاشانک عزلی اوزرینه مقام قپودانی به کلوب، (۹۰۴ هـ) سنه سنه قدر بومقام معلاده بولنش وسنه مذکورهده ایکنجی دفعه هرسک زاده احمد پاشا قپودان دریا نصب اولنهرق دونمای همایونه مأمور اینلش ایسهده داود پاشا دخی معیتنده بولنوب، ایقای حسن خدمته سعی وغیرتدن کپیری طور مامشدر. داود پاشا دولت علیه نک (۱۵) نجی قپودان دریاسی اولوب، (۵) سنه بالفعل بو مقام معلاده بولنهرق اکتساب شان ومفخرت اینلش وباقی ترجمه حالته دسترس اولنهامشدر.

سفائن امیریّه سائرہ وبك گمیلری وسائر قورصان سفائنندن عبارت
برفیلو دها التحاق ایلمش اولدیغندن سفائنك مجموعی (۳۰۰) قطعه‌یه
بالغ اولمشدر .

ذات شاهانه چوقدن بری (موره) قطعه سنك تسخیرینی امل ایدتمکده
اولمیرینه منی ایکی سنه دن بری اسباب فتح وظفرک تهیه سیله اشتغال
ایتمکده ودونمای همایونلرینك امور بحریه آشنالری میاننده اك زیاده
کسب تمیز ایدنلردن بریسی اولان «کال رئیس» گبی مقتدر بر ذاتك
نظارتی تحتده تجهیزاته صرف مقدرت ایلمکده ایدیلر . ایشته بو
دفعه کی دکره چیقارمش اولدقلری مدھش دونما بواکی سنه لك سعی
وغیرتك محصول مجسمی ایدی . دونمای همایونی تشکیل ایدن سفائن
کیرهدن (۲) قطعه قالیون اول عصرده انشا اولنان سفائن حربیه نك
اك جسمیلرندن معدود اولوب ، یتمشر آرشون طولنده و اوتوزر
آرشون عرزنده ، ایکشربیک بشریوز طونیلاتهلق عادتا برر قلعه
سیاره ایدیلر ؛ و آنا دیرکلری اشجار متعدده دن متالف اولوب ، قطر
دائرلری دردر آرشون ، چناققلرینك دورهلری ایسه اسلحه ناریه
واوق مثالی آلات جارحه ایله مسلح قرقر نفر مبارزك خلقه واری
اوطوروب ، جنك ایتمسنة مساعد ایدی . بو گمیلرک گوگرته و پلاو-
رهلرنده ایکشر [*] قیالقلری ومذکور قیالقلرک طرفینده ایکشر
عددطوب لومبارلری موجود اولوب ، باتریالرینه موضوع طوپلردن
ماعدایالکنز پرووه جهتلرینه سکزر عددجسیم طوپلر وضع اولنمشیدی .
گوگرته لری قابلامه اولیوب ، قفسلرله تفریش اولنش و پلاوره
قسملرنده بهرینی طقوزر نفر چکمک اوزره یکرمی بشر کورک

[*] کیمیلرک سنباق واسکله باش طرفلرینه کشاد اولنان غایت جسیم لومبارلر اولوب ، سفائنك
انشای سیر وحرکتلرنده اوکلرنده موانع طبیعیه ویاصنعیه دن برشی بولنوب ، بولندیغنی ترصد ایتمک
ایچون استعمال اولنوردی .

لومباری کشاد ایدلمش و قیچچلری قالیون قیچنه مشابه اولوب . قیچ متافوزه لرینه دخی ایکشر عدد [*] (زورق) تعلیق قلمش ایدی ؛ و هر برلرینک مرتباتی ایکشر بیک نفر جنکچی و کورکچیدن عبارت عاده برر بیوک قوت ایدی . بحریون بو نوع سفائی (گوکه) نامیله توسیم ایلمشلدر . بو قالیونلردن برینه دونمای همایونک سجاو فرمسی قوماندانی « کمال رئیس » و دیگرینه اسطه فرمسی قوماندانی « براق رئیس » راکب اولمشلدر . ذات شاهانه مورد اوزرینه بر طرفدن دونما و عسکر سوق ایلدیکی حالده دیگر طرفدن میلانو . فلورانس . ناپولی پرنسلیله پاپا جنابلری و المانیا ایمپراطوری و ندیک پولیتیکه سنه مخالف بولملردن طولای جمله سی استانبوله برر سفیر ارسالیله ذات شاهانه یی و ندیک علینه تشویق اتمکده اولملرینه باقمسزین و ندیکه برعه دنامه دخی عقد ایلمشدر .

بو عهدنامه نك عقدندن صکر دذات شاهانه (۹۰۴ هـ) شوالی غایه سنه مصادف اولان (۱۴۹۹ م) حزیرائی ابتدا سنده ادرنه یه عزیمت بیوردیلر ؛ و اورادن روم ایلی بکار بکیسی « مصطفی پاشا » یی بر قول اردو ایله (اینه بختی) اوزرینه گوندردیلر ؛ و بومیانده دونمای همایونک دخی اینه بختی یه عزیمتی امر اولندی . مصطفی پاشا اینه بختی یه موصلته قو- ماندانی « زوآنو مورقی » یه قلعه نك تسلیمنی تکلیف ایلدیکی حالده قوماندان مومی ایله دخی جواباً و ندیکدن کندیسنه گوندربان تعلیمات اقتضاسینجه اگر و ندیک دونماسی امداده یتیشیر ایسه قلعه یی ممکن دکل تسلیم ایتیه جکنی و مذکور دونما گله میوبده عثمانی دونماسی لپانتو خلیجنه گیرر ایسه اووقت بلا محاربه در حال تسلیم ایده جکنی

[*] مقصدملری دونمای همایونده شمیدی اصول فلكه و صندالیر استعمال اولنیوب ، عادتاً پیاده قایقی شکلده و جسامتجه آنلردن بیوک و باش و قیچ ظرفلری دما طوبلییه قایقلر قولایلیق و بونلر بین البحرین (زورق) نامیله یاد اولنوردی .

و نافله مهاجمانه ابتدار اولمیب ، ایکی دونمانک نتیجہ مظفریتلری
 بکلمک لازم اولدیغی بیلدیرمش اولمغله مصطفی پاشا دخی قلعه‌ی برآ
 تحت محاصره‌یه آله‌رق دونمای هایونک و رودینه منتظر قالدی : حال بوکده
 اوچ آی قدر هوالر مخالف گیتمکه دونمای هایون دکرده طولاً -
 شمعغه مجبور اوله‌رق نهایت بیک مشکلات ایله موره صولرینه
 گله‌یلیمش و سابیازا (Sapienza) آطه‌سیله مودون (Modon)
 آرسنده اقامه‌ لنگر ایدهرک موافق روزگاره انتظاراً (۲۰) گون
 دخی اوراده توقفه مجبور اولمشدر . بوراده آرام اولدینی مدت
 دونمانک صوبی و ذخیره‌سی توکنمش اولدیغندن لاجل التدارک ساحله
 حیقلماق ایستلده دشمن طرفندن منع ایدلیکی گبی و ندیک دونما-
 سی ده یقینلرده بولندیغندن آرده آنلر طرفندن ده تعرض وقوعه
 گلمکده ایدی .

بو حاله واقف اولان موره میرلواسی « خلیل بک » دونمانک
 مودون اوکنده توقفه مجبوریتنی و باخصوص ذخیره‌سی و صوبی
 توکندیکی حالده آلمغه حیقانلرک دشمن گمیلری طرفندن اولدیغی
 اخبار ایدنجه منصب قیودانی « هر سک احمد پاشا » یه توجیه اولنوب ،
 بر قاچ بیک یگی چری ایله سریعاً مودونه ارسال ایدلمش ایسه‌ده
 او ائنه‌ده دونمای هایون دخی موافق بر روزگار بولمش اولدیغندن
 فک لنگرله ناوارین (Navarino) ه طوغری توجیه سکان عزیمت
 ایلیمش اولمغله احمد پاشا برآ دونمای تعقیبه باشلامش و طریق سیری
 اوزرنده بولنان قالاماتا (Calamita) لیمانه اوغرا دیغندن پاشای
 مشارالیه اوراده دونمایه گیرمشدر . بو ائنه‌ده و ندیک دونماسی
 دخی (۱۵۰) پاره سفینه‌دن عبارت اوله‌رق آمیرال « آنتونیو گرمانی »
 (Antonio Grimani) قومانداسیله لپانتو کورفزی آغزینه
 گامش ایدی . آمیرال آنتونیو عثمانلی دونماسنک یقینده بولنمی

حسیله تدابیر حربیه تشبث ایلمش اولدییی بر صرده قهرس والیسی بولنان « لورده دانو » نام وندیک آمرالی دخی قورفودن (۱۵) گمی ایله گلوب ، دونمایه ماحق اولدیغندن دشمنك قوه موجوده سی (۱۶۵) قطعه سفائن حربیه به بالغ اولمش و آمرال لورده دانو گرک فنون بحریه و حربیه ده و گرک رتبه جه آنتونیونك مافوقنده بولندیغندن دونمانك عموم قومانداسنی عهدۀ کفایتنه آلمش اولغله آمرال آنتونیو بو حالدن بالطبع متأثر اولمش ایسه ده خارجاً رنك ویرمیه رنك بو ایکی آمرال ینه متفقاً ترتیبات حربیه باشلامش لدر .

وندیک دونمانسك یقینه بولندیغی عثمانلیرجه ده معلوم اولدیغندن دونمای هاپون امراسی دخی زمان قریبه وقوع بوله جق بر محاربه مدهشه ایچون حاضرلغه باشلادیلر . فی الواقع قپودان دریا هر سك احمد پاشا ایله آنك امرینه تابع بولنان کمال رئیس و براق رئیس ومؤخرأ دونمای هاپونده بولنسی امر اولنان قپودان سابق داود پاشا مهارت بحریه لری حسیله قارشیلرنده کی دشمنه غلبه ایده بیله جک لری امیدنده ایدیه لرده عساکر بحریه نك اغلی هنوز دکنزك عجمیسی بولندقلرندن دشمنك قوتنی کمال خوف ایله تماشا ایلورلردی : خلاصه ، برقاج گونلر بو ایکی دونمانك ایکسی ده یکدیگرینه یاقلاشمغه جسارت ایدیه میه رنك اوزاقدن اوزاغه مانوره اجراسیله نمایشلرده بولنشلر ایسه ده نهایت (سایانجه) آطه سی جوارنده شدتلی بر محاربه یه طوتشمش لدر : شویله که ، بو محاربه ده وندیک دونمانسك اخذ ایلدیکی خط حرب اوچ صرده بورده نظامندن عبارت اولوب ، پیشدار مقامنده اولان برنجی خطه « آمرال آرمه نیو » و ایکنجی خطه « آمرال لورده دانو » اوچنجی خطه دخی « آمرال غریمانی » قوماندا اتمکده ایدیلر . عثمانلی دونماسی ایسه دشمنك شو وضعیت حربیه سنه قارشى بر بورده نظامندن عبارت بر خط حرب

تشکیل ایدوب، مرکزده بالذات قیودان دریا « احمد پاشا »
 قوماندایتمکده اولدینی گبی صاغ جناحه « کمال رئیس »، صول جناحه
 دخی. « براق رئیس » قوماندایتمکده ایدیلر. خط حربہ داخل
 اولان سفائن ایسه (۱۶۰) قطعہ دن عبارت اولوب، سفن سائرہ
 دخی قیودان سابق « داود پاشا » قومانداسیله بونلرک گیریسندہ احتیاط
 فیلوسنی تشکیل ایلمکده ایدی.

دوئمای هایون یلکنله حرکت ایتمکده بولندیغدن براق رئیسک
 راکب اولدینی قالیون خط حربک ایلریسندہ و برازده دونمادان
 آیرلمش بولمغله دشمنک پیشدار فیلوسی قوماندانی « آلبان آرمه نیو »
 (Alban Armenio) نام آمیرال اوزاقدن بو حالی مشاهده ایدنجہ
 کمال رئیسک راکب اولدینی سفینه دخی براق رئیسک گوکھ سنک
 عینی اولدینی و ذاتاً کمال رئیس اول زمانک مشاہیر بحریونندن
 اولوب، دوئمای هایونک روحی مثابه سندہ بولندیغی و بوندن مقدم
 دخی و ندیکیلر بو ذاتک یوزندن پک چوق خسار دیدہ اولمش
 بولندقلری جهتله تمام بو حالی فرصت عد ایدہ رک برگوکه، برماونہ،
 بردہ بارچہ دن عبارت برمفرزه ایله دونمادن آریلہ رق رئیس مرقوم
 اوزرینہ گلدکلرندن طرفیندن بر شدتلی طوپ محاربه سنہ ابتدار
 اولندی. مذکور (۳) قطعہ دشمن سفینہ سندن بری (۱۰۰۰) نفر، دیگر
 ایکیمی بشر یوز نفر موجودلی جسیم قالیونلر ایدی. بو (۳) گمی
 براق رئیس قالیونتی اورتہ یه آلہ رق گرمیء تام ایله آتشف دوام
 ایتدکلری حالده ماونہ ایله بارچہ مذکور قالیونک آتشف طیانہ میوب
 غرق و تلف اولدقلرندن اوزاقدن بو حالی مشاہدہ ایدن آمیرال
 لورہ دانو دخی راکب اولدینی (۱۰۰۰) نفر موجودلی برگوکه ایله محل
 معرکہ یه یتشوب، آمیرال آرمه نیویہ امداد ایلمش و طوپلہ بر ایش
 گورہ میہ جکلرینی آکلادقلرندن ہر ایکیمی بردن براق رئیسک راکب

اولدینی قالیونه سنجاق واسکله بورده لرندن رامپا اوله رق آرتق اساحه قاطعه ایله حربه ابتدار اولنوب ، گمیلردن بری برینه جنکاور لر عبور ایدهرک بر برینک قاننه صوصا مشجه سنه یاقه باجا شدتلی برمقاتله دوام ایلدیکي صروده یکدیگره قارشى آماده حرب ووغا اولان ایکی عظیم دونما دخی قارشیا شمش اولدقلرندن طرفیندن غایت شدتلی بر طوپ محاربه سنه ابتدار ایله آهنگ جنک وجداله گرمی ویرمشاردر : فقط بری طرفده دوام ایدن مقاتله دخی مدھش بر نتیجه ایله ختام بولمشدر : شویله که ، براق رئیس سفینه سی ساعتلرجه (۴) گمی ایله اجرا ایلدیکي محاربه نك تاثیرات مخربه سی ایجاباتندن اوله رق پك چوق تلفات ویرمش اولدیغنه مبنی موجودی آزمیش و حالا طرفینده اولان (۲) عظیم قالیونك عسکریله حربه دوام ایلمکده بولمش اولسی سببیه گیری قالان عسکر نده دخی قدرت و طاقت قلمدیغندن بر صوگ چاره اولق اوزره اوغراشدینی دشمن گمیلرینه روغن نفط ایله آتش ویرهرک هرایکسینی ده احراق ایلمش ایسه ده کندی گمیسینی ده بونلرک آره سندن قورتاره میوب ، اوچی برلکده یانمشلاردر ؛ حتی آمیرال لوره دانو ، آمیرال آرمه نیو ، براق رئیس ایله راکب اولدینی گمینک سواریمی قره حسن ویکي شهر میرلواسی کال بك بو آتش خانمانسوزدن تخلیص جان ایدهمیهرک گمیلرله برلکده یانمشلاردر . بومناسبتله محل معرکه جوارنده اولان ساییانجه آطه سنه عثمانلی بحریونی طرفلرندن (براو آطه سی) نامی ویرلمشدر . دکزه دوکولناری اولسون قورتامق فیکریله دشمنک بر قالیونی ده اگلمش ایسه ده آرتق او زمان دونمای هایون دخی محل فاجعه یه واصل اولمش بولندیغندن بوقالیون طاقیله اسیر ایدلش و براق رئیس قالیونندن دکزه دوکولن (۱۳۰۰) نفرک کافه سی دونمادن ارسال اولنان قایقلرله طوپلانه رق تخلیص ایدلکلری گمی دشمن سفائی افرادندن دخی (۷۰۰) نفر

قدر دكزده يوزمكده اولانلری تلف ايتمك گبی شدتلرده گوسترلمشدر؛ خلاصه، يانان قاليونك عسكرجه تلفاقی آنجق (۵۰۰) نفر مرتبه - سنده در . بوهائله (۱۴۹۹ م) سنه سی تموزی ایچریسنده وقوعه گلوب، دشمنك اڭ بنام ایکی آمرالنك بردن تلف اولیشی انهزامی موجب اوله جق درجه ده احوال مؤسفه دن اولمغله آرتق حربه دوامی تجویز ایدهمیه رك رجعتیه باشلامشار و باقی قالان سفائن ایله آمرال غریمانی هیچ اولمازسه عثمانلی دونماسنك لپانتویه دخولنی منع ايتمك فیکریله خلیجك مدخلنه واروب، دونماسنی مناسبی وجهله تعییه وایکی طرف ساحلی اوزرینه چیقاردیغی جسم طوپلرله دخی برقات دها تقویه ایدهرك مدخل مذکورى گچلمز برحاله قویمشدر . دشمنك دوچار اولدیغی بوانهزام مدهش اوزرینه آرتق دونمای هایونك اینه بختی محاصره سنه عزیمت ایتسی زمانی گلمش اولدیغی قپودان دریا احمدپاشادرك ایله اول جانبه توجیه سکان عزیمت ایلمشدر؛ فقط حین وصولده خلیجك دشمن طرفندن قپادلمش اولدیغی آکلاشلمغله درحال سفن همایون **اربع صره قول نظامی** اوزره ترتیب وتشکیل اولنه رق بووجهله ایار- یلیوب، تمام مدخل خلیجه واصل اولدیغی صرده دشمنك گرک سد راه اولان دونماسنك وگرک ساحله اخراج ایلمش اولدیغی طوپلرک غایت شدتلی مدافعه سی آتشنه تصادف ایلمش ایسه ده گوردیکی شدته قارشى دها شدید بر صورتده مقابله وتمادیاً هجومه دوام ایله دشمنك خط حربی یاروب، ایلری به گچمکه موفق اولمشدر. محاربه مذکورده دخی طرفیندن پك چوق ضایعات وقوعه گلمش ایسه ده دونمای همایوندن ضایعاته، فلانه اصلاً اهمیت ویرلمیه رك هجومه دوام اولیشی بالآخره نائل غلبه اولمق شرفی استحصاله سبب مستقل اولمشدر . بو محاربه دخی سنه مذکورہ تموزینك (۲۸) نجی گونی وقوعه گلمش اولوب، نتیجه سی ینه ونديکيلرك مغلوبیتيله ختام بولش اولدیغندن

آمیرال غریمانی آرتق باقی قالان گمیلری مستصحباً قورقویه قدر فراره مجبور اولمشدر. هر نه قدر (۲۲) قطعه فرانسه سفائی ایله (۲) قطعه رادوس شوالیهلری گمیسندن عبارت بر دونما قورقویه گلوب. آمیرال مومی الیهی رفاقتنده بولنق وعدیه لپانتونك امدادینه یتشمك ایچون تشویقه باشلادیلر ایسه ده مرقوم بر درلو جسارت ایدم مدیگندن فرانسلر کندیسنی قورقوده ترك ایدوب، چککدیلر. دونمای همایون دخی خلیج آغزنده وقوع بولان سالف الذکر محاربه نك نتیجه سی اوله رق کورفره داخل و طوغریجه اینه بختی قلعه سنك اوگنه واصل اولمش بولمغله قلعه مذکوره قوماندانی «زوآنمورتی» برأ و بجرأ محاصره ایدیلن قلعه یی قورتاره بیلمك امیدى «آمیرال غریمانی» ده ایکن آنك ده فرارینی گورنجه (۹۰۵ هـ، ۱۴۹۹ م) سنه سی آغستوسنك (۲۶) نجی گونی قلعه یی عثمانیلره تسلیم ایلدی.

آمیرال «غریمانی» نك عثمانیلره قارشى بر هزیمت کلیمه ده دوچار اولمسی واپانتو قلعه سنه معاونت ایتمكدن عبارت اولان بر وظیفه مهمه یی ترك ایله قورقویه فرار ایلمسی و فرانسه دونماسی طرفندن تکلیف اولنان حرکات حربیه متفقیه یی اجرادن مجانبت گوسترمسی کندیسی ایچون پك بیوک جرائمدن معدود بولمغله و ندیکه عودتنده محاس اعیان طرفندن تحت توقیف واستجوابه آلوب، نتیجه محاکمه اوله رق رتبه سنك رفعیله نفینه و مؤبدأ جزیره بند قلنمسنه متفقاً قرار ویرلمش و ایجابی اجرا قلنمشدر.

سلطان بایزید حضرتلری لپانتو محاصره سنده بولنق اوزره ادرنه دن قالقوب، (قورینت) د قدر گلمش بولندقلرندن قلعه نك تسلیمندن طولایي پك زیاده ممنون اوله رق لپانتو کورفرینك آغزینی هر هجومه قارشى بالکلیه قیامق ایچون بری موره و دیگرى روم ایلی ساحلنه یگیدن ایکی قلعه انشاسنی آناتولی بکلر بکسی «سنان پاشا» یه،

وندیک گمیلری بچمنده (۴۰) گمی انشاسنی دخی پردهوزه سسینجاق
بکی « مصطفی پاشا » یه اراده بیوردیلر؛ وذات شاهانه لری ینه روم ایلی
طریقیه درسه عاده عودت ایلدیلر . دونمای همایون دخی قورینت
جوارنده (اموربک لیمانی) دیه معروف اولان لیمانده قیشلادی .

وندیک کفالونیه آطه سنی استرداد ی -- کفالونیه (۱-)

(phalonia) جزیره سی اواخر عهد فاتحده گدک احمد پاشا طرفندن
فتح اولنوب، بر آرهلق پاشای مشارالیه مغلوب اولان « آتونیه » نام
وندیک اصیلزاده سی طرفندن استرداد ایلدیلر اولدیفی حالد وندیک
جمهوری ابتدای جلوس بایزید خانیده عقد اولنان معاهده موجبنجه
آتونیه اوزرینه (۴) گمیدن عبارت بر مفرزه بحریه گوندروب .
وقوع بولان محاربه ده مرقومک مقتولیتیه جزیره ینه عثمانیلره ترک
اولنمشیدی ؛ فقط طرف عثمانیاندن لپانتونک فتح قطعیمی اوزرینه
جمهوریت مذکورده دخی اوغرا دلدیفی زیانی مهمما امکن تعمیر
وتضمین مقصدیه جزیره مذکورده ی استرداد قیام ایلدیلر . بوخصوص
ایچون دخی وندیک و متفق اولان اسپانیول دونالری « پیزانی »
(Pisani) و « غونزالوه » (Gonzalve) نام امیرالار قوماندالریله
جزیره مذکورده گلوب ، قیصه بر محاربه دن صکره هجوم ایله فتح
ایتمشلدور .

وندیک لارک یکی انشا اولنان عثمانلی گمیلرینی احراقی —

بوندن صکره دخی ینه راحت اوطور میهرق سلطان بایزید حضر تلرینک
پردهوزه متصرفی مصطفی پاشایه انشاسنی اراده بیورمش اولدقلری
یککی اصول سفائنک دخی احراقی چاره لرینی تحرییه باشلامشلدور .

مصطفی پاشا ایسه اراده شاهانه موجبجه اوقیش (۴۰) عدد ماونه
 قوردیروب، کال گرمی ایله امر انشالرینه غیرت ایدمرك (۲۰)
 قطعه سنی دخی اكاله موفق اولمش ودریایه انزال ایتك اوزره بولمش
 اولدینی بر صروده موسم شتا اولمق حسیله گیجه لرك اوزونلغندن
 بالاستفاده وندیکیلر بجرأ پرهوزه پیشگاهنه گلوب، مذکور (۲۰)
 قطعه سفینه یی بر گیجه ده احراق بالنار ایله فراره موفق اولمشلر
 وبوندن ماعدا برخدعه ومهارت حربیه ایله (رنیاسه) نام حصاری ده
 آله رق آرتا (Arta) لیمانی تهدیده قالمشمشلدردر .

ایشته وندیکیلر كرك كفالونیه آطه سنی استردادلری وكر ك
 سفائن مذکور دی احراق ایله حصار ضبط ایتك گبی جرأتلره
 تصدیلری دولت علیه ایله آرهلرنده مقدا (۱۶) سنه دوام ایتمش
 اولان محاربه نك یكیدن وكال شدتله تجدیدینه باعث اوله رق اردو
 ودونمای هایونك موره سواحلی علیه بر ایکنجی حرکتلری ده
 انتاج ایلمشدر .

مودون وقورون وناوارین سفری — ذات شاهانه

وندیکیلر ك بجرأ وقوعه گن تجاوزات مسروده لرینه قارشى موره
 سواحلنده یدلرنده قالمش اولان بعض موقعلر ك دخی ضبطی عادتاً
 وجیهه دن گوره رك بر حرکت متقدمه اولمق اوزره (۱۰۰۰۰) پیاده
 ایله (۲۰۰۰۰) سواریدن عبارت بفرقه عسکریه وبر قاچ نامدار
 سنجاق بکلری « یعقوب پاشا » نك معیته ویروب، ده قیش
 گیچمه دن لپانتویه ارسال ایله اوراده قیشلیان دونمائی تعمیر وترمیمه
 مامور ایلدی . کندی ده (۱۵۰۰) سنه میلادیه سی نیساننك (۷)
 نجی گونی، یعنی (۹۷۰ هـ) سنه سی رمضان اوائلنده د: سعادتدن

حرکتله موردیه واصل اوله رق اواخر رمضانده یعقوب پاشانک
دخی دونمای هایون ایله مودون اوکنه واصل اولدینی خبری
ایریشمکه ذات شاهانه تموزک (۱۲) نجی گونی اورایه واروب .
پاشانک وضع ایتمش اولدینی دائره محاصره دی بالتقویه قلعه یی قرددن .
دکزدن دوکدیرمکه باشلادی . مودون قلعه سی قره جهتمدن اوچ
قات خندق و دیوار ایله مدافعه اولندیغندن هجوم ایله ضبطی غایت
مشکل ایدی ؛ فقط اجرا قلنان دواملی آتشلرله فتیحی قوه قریبه یه
گلمش ایکن خارجدن وندیك دونماسی قلعه نك امدادینه یتشمکه
دونمای هایون بونلرله شدیداً بالحاربه ایکسینی ضبط وبر ماونه لرینی
غرق ایله بر طاقلرینی ده احراق ایلدکلرندن باقیسی فراره مجبور
اولمشر وضبط اولنان گمیلرده بولنان افرادک کافه سی قلعه یه قارشی
اعدام ایدلمش اولمغله بوتماشا مودون محافظلرینی ده ا زیاده غیرته
گتیردرک شدتلی مدافعه یه باشلامشلرایدی . حربک بویله شدتله دوام
ایتدیکی بر زمانده لاجل المعاونه ارزاق و مهمات وبر قاچ بیک تفنک
اندازی حامللاً بر ایکنندی اوزری ورود ایدن (۴) قطعیه وندیك
قادرغهی هرصلسه تیمورلی بولنان عثمانلی دونماسی آره سندن
لایقیله فرق ایدیله مکسزین بالورور طوغریجه قلعه نك اوکنه واصل
اولمش و حامل اولدقلمری مهمات و سائرهی قلعه یه بعدالاجراج گمیلر
احراق اولمشلردر .


ذات شاهانه بو حالی گورنجه غضبنه رق دونما امراسنی شدیداً
تکدیر بیورمغله برابر قلعه محافظلری مذکور گمیلری تخلیه ایله
مشغول ایکن بلکه برایش گوریله بیلیر امیدیه قلعه اوزرینه بر هجوم
عمومی اجرا اولمش و عادتاً بدنلر اوزرینه قدر چیقلمش ایسه ده
محافظلر دخی در عقب مقابله یه شتاب ایله غایت شدتلی بر محاربه وقوعه
گلمش ونهایت بر آیدن زیاده دوام ایتمش اولان محاصره و مهاجمه نك

نتیجه‌ی اوله‌رق (۹۰۶ هـ محرم ۱۵۰۰ و ۱۵۰۱م آگستوس ۱۰) نجی
 گونی قلعه فتح اوله‌رق دروننده بولنان وندیکی محافظلرک کافه‌سی
 قتل عام ایدلمش و بواشاده ویریلن آتشله شهر بش گون بش گیجه
 یانمشدر. مودون قلعه‌سی محاصره‌یه آلدیغی زمان قورون (Koron)
 قلعه‌سی فتحه دخی «علی پاشا» مأمور ایدیلوب، پاشای مشارالیه
 قره‌دن و داودپاشا دخی دوتمای هایونک بر فرقه‌سیله دکزدن اول‌جانبه
 حرکتله ناوارین و قورونی تحت تضییقه آلدیلر ایسه‌ده مودون سقوط
 ایتدکن صکره بولنر ایچون مقاومت امکائی قلمدیغندن محافظلری
 مال و عیال‌لریله برابر وندیکه چکلمک شرطیله بو ایکی قلعه‌ی ده تسلیم
 ایدیلر. بوفتوحاتی متعاقب ذات شاهانه در سعادته عودت بیور مشلردر؛
 فقط وندیکیلر بر آره‌لق «دستو پسارو» نام آمیرال قومانداسنده اوله‌رق
 سوق ایلدکلری بر دونما واسطه‌سیله ناوارین حصارینی کثرت محاصره
 فظدن خالی بولوب، استرداد ایلمشلر ایسه‌ده علی پاشا کیفیته واقف
 اولنجیه در حال در دولته عرض ایله کندی‌ده اول طرفه حرکت
 ایلدی. طرف سلطنت سنیه‌دن کمال رئیس قومانداسیله (۳۰) قطعه
 قادرغه‌دن عبارت گوندریلن دوتما دخی ناوارین پیشگاهنه بالوصول
 لیاننده آرامساز اولان وندیک دوتماسیله حرب ایدهرک کندی
 قوتنک فوقنده اولان مذکور دوتمای کاملاً منهزم ایدوب، (۸)
 قطعه‌سی دخی اسیر وافرادی قتل و اعدام ایلدی. بو صرده علی
 پاشا دخی معیت موجوده‌سیله حصاره هجوم ایدهرک حرباً ایچریسنه
 داخل اولوب، (۳) بیکی متجاوز دشمن قتل و تلف ایدهرک ینه
 قلعه‌ی ید ضبطنه گچیردی.

مدلی سفری — سلطان یازید ثانی حضرتلری فتوحات

جلیله‌لرینی مبین هر طرفه نامه‌لر یازدقلری صرده اوروپا حکمداراننه

دخی بر فتحنامه گوندرمشلر ایدی . وندیک جمهوریتی فتحنامه عثمانی یم مقابل اوروپا حکمداراننه یازدینی عریضهده عثمانیلرک اشبو غلباتی یالکز وندیک علیهنه بر غلبه عد اولمغله قالمیوب ، بلکه عموم عالم نصرانیت علیهنه بر غلبه صایله جغنی وبو فلاکت مغلوبیت بوگون وندیکه ایسه یارین بتون اوروپایه دخی گله جکنی آکلاتجه پاپا آلتنجی «علکساندر بوجیا» (Alexander Borgia) ایله انگلتره وفرانسه و المانیا وایتالیا وناپولی ولهستان و مجارستان وندیکک شوبیا-
 ننامه سندن پک زیاده متأثر اولمشلر ویکیدن بر اتفاو اهل صلیب وجوده گتیره رک (۲۰۰) پاره قادرغه دن عبارت بر متفق دونهای دخی آق دکره چیقارمشلر در . پاپا، اسپانیا، فرانسه، ناپولی، وندیک سفائن حربیه سندن متشکل اولان اشبودونما اسپانیا آمیرالی «غونزالوه» قومانداسنده اولدینی حالده (۱۵۰۱) سنه میلادیه سی تشرین اولنه مصادف اولان (۹۰۷) سنه هجریه سی ربیع الاولنده مدلی یه گلوب ،
 قرده دوکدیک عسا کر متفق ایله قلعنه ک ضبطنه تشبث ایلمش ایسهده کیفیت شهزاده «قورقود» طرفدن خبر آلتدیغندن در عقب (۸۰۰) نفرله کار آزموده بر آغاسنی آیزمنده گوندرمش واورادن قره سی میرلواسی وعسکری ایله برلکده اولدقلمری حالده علی العجله تدارک ایده بیلدکری بر قاج پاره سفائن تجاریه ایله قارانلق بر گیجهده جزیره عبور ایده رک دشمنک خط محاصره سنی یاروب ، حصاره داخل اولمشلر ایسهده بو مقاتله اثناسنده شهزاده مشارالیه ک آغاسی شهید اولمشدر . بو کیفیت طرف شهزاده دن خاکپای شاهانه عریض اولمغله موسمک قیش اولدیغنه باقلمیه رق حاضر اولان دونهای در سعادتن بر مقدار عسکر ارکاب اولندقدن ماعدا آناتولی والیسی سنان پاشا دخی عسا کر موجوده سیله مأمور ایدلدی . اشبو دونما قبودان دریا هرسک زاده احمد پاشا قومانداسنده اولوب، مجاهد





مشهور کمال رئیس دخی معیتده اولدینی حالد مدلی اوزرینه سوق وار سال قلندی.

احمد پاشا مدلی یه یاقلاشدینی صره لرده متفقلر دخی قلعه یه بر هجوم عمومی اجرا ایلمکده ایدیلر؛ فقط بو هجومده فرانسر قوماندانلار ننگ گوستردیکی شدت و قلعه یه گیرمک خصوصنده ابراز ایلدیکی مسابقت بالا خره کله ننگ طرف عثمانیاندن قطعی انتاج ایلمش اولدیغندن بالای حصاردن شهر اولمنی اوزرینه هجوم ایتکده اولان دشمن عسکرنده علائم انہزام رونما اولدینی گبی دونمای هایونک دخی تقرب ایتکده بولمنی دشمنی بوسبتون شایر تدیغندن آرتق هجومدن، فلاندن صرف نظرله یکدیگری چیرجه سنه لیمانده کی گمیلرینه جان آتہرق سمت فراره شتابان اولمشلردر. بو حال ایله چوقه آتہلری جوارینه قدر واصل اوله بیلمشلرایسه ده صانکه یاغموردن قاجارکن طولویه طوتلمه گبی بر فنا فورطنه یه طوتیلوب، اکثریسی غرق وتلف اولمشلردر. بری طرفده احمد پاشا دخی آناتولی والیسنی قلعه ننگ تعمیرینه مأمور ایدوب، کندیسکی دونمای هایون ایله در سعادتہ عودت ایلمشدر.

متارکه موقته صورتیله اسفار بحریه فیصل ویرلدیکی--

عثمانی قوه بحریه سی دور فاتحن بری جداً مصروف اولان هممات عالیہ و اقدامات متوالیہ سایه سنده فوق العاده دینیله بیلہ جک بر سرعتله ترقی یه باشلاوب، عادتاً اول عصرک ائق قوی بر دولت بحریه سی دیمک اولان ونڈیک جمهوریتنک گرک منفرداً و گرک دول سائرہ ایله متفقاً جمع وسوق ایلمش اولدینی بیوک بیوک دونمالرینه مکرراً غلبه یه نائلتله شان ونفوذ عثمانی بی آق دکرزه سایه انداز سطوت اولمق قوتی حائر

بر درجهٔ محسودیه اعلا یش ایکن خیفاکه، «سلطان بایزید» حضر تلیرنک
ضعف پیری به دوچار اولسی حسبیلله انزواسی وکلای دولتک مسامحه
واهمالنه و مزاج حکومتک سوء حالنه باعث اولمغله سالف الذکر مدالی
سفرندن صکره — یعنی (۱۵۰۲) سنهٔ میلادی سنهٔ مصادف اولان (۹۰۹)
سنهٔ هجریه سنده دراج و کفالونیسه عثمانیلرده قالمق و آیا ماوره جز-
یره سی بی طرف بولمق اوزره وندیکیلرله بر متارکهٔ موقته عقدایدلمش
اولدیغندن بعدما — اسفار بحریه بر حال متروکیده بر اقلمش و بونک
نتیجهٔ مؤسفه سی اولمق اوزره دخی نیجه نیجه فداکارلقلرله استحصالنه
موفقیّت حاصل ایدلمش اولان او موقع ممتاز و مشرف الدن چیقارلمشدر؛
خلاصه، اسفار بحریه جه ظهور یافته اولان بو دور توقف «سلطان
سلیم اول» زماننده دخی تمتد اولوب، تادور «سلطان سلیمان قانونی» به
قدر دوام ایده گلمشدر؛ فی الحقیقه، «یاوز سلطان سلیم خان» حضر تلی
بعض محرملریله مصاحبتلی ائساننده بحر سفید دینلن دکزک سبته
بوغازینه قدر عادتاً بر خلیج حکمنده اولمسنه نظراً بویله بر دکزه
بر طاقم ملل مختلفه نک اشتراک نفوذ و حکومتلی قطعاً جائز و مناسب
اوله میه جغنه مبنی بونلرک دست اشتراک لرینی قطع ایتک دولت علیه جه
بروجیهٔ قطعیه حکمنده اولمغله بواصر مهمک حصول اجرا سی چون
لزومی اولان قوهٔ بحریه نک تدارکیله اشبو دکزده اولان بالجله سواحل
و جزایری فتح و تسخیر ایلمک عزم قطعیسنده بولندقلرینی مکرراً
سویلمشلر و بوفکر جهانگیرانه لرینی حیز فعله اخراج ایچون دخی
امور بحریه به شروع ایله فاتح حضر تلی طرفندن (آینه لی قواق) سمتنده
اساسی وضع ایدلمش اولان (ترسانه) نک مشتملاتی توسیع و (بخزنه) و (کوز)
و (مغازه) لرک عدد لرینی تمکین ایتدیره رک سکنز میلیون عثمانی مصر فله
تا غلطه دن خاص کویه وارنجیه قدر (۱۶۰) پارچه ابنیهٔ جسیمه ایله
برده بیوک دیوانخانه بی حاوی بر جسیم ترسانه وجوده گتیرمشلر

وانشآت ایچون لزومی اولان هر درلو وسائلك اكلانه صرف همت
ومقصد مذکوره کفایت ایده جك قدر جسم بر دونما تدارک نه
مسارعت بیور مشلر ایدی ؛ فقط بومیانده ذات شاهانه ایران و عربستان
طرفلرنده بعض اسباب حادثه دن طولانی ظهور یافته اولان غوائل
مدهشه ایله اوغراشمغه مجبور اوله رق تشبثات واقعهلرنده دوچار تراخی
اولمشلر در ؛ ومؤخرأ بو فساد حکومت مصریه نك دخی خفیه
مداخله ایله گرك ایرانیه و گرك اشقیای عربانه معاونانده بولندی
تحقق ایتمه کله آرتق مصر اوزرینه دخی حرکت ایجاب ایدوب . دائره
غیرت دولت مرکز تعین واستقلالده قبول شرکت ایلمدیکی حکمتنه
مبنی تقدیم الایم علی المهم قاعده سنه تطبیق حرکتله مصری ده فتح
ایتمك وبو طریق ایله سواحل عربستانی قبضه تسخیر گچیرمك
ضمیر پادشاهیده یز طومتغله اول امرده اول مصالحت مهمه یه بزل
همت بیوروب ، بوآرده آق دکرجه دخی بیوک مشغله لر چیقارلماق
ایچون عثمانلی قورصانلرینی سفردن قطعاً منع ایتشلردی ،

ایشته بو جهتله دولتک بحرأ اولان شوکتی برقات دها تنزله
یوز طومتش ایسه ده اول وقت عثمانلیرك موسم شباب سطوت
وشانی وعروق حیتلرینك زمان ترقی نشان حدت نبضانی
اولدیغندن سردر هوای جهاد اولان گوکلی قپودانلرک پك چوغی
قورصانلی ترک ایتمه مک اوزره غربه طوغری چسکلوب . حدود
دولت علیه خارجه حقه رق آفریقانه سواحل شمالیه سنده
یرلشمش و کافی السابق اوروپالیر ایله جنك وجدالدن بر آن خالی
قالماشلر در . بونلرک پیشواسی ایسه همان هر ملت تاریخنده وقوعات
غریبه سیله شانلی صحیفه لر تولید یرمش اولان قپودان مشهور ضیرالدیه
پاشای غازیذر .

«سلطان سلیم» حضرتلری خطه مصریه یی فتح و تسخیر ایله عنوان

جلیل الشان **مردوقی** دخی احراز بیوردقدن صکره دارالسلطنته عودتله فکر سابقلرینی اجرا ایچون ینه تدارکات بحریه یه تشبث بیورمشلر ایسه ده خیفاکه، آرهدن ایکی سنه مرور ایتهدن ارتحال ایله عازم دارجنان اولدقلرندن امل قطعیلری اولان اوفکر عالی بی ساحه حصوله گتیرمکه موفق اوله مامشلردر.

«سلیم اول» حضر تلری ارتحال ایدوب ده «سلطان سلیمان قانونی» جالس سریر عثمانی اولنجه اول امرده ملکک اصلاحی جهتی و تبعه نك تزید ثروت و توسیع رفاه و سعادتلری امراهمنی درپیش ایله خصوص مبحوث عنه ایچون دخی تجارت امراهمنه توسل لازم گله جکنی واشبو امر خطیرک اسباب حصولی تجارت بحریه طریقلرینک تحت تأمینہ آلمسنه و دکزده سفائن تجاریه نك هر نوع تجاوز و تعرضدن مصون بولندیرلمسنه متوقف اولدینی اجلدن — و حال بوکه، دور مذکور هر ملت طرفدن قورصانلغه انهماک شدید بولندینی بر زمان اولغلله — بونکده آنجق مکمل بر قوه بحریه یه مالکیتله میسر اوله بیله جکنی نظر حکمتلری اوگنه آلهرق ایشه بو جهتدن باشلامغه قرار ویرمشلردر؛ و دور سلطان سلیم خانیده قپودان دریا اولوب، ترسانه نك توسیع و انشاسنده حسن خدمتی سبق ایتمش؛ و فقط بودفعه مظالمی تبین ایدهرک اعدام ایتدیرلمش اولان [۹] جعفر بکک مقامی یایلاق مصطفی پاشایه توجیه و احسان بیورمشلردر.

رادوس فتیحی — اول زمان دولت علیه نك باشلیجه تجارت طریق استانبول ایله یکی اداره عثمانیه آلتنه آلمش اولان مصر

[*] میر مشارالیه (۹۱۷ هـ) تاریخنده هر سبک ذاده احمد پاشانک مقام قپودانیدن انفصالی اوزرینه جانشینی اولمش و (۹۲۶ هـ) تاریخنه قدر ایضای خدمت ایدوب، فقط تبین ایدن مظالمنه مبنی جلوس سلطان سلیمان خان قانونیده قتل و اعدام ایدلمشدر. دولت علیه نك (۱۶) نجی قپودان دریاسی اولوب، مدت مأموریتی (۹) سنه مقدایدرد.

قطعه سی مایینی اولوب، تمام بو خط اوزرنده و آناتولی سواحله حاکم بر نقطه ده بولان (رادوس) جزیره سی ایسه شقاوت یتاغی و قورسان ملجائی بر محل خطر و تهلکه اولمغه و بوجهتدن مصر و سوریه و قرمان سواحلی ایله در سعادت بینده آمدوشدایدن سفائن تجاریه بهر دم تجاوز و وقوعه گلمکله اول امرده جزیره مذکوره نك فتح و تسخیری لازم اولوب، حال بوکه، دور فاتحده دخی بو خصوصه تشبث ایدلمش اولدینی حالدده موفقیت حصوله گلمدیکی نظر دقت اوکنده بولندیغندن بودفعه کی تشبثده بهمه حال نائل موفقیت اولمق ایچون تدارکات فوق العاده قیام و همان متمادیا (۳) سنه مدت دونما انشا و تجهیزینه صرف اهتمام اولمشدر.

تجهیزات و تدارکات لازمه اکمال اولندقدن و دونمای هایونك قیره عسکری سردارانی وزیر ثانی «مصطفی پاشا» به توجیه بیورلدقدن صکره (۱۵۲۲) سنه میلادیه سی حزیرانك (۱۸) نجی گونی (۳۰۰) قطعه سفن حربیه دن عبارت اولان دونمای هایون پاشای مشارالیه قومانداسنده اوله رق در سعادتدن قیام و قپودان [°] «مصطفی پاشا» طرفندن گلیبولیده احضار ایدلمش اولان فرقه دخی التحاق ایدرهك قالیون، باشتارده، ماونه، قادرغه، قالیته و سائره انواعندن اولمق اوزره مجموعی (۷۰۰) قطعه به قریب بر قوه جسیمه اولدینی حالدده (رادوس) اوزرینه حرکت ایلدی. بو عظیم دونماده بر چوق لوازم و مهمات حربیه دن ماعدا (۴۰) بیك کورکچی، (۲۰) بیك عزب، (۲) بیك بالطه جی و (۸) بیك یگی چریدن عبارت بر قوه کلیه موجود ایدی. سلطان سلیمان دخی (۱۰۰) بیك نفر موجودلی بر اردو ایله (۹۲۸ هـ) سنه سی رجبك (۲۱) نجی گونی اسکداردن حرکت

[*] مشار الیه دولت علیه نك (۱۷) نجی قپودان دریاسی اولوب، عصر سلطان سلیمان قانونی اولان (۹۲۶ هـ) تاریخنده بو مقام عالی بی احراز و بالاستقلال (۱۴) سنه ایقای حسن خدمتله تاریخ ارتحال اولان (۹۴۰ هـ) سالنه دکین بین الامائل سرفراز اولمش بر وزیر صاحب تدبیردر.

ایلمش واردو ودونمائی هایونک مرکز اجتماعی اولوق اوزره [۲] (مرمریس لیانی) انتخاب قلمشدر.

دونمائی هایونک رادوسه اثنای تقربنده قبودان مصطفی پاشا امرای بنامدن « قره محمود » نامنده کی آمیرال معینته بر فیلو ترفیق ایدہ رک رادوس آطه سی توابعندن جزیرہ مذکور دنک طرف غریبسنده وپیسقوی قنلنده و (۶) میل بعد و مسافده کائن اولان کارکی (Karkı) آطه سنه ارسال ایدوب، حصارینی فتح ایتدیردی. دونمائی هایون دخی رادوس قلعه سنک طرف جنوب غریبسنده کائن اولان تریانده (Trianda) لیمانه بالوصول تیمورلادکن صکره اوراده عقد اولنان مجلس حربده نه وجهله حرکت اولنق لازم گله جکنه دائر برخیلی مذاکره و مشاوره جریان ایدوب، نتیجہ قرار اوله رق دخی آغر گمیلرک بر قسمی بوغاز محافظه سنه و قسم دیگر ی مرمر - یسده کی اردوی هایونک نقلنه مأمور ایدیلہ رک اولجه ارسال اولندیلر. مصطفی پاشا دخی باقی قالان (۳۰۰) قدر قادرغه و قالیتہ ایله گیریدن قیام ایدوب، روزگارک یاردمیلہ سریعا رادوس قلعه سنک اوگندن گچہ رک تقریباً (۴) میل بعد و مسافه سنده کائن اولان (اوکوز برونی) (C. voudhi) لیمانه وصول و صندال و قایق لری ماینه ایتدیروب، دونمانک حامل اولدینی عساکری قره یه اخراجہ تشبث ایلدی؛ فی الحقیقه، تریانده لیماندن اوکوز بروننه حین عزیمتده بالایحباب رادوس قلعه سی اوگندن مرور اولندیغندن هر نه قدر مذکور قلعه دن دونمائی هایون اوزرینه سریع و شدید بر صورتده آتش اولنش ایسه ده مرمیاتک اکثریسی گمیلرک اوزرندن آشه رق و آرمه و دیرکلرک

[۲] بولیامده مؤخرآ (۱۸۰۱م) سنه سنده «سیرالفابر قرومی» (Sir Ralph Abercromby) قومانداسنده اولان انسکلیر دونمائه عساکر بریہ سی ایله اردوی همایون فرانسز لری مصر دن چیقار مق ایچون برلشمشدر.

آره لرندن گچهره ك نفوسجه بر زباني موجب اولما مشدر : خلاصه ،
 مرمريسده بولنان اردوي هايون دخي جزيره نعل اولوب .
 صوگي آلدقدن صكره «سلطان سايمان» حضر تلي ده بالذات جزيره ني
 تشريف ايتمكه آرتق قلعه نك هر طرفدن محاصره و تصديقنه ابتدار
 ايدلدی . پادشاهك جزيره و صولي (۹۲۸ هـ) سنه مي رمضاني
 اوائلی ، يعنى (۱۵۲۲) سنه ميلاديه سي تموزينك (۲۸) نجی گونی
 اولوب ، اصل محاصره ده دخي آغستوسك ابتدا كي گونی باشلانلدی .
 سلطان سايمانك بو دفعه كي رادوس اوزرينه حركتلرنده مذكور
 جزيره ده ساكن اولان شوالیه لرك [۰] « غران متری » سي
 « ويلیه دو لیل آدام » (Villiers de l'Isle Adam) نامنده
 مشهور بر فرانسز اولوب ، معیتده بولنان عساكر منتظمه دخي
 (۶۰۰) نفری شوالیه صنفندن اولق اوزره هپسی (۵۰۰۰) نفردن
 عسارت بر قوه جزويه ايمش ! فقط بونلردن ماعدا گمیلرنده
 مستخدم نه قدر افراد عسكریه و ارایسه جمله سنی دخي قلعه ده آله رق
 بونلردن ده بر مستقل فرقه تشكيل ايتمش و اهالي نك ایشه یارایه بيله .
 جكارينك كافه سنی ده سلاح آلتیه و دونمائی هايونك هجومندن
 خوف ایدهرك و اروشی و كويلری ترك ايله شهره التجا ايلمش
 اولانلره قلعه ده بولنان اسراي دخي دیوار اورمك و لغ قازمق
 و سائر گي امور حربیه ده استخدام ايتمك اوزره (بالطه جي) ناميله
 عساكر محافظه میانسه الحاق ايلمشدر . شهرك استحکاماتی دخي

[*] اهل سلیك ارض مقدسه تشكيل ايتمش اولدقلری فرنك حكومتی اهل اسلامه قارشى
 محافظه ايتجون تنظيم اولنش اولان تارك دنيا شوالیه لری شركتلرندن فرانسزلك تأسيس ايتمش
 اولدقلری (ژوانيتلر شرکتي) مؤخرأ قطعه مزبوره نك مسلمانلر طرفندن استردادى اوزرينه رادوس
 جزیره سنه چكلمش و (غران متری) نامی ویرلن بر رئیسك تحت اداره سنده اولق ویاكز پاپالق
 مقامنه مربوط بولنشق اوزره اوراده بر حكومت تأسيس ایدهرك آق ذكرده قورصانقله وقت
 كییرمكده بولنشلر ایدی . بونلر جزیره نك ید عثمانیانه انتقلندن صكره مالطیه چكلوب ، (تانابوليون
 بوناپارت) دوریه قدر اوراده قالمشلر ایشه ده نابوليون بونلرك الذن مالطیه آله رق جمعیتلریخ
 طاعمشدر .

فاتح زمانندہ کی وقوعہ گلمش اولان هجومدن بری کمال درجہ
غیرتہ چالشہ رق بر قات دہا تحکیم اولنش و طیش دیوارلر
ضبط اولنسه بیلہ داخل شہری محافظہ و مدافعہ ایدہ بیلہ جک
صورتدہ قلعه لک ایچ طرفلرینہ یگیدن برر دیوار دہا انشا و علاوہ
قلنمش ایدی . بونلردن باشقہ شہرک مواقع مختلفہ سنہ — زمان
قدیمدہ سیراکوسہ (Syracuse) بی محافظہ ایچون یایلمش اولان
استحکامات متینہ مثلی — بر طاقم طایبہ و استحکاملردہ انشا
اولنوب . خلاصہ . بر طرفی ضبط اولنسه بیلہ دیگر طرفلری
گیریلہ مز بر حالہ قونلمش ایدی . طرف عثمانیاندن دخی قلعه نک
اطراف وجوانبنہ مترسرقازیلوب ، عساکر کلیہ اقامہ وجسیم طوپلر
تعییہ ایدلکدن صکرہ کمال شدتہ آتش اولنمغہ باشلانلدی . ابتدای
محاصرہ دن ہفتہ صکرہ امرای مصریدن «بالی» بک مقدماتی
ہایونندن بالا فراز ارسال قلنمش اولان ایکی فیلو [۲۴ عدد] سفن
حربیہ ایلہ مصردن باروت ودانہ ومهمات سائرہ گتیرمش اولمغہ
اردوی ہایوننک لوازم حربیہ سی مع زیادہ کمال ایدلمش و آرتق
بالافاصلہ اجرا اولنمغہ باشالانان طوپ آتشلریلہ قلعه پک زیادہ تحت
تضییقہ آلمشدر . محاصرہ مذکورہ تمام (۵) آی امتداد ایتدی ؛
وبومدت انسانندہ حربہ بر دقیقہ بیلہ فاصلہ ویرلیوب ، ایکی طرفدن
دخی گرک تحت الارض لغملر حفر و کشاد ایلنک و گرک دہشتلی
و شدتلی هجوملرلہ طوپ و دہا سائر اسلحہ مخربہ استعمالنہ دوام
ایتمک گبی وقوعات مدہشہ اکسیک اولمدی . محاصرہ نک برنجی
ایلول ماہندہ طوپلرک آچہ ییلمش اولدقلری بر گدکن قلعه یہ
گیرلمک مقصدیلہ درت دفعہ هجوم اجرا قلندی ایسہدہ بونلرکدہ
ہیچ بریسی بر موفقیتی انتاج ایدہمدی ؛ فقط دوام ایدن شدتلی
آتشلر سایہ بندہ قلعه دخی آرتق حال خرابی یہ یوز طوتمش وجوق

زمان‌دها مقاومت ایده‌میه‌جکی آکلاشلمقده بولنش ایدی. بوندن صکره دخی برنجیسی تشرین اولک (۱۲) سنده، وایکنجیسی (۲۳) نده، اوچنجیسی ده تشرین ثانینک (۳۰) نده اولمق اوزره اوچ دفعه ده‌ها هجوم اجرا اولندیسه ده گرك سالف‌الذکر غران مترینک و گرك معیتی شوالیه‌لریله مهندس مشهور «مارتینغو» (Martinengo) نك گدک‌لر آغزنده‌کی مایوسانه و متمرده اولان غیرت و مدافعه‌لری و آندقلری لغملرک تأثیرات مخربه‌لری سایه‌سنده اشبو هجوملر دخی ثمره‌سز بر اقیله بیلمش ایدی؛ لیکن عثمانلی مریماتی ده آرتق قلعه‌لرک دیوارلری اوزرنده تأثیرات مخربه‌لری لایقیله گوسترمکه باشلامش. ایدی. حال بویله ایکن بیله گرك قلعه‌نک متاتی و گرك دکر جهتمده‌کی عرب قوله‌سنک مناعتی عسکرجه پک چوق تلفاتی موجب اولدیغندن آرتق هجومدن صرف نظاره بر طرفدن صدراعظم «پیری» پاشانک اثر ترتیبی اوله‌رق قلعه‌یه طوغری اطرافدن [۹] طوپراق سورمک، دیگر طرفندن ده حفر اولنه‌جق لغملر و قوللانیله‌جق طوپلرک تأثیراتیله دیوارلری تخریب ایتک عملیاتنه قرار ویرلدی.

طوپراق سورمک عملیاتنه دوام اولندیغی مدتجه دشمن طرفندن ده بر قاج دفعه‌لر اردوی هایون اوزرینه هجوم وقوعه گلوب، تامترسلره قدر صوقوله‌بیلدیلر ایسه ده تلفات کلیه ایله رجعته مجبور ایدلدیلر: خلاصه، بو اصول اپله عثمانلیلر مترسلرینی یواش یواش قلعه‌یه یاقلاد. شدر دقلرندن مریمیلرینک ده تأثیراتی اول نسبته تزايد ایلیه‌رک هجومه مساعد گدک‌لر آچلمغه باشلادی. قلعه‌نک جنوب غربی جهتی محافظه ایدن عرب قوله‌سندن عسکرجه پک چوق زیان گورلمش

[*] میرالای «چزنی» (Chesney) نك عثمانلی قوه عسکریه‌سی حقنده تألیف ایلش اولدیغی اثرده مذکور اولدیغنه نظراً بو اصول محاصره، یعنی طوپراق سورمک طریقله محاصره اولنان مواقعه تقرب ایلک ایلک دغه اوله‌رق عثمانلیلر طرفندن رادوس فتنده کورلمش و خبره استعمالی دخی برنجی دغه اوله‌رق ینه بو سفرده مشاهده اولمشدر.

و هجومه ضبطی امکانسز بر درجه ده بولنش اولدیغدن مختلف نقطه لردن
حفر ایدیلن متعدد لغملرله برج و باروسی بر هوا ایدیلهرک آچیلان
گدکلردن گرك بوقوله اوزرینه و گرك قلعه یه بر هجوم عمومی اجرا
ایدلدی؛ فی الحقیقه، مدافعلر صوڭ بر درجه ده ابراز غیرت و شجاعتله
عثمانیلری ایچری یه دخولدن منعه چالشدیلر ایسه ده موفق اوله میوب،
ایکی طرفدن ده کلیتی تلفات و وقوع بولدقدن صکره مذکور قوله
ید ضبط عثمانیانه انتقال ایلدیکی گبی قلعه نك برنجی دیوارلردن دخی
ایچری یه گیرلدی. آرتق بوندن صکره ذات شاهانه نك قلعه یی ترك
و تسلیم ایچون وقوع بولان صوڭ بر تکلیفی شوالیه لر طرفدن چار
وناچار قبول اولمغله عسا کر عثمانیه (۵) ماه دوام ایدن بر محاصره
شدیده نك نتیجه غالبه سی اوله رق شهره داخل اولدیلر. گرجه شوا-
لیه لرک تضییقات عثمانیه یه قارشى بر مدتیجک ده ا مدافعه و مقابله ده
بولنه بیلملری محتمل ایدیسه ده دونمای هایونك دکر جهتى غایت
شدتلى و دأئى بر آبلوقه آتیه آلمش بولنسی خارجدن وقوعی مأمول
اولنان هر نوع معاونتلى امکانسز بر حاله قویمش اولمغله مؤخرأ
شهرک ینه دوشه جکنه زره قدر شبهه لری قلمیان شوالیه لر هیچ اولماز
ایسه مال و جانلرینی و اولاد و عیاللرینی قورتاره بیلمک ایچون وقوع
بولان تکلیفی فرصت عد ایله همان تسلیمه مسارعت گوسترمشلردر.
ایشته بو موفقیت اوزرینه ذات شاهانه دخی کاملاً اشیای
منقوله لری ده برابرلرنده اولدینی حالده هرايستدکلری محله گیتملرینه
مساعده ایدوب، حتی (۱۲) گون دخی مهلت ویرمش واکر کندیلرله
اشیالرینی نقله کافی گمیلری موجود دکل ایسه دخی دونمای هایوندن
افراز اولنه جق بر قاچ گمی بی خدمتلرینه تخصیص بیوره جقلرینی ده
بر لطف فوق العاده اولمق اوزره آریجه وعد بیورمشلردر؛ مع ذلك،
تابعیت عثمانیه یی قبول ایدوب ده وطنلرینی ترك ایتمه مک افکارنده بولنان

اهالی اصلیه دخی دین و مذهب لرینك، کلیسالرینك، مال و جانلرینك و عرضلرینك محافظه و حمایه دولت آلتنده بولندیریله جغنی و (۵) سنه تکالیفدن معفو طوتیله جقلرینی باشقهجه اعلان و اشاعه ایتدیردی . شوالیهلر مالطیه چكلكمك اوزره رادوسی ترك ایتزدن مقدم ذات شاهانه بونلرك غران متریلری بولنان موسیو « ویلیه » ایله بر ملاقات آرزو بیوروب، مرقومی حضورلرینه بالقبول حرمت مخصوصهده بولنهرق تلطیف و تسلیه سی جهته گیتشلر؛ و حتی حاضر بالمجاس اولان وزیر اعظم پیری پاشایه خطاباً « مؤسسور واضعیار قهرمانی وطنده جدا ایلدیکمده طولای نأسف ایتمهك بنم ایچوره قابل اولمبور! » بیورمشلردر :

بوقتح عظیمی متعاقب جزیره اوزرنده بولنان سائر مواقع مستحکمه ایله توابعدن اولان استانکوی (108) جزیره سی و آناطولی ساحلنده و جزیره مذکوره قارشیدینده بولنان (بودرم) [هالیقارنس] حصاری دخی تحت اداره و تأمینه آلنوب، لوازم ضبط و ربطلری تکمیل قلندقدن صکره (۹۲۹ هـ) سنه سی صفرینك (۱۴) نجی گونی ذات شاهانه بحراً مرمریسی تشریف و اورادن آناطولی طریقله در سعادت عودت بیوردیلر. دونمای هایون دخی بعده استانبول لیمانه عودت ایلدی.

سلمان رئیسك بحر احمر سفری — «یاوز سلطان سلیم» خان

حضر تلمرینك همت جهانگیرانه لریله مصر و حجاز قطعه لری دولت علیه نك حدود حکومتی داخله قلدیغی زماندن اعتباراً سلاطین عظام عثمانیه سلطنت و ضروفنی جمع ایدهرک بالجمله موحدینك مرجع و پناهی اولدقلری جهته قطعات اسلامیه نك ده هان کافه سی بودولت اسلامیه نك اجزای عنصریه سندن معدود اولمق لازم گلدی . شو حالده دولت علیه یه

گورہ شرق وغربده و هند و سندده جهت وحدت خلافت حسیبله عناصر اصلیه سندن معدود اوله بیله جک قوتلری جمع ایله کندی قوؤ کلیه سی تحتده بولندیرمق ایجاب مصلحت صره سنه گجیدی ؛ از جمله ، اهلایسی همان کاملاً اهل اسلام اولان جزیره العربک دخی مقام خلافتیه تأمین رابطه سی «سلطان سلیمان قانونی» حضر تملینک نظرگاه دقتلرندن دور بولنماغله برابر ازمنه سالفه دن بری هندستان قطعه مشهوره سیله بحر سفید سواحلهنده بولنان ممالک آره سنده اجرا ایدیه گلمکده اولان تجارت عظیمه نک شاهراه مراسلاتی [۲] بحر احمر و مصر طریقندن عبارت ایکن ونیدیکیلرک بو طریق ایله ایتدکاری هندستان تجارتیه اسپانیولار و پورتیکیزلر حسد ایدهرک بر شرقیه بحرأ دیگر بر یول بولمق اوزره (۱۵) نجی عصر میلادی ابتداسندن اعتبارأ تجارتیه قیام ایلمش اولدقلرندن اسپانیولار قپودان «قولومب» (Christopher Columbus) واسطه سیله امریقایی کشفه موفق اولدقلری مثلی پورتیکیزلر دخی «بارتلمی دیاز» (B. Diaz) ، «واسقوده غاما» — (Vasco de Gama) گی مشاهیر بحریونک سایه همتلرنده امیه برونی طریقئی کشف ایله هندستان تجارتی

[۲] بحر احمر یا خود عرب کورفزی — بحر محیط هندینک داخل آراشیده واقع بر شعبه نی

اولوب ، اوزون و طار پرکورفز شکلنده درکه ، (۱۲۰۰) عرض شمالیده واقع (باب المندب) بوغازندن شمال غربیه طوغری امتداد ایدر و مذکور بوغاز واسطه سیله دخی عدن کورفزیته اتصال کسب ایلر و شمال غرب نهایتی ایسه بحر مذکوری آق دکزدن آیران (۳۰) عرض شمالیده کائن سویش برزخنه قدر ممتد اولور . بحر مذکور ساحل شرقیسی اوزرنده کائن اولان عربستانی ساحل غربیسی اوزرنده بولنایان مصر ، نوبه ، حبش ممالکندن تقریق ایدر . طول غایه سی (۱۴۰۰) انکیلر میلی اولوب ، فقط عرضاً پک زیاده تخلف اوزره در . باب المندب بوغازنده (۲۰) میل ، (۱۶۰۰) عرضنه وارنجیه قدر وسعت پیدا ایدهرک عرض مذکوره دخی (۲۳۰) میلدر .

(۲۷۰۰) عرض شمالیده کائن اولان (رأس محمد) دن اعتبارأ بحر مذکور برز اوفاق کورزدن عبارت ایکی شعبیه الشهاب ایدر . بویکی شعبه آره سنده دخی (جبل سینا) شبه جزیره سی کائدر . شبه جزیره مذکوره نک غرب جهته طوغری ممتد اولان بحر احمر شعبه سنه سویش کورفزی ویا دکزی نای ویرلمکده در . بونک دخی جبل ، یا خود جبله بوغازی مدخلئی تشکیل ایدر . سویش کورفزیسک طول تقریبیسی (۱۸۰) میل و عرض غایه سی [۲۳ درجه تقریبیده] (۳۰) میلدن

یدغصلبرینه آلق؛ ومع هذا، گرك جزیرة العرب . گركسه هندستان
شبه جزیره سنك سواحانی قبضه تسخیر گچیرمك اوزره عالم اسلامه
حقیقه بر مصیبت طاقفرسا حكمنده اولان تجاوزاته باشلامش
اولمردن بوخصوص دخی آریجه پادشاه حقائق اكنماه حضر تلرینك
انظار انتباهلرینی جلب ودعوت ایلمش ایدی . ایشه اسباب
مسروديه بناء سواحل مذكوره نك ضبط واستملاكیله طریق تجارتك
امر محافظه وحایه سنی درعهده ایتك لزومی تقدیر بیور مشلردر .

زیاده در . بحر احرك شمالاً تشكيل ایتدیكی سالف الذکر ایکی شعبه دن جبل سینا شبه جزیره سنك
شرق طرفنده بولنانه (بحر العقبه) تعبیر اولنوب، بورایه دخی تیران بوغازی واسطه سیله کیریلیر .

بحر مذکور یلدن پوراز جهته طوغری (۲۹,۴۰) عرض شماله قدر امتداد ایدر . طولی (۱۰۰)
میلی متجاوز اولدیغی کبی، اك ککیش بولنان محلی ده (۱۵) میادن زیاده جه در . بحر احرك عقی غایت
تخلف اوزره در؛ فقط اکثری محللری پك زیاده دریندر . اك زیاده درین محلی (۲۲,۴۰) عرضنده

اولوب، محل مذکورك (۱۰۵۴) قولاچ عقی اولدیغی خریطه لده مشاهده قلمخده در . (۱۶)
جنوبه طوغری نسبة صیغ ایسه ده اك صیغ قسمی سویش کورفریدر . مذکور کورفرده عقی دریا
(۴۰) یاخود (۵۰) قولاچدن باشلاوب، سویش لیانك مدخلنده (۳) قولاچه قدر تناقص ایدر .
بوكورفر ظاهراً مرور زمان ایله غایت قوتلی مدوجذرلر وهبوب ایدن شدتلی روزكارلر
واسطه سیله قومله طولدیرلش اولدیغندن ازمئه قدیمه ده شماله طوغری دهها زیاده تمتد اولدیغی
مظنوندر . عقبه کورفری دهها زیاده دریندر . حقیقت حالده طار وخذق کبی درین اطراف
اوچورم قیالره محاط پروادی اولوب، قسم شمالیسی شمالاً بحر لوطه قدر تمتد اولان چول ایله
محدوددر . بحر احرك فراشی غرباً آفریقهنك جبال مرتفعه سیله شرقاً عربستانك تلال عالیه سی
آرسنده كائن اولان وادی عمیقك اك مخط قسمیدر .

عربستان سواحلی داخله طوغری کیتدجكه یوكسلیر . بوجهته ایچریاره نسبة دكر ساحللری آلیق
بر قوملقدن عبارت قالیر . بحر احمرده سیرسفان اکثریا هبوب ایدن شدتلی روزكارلرک ومتعدد
آطه لره صیغرلرک ومرجان قیالرینك کثرتشدن طولانی تهلكه لیدر . بومرجان قیالری ساحله موازی
اوله رق تمتد اولورلر؛ و بحر احرك هرجهتسده کثرتله بولنورلر ایسه ده باشلیجه عربستان طرفنده
اولدقلرندن بوجهته سیرسفان اجراسی پك تهلكه لیدر . سالف الذکر مرجان قیالری غایت کوزل
واکثریا قمرییه مائل برنکده ایسه لده چونغده بیاندر . بودکرده آطه لر عمومیت اوزره نك

نك بولنور ایسه ده (۱۷۱۵) دوائر متوازیه لری بیننده ایکی طاقم جزائر مجتمعه ومتسلسله واقع
اولوب، بولنرک مابیننده ورأس محمدك جنوبنده كائن اولان قنالک آره سی اکثریت اوزره (۱۰۰)
میلدن عبارت ومخاطره سز برآچتلیقی شاملدر . بوقنالده وزان اولان روزكارلر برسنه طرفنده
دائمی اوله رق ایکی جهتدن هبوب ایدرلر . مایس دن تشرین اوله قدر (قره یل) موسم روزکاری وسنه نك
قسم باقیسده غایت شدتلی وفورطنه لی (کشله) روزکاری اسر؛ و بحر مذکورك قسم شمالیسده کی
صولر بحر سفید تسویه سندن زیاده ترفع کسب ایدرلر . بحر احرك سطحی بحر سفید تسویه سندن
(۳۰) قدم ده مرتفع بولندیغی همان عموماً مظنون ایدیه ده مؤخرأ مدققانه برصورتده اجرا اولنان
کشفیاندن مذکور ایکی دكرک برتسویه ده بولندیغی تحقق ایتشدر . بو دكرک باشلیجه اسکله لری
عربستان ساحلنده مخا، جده [مکه اسکله سی]، یامبوک [مدینه اسکله سی] اولوب، غرب

بو خصوص مهمك حصوله گتیرلمسی ایچون دخی (۹۳۲) سنه هجریه سنده « سلمان رئیس » نامنده کی مشهور بر قورصانی بحر احمر فیلو قوماندانی نصب وتعیین بیوروب ، مومی الیه آمیرالک تحت نظارتنده اوله رق (سویس) بندرنده تدارک وتجهیزایتدیریلن (۲۰) قطعه قادرغهدن عبارت بر مکمل دونما ایله تاعدنه وارنجیه قدر جزیره العرب سواحلی تحت تابعیت عثمانیه اداخل ایتدیردیلر . رئیس مومی الیه ایجاب حال ومصلحته گوره یمن وعدن سواحله

ساحلاری اوزرنده دخی سویس ، قصیر ، سواکن ، مصوعدر . بودکره (بحر احمر) تسمیه اولمسنک سببی حقیقه روایتلر مختلف اولدیغندن حقیقت حال آکلاشیله امقدهدر . بروایت کوره سبب تسمیه (اوم) اسمندن ایلری کلاشدر . اوم قرمزی معناسنه اولوب ، بلاد مذکورک جبالی عقبه کورفریشک ساحلاریه قدر محمد اولدیغندن کورنر مذکورک اواجیله دائماً یقائنقده اولدقلری و جبال مذکوریه تشکیل ایدن قیالک قرمزی رنگده بولندقلری جهته اوزرلرینه چاریمقده اولان صولری دخی کندی رنگرلیله تلون ایللرندن ایلری کلش ایش !

بودکر تورانده چن معناسنه اولان (یامسف) نامیله مذکوردر . قدیم یونانیلر طرفندن ده بحر احمر نامیله معروف اولوب ، فقط بو نام بصره کورنری دخی داخل اولدینی حالده بتون بحر محیط هندیه شامل ایدی ؛ مؤخرأ یالکز عرب کورفریشک انحصار ایتشدر . بودکر پک اسکی زمانلردن بری بحر سفید اوزرنده واقع ممالک ایله هندستان پیئنده جریان ایدن تجارتک برشهره مروری اولوب ، تجارت مذکوره یکدیگرینی توالی ایتک اوزره مصریلر ، قتیکه لیلر ، عبرانیلر و عربلر طرفندن جریان ایتدیرلشدر . (اکسودوس) [تورانک کتاب ثانیسه ویریلن اسمدر] نامنده کی کتابده ذکر اولندیغه نظرأ موسویلرک مصردن خزوجلرنده شمذیکی سویس شهریشک یراز دها جنوب طرفندن مرور ایلش اولدقلری آکلاشقددر .

بودکرده ایلک دفعه اوله رق سیر سقائن میلاددن (۱۴) عصر مقدم « سیر وستریس » زماننده وقوعه کلاشدر ؛ و بوندن (۲) عصر صکره عبرانی و قتیکه کیملری عقبه کورنریشک مناسنده بولنان (ازیون جبر) لیانتدن (اوفیر) [مخا جوارنده براسکی شهر] نام حله قدر کیتشلردر . سویس کورنری پک چوق عصرلر هندستان ایله مصر آره سنده اجرا اولنان تجارتک مرکزی اولوب ، اسکندریه شهریشک بناسندن صکره و بتولومه و روما دولترلی زماننده بوتجارت دها زیاده رواج کسب ایدهرک مرکز تجارت دها جنوبه طوغری ، یعنی (بره نیس) و (موبوس هورموس) [بحر احمرک غرب ساحلنده برهمه لیمانی حاوی و شمذیکی حالده خرابه حالنده بولنان ایکی قدیم شهرک اسمدر] شهرلرینه قدر ایلرلیوب ، بورالردن سنوی هندستانه پک چوق کیملر کیدردی . (۷) نجی عصرده اسلامیتک ظهوریله بردولت معظمه اوله رق میدانه بیققدن صکره بحر احمر طریقله مصر و چین و هندستان آره سنده برهمه و عظیم تجارتیه باشلانلدی . ایشته بو طریق ایله (۱۲) نجی و (۱۵) نجی عصرلر پیئنده شرقدن امتعه و اشیای تجارتیه اسکندریه و واقع و ندیک کارخانه لرینه کتیریلوب ، و واردن بحر سفید سواحله کی ممالکه تقسیم اولنوردی . بو بولده اجرا قلنن تجارت تا امید برؤنک کشف اولدینی تاریخه قدر دوام ایده کلاشدر . طریق مذکور کشف اولندقدن صکره تجارت باشقه طرفلره دونوب ، بحر احمرک اولکی اهمیتی خیامیدن خیلی تزل ایلدی ایسه ده مؤخرأ (۱۸۶۵) تاریخنده مشهور فرانسی مهندس موسیو « فردینانده لسیس » (Mr. Ferdinand De Lesseps) معرفتیه سویس برزخی یاریله رق کشاد اولنان برقتال بحر احمری بحر سفیده ربط ایلش اولدیغندن بحر مذکورک اولکی شرف و اهمیتی ینه اعاده اولشدر .

اجرای حکم و نفوذ ایلمکده بولنان مشایخ عربانک بعضلرینه ایزال
لطف و عاطفت و بر طاققلرینه ارائه روی شدت ایدهرک ضبط
و ربطلرینی تأمین و خزینئه دولته سنوی اعطاسنه مکلف اوله جقلری
ویرگونک مقدارینی دخی تعین ایلدکن صکره کمال شان و شرفله
سویش لیمانه عودت ایلدی .

ایشته بحر احمر تعبیر اولنان طولی (۱۴۰۰) و عرض اعظمیسی
(۲۳۰) میل بحری امتدادنده کی دریای واسعک امواج بی نهاییسی
اوزرنده رایت عثمانی یی ایلك اوکجه تمرچ ایتدیرن واول طرفلرجه
شان و عظمت دولتی نظر یار و اغیارده اعلایه خادم اولق شرفی
احرازه موفق اولان عثمانلی آمیرالترینک برنجیسی بوذات عالی قدردر .

اوچنجی باب

﴿ عثمانی دولتنامہ کے دور شوکت وکالی ﴾

برنجی فصل

مبادی احوال خیرالدین پاشا

(عن ۹۴۰ الی ۹۴۱)

خیرالدین بک در سعادتہ جلی — خیرالدین بک حضور ہمایونہ مثولی و مقام
قبونانیہ ارتقاسی — خیرالدین بک ترجمہ حالی — خیرالدین رئیس
قورصانلقده اشہاری — جزائر قحی — تہذیب سفری — بعض تنظیمات —
تلسانک قحی — اوروج بک شہادت — اسپانیول و متفکرینک جزائرہ ہجومی
— تہذیب قحی — اسپانیول دولتنامہ ایکجی دفعہ جزائرہ ہجومی —
خیرالدین بک جزائرہ امیر انتخاب اولندیغی — آیدین رئیس مظفریاتی —
آوروپا دول بحریہ سنک عثمانی قورصانلری علیہ تشبثاتی — جنوب دوقہمی
آمرال آندریا دوریا — مدجلانک اسپانیادن آفریقہ یہ نقلری: —

خیرالدین بک در سعادتہ جلی — دور سلطان سلیمان
قانونیدہ دولت علیہ طرفندن بالایجاب اوستریالیر علیہ اعلان
حرب اولندیغی صرہ لردہ دولتی باشقہ یوزدن مشغولیتہ دوچار
ایدہ رک حرکات عسکریہ یہ سکتہ ایراث ایتک و تعرضات واقعہ بی
ثمرہ سز براقق مطالعہ سیلہ المانیا ایمپراطوری مشہور بشینجی

«شارل» طرفدن اوروپانك انامدار قبودانلرندن جنويز دوقه سی امیرال «آندریا دوریا» (A. Doria) بر جسم دونما ايله آق دگزك عثمانلی صولرینه سوق وارسال قلمش ایدی. قبودان مرقومك مأمور اولدینی خدمت معتنایی ایفا ایتمك ایچون معیت موجوده سی اولان قوه کلیه ايله موره سواحلی اورمغه ابتدار ایلمش اولمسی و گیتدکجه قوتی تزید و تدارکاتی اكمال ایدهرک مقصد تجاوزکارانه سنی دها ایلری به گوتورمك سودا سنده بولمسی سلطنت سنیه نك نظر دقتی جلب ایلمش اولدیغندن اوستریا طرفی قوه بریه ايله تسویه اولنه جنی گبی آق دگز مسئله سینه دخی بر نتیجه قطعیه ویرمك اوزره «سلطان سامان خان» حضرتلری جزایر امیری «خيرالدين» بکی در سعادته دعوت ایلدیلر. واقع اولان امر سلطانی به امتثال میر مشارالیه (۹۴۰ هـ و ۱۵۳۳ م) سنه سی معیتنه (۱۸) پاره مکمل قادرغه ايله بر اوقدردده گوکلی (قورصان) سفائنندن مرکب جسم بردونما آلهرق جزایردن قالقوب، ساردانیه و سیچیلیه اطه لرینه اوغرایهرق کلی خسار ویردکدن و جنوه سواحلنده صباحلین علی الغفله بر حصارى باصوب، غارت و تخریب ایتدکدن صکره ایلریله رک مسینا اوزرلرنده دخی «آندریا دونماسندن» (۱۸) پاره بارچه به تصادفله جمله سنی ضبط ایدوب، افرادی اسیر و گمیلری بر نمایش غالبانه اولق اوزره شهره قارشى احراق ایلدی.

بو ائاده امیرال آندریانك (۲۴) چکدیرمه و (۲۶) بارچه دن عبارت بر دونما ايله قورون (Koron) اوزرینه گیتدیکی و شهری تخریب ایتدیکی حوادثی آلهرق همان سکان عزیمتی اول جانبه توجیه ايله خصمنی تحری به باشلامش ایسه ده پروزه صولرینه وصولنده مرقوم امیرالک برندیزی (Brindisi) لیمانه التجا ایتمك اوزره فرار

ایلمش اولدینی حوادثی استماع ایدرک معیت موجوده-سندن (۲۵) پاره قادرغه بالافراز تعقیبنه مامور ایلدی . بو مفرز فیلو اثنای تعقیبده آندریا دونماسندن گبریده قالمش اولان (۷) پاره ناپولی سفائن حربیه-سنة بالتصادف وقوع بولان مصادمه-ده حرباً ایکسینی ضبط ایتمشلر و باقی (۵) قطعہ-سی روزگارک یاردمیله فراره موفق اوله رق ناپولی لیمانه جان آتہ بیامش-لردر . مفرزہ مذکورہ الدہ ایدیلن (۲) قطعہ سفینه دخی برابرندہ اولدینی حالده عودت ایدوب . دونمایه ملاقی اولمش و برانکده ناوارین لیمانه مواصلت ایلمش-لردر . او اثناده (۸۰) پاره قادرغه-دن عبارت اولان دونمای هاپون دخی مذکور لیمانده بولندیغندن طرفیندن مراسم احترامیه اجرا اولندقدن و «خیرالدین» بک [۸] قپودان «احمد» بک ایله گورشدکن صکره بالقیام قورون پیشگاهنه مواصلته برخیلی اسرای اسلامیه-نک تخلیصارینه موفق اولمش و اورادندہ طوغریجه «چناق قلعه» بوغازینه گلوب . ارزان بیوریلان مساعدہ سنیہ اوزرینه بوغازدن بالمرور استانبوله واصل اولدقدن و گمیلری غلطه پیشگاهنه تیمورلدکن صکره رفقاسی اولان اون سکز نفر بنام قپودانلرله برابر قپودان احمد بکک خاندس-نه مسافر ایدلشدر .

خیرالدین بکک حضور همایونه مثولی و مقام قپودانی-یه ارتقاسی — میر مشارالیه و اخض رفقاسندن اولان اون سکز نفر

[۸] بوذات دولت علیه-نک (۱۸) نجی و سلطان سلیمان قانونی حضر-تلیشک (۲) نجی قپودان دریاسی اولوب ، سابق قپودان یایلاق مصطفی پاشانک (۹۴۰ هـ) تاریخنده ارتحال اوزریشه جائشینی اولمش و برسنه حسن خدمت ایتدکن و یالکیز بردقه آق دکره سفر ایلدکن صکره (۹۴۱ هـ) تاریخنده ارتحال ایله متامنی خیرالدین پاشا حضر-تلیشه برانقشدر . میر مومیالیه ارباب شجاعت و لیاقتدن اولوب ، زور بازو ایله مشهور بر مرد نادرالامثال ایدی ؛ حتی برالیله قیونی یوزونجه-یه قدر طوتدیغی مشهوردر . بر معلم و ماهر تیرانداز اولدیغی جهتله دخی کانکش لقبیله اشتهار ایلشدر .

قپودان دخى بركلده اوله رق جملة حضور هايونه چيقارلديلر .
 بونلر قورصانلقدن گلمه آدملر اولوب . آداب ملوكانه يي بيلمك لرندن
 والك بيوك رعيت ال اوپمكي طانيدق لرندن لك اول خيرالدين بك .
 بعده رفقاسى صر مسيله برر برر حضرت پادشاهك النى اوپديلر .
 «سلطان سليمان» حضرتلرى بونلرده گوردىكي شجاعت ودرائى بك
 بيوك بولمشر : زيرا . هانكي مشكل شيدن سؤال ايتسه لر غيت
 اهوئيتى حقمده جواب آليرلردى : حتى اوئانده درسعادتجه لك بيوك
 ايش «آندرياه» مسئلهسى اولديغندن ذات شاهانه بوندن سؤال ايلدكده .
 خيرالدين بك « اوصريفك لافردى مى اولور ؟ بوقرر وقتدر
 آرابورم ! بنده قاجوب ، طور بيور ! يادشاهم امر ايدر لر ايه كبلر ينى
 هرايه اوجور بريم ! » جوابنى ویرمش اولديغندن ذات شاهانه بك
 زياده محظوظ اولوب . مير مشاراليهك اوزمانه قدر زبازد اولان اسميله
 خطاب ايدرك « صفر بك ! سه بودينك لك ضيرلى اوغليسك ! الله
 سندره راضى اولسونه ! سطا « ضيرالديه » اسمنى ویردم ! » بيور -
 مشدركه . ايسته اوزماندن صكره مشاراليهك اسمى « خيرالدين » قالمشدر .
 بوئانده وزير اعظم « ابراهيم پاشا » اردوى هايون ايله ايران سفرى
 ايجون حليده بولنديغندن آرزو والتماسى اوزرينه خيرالدين بكك بر
 مدتجك اورايه قدر سياحتى وارايسده سلطان سليمان خان حضرتلرى
 ذاتا گيدوب . گيتمه مكده كنديسنى مخير براقش اولديغندن . گيدوب .
 وزير مشاراليه طرفندن جزاير بكلكر بكلىكى خعلتى لباس اولنه رق بر
 آي ايجنده عودت ايلامشدر . بو عودتن صكره بارتبه وزارت قپودان
 دريا نصب وتعين بيورلدى .

خيرالدين بكك ترجمه حالى — مير مشاراليه مظنة كرامدن اولوب ،
 مرتبه ولايته واصل ودر ياده غزواتى خارق العاده بر پير مجاهد صاحب مناقب
 وابو الجائب زاندر . حضور حضرت سليمان خانينه مشول شرفته نائل اولديغنى

زمان آلدیغی امر اوزرینه گرك برادريله ، گرك بالكن وقوع بولان غزوات مباركه سنی مبین بر رساله قلمه آلدیروب، خاكپای شاهانیه تقدیم ایلمش ایدی .
 بورساله بی تحریر ایدن ذات ایسه معیتی قپودانلرندن مشهور « سنان » رئیسدر .
 رساله مذکوره نك مطالعه سمندن آكلاشلدیغی اوزره مشارالیه مدلیده اقامت ایدن
 « یعقوب » نامنده بر آدمك اوغلیدر . « اسحق » ، « اوروج » ، « الیاس » اسمنده
 اوج نفر برادر، دها اولوب، کندیسنك اصل اسمی ده « حضر » در . هر خصوصده
 عثمانیلر حقمنده حقسنلغی و خلاف حقیقت اسمنادانده بولمقلغی کندیلرنجه
 وجیبه دن عد ایدن اوروپالیلر بوبابده دخی اصلا قصور ایقبوب، دنیاده امئاسر
 قهرمانلقریله اشتهار ایلمش اولان بو ذوات نادره نك ده نسلاً اولسون عثمانلی
 اولدقلری گوسترمك غیرته دوشهرنك گویا یعقوب اسمنده سچیلیدی بر مهتدینك
 اوغلری اولدقلرینه دائر میدان برسوز آتمشدر ؛ حال بوكه، عثمانلی تاریخلرینك
 بالاتفاق شهادتلیرینه سالف الذکر رساله نك بیانته نظر آ بولنرك بدرلری فی الحقیقه
 « یعقوب » نامنده بر آدم ایدیسه ده آنجق اویله فرنكلرك دبكلری گبی سچیلیدی
 اولیوب ، (آچه اووه سی) اهالیسمندن بر سپاهی زاده ایدی . مؤخر آ کندیسی ده
 سپاهیكله مدلییه گلهرك اوراده قالمش وتوطن ایلمشدر . ایشته شو افاده دن
 بو برادرلرك جد بجد عثمانلی اوغلی عثمانلی اولدقلری آكلاشیلیر . یعقوب بلك
 سالف الذکر درت نفر اولادنن بیوکی « اسحق » مدلیده تمکن ایدوب، دیگرلری
 تجارت طریقله دکرده گزرلردی . بولردن « اوروج رئیس » اکثراً تجارت
 ایچون مصر و طرابلس شام جهنلرینه ، « حضر » دخی برادر « الیاس » ایله
 سیروز و سلانك طرفلرینه گیدوب، گایردی . « حضر » قرنداشی « الیاس » ایله
 بر سنه رادوس اوکندن پكرکن آق دکرده قورصانقله .ألوف اولان رادوس
 شوالیه لرینك سفینه لرینه تصادف ایدرك جنكه طوتشیلیر .

بو زمان ایکسی ده پك کنج و عادتاً جوجق اولدقلری جهنله شسوالیدلر
 حضرنك راكب اولدیغی سفینه بی بقالایوب، چوجغی دخی زندانه آندیلر . انیاس
 ایسه بو محاربه ناگهظهورده شهیداً ارنحال ایلدی . حضرنك قورصانقله چقیقی
 زندانن خلاصندن صكره اولوب ، انك اول « سلطان قورقود » آنطالیده ایکن
 آنك جایه سنی گورمش و (۱۸) اوطوراقلی بر (پركنده) ایله دکرده كشت
 و گذاره باشلامشدر . بر مدت رادوس جزیره سی اطرافنده طولاشه رق جزیره یه
 منسوب بر خیلی سفائن غارت ایتدکن ورادوسلیردن بو طریق ایله انتقامنی
 آلدقن صكره ایتالیا طرفلرینه كچوب ، آبولیا صولرنده دخی حرباً بر طاقه
 بارچهلر ضبط ایدرك حوله لرینی غارتله موسم شستاك حلولته دکن بو منوال

اوزره دکرده طولاشوب، قیشی دخی اسکندریهده کچیرمش وایلك بهارده [۰]
جربه آلهسنه واردق آغرلغی اولان اموال غنائمی اوراده ترك ايله ينه عثمانلی
صولینه عودت ایلش ایسهده بوانده «سلطان سلیم» خانک جلوسیه «سلطان
قورقود» اختفا ایش بولندیغندن حضر رئیس مشارائیک جایهسی غائب
ایلدیکی گبی اوزمان دریاده عثمانلی قورصانلرینک دخی کشت وگزاری طرف
پادشاهیدن منع ایلش اولغله مشارائیه قرنیشی اوروج رئیس ايله برنوشوب،
(تونس) طرفنه چکلمکه مجبور اولدی.

اوزمان تونس «بنی حفص» امراسنک النده بولغله بولر طوغریجه
حکومت محلیهده مراجعت ایدوب، کندیلرینک قورصان اولدقلرینی واوزمانه قدر
سبق ایدن تجربهلری اوزرینه مسلککرنده ایلرینک امیدنده بولندیقلرینی افاده
ایدرنک مرکز انخان ایلک اوزره بر محل ایسته دیلر. واقعا حضر رئیسک اوزمانه
قدر کچیردیک بر قاج وقعه حریبه مسلککنده ایلرلییه چکنی کندینه تأمین ایلدیک
گبی شانلی دخی سمع بحریونه ایصال ایلش اولدیغندن «بنی حفص» بولرک
انتمانی قبول ایدرنک مال غنائمدن بشده بریسی کندی خزینهسنه ویرلک شرطیه
(خلق الواد) اسمنده برقلعهی بولره دبوی اولق اوزره ترك ایلدی.

بو ایکی برادر هیچ بر طرفک معاونتی اولدیغی وهر معاونتی یانکز بر برله
حسن انفاقده بکلدکاری حانده ایکیسی بررگی دونوب، هجرتک (۹۲۰)
تاریخلرینه طوغری (خلق الواد) دن ایلک دفعه اولهرق قسمت آره مق اوزره
دکره چیقایلر. ابتدا بغدادی حولهلی برجنوز سفینهسنه تصادفه ضبط ایتدکن
صکره چوقه حولهلی بر جسم قانیونه دهاملاق اونوب، آتی دخی حرباً النده
ایدرنک بو ایکی شکار بدکارنده اوندیغی حانده غائماً تونسسه عودت ایلدیلر. بو
سفری متعاقب (۳) گمی ايله تکرار آوروپا سواحله کچهرنک بو دفعه دخی
اسپانیا گمیلرندن بر بارچهیه تصادف ایدوب، وقت فوت ایتکسزین اوزرینه
رامپا ایدرنک شدلی برمقاله دن صکره مذکور سفینهی بدکه آلدیلر. گمیده
اسپانیا امراسندن بری بولنوب، هر نه قدر مقابلهده فوق العاده احرار وثبات
ایلدی ایسهده عاقبت غازیلر طرفندن اسیر قهر ایلدی. آندن صکره دخی
شجاعت و بساتلری یاردمیه هر نوبت بر یکی شکاری در دست ایدرنک ثروتلری
آرتمش ونوده مهارتی بولنده وفقط الی بوش بر قپودان ویا کیچی وار ایسه
بولره گموب، انساب ایش اوندیغندن بر یاندن آدملرینی، دیگر طرفدن دخی

[۰] جزیره مذکوره بحر سفیده تونس مالکی داخلنه طوغری کیرمش اولان
قایس کورفینک جنوب طرفنده قره دن بر طار بوغاز ايله فصل اولمش بر آله اولوب،
قدیم مستحکم بر قلعهسی دخی اولدیغی حانده شمعی یانکز بر قاج یاره قریه دن عبارتدر.

گمیلرینی آرتدیره آرتدیره سکر سنه قدر زمان ایچنده (۴۰) قطعه مکمل ،
 بجهز قورصان دوتاسنهک سرداری اولمشلردر. ینه بر دفعه ایکی قرنداش (۴)
 گمی ایله (خلق الواد) دن چیقوب، عادتاً سیر و سیاحت طریقله اوائلده
 اسپانیولار طرفندن ضبط ایدلمش اولان بجایه قلعهسی (*) یشیگاهنده واصل
 اولدقلری صروده آنسزین برقیلو اسپانیا دوتامنی اوزرلرینه گلهرك تعرضه
 ابتدار ائلمش اولمسیله بونلر دخی بالمقابل طرفیندن برخیلی مدت طوب محاربهسی
 ایدلدیکی ائنده اسپانیولارک بر گمیسى غرق اولمش و بونی متعاقب طرفین سفائی
 یکدیگرلرینه رامیا ایدهرک بر آرز زمان ده بو وجهله مقاتله دوام ایدوب، دشمندن
 (۲) گمی دخی ضبط ایدلمش اولدیغندن آرتق اسپانیولار مقابله دن عاجز قلهرق
 ناچار نیانی ترك ایله مغلوباً و منهنماً فرار ائلمشلردر. بو مظفریت بحریه دن صکره
 اوروج رئیس قلعهسی دخی بهیه حال ید استیلاى اعدادن تخلص ائتمک افکاريله
 انک جنکاور بولداشلرندن یانله لزومی قدر آدم آلهرق فردید فرلادی. قلعه دن
 دخی بونلر اوزرینه برخیلی اسپانیول عسکری سوق اولنهرق شدتلی بر محاربه
 وقوع بولوب، دشمن عادتاً یوز گیری ائتمش ایکن. چه فائده! قلعه طرفندن گن
 برمسکت اوروج رئیسک صول قولنه احباتله فنا حانده مجروح ایدلرکندن غازیلر
 بالبحوریه گمیلرینه چکلدیلر و نیانی ترك ایدهرک دکره آجلدیلر.

غازی نامدارک قولى التیام قبول ائتم بر درجده مجروح اولدیغندن بالآخره
 کسلشدر. بومیانده بر بارجه و بر قاج قورصان سفائی دهها ضبط ایدوب، تونس
 گوندردکن و کنديسى (ماپورقه) اطه سنه گیرهرك بر قاج عدد قوله فتح و قریه
 لرینی اوروب، یغما ایلدکن صکره عودت ایدرکن (۸) یاره قادر غه ایله
 فورسبیه آمیرالنک اوزرینه گلمکده اولدیغنی گوربجه کنديسى ده (۴) یاره
 گمیسيله آنک اوزرینه وارهرق حرب طوتشیدیلر: و آمیرالنک بوندیغی گمی به
 رامیا ایدوب، غازیلر ایجریسنه هجوم ایله فداکارانه جنک وجدال ایدهرک
 مذکور گمی بی آلدیلر ایسه ده بری طرفدن دخی دشمن (۲) گمیلرینی ضبط ایله
 باغلا دیغندن حضر [خیر الدین] رئیس اوزرلرینه واروب، برخیلی اوغراشدقن
 صکره گمیلرک ایکسینی ده برافبردی: حاسلی (۸) یاره قادر غه بی قفسه چوردرک
 فراره مجبور ایلدیلر.

خیر الدین رئیسک قورصانلقدده اشتهاری — بو غزان عودت
 اولندقدن صکره آرتق حضر رئیس اوروج قیودانی جنکه چیقارتمیه رق اسباب

[*] جزایره قسطنطین ایالتنده نیانی مشهور و سوریله محدود رشهر اولوب، تونس
 حدودنه یقیندر.

استراحتنی اکیال ایله امر غزایه کندیبی وقف وجود ایلدی. اوروج رئیس تونسه اختیار تقاعد ایلدکن صکره آرتق قرنداشی حضر، یعنی خیر الدین رئیس تعلیمت مخصوصه ایله هر طرفه صالدرمغه باشلادی. خیر الدین رئیس قرنداشنه بک زیاده مطیع اولدیغندن مرقوم مارفندن ویریلن اوامره لایققله تطبیق حرکتی سیدسندده اوقیش ایچنده (۳۸۰۰) نفر اسیر و (۲۰) پاره گمی ضبط ایله حسابسز مال غنیمته نائل اولمشدر. ایش بودرجه بی بولدقن صکره آرتق کندیبی بلکنز اسرا و گمیلرله اکتفا ایدرنه اموال غنیمی معینده اولان جنکاورلره تخصیص و توزیع ایلکی عادت ایلندی. بواننده خیر الدین رئیسک سائر غزوتده نسبتله جسمتی آز و فقط اهمیتی بک جوق برطایق غزالری واردرد؛ ازجمله، برکره (۷) پاره کوللی گمیی سردارلقله آروپا صولرینه کجهرنه بر شهر باصوب، الله ایتدیکی (۱۸۰۰) قدر اسرایی (۱۲۰۰) آلتون فذیه ایله صا و بردکن صکره معینده اولان گوللی سفائی شکار ایچون اطرافه طغتمش و کندیبی بلکنز اولهرق گیدرکن کجه ایقاد ایتدیکی قنار لابسه سیله آرقه سنه (۴) قطعه بارچه دوشمش اولدیغندن ایرتسی صباح بولری گورر گورمز اوزرلرینه یقذر اراق دردیته ده ضبط ایله حامل اولدقلری (۸۰۰۰) طوب چوقه بی اغتنام ایلدی.

ایشای لیلده ریزرجه ده تصادف ایش ایدیه ده نصلسه کجه ناک قارانیلی حیلوتیه گوزدن قلیرمش ایدی؛ فقط بو گمی ده اطرافه براکنده اولان معینی سفائی طرفلرندن تصادفله ضبط و اسیر ایدلرنه آرقه سندن تونسه گتیرلیدی. مذکور سفینه کرسته یوکلی و فرانسز باندیره سی حامل ایدی. حضر رئیس بو گمی رفقا سندن مشهور قورصان کمال رئیسک همشیره زاده سی «محبی الدین» رئیسسه بالتزفیق ده بعض هدایا ایله رلکده در دولتله ارسال ایلدی. موجب محظوظیت اولدیغندن طرف سلطنت سنبه دن دخی مقابله (۲) قادرغه ایله خلعت احسان اولندی؛ خلاصه، خیر الدین رئیسک شان و شهرتی بحر سفیدک هر گوشه سنه طغتمش بوندن صکره بعض عظمی فتوحاتی دخی ساحه آرای شهود اولمشدرکه، عاتر دولت دوتلرینه بیله حیرت ویرمشدر؛ ازجمله، بویکی برادرنه مظفریات بحریدسی بلکنز اوروپادن بحر سفید سواحلنده مالکی بونان دولتری دکل کندیلرینه بر گوسترمش اولان تونس حکومتی دخی خوفه دوشوروب، دفعلری چاره سی تحریده اولسندن اورج رئیس تونسه اتوره بیلک ایچون بی حفص امراسنی ازاله ایتک لازم گدیکنی گورمش. وحال بوکه، بو مقصدک حصوله گتیرلسی اسلامک بر قولی قبرمق اولدیغنه مینی تونسی الله ایتکن ایه ده اوتده اسپانیول و جنوزلر طرفندن استیلا وازعاج ایدیلن

پرلری ضبط اٹک لزومنی حس ایلش اولدیغندن بر ایلک بهارده غازی، مشارانیه و برادری (۱۰) پاره گمی دوناتوب، فکر سالف الذکرک اجراسی املیه دکره چیقیدیلر. اولا شرشل [چچل] دینیلن یول اوزرندهکی کچوک برحصاری سهولته ضبط و محافظلری اولان (۱۰۰) نفری درزنجیر ایله ایچنه (۵۰) نفر جنکچی و لیانه (۳) قطعه گمی وضع و تعیین ایلدکن صکره (بجایه) قلعه سنه واروب، قره یه طوب و جنکچی چیقاردیلر. اوج گون شدله محاربه دوام ایلدی. دشمنک کثرتنه و مقاومت شدید سنه مبنی بعضلر بوحر بدن صرف نظرله چکلمک طرفنده بولندیلر ایسه ده اورج غازی «بن بوراده بر قولی بر اقدم! برینی دها دکل کله می ده بر اقریم! اولومدن قورقان، جاننه آجیان وار ایسه چکل سین گیتسین! بکا صدق ایله یولداش اولانلر قورقوب، قاجازلر!» جوابله غازیلرک بر قات دها عروق شجاعتلرینی تحریک ایلش اولدیغندن نهایت دردنجی گون قلعه یه شدتلی بر هجوم اولنوب، دیوارلرینه جدویلر قاقیلهرق ایچریسنه گیرلدی؛ و بو وجهله ضبط اولنهرق مقتولیندن باشقه (۵۰۰) نفرده اسیر آلدی.

اورج رئیس مقدا معاونت ایچون گلمش اولان (۲۰) بیسک قدر عرب عسکرینه داخل قلعه ده بولنان بالجله احوالی یغما ایتدیردی؛ فقط بجایه قلعه سی ایکی طرفلی و ایکی حصاره منقسم اولدیغندن بورایه قدر حکایه ایدیان غیرتله آنجق بر طرفنی قورتاره ایلش ایدی. اوتد طرفنی ده قورتارمق ایچون یسه حربه طوتشیدیلر. بو محاربه دخی (۲۰) گون شدله دوام ایتدی ایسه ده مقصدک حصولندن اول بر طاقم موانع و عوارض قویده باش گوسترمکه باشلادی؛ ازجله، جخاندلری توکنوب، تونس حکومتندن براز مهمات طلبنده بولندقلری حالدده ویرلمه مش اولغله برابر گمیلری بر جایک ایچنده بولندیرلمقده ایکن صولر چکلوب قره ده قالمش اولدقلری صره ده تمام (۲۰۰) پاره سفائنندن عبارت جسم بر اسپانیا دونغاسیله قلعه یه (۱۰) بیکن زیاده قوه امدادیه ورود ایلدی. ترس کیمکده اولان ایشی بتون بتون تصعیب ایلش اولدیغندن آرتق بو تصعیبات اورج رئیسک علو همتنه تقابل ایدهرک جای ایچنده اوطورمش اولان گمیلری دکره ایندیرمک ممکن اوله مدیغی جهته بالضروره آتسه و بروب، احراق ایتدکن صکره سالف الذکر (۵۰۰) نفر اسرا دخی یا نلرنده اولدیغی حالدده قره دن (۶۰) میل مسافه چیککنه یدرک شرشله عودت ایلدیلر. بورجهت اوزرینه دشمندن انتقام آله ایلک ایچون یکی بر تدارکه احتیاج شدید اولوب، حال بوکه، یا نلرنده بالکتر شرشله بر اقدقلری (۳) سفینه ایله مؤخرأ مذکور نیانده گوندرمش

اولان خیر الدین رئیسک (۲۲) اوتوراق قادرغەسی بولندیغنه وسقینه انشاسنه محل اولدیغنه مینی خیر الدین رئیس آق دکرزده بولنان سائر ایکنجی درجەده قورصانلره خبر گوندروب، ایستکلای اولانلری غزایه دعوت ایتمکله (۷) قطعده گوکللی قورصان گیسینی گانش و کندیسینی دخی تونسدن (۴) گسی مبابعه ایدهرک جەلهسی (۱۴) گسی اولدقلری حالدە «قورد اوغلی مصلح الدین» رئیس دخی معیتندە بولنان (۱۴) پاره گسی ایله یلشمش اولدیغندن اشبو (۲۸) قطعده سفینه دکرزە جیقهرق بر دورده بغدای جولەلی (۸)، چوقه جولەلی (۱۲) بارچەکە، جەماً یکون (۲۰) پاره سفینهی بلا محاربه ضبط ایتمکله خیر الدین رئیس بوگیملری قورت اوغلی ایله تونسە گوندروب، کندیسینی شرسلدە بولنان برادری پانە عزیمت ایلدی. اورادە برادر یله مغرب سواحلسک اسپانیا لندن قورتارلسی چارەسینی مذا کرەبە باشلادی؛ زیرا، اسپانیولر هر طرفی تعجیز ایتمکلیر گگی جزایرقلەسک تمام قارشیسندە ووق منزلندە بولنان برآطه جق اوزرندە کائن اوافقی برقلەبیدە ضبط ایدهرک اورادن شهری تعجیزە باشلامغله ۷ جزایر خلقی اوروج رئیسین استمداد ایتش و بو حال یوک بر حرکت حریره ایچون وسیله اوله بیلکدە بولمش ایدی.

جزایرک فتحی — خیر الدین رئیس کوکلمولرندن کال رئیسک برمصادمەدە اله کچیردیکی بر قاق قطعە سفائن اسراسی و مال غنائمی ایله برابر خیر الدین و اوروج نامنه دفعه ثانیە اولهرق خاکبای شاهانیه ارسال قلوب، «سلطان سلیم» حضرتلری دخی اول زمان مصری فتح ایلش اولدقلرندن قاهرده بولنیورلردی، گیدن مأمورلردن اوروج و خیر الدین رئیس احوالی سؤل اولندقدە لزومنه گوره (۸۰) پارهیه قدر سفینه ایله (۱۰) بیکه قریب جنکاورلی آق دکرز صولرندە ایستدکلری طرفه سوق ایدە بیلەجکلری خاکبای شاهانیه عرض اولنغله، بو درجه قوته مالک اولان قهرمانلرک آستانه سعادتە قول ایدلمسی التزام بیورلمش اولدیغندن ترسانه عامردن (۲) بیونک قادرغە ومدللیدن بر گسی ایچنە مشارالیهانک برادرلری «اسحق قپودان» ارکاب ایدیلهرنک برهدیه شاهانه اولق اوزره تونسە گوندرلمش ایدی. بوخبر شرسلدە اورج و خیر الدین رئیسە واصل اولنجە جزایر فتحی اورج رئیس درعهده ایدوب، قرنداشنی تونسە گوندردی. خیر الدین رئیس بعض مال غنائمی قورد اوغلی مصلح الدین رئیس ایله پای ایتک وگن گیمیلری قبول و برادر یله ملاقات ایتک ایشلری ایله مشغول ایکن، اورج رئیس (۱۸) پاره بیونک و (۳۰) قطعە کچونک گسی و بر مقدار عسکر ایله جزایره واروب، اول قدر مانعت و مقابله گورمیدیکی جهتهله الک اول جزایر قلعهسینی امیری بولنان «سالم ابن نمی» دن اخذ وتسلم ایلدی (۹۲۲ هـ، ۱۵۱۶ م)

سالم ابن ثمی ہرنہ قدر ضرورت ظاہر ہدہ جزائر امیری عد اولئقدہ ایدیسہدہ اسپانیا قرالی « فردیناند » (۱۵۰۹) سنئہ میلادیسندہ جزائر قطعہ سنی استیلا ائلمش اولدیغندن امیر مرقوم عادتا اسپانیا دولتی طرفندن منصوب بر والی مقامندہ ایدی .

خیر الدین رئیسک آق دکرزدہ ظہوریلہ آوروپا دول ساحلیہ سنئک تجارت بحریہ ومراسلات سائرہ لرینی عادتاً قطع ایدرجہ سنئہ موفقیاتہ نئل اولمسی وبونلر میانندہ فرانسیہ دولتنکدہ یک چوق سفائن تجارتیہ سنی ضبط ایلہ بر صورت شدیدہدہ خصوصتیی جلب ائلمش بولمسی اوزرینہ دولت مشارالہا طرفندن گویا رئیس مرقومک استیصالی ایچون بو ائثالردہ فوق العادہ نادرکات بحریہ گوریلوب ، حاضر اولان دونتایہ (۳۳) ماونہ دہا ضم وعلاوہ ایلہ تقوید ایدیلرئک تونس اوزرینہ سوق وارسال قلمش ایدی . فرانسیز دونتایی طوغریجہ تونسک شمال غربی ساحلی اوزرندہ بولنان (برارتہ) لیانئہ اینوب ، اورادہ قورد اوغلی مصلح الدین رئیسہ تصادفلہ درعقب حربہ باشلامش لر ایسہدہ رئیس مرقوم بویلہ جسم بر دونتایہ قارشی معیتندہ اولان بر قاج لونڈ گمیسیلہ مقابلہ ایدمیدجکئی آکلایہرق گمیلری لیانئہ ترک ایلہ یولداشلرلہ برابر قرہیہ چیقوب ، حصارہ انجا ایلدی . فرانسیزلر بونلرک (۴) گمیلرینی ضبط ایدرئک قرہیہ عسکر دوکدیلر ایسہدہ حصار طرفندن یوروش ایدن تونس غازیلری بوعسکری فنا حالئہ بوزارق یوز گیری ایلہ گمیلرینہ قدر تعقیب ایدوب ، حتی (۶) قطعہ گمیلرینی دہ الہ ایتدیلر . فرانسیزلر گوردکاری بوشدتلی مقابلہ یہ قارشی طورہ میہرق فرار ایلہ لیانی ترک ایدیلر ایسہدہ دوچار اولدفلری مغلوبیتک انتقامی آلق اوزرہ بودفعہدہ (خلق الواد) اوزرینہ بر هجوم بحری اجراسی قیسندہ بولندیلر ؛ حال بوکہ ، خیر الدین رئیس بالذات اورادہ بولندیغندن ہرنہ قدر تشبث ایتدیلر ایسہدہ قرہیہ عسکر دوکککہ بر درلو موفق اولہ میہرق بالآخرہ محدوداً چکلوب ، کبتدیلر . بوندن صکرہ خیر الدین رئیس قرنداشی اسحقی دخی (۴) پارہ گمی وطوب و (۵۰۰) نفر جنگجی ایلہ جزائرہ گوندردی ؛ کندیسی دہ تونسدم قیشلادی .

ایشک ائ مشکل جہتی شو اولدی کہ ، جزائرک اوروچ رئیس طرفندن فتحی اسپانیوللری نہ قدر بیزار ایلدی ایسہ عربلری دخی اوقدر دلگیر ائتمشدر ؛ بناء علیہ ، تلمسان حاکمی « ابن ہامون » اسپانیوللر ایلہ برلشہرک قرقی چکدیرمہ وبوز قرقی بارچہ اولق اوزرہ (۱۸۰) پارہ سفائن جسمیدن عبارت اولان بردونما ایلہ (۱۵) بیگ اسپانیول عسکری بحرآ و (۴۰) بیگ قدر عرب عسکری دخی برآ جزائر اوزرینہ هجوم ایدیلر . عربلر اسپانیوللردن اول گلش اولدفلرندن

اوروج رئیس دخی انک اول عربلرک اوزرینه هجوم ایله جله سنی تارومار ایدهرک برحق اشیلربی و (۱۲) بیک مقداری دوه لرینی کندی جنک اورلرینه یغما ایتدیردی؛ بعده اسپانیول دوتلاری ده گنوب، حصارک اوکنه تیمورلیهرک وقره به عسکر دوکهرک جنکه مباشرت ایلدی. قلعه ذاتاً خراب برشی اولمسیله اعدانک ایلاک آتشنده سپرلری منهدم اولدی. عثمانلیلر بونلری و آچیلان گدکلیری تعمیر ایله مشغول ایکن اسپانیول فداییلری شدتلی بر هجوم ایله بدنلره قدر چیقوب، باندیرملری رکن ایلدیلر؛ بناءً علیه، هر کس تعمیری بر اقوب قازمه لر، کورکلر ایله دشمن اوزرینه صالیدیریلر. بعون الله اعدا رجعت فقهری ایله فراره باشلابوب، گمیلرینه جان آتدیلر. غازیلر دخی آرقه لرندن تعقیب ایدهرک پک چوغلربی قهر و تدمیر ایلدیلر. بو فراریلر میانده آنجق بیک کیشی قدر حیاتی قورتاره بیلشدر. عثمانیلرک گمیلر اوزرینه دخی هجوم تدارکی گورمکده اولدقلری دشمن طرفندن آکلشیلنجه تیمور قالدیروب، دکره آچلغه مجبور اولدیلر. ایشته بو محاربه ده اعدانک بر منوال بحر انهرامی صوئ انهرام اولوب، آندن صکره ینه دفعاتله تعرضلر وقوع بولدیسه ده اسلامه غلبه ایتک ممکن اولمادی.

تهنیز سفری — تلمسان حاکی و متقی بولنان اسپانیولر جزایردن مغلوباً، مقهوراً فرار ایلدکن صکره هیچ اولماز ایسه (تهنیز) اوزرینه یوریوب، عالمه قارشی بر یوز آقلغی گوسترمکه قرار ویرمشلر ایدی. بو تهنیز قلعه سنی جزایرک (۹۰) میل قدر غرب جهته در. بر فیلو اسپانیول دوتلاریله بر مقدار عرب عسکرلی قلعه مذکوره به واروب، ایچنده عسکر بولنماغله ضبط ایلدیلر. آنجق اهالیسنک نظمی اوزرینه اوروج رئیس برادری خیر الدین رئیس بحراً بر قوه کلیه ایله او جهته سوق ایلدی.

عثمانلیلر قلعه مذکوره اوکنه واریر و ارماز اسپانیولر دوچار اولدقلری خوف و خلعانله قره به جان آتهرق قلعه به فپاندیلر. خیر الدین رئیس نیانده نه قدر گمی بولدیسه جله سنی ضبط ایدهرک بر طرف ایلدکن صکره قره به ده عسکر چیقاروب، قلعه اوزرینه هجومه باشلادی. بو محاربه آنجق ایکی گون دوام ایده یلدی. اسپانیولر عثمانلی دلاورلرله حرب ایده بیلک کندی کارلری اولدیغنی اعتراف ایدهرک تسلیم اولغله عربلر دخی فراره مجبور اولدیلر. بومظفرینی متعاقب خیر الدین رئیس غنائم کلیه ایله جزایره عودت ایلدی.

بعض تنظیمات — تونمدن تهنیزه و ارنجه به دکن جزایر و بجایه و توابعدن بش عدد جسم قلعه بی حاوی اولان عادتاً ایتلینا شبه جزیره سی قدر بر مملکت

[۱۰] بارباروس قنداشلرک زیر ضبطنہ کچنچہ بونلر بر پرہ گلہرک بعد ازیں بر قورصمان گبی حرکت ایدہ۔ مہجکلربی وادارہ ملکہ دخی باقوب، حتی ملکیتی توسیع دخی لازم اولدیغی درمیانلہ جزایرک شرق طرفی ذاتاً تعرض اعدادن امین اولدیغی ایچون خیر الدین بکہ و غرب طرفندہ بر جوق مسئلہ حربیہ اکسپات اولمہ جغی ایچون اوروج بکہ تسلیم اولندی۔ بو حالده برنجی درجده تشبث اولنہ جق اجراءات ملکیتک قوتی بملک ایچون (تحریر نفوس) قضیہ سی اولدیغی اوزمان قورصمانلقدن گلمش اولان بو ایکی ذات عالی قدر درک ایدہرک نفوسی تحریر الملشدر ! معتلمرنده بولنان عسکرہ دخی بر نظام ویروب، یکی چری عسکرگی گبی اون کشی بہ بر اون باشی، یوز کشی بہ بر یوز باشی ضابط نصب ایدہرک دوتغای مجرب الاطوار قومدانلرہ سپارش ایدیلر۔ آنجق بو حالده ایکی قنداش بر بردن آیرمش اولدی؛ وکندی ریاستلری آلتندہ بولنان بولداشلرک مجلس عمومی امر ادارهده مستقل طائیلہرق آئلر ایسہ برر والی منزله سنده قالدیلر۔

تلمسانک فتخی — بو عصرلر شمالی آفریقہ سواحلمندہ اهل اسلامک قوتہ فتور گلہرک اسپانیوللر دائما تغلب ایتکده ایدیلر۔ بونک انک بیوک حکمتی ایسہ اسپانیوللرہ اسلحہ ناریہ مکمل اولدیغی گبی، عرب حکمدارلرینک دخی اداره امور ملکیتده عدم اقتدارلری ایدی۔ بویله بر زمانده تونسدن تہنزہ قدر عثمانیلر طرفندہ بر حکومت تشکیل اولنچہ جوارده بولنان عرب حاکمیری بو حکومتک ہر طرفہ قول آتہ جغی آکلایوب، حجت اسلامہ لرینک فقدانی سیئہ سیلہ عثمانیلر علیہندہ طرف طرف اسپانیوللر ایلہ اتفاقہ باشلادیلر۔ آنجق آحاد ناس بو درجہ یہ قدر عصبيتلربی غائب ایتہ مش اولدقلرندن ملکیتلرینک اسپانیول الینہ کچمسندن ایسہ عثمانلی الینہ کچمسنی جانہ منت بیلیرلردی۔ ایشتمہ بوقبیل یرلردن بریسی دخی (تلمسان) ایدی۔ تلمسان تہنزک غرب طرفندہ اولوب، وهران [عوران] اسکلہ سندن چند مرحلہ ایچریدہ کائن بیوجک برقلعہدر۔ قلعہ مذکورہ حاکمی مجرد جزایری عثمانلی النسدن قورتارمی ایچون اسپانیوللر ایلہ

[۱۱] بارباروس قزیل قیللی معناسنہ اولہرق اوروپالیلرک بو برادرلرہ ویرمش اولدقلری لقیدر۔ بو لقب هیچ برسیسز اولمیب «بابا اوروج» ک غلطی اولدیقندہ شبہہ یوقدر؛ چونکہ، «اوروج غازی» پیشہ حرب و ضربک اژدہ هفت سری برقهرمان مجاہد اولدیقندن آق دکزک قسم غریبسی تترمش و یوقاریدن بری ذکر صددندہ بولندیغیز غزوات خارقیہ سیلہ کندیسی اوروپالیلرہ طائیدہ مش بیوک برذات اولدیغی کبی، مؤخرآ خیر الدین رئیس دخی برادری قدر شہرت و شان قازانمش غایت شعیع وبہادر و خصوصاً اداره امور حربیہہ مثلی نادر برذات قضائسہات اولدیقندن اوروپالیلر بیوک برادریہہ طاقدقلری «بابا اوروج» غلطی «بارباروس» لقبی بوکا دخی ویرمشلر ایدی۔ فرنکستان ممالک ساحلیہ سی قادینلری چوجقلربی «بارباروس» کایور دیہہ قوروتدقلری مثل سائر حکمنہ کیومشدر !

اتفاق ایتدیکنی آحاد ناس دویجه حاکمی تکفیر ایدهرک اوروج بک لهنده نمایشلر ایلدیلر؛ مع هذا، بر بیوک قوتله حاکم مرقومک جزایر اوزرینه گلهجکی اوروج بکک معلومی اولغله خیر الدین بکی جزایرده براقوب، کندیسکی بر قوه جزویه ایله تلمسان اوزرینه یوریدی. خلق عثمانیلرک ورودندن خبردار اولنجه حاکم لرینی خلغ ایله اوروج بکی استقباله قوشدیلر. ایشته تلمسان بویله سهولته فتح اولندی؛ فقط مسئلهک نهایتی اوروج بکک شهادتی منجر اولمشدر.

اورج بکک شهادتی — اورج بکک تلمسانی استیلاسی اوزرینه حاکمی و بعضی اقرامی برلکده اولهرق قاسه و اورادن تلمسانک اسکلهسی اولان وهرانه گلوب، مشهور «بشچی شارل» ایله مخبره واسپانیادولتنه اتجا ایلدیلر. «شارلکن» هم اسپانیا قرالی اولوق، همده غربی اروپایه حاکم بولنوق حسبیله اروپاچه شان و شهرتی درجه نهاییه قدر واردیرمه حریص اولدیغندن عربلرک اوروج بکک علیهندهکی اتقاسلرینی مع الممنونیه قبول ایلدی. «مارکی ده غومارس» نام سردار معتبیلر برنجی قافله اولهرق (۱۵۰۰) نفر تفنک انداز و برخیلی جخانه و مهمات حریبه سوق ایدهرک حاکم مرقومک جعنه موفق اولدیغی (۱۵۰۰۰) نفر عرب عسکری دخی برلکده اولدیغی حالده تلمسان اوزرینه یوریدیلر. بو خبر جزایرده خیر الدین بکه واصل اولنجه، برادری اسحق رئیس بر مقصدار عسکر ایله امداده گوندردی. بونلر گلوب، حصاره گیردکن صکره دشمن اردوسی دخی گذرگاهلری اوزرنده قوللو [قلعة القلاع] نام قلعه بولنغله آنی هجوم ایله ضبط ایدوب، بعده تلمسان اوزرینه گلهرک قلعه سنی تحت محاصره یه آلدیلر. محاصره اوقدر منتظم، اوقدر شدتلی ایدی که، خارجدن امداده گرچکدن امکان بوق ایدی. بویله شدتلی بر محاصره اتسانده اوروج بکک بر کچه قلعه دن خارجه جیقوب، (۷۰۰) نفری متجاوز دشمن اتلاف ایله (۱۰۰) نفرده اسیر آلدقن صکره سالماً قلعه یه عودت ایلدی؛ فقط بونی متعاقب (۱۰۰۰۰) قدر اسپانیول عسکر یله (۲۰۰۰۰) دهها عرب عسکری امداده گلدکلرندن آرتق محاصره صوگ درجده شدت کسب ایدهرک محصورینک حالی یمانلشدی؛ وسیرلر بر طرفدن تعمیر ایلدیکی حانده دشمنک آتشی شدندن یه خاک ایله یکسان اولوردی. آنجق دشمن نه قدر هجوم گوسترر ایسه سینهلرینی سپر ایدهرک قلعه ایچنه فرد واحدی صوغاز ایلدیلر. بوحال ایله (۷) آی مدت محاصره تمتد اولدی.

اوروج بکده نه جخانه قالدی نه سلاح؛ بولداشلرندن بر قاجینک ابرامی اوزرینه استیان ایله قلعه یی تسلیم اتمکه راضی اولدیلر ایسه ده اکثریت ویرمه مک طرفی التزام ایدهرک «قلعه ویرمهک بر شی دکل، طاشدن طوپراقدن

نہ اولور؟ فقط اورتده ناموس وار؛ ناموسی ویرمکن ایسه جانمزی ویرر ایسهله دها کارلی چقارزا! «بدیلر بو غیرتله بر مدت دها دوام ایتدیلر ایسهده آرتق چاره قالمدی. نهایت اسلحه و اشغالینه طوفانلماق اوزره اعدا ایلله بر مقاوله یابوب، قلعه دن چیقایلر؛ لکن دشمن عهده وفا ایتوب، تعرضه قانعغله تکرار قلعهد گیره رک و اولجه ایجری به گیرمش اولان بر مقدار دشمنی کسه رک ینه مقابلیه باشلادیلر؛ آنجق بو حال ایلله مدافعه د چاره امکان قالماش اولدیغندن اوروج بکک رأی و تدبیری اوزره بر کچسه اهل اسلام خبر سزجه قلعه دن چیقوب، رجعتیه باشلادیلر. دشمن بوندن خبردار اونجه ارققلایینه دوشه رک تعقیبه شتاب ایلدی. اعدائک حرکتی تعطیله باشقه چاره اولدیغی جهته اوروج بک هم رجعت ایدر، همده انک قیمتدار اشیائی برر ایکیشر آثار ایدی که، بونلری طوبلامق و باخصوص پابلایمق ایچون یکدیگر لیه منازعه ایتک صورتلری دشمنک حرکتی ممکن مرتبه تعطیل ایدردی. بو منوال اوزره ایکی ساعتدن زیاده بول آلدیلر؛ لکن اشیاء دخی توکنمکله غازیلر آرتق هیچ چاره قالمدیغی نظر دفته آله رق هر بری دیگر لیه حلاللشدی؛ وهیچ کیمسه نک جان قیدنده اولماسنه و ممکن مرتبه بر دشمن زیاده اولدیرمکه چالشمنه ییمیلر ایدیله رک هر کس پیاغیه و بالابه صارلدی. بو فدائی قهرمانلر اولله بر مقاتله ایتدیلر که، بر قاج یرنده یاره لری اولدیغی حالده یاره لرک اضطرابندن دها زیاده شدت پیدا ایده رک کندیلرندن درت قات زیاده دشمن تلف ایتدیلر؛ فقط آنلردن ده بو محاربه ده جان قورتارانلری بک از اولدی. اوروج بک، برادری اسحق رئیس ایلله برابر شانلی بر صورته شهید اولدیلر. تاریخ شهادتی (۱۰۱۸ م و ۹۲۴ هـ) سنه سیدر که، هنوز اللی یاشنده بر قهرمان ایدی.

اسپانیول و متفق لرینک جزایر اوزرینه هجومی — تلمسان وقعه سی اوزرینه خیر الدین بکک تمریقه صیغماز بدرجه ده آغلادیغی و «آه! بتون فر نکستانی قلیجیدن گچیرسه م قرنداش لریمک، یولداش لریمک اوجنی آله مام!» دیدیکی مشهور درر. آنجق اعدائک ایلک بهارده (۱۷۰) یاره گسی و (۲۰) بیک قدر جنکچی ایلله وهرانه گهرنک اوراده اولان اوج درت بیک عسکری دخی آلدقن صکره بو قوتله دگزدن، تلمسان حالکی دخی ینده بر قوه کلبه ایلله قره دن جزایر اوزرینه بورودک لری خبری گلوبده خیر اندین بک نزدنده بولسان قوتی بوقلادیغی زمان، طوبی (۶۰۰) قدر آدم قالمش اولدیغی گورنجه آرتق مقابله دن بتون بتون مایوس ایلدی.

جزایر خلقنی بشته طویلایوب، « ایشته قره‌دن، د‌ک‌ز‌دن دشمن گلیور! ب‌ز‌ده مدافعه‌یه قدرت قالمدی! هایدی گیدی‌ک‌ز! تلمسان بکنی استقبال ایدی‌ک‌ز! ینه نه قدر اولسه مسلماندر، شاید س‌ز‌ی ازمن؛ بن بوراده شو (۶۰۰) آرقداشلرم ایله قرنداشلرم وسائر یولداشلرم گ‌ج‌ی بره قدر قیریلنج‌یه د‌ک‌ین تسلیم اولیه جغ! » د‌یه آنلری تلمسان حاکمنی استقباله گوندردی. بو حاده مشارالیهک یائی گ‌ر‌ج‌ک‌دن فوق العاده ایدی. آنجق بو یأسک س‌ب‌ی کندی جانک قورقوسی اولیوب، مجرد انتقام آله‌میدرق شهید اوله‌ج‌ی قضیه‌سی ایدی. د‌یر‌کن، (۲۰) بک قدر عرب عسکری جزایر قلعه‌سی جوارینه گلوب، خیر الدین ب‌ک‌ی آلفشلامغه باشلادیلر. مشارالیه بونی گورنجه ایچنده بولندیغی ان بیونک یأس ان بیونک امیده نحول ایده‌رک تمام ینه بو آراق دریا طرفندن اسپانیول دونخاسی باش گوسترمکله درعقب مقابله ومدافعه‌یه حاضرلندی. دشمن دونخاسی لیانه داخل اولوب، تیمور برافدق‌دن صکره طیشاری‌یه بر مأمورلری گ‌ل‌ه‌رک قلعه‌نک تسلیمی طلب ایدی. خیر الدین بک ایلیچینک بو طلبی غایت استخفافکارانه بر صورتله رد ایده‌رک دفعه قیام ایستک‌دن صکره دونخاندن قره‌یه عسکر اخراجنه باشلانمش اولدیغ‌ندن بری طرفدن دخی مدافعه‌ده قصور اولتمیه‌رق دشمن بد فرجام دوچار ان‌زام ایدلدی؛ وگمیلرینه فراره مجبور اولدیلر. فرداسی گونی تلمسان حاکمی دخی گ‌ل‌ه‌رک دشمن تزئید قوت ایلش اولدیغ‌ندن محاربه دونک‌یندن قات‌قات شدت بولدی. نهایت (۳) نجی گونی دشمنک تلفاتی حدنصابندن زیاده واردیغ‌ندن آرتق نیانه مجاللری قالمیوب، بر رجعت قهق‌ری ایله ساحله دوکوله‌رک گمیلره گوج بلا جان آه‌یلدیلر. انای تعقیبه دخی بک زیاده تلفات ویروب. اوقووه عظیمه‌دن آنجق بش الی بک کیشی قورتوله‌یلدی. دونتایه فرار ایدنلر ایسه آرتق لیانه دخی طورمغه جسارت ایده‌میوب، محذولاً چیقوب، کیتدیلر. دشمنک فرمه قالان قسم باقی‌سی دخی اوله برتعقیب ایلدیلرکه، تعقیب ایده ایده تالمسانه واروب، قلعه‌بی دخی فتح ایلدیلر. قلعه ایچنده‌کی عرب واسپانیول‌لردن ان چوغی فرار ایلدکلری حالده ینه (۳۷۰۰) قدر عسکر قالب، بونلردن (۷۰۰) عربک غیری (۳۰۰۰) اسپانیولک عموماً بیونلری اورلدی؛ چونکه، قلعه حرباً ضبط اوننش‌یدی؛ بومرکه‌دن قاجوب، قورتیلانلر جوارده بولنان ته‌ن‌ز قلعه‌سنه التجا ایلش‌لردر.

ته‌ن‌ز فت‌جی — خیر الدین بکک بو حصاری دخی فتح اتمک فکر‌نده اولدیغی حاکمنک معلومی اونجه، اسپانیادن استمدادی اوزربنه (۱۵) پاره بارچه‌دن عبارت

ردونما ایله مقدار کفایه عساکر امدادیہ ورود ایلدیکی میرمشارانیله اخبار اولندیغندن درعقب (۱۸) قادرغه احضار ایدوب، حصار مزبور اوزربنه سوق ایدهرک کندیسسی دخی قره دن برقوه کافیه ایله حرکت ایلدی. محل مذکورہ وصولیله برابر حربہ ابتدار ایدهرک کندی برطرفدن هجوم ایله حصاری تسخیر ایتدیکی گبی، دیگر طرفدن دخی دونناسی اسپانیا دونماسنه غلبه ایدهرک (۵) قطعہ سنی ضبط وبشنی غرق ایلدکلرندن آنجق باقی قالان (۵) دانہ سی فرار ایدہیلدی. بعدالفتح غانماً جزایره عودت ایلدی.

اسپانیول دونماسنک ایکنجی دفعه جزایره هجومی — تندز سفرندن جزایره عودت اولندیغی صرہده اسپانیا آمیرالی «فردیناند» (Ferdinand) قوماندایه سیمله (۱۱۰) پاره سفائن حریه دن عبارت غلبه لک ردونما آنسزین لیمانی باصدیغندن درعقب خیرالدین بک لیانده یاتان دونماسنه گیروب، قوماندایی درعهده ایله تیمور قالدیرهرق وقتیلہ دشمنی قارشیلادی؛ و حربہ مباشرت ایلدی.

وقوع بولان محاربه بک شدتلی اولوب، دشمنک خط حربی بوزدقدن وایکی دونما یکدیگرینه قاریشهرق رامپا اولدقدن و برمدتده بوجهله بقا بقایه مقاتلہده دوام ایلدکدن صکره دشمن طرفنده علائم انہزام رونما اولغه باشلایوب، عاقبت بوهنگامہ قیامت نمونده فردیناندک سوار اولدیغی سفینه صیغ صولره صوفولہرق قوملق بر محله اوطوردیغندن بری طرفدن اوزربنه وارلدقده (۶۰۰) نفر موجودیله برابر تسلیم اولسی اوزربنه آرتق دشمنده ثباته مجال قالیدهرق (۳۶) بنام قبودان ایله (۳) بیکه قریب اسیر ویردکدن صکره غایت رزیلانہ برصورتده فرار ایلدیلر.

بو حادثہ بی متعاقب اسپانیا دولتی طرفندن سفیر مخصوص ورود ایدهرک آمیرال ایله قبودانلرک استخلاصی ایچون (۱۰۰۰۰۰) آلتون بدل ویرملک تکلیف اولندی ايسهده مرقوملر فنون بحریه و حریهده ماهر، کارگذار آدملر اولدقلرندن تکلیف مذکور قرار علما ایله رد اولنہرق مؤخرأ فراره تشبث ایتلری ستمبلہ جملہ اعدام اولندیلر.

حئی آمیرالک میتنه اسپانیولار طرفندن (۷۰۰۰) آلتون عرض اولندیغی حالده قبول اولنماشد.

خیرالدین بکک جزایره امیر انتخاب اولندیغی — بالاده حکایه قلمدیغی وجهله خیرالدین بک اعدایی دفع ایتدکدن صکره (تلمسان) حاکمندن باشقه اوتہ طرفده تونس حاکمکده اظهار عداوت ایتسی وعلی الخصوص ایشک ایچمنده اسپانیا دولتی گبی قوتلی بر دولتمک دخی بولنسی جزایرک محافظه سنہ مانع اولدیغی در پیش ایدهرک جزایر خلقنی دعوتله «ای اھالی بز سزک ملکتمکزه گیلہرک

فئەدە كىزى تەمبەر ويكىدن (۴۰۰) پارە طوب ايله تقويه ايلدى؛ بونىكلە برابر سىزنى راحەتكىزىدە قاچىردى؛ بىزە اولان عداوتلىرى اعدامىز سىزنى محوكىز بولۇندە آرايدىچىلەر !
 بىن سىزنى محوكىزە سبب اولغىيىستەم ! « دىيىچە خلق ھې بىر دىن كىندىنى گوندىر-
 مە چىكارىنى و اوغورۇندە فدائى جان ايدە چىكارىنى درمىيان ايتلىرلە خيرالدين بك
 « اويلە ايسە بىر شرطلە قبول ايدەردە آل عثمان پادشاهنى پادشاهىز طائىيە چىقسىز !
 آنك نامنە سىكە كىسوب، خطبە او قۇددە جىغە؛ بىزى محافظە ايدە چىك وارايسە آنچىق
 آنك قوت و نشۇدۇر ! « ديدكەدە، خلق مەنونا روى قبول گوستىرەمكە مېر شارانىيە
 در عقب (۴) گىنى دوناتوب، انواع تحف و اسراىدن درت قبولدان و فارق نقر غلام
 و سارۇردن عبارت بىر خوق ھدايا ايله كىيىقى خاكباي شاھانەيدە عرض ايلدى.

«سلطان سليم» حضرتلى خيرالدين بكك بو ھەتەندىن مەنونا اولدى؛ و در گەھى
 قوللىرىدىن حاجى حسين آغا مەرفتيلە بىر دونامش آت، بىر مرصع شمشير، بىر مەزىن
 خىلعت و سىناق و سائر ھدايا ارسال بىيورلەرق كىيىقت تابەيت عثمانى جىغە نەزەندە
 نەسە اعلان ايلدى (۹۲۶ ھ، ۱۵۲۲ م). بىنە بو اراقى در سەئادەتن (۲۰۰۰)
 نقر بىكىچىرى گىلەرك خىرالدين بكك قوتى اكىل ايدىلشدر .

گىرگە دولت عايەتك و گىرگە جزايرك اوزمانكى حال و موغنى نظىر دفتە آنىر
 ايسە خيرالدين بك، وىرلىن امارتك درجە اهمىيىتى تەقىر اولنە يىلىر؛ چونكە، تونس
 و تلمسان طرفلىرىدە واقعا بىر عرب حاكىمك دعواسىلە مېدانە چىقبوب، حكومت
 ايدىرلىر ايدىسەدە قوتلىرى گوندىن گونە زائل اولدىغى گى بىر طرفدە خيرالدين
 بك قوتى الشوكت بىر دولتك چايەسى آتتە گىرەش بونىكلە برابر ادارەسى آتتە
 بولنان بىرلەدە بىتون بىتون مەستقل بالرأى حاكم بولش اولدىغىدن قوتى سەئەت
 سەئەت آرتقىدە ايدى؛ بىنە عليه، شورتيە عاليە بىتون بىتون عرب امراستىك
 عروقى حەمدلىرىنى تەحريك ايدەرك ازجەلە، تونس و تلمسان حاكىملىرى خيرالدين بك
 غەيىبەندە اتفاق ايدىلر؛ لىكن خيرالدين بكك قوتى مسعود، عبدالله، محمد، ابن قاضى
 گى امراى مغاربەيدى امانە دوشوردىكەن باشقە مېر شارانىيە (مغانىم) و ايكىچى دفتە
 اولەرق (تلمسان) قلعەلىرىنى دىخى فتحە موفىق اولمشدر؛ لىكن بىر دفتە تونس حاكى
 قاضى زادەتك تشويقات مەقسەد تىكارانە سىلە جزاير اھالىسى خيرالدين بىكدن اعراض
 ايدىرگى اولدىلر ايسەدە مېر مومى اليە دىخى «بى ايسە مېيور ايسە كىز گىدەرم!» دىيە
 بىر سەغنا يوزى گوستىرچە بىنە جەلەسى دامن امانە سارلىدىلر؛ فقط بو وقەدەن
 سىكە كىندىسى جزايرى ترك ايدەرك مغرب سواحلىندە (چچىل) نامىلە مەعارفى اولان
 بىر كچوك قلعەيە چىكىلوب، اورادە اوچ سەنە مدت اقامت ايلدى. بوزمان ظىرقندە
 شەبان و ايدىن نام مشهور قىپودانلر يانلرندە دھا اون ايكى نقر مشهور قىپودانلر

اولدیغی حالده (۴۰) پاره گمی ایله گوکللی اوله رق گلوب، خیراندین بکک الی اویس اولدقلى جهته بونلرله براز دریا به چیه رق اوروبا سسواحلی اورمغه کیتدی و ایجه بروقت اطرافى اوروب، قیردقن صکره عودت ایلدی. بومیانده «ابن قاضی» ایله دخی بر محاربه سی وقوع بوله رق محاربه مذکورده مرقوم قاضی زاده مغلوب و مقتول اولدیغندن هر طرفدن حال عصیانده بولنان مشایخ عربان گلوب، عفو طلب ایدهرک جمله قبول تابعیت ایلدیلر. بواننده اوج سنه مدت دخی ختام بولش اولدیغندن آرتق وعد سابق و جهله جزیره عودت ایدهرک ینه اداره حکومتی ید اقتدار ینه آلدی.

هر نه قدر اطرافده اولان عربان تحت اطاعتنه آلتوب، خلق امن و راحت کسب ایلدیلر ایسه ده تلسان حاکمی «عبدالله» دولت علیه نامنه اوله رق سنوی ویرمکه اولدیغی (۱۶۰۰) آلتون مقطوع ویرگی بی آلتی سنه دن بری گوندرمه مکده بوندن باشقه اسپانیوللرله دخی اتفاق ایدهرک خطبه بی کندی نامنه اوقوت مقده اولدیغی جهته خیرالدین بک طرفندن نصیح ویندی حاوی ارسال اولنان نامه بی ردایله اعلان عصیان ایلش اولدیغندن سیرمشار الیه لاجل التأدیب اوزرینه عسکر سوق ایدهرک وقوع بولان محاربه ده مغلوب ایدوب، (۸) بک دوه ودها بک جوق اموال غنائم اخذ و ضبط ایله مظفرأ عودت ایتدکن و اطرافده ظهور ایدن دها بوگی غواغلی برطرف ایلدکن صکره جزایر شهری اوکنده بولنان آطه جق اوزرنده کی حصارک تسخیری تشبهنه قیام ایلدی. بو حصار فوق العاده متین اولدقن باشقه وضعیت وقریبی حسبله شهره دخی حاکم اولدیغندن هر نصله و قتیله بوراسنی اسپانیوللر انده ایدهرک برقات دها تحکیم و ترصین ایله بوجهندن اهالی شهری تحت نظارت و تنصیفه آلوب، سنوی ویرگی اخذ ایدهرک گوز آجدر مامغه قیام ایلش ایدی؛ علی الخصوص، خیراندین بک جزایری استیلا ایتدکن صکره بورایه برقات دها اهمیت ویره رک عادتاً آلات حریه و مهمات نازیه مخزن حکنه قومش ایسه ده میرومی الیه قوه قاهره و اقتدار فوق العاده سنه قارشى کندی حکمران کلری کندیلری ده یلمکده اولدقنلر دن اصلاً تجاوزه جسارت ایدهمیوب، ویرگی اخذندن دخی صرف نظرله یالکرالرن دن چیقار مامغه غیرت ایدرلردی؛ حال بوکه، بونقطه دشمن بدعینطنده طور دقجه شهرک دائمی برتلهکه آئنده بولندیغی و بوجهندن امنیت مناسب اولدیغی جهته همه حال تسخیری مقضی گورلمکله تدارکات لازمه اکمال ایلدکن صکره حصار مذکور برأ و بجرأ تحت محاصره ده آلتوب، برهفته کیجه گوندر دانه طوب و تفنگ ایله دوکوله دوکوله خاک ایله یکسان ایلش و هر نه قدر محافظلری طاب امان ایله تسلیم اولق ایسته مشر ایسه ده روی قبول گوسترلمکسزین حرباً بحر یسنه گیریلهرک اسپانیا دولتی طرفندن سوق اولنان قوه امدادیه ده

ورود یافته‌دن صاعلام قالان محارری ده هدم اولنوب، انفاضيله لیانك دكر طرفی طولیدرلمشدر. ایسته بوصنعی مندرک اعانه سیهله شهرک اوکنده محفوظ بر لیان حصوله گلمش ومذکور مندرک شهری احاطه ایدن سورک ساحله متمد اولدیغی نقطه سنه دکن تمید ایدلمشدر. بمحاصره ده دشمنن برخیلیسی تلف ایدلدکن باشقه (۵۰۰) نفری ده اسیر آلدی. اسرای مرقومه یه محاربه ائاسنده شهرک گولله ایله خراب اولان محارری تعمیر ایتدیرلدی. حربک خنامندن صکره اسپانیان (۹) قطعه بارجه ایله عساکر امدادیه گلمش ايسه ده قلعه یی رنده گوره مدکارندن طولای عودتله فراره شتابان اولمشلردر؛ فقط خبرالدین بك وقت فوت ایتکسزین (۱۵) پاره قادرغه ایله تعقیبلرینه چیقوب، برخیلی قووالدقن صکره ملاق اوله رق حربه طوتشمش وسبق ایدن محاربه ده دشمن دونغاسی مغلوب ومنهزم اوله رق هیئت مجموعه سیهله خبرالدین بك دونغاسی طرفندن اسیر ایدلمشدر. انده ایدلن سفائندن محاربه ائاسنده تاف اولانلردن باشقه (۲۷۰۰) نفر اسیر آئمش ایدی.

آیدین رئیسك مظفریاتی — اسزادن اسپانیا قرالی بشنجی شارلک ایتانیابه عزیمت ائتش اولدیغی حوادثی آئندیغندن خبرالدین بك دونغای آیدین رئیسك قومانداسنه وبره رك اول طرفه ارسال ایدلی. رئیس مرقوم دخی مارسلیه سواحله نه اوغرایه رق خیلی قرا وقصباتی تخریب ویغما ایتدکن صکره اسپانیا طرفلربی دخی طولاشوب، برخیلی (مدجل) تخلص ایله عودت ائتك اوزره ایکن سواحل محافظه سنه مأمور (۱۵) پاره دن عبارت برقیلو اسپانیا دونغاسنه تصادف ائلمش اولغله همان حربه طوتشه رق مذکور دونغای کاملاً اسیر آلدقن صکره اوچنی غرق ایله اوچنی دخی یاقوب، بقی (۹) قطعه سی برابرنده اولدیغی حالده غانماً جزایره عودت ایدلی.

اوروپا دول بحریه سنك عثمانلی قورصانلری علیهنده تشبثاتی — ایسته بوزمانلرده ایدی که، عثمانلی قورصانلریك حرکات حاکمانلریله آق دکرک هر طرفنده اوروبانك مراسلات بحریه سی قطع اولنوب، هیچ برملک برگمیدی سربست اوله رق اجرای سیر وسفر ایده من اولدقن باشقه سواحلده دخی امنیت اهالی منسلب اولغله خلق عاده ایجریله چکلمک فکریلرینه دوشمش واوروپا دول بحریه سنجه گویا بونک برچاره منعه تشبث زمانی گلمش اولدیغندن اسپانیا قرالی «بشنجی شارل» شومشکل حاله برچاره بولمق اوزره «آندریا دوریا» یدمراجعت ایدلی.

امیرال آندریا دوریا — آندریا دوریا (۱۴۶۸ — ۱۵۶۰ م) جنوبی دوقه سی بولندیغی حالده اول دورده اوروپا بحریونی میاننده گرک شجاعتی وگرک

فتون بحریہ ومانورہ حربیہ دہ اولان معلومات و مہارتی سایہ سندیہ ان زیادہ اشتہار ایدن و عادتاً خیر الدین بکہ معادل اولان قہودانلردن ایدی۔ امپراطور بشنجی شارلک طوغریدن طوغریہ کندیسنہ مراجعتی اوزرینہ ہر نہ قدر خیر الدین بکک حقندن گلہ جکئی وعد ایلدی ایسہدہ خود بخود بویلہ بروعدہدہ بولنق بیوک برقمہدی یوتغہ چالشمق اولدیغنی کندیسی دخی رعناً ییلبردی۔ نہ چارہ کہ، برطقہ برنسسلر و سائر ماداملر میانہدہ قرالک ایتدیکی تکلیفہ قارشی تردد بوزی ککوسترملکہ ممکن اولہمدی؛ خلاصہ، بوایش ایچون فرانسدن جالب اولنان جدید و غایت مکمل (۲۰) قطعہ قادرغہی سائر کلی قوتلہ آندریاہ تسلیم ایلدیلر۔ خیر الدین بکہ بو خبر واصل اولنجہ کندیسی (۳۵) و سنان رئیس نام مشہور برفورصان دخی (۷) بارہ گمی دوناتوب، آندریایی یولہدہ قارشیملاق ایچون مایورقہ طرفلرینہ طوغری عنیت ایلدی۔ آندریا دوریا باشقہ سولردن خیر الدین بکک گوزینہ ایلیمکسزین (۴۰) قطعہ قادرغدن عبارت بردوغا ایلہ قریقہ ساحلنہ گلوب، شرشل قلعه سنی باصدی ایسہدہ دھا قلعه مذکورہ محافظہ سندہ بولنان دلاورلرہ مقاومتدن عاجز قالہرق قرہبہ چیقاردیغی عسکر (۱۴۰۰) مقتول و (۶۴۰) اسیر برافقدن صکرہ کوچ حاکم ایلہ گیلرہ عودت ایدہ بیلشدہ۔ خیر الدین بک کیفیتہ مطلع اولور اولماز شرشلہ یتشدی ایسہدہ آندریایی قاجش بولدی۔ میرمشارالہ، آندریا فرانسه طرفلرینہ قاجش قیاسیلہ اوطرفلرہ دومن جو یروب، بولہدہ برقاج گمی بہ راست گلہرک اسیر ایتدکدن باشقہ جنوب سواحلندہ برلیمانی محافظہ ایدن کچوک برحصاری بیقہرق ولیماندہ بولنان (۲۲) عدد سفائی یاقہرق طولاشیر و آندریایی آرار طورر ایکن (۳۰۰۰) صولات و آلات و باروت بوکلی (۲) جسم قاراقاہ راست گلہرک آنلری دخی اوزاقدن طویلہ دوکہ دوکہ زبون ایدوب، بعدہ ضبط ایلدی۔ بو گمیلر جنوب طرفندن آندریاہ عساکر امدادیہ و مہمات حربیہ گوتورمکہ مأمور ایشلر۔ خیر الدین بک آنلردن آندریانک اسپانیا سواحلندہ برنہرہ صوقولمش اولدیغنی خبرنی آنجہرقبی ایلہ اورادہ بئچد لشمکہ گیتدی ایسہدہ آندریا اورادن دخی قاجوب، آق دگری ترک ایلہ سبتہ بوغازندن طیشاری بہ چیقدیغہ (سویل) لیمانہ گیردیکنہ مبنی ضروری جزائر طرفنہ عودت ایلدی۔

ایستہ خیر الدین بکک «سلطان سلیمان قانونی» طرفندن در سعادتہ دعوت اولندیغی بوزمان ایدی؛ چونکہ، بوائالردہ دولت علیہنک اوستریا ایلہ محاربہ سی اولدیغندن امپراطور بشنجی شارل آندریا دونمائی عثمانیلر علیہنہ قولالمنق فکریلہ تلمسان حاکمی تشویق ایدہرک (۱۴) بارہ گمی ایلہ عساکر معاونہ گوندروب، جزائر اوزرینہ هجوم ایتدیردی ایسہدہ حاکم مومی ایلہ خیر الدین بک طرفندن

مغالوب و مقهور ایدیلرک (۳۰) بیك انتون تضمینات حریره اعطاسینه محکوم قئندی. خیرالدين بك بومشغولیئی آره سئنده بری طرفدن آندریا دونغا ایله موره سواحله گلوب، قورون حصارینی ضبط ایلدی. فی الحقیقه، دولت عئیه طرفدن قبودان «اجد بك» قوماداسیله (۸۰) قطعه سفئندن عبارت بر دونغا امیرال آندریا اوزرینه سوق اولئش ایدی؛ فقط انلر ده ااصل اولدن آندریا اسپانیا صولرینه چكلمش اولغله برایش گوریلهمه مشدر.

خیرالدين بك ایسه بوغائله بی بر طرف ایتدکدن صکره (۱۵) گئبدن عبارت بر فیلوگوندر و ب، اسپانیا ساحلرینی باقدیردی. آندریا دونغاسندن ساحلری محافظه ایچون ترك ایداش اولان (۱۵) باره سفینهك دخی انجق بری فرار ایده. ینوب، قصور (۱۴) قطعه سی مذکور فیلو طرفدن حرباً ضبط اولنهرق جزیره گئیرلدی.

مدجالانك اسپانیادان آفریقہ یہ نقللری — اوستریا محاربه سئنده نتیجه غایت عثمانیلر طرفنده قلمسندن طولای امپراطور بشنجی شارلك مسلمانلر حقنده کی کین وعداوتی برقات ده ا کسب شدت ایدرک ارتق اسپانیاده ساکن اولان اهل اسلامه ایتمدک برحقارت برقامش و (انکیزیمون) مظالمه دوجار ایدمک بر فرد قلامش اولدیغندن افکار اسلامیه غلبانه گمیدی جهتله ناموس و حیاتلرینک تأمین و حقوق صریحه دینه لرینک محافظه سی قیدینه دوشن بر آلی مقدورین برجه ارقه و بره ترك تجاوزات اعدایه بووجهله مدافعه قیدینه دوشدیلر؛ فقط بو حال ایله برلشمش اولان جمعیت اسلامیهك دشمن دینه نسبة آزغی بالآخره بوسبتون محولرینه باعث اوله جغی جهتله دوشدکلی گرداب بلادن تخلیص نفسلری ایچون چاره یکانه اوله یله جك برتدیر اولق اوزره غازی مجاهد امیر خیرالدينه نظم نامه گوندرمکه قرار ویردیلر. اولنان استمداد جانگداز خیرالدين بك غیرت دینه سی اولئندیررک درعقب اندلس باقه سئنه (۳۶) باره قانیته گوندر و ب، بومسورتله مظلومینک امدادینه یتشمشدر.

سقائ مرسوله دن قره یه جیقن (۱۰۰۰) نفر دن عبارت بر فرقه مجاهدین مقابله لرینه سوق اولنان دشمن فئه کیره سی تارومار ایدرک اهل اسلام گئیلره المغه باشلادیلر. بوفره مقام مدافعه ده ثابت قدم اوله رق گمیلر (۷) دفعه اجرای سفرله (۷۰) بك راده سئنده اهل اسلامی افریقہ باقه سئنه کچیردیلر. بو طریق ایله تخلیص ایدیلن «مدجلین» جزایر و هججوارای اولان سواحل افریقہ یه برلشدرلدیلر. بوندن صکره «خیرالدين بك» بزدگئندن «خادم حسن» بکی مقامه توکیل ایدرک استجابوله عزیمت ائلمشدر.

ایکجی فصل

خیرالدین پاشانک قپودانلغی اثناسنده وقوع بولان
اجراآت و محارباتی

(عن ۹۴۱ الی ۹۵۳)

تونس سفری — خیرالدین پاشانک جزایره رجعتی — مایورقه سفری — درسعادته
عودت — آپولیا سفری — قورفو وقعہ حربیه سی — ونڈیک سواحلتک غارتی —
ونڈیک غارتک محصولی — آق دکزده برکشت وگزار — پردوزه محاربہ جسمیه سی —
دشمن طرفندن نووه حصارینک استیلا سی — مصر میر میرانی سلیمان پاشانک هند
سفری — خیرالدین پاشانک نووه سفری — اسپانیولرک جزایره هجوی —
خیرالدین پاشانک نیسه سفری — خیرالدین پاشانک ارتحالی.

تونس سفری — خیرالدین پاشانک مقام قپودانی یه ارتقا ایلدیکی
زمانلر قپودان پاشالق بر نوع بحریه نظارتی دیمک اولیوب ، عادتاً
اردو سرعسکرلیکنه مقابل دگزشاش قوماندانلغی دیمک اولدیغنه و برای
قپودان پاشا اولمق ایچون استانبولجه دوائر دولتک معاملات رسمیه -
سنه وقوف لازم اولیوب ، صنایع بحریه ده مهارت تامه وامر محاربه -
ده شجاعت کامله لازم اوله رق بونلرایسه «خیرالدین پاشا» حضرتلرنده
معزیده موجود بولندیغنه مبنی مشارالیه حضرتلری دولت علیه
عثمانیه نك الك برنجی قپودان پاشالرندن عد اولمق واجبدر . مقام
قپودانی یه گچر گچمز گمیلری تعمیر ویکیدن گمیلراناشاسنه ساق همتی
تشمیر ایدهرک آز وقت ظرفنده (۶۱) قطعه باشتارده وقادرغه میدانه

حیقاروب ، کندیسنگ گتیردیکی (۱۸) قادرغه ایله (۵) پاره ده گوکلی قورسان سفائنندن مرکب اولق اوزره تجهیزاتی مکمل (۸۴) قطعه سفائن حربیه دن عبارت بر دونما ایله (۱۵۳۴ م و ۹۴۱ هـ) سنه سی بهارنده آق دگزه چقیدی . اڤ اول مسینا بوغازینک ساحل شرقینی اوزرنده ، ایتالیا مواقع مستحکمه سندن رجیو (Reggio) قلعه سی تخلیه ایدلمش بولوب ، خراب ایلدکدن صکره « سانتالوقسا » (Santa Succa) نام قلعه یی دخی صباحدن وقت عصره قدر طویه طوته رق بعده هجوم ایله آلوب ، یغما ایتدیردی که . یالکیز بورادن آلتان امرانک مقداری (۷۸۰۰) نفره وارمش ایدی .

بورادن دخی ساحل بویجه ایلریلیوب ، سترارو (Citraro) اسمنده کی قلعه اوکته واصل اولدی . قلعه مذکورده دخی قرده عسکر دوکهرک ضبط وهدم ولیمانده بولنان (۱۸) قطعه قادرغه ایله داخل قلعه ده کی خانلری احراق واهالیسنی کاملاً اسیر ایدی . بورادن دخی ایلریلیوب ، ناپولی جوارنده [°] فوندی (Fondi) نامنده کی قلعه یی ده باصهرق سکنه سی اسیر ایلدکدن صکره برگون برگیجه دها سیر وسفرله یه ایتالیا ساحلنده ، غیتا (Gaeta) کورفری داخلنده اسپرلونغه (Spina Longa) حصاری اوکته

[*] اسکیر مؤرخین مشهوره سندن « پروفورقره یزی » (Cresasy) یازمش اولدیی عثمانلی تاریخنده خیراندین پاشانک (فوندی) قلعه سی باصه سنک سببی شوصورتله بیان ایدیور : - کوپاشای مشار الیهک بورایه اجرا ایلدیکی باصفین جاتوده حکومت ایدن « غوزاقا » خاندانندن « وه سیاسیه ن غوزاقا » (Vespasian Gonzaga) نک زوجه سی و او عصرک حسن وملاحتله اشتهار ایلش اولان قادیلری میانده برنجیک شرفی احرار ایله بر موقع ممتاز ومستنا قازانمش اولان « قوتس جولیه غوزاقا » (Giulia Gonzaga) یی الده ایتک املندن ایلری کلش ایش ! بواملک حصولیچون دخی دونای همایون ایله شهرک اوکته لیللاً ایتهرک کورلیرسزجه بر خیلی عسکرده قرده دوکمش وعسکر مذکور شهره داخل اوله رق موی الیهانک سرایشه قدر کیرمکه بیله موفق واصل ایهده عثمانلی باصتینندن خبردار اولان بر ایتالیا شوالیه سی درعقب سرایه ویتاق اوضه سنه قدر کیره رک موی الیهانی اویقودن او یاندیروب ، اولجه حاضر لدینی بر بار کیره ارکاباً قاجیره بطش ومؤخرأ ، کندیسنی یتاغی ایچنده وصویغونلق حالنده کورمش اولسندن طولانی مرقوم شوالیه یی اعدام ایتدیرمش ایش ! بو قادیلک روما ، پارس ، اسکله رده ووریق قاسل (Warwick Castle) ده الخاله هده یاغلی بویا رسملری موجود اولدیی مؤرخ مرقوم طرفندن روایت اولمقده در .

واصل اولدی . مذکور حصار دخی باصیلهرق قیریلان وفرار ایدن دشمندن ماعدا (۱۰) بیك نفر قدر اسیر آندی : قلعه ده خاك ايله برابر ایدلدی . بو مصلحت ده تمام اولدقدن صكره قارشى ساردانیه آطه سنه گچیلهرك جزیره مذكوره نك جنوب غربى سواحلى اوزرنده كائن بعض موقعلر دخی باصیلوب . غارت وبعده جزایره توجیه سكان عزیمت اولندیسه ده بر مخالف ، فقط حسب المصلحه موافق روزگار ايله دونمای هلیون تونس صولرینه دوشمكه وتونسك دولت عثمانیه نامنه فتحی ایسه ذاتاً مطلوب بولمغله خیرالدین پاشا (خالق الواد) لیمانه اینوب ، اهالی طرفندن حسن قبول گورمش اولدیغندن قرده چیقاردیغی طوب و عسكر ايله خلق الواددن (۹) میل ایچریده بولنان تونس شهری اوزرینه حرکت ایدهرك بر محاربه ايله « بنی حفص » امراسنی منهزم وشهری فتح ایلدی .

بعد الفتح تونس حاكم سابق « حسن » نام کیمسه (قیروان) د چکیلهرك اوراده جمعیت پیدا ایدوب ، یالکیز قوتنی تزیده سعی ايله نه قاچار ، نه ده خیرالدین پاشانك اوزرینه گلیردی : بناء علیه . خیرالدین پاشا (۱۰) بیك نفر قدر بر قوه کافیه ايله جمعیت مذکوردهنی طاغتمغه قرار ویردی . آنجق بوفرقة عسکریه به ترفیق ایدهجکی (۵) باتریا [۳۰ قطعه] طوبی چکیدیره چك قدر حیوان بوله مدیغندن طوب قونداقلری اوزرینه دیرکلر رکز ايله یلککلر کشاد ایدهرك اول صورته سوق ایلدی که ، بو حرکتك باشقه بریده امثالی گورلده . یکی جهته پاشای مشارالیه حضر تلرینك دقت فیکرینه پك گوزل بر میزان اوله جغی درکاردر . خیرالدین پاشا بو مانوره ايله طوبلری سوق ایدهرك صحرايه چیقوب ، دشمنك جمعیتنه ملاقی اولنجه حربه طوتشدی . اردوده بولنان طوبلرک تأثیرات شدیدیه سی دشمنده مقاومتیه مجال بر اقمدیغندن بر انهزام تام ايله فراره شتابان اولدیلر .

بو غلبه کاهیه متعاقب مشایخ عربان پاشایه مراجعتله عرض اطاعت
 ایتدکلرندن مظفراً خلق الواده عودت ایلدی ؛ فقط بو ائاده شقی
 مرقوم ، (۳۰۰) قدر بارچه وقادرغه دن عبارت جسیم بر دونما
 و (۲۴) بیک قدر تفنک انداز ایله (۲) بیک نفر سپاهی و برچوق
 گوکللی وفدائی نفراتی قومانداسی آتته آلوب ، خیرالدین پاشانی
 آرامقده بولنان آندریا دوریایی دعوت و « زائاً به بارباروسی تحت
 تفضیل و محاصره ایلمشدر ، لارینی انعام یک قولایوسدی ! » دینه
 مرقومک غیرتی تشدیدده صرف مقدرت ایتمکه آندریا دونماسی
 دخی تونس صولرینه توجیه سکان عزیمت ایلمشدر . بوقوه حربیه نی
 پاپا ، اسپانیا ، پورتکیز ، سیچیلیه ، ناپولی ، جنوین ، مالطه طرفلری
 بالاشترک میدانه چیقارمش و حتی اسپانیا قرالی بشنجی « شارل »
 دخی دونما ایچنده بولنش ایدی ؛ چونکه ، خیرالدین پاشانک سیف
 جلادتی سایه سنده جزایر و تونس گبی آفریقه سواحل شمالیه سنک
 قسیم اعظمندن عبارت اولان ایکی قطعہ جسیمه نی ممالک عثمانیه الحاق
 ایلمسی و عثمانلی دونماسنک گرك معناً و گرك ماده امثالمر بر درجه ده
 تزید قوت و شوکته خادم اولسی کیفیتلری آرتق آفریقه سواحلمده
 اسپانیا وایتالیا ایچون بقا امیدنی محو ایلمش و بوا یکی ملتی حقیقه
 گرداب دهشتک تا قعرینه قدر القا ایتش اولدیغدن بشنجی شارل
 تونسلی تکرار الده ایدوب ، آفریقه مستمکانی تهلهکندن قورتارمق
 و کندی علیه اوله رق فرانسه ایله هنوز عقد ایدمک اوزره بولنان
 عثمانلی اتفاقی منعه موفق اولق امیدیه اشبو قوه بحریه جسیمه نی
 بالتدارک کنیدیسی دخی دروننده اولدیغی حالده آفریقه سواحلمده
 گلمش ایدی . بومتفق دونما (۹۴۲) سنه هجریه سنه مصادف اولان
 (۱۵۳۵) سنه میلادیه سی حزیراننک (۱۶) نجی گونی اوروپا ایلمیارینده
 غولطه (Coulette) استحکاماتی نامیه اشتهار ایدن سالف الذکر خاق .

الواد قلعه سی او کنگنه گلشن و (صولی برج) تسمیه اولنان موقع پیشگاهنه اقامه لنگرله حامل اولدینی عساکر کلیه یی قره یه اخراج ایلمشدر . خیرالدین پاشا حضرتلری او آراق خلق الواد قلعه سنده ایدی . قلعه مذکوره طار بریر اولدیغندن اطرافنه بر مترس قازدیردق ایچنه اوتوز قرق قطعه طوبله مقدار کافی عسکر تعین و تعیه ایلدی . دشمن دخی بونک خارجنه مترس کشاد ایده رک (۱۲۰) قطعه طوبله صاروب ، آتسه ابتدار ایلدی . بومحاصره بر آیدن زیاده امتداد ایدوب ، طرفیندن گیجه گوندز طوپ محاربه سنه دوام اولندی ؛ وهیچ بر دقیقه طوپ سسی کسلمدی . بومدت ظرفنده طرف عثمانیاندن صوگ درجه ده فداکار قلعه تمام اوچ دفعه دشمنک مترسلری اوزرینه شدتلی هجوم وقوع بوله رق (۶) بیکی متجاوز افراد اعدا قلیچدن گچیرلدی ایسه ده بری بری آردنجه دائماً امداد آلمقده حتی دونمانک کورکچی نفراتسه وارنجه یه قدر موقع حربه سوق ایتمکده اولملرینه قارشلی بری طرفک هیچ بریردن بر معاونته نائل اوله میشی گیتدکجه مقدارلرینک آزماسنی موجب اولدقدن باشقه (۱۲۰) پاره طوبله متادیا اوتوز گون دوکمش اولان حصارک دخی آراق غازیانه سپر اولمق وظیفه سنی ایفا ایده میه جک درجه لرده رخنه دار اولمسی خیرالدین پاشا حضرتلرینه بوراده ثباتک بر فائده سی اولیه جغنی آکلاتمش اولدیغندن چاره سز تونسه رجعت ایتمکه مجبور اولدی .

خیرالدین پاشانک جزایره رجعتی -- پاشای مشار الیهک

تونسه مواصلته قلعه یه یرلشمسنی متعاقب آرقه سندن تعقیبنده بولنان دشمن دخی یتشه رک محاصره اسبابنه تشبث ایلمش اولمغله نزدنده بولنان قوه جزویه ایله تونسلیر دخی برابرنده اولدینی حالد قلعه دن

حقیقوب، شدتلی هجوملر گوستردک فرقه اعدای بوزمش و حتی تعقیبلرینه دخی قویولمش ایسه ده تونسلیلرک بر قسمی دشمن طرفنی انترام ایله آنمزین قلعه جانبیه یوز دوندر دکاری گبی دیگرلری دخی آنره پیرو اوله رق عودته باشلا دقلرندن فرار ایتکده اولان دشمن بو حالی گورنجیه یوز گیری ایدهرک یکیدن حربیه مباشرت ایتکله خیرالدین پاشا ناچار قلعه یه چکلمک تدبیرنده بولندی؛ حال بوکه، قلعه دروننده رسن بند بولنان (۴) بیگی متجاوز اسرای حربیه نی بومیانده دشمنله متفق اولان تونسلیلر تخلیص ایدهرک پیدا ایلدکاری جم غفیر ایله قبولری قایوب، مدافعه یه قالش دقلرندن پاشای مشارالیه ناجز معیتده قالان (۲۰۰) قدر افراد ایله جزایر سمته رجعت ایلدی؛ بوندن صکره اهل صلیب شهری اوچ گون یغما و عثمانلی ضرافداری اولان اهلینک جمله سنی قتل و اعدام ایله انواع خبائت اجرانسه تصدی ایلمشله و حاصل کلام، اروپا مؤرخلرینک دخی تحت اعترافنده اولدینی وجهله اسپانیوللرک بو سفر اهل اسلامه قارشلی اجرا ایتش اولدقلری مظالم هیچ بر مدت طرفندن هیچ بر زمان وقوعه گتیرله مش باربارلقلردن بولنمشدر.

مایورقه سفری — خیرالدین پاشا برابرنده اولان (۲۰۰)

قدر افراد ایله جزایره واصل اولدقدن صکره اوراده اون بش گون ظرفنده تهیئه و تدارک ایلدیکی [°] (۳۲) یاره گمی ایله دگزه چیقهرق اخذ انتقام ایچون مایورقه آطه سنه طوغری توجیه سکان عزیمت ایلدی. جزیره مذکورده (۳۰) میل مسافه ده (۲) بارچه یه تصادف اولمغله اوزرلرینه واریلوب، حرباً ضبط اولندیلر؛ و درونلرنده برخیلی تونس اسراسی بولندیغدن دوتمايه آلوب، مذکور گمیلرک

افرادى دخی اسیر ایدل دکن صکره گمیلر احراق اولندی؛ بعده مینورقه (Minorca) آطه سنک ماهون (Mahon) نام لیمانه اوغرانیله رق بر خیلی اسرا اخذ ایدل دکن واوراده دخی بلا حرب (۲) پور تکیز بارچه سی دها الده ایدیلرک آنلردن ده (۹۰) نفر اسرای اسلامیه چیقوب، دونمایه آلدق دن صکره مذکور گمیلر ده احراق ایدل دی. اورادن دخی مایورقه (Majorca) آطه سنه عزیمتله جزیره مذکور نک مرکزی اولان پالما (Palma) جوارینه عسکر چیقاریلوب، قلعه سی محاصره اولندی. بوصره ده جزیره محافظی (۶۰۰۰) نفر عسکرله گلوب، حصارک تخلیصنه غیرت ایلدی ایسه ده وقوع بولان محاربه ده تلف ایدل یکنندن معیتده اولان عسکر دخی مغلوب اوله رق فرار ایدیلر؛ خلاصه، قلعه درت گون طوپ ایله دوکلوب خراب ایدل مکه آرتق محافظلری دخی تسلیمه مجبور اولدیلر. بو محاربه ده دشمنک (۸۰۰) نفری اتلاف ایدل دکن باشقه (۵۷۰۰) نفری دخی اسیر وقلعه دروننده بولنان اموال و اشیا غارت اولنوب، حصار دخی کاملاً هدم ایدل دکن صکره مظفراً جزایره عودت اولندی.

درسعاده عودت — خیرالدین پاشا جزایره عودت ایتدکن صکره چوق طور میوب، درسعاده توجیه عزیمت ایلدی. اثنای طریقده هر نه قدر (۴۰) یاره قادرغه ایله کنديسنه سدره اولمق فکرنده بولنان آندریایه تصادف ایلدیسده — معیتده اولان قوتک دشمنه نظراً نسبت قبول ایتمز درجه ده آزلغنه مبنی — گورمه مزلکن گله رک یولنه دوام ایله حربه میدان ویرمه مشدر. درسعاده مواصلتده ذات شاهانه طرفدن فوق العاده التفاته مظهر اولوب، آپولیا سواحله بر سفر اجرا ایتمی اراده بیورلدیغدن ترسانه جه تدارکات جسمیمیه تشبث ایده رک (۲۰۰) یاره سفائن

حربیه انشا و تجیزینہ باشلاتدیردی . تونسہ سوق اولنان قوۃ کلیہ
 یانندہ خیرالدین پاشانک قوتی لاشیء مثابہ سندہ قالدیغندن کندیسى جزایره
 رجعت ایلدیکی زمان « بشنجی شارل » طرفندن « بارباروسى اولسردم !
 توبہ زیر اداره سندہ بولنانہ یرلری ضبط ایدرم ! » دیہ اوروپا
 حکمدارلرینہ نامہ لر گوندولمش ایدی : حال بوکە ، بارباروسک ینہ
 سواحلی یاقه رق ، یقہ رق درسعادته عودت ایدیشی قرال جنابلرینی
 تکذیب و تخجیل ایلمشدر .

آپولیا سفری — سلطان سلیمان قانونی حضرتلرینک خیرالدین
 پاشایى آپولیا سفرینہ مأمور ایلہ تدارکات جسیمہ بحریہ یہ تشبث
 ایلملری فرانسه دولتیلہ عقد اولنان بر اتفاق سیاسى نتأجندن ایدی :
 شویلهکە ، اسپانیا قرالى « شارلکن » (Charles Quint) ک آلمانیا
 ایمراطوری انتخاب اولنسی فرانسه قرالى « برنجی فرانسوا » نک عروق
 حسدینى تحریک ایلدیکی جہتلہ آلمانیا یہ قارشى اعلان خصومت ایدہرک
 باحقیقہ وفلمنک قطعہ لرینی ضبط وایتالیا اوزرینہ بر حرکت عسکریہ
 اجراسی املنہ دوشمش وبو بیوک املی حیز فعلہ ایصال ایچون اول
 زمان اوروپا قوای مجموعہ سنہ فائق بر قوۃ عسکریہ صاحبی اولوب ،
 مجارستان جہتندن دائماً آلمانیا دولتنہ قارشى تعرضات شدیدہدہ بولنان
 عثمانی دولت عظیم الشوکتنک جناح حمایہ سنہ صیغتمق وبو سایہدہ بر
 اتفاق سیاسى عقد ایتک لزومنی درک ایدہرک درسعادته « شوالیہ
 ژان دہلہ فورہ » (Chevalier Jean de la Forêt) نامندہ برایلچی
 ارسال ایلمش ایدی ؛ فقط بوایلچی یی صہورت عنیہدہ دولت علیہ
 ایلہ بر تجارت عہد نامہ سى عقد ایتک اوزرہ ارسال ایلمش اولدیغی
 اعلان ایدہرک خفیاً مقصد سالف الذکرک حصولنہ چالشمق وبووجہلہ

اوروپا اہالیہ خرسٹیانہ سنک تعصب و خصوصت لرینی تحریک ایللمہ مک تدبیرندہ بولمشدرد .

فی الحقیقہ ، « لہ فورہ » « برنجی فرانسوا » (Francois I) نک مقصد اصلسی اولان اتفاق سیاسی بی حصولہ گتیرمش و سلطان سلیمان قانونی حضر ت لرینک اسپانیا دولتہ تابع ناپولی قرالمغنی فتح ایتک ایچون بر قوہ عسکریہ سوق ایتسی موافقتی استحصالہ موفق اولمش ایسہدہ بونکلہ برابر بردہ [°] تجارت معاہدہ سی عقدینہ درسترس اولمغلہ سفیر مرقومک درسمعاہدہ اعزامندن فرانسه دولتی ایچون حصولہ گلن منافع ایکی قات اولمشدر (۹۴۲ ھ و ۱۵۳۶ م) .

اشبو اتفاق موجبہجہ (ناپولی) قطعہ سنک فتحی ایچون دولت علیہ (آپولیا) سواحلنہ عسکر سوق ایلدیکی زمان فرانسه دولتنک دخی شمال طرفندن ایتالیایی اشغال ایتک اوزرہ (۵۰۰۰) نفردن عبارت بر فرقہ عسکریہ بی (لومباردیا) قطعہ سنہ ادخال ایللمسی تحت قرارہ آلمش ایدی .

[*] ہوقعہ یہ دائر منظورمزلان برانکلیر تاریخندہ شووچہلہ بیان مطالعہ اولنورکہ اہمیتی جہتیلہ مختصراً اولسون تحریرہ لزوم کردک : — معاہدہ مذکورہ نک ایکنجی قسمی فرانسزلرک ممالک عثمانیہدہ سربسقی تجارت لرینی تأمین ایتک و بارباروسہ مثللی آق دکر سواحلی دہشتہ ویرمش اولان عثمانی قورسانلری طرفندن فرانسز سفائن تجارتیہ سنہ تعرض ایللمہ مک کبی اول زمان ایچون دولت علیہجہ اہمیتسز بر طاقم مادہلر اولوب، دولت مشارالہانک شو خصوصترہ رضا و موافقتی ایسہ محضاً فرانسه حکومتک تذللنہ قارشی بر مساعدہ مرحمتکاراندن عبارت اولدینی و علی الخصوص بومادہلر معاہدہ صورتدہ تحت تأمینہ آلفیوب، بر خط ہمایون ایلہ احسان ایدلش مساعدتندن بولندینی جہتہلہ دولت علیہ ایچون احکامنہ رعایت ایتکدہ ہیچ بر مجبوریق یوق ایندی .

فرانسزلرہ احسان ایدلش اولان تجارت امتیازلری حقندہ کی بومساعدہ بالآخرہ دولت علیہ ایچون نتیجہ وخیہ بی موجب اولمشدر؛ چونکہ مساعدہ مذکورہ مکبرہ برعہدنامہ سیاسی رنگنی آلوب، دائمی معاہدہ شکلنہ کیرمش و تعمم دخی ایدہرک اجنبیلرچہ « قاپیتولاسیون » (Capitulation) تعبیر اولنان و بر دولت ایچون حقیقہ فلاکت سیاسیہدن عد اولغہ شایان بولنان بر طاقم عہود عتیقہ ایلہ مطالبات و مداخلات غیر مشروعہ یول آچلشدرد . ایدی ، سلطان سلیمان قانونی حضر ت لرینک سماحت محضہ اولہرق احسان ایتش اولدینی بر مساعدہ امتیازیہ — مقابلندہ ہیچ بر شی طلب ایدللمش اولستہ مینی — بر معاہدہ مشروعہ صورتی آلمہجہ جتی، دکل ارباب حقوقک، حتی بتون جہانک تحت تسلیمندہ اولغلہ کائن لمیکن حکمندہ طوع تلق لازم کلدیکی کبی اساساً مساعدہ مذکورہ بی احسان ایچون سلطان سلیمان حضر ت لرینی تشویق وارضا ایدلش اولان صدراعظم ابراہیم باشا دخی لسان خیرابلہ یاد اولنہ ماز .

قرار مذکور نتیجه سی اوله رق خیرالدین پاشای غازی (۱۵۳۷م و ۹۴۳ھ) سنه سی ربیع الآخرنده (۳۰) قطعه سفن حربیه دن عبارت سبکبار بر دونمائیله مقدمه قوحتی حصوله گتیرمک اوزره آق دگنزه چیقوب، طوغریجه اولونیهیه عزیمت واوراده «بارون سن بلانکار» (Baron St. Blancard) نامنده کی فرانسر آمرالنک قومانداسنده بولنان (۱۲) قطعه غالیدن عبارت بر فیلو ایله برلشدکن و (۱۰) بیگ نفر موجودلی بر سواری فرقه سی دخی تدارک ایدیان نقلیه سفائیله برابر (۱۰۰) قطعه یه بالغ اولان دونمائیله ارکاب ایتدکن صکره ایتالیا شبه جزیره سنک آپولیا سواحله طوغری عزیمت ایلدی. سواحل مذکورده دن (اوترانتو) جوارینه حین وصولنده دونمآنک حامل اولدینی محاربینی قریه چقاروب، ناپولی حکومتک زیر تصرفده بولنان قاسترو (Castro) نام حصار متینی محاصره شدید آتیه آلدی؛ وثمره همتیه قلعه نک فتحه ظفریاب اولوب، دروننده بولنان اموال و اشیائی عسکره غارت ایتدیردکن و (۱۰) بیگه قریب نفوسی اسیر ایلدکن صکره داخله طوغری ایلر یلمک تشبثده بولندی ایسه ده فرانسه قرالنک وقت معینده ایتالیا ده گورنمکه اهمال ایلمش اولمسی ومعیتی فرقه سنک قلعه تسخیرینه مقتضی محاصره طوپلری و نقلیه حیواناتی و آلات سائرده سی موجود بولنماسی تصور مذکورک قوده د قالمسینه سبب اولمغه «خیرالدین پاشا» حضر تلی دخی اولجه طرف شاهانه دن آمش اولدینی تعلیمات موجبنجه بوقدر جقله بالا کتفادر سعاده عودت ایلدی.

قورقو وقعه حربیه سی — «فاتح سلطان محمد» حضر تلیرنک

اواخر سلطنتلرینه طوغری «گدک احمد پاشا» سردار لغله ایتالیا سواحله سوق اولنان بر دونما طرفدن آپولیا قطعه سی تسخیر ایلمش؛ و فقط

سردار مشارالیه فتوحاتی ده ایلری به گوتورمک مقصدیله بر قوه جدیده تدارك ایتک ایچون درسعاده عودت ایتدیکی صره لرده اسپانیا دولتک سوق ایلدیکی قوه کلیه ایله ید عثمانیانه انتقال ایدن بومالک و بلاد استرداد قلمشیدی .

او آردلق حضرت فاتحک وقوع ارتحالیه ایشه لایق اولدینی قدر اهمیت ویرلمهرك یوز اوستی بر اقلمش اولدینی حالده بودفعه فرانسه حکومتک مراجعتی و درسعاده گان سفیرک تشویقی نتیجه سی اوله رق اشبو قطعنه یکیدن فتحنه قرار ویریلوب ، تدارکات جسیمه به قیام اولنش و مقدمه فتوحات اولق اوزره خیرالدین پاشا حضر تلیری دخی بر فرقه دونما ایله سواحله مذکوریه گوندیریلوب ، خیایجه خسارات ایقاع ایتدیرلش ایدی .

بو مقصد مهمک حصولی ایچون دولتجه تشبث اولنان تدارکات اکال قلمش اولغله دفعه ثانیه اوله رق ایتالیا اوزرینه دونما سوق قرارگیر اولدینی بر صرده اولونیه طرفلرنجه بر وقتدن بری ناتمام قالان بعض مسائل حربیه نک تسویه سی وزیر اعظم « آياس پاشا » طرفندن رکاب شاهانه به عرض وانها قلمش اولغله « تقريم الالهيم علی المرحوم » قاعده سنه رعایه اول امرده بومسائل معلقه نک تسویه سی حکمت حکومت ده موافق دوشدیکندن ذات شاهانه کندیلری بالذات قره دن اولونیه اوزرینه حرکت ایدوب ، دونمای هایونی دخی « خیرالدین پاشا » قومانداسیله دریادن اول سواحله سوق وارسال بیوردیلر .

دونمای هایون (۱۳۵) قادرغه وباشتارده ایله (۱۴۵) عدد سائر نوع سفائنندن عبارت اولوب ، جمعاً یکون (۲۸۰) پاره اولدینی حالده (۱۵۳۷ م) سنه سی نسیاننه مصادف اولان (۹۴۳ هـ) سنه سی ذی الحجه سنک ابتدایک جمعه ایرتسی گونی استانبول لیمانندن حرکت

ایلدی . بو دونمانک حربیه مأمور اولان عسکردن باشقه (۳۰)
بیك نفر کورجیکسی بولندیغی جسامت و مکملیتک درجه‌سی میزان
ایچون بر مقیاس اوله بیایر .

بو دفعه آق دگزه سوق اولنان دونمیه نسیه بوندن مقدم
آپولیا ساحنه ارسال قلنان دونما پک اول قدر حائر اهمیت دکل
ایکن بیله ایتالیا قطعه‌سک همان هر جهتهده حاصل ایلدیکی تأثیر بر
هیجان عمومی رنگینی آلوب ، از جمله ، پاپا پرینسلکی داخلنده بولنان
قلاعلک تحکیم و تقویه‌سک اهتمام اولندیغی گبی بالذات پاپا «پول» (Paul)
جنابلری ده رومادن فراره قرار ویرمش و «آمرال آندریا» آپولیا
ساحلنی ترک ایلدکدن باشقه مسینا لیماننده دخی اقامته جسامت
ایده‌مه‌مش ایدی ؛ بودفعه «خیرالدین پاشا» نک دها جسیم بر دونما ایله
آق دگزه حقیقه‌سی دکل یالکیز ایتالیا بهتون اوروپایه تأثیرینی حس
ایتدیرمش اولدیغندن دولت علیه‌نک متفق بولنان فرانسه دولتندن
ماعددا حکومت بحریه‌نک کافه‌سی عثمانلی دونماسه قارشلی بالاتفاق
مقاومت ایتک اوزره دونمالرینی سالف الذکر آمرال آندریانک
قومانداسی تحتیه ویرمشلردر .

ذات شاهانه (۹۴۴ هـ) صفرینک (۵) نجی گونی اولونیه صحرا سیه
نزول بیوردیلر . بوضرعه دونمای هایون دخی سواحل مذکورده
واصل اولدی . عساکر بریه حال عصیانده بولنان آرنود اشقیاسی
تأدیپ ایله دائره اطاعته سوققده ایکن دونما دخی دگزه جهتی
آبلوقه ایدهرک خارجدن وقوع بوله‌جق هر نوع معاونتک امکانش قطع
ایلدیکی جهته آرزمان ایچنده اجرا قلنان حرکات عسکریه‌نک ثمره‌سی
اقتطاف اولنوب ، ایکی سنجاقلق اراضی تحت تأمین آلدقدن صکره
دونما اولونیه اوکونده اجتماع ایلدی . اردوی هایون ایچون مصردن

گله جك اولان ذخائری حامل سفائی سالماً گتیرمك مأموریتله
دو نماندن افراز اولنان (۶۰) پاره قادرغه ایله خیرالدین پاشا اسکندریه
طرفه گوندریلوب، دونمانك قره عسکری سرداری لطفی پاشا دخی
گیریده قالان سفائنه آپولیا سواحلی اورمغه ارسال اولندی.
لطفی پاشا آلونیسه دن قیام ایله آپولیا سواحله مواصلت ایدهرک
برقاج قلعه تخریب و اموال موجوده سنی غارت ایدوب، برچوقده اسیر
آلدقن صکره عودت ایلدی. خیرالدین پاشا دخی محل مأموریتنه گیدرکن
قورفو جزیره سی اوکندن گچدیکی صرهدده ونديك واسپانیادونماسندن
(۴۰) پاره قادرغه جزیره نك (ایپسوقورفه) کورفزنده بولنوب،
باقیسی اوترانتو بوغازندن ایجری آدریاتیق داخلنده اولدیغندن
بارباروسك اورادن تباعدی آندریانك جسارتی تزییدایدهرك دونمانك
قسم باقیسیله برلشمك ومؤخرأ برایش بجره بيلمك اوزره قورفودن
قیام ایدوب، دگزه آچلدیغی صرهدده لطفی پاشا دخی آپولیا یاقه سندن
عودت ایتمکده اولدیغندن اثنای طریقده بو ایکی دونما یکدیگره
تصادفله طوپ محاربه سنه بدأ ایدلدیسه ده آندریا قوتنه گوکنه میهرک
قورفویه رجعت ایتمك اوزره دومن چویردیکندن دونمای هایوندن
دخی تعقیبلرینه دوام اولنوب، ایکی گیلری غرق وایکیسی اسیر
ایدلی؛ فقط دشمن دونماسی ده آرتق قورفویه ایریشمش بولدیغندن
تعقیبلرندن صرف نظر اولنهرق آلونییه عودت اولندی. بری
طرفده خیرالدین پاشا دخی ذخیره حمله لی گیلری سالماً پره وزیه
ایصال ایتدکن صکره آلونییه گلهرك دونمای هایونه التحاق ایلدی.
دونما خصوصات مسروده نی تسویه ایچون اوصولردن غیوبت
ایتدیکی ائشارده گلیولی ترسانه کدخداسی «علی رئیس» دونمای هایونه
التحاق ایتمك اوزره (۲) قطعه قادرغه ودها اوافق تفك برقاج پاره
گمی ایله آلونییه گلمکده ایکن قورفو اوکندن گچدکلی صرهدده

آمیرال آندریا متفقہ دو تناسنہ منسوب بریلو ایلہ آنسزین اوزرلرینہ گلوب، تعرضہ باشلادیغندن بری طرفدن دخی مدافعه‌ده قصور اولمیه رق طلوع شمسدن وقت عصره قدر حربہ دوام اولندی؛ فقط دشمنک کثرت وقوتنه قارشی بری طرفکده حرب گمیی دینله بیله جک آنجق (۲) قادرغه ایلہ مقابله‌ده بولمسی بیوک بر جمعیت عثمانیه اثری اولوب، نه چاره‌که، بالآخره مغلوبیتلرینی انتاج ایلمشدر. دشمن طرفندن سفائن مذکورہ‌نک اکثریسی غرق و احراق ایدیلوب، باقی قالانلری ده اسیر ایدلدی. بواثنالرده وندیکلیر دولت علیه‌ایله حال صلح اوزره بولوب، قورقو جزیره‌سی دخی وندیک جمهوریتنه تابع بر آطه اولدیغندن بی طرف بولمسی لازم گیرایکن دشمن دو تناسنہ یتاقلق ایتدکن باشقه جزیره منسوب اولان وندیک سفائن حربیه‌سی طرفندن دخی آنسزین بویله بر تجاوزده بوللمسی کیفیتی تحقیقه شایان وقایع غریبه‌دن گورلمکله لاحق گلیولی کدخداسی «بوستان رئیس» ایلچیلک مأموریتله قورقو ارسال ایدلدی.

مشار الیه اثنای طریقده (۴) قطعه سفائندن عبارت بر وندیک مفرزه بحریه سنه راست گله‌رک اگرچه کندیسنک حربیه مأمور اولدیغنی، ایلچی ایدوکنی وایلچی‌یه تعرض موافق حقانیت اولیه جغنی آکلاتمش ایسه‌ده مفید اولیوب، اعدا مطلقا گمی بی باطرمغه قصد ایلدکلرندن گمی ضابطانندن بریسنک قان باشنه صچرایوب، «سوز آکلامامور قصه‌نده بولنانلره قارشی آکلاممور ایچوره نه اوغراشوب طور یورسکز؟ باطرمه‌هی ایلر واریم باطرسیندر! بزده آنلری باطرمه‌هی ایلر! یا باطرم! یا باطرم! «دییه فیرلامش اولمسیله آرتق ایکی طرفده آتسه باشلایوب، سفینه‌هی یونندن صوگ درجه غیرت گوسترلمش و دشمنه یک زیاده خسارات ویرلمش ایسه‌ده (۴) گمی بردن اطرافنی

صاره رق مدت مدیده دوکه دوکه عاقبت غرق و تلف ایتدیلر
 و ایچندن قورتولانلری دخی انواع حقارتله قتل و اعدام ایلدیلر .
 آنجق بر چو جق نصلسه کنیدی دگزّه آتهرق بوظالمرك المدن فراره
 موفق اولوب ، بر تخته پارچه سی اوزرنده دگزده یوزمکده ایکن راست
 گلدیکی بر عثمانلی گمیسنه آنه رق بونک واسطه سیله لطفی پاشا هائله
 مذکورده دن آگاه ایلدی .

ایشته بلا سبب نقض عهد ایله بو ایکی حرکت خائنانه یی
 ارتکاب ایتمش اولان و ندیکلیردن اخذنار ایچون ید تصرف لرنده
 اولان [۵] قورفو جزیره سی علمیه بر حرکت عسکریه اجرایی

[۵] جزیره مذکوره نك پارغه حصارندن اولان بعد و مسافه سی (۴۰) میل و دوری (۲۰۰) میله قریب و کششده دن قره یله طوغری طولی (۳۵) میل و عرضی یك مختلف ایسه ده قسم شمالیسی شرقدن غربه (۱۶) میل امتدادنده در . قره یل جهتنده بولنان درستی (Drasti) برونك غولی (۲۹،۴۸) و عرضی (۱۹،۳۸) اولوب، کششله جهتنده کی بیانقو (Bianco) برونك دخی طولی (۲۹،۴۱) و عرضی (۲۰،۰۷) در . اراضیسی علی الاکثر جبال متسله ایله مستور و (۱۸۷۰) سنه میلادی سنده کی تحریره نظرّاً سکته سی دخی (۹۶۹۴۰) نفوسدن عبارتدر .

مرکزی اولان قورفو (Corfu) شهری داخلده ، یعنی جزیره نك اصل قره یه ناظر اولان شرق ساحلی اوزرنده و چناق لیانندن همان (۶) میل بعد و مسافه ده کائن اولوب، دکزك ایچنه بنا اولنش متین و مستحکم بر حصار ایله محدوددر . جزیره مذکوره غایت معمور و مشهور اولوب، ذاتاً ارناود پرنسارندن برینک تحت تصرفنده ایکن هجرتك (۸۰۳) تاریخده بر حمله ایله و ندیکلیر طرفندن ضبط اولندقدن سکره اورتاتو بوغازینه حاکم بر نقطه ده بولنسی مناسبیله دخی فوق العاده تحکیم ایلدیلرک عادتاً آدیاتیق دکزیشک کلیدی مثابه سنه قونلش و دوخا و عسکر ایچون بر مجمع و مهمات حریه ایچون بر مخزن حکمنه کتیرلش ایدی .

خصوصیله ساحلده بولنان طبیعی مراسلردن شهرک (۳،۵) میل قره یل جهتنده، اطراف باطله قلق و مدخلی طار و فقط ایچریسی ککیش اولان جووینو (Giovino) لیانی دخی و ندیکلیر ترسانه اتخا ایدهرک بوراده غالیلرینی تعمیر و تجهیر ایدرلر دی . سالف الذکر قورفو حصارینک دوری (۳) میله قریب اولوب، عثمانلیرک هنسکام محاصره لرنده یالکزطشمره واروشنده (۱۸) بیك خانسی موجود ایلیدسه ده (۱۸۶۰) سنه میلادی سی تحریریه کوره حصار مذکورک داخل و خارجنده بولنان سکته سی آنجق (۱۷۶۹۹) نفوس اولق اوزره مقیددر . داخل حصارده بولنان ایکی یانجین قیادن عبارت تپهر اوزریشه و ندیکلیر طرفندن ایکی قلعه بنا اولنهرق مذکور قلعه لر حین اقتضاده بکدیرکینه امداد عسکری وسائر ارساله بیلینلر ایچون زیر زمیندن حفر ایلش بر تونل واسطه سیله بر برینه ربط و توصیل قلشدر ایدی . حصارک اطراف دکزله محاط، اوکنده دخی صنعی بر لیانی موجود اولوب، بولیمانه چکدیرمه لر کپرلر و (۲) یاخود (۲،۵) قولایچده تجورلیه بیلیرلر ایسه ده قالیونلر خارجه ده و حصار ایله ویدو (Vido) آطه سی میاننده یاتارلر دی . جزیره مذکوره اصلی قره دن (۱۸) میل عرضنده طار بر بوغازله آیرلش اولدیفندن حین اقتضاده قارشیدن قارشیه عسکر و نعلی بورادن اجرا قلنیردی . روایت نظرّاً کیلر نیکدیرینه بطور بند ایله اوزریشه دوشمه

قرارداده اوله رق هان الده بولنان قوه موجوده دى دونماي هايونه بالارکاب جزيره مذکوره يه سوق و اخراج ايلدیلر .

اردوی هايون جزيره گچيرلد کدن صکره دونمادن دخی عسکر و طوپلر اخراج اوله رق اول امرده آطه نك (۱۴۰) پاره کویلری غارت و احراق ایدیلوب، بعده قلعه نك محاصره سنه تشبث اولنديسه ده اوج طرفی دگزله محاط اولدینی جهته باشلیجه جسيم طوپلرله قريه متناظر اولان طرفدن دوکوله بیلوب، مطلوب حاصل اوله مدینی و ذاتاً قلعه فوق العاده متاتی حائز بولندينی اجلدن گيجه گوندز اجرا ایدیلان شدتلی آتشلره قارشى (۴۳) گون مقاومت ایلدی . بومدت ظرفنده آچیلان گدکلر بر درلو هجومه مساعد درجه يه گتيريله مدیکندن هر نه قدر بر قاچ دفعه عسکره يورويش لر دخی ايتديرلدى ايسه ده درونه دخوله موفقيت حاصل اوله مدی . بو آرده موسم شتا دخی حلول ايتمش اولغله عودت حقنده امر هايون شرف صدور ايلمشدر . خيرالدين ولطفی باشالر هر نه قدر « بوقدر امك هبا اولموه روا دكدر ! كريتدر

آتیلوب، مذکور طار بوغازده موقت برکوپری تشکیل ایدیلرک عسکر جزيره يه بوکوپريدن کچيريش ايمش ! فقط بر ميلدن زياته عرضنده برکچيده کوپری يايقی ايچون اول زماك مستعمل اولان سفائن حربيه سندن (۲۱۴) قطعه قادر غه نك خدمت مذکوره يه تخصیص ايدلسی اقتضا ايدره چونكه (۱۸) ميل بحری (۶۸۴۰) انكليز قدمنه مساوی اولوب، اك جسيم قادر غه نك عرضلری ايسه آنجق (۴۲) انكليز قدمنه مساوی اولديغندن بالاده مذکور مقدار (۴۲) عددينه تقسيم اولندينی صوره رده خارج قسمت (۲۱۴) عددينه مساوی اولورکه، بو خدمت ايچون استخدام اولنه جق سفائنك عددی ديمکدر . ايمدی دونماي همایونك موجودی اکثریسی قادر غه دن کچوك کچيلردن عبارت اولوق اوزره طوبی (۲۸۰) قطعه اولديغنه نظرأ بالفرض (۲۱۴) قطعه سيله خدمت مذکوره يه ايدلسه بيله عسکرک مروری ائناسنده کوپری يی تخريب و قضیه مروری امكانسز بر حاله قويمق ايچون ونديک واسپانياکي ايکی بيوك بحريه دولتنك دهرا بر طاقم معاونلر ليله برابر مجموع قواي بحريه لر يی قوللانه جقلى ملحوظ اولغله اشبو وقوع بوله جق دونما هجومه قارشى يشه دونمادن عبارت ودها قوتلی و هيچ اولمازايسه متوازن بر قوه مدافعه بولنديرمق مقتضای حربيه دن اولوب، سفائنك قسم اعظمی و خصوصيله حائز جسامت اولانلری کوپری خدمتنده قوللاندینی صورته کيریده کومپری يی محافظه ایده جک بر قوه کافيه قابليه جفندن بومثالی دلجه بر حرکت ايجرات عسکريه لر يه عالم ترقيه جدا پک بيوك درسار ويرمش اولان عظماي عثمانيانك هيچ بروجهله ابتدار اچمه جکلری ذره قدر افکار عسکريه سى اولانلر زنده مسلم و محقق اولغله بر بوروايته جدی نظريه باقه ماقده معذور .

قولایمیزی! « دئیہ عودت امرینی تأخیر ایتک ایسته دیلر و صورت قرارلرینی خاکپای شاهانه عرض ایلدیلر ایسه ده روایت اولدیغنه گوره قلعه دن انداخت اولنان برمرمیشک اصابتله درت غازینک بردن شهید اولدیغی سمع هایونه واصل اولمش بولندیغندن » بر مجاهد قولی بویله بیک قلعه ده کشتم! « دئیہ برقطعه فرمان هایون شرفصدور ایتکله چاروناچار محاصره می رفع ایدهرک عودته مجبور اولدیلر . انهای عودتده دونمای هایوندن کفالونیه آطه سنه عسکر چیقاریلوب ، غارت ایتدیرلدی . اورادن دخی مودون لیماننه موصلت اولنوب ، خیرالدین پاشا ذات شاهانه دن کندیسنک بر قاچ گمی ایله اوقیشی طشرده گچیرمسنه مساعده طلب ایلدی .

طرف شاهانه دن « هرا قیشر ؛ سطر بر ضرر ابریشمین دئیہ قورقارم ! » جوابی وارد اولنجه « قولکزک اوبیم بارقم آو دکزدر ؛ بنده کزه دکزده بر ضرر کلیمز ! » دئیہ بالمقابله استحصال مساعده ایدهرک انتخاب ایلدیکی (۶۰) قطعه قادرغه ایله کشیدیسی دکزده قالب ، لطفی پاشا دخی دونمای هایونک گیری قالان قسمیله در سعادت عودت ایلدی .

ناپولی قطعه سنک استیلا سندن عبارت بر مقصد مهمه مبنی مصارف کثیره اختیارله وجوده گتیرلمش بیوک بر تدارک نتیجه سی اوله رق آبولیا ساحلر نده بر قاچ موقعک تخریب وغارتی گبی جزو یاتدن عد اولنه جق بر موفقیته قناعت اولنق سلطان سلیمان ایچون ممکنسز گوریلور . چه فائده که ، آرناولدق عصیانک تسکیننی متعاقب وندیکیلرکده اسپانیولرله متفقاً اعلان خصومت ایتلری قورفو سفرینی ایجاب ایتدیرمش وینه بوآره لق آناتولیده ظهور ایدن عصیانلر و ایران دولتنک بوکا منضم اولان تمایلات خصومتکارانه سی پادشاهک نظر دقتی آسیا طرفنه چوریه جک اسباب مهمه دن بولغله قوای عسکریدنک قم اعظمی آناتولی جهتنه سوق اولنوب ، قورفونک تسخیرنه بیله اهمیت ویرلهمش اولمه یغندن ایتالیا حقنده کی تصمیمات شاهانه نک طبیعتیله گیری قامسی اقتضا ایشدر .

فرانسزلرک بو سفری میدانہ چقارمغه سبب اولمش ایکن وقتیلہ ایتالیایہ داخل اولہ ماملری قضیہ سی برمانع گئی گوریلورایسده حقیقت حالہ نظرأ بونک اہمیتی ایکنجی درجہده وبلکہده ہیچ حکمنده قالیر.

وندیک سواحلتک غارتی — خیرالدین پاشانک قیشی دکرده

گچیر مسندہ کی مقصدینک وندیکلیدن گوزل برانتقام آلمق ایچون اولدیغی اخطارہ حاجت یوقدر ؛ بناءً علیہ، اولا چوقہ (Cerego) آطہ-نی اوردی، ثانیاً اکینہ (Egine) نام جزیرہ واروب، حصاری متین اولدیغندن دونمادن طوپ و عسکر اخراج ایلہ محاصرہ ایدرک اوچ گون دوکدکن صکرہ دردنجی گونی فتحنہ ظفریاب اولدی . بورادن (۴۸۰۰) نفر اسیر ایلہ برخیلی غنیمت الہ گچیردی ؛ بعدہ وقتیلہ عثمانلی یہ تابع ایکن مؤخرأ وندیکہ تابع اولمسندن ناشی عثمانیلر میانندہ (مرتد) دیہ شہرت بولمش اولان زیبا (Zaia) آطہ-سنہ گیدرک اوراسنی دخی یاقوب، ییاقوب، (۲۲۰۰) نفر اسیر و برچوق مال غنیمت آلدی. بوندن صکرہ دخی پاروس (Paros) آطہ-سنہ وارارق بوراسنی دخی برخیلی مدت طوپ ایلہ دوکدکن صکرہ هجوم ایلہ ضبط ایدوب، مدافعلرک برخیلینسی قلیجدن گچیردی ؛ برطاقملری دہ اسیر واموال واشیالری غارت ایدلدی ؛ بعدہ نقشہ (Naxia) آطہ-سنہ وارلدقدہ اہالیسی خراجگذارلنی قبول ایلدکرنندن تخریب ایدلمدی. حاصلی ایکی جزیرہ دہا اوروب، (۱۱) بیگ نفر اسیر آلدقن و آلتی جزیرہ یی دہ خراجہ باغلادقن صکرہ غانماً و مظفرأ درسہ مادتہ عودت ایلدی .

مؤرخ « منزیس » (Menzies) بوسفرده سالف الذکر فرانمز امیرالی « سن بلانقار » ک (۱۲) قطعہ غالیدن عبارت معیتی فیلوسیلہ خیرالدین پاشا حضرتلرینک رفاقتندہ بولندیغی روایت ایلمکده

ایسدهده بو خصوصه دائر عثمانلی تاریخلرینک هیچ بریسنده برقید گوريله مدیکندن روایت مذکوره پکده طوغری تاقی اولنسه ماز . بو دورده اله گچیریلن اموال غنیمتک یالکیز میرییه عائد اولان خمس حصه سی (۱۰۰۰) قیز و (۱۵۰۰) گنچ کوله و (۴۰۰) بیٹ آلتون اولوب ، سائر اموال و اشیا دخی بوقیاس اوزره کثرتلی ایدی .

وندیک غارتنک محصولی — خیرالدین پاشا ایلیک بهار اوستی

در سعادتیه گیدیک زمان خاکپای شاهانه یه تقدیم اید، چکی هدایای گوزل بر آلا ی ترتیب اید، رک اول وجهله تقدیم ایلشدر ؛ شویله که : — الدده بولسان کلیتلی اسرا میانندن (۱۰۰۰) نفر کنچ قیزلری مزین اولدقاری حالده اوکه قاتوب ، آنلرک آرقه سندن سراپاق و مزینلر گیدرمت اولدیفی (۲۰۰) نفر کنچ کولدی هر برینک اللرنده آلتون و مکوش قدحلر ، صراحیلر و سائر اوانی طوتدقاری حالده کچیروب ، آنلرک آردندن دخی (۳۰) نفر کوله اوموزلرنده بر کيسه آلتون و (۲۰۰) نفر کوله اوموزلرنده برر طوربه آچیه اولدیفی حالده کچدی ؛ واک صکره بوبنی زنجیرلی (۲۰۰۰) سردار اوموزلرنده برر ایکیشر طوپ چوقه اولدیفی حالده کچدیلر . ایشته بو وجهله ترتیب ایدلش اولان بر هدیه آلا یی استانبول خلقنه حیرت و تعجب ویرمشدر . پادشاه کریمکار حضرتلری دخی فوق الغایه مخطوط اولوب ، خیرالدین پاشا حضرتلرینه خلعتلر الباس ایلدی .

آق دگزرده بر جولان — ذات شاهانه خیرالدین پاشانک وندیک جمهوریتی علیهنه اوله رقیینه آق دگزر آطه لرینه بر آقین ایتسی ایچون اول بهاره دگین وزرایه (۱۵۰) پاره گمی احضاری فرمان بیوردیلر ؛ فقط مذکورالمقدار سفائنک تجهیز و احضاری وقت معینه دگین اکمال ایدیله ممش اولدیفندن پاشای مشار الیه تیز الدن حاضر قلنان (۴۰) پاره سفائن ایله (۹۴۵ هـ) سنه سی محرمینک (۹) نجی گونی آق دگزه متوجهاً در سعادت لیمانندن قیام و حرکت ایلدی . دونمای مذکوره (۳) بیٹ یکی چری ایله قوجه ایل ، تکه .

صیدا، علائیه متصرفلری علی . خرم و دیگر علی و مصطفی بکر
لوالری عساکر یله مأمور ایدیلرک قوه حربیه سی درجه مطلوبه
و مکمله یه ایصال قلمشیدی .

اول امرده ایروز (Imbro) آطه سنه اوغرائیلوب : مقدا
جزیره مذکوره پیشگاهنده باطمش بولنان بر سفینه نک دروننده کی
(۱۷) پاره طویلری چیقاریلرک دونمایه آلدقدن صکره و ندیک
جمهوریتنه تابع ایشک توز (Skiathos) نام جزیره وارلدی .
جزیره مذکوره نک حصاری ساحلدن (۷) میل ایچریده غایت
صرپ بر قیا اوزرینه مبنی اولوب ، برده مستحکم لیانی بولندیغدن
اکثریا عثمانلی صولرنده طولاشمقده اولان اجنبی قورصان سفینه لری
عثمانلی سفائن حربیه سی طرفلرندن راست گتیریلوب ، تعقیب اولندقجه
بورایه التجا ایله تحفظ ایلمکده اولدقلری اغریبوز میرلواسی جانبندن
خیرالدین پاشایه اشعار قلمش اولغله پاشای مشار ایله طرفندن
دخی جزیره نک ضبطله قلعه سنک هدمی اقدام اموردن گوریلرک
بو سببله جزیره مذکوره اوزرینه حرکت اولنمشیدی . بعدالواصله
پاشای غازی قرهیه عسکر و طوپ چیقارهرق قلعه یی آلتی گون آتی
گیجه علی الدوام دوکوب ، آچدیغی گدکلردن یدنجی گونی بر
هجوم قطعی ایله ضبط و تسخیر ایلدی . اثنای محاربه ده دشمنک
بر قسم کلیسی تلف اولدقدن باشقه باقی قالان (۳۸۰۰) نفر لری
دخی عساکر عثمانیه طرفندن اسیر ایلدی .

بو مظفرتی متعاقب استانبولجه تدارک و تجهیز ایدلمکده اولان
(۹۰) پاره سفائن دخی بالاکال ارسال قلمش اولغله آنلر و مقدا
اسکندریه طریقله هنددن گله جک اولان اتمه تجاریه یی قورصان
سفائنک تسلطاندن محافظه ایچون [°] صالح رئیس قومانداسیله

مصر صولرینه گوندرلمش اولان (۲۰) قطعهدن عبارت بر فیلو دخی بوصرهده گلهرك جملهسی بوراده برلشمش اولدقلرندن دونمائی هایونك عددی (۱۵۰) پاره سفائن حربیهیه بالغ اولدی ؛ فقط استانبولدن گلن گمیلرك مهماتیه کورخچیلری مکمل اولمديغندن (۱۲) قطعہسی بوشالیدیوب ، گلیبولییه اعاده اولنهرق بونلرك عساکر موجوده ومهماتیه سفائن سائرهنك نواقصی اکمال ایدلدکن صکره برقسنمی اغریبوزه ارسال اولندی .

خیرالدین پاشا نزدنده آله قویدیغی (۶۲) پاره سفائن حربیه ایله بورادن ایشکیروز (SKYROS) آطهسنه توجیه عزیمت ایلدی . بو آطه دخی ونديك جمهوریتنه تابع ایدی . لیلاده سیره دوام اولنوب ، فرداسی گونی قوشلق وقتی مذکور جزیرهیه واصل اولدیلر . یوم مذکورده هوا سیسلی ودومانلی ایدی . جزیرهیه تقرب اولندیغی ائنده آق دگژده کشت وگذار ایدن عثمانلی قورصانلرینك (۷۰) پاره قایقدن عبارت بر اینجه دونماسی دخی دونمائی هایونه التحاق ایلدی . بونلر ذاتاً مذکور جزیرهیه غارت ایتك افکاریه گلمش اولدقلری حالده گوردکلری مقاومت شدیدیه مبنی ظفریاب اوله مدقلری ایچون رجعت ایتمکده ایمشلر ! دونمائی هایونه تصادف ایدنجه خدمتده بولنق ومقصد سالف الذکره نائل اولمق فکریله التحاق ایلمشلردر . دونمائی هایون جزیرهنك لیماننه مواصلت ایدنجه قلعه سنده بولنان عسکرو اهالی بالاتفاق امان دیله یهرك عرض تسلیمیت ایلدیلر . خیرالدین پاشا دخی جزیرهنك دولت علیهنك ملکی اولدیغی اعلان ایله سنوی (۱۰۰۰) آلتون ویرگی تخصیص ایلدی . بوراده بر مدت آرام اولنوب ، گمیلری یاغلادیلر ؛ وپاشای مشارالیه اخذ اولنان اموال غنائم ایله (۷) پاره گمی تحمیل ایدوب ، استانبوله گوندردی ؛ بعده دونمائی هایونی آندیره (Andros) آطه سنده

برلشمك اوزره (۷) فيلويه آروب، بشني آری آری مأموریتلره باشقه طرفلره و برینی آطه لرك خراجی طوپلامغه گوندر دکن صکره کندی دخی معیتده قالان بر فیلولایله دها تحت تابعیت عثمانیه گیرمه مش اولان جزائی ضبط ایدرهك ویرگی به ربط ایتك ایچون اولاستندیل (Tinos) آطه سی اوزرینه حرکت ایلدی. مذکور جزیره اهالیسی هر نه قدر یونانی ایسه لرده و ندیکه تابع بولند قلندن حاکم لری فرنك ایدی. دونمای هایونك وصولی اوزرینه مقاومت ایدمه جک لری نی بیلدکلرندن ناچار بالاستیمان تسلیم اولدیلر. قبودان پاشا دخی یرلیردن مقتدر بر ذاتی جزیره حاکم نصب ایدوب، سنوی (۵۰۰۰) آلتون ویرگی تخصیص ایلدی؛ بعده آندیره آطه سنه واریلهرق اوراسی دخی بالاحرب ضبط اولنوب، جوارنده بولنان یوره (Joura) آطه جغیه برابر سنوی (۱۰۰۰) آلتون ویرگی به ربط اولندقدن صکره مفرز فیلولر دخی گلوب. برلشهرك اورادن برلکده نقشه آطه سنه حرکت ایتدیلر. جزیره مذکورده بر خیلی مدت اقامت اولنوب. شملک لرا اجرا قلندقدن و مخصص اولان ویرگیسی تحصیل ایدلدکن صکره اورادن دخی بالقیام گرید جزیره سنه توجه اولندی. ایکی گون سیر و سفره دوام اولندی حالد هیهچ بر دشمن سفینه سنه تصادف اولنه مدی ایسه ده اوچنجی گونی وقت ظهرده اوزاقدن غایت جسم بر و ندیک قالیسونی گورندی. تقرب اولنوب، طرفیندن طوپ محاربه سنه باشالانهرق بر خیلی زمان آتسه دوام اولندی؛ نهایت باتریسی استقامتده بورده سنه تصادف ایدن بر قاچ مرمینك گرك سفینه و گرك طوپ باشنده بولنانلره ویردیکی خسار کلی مقاومت قدرت بر اقامش اولدیغدن طرف قبودانیدن ویریلن اشارت اوزرینه ابراهیم قبودان نامنده غیور بر ذات سوارسی بولندی سفینه ایله دونمادن آریلهرق مذکور قالیونك اوزرینه واروب، دروننده

قالان دشمنی کندی گمیسنه ، قالیونی دخی یدکنه آلدقن صکره
ینه دوتنای هایون یولنه دوام ایلدی . (۹۴۵ هـ) سنه سی صفرینک
(۱۵) نجی گونی جزیره موصلت اولنوب ، قرهیه اخراج اولنان
طوپ وعسا کر کلیه ایله (۸۰) پاره قریه سی تخریب وغارت واهـ .
لیسی اسیر ایلدی ؛ بعده ماه مذکورک (۱۷) نجی گونی دوتنای
هایون حانیه جوارینه عزیمتله آیاتودوری آطه سی آرقه سنه تیمورلدی .
اطرافده اولان اهالی کاملاً حانیه حصارینه التجا ایلمشلردی .
اوگون عسکر استراحت ایتدکن وصولاندقن صکره فرداسی گونی
علی الصباح قلعه نک محاصره سی اسبابنه تشبث اولنق ولزومی اولان
طوپ ومهمات وعسا کر قریه چیقارلق اوزره قپودان پاشا طرفندن
دوتنای امراسی جلب وجمع اولنهرق مذاکره ایلدیکی صروده امرای
مومی الیهم میاننده شهرت واقتدار ایله کسب تمیز ایلمش اولان بر
طاقم ذاتلر شهرک دگز طرفی غایت متین بر حصار وقره جهتی (۳)
میل امتدادنده واسع بر خندق ومحکم بر دیوار ایله محاط اولدقن
باشقه متعدد قوله وطایبه لرله دخی بر قات دهاتحکیم وترصین ایدلمش
ودرونه حدکفایه دن زیاده قوه عسکریه ومهمات حربیه یرلشدیرلمش
اولسنه مبنی الده اولان قوه جزویه ایله ضبطی قابل اولهمیه جغنی وبو
خصوص ایچون تدارکات جسیمه ومکملیه احتیاج قطعی اولدیغنی
برلسان مناسبله افاده ایلدکلرندن مطالعات مذکوره طرف قپودانیدن
دخی محق وبجا گورلمسکله قلعه نک ضبطی فکرندن صرف نظر اولنهرق ،
فقط خارجنده بولنان خانه لرله ناحیه سنده کی معموره لری خراب
ایتدیلر ؛ واوچ گون ظرفنده (۳۰۰) پاره قریه یه تجاوزله جمله سی
تخریب واله گچیریلن اهالیسنی اسیر ایلدیلر ؛ بعده رسمو ودها سائر
سوا حلد بولنان حصارلرک اوزرینه واریلوب ، قریه لری تخریب
ایلدی . بورادن دخی استیه واریلهرق قریه چیقاریلان عسکرله

حصاری تضییق اولمغله اھالیسی مدافعه غیرتنده بولندیلر ایسهده صولات عثمانیانه تاب آور مقاومت اوله میوب، عاقبت فرار ایلدیلر . بونلرک دخی اکثریسی اسیر و باقیسی طعمه شمشیر ایدلدی ؛ بعده اسقلاریه واستیلو نام حصارلر دخی ضبط اولنوب، ناحیه لرنده موجود (۸۰) پاره قریه غارت واول سنه جزیره مذکوریه کلی خسارت ایدلدی؛ خلاصه ، بر هفته دن عبارت برمدت قلیله ظرفنده جزیره - نك اطراف وجوایی دور اولنهرق (۱۵) بیگی متجاوز اسیر آلدی؛ ومقدما الدہ ایدلمش اولان قالیون ایله اسرای مرقومه نك برمقداری استانبوله گوندرلدی . دونمای هایون دخی بوراجه لزومی قدر تخریبات اجرا ایلمش اولدیغندن آرتق جزیره مذکوریه نك ایله کرپه آطه سی اوزرینه حرکت ایلدی .

کرپه آطه سی گرید جوارنده وقاشوط جزیره سنك شمال شرقی جهتنده واقع سقارپنتو (Scarpanto) نامیله معروف بیوجکه بر آطه در . جزیره مذکورہ شمالدن جنوبه (۲۶) میل امتدادنده اولوب ، عرضی دخی (۶) میلدن زیاده دکلدر . دونمای هایون شرق جهتنده کائن اولان مشهور آہلی کورفزیسه بالمواصله لنگر براقہرق (۱۰) گون اقامت ایلدی . جزیره نك اوزرنده مواقع مستحکمہ دن معدود اوله بیله جک اوچ عدد قلعه موجود اولوب ، مدت مذکورہ ظرفنده بو قلعه لرك اوچی ده فتح اولنهرق جزیره اھالیسی خراجہ ربط ایدلدی . دوتھانک بوراده بولیشی موسم صیفہ مصادف اولوب ، هوالر دخی غایت صیجاق گیتمکده وسام یلی گی برطاقم حار روزگارلر اسمکده اولسنه مبنی کورکچیلره ضعف وقتور عارض اولمش وبرقسی صیجانه عدم تحملله قیرلمش اولدیغندن خیرالدین پاشا حضرتلری عسکرہ برمدت استراحت ایتدیرمک ایچون کارکی (Karki) جزیره سنه عزیمت بیورمشلردر . بو جزیره رادوس آطه سنك غرب جهتنده

و (۶) میل بعد و مسافہدہ و رادوس ایله پيسقوپي (Piscopi) آطہ۔ لری ماینندہ کی قتالده واقعدر۔ جزیرہ مذکورده بر مدت اقامت اولندقدن و عسکر نفسلندیرلدکدن صکرہ استانکوی (Cos) آطہسنہ واریلهرق اوراده لوند فرقتہلری بوزیلوب، افرادی قادرغہلره توزیع و آطہلردن دخی خیلی خرسیتیان طوبلانیلوب، بونلرله کورکچیلرک نقصانی اکمال ایدلدی۔ آناطولیدن دخی خلیججه عسا کر امدادیہ گلہرک دوتنایک موجودی حد لایقنه ابلاغ اولندی۔

دوتنای هایون بو وجهله تقویه ایدلدکدن صکرہ اوستروپالیا آطہسی اوزرینه حرکت اولنوب، خیرالدین پاشا حضرتلری بوجزیرہنک غارتی گوگمللی فیلوسنه احسان ایدیلر۔ اشبوجزیرہنک اصل نامی ستامپالیا (Stampalia) ایسهده عثمانیلر بیننده اوستروپالیا دییه اشتہار ایلمشدر۔ غیرمنتظم برشکلده اولہرق (۹) میل طولنده، شرقی و غربی ایکی قسمه منقسمدر۔ جهت جنوبیہسنده واقعاولان مالتازانا لیمانی ایله جهت شمالیہسنده بولنان سنت آندریا لیمانی مشہور اولدینی حالده اصل مشہور شہری جهت غربیہسنده کائندر؛ وگوگلولر طرفندن یغماسنه مساعدہ اولنان محل دخی بوراسی ایدی؛ حاصل کلام، بوسنه ظرفندہ دوتنای هایون طرفندن ونڈیک جمہو۔ ریتنه تابع (۲۵) پارہ جزائرک اوزرنده بولنان برر، ایکشر، اوچر قلعهلری همان کاملاً ضبط اولنوب، جزائر مذکورہدن اون ایکسی تابعیت دولتی قبول ایدہرک خراجہ ربط اولندقلری گبی دیگر اون اوچی مقاومتہ قالقشمش اولدقلرندن ناشی تخریب ایدلدیلر۔

بو مظفریت عظیمہدن صکرہ دوتنای هایون روم ایلی جهتہ توجہ ایدہرک قزل حصار لیمانہ مواصلتله اغر یورون گمیلر بوزیلوب، اغریبوز لیمانہ ایصال ایدیلہرک افرادی یوروک گمیلرہ توزیع قلندقدن و بو گمیلر مذکور لیمان جوارنده بولنان قرہ آطہده

یاغلاندقن صکره ذخیره و مهمات سائرملری دخی بعدالاکمال قیام اولنه‌جفی صروده اوترانتو بوغازینی ترصد مأموریتله اول طرفه سوق ایدلمش اولان سالف‌الذکر «صالح‌رئیس» دخی (۳۰) پاره سفن هایوندن عبارت معیتی فرقه‌سیله گلوب، دونمای هایونه التحاق ایلدیکندن بوراده بر قاج گون دها توقف اولنه‌رق طرفیندن اقتضا ایدن مراسم بحریه بر نمایش فوق‌العاده ایله اجرا قلندی.

پره‌وزه محاربه‌سی — بو ائشاده پاپا اوچنجی و پول

(Paul III) ك تشویقیله ونديك، جنویز، مالطه، اسپانیا، پورتیکیز حکومتلری دولت علیه علیه بحراً بر اهل صلیب فرقه‌سی اخراجنه قرار ویرمش اولدقلرندن دول مذکوره دونمائی قورفو جزیره‌سنده اجتماع ایدوب، اورادن برلکده [۹] پره‌وزه اوزرینه حرکت ایده‌رك ضبطنه تشمیرساق اهتام ایلمش اولدقلری حوادی دونمای هایون ایله اغریب‌سوزده ارامساز اولان خیرالدین پادشا حضرتلرینه واصل اولغله درعقب دشمنك حرکات حربیه و قوه موجوده‌سنى تحقیق ایچون اول امرده دونمای هایون رفاقتنده بولنان (۲۰) قطعه‌دن عبارت صغیر و سریع‌السیر گوکللو فیلوسنی «طورغودرئیس» ك قومانداسی آلتنده اوله‌رق اوصوله سوق وارسال ایدوب، کندیسى دخی دونمای هایون ایله گیریدن قیام ایلدی.

احوال دشمنی ترصد مأموریتله ایلری‌یه سوق ایدلمش اولان

[۹] اوروپای عثمانیده ایللیری [ارناودلق] ساحلنده بر شهردر. شهر مذکور آرته‌کوره-فزیشک مدخلنده ویر شبه جزیره اوزرنده کائن اولوب. یانیه‌ك قیله ندوس جهتسده و (۵۸) میل بعدنده در. سکتسی (۹) بیک نفوسدن عبارت ایسه‌ده تجارت ایچون کوزل بر موقعه در. اسکی زمانلرده اپروس [یانیه] تجارتك بر مهم دپوی ایدی. شهرك بولندینی شبه جزیره‌ی اصل قره‌یه ربط ایدن بر زخك اوزرنده اسکی دیوارلری، بر تیاترو، بر قاج حمام ودها سائر آنتیقه‌یه متعلق بر طاقم آثار مختلفه‌ی حاوی اولان نیقوپولیس شهر قدیمك انقاضی کورلمکده در.

سالف الذکر استکشاف فیلوسی زانطه (Zante) آطه سنه گیدوب ،
 انشای طریقده دشمندن هیسج بر اثر مشاهده ایدمه مش ایسه ده جزیره
 مذکوره صولرنده متفقلرک (۴۰) پاره چکدیرمه سفائندن عبارت
 بر قره قول فرقه سنه تصادفله ده ایلری یه صوقولمق محاذیری موجب
 اوله جغنی آگلایه رق اورادن گیری یه عودت ایلدی . فرقه مذکوره
 دخی عثمانلی مقدمه الجیشنی یقیناً مشاهده ایدنجه درعقب اورادن
 عودتله پره وزه اوکنه گلوب ، دونهای هایونک یقینه بولندیغنی
 قلعه نك ضبطله مشغول اولان متفقین دونماسنك عموم قوماندانی
 آمیرال آندریایه اخبار ایتمکله آندریا همان او آنده رفع محاصره
 ایدهرک مناسبت موقعیه و منات فوق العاده سنه و خط رجعتاری اوزرنده
 امثالسر بر استنادگاه اولمسنه مبنی اس الحركات اتخاذ ایلمش اولدینی
 قورفو جزیره سنه چکدیدی . بو حوادث دونهای هایونه هنوز مودون
 اوکنده ایکن واصل اولمش بولمغله اورادن حلومیج (Kalamata) ه
 اوغرائیلهرق لزومی اولان مائلنید اخذ اولندقدن صکره دشمنك
 تجاوزاتنه مقابله بلمثل اولمق اوزره کفالونیه آطه سی [بو آطه دخی
 ونديک اداره سنده ایدی] اوزرینه توجیه عزیمت اولوب ، حین
 مواصلته قرده چیقاریلان عسکرله قرا و قصبائی تخریب و غارت
 ایلدی ؛ و بورادن طوغریجه پره وزه عزیمت اولندی .

متفقین دونماسی طرفندن پره وزه محاصره سنه تشبث اولندیغنی
 صروده آیماوره (Santa Maura) دن دخی لیلاً عساکر امدادیه
 ورود ایدهرک قلعه یه داخل اولمق سوداسیله هجومه باشلامشله و هر
 نه قدر مستحفظین طرفلرندن بر خلیسی اتلاف ایدمش ایسه ده
 ویردکلری تلفات کلیه یه باقیهرق هجومه دوام ایله نهایت حصاره داخل
 اولمشله و حتی طوپلری بیله چیویه مشلردی ؛ فقط دونهای هایونک
 تقریبی خبرینی آیر آماز پای ثباتاری لرزدنك اولهرق بیك کلفتله

الده ایلیمش اولدقلری قلعه‌نی ترک ایله قورفو اوزرینه رجعت ایلیمش
ایسه ده حصارک محاصره ائناسنده دشمنک طوپ آتشاری ایله پک
زیاده خسار دیده اولسی قیودان پاشا طرفدن گوریلنجه درعقب
دونمای هایوندن مقدار کافی عساکر شاهانه اخراج ایدرک بو خراب
اولان محللری گوزلجه تعمیر ایتدیردی .

بواننده دونمای هایونک معیتده بولان گوگملی فیلوسندن (۲)
قطعه قیرلانغیج [یوروک گمی] بالاتخاب دشمن سواحلنه گوندروب .
برقاج نفر اسیر الده ایتدیردک بونار واسطه‌سیله متفقین دونمانک
قورفو جزیره‌سنده اجتماع ایلیمش اولدقلرینه و قوه حربیه‌لرینه
دائر برخیلی معلومات اخذ ایلدی . دونمای مذکور جنوین دوقه‌سی
آمیرال آندریا دوریانک تحت قومانداسنده اولوب، آلتیوزی متجاوز
تکنه‌دن عبارت بر قوه جسمیه ایدی . بو قوتدن (۵۲) پاره
قادرغه ایله برقطعه غایت بیوک قالیون جنوینک ، (۷۰) پاره قادرغه
ایل (۱۰) قطعه قاراقا تعیر اولنان ایکشربیک نفر موجودلی عظیم
قالیونلر و ندیکک ، (۳۰) پاره قادرغه پاپانک ، (۱۰) پاره قادرغه
مالطه شوالیه‌لرینک ، (۸۰) قطعه بارچه نوعدن قالیونلر اسپانیا
وپورتکیز دولتلیرینک اولوب ، بونلردن ماعدا (۴۹) قطعه قاراقا
و بارچه نوعدن قالیونلر ایله ده بر طاقم کچوک سفائن دخی
لاجل المعاونه سائر حکومت خرستیانیه طرفلرندن ارسال ایدلمش
اولغله مجموعی (۱۶۲) پاره قادرغه و (۱۴۰) قطعه قالیون اوله رق
(۳۰۰) دن زیاده بیوک جنک گمیلری و سائر برطاقم کچوک گوگملی
سفائی ایله برلکده (۶۰۰) دن زیاده بالغ اولیوردی .

ایشته بو قوه عظیمیه قارشى خیرالدین پاشا حضرتلرینک
قومانداسی آتنده بولنان دونمای هایون ایسه آنجق چکدیرمه انواعندن

(۱۲۲) قطعہ سفائن ایدی . دونمای هایون پرہ وزہ لیماندہ آرامساز ایکن سالف الذکر متفقین دونماسی (۹۴۵ھ) سنہ سی جمادی الاولاسی غرہ سندہ مذکور لیمانہ (۲) میل قریب اولان بر نقطہ یہ قدر گلہ رک اورادہ اقامۃ لنگرلہ دونمای هایونی حصر و تضییق ایچون لیمانک مدخلنی آبلوقہ آلتہ آلدیلر .

دول خرسینیہ نک بویلہ بالاتفاق دولت علیہ علیہ جسم بر دونما اخراج ایتملرینک سبی ایسہ خیرالدین پاشانک ظہورندن بری آق دگنزدہ وقوع بولان حرکات حربیہ مقمادیہ سیلہ اوروپا تجارت بحریہ سنک عادتاً محو اولہ درجہ - لرنده تنزلہ یوز طومسی و سواحلدہ بولنان ممالکک داعی بر امنیتسزک التندہ بولنسی اشبو دولتملری بی حضور ایلدیکی گبی مؤخرأ دخی قیودان پاشا اولدرق استانبول ترسانہ سی کندی قومانداسی تحتہ گیرمکلہ آرتق ایستدیکی قدر دونما تدارک ایدوب . ہر طرفی استیلا ایدہ بیلہ جکی درکار اولدیغندن گویا آکنا قارشی بر قوہ کافیہ بولندیرمق و بر قدم اقدم استیصالنہ موفق اولق افکاریلہ یکدیگرہ استناد ایتمک اوزرہ اتحاد ایدہ رک دونمالرینی بر یرہ جمع ایتمش و دونمای هایون اوزرینہ ہجوم ایچون فرصتہ منظر اولشلزدن .

اہل صلیب دونماسنک تالیمانک مدخلنہ قدر صوقولملری وجسامتلرندن صرف نظر عددجہ دخی نسبت قبول ایتمز درجہ دہ کثرتلی بولنملری دونمای هایونک گرک امرا و گرک افرادی طرفلرندن بر نظر دہشتلہ گورلمشدر . آرتق دشمنک ورودی اوزرینہ بالطبع محاربہ وقوع بولہ جغندن قیودان پاشا طرفندن تدابیر حربیہ یی مذاکرہ ایتمک اوزرہ بر مجلس حرب عسکری عقد ایدیلوب ، بومجلسہ تکمیل دونمای هایون امراسیلہ معیتدہ بولنان گوگملی دونما رؤسای دخی دعوت اولنہ رق نہ وجہلہ حرب ایدیلہ جکی حقندہ اوزون اوزادی یہ مذاکرہ و مشاورہ اولندیغی و لازم گلن قرارلر ویرلدیکی صرہ دہ امرادن بعضلری دشمنک چوقلغندن بحث ایلہ لیمانک خارجنہ حیقلمامغی و قرہ یہ طوپ و عسکر اخراج ایدہ رک بوغازی و دشمنک عسکر دوکہ بیلہ جکی نقطہ لری تحت اشغال و محافظہ دہ بولندیرمغی

رأی ایلدیلر ایسه‌ده قپودان پاشا طرفندن بوتدیرلری معقول گورلمدی؛ فقط مؤخرأ دشمنك گيجه‌لین بوغازدن گیرمك فیکرنده اولدییی خبر آلمغله ساحله مقدار مناسب عسکر ایله بش اون قضاعه طوپ چیقاریلوب، بووجهله بوغاز تحت تأمینه آلدی.

بو مجلسده خیرالدین پاشا حضرتلری طرفندن دونمای همیون مرکز و جناحین اولمق اوزره اوچ فرقه‌یه تفریق اولوب، بوفرقه‌لره قوماندا ایده‌جك ذاتلر تعیین اولندقدن صکره بالمله امرایه خطاباً مأمور اولدقلری سفائنك دیرکلرینی آشاغی‌یه آلملری و قیچ سنجاقلردن ماعدا سنجاق [قوماندان و قودورلره مخصوص] گوسترمه‌ملری و خط حرب اوزرنده‌کی موقعلرینی محافظه‌یه غیرت ایتملری و اثنای حربده طوپلی بولملری و حرکات و سکناتده کنیدیسنی تقلید ایلملری و عسکری حربیه تشویق و ترغیبدن گیری طور ماملری و حربیه بدأ اولندیغی ائنده باش طوپلری حاضر بولندیریلوب، منزللری داخلته گیریلنجه بردن و شدتلی آتش اولنه‌رق دشمن خط حربی بوزمغه غیرت ایلملری و حین اقتضاده ائ یقین بولنان سفائندن یکدیگره نرؤمی نسبتده معاونتده بولنلمسی گبی بر طاقم و صایا و اوامر اعطا اولندقدن باشقه گوگلی گیلری رؤسانه‌ده دخی اثنای حربده احتیاط فیلو مقامنده اولمق اوزره خط حربك خارجنده بولنه‌رق دشمنك مانوره و حرکات حربیه‌سنی تعطیل و تشویش ایتك ایچون ایجابنه گوره جناحیندن و یا خط رجعتلری اوزرندن دانه طوپ ایله ضرب و تضیق ایلملری خصوصی اکیداً تنبیه اولندی؛ و بعده مجلسه ختام و یریلوب، هر کس سفینه‌سنه عودت ایده‌رك تداركات ایله مشغول بولندیلر. بوسره‌ده اهل صلیب دونماسندن بر فیلو سفائن قره‌یه عسکر دوكمك افکارایله بوغازه قدر گلوب، محافظه‌سنه مأمور اولان عساکر اوزرینه طوپ آتمغه باشلادقلردن خیرالدین پاشانك تعلیماتیه

امرادن مراد اغا ایله گوکللی فیلوسندن طورغود رئیس وگوزله محمد وصادق رئیس ودها سائر بر قاج رؤسانک تحت اداره لرنده بولنان سفائندن عبارت بر کچوک مفرزه سوق اولمغله مفرزه مذکوره بوغازدن چیقهرق تعرضده بولنان مذکور فیلوی فراره اجبار ایلدی. ایکی گون صکره دخی اعدانک بر قاج پاره سریع الحركه قادرغهری لیمانک مدخلنه قدر گلوب؛ اورادن دونمئای هایون طرفنه طوب آتمق گبی بر طاقم حرکات طفره فروشانده بولملری خیرالدین پاشا حضرتلرینی پک زیاده اغضاب ایلمش اولمغله هان اوآنده دونمئای هایونه لیاندن چیقلمق و دشمن اوزرینه وارلق ایچون لازم گلن امری اعطا ایلدیلر.

اهل صلیک بودرجه لرده جسورانه تجاوزاتده بولمسی دونمئای هایونک عددجه آزلغندن طولای بویله جزوی بر قوتله عثمانیلرک حربه جسارت ایدمه جکلری ظننده بولمسندن ایلری گلمش اولدیغه شبهه ایدیله مز: مع مافیه، قپودان پاشا حضرتلرینک بر اشارتلیله دونمئای هایون تیمور قالدیروب، لیمانک خارجه چیقیدیلر؛ و (۶) میل قدر بر مسافه قطع ایتدکدن صکره بر مقدار توقفله سفن هایونک کافه سی برلشهرک شبه نصف دائره شکننده بر نظام حرب اخذ ایله دشمن دونماسنک تیمورلی بولندیغی موقع اوزرینه طوغری حرکتیه باشلا دیلر. حین تقریرلرنده بر خط اوزره مرتب بولنان (۱۲۲) پاره سفائن پرووه جهتلرینه موضوع اولان اوچر طویه برآنده آتش ویره رک بلا بارانی گبی دانه لر یاغدیرمغه ابتدار ایلدکلری حالده متفقین دونماسی — بر فرقه سی قورفوده بولمغله — مقابله یه جسارت آله مقسزین تیمورلری قالدیروب، مذکور فرقه ایله برلشمک اوزره قورفویه طوغری فراره شتابان اولمشدر؛ اقشام دخی تقرب ایلمش اولدیغندن تعقیلرینه قیام اولمقدن صرف نظر

اولنوب، پرهوزه لیمانسك خارجنده تیمور براقه‌رق تیقظ وانتباه اوزره اقامت ایلدیلر.

خیرالدین پاشای غازی اقتدار مادیمی قدر معنویاته دخی اهمیت ویرر، ظاهر وباطنی مزین بر مرد کامل اولدیغندن ایچنده بولندیغی احوال حربك نه گبی بر عاقبتی انتاج ایده جکنی قبل الوقوع کشف ایتك فیکرولیانه سیله اوگیجه استخاره ایدوب، عالم معناده دگزدن يك چوق بالق دوشیرمکده اولدیغنی گورمش و بوتبشیر معنوینسك نشئه مظفرانه سیله همان نصف الیلده تیمور قالدیروب، دشمنك متوجه اولدیغنی قورفو جهته بر توجه تجسسکارانه ایله عزیمت ایلیمشدر. جمادی الاولانك (۳) نجی گونی دونمای هایون پاقسو (Paxo) آطه‌سنه طوغری حرکت ایتمکده ایکن خیرالدین پاشا دیرکلره آدم چیقاروب، اطرافی تجسس ایتدیردیکی صروده متفقین دونماسنك آیاماوره آطه‌سیله مذکور جزیره‌ده کائن انجیرلیمانی اوکلرنده دیرکلری مشاهده اولندیغی ولپانتو [اینه بختی] کورفزینه گیرمك تشبهنده بولندیغی آکلاشامش اولغله بر آن اول یتیشه‌رك کورفزه دخوللرینه میدان ویرمه‌مك ایچون دونمای هایون همان تبدیل طریق ایله جنوبه طوغری سیره باشلادی. دشمن دونماسی ایسه پرهوزه جوارندن بالقیمام قورفویه طوغری رجعت ایلدیکی صروده قورفودن دخی دیگر فرقه قیام ایله بونلرله برلشمك اوزره پرهوزه طرفه گلمکده اولدیغندن بویکی فرقه لیلاً برلشهرک آیاماوره آطه‌سنه قدر گلوب، اورادن دخی لپانتو کورفزینه گیرمك فکرنده بولنملشدر. ایشته بوجهتله خیرالدین پاشا قورفوده مأمول ایتدیکی دشمنی آیاماورهده بولمشدر. دونمای هایون دشمن دونماسنه یاقلاشماق سعینده بولندیغی صروده بروجه زیر تشکیلات حربیه‌یی ده اخذ ایلدی.

شویله‌که، [لوحه (۱۵)] بو محاربه‌ده سفن موجوده باشلیجه

درت فرقیه منقسم اولوب، بونلردن گوکلی فرقه سی، طورغود رئیسک تحت قومانداسنده اولدینی خالد احتیاط مقامنده بولندیر یله رق خط حربہ ادخال ایدلمه مش ایسه ده حین اقتضاده خط حربک هجومه دوچار اوله جق ضعیف نقطه لرینه معاونت ایددیلمک و فرصت دوشوردکجه دشمنی جناحیندن ویاخود خط رجعتی اوزرندن تضییق ایلمک گبی اجرایی مشکل بر بیوک وظیفه آلتنده بولندیرلمشدر. اصل خط حربی تشکیل ایدن سفائن دیگر اوچ فرقه دن عبارت اولوب، مرکزده بولنان فرقیه بالذات «خیرالدین پاشا» قوماندایه ایتدیگی گبی صاع جناحه امرای بحریه مزک الک نامدارلردن بولنان «صالح رئیس» وصول جناحه دخی «سیدی علی رئیس» مأمور ایدلمشدر؛ خلاصه، بو محاربه ده دونمای هایونک اخذ ایلدیکی نظام حرب سفائنک شبه نصف دائره شکلنده بر صره اوزره ترتیب اولملرندن واجرا ایلدیکی مانوره دخی دشمنک خط حربی یارمق و طاعت مقدر عبارت ایدی.

دونمای هایونک تقریبی اهل صلیب طرفدن گوریلنجه آنلردخی لاجل المقابله تبدیل طریق ایله دگزره طوغری آچیلماغه باشلادیلر. دشمن دونمائی مختلف جسامتده سفائندن عبارت اولدینی جهتله اوچ صره بورده نظامی اخذ ایده رک برنجی خطه قالیونلر وایکنجی خطه قادرغهر، اوچنجی خطه دخی احتیاط مقامنده سائر سفائن صغیره مأمور ایدلمشدر. تمام بو ایکی دونما پره وزه آچیق لرنده یکدیگره تقریبه آماده حرب و پیکار اولدقلری بر صره ده روزگار [جنوب روزگاری اسمکده ایدی] طرف اعدایه مساعد اولمغله افراد عثمانیانی امیدسزلکله قاریشق بر خوف ودهشت استیلا ایلمش ایدی؛ چونکه فن حرب قدیمه دائر اولان مقاله مزده دخی بالاطراف بیان اولندینی اوزره دونمای هایونی تشکیل ایدن سفائن (چکدیرمه) انواعندن اولوب،

بونوع سفائن ايسه عصر حاضرک (قرو وازور) لری مثابه‌سنده اوله‌رق
قورسانغه يارار ورا کد هواده قالیونلر حرکتدن قاله جقلری جهته
اوزاقدن طوپ ايله دوکه دوکه رخنه‌دار ایتدکن صکره چاتوب.
ضبط ایدر و بو وجهله نائل غلبه اولورلردی : فقط روزگارلی
هوالرده قالیونلر ایستدکلری گبی یلکن قوللانه‌بيله جکلرندن جسا -
متلرینه نسبتاً هیچ مثابه‌سنده قالان قادرغه‌لری مصادمه ايله غرق
وتخریب ایدرلردی : بناءً علی ذلک ، بو محاربه‌ده دخی عثمانلی دونما-
سنک چکدیرمه انواغندن سفائن صغیره اولمسنه قارشى اهل صایب
دونماسنک قسم اعظمی جسیم قالیونلردن عبارت بولندیغی جهته
عثمانلیرک قورققده حقلری‌ده وار ایدی .

ایمدی ، بو دهشتلی حاله قارشى خیرالدین پاشا حضرترلری اصلا
مأیوسیت یوزی گوسترمیوب ، خواص قرآنیه‌دن استمداد ضمنتده
ایکی آیت کریمه تحریر و گمیسنک ایکی طرفه تعلیق ایتمش و بحکمه‌اه
تعالی درحال روزگار ساکن اوله‌رق قالیونلر حرکتدن قالمشدر .

ایشته سردار اولان نامدارلرک یالگیز اسباب جسمانییه اعتماد ایتیوب ،
قادر اولدقلری قدر اسباب روحانییه دخی رعایت و اعتبار الیلری لازم
اولدیغی بو مثال واجب‌الامثال ایلده تحقق ایدر .

حاصل کلام ، دونمای هایونک دشمنه لایقیله تقرب ایتمش اولدیغی
برزمانده وزان اولان روزگارک بردن بره انقطاعی بودفعه‌ده دشمنی
صوگ درجه‌ده مأیوس ایلمش ايسه‌ده آرتق ایش ایشدن گچمش
و حرب ایتهمک احتمالی‌ده قالماش اولدیغندن ناچار برنجی خط
حربدن یاغمور گبی گولله یاغدیرمغه باشلامشلردر ؛ فقط قالیونلرده
موجود طوپلرک ناملیلری قیصه اولق سببيله مسافه‌لری‌ده آز اولد-
یغندن دونمای هایون ایچون مضرتلرندن اول قدر احتراز جهتی
یوق ایدی . بو جهته دونمای هایون -- بورو و نقاره و نفیر

صدالری ایله عسکرك الله الله آوازدهلری بربرینه قاریشه رق —
 عظیم بر هیبتله ایلر یلمکده دوام ایدهرک تمام کنندی طوپ منزلی داخلنه
 گلدیکی زمان دشمن طرفدن جسم برقالیون خط حربک ایلرینه
 طوغری چیقوب. دونهای هایون اوزرینه بر خیلی گولله انداخت
 ایلمش ایسه ده بری طرفدن دخی عمومی بر آتشله قارشیلانمش
 اولدیغندن رجعتیه مجبور ایدلمشدر. آرتق بوندن صکره عثمانلی دونهای
 سی دشمنک برنجی خطنی اشغال ایدن قالیونلری تخریب ایتک اوزره
 موقه تعطیل هجوم ایدهرک طوپلرینی بر سرعت سریعه ومهارت
 کامله ایله استعماله غیرت ایلدی. هر نه قدر قالیونلردن دخی عثمانلی
 دونهای اوزرینه یاغموور دانه سی گبی مرمیات یاغدر لمقده دقیقه فوت
 ایدلمدی ایسه ده منزللرینک دون اولسنه مبنی لایق لیجه برخسار ایراث
 ایدمه دیلر. سفائن عثمانیه طرفلرندن انداخت اولنان مرمیات ایسه
 قالیونلری دلیک دشیك ایلدیکنندن دشمنک ایکنجی خط حربی
 اشغال ایتکده اولان قادر غه لر وندیك آمیرالی و آمیرال آندریا
 قوماندالریله ایلریلیوب. دونهای هایونی رجعتیه مجبور ایتک و قالیونلری
 تخریبات عثمانیاندن قورنار مق تشبشنده بولندیلر؛ فقط بونلر دخی
 برشدتلی عثمانلی آتشنه تصادفله تاب آور مقاومت اوله میهرق قالیونلرک
 آرقه سنه فراره مجبور اولمشلردر. بومانوره حربیه نک اجرا اولندی
 هنگامده طور غود رئیسک قومانداسنده کی احتیاط قورصان فیلوسی
 دخی سالف الذکر قالیونلرک آرقه سنی آله رق موقه تعطیله دوچار
 اولان تضییقات سابقه یی معکوس جهتن تکراره همت ایلدی.
 طرفیندن اجرا قلنان شدتلی آتشلر سببیه ایکی دونهایه آتش و دومان
 ایچنده قالب، آرتق یکدیگرینی گوره مز اولمشلر ایدی. حربک
 بویه قاریشق بر زمانندن استفاده فکریله آمیرال آندریا دونهای
 هایونک خط رجعتی قطع ایدوب. قالیونلری ایله قادر غه لر

آردسند، یعنی ایکی آتش اورتہ سنده بولندیرمق ایچون بر غیرت فوق‌العاده اظهار ایدہرک بر قاج دفعہلر حرکات لازمه‌نک اجراسنه تشبث ایلمش ایسه‌ده خیرالدین پاشا حضرتلری دخی اصلا غفلت ایتمه‌رک بو مانورده مقابل اقتضا ایدن حرکات حربیه‌ی اجرادن بر آن خالی قالدقلرندن هیچ بر دفعہ سنده موفق اوله‌میوب. حتی هرحرکتده دونهای هایون طرفندن شدتله قارشیلانمش بولندیغندن بالمجبوریه رجعت ایدہرک بارچه‌لرک اطرافنی طقوز طولانمغه باشلا. مشدر. بارچه وقاراقالر ایسه قلعه گبی یکدیگرلرینه چاتلمش اولد. یغندن آرمغه چاره بولنه‌مدی. دونهای هایونک جبهه‌دن واحتیاط فیلوسنک جناحلردن بر نقطه‌ده چاتیلوب. قالمش اولان بارچه وقاراقالر اوزرینه ساعتلرجه شدتلی طوپ آتشلری اجرا ایلملری سفائن مذکورہ‌ی حقیقہ مدافعه‌یه مقتدر اوله‌میہ‌جق بر درجه‌ده تحریب ایلمش اولدیغندن آرتق خیرالدین پاشا حضرتلرینک بر اشرت قهرمانیسیله دونهای هایون دشمنک برنجی خط حربی تشکیل ایدن مذکور قالیونلر اوزرینه شدتلی هجومه باشلا‌یوب. خط حرب اوزرنده بولنان سفائن عثمانیه‌نک کافه‌سی بردن هم ایلریلمکک. هم‌ده مقتدر اوله‌بیلدکلری قدر شدتلی طوپ آتشلرینه دوام ایدہرک مذکور قالیونلره لایقله تقرب ایتشلر وبر شدتلی آوازده تکبیر ایله مصادمه‌یه باشلا‌یه‌رق بر نیجه‌نی غرق ایتدکدن صکره آردلرندن یول آچوب، ایکنجی خط حربی تشکیل ایدن قادرغہ‌لره طوغری هجومه تشبث ایلمش اولدقلرندن بو حال دهشتنک قلوب اهل صلیه فوق‌العاده بر خوف وخشیت ایراث ایتمکین آرتق دوچار پریشانی اولوب. کیمسه آندریانک قومانداسنی آگلایه‌ماز اولمشدر؛ حاصل کلام، آقشام ایریشوب‌ده صولر قارارنجه آرتق آندریا‌دوریا صفالنی یولہ‌رق فرار ایدن چکدیرمه‌لرینک آرقه‌سنه دوشوب، میدان حربی

مقهوراً ومنهزماً ترك ایلدی . بومحاربده آندریانك ایکی الله ایکی گولاله آلهرق دوکوندیکی مشهوردر . دونمای هایون فرار ایدن سفن اعدانك آرقه سنه دوشه رك برخیلی تعقیب ایلمشله و برقاج قادرغه لرینی دخی اسیر ایتمشله ایسه ده قارانلقدن بالاستفاده دیگرلری فراره موفق اوله بیلمشله در . غرق وتلف اولانلردن ماعدا میدان معرکه ده قالان بارچه وقارقالره اعدا ینه کندی طرفلرندن آتش ویره رك احراق ایلدکلرندن صباحه قدر قارشیلرنده دونمای هایون بادهوا شهر آیین اجرا ایلدی .

محاربه مذکوره تاریخ میلادك (۱۵۳۸) سنه سی ایلولنده وقوعه گلمش اولوب ، صباحلین دگرك یوزینی جسم بر اورمان شکلنه قویمش اولان او قوجه دهشتلی دوتان اقساملین میدانده بر اثر بیله مشاهده اولنه مامشدر ؛ خلاصه ، دشمنك ضایعاتی پك عظیم اولوب ، (۱۲۸) قطعه سفن حربیه جسمیه بردن غائب ایلدی . جنكك ابتداسی قوشلق وقتنده اوله رق غروب شمسدن صکره لره قدر ممتد اولمشدرکه . اول وقتیه قدر روی دریاده بویله بر عظیم وغریب جنك وقوعی معلوم دکلدر . فی الحقیقه . ازمنه ماضیه ده غایت جسم دگرك محاربهری وقوعه گلدیکی صحائف توارینخده مذکور ایسه ده ها اوزمانلر آتشی اسلحه مستعمل اولدیغندن بومحاربه نك ایراث ایلدیکی دهشته قارشى آنلر هیچ حکمنده قالمشدر .

عثمانی آمیرالنك معیتنده بولنان دوننا گرك عدد وجسامتجه وگرك طوپلرنك چپلری وعددلری نسبتجه دشمن دونناسنك خیلیدن خیلی مادوننده اولدیغی گئی بالجه اوروپالیر بیننده جسارت ومهارتی مسلم اولان آمیرال آندریا دوریا دخی دشمن دونناسنه قوماندا انلش ایکن ینه دونمای هایونك غایت شانلی بر صورتده نائل ظفر وغلبه اولیشی محضا خیرالدین پاشانك ومعیتی امراسنك مهارت بحریه ومعلومات کامله لری وعساكر عثمانیه نك کمال شجاعت وبهادرلک لری ثمره خیریه سیدر . انگلیز مؤرخین مشهوره سندن « پروفور قره یزی » بومحاربیه یازدیغی صرده خیرالدین

پاشانك اتخاذا ایلش اولدیغی تدابیر حربیه ومانورهٔ بحریه دشمن دونماسنك خط حربی یاردرق بووجهله مذکور دونتایی دوچار پریشانی ایلکدن عبارت بر تدبیر مستحسن اولدیغنی نقل ایله مؤخرأ بوتدیر دلپذیری انگلیز مشاهیر بحر یونندن آمیرال «رودنی» (Rodney) و «سنت وینسنت» (S. Vincent) و «نلسون» (Nelson) گبی هر بررلری عصرلرینك یكانه مدار اقتضاری اولان بیوئك آمیرالرك بر دستور عمومی وقطعی اولق اوزره قبول واجرا ایدرك عسكركلك عالمك اشهر وقایعندن اولان يك چوق محاربات جسمیه قازانمش اولدقلرینی ومحصنا خیرالدین پاشانك یادگار ابدیسی اولان بودستور متبن سایه‌سندده انگلیز تاریخ بحریسندده ناملرینك الی‌الابدشان وشرفله یاد اولنمنه موفق اولش بولندقلرینی ذکر وتیان ایلکدهدر.

خلاصه ، مذکور اهل صلیب دونماسنك پریشانیسینی انتاج ایدن مظفریت عظیمه‌نك تبشیراتی حاوی سلك سطرده چکیلن فتحنامه فرداسی گونی خیرالدین پاشا حضرتلری طرفندن ، اسیر ایدیلن ایکی نفر قپودان ایله برلکده کندی مخدومی حسن بکه تودیعاً خاکپای شاهانه‌یه ارسال قلمدی . کندیلری دخی دونمای هایون ایله پرهوزه‌یه عودت ایلدیلر . سلطان سلیمان حضرتلری بومظفریت عظیمه‌دن طولایی يك زیاده ممنون اولوب ، قپودان پاشایی وسائر امرای بحریه‌یی عطایای وفیره ایله تلطیف وتخصیصات عسکریه‌لری تزیید ایتدکدن باشقه ممالك محروسه‌نك هرطرفنده شهر آیینلر اجرا اولنمنی‌ده اراده بی‌وردیلر . آمیرال آندریا ایسه یاننده قالان قیرق دوکوک سفائن ایله قورفو جزیره‌سنه التجا ایلمش ایدی . خیرالدین پاشا دخی بر قاج گون صکره کفالونیه آطه‌سنی محاربهٔ مندفعه‌ده حسن خدمتلری سبق ایدن گوک‌للی فیلوسی افرادینه غارت ایتدیردکدن صکره پارغا حصارینی تخریب و (۴۰۰) نفر اسیر اخذ ایدوب . بعده دشمنك ایزینی کشف ایتك اوزره باقسویه طوغری عزیمت وائتای طریقده ایکی ونديك بارچه‌سنه تصادفله ضبط ومصادره ایدرك اورادن دخی قورفو اوزرینه حرکت ایلدی ؛ فقط شدتلی بر فورطنه ظهور

ایتمکله اولونیسیه واروب ، هوا آچیلنجیه قدر اوراده اقامته مجبور اولدی . پاشای مشار الیه حضر تتری بوراده ایکن شتا موسمی حلول ایلمش اولدیغندن باعث شرفصادر اولان اراده سینه ایله در سعادته دعوت اولندیغنه منی طوغریجه استانبوله عزیمت ایلدی . آنجق ذکر اولنان فورطنه اثناسنده آندریا دوریا (نووه) قلعہ سی اوروب . استیلا ایلمش و امر محافظه سی ایچون دروننه (۶) بیک نفر صولتاد قویمش ایلدی .

مصر میرانی سلیمان پاشانک بحر احمر و هندستان سفری —

اون بشنجی عصر میلادینک احوال عالمی دوچار انقلاب ایدن بردور ترقی و تجدد اولدینی یوقاریده دخی بالناسبه عرض ایدلمشیدی . بودور ترقینک نتایج طبیعیه سندن اولان تحولاتک بری ده اوروپا لیلرک یکدیگر لرینه مسابقت ایدرجه سنه کشفیات خصوصنده کی میدان آلمش اولان مراقلریدر . بومراقک الجا آتیه اسپانیولر آمریقا قطعہ سی کشفه موفق اولدقلری گبی پورتکیزلر دخی امید برونی طریقنی بوله رق بو طریق جدید ایله هندستانه قدر کیتشار واون اون بش سنه خرفنده انواع حیل و دسائس ایله یواش یواش آفریقہ و جزیرة العرب و هندستان سواحلنده کائناتک مهم تجارت موقعلرینی ضبط و استیلا و متعدد شعبه لر تأسیس ایدرک هندستان تجارتنی کاملاً اللرینه کچیرمشلردر . پورتکیزلرک بو ساحلدرده استیلا و یا تأسیس ایلدکلری مستملکات و مستعمرات تجارتجه انهمم اولان مواقعدن عبارت اولوب * متعدد قلعہ لرله دخی تحکیم قلندقلری گبی کافه سی پورتکیز دولتی طرفندن منصوب و « نیم قرال » عنواننی حائز بر « خس دیو » طرفندن اداره اولنوردی . پورتکیز حکومتی طرفندن هند مستملکاتنه برنجی دفعه نصب و تعیین اولنان نیم قرال دخی هندستان طریقنک کاشفی عد اولنان مشهور امیرال « واسقوده غاما » ایلدی .

پورتکیزلرک شرق مستملکاتی هندستان و الیلرندن انک زیاده شرتشعار اولان « آلبوکرک » زماننده کسب توسع و جسامت ایلشدر . بو ذات اسکی پورتکیز خاندان قرالیسنه منسوب بر عالمه افرادندن و پورتکیزلرک انک مشهور قپودانلرندن اولوب ، (۱۴۵۳) سنه میلادیه سننده (لیسبون) قربنده بر قصبه ده تولد ایتش وابتدا (۱۵۰۳) تاریخنده زنکبار آطه سی کشف و (۱۵۰۷) تاریخنده جزیرة العربک مسکت شهرینی و (۱۵۰۸) ده هرمن بوغازینی ضبط ایتمکله

(۱۵۰۹م) ده پور تکیز دولتک هندستان مستلکانه خدیو اولوب، ملیبار ساحلنده کائن اولان غواشهرینی تمخیر و مرکز اتخاذ ایدرک بتون ملیباری، سرندیب، آطه سنی و مالاقه شبه جزیره سنی دخی ضبط ایله پور تکیز مستلکانه الحاق ایشیدی. بو ذات فتوحاتی آوسترالیه و جاپونیه یه قدر توسیع ایدوب، تاریخ وفاتی اولان (۱۵۱۵م) سنه سنه قدر بالاستقلال و الیلکده بولمشد.

آبجو کرک طرفندن صوقو طره آطه سی و هر مزقلعه سنک استیلالریله باب المنذب و هر مز بوغازلرینک سدی و بووجهله اسکیدن بری جاری اولان هندستان تجارتک کلیاً منعی واشبو موفقیاتلرله دخی قناعت ایتیوب، گویا نیل مبارکک بحر اسنی بحر احمره تحویل ایله مصر قطعه سنی چول حالنده براقق و قدسک مسلمانلریه تصرفنده بولمسنه قارشی «مکه مکرمه» نی فتح ایتک گگی صرف خیالات و محالاتدن عبارت برطاقم آمال خریصانه یه قایلش اولسی دولت علیه نک بوجهته لزومی نسبتنده حصر نظر دقت ایتسنه سببیت و یرمش ایدی. ذاتاً وندیک و جنویز گگی شرق ایله تجارت سایه سنده کسب ثروت و مکنت ایش اولان بحر سفید حکومتلری دخی پور تکیزک سالف الذکر تجاوزلرندن پک زیاده ضرر دیده اولوب، نه ایده جکوری نی شاشر مشلر و دولت مشارالیه یه قارشی سلطان سلیمان قانونی حضرت تدرینک تحت جایه لرنده اولدرق براتفاق تشکیکنه قالقشمش ایدی.

خلاصه، شرقک بو گگی تجاوزاته اوغرامسی دولت علیه جه فوق العاده حائز اهمیت اولوب، گرک تجارت و گرک سیاست مضررات کثیره تولید ایلیه جکندن باشقه بوسررده (کجرات) حکمداری «ملک محمود» ک دخی سلطان سلیمان حضرتلرندن استعانه ایلمش اولسی پادشاهک جهت جامعه اسلامیه حسیبله تأسفی برقات دها تزیید ایدرک مصر امیرالامراسی «سلیمان پاشا» نی گرک جزیره العرب سواحلنک امر اصلاحاتی و گرک پور تکیزلرک هندستانجه منع تجاوزاتی خصوصنه مأمور بیوروب، (۹۶۶) سنه هجریه سی محرمک اوآخرنده (۳۰) قطعه قادرغه و عسکر حوله لی دها برطاقم نقلیه سفائنندن عبارت بر مکمل دونمائیله سویش لیمانندن سوق واعزام ایلدی. سنی سکساننه یتمش اولان بو اختیار آمیرال معیتنده بولنان دونمای هایون ایله سسویش لیمانندن قیام ایتدکن صکره علامت فوز و نصرت اولان

رایت عثمانی بی جزیرۃ العرب خلقنہ گوستر مک و خیر خواہ دین و دولت اولانلرک قلوبنی فرح و سرور و بدخواہلرک رعب و هراس ایله املا ایتک اوزره ساحل بویجه ایلرلیلرک طور معبرندن مرور و بعدہ جدیدیہ وصول ایله اورادن دخی قران جزیرہ سنہ اوغرایوب . ماه ربیع الاولک (۱۳) نجی گونی شاب آردلرندن چیقہرق انگیندن سیرہ باشلادی . بووجهله درت گون درت گیجه یوله دوام ایتدکدن صکرہ ماه مذکورک (۱۷) نجی گونی [*] عدن لیمانہ مواصلت ایلدی .

[*] عدن — عربستان قطعہ سنک جنوب غربیسنده برشبه جزیره ایله برشهرک اسمیدر . بوشبه جزیره نک نہایت جنوبیہ سنده بولسان قسمنه عدن برونی تسمیہ اولتورک ، مذکور برون (۱۷۶۰) عرض ایله (۵۰° ۰۹) طولده کائندر . بوشبه جزیره نک مساحت سطحیہ سی (۱۸) ایله (۲۰) مربع میل بینده اولوب ، اراضی برکانیہ دن عبارت اولدیقنه شبہ یوقدر . شبہ جزیره مذکورہ (۱۷۷۶) قدم ارتفاعی حاوی برطاقم متسلسل تپلردن عبارت اولهرق عربستان قطعہ سنہ طار و مستوی و قوملق و (۴۰۰) یارده عرضنده بربرخ ایله اتصال کسب ایلشدر . عدن شهری بربران منطقینک فتحہ سی اوزرنده و پروادی ایچنده کائندر . شهر مذکورہ جوارنده کی پرونک نامہ اضافتله (باب المندب) تسمیہ اولندیکی کبی هواسنک لطافتندن کسناہ اولهرق عربلر طرفندن جنت معناسنه اولان (عدن) نامی دخی ویرلشدر ؛ چونکہ ، بورادہ سماهرکون بلوطدن عاری و ضیای شمس ایله مالی اولدیغندن بلوطلی کون همان هیچ کورلر کبیدر . حرارت شمس ایسہ دکزدن اسن ملتم روزکارلیله کسب اعتدال ایلکده اولدیغندن اھالیسنکده صحتی دائما برکالدرد . تاریخ طبیعی مؤلفارندن حکیم شہیر « پلینی » (Pliny the Elder) تالیفاتنک برنہ بوموتعی دنیا تجارتنک مرکزی دیسہ توصیف ایلشدر . موقع مذکور تا امید برونی ضریق کشف اولتجہ بقدر شرق معمولاتیلہ امتعہ سنک بحر احمرده بازارکاه اخذ و اعطاسی اولان برمہم بندر تجارت ایدی ؛ حتی چینلر بیلہ بورایه قدر کلوب . تجارتلہ مشغول اولورلردی . « مارکو پولو » ودها سائر قرون وسعی سیاحاری بومحک ثروتہ و نفوسنک کثرتہ و تعجبہ شایان اولان احوال سائرہ سنہ دائر پک چوق حکایہ لر نقل ایلشدر . مرور زمان ایله صکرہ لری بوراسی عاداتا برکوی ہیئتہ قدر قترل ایدوب ، سکنہ سی طاغیش و (۱۸۲۸) تاریخ میلادیسنده (۲۵۰) سی موسوی و (۵۰) سی هند تاجرلرندن ، باقیسی دخی یرلی عربلردن عبارت اولسق اوزره مجموع سکنہ سی (۶۰۰) نفوس قالش ایدی . بالادہ مذکور تاریخہ طوغری انکلتزه مستقلکات دائرہ سی هندستاندن اورویاہ کسدیرمہ بروایور یولی آرامغہ باشلامش ایدی . بومقصدک حصولیچون فراتنہری اوزرینہ کاشقلر کوندردی ایسہ ده مطلوبہ وصول میسر اولدیغندن یشہ بحر احمر طریقیلہ تعاطی تجارتہ دوام اولندی . بوجهتله بدر احمرک ہرابکی سواحلی براہیمیت کسب ایش اولدیغنی انکلیز لک درک ایدہرک — بودیزک کلیدی مثابہ سنده اولان — عدن موقعی الدہ ایدنک برچارہ تحرینسہ باشلادیلر . تصادفاً برانکلیز کمپسی عدن سواحلندہ قضازدہ اولدی . بوکینک ، طائفہ سی و بوجیسی یرلرلر طرفندن کویا صوبولمش اولدیلرندن (۱۸۲۸ م) تاریخندہ مملکتک شیخی ؟ تضمینات اعطاسنہ مجبور ایتک و نصل شروط ایله عدنی انکلیز لہر ترک ایدہرکنی اوکرنمک اوزره قبودان « ھنہس » (Haynes) اول طرفہ مأمور ایدیلوب ، کوزل وعدلر و بول بول آچہ قوتیلہ مرقوم شیخن مملکتک انکلیز لہر ترکی وعدینی استحصاں ایتدی !! بوشیخ غایت عقلسز و خریص براختیار ایدی . مؤخرآ جوارده بولن قبیلہ لک عداوتی قازانمش و شیخ لک تشویقاتیلہ بوایش اولدیغی آلیش و یریشہ نامد اولهرق مقودہ

عدن شهری توابعیله برابر « عامر ابن داود » نامنده بر حاکمک
تحت استیلا سنه گچمش اولمغله تدابیر حسنه ایله مومی الیهک یدندن
آلنوب . برج و بادوسی تحکیم و درونه مستحفظین اقامه اولمهرق
ایالتی دخی امرادن « بهرام » بکه توجیه ایدلدی : بعده اصل بادی
حرکت اولان هندستان سواحله طوغری گمیلره یول ویرلدی .
ربیع الاول عرسنده دونمای هایون هندستان شبه جزیره سنک
ساحل غریبسی اوزرنده کائن اولان پورتکیز مستملکاتندن (غوآ)
[بر نومرولی حاشیهیه مراجعت اولنه] قلعه سنک اوگنه بالمواصله اول
امرده مذکور قلعه و مؤخرآینه بو ساحل اوزرنده ، فقط ده
شمالده بولنان (کاره) قلعه سی قره یه سوق اولنان عسکر و طوپلر
اعانه سیله حصر و تضییق ایدیلرک بعدالتخریب ایکیمی ده ضبط

معقوده دن نکول ایلمک ایسته مش ایسه ده (۱۸۳۹ م) سنه سنده قوه جبریہ استعمالیله برقاچ
ساعت محاربه دن صکره عدن شهری انکلیز یدینه دوشمشدی . اوندن صکره مذکور شهره غایت
مقاتلی استمکاملر انشا و کافی درجه ده عسکر اقامه اولندیغی کبی الحاله هده تحکیم و تقویه سنه اهمیت
ویرلمکده در .

بز بو پارچه بی برانکلیز کلیات علوم مجموعه سندن عینآ ترجمه ایلدک ؛ فقط کندی
طرفزدن ده برایکی سوز علاوه ایتمک لازم کلیرایسه شونی دییه بیلیرک که ، عدن شهری دولت علیه نك
پک چوق قان و خزائن بهاسنه اولمهرق قبضه تسخیره کچیرمش اولدیغی بر ملک مشروعیدر . فصول
انکلیز لر هیچ بو حقدن بحث ایتیه رک کویا اوقطعه اوزرنده دولت علیه نك حقوق حکمرانیسی
جاری دکل ایش کبی اداره لسان ایله برشینک یدندن آلمش اولدقلرنی و حق — حقلی کورنمک فکریله
— مقابلنده برکلی مبلغیله ویرمش بولندقلرنی کوستریورلرکه ، طوغریسی بودرجه لده شرتجه
برحقسزلق آتقی اورویا ملترنده کوریله بیلیر !


صده کلمه : شهرک جوارنده کی تپه لردن جریان ایدن یاغوز صولرنی تراکم ایتدیرمک اوزره
بوراده ازمئه ماضیه دن قلله برطاقم متسلسل صهرنجار موجود اولوب ، نقط بولاری انشا ایدنک
کیم اولدیغی جمهورلدر . بالکیر آلتیجی وایدنجی عصر ایچنده بابلش اولدقلاری مضموندر . انکلیز لر
بورایه فصولی مستولی اولدقلاری ائشاده مذکور صهرنجار عاداتا خراب برحالده و درونلری سیورندی
ایله طولش ایدیه ده مؤخرآ تپه آلنوب ، اسکی حاللرینه ارجاع ایدلشردر . بولرک هپسی طولدیغی
وقت (۴۰) میلیون (غالون) موجود صو بولنور ؛ و مذکور تپه لرک اوزرلری چپلاق بولندیغندن
یاغان یاغورلر ضایع اولوب ، کافه سی آزوقت ظرفنده مذکور صهرنجاری املا ایدرلر .

عدن شهری آفریقه ایله آسیا آره سنده کرک تجارت و کرک سیر سفائن خصوصنده مهم بر نقطه
اولوب ، عادتاً اورویا ایله آفریقه آره سنده کی جبل طارقه مشایهدر ؛ و (۱۸۳۸ م) سنه سندن
بری اهالیسی و ثروتی تزاید ایدهرک بو کونکی کونده ملل مختلفه سنده مرکب اولق اوزره (۲۵)
بیک نفوسی حاویدر ؛ و خارجه کوندردیکی ایشیا ایله خارجدن آلدیغی اشیانک قیتی بره ملیون نیرده
مقدارنده در .


و تسخیر اولندی . بو ایکی قلعه‌نك اثنای محاصره و تضييقنده يك چوق پورتكيزلی تاف ایدلیدیگی هجوم ایله ضبط اولندقلری اثناده دخی بیك نفر قدر قلیچدن گچیرلیدی . بورادن دخی قیام اولنهرق ساحل مذکورك دها شمال طرفنده کائن اولان (دیو) [ایکی نومرولی حاشیهیه مراجعت اولند] قلعه‌سی اوزرینه عزیمت اولندی . حین موصلته سلیمان پاشا دونمادن قرهیه (۲۰) بیك نفر قدر عسکر نصرت پیکرله قرق اللی قطعه‌ده طوپ سوق و اخراج ایدهرك قلعه‌نك محاصره‌سینه تشبث ایلدی ؛ فقط بو قلعه‌نك اوچ طرفی دگزله محاط اولوب ، قرهیه متناظر اولان جهتی دخی غایت متین دیوار ایله تحدید و آریجه بر خندقله تقویه ایدلمش اولدیغندن متانتنه نسبتاً بویله جزوی عد اولنه‌بیله‌جك بر قوتله تسخیری حقیقه بر امر خطیر ایدی . بومشکالاته منضم اولان ذخیره قلاتی دخی ایشی بوسبتون تصعب ایلمکده ایدی .

[۱] غوا — هندستانك ملیبار ساحلنده و (۱۵° ۴۰) عرض شمالی ایله (۷۴°) طول شرقیده کائن بر شهر اولوب ، تابعی بولنان وینه بواسم ایله یاد اولنان اولکایسه (۱۵° ۵۵ ۱۵° ۴۵) عرض شمالیله (۷۳° ۴۵ و ۷۴° ۲۶) طول شرقیله بینه واقع و (۱۰۶۶) مربع میل اراضی حاوی و (۲۱۳۲۶۲) نفوسی محتوی بر قطعاً جسیه‌در . غوا شهری بر زمانلر هندستانده کی پورتکیز مستلکاتنك مقر اداره‌سی ایدی . شمعی ایسه خرابه یوز طومش بر خالده در موقع مذکور هندستانك غرب جهته بولنان الکایی واك سالم لیانلردن برینی حاوی اولدیغی جهته شهرت قازانشدر . اون سکنچی عصر میلادی ابتدالرنده بوراده ظهور ایدن قولرا علت مدهش‌سی سببیه پورتکیزلر شهر مذکوری ترک ایدوب ، ذکره دهایقین اولان یکی غواده اسکان ایلدیلر . بوراسی شمعیکی خالده (۱۰) بیك نفوسی حاوی و حکومتک مرکزیدر . شهر مذکورک اهالیسی همان کاملاً پاپاسلردن عبارت و پورتکیزك هندستان مستلکاتنه حکم ایدن آرجیشویک تحت حکمنده بولنان موقعلرک بریسیدر . بوموقع (۱۵۰۴ م) سنه‌سنده «آلبوکرک» طرفندن ضبط اولندیغی زمان عربلرله مسکون ایدی .

[۲] دیو — هندستان مضافاتندن کجرات ایالتنك ساحل جنوبیسنده واقع وینه بواسم ایله سما اولان بر موقعک آققلرنده کی آله‌نك نهایت شرقیسنده مستحکم برلیان وعقی همان علی السویه اوچ ، درت قولاجدن عبارت سالم برمرسادر ؛ لکن تیور موقعی کیمیر ساحله یا قلاشدقه صیغلاشیر . (۱۸۵۴ م) سنه‌سنده شهرک مقدار نفوسی (۱۰۸۵۸) نفر ایدی . بو محل (۱۵۱۵ م) سنه‌سندن بری پورتکیزلرک زیر تصرفنده ایسه‌ده مستقل اداره اولمندن و آیری موقع بولمندن ناشی اهمیت تجاریه‌یی حائز دکدر .



ب (خیرالدین پاشا) قوماندانسته بولنان عثمانلی خطحرری
 ط (طورغود رئیس) قوماندانسته بولنان احتیاط نیلوسی.
 و متفقہ دوخماسنک قالیونلردن عبارت اولان برنجی خطحرری



و بالذات (امیرال اندریا) قوماندانده بولان قادر غلردن عبارت ایکنجی خط حرب
 و دشمنك سفن صغیره دن مرکب احتیاط فیلوسی
 اوق اشارت لری اجرا قلنان مانورده لک جهت لری ارا نه ایدر .

سلیمان پاشا هر نه قدر کجرات حاکمی ملک محموده ذخیره ارسال ایلمسی ایچون خبرلر ایصال ایلدی ایسه ده بر ماهی متجاوز مدت بر جواب بیله آله مدینی جهته محاصره نك امتدادی نسبتنده قیتلق یوزندن حصوله گلن مشکلات دخی قات قات تزايد ایلمکده ایدی . نهایت طیش قلعه کاملاً ضبط اولندینی حالد محصورینک ملک محموده ، سلیمان پاشا طرفندن مقدا عدن امیری «عامر» قتل ایدلمش اولدینی گبی بودفعه کندیسنه دخی سؤ قصد وقوع بوله جغنی و هر حالده کندیلر بیله اتفاق ایدرایسه حقنده خیرلی و نافع اوله جغنی بالواسطه اخبار ایله اتفاقه ترغیب ایتمش اولملری و ملک محمودک دخی بو اتفاقی قبول ایله ارزاق گوندرمکدن اجتناب و محصورینه بالفعل معاونت ایتک اوزره تدارکاته شتاب ایلمش اولمسی سلیمان پاشانک معلومی اولغله اجرا ایلدیکی تخریسات ایله بالا کتفا آرتق محاصره بی رفع ایدهرک عسکر و طوپلری گمیلره تحمیل ایله دگزه آچلمغه مجبور اولدی . دونمای هایون بوقلعه پیشگاهندن بعدالمفارقة جنوب غربیه طوغری سیره دوام ایدهرک (۲۰) گون دگزرده قالدقدن صکره جزیره العربک ساحل جنوبیسنده وعدنک جهت شرقیسنده بولنان (شجر) نام موقعه مواصلت ایلدی . بوقطعه نك حاکمی عثمانلی آمیرالنه لازم گلن رعایتده و دونمای هایونه مقتضی معاونتده قصور ایلمدیکی گبی تابعیت دولت علیه بی دخی قبول ایله حصه مند شرف و مباحات اولدقدن صکره دونمای هایون بورادن دخی بالقیام عدنه و بعده زبید اسکله سنه اوغراددی . او ائالرده «امیر احمد» نامنده بر شیخ بورالره مستولی اولمش ایدی . مرقوم شیخ نك تحصن ایلدیکی قلعه حسن تدبیر ایله تسخیر اولنه رق غائله سی بر طرف ایدلدکدن و یمن ایالتی ببقلی محمد پاشا زاده مصطفی بکه توجیه اولنوب ، تمام بر آی بوراده اقامتله قطعاً

مذکورہ نك ادارهٔ اموری یولنه قونلدق دن واسباب محافظہ سی
استیکمال قلندق دن صکرہ جدیہ عودت اولندی . سلیمان پاشا حج
ایچون جدہ دہ دوننادن چیقہ رق بعد الحج برآ مصرہ و مؤخرآ
درسعادتہ عزیمت ، دونمای ہایون دخی جدہ دن طوغریجہ سویش
لیمانہ عودت ایلدی . سلیمان پاشانک بومہم سفردہ وقوعہ گلاب
خدمات واجراآت عالیہ سی مقبول نظر حضرت شہریاری اولغلہ
لاجل المكافات عہدہ سنہ وزارت رتبۂ رفیعہ سی توجیہ واحسان
بیورلمشدر .

نووه نك استردادى — پرہوزہ مظفریت عظیمہ سی متعاقب
خیرالدین پاشا آندریا دونماسنک فرارہ موفق اولہ بیلن قسمی
تحرى ایتک اوزرہ قورفویہ طوغری عزیمت ایتدیکی صرہ دہ
ظہور ایدن شدتلی بر فورطنہ مانعہ سیلہ آلولنیہ دونمکہ مجبور
اولمشیدی . بواننادہ آندریا دخی معیتندہ کی سفائن ایلہ نووہ اوزرینہ
دوشوب ، محافظلرینک غفلتی سببیلہ حصار مذکورى تسخیرہ
موفق اولہ رق دروننہ (۶۰۰۰) نفر محافظ اقامہ ایلہ اورادن
ایتالیا صولرینہ چکلمشیدی . موسم شتانک حلولی مذکور حصارک
استردادینہ مانع اولغلہ ایلک بہارہ قدر اسپانیولرل اندہ قالدی .
ایلک بہار موسمی حلول ایدنجہ خیرالدین پاشا حضرتلری (۱۵۰)
پارہ سفن حربیہ دن عبارت قوتلی بردونما ایلہ آق دگزہ چیقوب ،
طوغریجہ نووہ اوزرینہ حرکت ایلدی . بو حصار قنارو کورفزینک
مدخلنہ حاکم وایکی عدد جسیم و مستحکم قولہ لری حاوی اولوب ،
یگی قلعہ معناسنہ اولان قستل نووہ (Castel Nova) نامیلہ
معروفدر . خیرالدین پاشا (۹۴۶ ھ) سنہ سی ربیع الآخرینک

(۸) نجی گونی قرمه چیقاردیغی (۳۷) پاره طوپ و مقدار کافی عساکر بحریه ایله حصار مذکوری محاصره ایدوب ، (۱۴) گون متدیاً شدتلی طوپ آتشلیله تخریب ایدرک ماه مذکورک (۲۲) نجی گونی آچیلان گدکلردن اجرا ایتدیردیکی هجوم ایله مذکور قوله لر - دن برینی ضبط و تسخیر ایلدی . بواون درت گون ظرفنده مذکور قلعه نك تخریبی خصوصنه صرف اولنان مریاتك عددی (۸۲۰۰) دانه به بالغ اولمش ایلدی . قوله نك بری ید عثمانیانه انتقال ایدنجه بقیه السیوف دیگر قوله به التجا ایدرک استیمان ایلماک ایسته مشلرایسه ده میدان ویرلیوب ، اوراسی دخی هجوم ایله ضبط اولنهرق دروننده بولنانلرک کافه سی اسیر ایلدی . بو مظفرتی متعاقب پاشای غازی حضر تلری تخریب ایدیلان حصارک یرینه یگیدن برقلعه بنا ایله دروننه (۲۶) پاره طوپ وضع ایلدکن و جوارنده بولنان و ندیکه تابع محملرک کافه سنی ده عسکره تخریب و غارت ایتدیردکن صکره غانما و مظفر آ در سعادته عودت ایلدی .

اسپانیا قرالی بشنجی شارلک جزایره هجومی — (۱۵۴۲ م)

و ۹۶۸ هـ) تاریخنده دولت علیه آوستریا ایله محارب بولندیغدن آلمانیا ایمپراطوری و اسپانیا قرالی بشنجی شارل آوستریا قرال قائممقامی بولنان برادری فردینانده اعانه جسیم بردونما و برقوه کلیه ایله سواحل دولت علیه به تجاوز و تخطی ایتک اوزره و ندیک سواحلنه قدر گلمش ایدی . او ائنده خیرالدین پاشانک (۷۰) پاره قادرغه ایله عثمانلی صولرینی محافظه به چیقادیغی خبر آلهرق تصمیماتی اجرابه موفق اوله مقسزین عودت ایلماش ایسه ده هیچ اولماز ایسه عثمانیلردن برانتقام آلمش اوله بیلماک ایچون جزایر ایالتنک فتحی نیتیه اول جانبه

حرکت ایلدی . شارلک جزایر اوزرینه حرکتیه سبب اولان برباشقه ماده دها وار ایدی . اودخی خیرالدین پاشا جزایردن درسعادتہ جلب اولندیغی انزاده ایالت مذکورہنک امور اداره سنہ کندی منسوبینندن « خادم حسن بك » نام بر مقتدر ذاتی مأمور ایلیمشیدی . میر مومی الیه دخی هنگام مأموریتندہ قادرغہ و قالیتہ نوعندن ترتیب و تجهیز ایدہ بیلدیکی (۳۰) پارہ سفائن حربیہ ایلہ دائماً اسپانیا ساحلارینی تخریب و غارت ایدہرك سطوت عثمانیہ یی اوساحلاردہ کمال شان ایلہ ارأئہ ایتمکدن گیری طورماز ایدی ؛ حتی حسن بك تعرضات مدہشہ دائمہ سنہ قارشى اسپانیا ساحلارینی محافظہ و مدافعہ ایچون سراپا قولہ لر انشاقلمش و گيجہ گوندزاقامہ اولنان نوبتجیلر واسطہ سیلہ تیقظ و انتباه اوزرہ بولنلمغہ مجبوریت حاصل اولمش ایدی . ایشتہ بویکی سبیدن طولایى امپراطور شارل دونماسنى جزایر اوزرینه توجیہ ایلمشدر .

بودونما (۳۷۰) قطعہ سفن حربیہ و نقلیہ دن عبارت اولوب ، بومقدارک (۱۰۰) قدری بارچہ نوعندن جسیم گیلر ایدی . دونمای مذکور آمیرال آندریانک اداره سنده بولندیغی گبی حامل اولدیغی عساکر بریہ دخی اسپانیانک الك مشهور سردارلرندن جنرال « آلفونس دہ آوالوس » (Alphonse d'Avalos) ک تحت قومانداسندہ اولوب ، (۴) بیکی سواری و باقیسی پیادہ اولمق اوزرہ (۵۰) بیگہ قریب بر قوۂ کلیہ ایدی .

بوذکر اولنان عساکر بریہنک مقداری ہرنہ قدر اجنبی تاریخلرینک بعضلر . ندہ (۳۰) بیگ و بعضلرندہ (۲۲) بیگ پیادہ و (۱۱۰۰) سواری اولمق اوزرہ گوسترلمکدہ ایسده ذاتاً اروپا ملتلری ہر مغلوبیتلری وقوعندہ گویا محجوبیتی تخفیف ایتک ایچون بویہ عسکرلرینک موجودینی آر گوسترمک طرفنہ گیتدکلرندن بزبوجہتلہ عساکر مذکورہنک مقداری حقندہ عثمانی تاریخلرینک ویردکلری معلوماتی مقبول و مرجع طومتقدہ یز .

ایمپراطور شارل جمادی الاخرانک (۲۸) نجی گونی جزایر اوکنه واصل اولدی. دوتنانک حامل اولدیغی عسکر فرده چیقهرق خیمه لرینی رکز ایله قلعه اطرافنه مترس حفر ایتمه مباشرت ایلدیلر. بری طرفده حسن بک دخی امرای عسکریه واعیان مملکتدن مرکب بر مجلس عقد ایدهرک بومجلسده بعدالمشاوره دشمنه صوگ درجهیه قدرمدافعه ایتمه قطعاً قرارویرلدی. حسن بک اوگیجه آلتیوزی ترک وایکی بیگی عرب سواریدن عبارت برچکوک مفرزه ایله قلعه دن چیقوب، بلای آسمانی گبی آنسزین دشمنک اوزرینه نازل اوله رق اردوده بیوک بر قارغاشالق ظهورینه سبب اولدی. وقوع بولان مقاتله پک دهشتلی اولوب، دشمنی (۳) بیگه قریب تلفاته دوچار ایتدکن صکره سالماً قلعهیه عودت ایلدی؛ حال بوکه، دشمنک کثرتنه قارشى قلعه دروننده حقیله مدافعهیه کافی بر قوت موجود دکل ایدی؛ حتی قلعهیه حاکم بر نقطهده کائن (سید یعقوب) تپهسی دخی دشمنک بر فرقهسی طرفندن طوتلمش اولغله آرتق محصورین ایچون تهلهکات قات قات تزیاید ایلمکده ایدی؛ لیکن محاصره نك بشنجی گونی [*] لحکمه گوگ گورلیوب، شمشگیر چاقه رق بوزه وفورطنه ایله قاریشق باران بلانازل اولغله باشلامغله محاصرلر محاصره بی تعطیل ایله گمیلرینک سلامتی چاره سنه دوشدیلر؛ حال بوکه،

[*] رفعت اقتدی لغات تاریخیه سنه مشهودمز اولدیغنه نظراً بوقورطنه نك ظهوری جزایره مدفون مظنه سرآمدن «ولی دده» نك بر اثر کرامتی امش! شویلهکه اسپانیول دوناسیله قوه کلیه سنک جزایر قلعهسی حصر وتضییق اوزرینه مدافعه دن عاجز قالش اولان عسکر واهالی اول زمان بر حیات بولنان مشار الیه ددهیه مراجعتله قوه قدسیه سندن استمداد ایلشلردر؛ دده دخی برجلال دکن کسنا ریه واروب بر معتاد هرزمان اموزنده طاشیقده اولدیغی تیور طپوزی اسم جلالی ذاکر اولدیغی حالده شدله صویه اورمسی متعاقب سالف الذکر حادثات سماویه دهشتله اجرای احکام ایتکه باشلامش ونتیجهسی متده بیان اولندیغی اوزره دشمنک انزام کلیهسی موجب اولمشدر. فرانسزلر مؤخرأ جزایره مستولی اولدکن صکره جنرال «رویغو» ولی دده نك یول اوزرینه تصادف ایدن ترههسی بیقدریمنی قوروب، اهالیدن بعض معتبرانی جلب ایله کمیکلریشک باشقه یره دفن اولنسی امر ایسی اوزرینه دیلی آغزیه صغیمه جق درجهده شیشوب، اوچ کون صکره وفات ایلش وسائر فرانسز مأمورلری بوندن عبرت آلمایله هیچ بری بیقدریمغه جسارت ایدمه مشددر.

بویله دهشتلی بر فورطنیه قارشى آفریقہ نك آچیق ساحلرندہ گمی
 یارندیرمق عادتاً ممکنسر اولدیغندن دونمالرینك (۱۰۶) قطعہ سی بردن
 (۸) بیك نفر موجودلری وکلی ذخائر و مهمات حربیه و سائرہ لریله
 برابر قرهیه اوره رق غرق و تلف اولغله آرتق ایمراطور جنابلری
 عسکرینه سواری بارگیرلرینی کسوب، یدیرمکه مجبور اوله رق برمدت
 ضیائع فکرندہ بولندی ایسه ده جیخانلری دخی قسماً گمیلرله باطمش
 و قسماً یاغموردن ایصالتمش اولدیغندن چاره سز بر رجعت قهقری ایله
 قورتیله بیان گمیلرینه طوغری فراره مجبور اولدیلر. مذکور فورطنه
 انناسنده قورتیله بیان گمیلرک (۴) عددی لیماندن ایجری گیرمش
 اولدیغندن بونلر ضبط اولنوب، درونلرندن (۱۴۰۰) مسلمان
 اسیر تخلص ایلدیکی گی دکره آچیلانلری دخی هوا کسب سکونت
 ایتدکدن صکره (تمتوس) برونی نام محله گلمش اولدقلرندن
 ایمراطور جنابلری اورایه گیدنجهیه قدر جزایر لیلر طرفندن تعقیب
 اوله رق پک چوق تلفاته اوغرادلمش وقورتیله بیان عسکر دخی
 طغیان حالنده بولنان (خراس) نهرینی معقبلك تضییقات شدیدہ لری
 سببیه مروره مجبور اولدقلرندن برازی ده بوراده بوغوله رق پک
 آزی گمیلره جان آتہ بیللمشدر؛ خلاصه، رجیک (۲۶) نجی گونی
 قورتیلان گمیلر وعسکرله ایمراطور جنابلری دکره آچلدینی حالده
 دکرده دخی بر ایکنجی فورطنیه یاقه لهرق بجایه طرفلرینه
 دوشوب، برخیلی صیقندی چکدکدن ودرلو موافقه تصادف ایلدکدن
 صکره کوچ بلا اسپانیایه جان آتہ بیلدی. شو وقعہ نی انگلیز
 مؤرخین مشهوره سندن «جون داوینپورت» (J. Davenport)
 ناپولیونک روسیه ایله اولان محاربه سنده کی دوچار اولدینی هزیمت
 کلیدیہ تشبیه ایتمکده و تاریخه قید اولغله شایان وقوعات عظیمه دن عد
 ایلامکده در.

خيرالدين پاشانك نيسه (Nice ياخود Nizza) سفرى —

اسپانيا قرالى بولنان بشجى شارل [دون كارلوس] ك آلمانيا ايمپراطورى انتخاب اولمىسندن وعهدسند آلمانيا، اوستريا، فينك، بورغونديه، سيچيليتين، قاه ستيليه، آراغونيه، ناور حكومتلرينى وبولنله منسوب مستعمرات خارجيه نك حكمدارلغنى جمع ايلش بولمىسندن طولايى فرانسه قرالى برنجى فرانسوا مذكور ايمپراطورلغه كنديسنك انتخاب اولمىشنى وشارلك اقبالى چكهميهرك اوروپا موزنهسنىك اخلال اولنديفى پانهسيه شارله قارشى اعلان حرب ايلش ايدى. وقوع بولان باويه (Pavia) ۱۵۲۵ م شباط ۲۴ محاربهسند فرانسوا ايمپراطور اردوسى طرفندن اسير ايدلمش اولديغندن والدهسى واسطهسيه سلطان سليمان قانونى حضرتلرينه مراجعت و التجا ايدرك حايهسى رجا ايتش اولغله تابو زماندن اعتباراً دولت عليه ايله (۱۵۳۶) سنه ميلاديهسند عقد ايلش ولديفى اتفاقك اساسى وضع ايتش و سلطان سليمان قانونى حضرتلرى آلمانيا ايمپراطورلغنى مجارستان و اوستريا طريقيله قضيبق ايدرك فرانسوايه برگشيش صولوق آلديرمش ايدى.

بوزمان دولت عليه طونهدن نيل مبارك منبعلريه بحر محيط هنديه و قفقاسيه سلسلهسندن آتلاس سلسلهسنى قدر ممتد برقطعه فسيحه اوزرند تأسس ايلش بر هيأت معظمه اولوب، عثمانليرك حيرت انگيز بر سرعت ايله كسب قوت وعظمت ايدرك شرقك امورىنى درعهده ايتدكن باشقه غربى دخى خوف ودهشت ايچنده براقت اولدقلى بر زمان ايدى.

بو دفعه دخى «شارل» طرفندن فرانسه حدودى داخنده واق دكيز ساحلنده بولنان (نيسه) قلعهسى ضبط ايدلمش اولديغندن قاعه مذكوره نك استردادى اسپانيا دوئماسنى احمايه متوقف اولوب. حال بوكه، فرانسه دولتده او اقتدار مفقود اولغله قرال برنجى «فرانسوا» اوچنجى دفعه اوله رقينه دولت عليهه مراجعت والتجا ايتك خصوصى بالتنسب اول وجهله حركتده بولمشدر.

سلطان سليمان قانونى حضرتلرى بو دفعهكى ذيلانله التجايى دخى رده شان وعلويت جهانگيرانهسى مساعد گورمه مكله (۱۵۴۳ م و ۹۴۹ هـ) سنهسند قپودان دريا خيرالدين پاشا حضرتلرينى

(۱۰۰) پاره مکمل قادر غه دن عبارت بر عظمتی دونما ایله فرانسه دولته معاونت ایچون آق دگزه چیقار مشدر . خیرالدین پاشا طوغریجه شارلک ممالکندن معدود اولان سیجیلیه آطه سنده کائن مسینا شهری اوگنه واروب . — اهالیسی اولجه فرار ایلمش اولدقلرندن — شهر مذکور ی بعدالتخریب مارسلیا سواحلنه توجیه سکان عزیمت ایلدی . طولون لیمانه حین وصولنده فرانسه دولتی طرفندن فوق العاده احترام واحتشام ایله قبول اولنهرق دولت مشارالها دونماسیله برلکده شارلک تحت استیلا سنده بولنان « نیسه » شهری علیه سسوق اولندی . فرانسز آمیرالی « دوق دانکین » (Dénghien) دونماسیله برابر دولتمدن آلمش اولدیغی تعلیمات اوزرینه خیرالدین پاشا حضر تلرینک قومانداسی قبول ایلمشدر . بو ایکی دونما برلکده نیسه لیمانه مواصلت ایدوب . ساحله اخراج ایلدیکی بر قوه کافیه ایله اول امرده واروشی احراق ایدیلهرک قلعه سی دخی تحت محاصره یه آلدی . خیرالدین پاشا حضر تلری فرانسزلرک گرک دونمالرنده و گرک اردولرنده مشاهده ایلدیکی عدم انتظام سببیه فرانسه امرای عسکریه سی پک زیاده تعیب وبو انتظار مسزلقله هیچ برایش گورمکه مقتدر اوله مدقلرندن طولانی ده شدیداً تویسخ ایلمشدرکه ، بو کیفیت او زمان عثمانیلرک عسکرلکجه اوروپا لیلره نظراً ندرجه لرده ترقی اتمش برملت اولدقلرینی انبات اتمکله . انگلیز تاریخلرنده بر مهم وقعه اولمق اوزره محرردر ؛ خلاصه . قلعه نك محاصره سی اوزانوب ، گیتمکده ایکن مقدما جزایرده کی انهمراه دوچار ایدلمش اولان اردونک قوماندانی « آفونس آوالوس » شارل طرفندن میلان والیسی نصب ایدیلوب ، بر قوه کلیه ایله نیسه شهرینک امدادینه سوق ایدلمش وبو اتناده قیش دخی حلول ایلمش اولمغه پاشای مشارالیه حضر تلری یالگیز شهرک احراقیله کیفیت ایدهرک

طولون لیمانه عودت و قیشی اوراده گچیردکن و دونمائی هایونک
مصارف جاریه سی قارشیلغی اوله رق فرانسوا طرفندن (۸۰۰) بیك
لیره دن عبارت بر مبلغ عظیم اعطا اولندقدن صکره (۱۵۴۴) سنه
میلادیه سی نیساننده در سعادته عودت ایلدی . اثنای عودتده ایتالیا
سواحلی یاقوب، ییقمق و (۱۴) بیك نفوسی بردن اسیر ایتک گی
خارق العاده اجراءات ایله سواحل مذکوره اهلینسی دوچار دهشت
ایلمشدر : خلاصه ، خیرالدین پاشا حضر تلرینک بودفعه کی آق دکنر
سفرندن اورویایی اول قدر بیوک خوف و دهشت استیلا ایتشدرکه ،
آرتق هیچ بر طرفده حربه دوامه جسارت قالمیوب ، فرانسه ایله
بر معاهده صلحیه عقدینه مجبور اولدیلر .

ارتحال خیرالدین پاشا — پاشای غازی برایکی سنه دها آق دکنر

سفر ایدوب * شان و سطوت عثمانیه یی انجلاجش اقطار عالم ایلدکن صکره
(۱۵۴۶) سنه میلادیه سی تموزینک دردینه تصادف ایدن (۹۵۳) سنه هجریه سی
جادای الاولاسنک (۶) نجی گونی سنی سکائی متجاوز اولدییی حالده در سعادته
حرم عصمت توأم لرینک آغوش مصاحبته ایکن کشتی سوار دریای رحمت
اولمشدر .


مغفور مشار الیه حضر تلری دولت علیه ابدیه الدوامک (۱۹) نجی قبودان
دریای اولوب * بومقام معالده بالاستقلال (۱۲) سنه استقرار ایله دین و دولته
امثالمر حسن خدمتده بولنش و همت مشکل بر اندازانه سیله زماننده دولت
علیه عثمانیه مزک قدرت و شوکت بحریه سی مرتبه کلاک اوج اعلاسنه قدر واصل
اولمش ایدی .

یالگنر ملت عثمانیه میاننده دکل * اوروبا ملت لری ایچنده دخی امثالی گلمه مش
بر ذات خجسته صفات اولوب * سایه جلادته عثمانی دونمائی بتون اوروبا
دونتالرینه فائق و نام معالی اتسای دخی سلسله نامه امارت بحریه نک تکمله سی
دینکلکه لایق ایدی .

لیافت فوق العاده عسکریه سنه شهادت ایدن وقایع حربیه جسمیه سندن باشقه

اقتدار ذاتیسی ارانیه ایدر دلائلدن اولق اوزرده روم، ایتالیا، فرانسه و عرب
لسانلرینه آشنا بولمسی ذکر ایتک کافیدر .

« مات رئیس البحر » ترکیب لطیفی وفاتنه تاریخ دو شمشدر . بشکطاشده
نامه نسبتله شهرت بولاش اولان محلده کی تر به سنده دفین خاک رحمت و صندوقه زیب
زیارتدر . فخر الاسلام ایدی . مولا مقامنی جنت ایلسین! [لوحه (۱۶)]



اوچنجی فصل

سلطان سلیمان قانونی دورینک بقیه وقوعات بحریه سی

(عن ۹۵۳ الی ۹۷۴)

خیرالدین پاشانک ارتحالندن مؤذن زاده علی پاشانک قپودانلغنه قدر.

صوقوللو محمد پاشا — طرابلس غرب فتحی — طورغود بکک ترجمه
حالی — پیروی رئیسک بحر محیط هندی سفری — مراد رئیسک هرمرز بوغازنده
پورتکیز دوتماسیله محاربه سی — سیدی علی رئیسک هند دگزلرنده پورتکیز دو-
نماریله محارباتی — سیدی علی رئیسک بقیه احوالی — بحر محیط هندی به سوق
ولنن دوتمالردن حاصل اولان نتایج — دوتنمای همایونک الکنجی دفعه اوله رق
فرائسه امدادینه ارسالی — عوران سفری — بدزدرت سفری — مایورقه سفری —
جریه سفری — مالطه سفری — ساقز آطه سنک ضبطی — سلطان سلیمان
امرای بحریه سنه دائر بر قاچ سوز .

صوقوللو محمد پاشا — خیرالدین پاشا حضر تلیرینک ارتحالی
اوزرینه مسند قپودانی وزرادن «صوقوللو محمد پاشا» به توجیه اولنوب،
(۴) سنه بومقامده بولنه رق هر بهارده دوتنمای همایون ایله آق دگزه
عزیمت و عثمانلی صولرنده کشت و گذار ایله سواحل ممالک محروسه بی
اعراض اعدادن صیانت ایلمشدر . (۹۵۷ هـ) تاریخنده روم ایلی
بکلر بکیلمکنه نقل مأموریت ایتمکله منحل قالان مقامنه «سنان پاشا»
گتیرلدی .

طرابلس غرب فتحی — [۰] صوقوللو محمد پاشانك انفصالیله
مقام قپودانییه گتیرلمش اولان سنان پاشا طرابلس غرب فتحه
مأمور ایدلدی .

گرك محمد پاشا وگرك جانشینی اولان سنان پاشا هر نه قدر سلك بخردن
یتشمش ذاتلردن دكل ایدیه لرده خیرالدین پاشا گبی بر ذات جلیل الصفاتك
بر مدت قپودانلق مسندنده بولنسی بومنصبه شرف واهمیت ویردیکندن وکلای
دولت عنندنه مؤتمن وملتزم ویاخود بالذات پادشاهك نظر توجهیله ممتاز
ومحترم اولان بر ذاتك قپودان دریا بولنسی التزام اولدیغندن طولایی بومقامه
گتیرلمشلردر . یوقسه اول وقت خیرالدین پاشانك مقامنه قائم اولدیله جك «طور غود
بك» دیدکری مشهور قورصان وار ایدی .

طرابلس غرب ذاتاً تونسده حکومت ایدن (بنی حفص) دولتك
زیر تابعیتده ایدی . بنی حفص خاندانك (۱۹) نجی حکمداری
بولنان «محمد بن حسن» دولتك حسن اداره سنه حصر غیرت ایده .
جکی یرده عیش وعشرتله اوقات گذار اولدیغندن اسپانیا دولتی بو حلی
فرصت اتخاذ ایدرك (۹۱۶ هـ) تاریخنده عوران [وهران] ، بجایه .
طرابلس گبی مغرب سواحلنده بولنان بر طاقم حصارلری استیلا ایله
طرابلس غرب قطعه جسمیه سنی ید اغتصابنه گچیرمش ایدی .
اسپانیولارلك (۴۲) سنه دن بری بو قطعه اوزرنده ظالمانه اداره
حکومت ایلملری گرك هم جوارلق وگرك اتحاد دینی حسیلله آمال

[۰] مشار الیه دولت علیه تك (۲۰) نجی قپودان دریاسیدر . بوسنه تك موقول دیدکری
قصبه سنده تولد ایش واستانبوله کلدیکی زمان اندرون همایونه کیروب ، اکمال تحصیل وتریه
ایندکدن صکره قپوجی باشملقله طیشاری چیقمش و (۹۵۳ هـ) ده قپودان ودرت سنه صکره عزل
اولنه رق روم ایلی بککر بکلیکی توجیه واحسان اولنشدر . طمشوار فتحنده سبق ایدن خدمت
عالم پسندانسی مقبول نظر شهریارای اولغله وزارتله کامیین وعز مصاهرت شهزاده سلیم خان ثانی
ایله وزیر قبه نشین اولدیقدن صکره (۹۷۲ هـ) تاریخنده مسند آرای صدارت وسلطان سلیمان خان
قانونی وسلطان سلیم خان ثانی وسلطان مراد خان ثالث زمانلرنده کمال استقلال ایله اون بش سنه
مدت فرمان فرمای مهمام دولت اولوب ، (۹۸۷ هـ) سنه سی ایتکندی دیواننده برمجذوبك خنجر
غدریله آلوده خون شهادت اولدیغندن ابا ایوب انصاری جوارنده بناسنه همت ایلدیکی تریه
دفن اولنشدر . مغفور مشار الیه دولت وملتنه بك بیوك حسن خدمتی سبق ایش بروزری عیدیل
ایدی . مولی رحمت ایلیه !

حکومت سنییه مغایر اولمغله قطعۀ مذکورہ نك لوٹ وجود اعدادن
تطہیری سلطان سلیمانك مطلوبی اولوب، آنجق بویله برامر جسیمك
حصوله گلمسی محاربات بحریه احوالنه واقف بر مقتدر ذاتك دونمای
ہایونده بولمسنه موقوف اولدیغندن سلطان سلیمان قانونی حضر تتری
خیرالدین پاشادن صکرہ عثمانی قورصانلری میانده کسب تفرد
ایلمش وخیرالدین پاشایه بحق خیر الخلف اولمش بولنان سالف الذکر
طورغود رئیس — ترجمۀ حالی صرہ سنده بیان اولنه جق اسبابدن
طولای کن دیسنه گوجنمش اولدیغی حالده بیله عفو ایدہ رک —
طرابلس فتح اولندیغی صورتده بکربکیلیکی قید حیات شرطیله
عہدہ سنه توجیه اولنه جنی وعدیله دونمای ہایونہ ظاہراً قوماندان
مشاوری وحقیقتده قوماندان نصب ایلمشدر.

قیودان [°] سنان پاشا (۹۵۸ هـ) سنہ سی (۱۲۰) پارہ
قادرغہ دن عبارت بردونما ایله آق دگزہ چیقوب، طوغریجہ مغرب
سواحلنہ عزیمت ایدہ رک طورغود بکک آرای صائبہ ومہارت عسکریہ۔
سی سایہ سنده طرابلس حصارینی محاصرہ وحرماً ضبطنہ موفق اولدی
(۹۵۹ هـ) و (۱۵۵۱ م). بو قطعۀ مفتوحہ نك والیکی بارادہ
پادشاهی قید حیات شرطیله طورغود بکک توجیه اولنق مقتضی ایکن
سنان پاشا میر مومی الیہ اولان عداوت سابقہ سی سائقہ سیلہ خادم
مراد اغایہ توجیه ایلدی؛ فقط حقیقتده طرابلسک فاتحی طورغود

[*] سنان پاشا دولت علیہ نك (۲۱) نجی قیودان دریاسی اولوب، قوجہ سنان پاشا نامیلہ
اشتہار ایلمشدر. مشار الیہ عصر سلیمان خان قانونیدہ اون بش سنہ مدت صدارت وکال اقبال
وابتیلہ مصاہرت شہریاریہ ناقل اولمش بولنان رستم پاشانک برادریدر. خرواتلق ویا ایٹالیا
اھالیسندن بولندیغنہ دائر تاریخلرک یکدیگریہ اویمیان روایتلرینہ نظراً منسوبیت ملیہ سی قطعاً
تعیین ایدہ مہ مکدہ در. سلطان سلیمان حضر تتری بوکاکریمہ سی «مہروماہ» سلطانن تزویج بیورمشیدی.
مشار الیہ جدّاً شمیم وجنکاور اولدیغی کی امور ادارہ دہنجی ماہر ایدی. (۹۶۱ هـ و ۱۵۵۴ م)
تاریخنده ارتحال ایلہ اسکدارہ مہروماہ سلطان جامع شریفنک محرابی اوکندہ دفین خاک رحمت
اولمشدر. مصر، سوریه، آناتولی واستانبولده اخلافہ یادکار قیادتاری اولان بک چوق آثار
خیرہ سی مشہود نظر شکراندر.

بك اولدینی حالدہ سنان پاشانك ارتكاب ایتدیكى حقمزلقدن طولانی والیدكى باشقه سمنه توجیه اولمسی میر مومی الیهك پك زیاده گوچه گیتدیکندن مؤخرأ بالذات ركاب شاهانه دن استدعا ایله حق مشروعی استیصال واون بر سنه او مقامده مسند نشین اقبال اولمشدر .

طورغود بكك ترجمه حالى — میر مشار الیه خیرالدین پاشا گئی قورصانلقدن یتشمش ومؤخرأ دونمى همایونده آمیرال رتبه سنی احراز ایله دولت ابدیه الدوامه بیوك بیوك خدمتلى سبق ایتش مشهور بر ذاتدز . منتشا سنجاغتك (سراولوز) ناحیه سمنه منسوب برقریه ده ولی نامنده کی بر حقیقچینك صلبندن (۱۹۰ هـ) تاریخنده دنیایه گلمش وفطرتنده اولان فوق العاده لك سائقه سیله پدری مسلكنه سلوك ایتیوب ، یعنی زراعت وحرث طریقه گیتمیوب . تیراندازلق وپهلوانلق گئی زور بازو ومثانت وجود ایله اجرا اولنور صنعتلره هوس ایدرك بین الامثال تفرد ایلدككن صكره دریا لونداقی زمره سمنه التحاق ایله فنون بحریه ده دخی ماهر ونیجه نیجه یارارقلری ظاهر اولغله گیده رك اوزمرده قیودانلق مقامی احراز ایدوب ، باشلی باشنه گمی گزدرمكه باشلا مشدر : خلاصه ، میر مشار الیه سیف مسلول اسلام اولوب ، دگزده کچیردیكى اوزون عمرینی بر طاق وقوعات غریبه ایله تزین ایشدر . بونلرك كافه سی مضبوط دكل ایسه ده مقید اولان طاقلری ده نامنك الی الابد صحائف تواریخده شان وشرفله ابقاسنه کافیدر . جله دن بری سالانیکدن بغدادی تحمیل ایتش اولان (۲) جسم وندیك بارچه سمنه مانیه [ماتابان] برونی آچیققرنده تصادفه حرباً وقهرأ ضبط ایلیدر : خلاصه ، راکب اولدینی بر کچوك گمی ایله نیجه دفعه لر بویه جسم سفائی تسخیر موفق اولیشی مهارت بحریه وشجاعت فوق العاده سنك برر شاهد عظیمدر . اودورده عثمانلی قورصانلرینك کندیلرینه ملجأ طانیدقلری شمالی آفریقه ساحلارینی بودخی مقر اتخاذ ایله اورالرده طولاشه رق فرصت دوشوردکجه اوروپا ساحلارینه تجاوزله ایراث خسار ایتك وسفن تجاریه لرینی دگزده راست گتیردکجه اولامق گئی حرکات شجیعانه وپادرا نه ابراز ایدرك آرزومان ایچنده کندیسنی اوروپا لیلره طانتدیرمش وآق دگزنك بر ایکنجی بارباروسی صره سمنه کچمشدر . طورغودك بو اشتهاری بر فلاکت ناگهانی به دوچار اولسنه سببیت ویردی ؛ شویله که ، آق دگزده طولاشان سائر عثمانلی قورصانلرندن بر طاقلری طورغودی کندیلرینه باشبوغ انتخاب ایله (۳۰)

پاره سقائىدن مركب بر دونما تشكيل ايتدكلى حالد قورسېقه اطهسى اوزرىنه بر آقېن اجرا سقائىدن قرار وىردىلر . بو آقېنى اجرا ايتدكلى سرده اميرال دوريا بيوك بر دونما ايله آنسزېن اوزرلىنه گىلوب . مقصدلىرىك قماي اجرا سقائىدن مانع اولدىغى گېي وقوع بولان محاربه ده نائل غلبه دى اولدىق طورغودى اسير وراكب اولدىغى گىمىنىك گوكرته سقائىدن درزنجير ايدىرك بووچھله مرقومه ايلرجه كورك چكدىردى : لېكن كىفېيت بالا خره عثمانلى قورسانلىرىك حالى وېشواى واوروپالىلرك بشلىرې بلاسى اولان خىرالدىن بارباروسك معلومى اولنجە . اكىر طورغودى قوبورمىه چك اولور ايسه بتون ايتاليا ساحللىرىنى وېنلخاسه جنوه شېرى احراق و تخريب ايليه چكىنى دوريايه قطعاً اخبار ايتش اولغله اميرال جنابلرى دى ناچار قالدىق طورغودىك سېلىنى تخليه ايتىدىر : فقط طورغود بولادىن قورتولور قورتولماز . امير خىرالدىنىك كىندىسېنه بخش ايلدىكى يىك گىمىسېنه راكباً و معيتىندە (۱۹) قطعە دن عبارت برده قورسان فىلوسى بولدىغى حالدە دشمنلىرىنه رغماً يىنه آق دىكزىك امواجى اوزرىندە سىكوب . صحرامغه باشلامىشدر .

بوذاك ترجه حالى سره سقائىدن شونى ده ذكر ايدىلمكه . يىنه قورسانلىق اوانىندە بر دفعه يدى سىكز پاره گىمى ايله جربه اطه سىنىك قنطره نامىندە كى لىماندە گىمىلرى ياغلامغه مشغول ايكىن جنوز اصيلا دكاندىن قورسانلقله مشهور « وىقونت دى چفاله » (Vicomte di Cicala) نام اميرال قومانداسى تحتىندە بولسان و (۱۵۰) پاره دن عبارت اولان وندىك و جنوز واسپانيا متفق دونملىرى على الغله اوزرىنه گىلوب ، ذخيره سى توكنىچە بالىجورىه تسليم اولور اعتقاديله لىمانك مدخلنى آبلوقه آلتىنه آلدىق مرقومى سېولتله اله كچىرك سودا سقائىدن بولنورلر : وحتى « خانامزە آتشلر صالان لوند قېودانى طورغودى گىمىلرله برابر اله ايتدك ! » دىيه جنويه قدر مخصوص گىمى گوندىروب . كىفېيتى اخبار ايدىلر . برى طرفده قوجه طورغود دى دوشدىكى تېلكىكەك نەدرجه لردە عظيم اولدىغى گوزى اوكنه گتيرىرك اولانچە قوتيله بر چاره تخليص تحرىسېنه باشلار : وجزىرەك هر طرفنى تفتيش و معاينه ايلدىكى سرده مجراسى لىماندىن (۲) ميل قدر بعيد وديگر طرفدىن دىكزه منتهى و اوزرىندە آنجىق بر صندال يوزه بيلير درجه ده كچوك بر ايرماغه تصادفله كىندىسېنى بو مضيق بلادىن قورتارىيله چك آنجىق شو ايرماق اولدىغىنه حك ايدىرك معيتىندە كى گىمىرك افراد موجوده سى و خصوصيله فورسەلرى جله گىمىرك بولدىغى لىماندىن سالف الذكىر ايرماغه قدر بر قنال حفر و كشادىنه سوق و تخصيصى ايله مدت جزويه

ظرفندہ مقصدینک حصولنہ موفق اولور؛ یعنی قنال تمام اولدقدن صکرہ
 گمیلری کافہ احوال وانقوالدن تخلیه ایدلمش اولدقلری حالده مذکور قناندن
 جرائقال قوانیننه تطبیقاً ترتیب وتنظیم ایلدیکی مکمل دستگاھلرومانشقه وپلانغه
 اعانه سیله سوق وتخریک ایدرک سالف الذکر ایرماغه کچیرر؛ وپورادن دخی سابق
 مثالی حرکته اطمئنک دیگر جهتنه نقل ایدوب * دگزه ایندرمکه موفق اولور *
 بو عملیات جسمینی اجرا ایلہ جزیرہی ترک ایلدیکی صرہلرده دشمنی اغفال ایتک
 اوزره محصور بولندی لیمانک خارجدن گوریلہ بیلہ جک مرتفع بر نقطه سنہ بر چادر
 قوردیرہرق گویابوراده اوطور مقده اولدیغی گوسترمک گی تدابیرہ دخی مراجعت ایلش
 وبوسایه ده محاصرلر کیفیت فرارندن آگاه اوله مامشدر . وبقونث چقالہ طرفندن
 جنوبزه ایصال ایدیلن خبر اوزرینہ اصیلزادکان گروھندن بر طاقلری محضا
 طور غودک تسلیمی انناسنده حاضر بولنق وحرکات مطوعتکارانه سنی رأی العین
 مشاهده ایلہ بر گوزل انتقام آلمق فکرینه دوشہرک تدارک ایلدکلری بر گمی به
 راکباً جربہ آطه سنہ طوغری توجیه سکان عزیمت ایلشلرایدی * اتفاقات غریبه .
 دن اولہرق طریق عزیمتلری اوزرنده مرقومک فیلسو سنہ تصادفہ یاقینی اله ویرمشلر
 ویرموقوفک صورت توقیف وتسلیمی سیر ایتک عزمندلر ایکن کندیلری توقیف
 اولمشلردر؛ طور غود رئیسک گرک صورت فراری وگرک غرابجه آندن دھا
 آشانی قالمیان کیفیت اخذئاری مؤخرأ لیمانک آغزینی بکله مکده اولان دونما امرا .
 سنک معلوملری اولنجہ کمال یأس وحجاب ایلہ عودته مجبور اولدیلر . طور غود
 بک مرور زمان ایلہ مسلکندہ ترقی ایدرک خیرالدین پاشا گی ثروتی آرتدیردقجه
 گمیلرینی دخی تزیید ایدہ ایدہ عاقبت (۲۵) پاره گمی ایلہ آق دگزی چالقمغه
 باشلادی * خیرالدین پاشانک غریبون نزدندہ « بارباروسه » نامیلہ اشتہار ایلدیکی
 گی قوجه طور غود دخی « دراغوت » (Dragut) نامیلہ ولولہ انداز
 اولمشدر * اجرا ایلدیکی ناگهانى هجوملر ایلہ ایتالیا واسپانیا سواحلی دهشت
 ایچندہ بر اقدی؛ وآیرال دوریا ایلہ وقوع بولان محارباتک اکثریسنده غلبه ایدرک
 کندیسنک فصل بر مردجنگ آزما اولدیغی اروپا مشاہیر بحریونہ دخی تسلیم
 ایتدیردی . طور غود رئیسک قورصانلقده کی شهرت شایعه سنہ مبنی سنان پاشا
 قپودان دریا ایکن بردفعه دونما ایلہ آق دگزه چیقوب، دعوت واقعه سی اوزرینہ
 اودخی غرب طرفندن ورود ایلہ ملاقات ایلدیلر * طرفیندن اجرا قلنان مرامم
 احترامیه صرہ سنده طور غود دونماسنک سلام طویلری سرعت انداخت وانتظام
 فاصله جه دونمای همایوندن آتیلان نسلام طویلرینہ فائق گورنمکله بو کیفیتدن
 سنان پاشا عادتاً اورکش وشاید خلا فگیرک وادیسنہ صایه جق اولور ایسه
 حقندن گلمک مشکل اوله جغنی بالتفکر تلطیفی جهتنه گیدرک دربار شوکت

قراره گلوب، بندگان دولت صرهنه کچمی خصوصنی برسان مناسبه موی
ایله افهام ایلیش اولدیغندن طورغود رئیس دخی بو تکلیفی بر ممنویت فوق
العاده ایله قبول ایدرک همان رفقای مشهوره سندن غازی مصطفی، قره قاضی،
اولوج علی [مؤخرأً قتیج علی پاشا نامیله قپودان دریا اولش و مدت مدیده
دولت علیه حسن خدمت ایلیش اولان ذاتدر . | دلی جعفر، قوجه دایی،
حسن کله، محمد رئیس، سحاقدار رئیس وسائر گبی بر طاقم فدائی نامدارلر ایله
برلکده دردولت مداره گلوب، عرض عبودیت ایلیش اولدیغندن عهدۀ
لیاقتنه قارلی ایلی سنجاغی توجیه بیوردلیفی گبی رفقاسنه دخی یتشر سکسائر آچه
علوفه ایله دونتا قپودانقلری ویرلدی؛ فقط صدراعظم رستم پاشا طورغود بکی
برادری قپودان سنان پاشایه رقیب و معارض گبی گوردیکی جهتله سومزدی .
طورغود بک ایسه بودفعه آرتق امرای دولت صرهنه کچمش اولغله رستم پاشا
ارکیج مقام قپودانی برگون بوزاته توجیه اولنه جفنی آگلادیغندن ازاله سی چاره سنی
دوشونمکه باشلادی . طورغور بک دخی رستم پاشانک کندینه نه گبی بر نظرله
باقده اولدیغنی پک اعلا درک و تیقن ایلیش اولدیغندن صوڭ درجده محترزانه
طاوانمده ایدی . برگون (۳) قطعه سفینه دن مرکب بر پچوک فیلو ایله آق
دگزرده طولاشقده ایکن بر وندیك بارچه سنه تصادف ایدر . او عصرک قوانین
مرعیۀ بحریه سی ایجاباتسندن اولدرق سفائن تجاریه دن بری دگزرده بر آمیراله
تصادف ایدنجه تعظیم اولق اوزره یلکنلرینی استغنه ایدرک بر مقدار هدیه تقدیمی
لازم گلیر ایکن مذکور وندیك بارچه سنک قپودانی طورغود بکی بر بویوک آمیرال
مثابه سنده طومیه رق روزگارک قوته و گمیسنک سرعته اعتماد ایله بو رسمک
اجراسنه رعایت الله مش اولدیغندن طورغود بک دخی معینده اولان (۳) گمی
ایله مذکور سفینه یی تعقیب ایدرک روزگارک دوشمسنه مبنی یتشوب . طوبه
طوتار ونهایت ضبطنه ده موفق اولور؛ وکندیسنک بر بویوک آمیرال اولدیغنی
بووجهله مرقوم قپودانه آگلادیر؛ فقط اثنای محاربه ده وندیك گمیسندن آتیلان
مرمیتاک بری طورغود بک رفقای بنامندن بریسنه صابتله شیدایلیش اولدیغندن
کیفیت مذکوره بالاخره سالف الذکر بارچه افرادینک عموماً اعداملرینی موجب
اولشدر . طورغود بک یدضبط و اعتنامه کچردیکی بوگمی قیتلی اشیایی وعاداتا
بر وندیك خزینه سنی حامل اولغله وقعه وندیك جمهوریتنک معلوی اولنجه استا
نبولده کی (بالیوز) [قونسولوس مقامنده بولنان بر مأمور] لرینه اشعار ایدرک
میر مشارالهدن شکایتده بولنشدر؛ و حال بوکه، اوزمان وندیك جمهوریتی ایله
باب عالی صلح اوزره بولندیغندن صدراعظم رستم پاشا تحقیق ماده ضمنده

طورغود بکی درسعادتہ جلب ایچون بر مأمور ارسال ایلشدر . ذاتاً طورغود بک رستم پاشانک کندی حقندہ اولان سؤ نیتنہ واقف بولمقلہ استانبولہ گلہ چکی برده جبرالته بوغازندن خارجه چیقہرق فاس حکومتنہ التجا ایتش و دولت مذکورہنک دونما آمیرالغنه نصب اولنہرق ایکی سنہ قدر بر مدت بوخدمتی ایفایہ نصب نفس ایلشدر .

مبحث مخصوصندہ نقل و حکایہ اولندیفی وجهلہ مؤخرأ سلطان سلیمان قانونی حضرتلری طرابلس غربک قحنی امل بیورملری اوزرینہ بوامراہمک صورت حصولی طورغود بک گبی احوال بحر و حربہ واقف بر مقتدر ذاتک دونتای همایوندہ بولمسنی استلزام ایلش اولمقلہ پادشاہ قدردان حضرتلری میر مشارالہہ کیفیت فرارندن طولانی گوجمش اولدقلری حالہ بیلہ عفو ایلہ معاملہ بیورہرق بر (کلام قدیم) بر قبضہ (آلتون سیف) ارسال ایدوب صورت مخصوصہدہ درسعادتہ جلب ایلہ تلطیف و طرابلسک قحنہ موفقیت حاصل اولور ایسہ والیلکی قید حیات شرطیلہ کنیدیسنہ احسان اولنہجفی دخی وعد ایلمی اوزرینہ طور غودبک ینہ خدمت دولت علیہینی قبول ایدہرک طرابلسک قحنہ دخی موفق اولمش ایسہدہ والیلکی سنان پاشا طرفندن باشقہسنہ ویراش ایدی . بونک اوزرینہ میر مزبور بی حضور اولوب * راکب اولدیفی گمی ایلہ ینہ مغرب طرفنہ طوغری دومن طوغرلیدی . بونی گورن سائر قیودانلر دخی بر موجب فرمان پادشاہی کنیدیسنہ متابعتہ مأمور اولدقلرندن آرقہسنہ دوشہرک سنان پاشایی یالنگز برا قدیلمر ؛ فقط طورغود بک دوراندیش بر ذات اولسی دونتای همایونک عودتنہ باعث اولدیفی گبی امرادن بعضلرینک اصرار و اجباری دخی کنیدیسنکدہ ینہ بو دونما ایلہ برلکدہ عودتنہ سبب اولمشدر . میر مشارالہہ درسعادتہ عودت ایتد کدن صکرہ فرداسی سنہ * یعنی (۹۶۰ هـ) تاریخندہ (۱۲۰) بارہ قادرغہدن مرکب بر دونمایہ قوماندا ایدر اولدیفی حالہ آق دگنرہ چیقارلدی . وینہ (۱۵۵۲ م و ۹۶۱ هـ) سنہسی شہر رجبندہ فرانسه قرالی «ایکنجی ہازی» (Henry II) ناک دولت علیہ نزدندہ بولنان «دارامون» (D'Aramon) نامندہکی سفیری واسطہ سیلہ وقوع بولان استدعاسنہ مبنی (۱۵) بارہ قادرغہدن عبارت بر دونما ایلہ آدریاتیق دگنرینہ مأموراً ارسال قلیوب ، اسپانیا دولتنک غربی ایتالیا ساحلی اوزرندہ — مانفرو دونیا قلعه سندن شمالاً (۳۰) میل مسافہدہ بولنان (پستیچہ) نامندہکی حصارینی محاصرہ ایلہ تسخیری صد دندہ ایکن دولت مشارالہہ طرفندن (۱) بیٹ سواروی و (۳) بیٹ پیادہدن مرکب بر قوہ امدادیہ ورود ایلش ایسہدہ وقوع بولان محاربہدہ بونلری دخی مغلوب و پریشان ایدہرک شہر رمضانک (۷) نجی گونی قلعهنک قحنہ موفق اولمش و دروندہ بولنان افرادک

همان کافه سنی اسپر ایلدیکی گئی خلیجه اموال غنائم ده اله کچیرمش و بونلردن ماعدا درون قلعده موقوف بولئان (۷) بیك نفره قریب اسرای اسلامیه بی دخی تخلیص ایدرهك کمال شان و شرفله درسعاده عودت ایشدر . (۱۵۵۴) سال میلادیسنده دخی ینه فرانسه دولتلك دعوت واقعه سنه مبنی با امر پادشاهی (۳۰۰) بیك آلتون مصارف سفریه مقابلنده (۶۰) قطعه قادرغدن عبارت بر دونغا ايله قورسیقه جزیره سی اوزرینه حرکت ایدرهك جزیره مذکورنك فتوحاتيله مشغول اولان فرانسز آمیرالی « بارون ده لاغارد » معاوانده بولمشدر .

میر ومی الهك فوق المأمول وقوعه گتیردیکی خدمات مقبوله سنه مكافه پادشاه قیت شناس حضرتلری عهده لیاقتنه قیودانلق ايله جزایر بکر بکیلیکی توجیه واحسان ایش ایکن صدراعظم رستم پاشا « طشرده یتشمش اولمق حسیله درگاه معلا خدمتده بولمغی ایسته مز! » دیهرک احسان شاهانه یه مانع اولمش و ضمیرنده مضیر اولان کین وعداوتی بو یوزدن ده اظهار المشدر . صدراعظمك شو وجهله وقوعه گلن القا آتیه مبنی طورغود بك ینه قارلی ایلی سنجاغنده ابقا اولمق ایسته نیش ایسه ده بك زیاده دلگیر بولمغله قبولندن امتناع ایدوب ، ذات شاهانه ادرنه پایتختنه عزیمت ایدر ایکن یولده رکاب همایونی تقبیل ایدرهك شفاهاً طرابلس ایالتنك احسان اولمغنی رجا و سلطان سلیمان دخی مطلوبنی اسعاف بیورمقله سنی سکسانی متجاوز بر پیر وقور اولدینی حالده مالطه محاصره سنده شهید اولنجیه قدر ، یعنی اون بر سنه یه قریب بر مدت ولایت مذکوره والیکلنده استخدام اولمشدر ؛ خلاصه ، خیرالدین پاشادن صکره قیودانلق طور غود پاشانك حق ایکن رستم پاشانك غرضکارلنی بوگما مانع اولمغله کیفیت مذکوره بالاخره دونغای همایونك وقوف و انحطاط مادی و معنویسنه بر سبب مستقل اولمشدر .

پیری رئیسك بحر محیط هندی سفری — سالف الذکر

« سلیمان پاشا » عدنی ضبط ايله ایجنه عسکر اقامه ایتمش ایکن اهالیسی پورتکیزلرله اتحاد ایدرهك قلعه بی آنلره تسلیم ایلدکلرندن او عصرک امرای بحریه سندن بحر احمر فیلوسی آمیرالی مشهور « پیری بك » دونمغای همایون ايله اول طرفه ارسال اولنوب ، قلعه مذکوره پورتکیزلردن حرباً استرداد ایتدیرلمش ایدی . میرمومی الهك بو سفرده وقوعه گلن حسن خدمتی ممنونیت شاهانه یی استعجاب

ایلمش اولمغله معاشنه ترقی احسانیلہ ایکنجی دفعه اوله رق جزیره العرب
 سواحلی طولاشوب ، تنسیق امورینه خدمت وپورتکیز ید ضبطنده
 بولنان مواقعی استخلاصه سعی و غیرت ایلمسی امر اولدیغندن
 میر مومی الیه دخی (۹۵۹ هـ) سنه سنده سویش لیمانندن (۳۰)
 قطعه قالیه وقادرغه وباشتارده وقالیوندن عبارت بردونما وبرفرقه
 عساکر مصریه الیه بالقیام اولاجدهیه وبعده باب المندبدن چیقوب ،
 عدنه اوغرایه رق ارئه سطوت ایلدکدن صکره اورادن دخی پورتکیز
 ید ضبطنده بولنان مسکت قلعه سی اوزرینه توجیه سکان عزیمت
 ایلدی . جزیره العربک اراضی جنوبیه سندن عبارت اولان شجر
 وظفار ساحلیری گچلمکده ایکن هواده زیاده پوص ودومان اولمغله
 دونمای تشکیل ایدن سفائن فیلودن چیقهرق طاغلمشالر ؛ حتی
 بارچه نوعندن برقالیون دخی شجر ساحلیرنده قرهیه اوغرایه رق
 غرق وتلف اولمش ایسهده هوا آچلدقندن صکره ینه برلشهرک یوله
 دوام الیه رأس الحدی گچوب ، عمان ولایتک مقرر اداره سی اولان
 (مسکت) شهری اوکنه مواصلت ایلمشلردر . شهر مذکور فارس
 دکزینک مدخلنه حاکم بر نقطهده وبجر مذکورک طریق موآرده سی
 اوزرنده ، حائز اهمیت بر موقعده اولمغله پورتکیزلر طرفندن ضبط
 واشغال ایدلمش ایدی . بورایه دونمای هایونک مواصلتی محضاً
 قلعه نک فتحی مقصدینه مبنی اولدیغندن پیری بک وقت ضایع
 ایتمکسزین قرهیه اخراج ایلدیکی عسکر وطوپلرله قلعه مذکوریه
 تضییقه باشلادی . پورتکیزلر هر نه قدر مقاومته ثبات ایلدیلر ایسهده
 قلعه عثمانلی آتشلرینک تأثیرات شدید سیله خرابه یوز طوتدیغندن
 هجوم الیه ضبطنه موفقیت حاصل اولدی ؛ وعساکر محافظه سی کاملاً
 اسیر ایدلدی ؛ بعدالفتح دونمای هایون بورادن دخی قیام الیه هر من
 بوغازینه عزیمت واسپانیولر اداره سنده بولنان هر من وبرخت [کشم]

جزیره لرینی تخریب و غارت ایلدکن صکره بصریه توجیه حرکت ایلدی.

دوئمای هایونك بصریه وصولنده بر قوتلی پورتکیز دوئماسنك هرمن بوغازینی قامق و دوئمای هایونك خط رجعتی قطع ایتك فکریله او صولره گلمك اوزره بولندی حوادی انتشار ایلمش اولدیغندن پیری بك سبق ایدن بونجه خدمات مقبوله‌سی سایه‌سنده او زمانه قدر قازانمش اولدیغی شرف اشتهار ایله غیر متناسب بر ثباتسزله تابع اوله رق دوئمای هایونی بصره ده ترك ایدوب ، (۳) قطعه قادرغه دن عبارت برچكوك مفرزه ایله سویشه عودت ایتك اوزره دگزه چیقدی .

میر موی الهك بوحرکنده بز اثر جنت نظریله باقغه مجبورز : چونکه " بر قوماندانك بلا امر معیتنی تركه جسارت آنسی عقله صیغدیریله جق دلیلکوردن دکلر .

اثنای عودتنده هر نه قدر دشمن دوئماسنه تصادف ایتهمش ایسه ده بحرین ساحل لرینی مرور ایدرکن بر قادرغه‌سی قره‌یه گیده رك باقی قالان (۲) قادرغه ایله سویشه مواصلت ایده‌یلدی ؛ فقط بو فرار قضیه‌سی بالآخره باعث نکبتی اولمشدر . کندندن دولت و ملتجه پك چوق ایش بکله نیلیر ارباب اقتداردن بر ذات اولدیغی حالده عار فراری ارتکاب ایتسندن طولانی حقننده فرمان قضا جریان حضرت پادشاهی مهابت ریز صدور اولغله مصرده اعدامیله اجرای احکام ایلدی .

مراد رئیسك هرمن بوغازنده پورتکیز دوئماسیله

محاربه‌سی — پیری بلك دوئمای هایونی بصره ده ترك ایله مصره عودتی اوزرینه دوئمانك ایکنجی آمیرالی بولنان «مراد رئیس» عهد سینه بحر

احمر فیلو قوماندانلغی توجیه اولنه رق مذکور دونمادن (۲) بارچه ،
 (۵) قادرغه ، برقالته ترك ايله باقینسی سویشه گتیرمکه مأمور ایدلدی .
 رئیس مومی ایه دخی بصرمك محافظه سنه ترك اولنان سفائندن
 ماعدا (۱۵) قادرغه و (۲) بارچه دن عبارت بردونما ايله دگزه
 چیقوب ، هرمن بوغازینه قدر برمانعه تصادف ایتکسزین گله بیلدی
 ایسه ده معبر مذکوره حین وصولنده بر جسم پورتکیز دونماسیله
 چارشمغه مجبور اولدی . بو دونما ذاتاً حرب ایچون حاضرلنش
 اولوب ، دونمای هایونك ورودینه منتظر ایدی . محاربه علی الصباح
 ابتدا ایدرك اقشامه قدر شدتله دوام ایتدی ؛ و طرفیندن بك
 چوق ضایعات وتلفاتی موجب اولدی ؛ از جمله ، قوماندان گیمیسی
 سواریسى «سلیمان رئیس» ايله دیگر برگمی سواریسى « رجب رئیس » ك
 شهادتی دونمای هایون ایچون بیوك ضایعاتدن معدود ایدی .
 عسکرندن ده شهدا و مجروحلرك عددی چوقچه اولوب ، گمیلر دخی
 دشمن مرمیاتندن بك زیاده خسار دیده اولغله بو حال عثمانیلرجه
 حربه دوام ایچون امید بر اقمادی ؛ فقط دشمن ده ویردیكى خسار
 نسبتنده ضرر دیده اولمش ایدی . اقشام اولوب ده هوا قارارنجیه
 طرفین محاربین حربی تعطیل ایدرك میدان معرکئی ترك ایلدکلى
 بر زمانده « مراد بك » آتق دونماسنك سلامتی جهتی دوشونمك
 لازم اولدیغنی آکلایه رق ظلمت لیلدن بالاستفاده بصریه عودته
 قرار ویروب ، وقت غائب ایتکسزین رجعتیه باشلادی ؛ فقط بو
 رجعت انناسنده قارانلغك زیاده لىکی سببیه بارچه لردن بری (لار)
 یاقه سنده قره به دوشه رك عساكر موجوده سندن بر قسمی ساحل سلامتیه چیقعه
 بیلدیلر ایسه ده بر طاقملری ده گمی ايله برابر دشمن طرفندن اسیر
 ایلدیلر .

بو محاربه ده دشمنه غلبه میسر اوله مدیسه ده مغلوبیته دخی

دوچار اولندی دینله بیلیر؛ چونکه، دشمنک ده عثمانیلر قدر خسار دیده اولدینی دونمای هایونی تعقیبه جسارت ایدمه مسیله مثبتدر؛ خلاصه، [۰] مراد رئیس دونماسندن برگمی وبرطاقم افراد ضایع ایتمش اولدینی حالدده بصریه موصلته کیفیتی دردولته عرض واعلام ایلدی.

سیدی علی رئیسک هند دگزلرنده پور تکیز دونمالریله محاربائی—

«مراد رئیس» قومانداسنده بولنان دونمای هایونک بالضروره بصریه عودتی کیفیتی حاکی اولان تحریرات رسمیه سلطان سلیمانک حلبه وصولی ائناسنده عرض عقبه علیا قلنمش ایدی. دونمای بجر احمره سوق ایتک خصوصتک امرای بحریه میاننده علم واققدار ایله تفرد وتمیز ایلمش شجیع برذاته احاله سی تذکر اولنه رق اول زمان امرای مومی الیم ایچنده «کاجی» لقبیله معروف «سیدی علی رئیس» اشبواوصاف مطلوبه یی حائز بولمغله عهده سنه بجر احمر وهند فیلوسی قوماندانانی توجیه و احسان اولنه رق سریعاً اول طرفه اعزام ایلدی. رئیس مشار ایله بصریه وصولیله برابر موجود اولان گمیلری دوناتوب، (۱۵۵۳ م، ۹۶۱ هـ) سنه سی شعبانک غره سنده (۱۵) پاره سفن حربیه ایله بصره دن قیام و حرکت واحصا [یاخود لحسا] ساحلی اوزرنده کائن قطیف شهرینه واورادنده بحرینه موصلته برقاچگون اقامت ایتدکدن وصو وسائر لوازمی اکمال ایلدکدن صکره طوغر بحجه هرمن بوغازینه عازم و معبر مذکوری دخی مرور ایله عمان ساحلنده کائن خورفکان شهری جوارینه تقرب ایلدیکی صرهلرده آنسزین

[۰] بو ذات عن اصل فاس اهالیسندن وسلطان سلیمان قانونی عصرینک مشاهر امرای بحریه سندن اولوب، خیرات وفتوحاتی چسوق بر مردکا رآزمادر. (۱۰۱۲ هـ و ۱۶۰۳ م) تاریخنده رادوس جزیره سنده وفات ایلش اولمغله قلعه نک خارجه؛ و فقط یقینه دن اولمشدر. تربه سی الاتن زیارتگاه خواص وعوامدر. برمدت قطیف سنجائی متصرفلیغله دخی استخدام اولنش ایدی.

برجسیم پورتیکیز دونماسنه تصادف ایدهرک بر محاربہ خونریزانه
اجراسنه مجبور اولدی . بو محاربہ دونمای هایونک بصره دن قیامنک
(۴۰) نجی ورمضان شریفک (۱۰) نجی گونی وقوع بولوب ،
قوشلق وقتی ابتدا ایتمش و گيجه یه قدر دوام ایلمشدر . دشمن
دونماسی (۴) قطعه قاراقایه معادل جسیم بارچه و (۳) بیوک قالیون
و (۶) پاره قاراولا و (۱۲) قطعه قالیته دن عبارت اولوب ، جمعاً
یکون (۲۵) پاره سفن حربیه اوله رق دونمای هایونک تیمورلی
بولندیخی محل اوزرینه لیلاً ایتمش و علی الصباح غایت یقین بر
مسافده مشاهده قلنمش ایدی . عثمانلی آمرالی دشمنک بویله
آنسزین یقین بر مسافیه قدر گلمش اولدیغنی گورنجه وقت غائب
ایتمکسزین دونما سواریلرینه لازم گلن وصایای تبلیغ ایله کورک
اوزرینه قالفلمق امرینی اعطا ایلدی . سفن هایون دخی تیمورلرینی
قالدیروب ، (صاره تنه) ایتدکدن وسنجاقلری گوندرلره ، فلاندرلری
دخی ستونلره کشیده ایلدکدن صکره عساکر وضابطان حرب ایچون
مأمور اولدقلری موقعلره شتاب ایدوب ، حاضر بولندقلری حالده
بورده نظامندن عبارت برخط حرب تشکیل ایله دشمن علمینه هجومه
باشلادی . بو ایکی دونما یکدیگرینه قارشى ایلریلیهرک طوپ و تفنک
محاربهنه باشلایوب ، صوگ درجه شدتلی آتسه دوام و یکدیگرینی
تخریبه اقدام تام گوستردیلر ایسه ده نسیم فوز و ظفر طرف عثمانیانه
جلوه گر اولمغله انداخت اولنان مرمیاتک تاثیرات مخربه سندن دشمنک
بر قالیونی فنا حالده زده لنوب ، جوارده بولنان (فک الاسد)
جزیره سی اوزرینه آرقوریلایه رق پاره لندیکی گی آرتق ایکی طرف
سفائن حربیه می دخی بربرینه قاریشمش بولندقلرندن دشمنک (۲)
قالیون و (۲) قالیته سی ده رامپا ایله ضبط اوله رق کسر قوتنه
موفقیّت حاصل اولدی . بو ائشاده آقشام قارانلیغی ده اورته لگی استیلا

ایلمش اولمغله عثمانلی آمرالک ایقاد ایلدیکی فسار و دشمن آمرالک تعطیل حربه علامت اولمق اوزره انداخت ایلدیکی بوش طوپ ایکی طرفی دخی یکدیگری ترک ایله گیری چکلمکه دعوت ایلمش اولد . یغندن نصرت و غلبه طرف عثمانیانه قالمش اولدیغی حالده بوددهشتلی مصادمه به بر نهایت ویرلدی .

دشمن دونماسی قارالقدن بالاستفاده تیره موله ایدهرک هرمن جانبنه طوغری توجه ایدوب ، سمت فراری طوتدیردی . دونمای هایون دخی هبویه باشالایان شدتلی بر شمال روزگاری ایله یولنه دوام ایدهرک فردامی گونی خورفیکان شهری پیشگاهنه موصلت ایدوب ، بورادن صو و سائر مالزمه تدارک و اخذ ایلدکن صکره ینه یولنه دوام ایله (۱۶) گون مرورنده (مسکت) قلعه سی قربنه واصل اولدی ؛ فقط بوصرده ینه بر جسم پورتکیز دونماسنه تصادفله بالجبوریه قانلی بر محاربه ده ا اجرا ایلدی . بو دونما (۱۲) جسم بارچه ایله (۲۲) قالیته دن عبارت اولوب ، موافق بر روزگار ایله علی الصباح مسکت لیماندن چیقهرق یلکن اوزرنده اولدیغی حالده دونمای هایونه قارشی آن بآن تقربه دوام ایلمکده ایدی . عثمانلی دونماسی ساحل طرفنده بولوب ، بر صره خط حرب تشکیل ایتمش اولدیغی حالده مرکز به بالذات سیدی علی قپودان ، صاغ جناحه مراد رئیس ، صول جناحه دخی گوکللی سرداری درزی مصطفی بك قوماندا ایتکده ایدی .

محاربه نك يوم وقوعی رمضانك (۲۶) نجی گونی اولوب ، علی الصباح بدأ ایتمش و تا آقشام صولر قارارنجیه قدر دوام ایلمشدر : شویله که ، دونمای هایون لازم گلن نظام حربی اخذ ایتدکن صکره دشمن طرفندن وقوع بوله جق ایلک حرکته منتظراً تعطیل اشغال ایلدی ، دشمن دونماسنك گولله منزلی مسافه سنه دخولیه برابر طرفین

غایت شدتلی وسور وکللی طوب و تفنك آتشرینه باشلا یوب ، ساعتلرجه بواسلوب اوزره دوام ایتدکن صکره آرتق ایکی طرف عساکری ده صوڭ درجه ده حدت و شدته گله رک بر طرفدن طبل و سورنا و نفیر صدالری و دیگر طرفدن الله الله آوازله غایت مدھش بر هجومه مسارعت اولوب ، ایکی خط حربك قاوشمسیله برابر طرفین سفائی بر برینه رامپا اولنهرق غانجه لندقدن صکره محارب لر تفنك و تیر و شمشیر و صیان گبی آلات ناریه و قاطعه و جارحه استعمالیله سیل لر قدر قانلر آقتمغه و خصوصیله صیان و قول قوتیله باشلرینه قیالر یاغدرمغه دوام ایدوب ، یکدیگرلرینه اول قدر زیان ایراث ایلدیلر ؛ و هرا یکی طرفك گمیلری ده اول قدر خراب و رخنه دار اولدی که ، دڭزك یوزی انسان گو ووده لری و آغاچ پارچه لرندن گوریه مز بر حاله گلدی . حربك بویله کسب دهشت ایلدیکی بر زمانده پور تکیزلرک استعمال ایتدکری خبره لرله بر عثمانلی قادر غه سی طو تشدیرلدی ایسه ده قیودانی آتشك اطفاسی ممکنسر اولدیغنی آڭلانیجه در عقب بر دشمن قالیوننه چاته رق گوزلجه غانجه لیوب ، کندی قادر غه سیله برابر او جسم قالیونی ده احراق و بو وجهله عثمانلیق شانی اعلایه موفق اولدی . بری طرفده کورک چکیله مز ویلکن قوللانیله ماز بر درجه ده رامپا حالیه یکدیگرینه محکم بر صورتده غانجه لته رق آهنگ جنک وجداله رواج ویرمش اولان دیگر (۱۰) قطعه سفائن دخی روزگارک و صولرک سوق و تحریکله آرقوریه رق قرهیه دوشوب ، جمله سی پاره لندکری حالده بیله درونلرنده بولان جنسکاورلر حربی تعطیل ایتوب ، صو ایچنده ده یکدیگرینک بوغازینه صاریلیرجه سنه دوکوشه دوکوشه پک چوقلری غرق اولوب ، گیتدیلر . بو گمیلرک بشی عثمانلی قادر غه سی اولوب ، دیگر بشی دخی غایت جسم پور تکیز بارچه لری ایدی . بودهشتلی حالی گورن ایکی دونما قرهیه دوشمک مخاطره سندن قورتلحق ایچون بالمجبوریه بر برندن

آریله‌رق ینه سابقی مثللی آچیقدن محاربه‌یه دوام ایلدکلری صرهدده برپورتیکیز بارچه‌سی ده‌ا شدتلی هبوب ایدن روزگاری قوللانهمیوب، دیگرلری گبی اوده قره‌یه دوشه‌رک پارچه‌لندی. بویکی دونمادن بر طرفدن حربه دوام اولندینی حالده دیگر طرفدن فلکه و صندال‌لر صویه ایندی ریله‌رک مغروق گمیلرک امرا و ضابطانی و افراد عسکریه‌سی تخلص ایدلمکه تشبث اولندی؛ خلاصه، ایش بر درجه‌یه گلدی‌که، ایکی دونما افرادنده طوپ صالحه ایده‌جک، کورک چکه‌جک، یلکن قوللانهمحق اقتدار قالدی. آرتق بالمجبوریه تیمورلر فونده ایدیلوب، قیچدن پرمچه طوتیله‌رق تیموراوزرنده دخی حربه دوام اولندی. قره‌یه گوندریلن صندال‌لر مغروق قادرغه‌لرک سواریلرندن «علمشاه رئیس»، «قره‌مصطفی»، «قلفات می» قبودان و گوگلی سرداری درزی «مصطفی‌بک» ایله سائر مصر عساکرندن و گمیجی طاق‌لرندن (۲۰۰) قدر افراد قورتاره بیلدیلر. کورکچیلر بصرهدده تدارک ایدلمش اولاد عربدن اولدقلرندن آنلر ساحله چیه‌رق بر ده‌ا گمیلره عودت ایتدیلر؛ فقط بواثناده عثمان اهلای اصلیه‌سندن برخیلی عرب دلاورلری ساحله دوکوله‌رک امکان نسبتتده دونمای هایونه یازدمده بولندیلر. بومنوال اوزره محاربه یاتمی وقتنه قدر امتداد ایلدی. نهایت پورتیکیزلر قارانلقدن بالاستفاده میدان معرکه‌بی عثمانیلره ترک ایده‌رک کال مأیوسیت ورزالتله هند سواحله طوغری دومن طوغرلندیلر؛ عثمانیلر ایسه نائل اولدقلری نصرت و غلبه شان و شرفیه مفتخرآ موقع حربی محافظه‌ده ثبات ایلدیلر.

فی‌الحقیقه، بو دهشتلی محاربه‌ده عثمانلی دونماسی (۶) قادرغه ایله —قره‌یه چیقان کورکچیلر داخل حساب ایدلمدیکی حالده — (۱۵۰۰) نفره قریب ضایعانه اوغرادلدی ایسه‌ده بو مقداره قارشی دشمن دونماسندن دخی (۷) جسیم بارچه ایله بش التی بیگی متجاوز تلفات

وقوعه گلمش اولدیغندن دشمنك ضایعاتی قات قات عثمانیلرک ضایعاتی گچمش اولدیغی گبی برچوک عثمانلی دونمسانه قارشى او قوجه پورتکیز دونمسانك مغلوبیتی ایسه ناموس عسکری بی اخلاله باعث اولان الك بیوک رزالتردن ده بیوک بولنمشدر؛ حاصل کلام، بو محاربه خیرالدين پاشانك آمیرال دوریا ایله وقوع بولان پره وزه محاربه سنه بیله فائق عداولمغه سزادر؛ چونکه، حادثه مذکورنك وقوعی زمانه قدر هیچ بر عثمانلی دونماسی دشمن دونمسانه نسبتاً عددجه بو قدر آز اولدیغی حالده حدود عثمانیه خارجنده وغایت بعید بر مسافه ده اون ایکی ساعتی متجاوز بر مدت کمال بسالت وفداکاری ایله دوام ایدن ونتیجه سی مظفریت بخش اولان برحرب اجرا ایلمه مش ایدی. ایشته مرحوم سیدی علی قیودانك امرای بحریه عثمانیه سلسله نامه سننده کندیمی ایچون غایت شرفلی بر موقع قازانمش اولسنك فضائل سائر سندن صرف نظر بو موفقیت عظیمه سی سایه سننده اولدیغنه شبهه یوقدر.

سیدی علی رئیسك بقیه احوالی -- فی الحقیقه، بو پارلاق غلبه دن ظاهرأ بر بیوک ثمره اقتطاف اولنه مامشدر؛ زیرا، پورتکیزلرک دارالحربی ترك ایتملرینی متعاقب دهشتلی بر جنوب غربی روزگاری هبوب ایده رك عثمانیلرک حالی دیگر گون ایلدی. هر نه قدر بیوک گمیلر چیفته تیمور بر اقدیلر ایسه ده قادر غلر تیمورلرینی سورومکه باشلادقلرندن دونمای هایون بالجبوریه ساحلی ترك ایله روزگارک اوکنه دوشوب، هند طرفنه طوغری بر میدان واسع دیمک اولان بحر عمانی گچمکه وجبال مرتفعه آسا سلاسل عظیمه تشکیل ایدن امواج بی نه یاه اوزرنده یپراق گبی سگمکه باشلادیلر. الی آلتش گوندن بری هنوز عجمیسی بولندقلری دگزلر اوزرنده بلا آرام سیر

وسفرله مشغول اولان وینه بومدت ظرفنده ایکی جسمیم دونما ایله
ایکی دفعه دهشتلی محاربه ایدن ونهایت فلاکتک اڭ بیوکی دیمک اولان
مدھش بر فورظنه اوکننده غایت زبونانه برتسلیمیت گوسترمکه مجبور
بولنان بیچاره عثمانلیلرک نه درجه لرده یأس ونومیدی ایچنده قالمش
اوله جقلری جای ملاحظه در . موجودی (۹) قطعه یه تنزل ایدن
دونمای هایون بوفورظنه ایله کرمان [فارسستان] ساحل لرندن
(برجاش) کنارینه دوشوب ، بورالرده بارینه حق مناسب بر لیان
بولندیگی گبی هوا دخی کسب خفت وسکونت ایلمش اولمغله ینه
جنوبه طوغری تبدیل طریق ایله بلوجستانک (مکران) ساحلنه
قدر گیده رک (بندر شہار) داخل اولوب ، ایچیله جک صویه احتیاج
شدید اولدیغندن لزومی قدر اخذ ایدلکدن صکره بورادن برده
قلاغوز آلتھرق آنک دالتیلہ (بندر کوادر) مواصلت اولندی .
گمیلرده مأکولات ومشروباته دائر موجود هیچ بر شی قالمامش
ایدی . بورانک حاکمی ملک « جلال الدین ابن دینار » دونمای هایونه
گلوب ، سیدی علی رئیس ایله گوریشهرک دولت علیه اولان مربو-
طیب دینیه وسیاسیه سنی تقویه وخاکبای شاهانه یه اخلاصنک عرض
اولمنسی بالیان دونماجه احتیاج گوستریلن ارزاقک اعطاسنه صرف
همت ایدهرک فوق العاده موجب تشکر بر معاونت انسانیتکارانده
بولندی . حاکم مشارالیه ذاتاً دونمای هایون هر مزه گلدکجه اللی
آلتش پاره گبی ایله ذخیره ارسال ایدهرک معاونت ایفاسندن گیری
قالمازدی . اکمال لوازم ایدلکدن وارائه طریق ایچون قلاغوزلر
آلندقدن صکره بورادن دخی بالقیام جزیره العربک جنوب ساحلنه
متوجهاً جنوب غربی یه طوغری اخذ طریق ایله سیر وسفره ابتدار
ایدلی . دونمای هایون موافق روزگار ایله بر قاج گون سیر ایتدکدن
وبر خیلی مسافه قطع ایدلکدن صکره لدوس طرفندن غایت دهشتلی

بر بورہ ظهور ایتمکله ینہ عودتہ مجبور اولدی . بوفورطنہ انگلیز - لرك (Monsoon) تعیر ایتدکری هند دگزلرینه مخصوص موسم فورطنه لرندن (طوفان فیل) نامیه معروف شدتلی بر قاصرغه بوره سی اولوب ، دونیا افراد وامراسنی حقیقه پک بیوک بر دهشته القا ایلدی ؛ خلاصه ، گمیلر — بر رفلوق یلکنی کشادینه بیه امکان مساعد اولمامغله — قوری تکنه روزگارک ودگزلرك اوکنه دوشهرك سائقه قدره تبعیتله آلا بیلدکرینه گیری به [هند ساحلرینه] طوغری کمال سرعتله قطع طریقه باشلادیلر . دوتهای استیعاب ایله برلکده سیر ایلمکده اولان کشف بلوطلرك بحر ایله سمایی برلشدر - ملرندن او قوجه دریای عمانی عادتاً بر قویو قارالنق استیلا یلمش ایدی . روزگارک سرعت وشدتله وزان اولمسندن آرمه و دیرکلرك چیقارمغه باشلادقلری غریب و مهیب صدالره انسانلرك آوازه استمدادلی آرتق ایشیدیه من اولدی . گمیلر دائمی بر قارالنق ایچریسنده و صدمات امواج ایله متمادی آدوکولمکده اولدقلری حالده مجهول بر طریق اوزرنده ایلر یلمکده دوام ایله غایت زبون اوله رق طاعلمق ومع هذا ، بر طرفدن چاریان دگزلر و دیگر طرفدن بلافاصله یاغان یاغورلردن ایچری به گیرن صولرله غرق اولمق تهسکه سنه دوچار اولشلر ایدی . آرتق وجودی الزم و غیر لازم نه قدر احمال واثقال وار ایسه همان کافه سی تأمین سلامت ایچون دگزه القا اولندی ؛ فقط بونگله ده قریب الظهور اولان مخاطره کلیاً ازاله اولنه مدی . بو حال اوزره دوتهای هایون بر خیلی مسافه دها قطع ایلدکن صکره بحر محیط هندیکن گجرات ایله سند ساحلری آره سنده کی بر قسمنی تشکیل ایدن قاج (Cutch) کورفزی مدخلنک جنوب ساحلی اوزرنده کی جاغات (Juggut) برونه تقرب ایله قورقولان مخاطره به دوچار اولمق اوزره بولندی ؛ چونکه ، هند دگزنده سالف الذکر لدوس (مونسون) لری هبوب

ایتدکلی ائالرده بحر مذکورک صولری غایت شدت و سرعتله بورایه طوغری آقهرق دهشتلی بر مد آقتیمی حصوله گتیریرلرکه، مذکور آقتیه طوتیلان سفائنک بو وسعتلی و امتداللی کورفزک نهایتنه طوغری کمال سرعتله گیده رک نهایت دوکوتی وقوملقدن عبارت بولنان یبانی ساحللی اوزرینه دوشوب، غرق وتلف اولملری مقرردر. ایشته دوتاده بولنان معلملر [بحر احمر وهند قلاغوزلری عثمانلی بحریونی طرفندن بو نام ایله توسیم اولتورلردی] صولرک رنکلیرینک گیتدکجه بیاضه میل ایتمسندن و طالغهرک نسبتسز بر درجه ده ارتفاع کسب ایلمسندن مذکور کورفزک مدخلنه تقرب ایدلمش اولدیغنی آکلایه رق پک زیاده تلاش وامیدسزک اماره لری گوترمهک باشلادیلر. کیفیت دونما امراسنک معلومی اولنجه اولانجه غیرتلیخی صرف ایده رک فلوق ولاتین یلکنلریخی یاپوب تیره موله ایله گمیلری روزگار ه قارشلی چویردیلر؛ و ممکن اولدیغنی قدر روزگار ه یقین اورصه سیری ایله گجرات ساحلرینه طوغری یول آلمغه باشلادیلر. گمیلر یلکن یابدقلی صرعه ده (۵) قولاج صویه قدر اینمشل ایدی که، اگر اسقندیل عملیاتنه دوام اولنمیوب ده بر آز ده ایلرییه گیتمش اولسه ایدیله محاببت اولنان تهلهکنک وقوعی قطعاً ملحوظ ایدی. بو ائانده طالعکده یاردمی اولمشدر؛ چونکه، روزگار شماله طوغری دیرسه ایتدیکی گبی جذر زمانی ده تقرب ایده رک صولر چکلمهک باشلادیغندن سالف الذکر تهلهکنلی کورفزک آغزندن گمیلری دگزه طوغری آچمغه یاردم ایلدی. گمیلر اورصه حالیه بر گون بر گیجه سیر ایتدکدن صکره هوا دخی اولدجه سکونت کسب ایتمهک باشلادیغندن روزگارک مساعده سندن بالاستفاده تر نکت یلکنلری ده یاپیله رق گجرات ساحللی امتدادنجه ینه جنوبه طوغری سیره دوام اولندی؛ فقط پورتکیزلرک هند

ساحل لرنده کی مواقع مهمهٔ عسکریه لرندن معدود بولان دیو (Diu) قلعه سی اوگنه تقرب اولندیغدن بورای لیللاً مرور ایتک ایچون یلکنلر ماینه وصاره ایدیلهرک گمیلر صو وروزگارک سوق طبعیسنه ترک ایدلدی . گمیلر بو حال ایله اکلندیرلمکده ایکن غروبه طوغری فورطنه ینه تجدد ایتمکه آرتق قونطره یکسز دومنلر ضبط و اداره اولنه ماز بر درجه یه گلدی ؛ و دگزک بو دفعه کی شدتی اولکیلری ده اونوتیردی . افراد عسکریه نک مؤخرأ تدارک اولنان آیلقچی طاقلرینی دگز طوته رق جنازه گی آنبارلرده استیف اولدیلر . دگز لر باشدن اول قدر چوللامقده ایدی که ، پرووه ستونلرندن ایلری یه گچلمک ممکن اوله میوردی . امواجک بلافاصله وقوع بولان تصادم شدیدلریله گمیلرک قلفاتلری آچیلهرق سنینه لرده تراکم ایدن صولر قورقوله جق درجه یی بولور ایدی . هرکس حیانتندن امیدنی کسمش و اولومی قارشیلایمق اوزره حاضرلغه باشلامش ایدی . بو حال نومیدی ایله دیوودامان (Damaun) آره سنده کائن قابیه ی (Cambay) کورفزی آغزینیه مواصلت اولندی . معلملرک ایلریده دوکونیلر بولندیغنی اخبار ایلملری اوزرینه دها ایلری یه گیتمکه جسارت ایدیلهمیه رک بولندقلری محله تیمورلدیلر ؛ فقط بویله آچیق بر یرده شدتلی بر فورطنه ایله باریتمق ممکن اوله میه جغندن گمیلرک بعضلری تیمور سورویه رک و بعضلرینک غومنه لری کسپلهرک دگز لره آرقوری بروضعیت آللری و آلت اوست اولورجه سنه بر صالنتی ایله ایلریلملری قورقیلان تهله که یه یاقلاشلدیغنی ارئه ایتمکده ایدی . بوانتاده گمیلرک قلفاتلری بوسبتون آچیلهرق پک زیاده صو ایتمکده و عسکر کاملاً صویونوب ، احضار ایتدکلری واریل وطلوملر برابرلرنده اولدیغنی حالده وقوعی مأمول قوی بولان فلاکتی کمال مأیوسیتله بکله مکده ایدیلر ؛ لکن قورقولان تهله که یه دوچار اولنمقسزین گمیلر سالف الذکر

دو کونٹیلرک یانندن گچدیلمر. آرتق بوقضایی ده آتالاندقدن صکره ایکندی اوزری هوا بر آز آچیلدیغدن ایلری یه حرکتله (دامان) بندری اوکته مواصات اولنوب، ساحلدن (۲) میل آچیق تیمورلر بر اقلدی. نه چاره که، غروب له برابر هوا یینه تازه لنه رک یاغمور له قاریشق بر فورطنه بش گون دها دوام ایتمکه بو مدت ظرفنده ده (۳) گمی بردن تیمور طرایوب، قره یه دوشدیلمر؛ فقط افراد عسکریه لری سلامتله ساحله چیقہ بیلدیلمر. فورطنه گچوب، هوا بر مقدار سکونت کسب ایتدکدن صکره قضازده اولان گمیلرک طوپ و آلات سائر سنی اخراج ایله گجرات شاهی «سلطان احمد» ک امراسندن دامان حاکمی «ملک اسد» ک مساعده سیله دامان قلعه سنه امانه بر اقلدیلمر. ملک اسد پورتکیز دوتمانسک او صولره گلیمک اوزره بولندیغنی اخبار ایله سورات (Sورات) قلعه سی اوکته عزیمت ایدمک لزومی اخطار ایلمش اولغله بو خبر مدهش دوتما افرادینک معلومی اولنجه اکثریسی گمیلری ترک ایله صندالره طولوب، قره یه دوکلدیلمر. بونلرک بر قسمی ملک اسدک خدمت عسکریه سنی قبول ایله اوراده قالدقلمری گبی بر طاقلمری ده قره دن سوراته عزیمت ایلدیلمر. باقی قالان افراد ایله سیدی علی قبودان دخی اورادن تیمورلری قالدیروب، قامبه ی کورفزی ساحلنده و دامان بندرینک شمال شرقیسنده کائن اولان سورات قلعه سی لیمانه بیسک درلو محن و مشاق ایله واصل اوله بیلدی. دوتمانک بورایه وصولی بصره دن حرکتک آوچنجی آبی ختامنده ایدی؛ فقط گمیلرک ایدیان محاربیلر وچکیان فورطنه لر سبیلله آرتق دگزرده سیروسفر اجرا ایده بیله جک حاللری قالمیوب، آلات وادواتلری کهنه لشمش و افرادک تعینات و معاشاتی اعطا ایده بیله جک ارزاق و نقود دخی توکنمش اولدیغی

گبی قسم کلیسیا ده ترك خدمتله طاعلمش بولندقلرندن سیدی علی قپودان چار وناچار مصره عودتدن صرف نظرله بو (۶) قطعہ سفائی اسلحه و آلات موجوده لریله سورات قلعه سی حاکی «خداوند» خانه بیع ایدهرک بهالرینی درسعاده ارسال ابدہ جکنه دائر تحریر اولنان مقاوله نامہ لری دخی اخذ ایلدکن صکره خدمتدن آیرلق ایستہ مین (۵۰) قدر توابعی ایله (۹۶۲ هـ) سنہ سی محرمنک غره سندہ قرہدن یوله چیقوب، هند و سند و خراسانی طولاشرق عجمستانه واورادن دخی ینہ سیاحت بریہ سنہ دوام ایله (۹۶۴ هـ) سنہ سی رجبی اوائلندہ، یعنی استانبولدن خروجنک دردنجی سنہ سی ختامندہ ینہ استانبوله واصل اولدی. اوئانده ذات شاهانه ادرنہ ده بولنغله ادرنہ یه گیدوب، عقبہ پادشاهی یه جبین سای عبودیت اوله رق نائل التفات بی غایه اولمش وگرك کندیسنک، گرکسه معیتی افراد عسکریه سنک معاشلرینه ضمائم وقعه یله قدرلری ترفیع و مسروریتلری برقات دها تزئید ایدلمشدر. مشارالیه بو درت سنه لک سرگذشتی حاکی برساله قلمه آله رق (مرآت الممالک) نامیله توسیم ایلدی. عثمانیلر میاننده «باشمبیدی علی مالدری کلمی!» مثل مشهورینک زبانزد اولمی قپودان مشار الیه ک بوسرگذشتی خاطره سیدر.

بحر محیط هندی یه سوق اولنان دونمالردن حاصل اولان نتائج —

سیدی علی قپودانک پورتنکیز دونمالرینه غلبه سندن ظاهراً بیوک بر ثمره اقتطاف اولنه میشنک سببی بالاده برتقصیل بیان اولندینی وجه اوزره تصادف ایلدیکی مدهش فورطنه لرك تأثیرات مخربه سیله دونماسنک گرفتار اولدینی فلاکت اولوب، یوقسه بوله بر ورطه ناگهانی یه دوچار اولسه ایدی نائل اولدینی مظفریانک نشوؤ غالبانه سیله اول طرفلرده بولنان پورتنکیز مستملکاتنک اکثریسی تخریب و قدرت حاکمانه لرینی برقات دها تنزیه همت ایلجه کی آشکار ایدی. نه چاره که، زمان بوکا مساعد اولمامش، یعنی دولت علیه نک هند دگزلرنده

دائی بر قوهٔ بحریه سی قلمامش ایسه ده سبق ایدن محاربات متعدده ایله پورتکیز دونمارینه دخی ضعف طاری اولوب، نفوذ حکومتلری ید ضبطلرنده بولندیر. دقلری ممالک اهایلمی بیننده بیله اولکی قدر جاری و نافذ اوله مدیفی گبی بو فرصتدن بالاستفاده اسپانیا دولتی ده اول طرفلرده دوتنا گز دیرمکه باشلایه رق اوزرلرینه هجوم وغلبه ایله بوسبتون قوتلرینی کسره موفق اولمش و پورتکیزلرک ده زمان سطوت بحریه لری نهایت بولمشدر. بو حالک نتیجه سی اوله رق پورتکیزلر گرک بحر اجر و گرک فارس دکنزی ساحلرینه دست تجساوزلرینی اطاله دن صرف نظر ایشلر ایسه ده دولت علیه نک هندستانجه ایده جکی استفاده دخی محدود بر درجه ده قالمشدر؛ چونکه * هر نه قدر سلطان سلیمان ابتدای جلوسندن اعتباراً جزیره العرب و هند جهتلرینه لزومی نسبتنده اهمیت و یردرک بالاده بر تفصیل بیان اولندیقی وجهه اوزره (۹۳۲ هـ) تاریخنده «سلیمان رئیس» واسطه. سیله بحر اجره (۹۴۶ هـ) ده «خادم سلیمان پاشا» قومانداسیله هندستان ساحلرینه قدر دونمارل سوق ایش * (۹۵۰ هـ) ده «یوسف ترکی» و «حسین ترکی» بکلر اداره سنده بولنان (۲) حرب گمسیله کجرات حاکمه مهمات و ججهانه و عسکر ارسال ایده رک معاونتده بولنش * (۹۵۹ هـ) ده «پیری رئیس» قومانداسیله یرنجی دفعه سنده عدنه و ایکنجی دفعه سنده بصریه قدر گیتمک اوزره ایکی دفعه دوتنا گوندرمش (۹۶۰ هـ) ده «مراد رئیس» فارس دکنرنده بر حرکت بحریه اجرا ایش (۹۶۱ هـ) ده «سیدی علی قیودان» بحر محیط هندی بی جولان ایله عثمانلیق شاننه لایق بر صورتده پورتکیز دونمارلیله چارپشمش و بوباشلیجه سفرلردن باشقه گرک بحر اجرده و گرک فارس دکنرنده دائماً مفرز فیلولر بولندیریه رق سواحلیک امنیتی استحصال قلمش ایسه ده سلطان سلیمانک اواخر حکومتنده و خصوصیه ارتحالندن صکره آرتیق بو طرفلره هیچده اهمیت و یرله مش اولقدن ناشی دولت علیه نک گرک سیاست و ملکاً و گرک تجارت یوزندن ایده جکی بر استفاده فوق العاده دخی ید اجانبه کچمشدر:—

شویله که * پورتکیزلرک کشفنه موفق اولدقلری هند طریق — یعنی آفریقه قطعه. سنک نهایت جنوبیه سنده بولنان امید برونه قدر سواحل عربیه سنی طولاشه رق اول وجهله هندستانه واصل اولق ایچون قطعی لازم گلن طریق — غایت اوزاق و مخاطره لی اولدیفی حالده کمال ثبات و متاتله هر گونا فلاکته قارشی طوره رق طریق مذکور دن هندستانه گیدوب گلمک خصوصنده اولا پورتکیزلر و ایکنجی مرتبه ده فلنک و دایمارقه لیلر و فرانسزلر و نهایت انگلیزلر موقیت گوسترمشدر: حال بوکه * هند ایله تجارت و بالآ خره اورالرده مستملکات پیداسنه باشلامش اولان سالف الذکر اوروپا ملتلی خرسیان مذهبنده اولدقلری و دول هنده نک

هیچ بریسی بو دینده بولندقلری میدانده ایکن ینه بونلر اصلا قطع امید ایتیه رک این و کوتو وسائط ممکنه نك كافه سنه مراجعتله مقصدلرینك استحصالی اوغورنده صونو درجه ده چالشمقدن گیری طور مامشر و خصوصیه انگلیزلر هر ملتدن صکره و بر تجارت قومپانیه سی صورتنده ایشه باشلا دقلری حالده بالا خره دول سائر خروستیانیه بی ده اورالردن بر برر قطع یده مجبور ایدرک قوجه هندستان قطعه سنی بتون بتون دینله ینله جک بر درجه ده قبضه تصرفلرینه ادخال ایله قسم اعظمی مسلم اولوق اوزره (۱۰۰) میلیون متجاوز نفوس ایله گرک زراعت و گرک تجارت و صناعت خصوصلرنده دنیانك اڭ زنگین بر قطعه سنی باد هوا تملک ایشلر در !

بر نظر انصاف ایله باقیله جق اولور ایسه عجب اشرف دول اسلامیه اولان و خلافت جلیله حسبله بالمله ملل محمدیه نك مراجعتگاه بی عدیلی بولنان دولت معظمه عثمانیه * النده بحر اجر و فارس دگزی گبی هندك اڭ کسدرمه یوللری ده بولندیغی حالده بو قطعه ایله ابتدا ایدن مناسباتنك آرقه سنی کسمیوب * بر طرفدن بو ایکی دگزه قوتلی دوغمالر بولند بر درق شوکت بحریه سنی گوسترمک ؛ و دیگر طرفدن داغما متبصر و رابطله ایلیچیلرله معاملات و مخبرات متوالیه مه مسارعت اینك گبی تدابیر عسکریه و سیاسیه اجرا ایتسه و بو واسطه لرله اول خطه جسمیه ده اولان دول اسلامیه نك حایه و محافظه لرینه مهما ممکن سنی و همت ایتش بولنسه ، یعنی بو قطعه اوزرنده اجرای حکم و نفوذ ایچون چالشمش اولان دول خروستیانیه نك اوند بری نسبتنده بر غیرت گوسترمش اولسه ایدی قطعه مذکور نك ازمئه قدیمه دن بری مقبول عامه اولان امتعه ارضیه و صناعیه سنك آلیش و یریشی عثمانلی تجاری النه کچه جکی گبی اکثری ممالکی ده طوغریدن طوغری اداره عثمانیه آلتنه آلتش و دول مشارالهم مضمحل و پریشان ایدلس اولمازی ایدی ؟ شبه یوق که هر وجهله موفقیت حاصل اولور و عصر حاضرده دولت علیه گرک سیاست و گرک ثروت جهتلرله دنیانك اڭ برنجی دولتی بولنوردی . حیفا که ، دولت عثمانیه تا دور قانونیدن عصر حاضره کلنجیه دکن بر قاچ ذاتلر مستثنا طوتلندیغی حالده — که * بولرنده تقدیم الایم علی المهم قاعده سنه توفیق حرکت ایشلر در — خط رجاله اوغرامش اولغله حقائق مذکور نك هیچ بریسی نظرینه اصابت ایتدش و ابتدادن صرف اولنان او قدر امکله دوکولن قانلر و تلف ایدیلن جانلر و قوجه دوغمالرله بولنرک میدانگیتیرلسی ایچون خرج ایدیلن پارلر نك بیهودیه گیتمشدر .

دوئمانى ھايونك ايكنجى دفعه اوله رق فرانسه امدادينه

ارسالى — سنان پاشانك (۹۶۱ ھ) تاريخنده ارتخالى اوزرينه مقام قپودانى قپوجى باشلقله حرم ھايوندن مخرج مشهور پياله بكه [°] توجيه اولندي. بو ذات هر نه قدر دگرده گزمش وقورصانلق ايتمش طاقدن دكل ايديسه ده جري و جسور و كمال رشد و رويتله مفظور اولوب، اقدام و اھتمامى سايه سنده دولتك امور بحريه سنى حسن اداره يه موفق اولمش و على الخصوص كنديسنى « طورغود پاشا » گي زمانك شهرت شعاري اولان امرای بحريه سنه سوديرمش اولغله هر مأمور اولدينى امر مهمى بر وجه دلخواه على ايفا ايله اشتھار ايلمش مقدم و مقتدر بر ذات على قدر ايدى. پياله بلك عھده سنه گليولى سنجاغله قپودانلق توجيه اولندينى ائشاده بالاده دخى ذكر اولندينى وجهله فرانسه قرالى « ايكنجى ھازرى » درسعاته اررسال ايلديكى « دارامون » نامنده كى سفير مخصوصى واسطه سيلاه ينه آلمانيا ايمپراطورلغلك تجاوازا تندن شكايت ايدوب، دولت عليه نك معاوتنى رجا ايلمش و اول وقت سلطان سليمان قانونى حضرتلىرى عجم سفرنده بولغله بو خصوصك اجراسنى استانبول محافظه سنه مأمور اولان وزير ثانى

[*] صاحب ترجمه دولت عليه نك (۲۲) نجى قپودان درياسيدر. مجارلى بر يكچوك چوجوق اولدينى حالده (۹۴۴ ھ) تاريخنده وقوع بولان مهاج ميدان محاربه سنده بولنوب، درسعاته جلب و سبرای ھمايونده تريه اولندقدن صكره (۹۵۴ ھ) ده قپوجى باشلقله طشره يه چيقريله رق قپودان سنان پاشانك ارتحالنده عھده لياقتنه كليولى سنجاغى توجيه يله قپودانلق و يرلمش و (۹۶۵ ھ) ده جزاير بلكر بكيلىك پايه سنى دخى ضم اولنورق قدرى توقير و اعلا قلنشدر. جريه مظفريتنى متعاقب طرف شاهان بون تلطيفى مقتضى اولغله تخصيصاتنه ضمايم وقوعيله شھزاده سلطان سليم ثانى حضرت تولىريك كرمه نجيبه سى « كوهر خان » سلطانك تزويجى شرفنه نائل ايدلدى؛ فقط التماسنده بولندينى رتبة وزارتته بو دفعه ارتقا ايده ممش و (۵) سنه صكره بو مسند جليل الشانه دخى نائيلتله بكام بيورلشدر؛ خلاصه، (۹۷۵ ھ) تاريخنه دكين (۱۴) سنه دن عبارت بر مدت بالاستقلال مقام معلاى قپوداينده بولنورق دين و دولته حسن خدمتى سبق ايتمش و (۹۷۸ ھ) سنه سنده دست ساقى قدردن جام اجل نوش ايله قاسم پاشاده نامنه منسوب بشاكرده ھمقى اولان جامع شريف خطيره سنده وديعه خاك رحمت قلنشدر.

ابراهیم پاشایه حاله و پیاله بکه دخی صورتی زیرده [°] اشارتیه درج
 حقیقه مباهات ایلدیکمز آریجه بر قطعه فرمان عالی اسطار
 بیوره رق دوتنای هایونی آلوب، طورغود پاشا ایله برلکده فرانسه
 امدادینه گیتسی امر اولمشدر. پیاله بک دخی بر مقتضای فرمان
 عالی (۱۵۵۳) سنه میلادی سنه مصادف اولان (۹۶۲ هـ) سنه سی
 ایلک بهارنده (۶۰) قطعه سفن حربیه دن عبارت دوتنای هایون ایله
 دگزه چیقهرق اولا آیولیا سواحلنه توجیه سکان عزیمت ایدوب،

[*] قپودان دریا پیاله بکه ترجان سحر استندن ارسال بیورلمش اولان امر
 شریف صورتیدر: « افتخار الامراء الکرام، مختار الکبراء الفخام، ذی القدر والاحترام،
 المختص الملك العالم، کایبولی سنجائی بکی وقپودانم پیاله دام غزه توتیع رفیع همایون واصل اولیق
 معلوم اوله که، بوندن اقدام حکم همایونم کوندریلوب، عنایت حقله بو دفعه دریایه چیقهمق امر
 اولنان دوتنما کیلیرینه سردار تعیین اولتدک. لوازم ومهماتن تدارک ایدوب، کیملی احضار
 ایلیمه سز؛ وطورغود دام غزه بیله بیورلمشدر؛ حسن اتفاق واتحاد ایلوب، دولت همایون سعادت
 پیوندمه متعلق اولان اموره بذل مقدور ایلیمه سز دیو بیورلمش ایدی. اول امر شریفم کپرو
 مقرر قلوب، دریایه چیقهمق امر اولنان آلتش قطعه کیلره باش وبوغ تعیین اولندیغک اجلدن
 کیملی مجلاً اتمامه ایرشدیروب، کورکیلیرین تدارک ایدوب، لوازم ومهماتن تعجیلاً کورمک
 ایچون دستور مکرم، مشیر مفعم، نظام العالم، وزیرم ابراهیم پاشا اراماه اقباله ودفترداره حکم
 شریفم کوندریلوب، ویکی چیرلم آتاسنه تعیین اولنان قوللیمی ویره سین دیو امر کوندریلوب،
 دریایه سنکله بیله تعیین اولنان قوجه ایلی ومدلی بکلرینه دخی احکام شریفه کوندردلی. او یله
 اولسه بیوردمکه، درگاه معلا چاوشلردن محمود زید قدره واریجق اصلاً تأخیر وتراخی ایچوب،
 سنکله چیقهمق آلتش کیلیری کیمیه وکوندز اوزرینه اولوب، اتمامه ایرشدیروب، کورکیلیرین
 تکمیل ایلوب، تعیین اولنان ویکی چیری قوللیمی آلوب؛ وسنجاق بکلرین دخی سنجائی عسکرلیه
 کیمی آلوب، وقتی وموسمی ایله دریایه چیقوب، مناسب اولان محله فرانجه پادشاهنک دوتنالیله
 جمع اولوب، دولت همایونه متعلق اولان مصالحه حسن اتحاد ایله مباشرت ایلیمه سین. بوخصوص
 موجب اهتمامدر؛ اهمال ایچوب، کیملی مجلاً اتمامه ایرشدیروب، مقدم چیقارمق باینده دقیقه
 فوت ایچیمه سز. مشارایه قولم طورغود دام غزه دریانک جمله احوال وامورینه واقفدر؛ آنکله
 مشاوره دن خالی اولوب، حسن زندکانی وکال اتحاد ایدوب، بکدل ویکجبت اولوب، شویله که،
 لازمه غیرتدر. ظهوره کتوروب، سؤ تدابیر ایله عرض و ناموس سلطنته مغایر وضع اولماق
 باینده انواع مساعی جمیله ظهوره کتوره سز؛ وکوکلولوند کیملی دخی بیله کیتیک بیورلمشدر.
 مشارایه قولم زید قدره آنلرک احوالنه واقفدر. آنک معرفتی ایله کوکلولو رئیساری دخی بیله
 آلوب، هر بر یسه اول وجه کوردیکی اوزره استمالت ایدوب، پکسمات لازم اولانه پکسمات
 ویروب، آنک معرفتی ومشاوره سیله دولت همایونه متعلق مصالحه و دین یولنه استخدام ایلوب،
 عنایت حقله یوز آقلقلیرین تحصیل ایتمکه سعی جمیل ایلیمه سز. هر کیمی عادت اوزره یکریمی
 نفر آلتجی قویوب، وآنلردن غیری غلطه عز بلرندن دخی سلاحلری ایله اوتوزز نفر عزب تعیین
 ایدوب، کیلره یرلشدیروب، بیله آلوب، کیدوب، استخدام ایلیمه سز؛ وترسانه محافظه سی ایچون
 وآنده قالان اون قطعه کیلر مهمنه دخی کفایت مقداری آدم آلیقویه سز. شویله بیله سز؛ علامت
 شریفه عماد قیلیمه سز. تحریر فی اواخر شهر ربیع الآخر سنه اثنین وستین وتسعیاله
 « بیورد بریه ترجان »

رجيو قلعه سنى محاصره وفتح ايلدى . بوندن صكره سواحل مذكوره اوزرنده بولنان ده ابرقاج ياره حصارك ضبطى ايچون قرديه عسكر چيقارديسه ده رجيو قلعه سنك محاصره سى ائناسنده مذكور حصارلر سكنه سى كيفيتدن خبردار اوله رق قلعه لرى تخليه ايله داخل ولايته چكلهش اولدقلرندن ميرمومى اليه دوئماي هايونك تفنك انداز طاقلرندن ترتيب و تسيير ايلديكي سبكار بر مفرزه ايله ايجرى طرفلره طوغرى بر جولان اجرا ايتدردى . مفرزه مذكوره هراوكنه گلن قرا وقصباتى احراق و تخریب و پك چوق اموال غنائم اخذ ايله عودت ايلمشدر . بو ائناده آميرال آندريادوريانك (۶۵) پاره سفن حربيه دن مركب بر اسپانيا دونماسى ايله ناپولى صولرنده بولنديغى خبر آلمغله قبودان پياله بك وقت گچير مكسرين اوزرينه توجه ايلدى ؛ فقط مومى اليه آميرال دونماي هايونك اوزرينه گلمكنه اولديغى اولجه خبر آلب ، صاوشمش اولديغدن عثمانلى آميرالى دخى اسپانيا تابعيتنده بولنان قلاعك بعضلرني حرباً و بر طاقلرني استيان ايله تسخير ايدوب ، پك چوق غنائم اخذ ايلدكدن صكره آميرال «پولين» (Paulin) قومانداسنده بولنان فرانسه دونماسيله برلشهرك قرديه چيقارديغى و داخل ممالكه سوق ايلديكي عساكر كلي ايله آليه (Albiga) قلعه سنى و ده ابرقاج مواقع مستحكمه ني ضبط و قاليله (Calbiga) قلعه سنى محاصره ايلدى . بو محاصره خيليجه امتداد ايدوب ، صرف اولنان غيرت ثمره سى اوله رق طشره واروشنى هجوم ايله ضبطه موفقيت حاصل اولدى ايسه ده حصار داخلينك متاتى فوق العاده اولمغله محاصره سى امتداد ايتمكنه اولديغى گي دوئماي هايون افراديله فرانسه عساكرى حسن امتزاج ايده مدكلرندن بوايكي عسكرك برلكده اداره سى قابل اوله ميوب ، ايام شتادخى تقرب ايتمكنه دوئماي هايون فرانسه دوئماسندن آريله رق قاسم ابتداسنده استانبوله عودت ايلدى . بوسفرده هر نه قدر رسماً

قوماندان و قبودان پیاله بک اولدیغنه ترجان یوردندن یازیلان سالف الذکر فرمان عالی شهادت ایلرایسده دونمای هایونک قوماندان معنویسی خیرالدین پاشادن صکره آنک یوقاغنی بیلدیرمین طورغود پاشا ایدی .

عوران [وهران] سفری — خیرالدین پاشا طرفندن جزایرک فتحی صره — نده تلمسان اسکلهسی اولان عوران موقعی دخی تسخیر اولنمشیدی ؛ لیکن مؤخرآ اسپانیولار بوموقعی ضبط ایله حصارینی تحکیم و قوه محافظهسنی تکثیر ایدهرک مغرب اقصى ساحلی اوزرنده کنیدیلری ایچون بر موقف عسکری اتخاذ ایلمشلردر . اسپانیولارک بویله مهم بر نقطه حاکم اولملری جسارت تجاوزکارانه لرینی تزید ایدهرک سودای ساطنت و دعوی سیادتله میدان چیقمش مشکوک النسب بر عربی واسطه اتخاذ ایلیوب ، ممالک دولت علیه علمینده کی سؤ نیتلرینی اظهاره قالدشمش اولملری جزایر بکلیر بکیسی « صالح پاشا » طرفندن عتبه علیایه عرض ایدلمش اولمغله (۹۶۳ هـ) سنه سی بهارنده قبودان پیاله بک (۴۵) یاره قادرغهدن عبارت بردونما ایله اسپانیول یدنده بولنان سالف الذکر قلعه نك استردادینه مأموراً جزایره ارسال ایدلدی . پیاله بک جزایره مواصلتله صالح پاشا ومعیتی عساکرینی برابر آله رق محل مطلوبه عزیمت و قره یه چیقساردیغی عسکرله قلعه نی محاصره ایدهرک اسپانیولارک الندن جبراً و قهرأ ضبط ایتدکن صکره موسم شتا حلول ایتمزدن اول در سعادته عودت ایلدی .

به زهرت سفری — تونس جوارنده و آفریقہ نك سیجیلیه جزیره سنه حاکم بر نقطه سنده و جزیره مذکوریه وقوع بوله جق

سوقیات عسکریه ایچون اس الحركات اتخاذه غایت الیوشلی . لیانی
دوتما محافظه سنه وتحکیمه صالح اولان به زدرت شهری وقاعه سی
اسپانیولار یدنده بولمغله با امر عالی قیودان پیاله بک (۹۶۴ هـ)
سنه سی (۶۰) پاره قادرغنه ایله اول طرفه عزیمت ایدوب ، قلعه
مذکورده یی اسپانیولار یدندن تخلیص و آفریقہ ساحل لرینی دوروتقیش
ایدهرک سطوت عثمانیه یی ارائه ایلدکن صکره وقت وزمانیله استانبوله
عودت ایلدی .

مایورقه سفری — قیودان مومی الیه (۹۶۵ هـ) سنه سنده
دخی (۱۵۰) پاره قادرغدن عبارت بیوک بردوتما ایله آق دگزده
چیقوب ، اسپانیا دولتی تحت تصرفنده بولنان جزائر دن مایورقه
آطه سنه بر آقین اجراسنی تصمیم ایلدی . بعدالوصول دوتمای هایوندن
قره یه دوکدیکی عسکر ایله آطه نک اوزرنده بولنان قرا وقصباتی
تخریب وغارت ایدهرک پک چوق اسرا واموال غنائم اخذ ایلمش
اولدینی حالده در سعادت عودتی اوزرینه ذات شاهانه خدمت واقعه سنندن
منون اوله رق لاجل الکفاة عهده سنه جزایر بکلر بکیلیکی پایه سنی
دخی ضمیمه توجیه واحسان بیورمشدر .

جربه سفری — پیاله پاشا (۹۶۶ هـ) سنه سنده دخی (۸۸)
قطعه قادرغدن عبارت بر دوتما ایله آق دگزده چیقوب ، دولت علیه
صلرنده کشت و گذار ایدهرک قدرت وشوکت عثمانیه یی نظر یار
وایمارده اعلایه خدمت ایلدی .

دوتمای هایون موره ساحل لرندن مودون اوکنه گلدیکی ائمالرده
اسپانیول باندره سنی حامل بر بارچه یه تصادفله ضبط ایدیله رک افرادی

استجواب اولندقدہ دولت علیہنک طرابلس غربی استیلاسی بالآخره مالطہ جزیرہ سنک دخی اوسیلاب بلایہ قاپیلہ جغنی دہشت لازمہ سیلہ اشراب ایلمش اولدیغندن شوالیہ لک اوروپا دول خرسیتانیہ سنہ وقوع بولان مراجعت والتجاری اوزرینہ دول مشارالہم طرفلرندن دخی دولت علیہ علمینہ بحرأ بر اهل صلیب اخراجی مصمم اولدینی حوادی آکلاشیلہ رق کیفیت باتحریات در سعادۃ اعلام اولمغلہ طرف سلطنت سنہ دن علی الاستعجال (۱۰) قطعہ قادر غدن عبارت بر فیلو دہا تجہیز ایلہ ارسال اولنہ رق دونمای ہایونک تزیید قوتنہ ہمت ایدلدی؛ فقط پیالہ پاشا اولونہ یہ قدر اولان آرناودلق ساحلرینی طولاشدینی وموسم شتا حلول ایدنجہ یہ دکن دگژدہ قالدینی خالدہ ہیچ بر طرفدن بر دشمن دوتناسنہ تصادف ایتکمکسزین استانبولہ عودت ایلمشدر . دونمای ہایونک استانبولہ عودتی اهل صلیب دونمای ایچون آق دگژدہ بر میدان جولان کشاد ایلمش اولمغلہ در عقب آفریقہ سوا حلنہ گچوب، جربہ آطہ سنی استیلا ایلہ اورادہ قیشلامق وبہار حلولندہ طرابلس غربہ تسلط ایلمک اوزرہ منسوب اولدق قری لیمانلردن حرکت ایلمش اولدق قری و مشایخ عربان دخی بونلرلہ متحد اولہ رق علائم خصومت ابراز ایتکدہ بولندق قری ایالت مذکورہ بکار بکیسی طور غود پاشا طرفدن خاکپای شاہانہ یہ عرض و اعلام قلمسی اوزرینہ طرف شاہانہ دن دخی بہارہ قدر (۱۲۰) قطعہ سفن حربیہ نک تجہیز واحضاری خصوصی قبودان دریا پیالہ پاشایہ فرمان اولندی . اوقیش عثمانلی ترسانہ لرندہ فوق العادہ بر تدارک مشاہدہ قلمقدہ ایدی . ایلک بہار حلول ایدنجہ تجہیزینہ ارادۃ شاہانہ شرفتفق ایتش اولان معلوم المقدار سفن حربیہ دخی صادر اولہ جق امرہ منتظرأ بشکطاش اوگندہ حاضر بولمغلہ (۹۶۷ھ) سنہ سی رجبک (۸) نجی گونی قبودان دریا پیالہ پاشا آفریقہ یہ تجاوز ایتک فکرندہ

اولان سالف الذکر اهل صلیب دونماسنه قارشى مجموعى (۱۲۰) قطعیه بالغ اولان بو دونما ایله آق دگزه سوق اولندی .

دونمای هایون ساقزك قیون آطه لری (Spalmatori) جوارینه واصل اولدیغی ائئاده طورغود پاشا طرفدن گوندرلمش اولان بر قالیته تصادفله اهل صلیبک جربه آطه سی جوارنده اولدقلری وطرابلسه تجاوز ایتک اوزره بولندقلری حوادی آئدی . پیاله پاشا ایسه بوحوادثک ورودندن اول دشمنک احوالی تحقیق ضمننده اسیر اخدی ایچون معیتی امرای بنامندن اولوج علی رئیس بر کچوک مفرزه ایله ایتالیا صولرینه اعزام ایلمش ایدی . رئیس مرقوم دخی طریق سیری اوزرنده تصادف ایلدیکی دشمنه منسوب بر بارچه یی حرباً ضبط ایدهرک افرادینی اسیر ایدوب ، گمی دخی برابرنده اولدیغی حالدده عودتله دونمای هایونه التحاق ایلدی . بوگمی اللى آلتش پاره طویي حامل جسم برشی اولغله آلات وادواتیله برابر استانبوله گوندردلی . بوندن صکره دونمای هایون مودونه اوغرایوب ، بر قاق گون اقامت ایتکله رادوس و مدلی میرلوالری قورد اوغلی احمد ومصطفی بکلر معیتلری فیلولریله گله رک دونمایه التحاق ایلدیلر . لوازم اکمال ایدلدکدن و گمیلر یاغلاندقندن صکره شعبانک (۵) نجی گونی اقشامی بورادن قیام ومالطه یه متوجهاً بادبان کشای عزیمت اولندی . ماه مذکورک (۹) نجی گونی اقشام اوزری اوزاقدن مالطه آطه سی گورلمکله یلکنلر استغنه و صاره ایدیلوب ، کورکله حرکت اولنه رق فرداسی گونی غوزا (Göza) آطه سنک برساحلنه یناشلدی . قریه چیقاریلان دلاوران ایله جوارده کی قریه لری غارت واحراق ایدیلوب ، برطاقم اسرا دخی اله گچیرلدی . بوندن اهل صلیب دونماسنک الحاله هذه جربه آطه سنده اولدقلری حوادی آلتغله علی العجله اورادن فك لنگرله جزیره مذکوره اوزرینه

حرکتہ مسارعت قلندی . طورغود پاشا طرفدن مقدما ارسال
ایدلمش اولان قالیتہ دونمای هایونک جربه اوزرینه حرکتی اعلام
ایچون بورادن طرابلسه گوندردلی . ایکی گون ایکی گیجه ده سیر
اولندقدن صکره (قارقانه) سیغلقارینه مواصلتله تیمورلر فونده
ایدیلهرک گیجه بی گچیروب ، فرداسی گونی علی الصباح بورادن دخی
قیام ایله جربه آطه سنه (۱۲) میل مسافه سی اولان بر محله قدر
گیدلدی ؛ ینه اقشام ایریشمکه اوراده دخی تیمور اوزرنده بر گیجه
گچیرلدی . بری طرفده مالطزلرک ارسال ایتدکاری بر قایق واسطه
سیله عثمانلی دوتماسنک آفریقه صولرینه طوغری عزیمتی کیفیتدن
اهل صلیب دوتماسی آگاه ایدلمش اولمغله مذکور دوتما دخی
جربه آطه سندن یدی سکیز میل قدر دگزه آچیلهرق حرب ایچون
دونمای هایونک ورودینه انتظار ایدلمکده ایدی .

(۱۵۶۰) سنه میلادیه سی مایسنک (۱۴) نجی گونی صباحی
ایدی که ، دونمای هایون بولندیغی محلدن قیام ایله جربه جزیره سی
اوزرینه عزیمت ایلدیکی صروده اهل صلیب دوتماسنه تصادف
ایدلمشدر . بو دوتما (۲۰۰) پاره سفن حربیه وتقلیه دن عبارت
اولوب ، اسپانیا ، پاپا ، جنوه ، فلورانس ، مالطه . سیچیلیه ، ناپونی
وموناکو پر نسلکنک قوه بحریه سندن تشکل ایلمش ایدی . دوتنانک
بیوک قوماندانی « آمیرال دوریا » اولوب ، سیچیلیه آمیرالی « ویقونت
چغاله » گبی مشاهر دخی معیتده بولمقده ایدی . حامل اولدیغی
عساکر بریهنک قوماندانی ایسه اسپانیا دولتنک کث مشهور جنراللردن
اولان « دون آلوارو دیساندی » (Don Alvaro Desandi)
ایدی . جربه آطه سی طرابلسک (۲۰۰) میل قدر شرق جهتنده
وتونس ممالکنه طوغری گیرمش اولان قابس کورفرینک جنوب
طرفنده قره دن بر طار بوغاز ایله فصل اولمش مهم بر جزیره در .

متفق دونما بورایه وصولنده سالمآ گچیده داخل اوله رق حامل اولدیغی اردویی هیچ بر مانعه تصادف ایتمکسزین قرده اخراج ایله جزیره نی استیلا و مواقع مناسبه سنه متعدد استحکامات انشا ایله تقویه ایلمش ایدی .

ایمدی ، دونمای هایونک ورودی اوزرینه اجرای حرب ایچون یدی سکز میل قدر دگزه آچیله رق شبه نصف دائره شکلنده بر نظام حرب اخذ ایلدیلر . دونمای هایون دخی ینه بوشکلده بر نظام اخذ ایله مرکز به بالذات پیاله پاشا . صاغ جناحه رادوس متصرفی قورد اوغلی احمد بك ، صول جناحه دخی مدالی میرلواسی مصطفى بك قوماندا ایلمکده ایدی . بو حال ایله دشمن دونماسنه تقرب اوله رق طوب محاربه سنه باشلانندی : فقط بر مدت آتسه دوام ایدلدکن صکره دشمن طرفنده علائم انهمزام مشاهده اولندیغندن قپودان پاشانک بر اشارت مخصوصه سی اوزرینه رامپا حالیه یقیندن محاربه ایدیلره کافه سی ضبط ویا غرق اولنق ایچون عثمانلی خط حربی تشکیل ایدن سفینه لر متفقین دونماسی اوزرینه سرعتله هجومه باشلادقلرندن آمیرال دوریا هیچ اولمازایسه بر قسمی قورتاره بیلمک افکاریه درعقب دونماسی ایکی فرقه یه آیروب ، بر فرقه سی جربه آطه سنک استحکاماتی آلتنه صیغنمق اوزره ارسال ومعیتده قالان فرقه ایله دگزر طرفی طوته رق فراره شتابان اولدی . پیاله پاشا دخی وقت گچیرمکسزین دونمای هایونی ایکی به تفریق ایدره ک بر قسمیه کنیدیسی فرار طریق طوتان فرقه صلیب اوزرینه حرکت ایلدیگی گبی قسم دیگرینی دخی احمد و مصطفى بکلر قومانداسیه حصار آلتنه التجا ایدنلر علیهنه سوق ایلدی . پیاله پاشا معیتی فرقه سیله آمیرال دوریا فرقه سنه یتشمش اولدیغندن بوایکی فرقه آره سنده غایت دهشتلی بر محاربه

وقوعه گلمشدر . دریانك یوزی طوب دومانیله قاپلانمش اولدیغی
 برزمانده ایدی که، گمیلریکدیگرینه رامپا ایدهرک طرفین جنکاورلری
 آرمه لردن وکوپشته وقصاره لر اوزرندن کمال شدت وتهالکله بری
 برلرینک گمیلرینه صچرایه رق گوکرته لر اوزرنده تیر وشمشیر ونیزه
 وخنچرایله غایت خونریزانه برمقاتله اجرا ایلدیلر . اول قدر دوکو -
 شدیلرکه ، دوکدکلی قانلر دگزکرنکی تلوین ایلدی . عاقبت اهل
 صلیب جنکاوران عثمانیانک شدت صولتیرینه تاب آور مقاومت
 اوله میه رق فناحالده مغلوب وپریشان اولدیلر ؛ وکمال رزالت وحتجاب
 ایله ایتالیا صولرینه طوغری فرار تصدیسنده بولندیلر . بوبوزغونلقده
 گمیسنی قورتاران قپودان پارمقله گوستریله جک قدر آز ایدی ؛
 خلاصه ، متفقین دونماسنک برقیمی غرق ، بر طاقملری احراق
 اولندی ، بر قسمی ده ساحلره دوشهرک پاره لندی گیتدی . بری
 طرفده کی احمدبک فرقه سی ایسه شان و شهرتجه پیاله پاشا فرقه سنندن
 آشاغی قالمیه جق درجه لرده ابراز آثار شجاعت و فداکاری ایله
 تا آطه نك استحکاملری آلتنه قدر صوقوله رق ااورالره التجا ایتمش
 اولان اهل صلیب گمیلرینی باطرمق ویا قیق واجرایی تضییق ایله
 قره یه چیقارتمق گبی خارق العاده دینله بیله جک بیوک بیوک موفقیتلره
 نائل اولدی . بوفرقه یه قوماندایدن ناپولی آمرالی و اوغلاری و آمرال
 آندریا دوریانک اوغلی و سیچیلیه آمرالی گبی اهل صلیبک ایلری
 گلن سردارلری گوردکلی تضییقات وشدائده قارشى ثبات گوستره -
 میهرک قوماندالری آلتنده بولنان گمیلری ترک ایله جربه حصارینه
 جان آتمش لردر ؛ حاصل کلام ، انهای محاربه ده باطیریلانلردن باشقه
 دشمنک یکر میسی قادرغه ویکرمی یدیسى بارچه انواعدن اولمق
 اوزره (۴۷) قطعه سفائی صیغ صولرده اوطورمش اولغله عثمانیلر
 انه گچوب ، قورتاریله بیلنلردن ماعداسی احراق اولندی . دیگر

طرفه (۷) قادرغه دخی جربه گچیدنده قرهیه اوغرامش اولدقلرندن
بولرده اسیر ایدلدی .

بحراً حصوله گان بو موفقیت عظیمه بی متعاقب نوبت جزیره نك استردادینه
گلمش ایدی ؛ بو خصوص ایچون دخی طرابلس بکلر بکیسی خورغود پاشا
آیالتنك سواری و پیاده عساکرندن عبارت بر قوه کافیه ایله جزیره نك قارشیسنه
مواصلت ایلش اولدیغندن پیاله پاشا ایله برلکده جزیره مذکوره علیه اجرایی
مقرر اولان حرکات حربیه بی مذاکره ایدیلر ؛ و نهایت دونای همایوندن
چیقاریلان عسکرایله خورغود پاشا معیتی فرقه سی جزیره نقل اولنوب ، بویکی
مقتدر آمیرالك ترتیبات حسنهلری ثمره سی اوله رق حصارك اوچ جهتنه مترسلر
کشادیه عسکر یرلشدیرلکدن ولزوی قدر طویلر دخی تعبیه قلندقدن صکره
رمضانك (۳) نجی گونی حصر وتضییقه باشلانلدی . دگن طرفی دخی دونای
همایون ایله شدتلی آبلوقه آلتنه آلمش ایدی . او کیجه دشمن قلعه دن خروج ایله
مترسلری علی الغله باصمق گبی بعض تدابیر تشبث ایلش ایسه ده بالمقابل عساکر
منصوره طرفندن گوستریلن مهاجمات فداکارانه طیانهمیوب ، بر خیلی مقتول ،
مجروح ، اسیر برقه رق قلعه یه قیامغه مجبور اولمشدر . دشمن طرفندن حصارك
چوره سنی محاط اولان خندقدن باشقه ایلری یه برعمیق خندق ده حفر اولنوب ،
چیقاریلان طویراغیله آرقه سنه برده منتظم سپر تشکیل ایدلش بو خط مدافعه نك
محافظه سی ایچون آریجه (۳) بیك نفردن عبارت بر قوه کافیه تخصیص قلنش
ایدی ؛ و نه جوار مذکورده موجود اولان برصو قویوسنی — که محصورین
احتیاجلرینی ازاله ایچون لازم اولان ماء لذیدی بورادن اخذ ایلکده ایدیلر —
محافظه ایچون بر محکم مترس انشا ایده رك بوراده دخی (۸۰۰) نفردن عبارت
بر فرقه مستقله بولندیرمقده ایدیلر . گرگ بو قویونك محافظلری وگرگ قلعه یه
صو طاشیقله مشغول بولنلر علیه سوق اولنان برمقدار عثمانلی عسکری بولنری
تضییقه باشلامش اولدیغندن جنرال « دون آوارو » قلعه دن چیقاردیغی (۵)
بیك نفر موجودلی برفرقه ایله عثمانلی مترسلری اوزرینه بر هجوم اجراسنه تصدی
ایدی ؛ بری طرفدن دخی اوزرلرینه گلمکده اولان دشمنه قارشى مترس آردندن
مدافعه بی شانلرینه مغایر گورن عثمانلی دلاورلری ایلری یه حرکتله دشملرینی یولده
قارشیله یوب ، غایت قانلی برحاربه وقوعنی تسریع ایدیلر . بو مقاتله رمضانك
(۱۳) نجی گونی وقوعه گلوب ، آتیق ایکی ساعت قدر دوام ایده بیلدی . دشمن
ابتدای گوستردیکی جسارت نسبتنده ارائه ثباته مقتدر اوله مدیغی جهته فنا

حالدہ بر بوزغونلغہ دوچار اولدوق قلعه طرفنه طوغری ترس یوزینہ فرارہ باشادی . دشمن بووجهله فرارہ قویولدینی ائنادہ معقبلدخی تابرنجی خط مدافعه . لرینہ قدر آرقه لرندن ایرلمیهرق کینی-قتل ، کینی جرح ، کینی ده اسپر ایلدکدن باشقه مذکور مدافعه خطنی ده ضبط ایله سپرلری اوزرینده آیات فوز وظفر اولان رایات غالبه لرینی رکزه موفق اولدیلر . بری طرفده بر مفرزه عثمانلی عسکری ده دشمنک صو قویوسنی ضبط ایش اولغله قدرت مقاومتی بو یوزدن دخی کمره موفقیت حاصل اولدی . بو مظفریقی متعاقب دشمن یدندن ضبط اولنان سپرلر آرقسینه (۱۵) قطعده طوپ تعبیه اولندوق قلعهک تخریبند مباشرت اولندیغی صره لرده طوپلری چپویله مک قصیدله اهل صلیبک کندیسینه گووه من طاقلرندن (۳) بیسک نفر فدائی جنگاور سچیلوب ، زره لباسلرله ملبس اولدوقلری خالدہ علی الصباح قلعه دن خروج ایله مترسلر اوزرینہ شدتلی برهجوم اجرا ایلدیلر ؛ وحقی طوپلرک تایننه قدر گهرک فوق العاده بر اثر شجاعت گوستردیلر ایسه ده بر نتیجه مفیده استحصالنه قدرتیاب اولمه دیلر ؛ چونکه ، بو صره ده دلاوران عثمانیان دخی مهاجرلرک بطش وشدت لرینہ فائق بر جلادت قهرمانی ایله مقابله ایدهرک ایکی ساعت قدر بر مقاتله خونریزانه اجرا سینه قویولدیلر ؛ وعاقبت دشمن لرینی قهر و تدمیر ایله سپرلر دن آشاغیه آتهرق سکن طقوز یوز قدرینی قلیچدن کچیرمک وبقیة السیوفی تا قلعه قپولرینہ قدر تعقیب ایلک گی قهرمانلقلر گوستردیلر . قدما جزیره جوارنده کی وقوع بولمش اولان دگن محاربه سنده دشمنک (۱۱) قطعہ قادرغہ سی تا قلعهک آلتنه قدر صو قولوب ، دونمای هما یونک هجما تندن بو طریق ایله قورتولد بیلش لر ایدی . بونلر طرفندن انداخت اولنان مرمیات مترسده کی عسکره خلیجه زیان ایراث ایلکده اولمنسده مبنی قلعهک قختندن مقدم بونلری باطرق ایجاب حالدن ایدیسده قره طرفندن خندق وطایبه مثالی بر طاق موانع جسمیه ایله عثمانلی آتشلرندن تحفظ ایتکده اولدوقلری گی دگن جهتندن ده قلعهک آتشی آلتنده اولدقدن باشقه دونمای همایون ایله آره لرنده گولله یتشمیه جک قدر صیغلق بولغله رفع مضرتری خصوصی غایت مشکل ایدی . نہایت دونمای همایونک صندالری ایله فرقه لره اوق وحر به وتفنک ایله مسلح عسکر وضع اولندوق بر طاق مقتدر قپودانلر قوماندالریه سالف الذکر قادرغله اوزرینہ سوق ایدمک وبونلر قره جهتندن ده معاونت اولمق اوزره بر فرقه سواری عسکری تعیین وار سال قلمق تدبیرینہ مراجعت اولندی . بو حرکت عسکریه علی الصباح گرک قلعه دن وگرک مترسدن شدتلی طوپ وتفنک آتشلرینہ ابتدار اولندیغی بر صره ده اجرا ایدیلوب ، عسکر ایکی طرفک آتشلری آره سنده بولندیغی خالدہ ساحله طوغری ایلر یلیدرک باروت دومانی ایچنده

غائب اولوب، گیتدی. بجزاً سوق اولنان انجه دونما دخی قلعه دن و دشمن گمیلرندن اجرا قندن شدتلی آتشلره قارشى تعطیل حرکات ایتمکسزین مذکور گمیلره ربع میل مقداری مسافه قانجهیه قدر تقریبه موفق اولدی ایسه ده غیر قابل المرور برمانعه تصادفله توقفه مجبوریت گوردی: — شویله که: دشمن ذاتاً بو گمیلر علیه هر حالده بجزاً بر حرکت اجرا قلته جفنه اولجه حکم ایلش اولمغله تدارکلی طورانه رق ربع میلدن زیاده بر مسافه ده دگزه و سالف الذکر گمیلرک اضرافنه یکدیگرینه قریب بر طاقم محکم قازقلر چاقوب، آره لرینه دخی زنجیرلرله بر چوق سرنلر و ستونلر ربط و بند ایلش اولدیغندن بو وجهله وجوده گتیریلن مکمل بر حائل سوق اولنان انجه دونماک ایلر یلسنه مانع اولمشدر. نهایت الامر قبا قوشلق زمانه قدر طرفیندن غایت شدتلی جنک و جدال وقوعه گلوب، پک چوق تنفاق دخی موجب اولدیغی حالده سالف الذکر حائدن ایجری مروره موفقیت حاصل اوله مامغله بالجهوریه رجعت ایلدی. بورجعتی متعاقب قلعه نك ایکی طرفلرندن دگزه قدر حفر و کناد اولنان مترسلره یدی سکر قطعه طوپ یرلشدیریلره رك سالف الذکر قادرغلر اوزرینه ایکی طرفدن آتشه باشلانیلوب، افرادینک اکثریسی اتلاف و بقیلری دخی تخلص جان قیدینه دوشمکله دگزه دوکدکبری گگی قادرغلرله تخریب ایدیلره رك تا قنادلرینه قدر صویه باطیرلایلر؛ وعسا کر عثمانیه بو وجهله مضرتلرندن قورتولدی. بوندن صکره قعه نك فتحی خصوصنه مقتضی تدابیره تشبث اولنوب، شوالک برنجی گوندن اعتباراً مترسلری ایلر یلتمک گگی عملیات ترابیه ایله اشتغال اولنهرق تا خندق کنارینه واصل اولنجهیه قدر یکرى دفعه مترس دکشدریمک و دشمنک هر ایلر یلدیان مترس اوزرینه موجودلری بیش نفردن آشاغی اومیان فرقلرینک هجوملرینی دفع ایلک صورتیه محاربهیه دوام اولنوب، مترسلر خندقه تقریب اولندقدن صکره دخی طوپراق سورمک عملیاته باشلانلدى. بو طریق ایله خندق اولدرلقدن صکره اوزرینه اخشابدن بش عدد قولدرلر اشا اولنوب، ایچر یلرینه لزومی قدر طوپرلرله بر طاقم جنگاورلر وضع و تعبیه قلنهرق حصارک داخلنه طوپ و تفنک و اوق و صیان گگی وسائط گونا گون ایله مرمیات یاغدی رانغه بالابتدار دشمن گوز آچه میه جق بر حاله گتیرلدى. ایش بو درجه یی بولدقدن صکره آرتق هر گون دشمن افراددن فرصت دوشوردکجه بشر اوزر نفر برلکده گدکدردن طیشاریه جان آتهرق اردوی همایونه التجا ایتمکک باشلایلر؛ خلاصه، بو منوال اوزره محاصره تمام سکسان گون امتداد ایلدی؛ و نهایت تکمیل شمالی آفریقهمی فتح ایتک افکار یله بورایه گلمش اولان اسپانیا جنرالی «دون

آلوارو» دوچار اولدینی یأس وفتورک الجآت شدیدہ سنہ قایلہرق (۱۰۰۰) نفر منتخب جنگاوران ایلہ ذی القعدہک (۷) نجی گونی علی الصباح صوگ و فقط قطعی برہجوم اجراسنہ تصدی ایلدی .

فی الحقیقہ ، بو دفعہ اعدا فوق العادہ بر جسارت مأیوسانہ ایلہ قارشیلرنده بولنان عثمانلی فرقہ سی اوزرینہ یوکلنہرق بو فرقہ یی رجعتہ اجبار ایلدیلر ایسہدہ امرای لشکرک تشویقات حکیمانہ لری سایہ سندنہ بو فرقہ طرفندن شدتلہ قارشیلانہرق بودفعہدہ کندیلری رجعتہ مجبور اولدیلر : خلاصہ ، برقاچ دفعہ لری طرفین بوزیلوب ، ینہ بر یئگی غیرتلہ طوبلانہرق یئکیدن هجوملر اجرا ایتک گبی فوق العادہ لکبر گوستردیلر . بو صاواش ایکی ساعت قدر دوام ایتدکن صکرہ عاقبت نسیم فوز وظفر طرف عثمانیاندہ وزان اولغلہ دشمن قلعہ یہ طوغری فرارہ شتابان اولدی . عساکر عثمانیہ ایسہ تعقیملرینہ دوام ایلہ پک چوقلرینی تلف ایتدکن باشقہ قلعہ قپولرینی دہ یدضبطہ کچردیلر . بو آرہ لقدہ «دون آلوارو» اورتہدہ قالہرق ناچار دکن جہتنہ طوغری فرار ایلہ سالف الذکر مغروق قادرغلہ جان آتدی . بو حالی گورن دلاوران عثمانیان دخی فرقہ و صندالورہ گیرہ رک مذکور قادرغلہ اوزرینہ عزیزتلہ جنرال جنابلرینی حیاً الدہ ایتکہ موفق اولدیلر . قادرغلہ ذاتاً تعمیر قبول ایتن درجہ لردہ تخریب ایدلش اولغلہ تخلیصلری خصوصندن صرف نظر اولنہرق اشیای موجودہ لری غارت ایدلدکن صکرہ یاقلدیلر . قلعہدن بو حالی مشاہدہ ایدن محصورین آرتق هیچ برطرفدن امید نجات قالمیدینی آگلایہرق استیمان ایتک اوزرہ بولندقلری برصرہدہ عساکر عثمانیہ دخی ایجریہ فرجہ یاب دخول اولغلہ اکثریسی طعمہ شمشیر وبر طاقلری دہ قیداسرہ گرفتار اولہرق در زنجیر ایدلدیلر . قلعہدہ تحصن ایدن دشمنک مقداری (۱۰) بیگ نفر دن زیادہ اولوب ، (۸۸۰۰) نفری عساکر بریہ وباقیسی مقدما انہزامہ اوغرا دیلان دونما افراندن قورتیلہ بیلنلردن عبارت ایدی . عثمانلیلر طرفندن اسیر ایدیلن (۴) بیگ قدر افرادن ماعداسی کاملاً ھلاک اولشلردر . ھلہ اھل صلیبک دونماجہ اولان ضایعاتی بوکما قات قات فائق اولوب ، تلف اولان بحریہ نفر اتک مقداری دخی (۳۰) بیگ رادہ سندنہ ایدی : خلاصہ ، بوسفر دہ اھل صلیب برأ و بحراً بیوک بر بوز غولغلہ دوچار اولشلردر .

بو پارلاق مظفریتی متعاقب پیالہ پاشا دونمای ھایون ایلہ طرابلس سواحلی دخی دور ایدہ رک حال شقاوتدہ بولنان عربانک امر اصلاحنہ موفق اولدقن صکرہ در سعادتہ عودت ایلدی . دونمانک در سعادت

لیمانه وصولی (۹۶۸) سنه هجریه سی محرمک (۶) نجی و (۱۵۶۰) سنه میلادیه سی ایلولک (۲۷) نجی گونه مصادف اولوب، او زمانه قدر مثلی سبق ائمه مشغایت مظنن براسقبال آلیله قارشیلانمشدر: — شویله که، «دون آوارو» و «آمرال چغاله»، وسائر گبی بیوک رتبه اصحابندن بولنان اسرای حربیه آمرال گمیسنک قصاره سنده بولند. یریلوب، ضبط اولنان (۴۰) قدر سفائن دخی دومنسز و دیرکمز و اوستلرنده عثمانلی سنجاقلری اولدینی حالده باندیره لری مزستره ایدلمش و سفن هایونک یدکلیینه آئمش بولنهرق بیوک برنمایشله سرای برونی طولاشلمشدر. بومظفریت آلابی دگزک یوزنده بیگلرجه قایق‌لر ایچنده و ساحلر اوزرنده طولانمش اولان اهلینک مسرت آوازه لری و آتیلان شلک طوپلری صدالریله قارشیلانمش و حتی «سلطان سلیمان» حضرتلری بیله لطفاً ساحلسرائی هایونلرینی تشریف ایدوب، بووجهله مجاهد قوللرینی تلطیفه رغبت بیورمشلردر.

اشبو امرای خرسیتانیه ایله (۴) بیگه قریب اولان اسرای حربیه صفت عسکریه لرینی لابس و سلاحلرینی حامل اولدقلری حالده اللری باغلی و مجتمعا حضور هایونه ایصال اولندقلری ائنده اوستریا قرالی فردیناندک سفیر مخصوصی دخی نزد شاهانده بولمغله اسرای مومی. الیم منظور نظر شهریارای اولدینی و «بیاله پاشا» ایله امرای سائریه خلعتلر احسان قلندینی ائنده بومظفریت فوق العاده نک بادی اوله جفی مسرت عظیمه نک وجه شاهانده هیچ بر علامتی مشاهده اولنماش و ذات شاهانه نک اصلا وقار و تمکینی بوزمامش اولدینی سفیر جنابلری گورنجه حیرته دوشه رک بو حالی او پادشاه حکیمک عادتاً عظمت و تکبرینه حمل ایللمشدر. بیاله پاشادخی طالعک کندیسنه نصیب ایلمش اولدینی هر نوع موفقیاته قارشلی اصلا تبدل گوسترمز بر مرد ثابت اولمغله مشارالیمی دخی پادشاهک یورکینه تشبیه ایللمشدر.

مالطہ سفری — سلطان سلیمان قانونی رادوس آطہ سنی تسخیر
ایلدیکی زمان جزیرہ مذکورہ دہ یرلشمش اولان «سن ژان» شوالیہ لری
اسپانیا قرالی بشنچی شارلک مساعدہ سیلہ مالطہ جزیرہ سنہ چکلمش لری
ایدی ؛ چونکہ ، قرال جنابلری گویا بونلرک رادوس دہ عثمانیلرہ
قارشی گوسترمش اولدقلری شجاعت وبالخاصہ ، عالم خرسیتانیتمہ ایفا
ایلدکلری بیوک خدمتہ مقابل — گرفتار اولدقلری فلاکتدن طولانی
حالی رینہ آجیہ رق — ہم برمرور عالیجنابانہ گوسنرمک ، ہم دہ
عثمانیلرک ایٹالیا علیہنہ وقوعہ گلن تجاوزات دائملرینہ برسد ممانعت
چکمش اولمق فیکریلہ بونلرہ مالطہ و جوارندہ بولسان غوزا
(Goza) آطہ سنی ویرمش ایدی . شوالیہ لری بورایہ چکلدکلری زمان
جزیرہ ہر نوع اسباب مدافعہ دن عاری ، عادتاً برقیالقدن عبارت ایمش ؛
فقط بونلر جزیرہ نک غایت الویرشلی اولان موقع طبعی عیسندن بالہ
ستفادہ شمال شرقی جہتندہ کی لیمانی درعقب تحکیمہ باشلایوب ، برطاقم
استحکامات متینہ وجودہ گتیرمشلردرکہ ، استحکامات مذکورہ الحالہ
ہذہ متانتلرینی محافظہ ایتمکدہ درلر . شوالیہ لری مالطہ دہ یرلشدکن
ولزومی قدر دونما تدارک ایلدکن صکرہ دائما اسپانیول وایتالیانلرلہ
برلکدہ حرکت ایدہ رک عثمانیلرہ قارشی تجاوزاتدن خالی قالمالز
وفرصت دوشوردکجہ گرک سواحل دولت علیہیہ وگرک عثمانلی
سنباغنی حامل سفائن تجاریہیہ ایصال دست تعدی ایلہ ایتقاع
مظالمدن گیری طورمازلرایدی . «ہامر» و «قیرہ یزی» گبی معتبراوروپا
مؤرخلری بیلہ خرسیتیان باندیرہ سی آئندہ وقوعہ گلن بو مظالمی
عالم خرسیتانیت ایچون ازالہ سی حقیقہ غیر قابل برلکہ اولمق اوزرہ
حکایہ ایلمکدہ درلر . فی الحقیقہ ، بونلرالرینہ گچیردکلری اسرای
اسلامیہ حقندہ خاطر و خیالہ گلمز درلو درلو اشکینجہ لریلہ ازا

وجفا ایلمکده اولدقلری جهته آرتق ملعتلری طاقترسا بر درجه‌یی بولش ایدی . حضرت پادشاه بوبال ویرمن آر یلرک حرکات مضرانه لرینی بر نظر دور بینانه ایله تفتیش ایدرک یکی پیدا ایتدکلری قووانلرندن ده قیشقیردملری لازم اولدیغنه حکم ایلمشدر : فقط دوام ایده گلمکده اولان اسفار شمالیه بوفکرک قوده قالمسنه سبب اولمقد ایدی . اردوی هایونک ویانه محاصره سندن عودتی صره لرنده ینه بوقورصانلر طرفندن امتعه نفیسه ومبالغ کلیه‌یی حامل بر عثمانلی تجار سفینه‌سی ضبط ومصادره قلنمش اولمغله ذات شاهانه‌ک آرتق دریای خشم وغضب بوسبتون جوش و خروشه گله‌رک بوخائنلرک قهر وتدمیری و جزیره لرینک تسخیری ایچون دونمای هایون احضارینی اراده بیوردیلر .

سلطان سایمان قانونی حضرتلرینک — فاتح وسایم قدیم حضراتی مستثنا طوتدقلری حالد — هیچ برجهانگیره نصیب اولیمان اقتدار عسکری وپولتیقلری ده برکره نظر مطالعه‌یه آله جق اولورایسه مالطه فتیحی حقنده کی نیت شاهانه لرینک ده ا فصل بر حکمت سیاسییه مبنی اولدینی کندیلکندن تعین ایدر ؛ چونکه ، مالطه جزیره‌سی برکره عثمانلی آله گچنجه جنوبی ایتالیا ایله سیچیلیه آطه‌سی علینه اجرا اولنه جق سوقیات عسکریه ایچون اس الحركات التخاذلینه نه درجه لرده الویرشلی بولندینی بالجمله افکار عسکریه اصحابینک تحت تسلیمنده اولمغله فن حرب و سیاست نقطه نظرندن حائز اولدینی اهمیت فوق العاده ایضاحدن مستغنیدر .

احضارینه اراده سنیه شرفتعلق ایدن دونما ایچون (۹۷۱ هـ و ۱۵۶۴ م) سنه‌سی موسم شتاسی ائناسنده استانبول لیماننده بر بیوک حاضرلق گورلمکه باشلادی . بو تدارکاتک نتیجه‌سی اوله‌رق ایلک بهاره قدر مختلف صنفدن (۱۸۱) قطعه سفن حر بیسه ایله

(۳۰) بیٹک نفر موجودلی بر منتظم اردو حاضر ومہیا ایدلدی . ترسانہ آنبارلرندہ حدسز، نہایتسز موجود بولنان مهمات ولوازمات متنوعہ ایلہ اودوردہکی ماهر عثمانلی مہندسلرینک اثر معرفتلی اولہرق وجودہ گتیرمش اولدقلری متنوع آلات حربیہدن دخی مع زیادۃ دونمای مذکورہ تحمیل ایدلدکن صکرہ حاضر بولنان عسکر دخی ارکاب اولنہرق (۹۷۲) سنۂ ہجریہسی شعبانی اواخرینہ مصادف اولان (۱۵۶۵) سنۂ میلادیہسی نیسانک برنجی گونی استانبول لیانندن حرکت ایتدیرلدی . بودونمانک بیوک آمیرالی حربیہ قہرمانی قپودان دریا مشہور «پالہ پاشا» اولوب ، عسا کر بریہ قوماندانی دخی دردنجی وزیر «مصطفی پاشا» ایدی . «خیرالدین پاشا» دن صکرہ شہرت شایعہ سیلہ آق دگزک ہرکوشہ سندیہ اجرای حکم ونفوذہ قادر اولان طرابلس غرب بککر بکیسی مشہور «طورغود پاشا» دخی قومانداسی آتندی بولنان قوۃ بریہ و بحریہ ایلہ اشبودونمایہ التحاق ایتک وبومشکل سفردہ برابر جہ ایفای حسن خدمت ایلکم اوزرہ مأمور قلنمش ایدی ؛ مع مافیہ ، بویلہ مہام امور بحریہ دہ سلطان سلیمان «حضر تلیرنک امنیت واعتمادی بالخاصہ سالف الذکر طورغود پاشایہ اولدیغندن گرک سردارک وگرک قپودانک پاشای مشارالیک رأی وتدیرندن خارج برایش گورمہ ملرینی دخی آریجہ ارادہ وتنبیہ بیورمشلرایدی . بری طرفدہ شوالیہ لرمالطہ افقنہ نہ درجہ لردہ کشافقلی فورطنہ بلوطلری بریکمکہ باشلادیغنی گورمش اولدقلرندن اولانجہ قوتلریلہ یکنی وطنلری بولنان بو آطہ نک استحکاماتی تزیدد واکمالہ چالشمشلر ومقصدلرینہ دہ موفق اولمشلردر .

مالطہ [لوحہ (۱۷)] جزیرہ سنک شمال شرقی جہتندیہ ایکی لیان موجوددرکہ ، بولردن اسکی شہری حاوی اولان بیوک لیان ، دیگرینہ [قرانتینہ لیانی] نسبتہ شرق جہتندیہ بولنانی اولوب ؛ مذکور لیان

نكده شرق ساحلی اوزرنده دگزه طوغری اوزانمش اوج عدد برون وارددر؛ واسکی شهر اورتهدهکی برونك اوزرنده كائنددر. مذکور برونكدها ایچ طرفده سانغل (Sangle) نامندهکی آطه جق گائن اولوب، اشبو آطه جق اوزرینه دخی استحکام انشا اولنمش ایدی. موسیت (Musceit) تعبیر اولنان غرب [قرانتینه] لیمانی ایله شرق [بیوك لیمان] لیمانی بربردن آیران ودگزه طوغری اوزانوب، حقیقش اولان سه بهراز (Seeberras) صرقي اوزرینه و مدخل نیانه ناظر بر نقطه ده دخی سنت المو (St. Elmo) اسمنده غایت متین بر برج انشا قلمشیدی. الیوم بو صرتك اوزرنده لاوالهت (La Vallette) شهری موجوددر.

وقوعی تقرب ایتمکده اولان عثمانلی محاصره سنده آطه بی محافظه و مدافعه ایده جك اولان عسكرك مقداری (۷۰۰) شوالیه ایله سائر بریه و بحریه عساکرندن و اسپانیا دولتی طرفندن گوندربان قوه معاوندن عبارت اولمق اوزره (۸۵۰۰) نفر ده موجود اولوب، اشبو ایکی قوه عسکرینه دن ماعدا اسپانیا دولتی طرفندن سیچیلیه و ایسنه اولنان امر و اشعار اوزرینه اوراچه دخی بر قوه معاونه ارسال ایچون فوق العاده تدارکاته باشلانمش ایدی. اسپانیوللرك عسکرچه معاونتلرندن باشقه سائر دول خرسیتیانیه طرفلرندن بریاردم وقوعه کلمه مش ایسه ده پایا جنابلری دخی (۱۰) بیك قراون اعانه تقدیه ارسال ایله سماحت خرسیتیانیه سنی گوسترمشدر.

هر نه قدر اروپا تاریخلری مالطه عسکرینك مقدارینی بوجه بالا (۹۲۰۰) نفردن عبارت اولمق اوزره ارئه ایلمکده ایسه لرده بزبو معلوماتی بر حقیقت تاریخیه اولمق اوزره تلقی ایده مه مکده یز؛ چونکه محافظه سی بر قوه کلیه محتاج اولان اصل مالطه حصارندن ماعدا سنت آنجلو (St. Angelo) قلعه سی، سنت المو برجی، سنت میشل

(Michael) طابیه سی، ده لاسانغل استحکامی گئی متفرق وجسم
مواقع عسکریه هپ بالاده مقداری مذکور اولان قوتله محافظه
اولندیغی صورتده هر مستحکم موقعك حصه سنه (۱۸۴۰) نفر اصابت
ایدركه، بومقدار عسكرك دكل برقلعه یی حتی بر پلنغهی بیله محافظه
عدم کفایتی درکاردر؛ مع هذا. امثال کثیره سیله مثبت اولدیغی وجه
اوزره هر وقعه ده عثمانیلره قارشی دشمنلرینك قوتی آز گوسترمك
ذاتاً خرسیتیان مؤرخلرینك تعصبری مقتضیاتندن اولدیغی بزجه ذره
قدر اشتباهی دعوت ایلمین حائقنددر؛ بنابرین، بوقعه ده دخی
مؤرخین خرسیتیانیه عادت قدیمه لرینه اتباعاً دشمنك مقدار یكونی
حد صحیحندن دون گوسترمکله کتم حقیقت وادیسنه صامشدردر؛
حاصل کلام، گرك موقعك مناعت طبعیه سی وگرك وجوده گتیریان
استحکاماتك متانت فوق العاده سی مالطزلر ایچونك بیوک براستناد-
گاه اولدیغی گئی یدلرنده بولنان اسلحه نك دخی غایت مکمل اولمی
قدرت مقاومتلرینك برقات دها تزیدینه خادم اولمشدر؛ خصوصیه
بو مشهور محاصره دن یدی سنه مقدم شوالیه لره «دی لاوالهت»
نامنده شجاعته معروف بر فرانسه سلاشورینك (گران متری)
نصب ایدلمش اولمی ده معناً قوتلرینی تزیده باعث اولمشدر.

عثمانی دونماسنك تقریبی خبری مالطه (گران متری) سنه ایصال
اولندیغی زمان مرقوم، شوالیه لری کلیسایه جمع ایله آنلره خطاباً
زیرده کی سوزلری سویلمشدر:—

«ایشته برعظیم دشمن اوزریمزه ییلدیرم گئی گلیور! شو ایلمزده کی صلیب
بو منکرلرک آیقلری آلتنه دوشمك جناب اه طرفندن تقدیر اولمش ایسه بیله
بو اوغورده ینه فدای جان ایتکدن گیر ی طور ماملیز! بو اوغورده بزل جان
ایدن سعادتلی بر اولومه نائل اولور! بوشرفه نائلیته کسب استحقاق ایچون
محارب لرده قورقورلیمیزی ازاله ایدمك ویزی اصلاً مغلوب ایتیمه جك اولان
عهد ویمینیزی کلیسامز مخربنده تکرار ایدم !!!»

بوسوزلره قارشی قرداشلر کمال درجه اطاعت اماره لری گوستر-
دیلر و (عشمای ربانی) آیینی اجرا ایله عهد و میمنلرینی تکرار
ایلدیلر؛ وینلرنده اولان برودت وعداوتدن صرف نظرله محاربه نك
ختامنه قدرهیچ خاطرلرینه ذوق وصفای گتیرمه جکلرینه وقانلرینك
صوك طامله سنی دوكونجه یه قدر میدان حربی ترك ایتیمه جکلرینه عهد
و پیمان ایلدیلر .

بزم شوسوزلری بورایه درج ایتکدن مقصدمن برطاق اشقیانك شناسنه دلائلق
ایتك فکریله اولموب * مجرد وقتیلله عثمانلیرك قلوب خوستیانییه نه درجه لرده
القای دهشت الیش قهرمانلر اولدقلرینی گوسترمك ایچوندنر : یوقسه بو گبی
سوزلرك حد ذاتنده هیچ اهمیتلری اولدیغنه وبریأس و تعصب شدید الجاسیله
تقوه اولنش برطاق دکر سز سفسطه لردن عبارت بولندیغنه هر کسه برابر بزدخی
قانعز .

(۱۵۶۵ م) سنه سی مایسنك (۱۹) نجی و (۹۷۲ هـ) سنه -
سی شوالنك (۲۰) نجی گونی عثمانلی دونمئاسی مالطه صولرینه
گلدی . قیودان پیاله پاشا طرابلس بکک بکیسی طورغود پاشانك
وصولدن مقدم حرکات عسکریه اجراسنه بدأ اولتماسی جهتی التزام
ایلدیکی حالده سردار مصطفی پاشا لزومسز برغرور ایله وصوللرینك
ایرتسی گونی عسکری جزیره نك جنوب شرقیسنده کی مارسا سیروقو
(Marsa Scirocco) لیمانه بالاخراج قارشیلرینه چیقان یدی سکر
یوز نفر قدر زرهللی شوالیه عسکرینك هجوملرینی دفع ایتدکدن
صکره ایلرلیه رك (سنت المو) برجی محاصره ایتمك تشبته ابتدار
ایلدی . بو موقع [سه به راز صرتی] غایت صرپ قیالقدن عبارت
اولدیغی حسیدله عثمانلی مهندسلری یاپیله حق مترسلرک انشاسی خصو-
صنده پك بیوك مشکلاته تصادف ایلدیلر ؛ فقط فکر ایجادده اولان
قوت هر مانعه غلبه ایتك خاصیتی حائز اولمغله عثمانلی مهندسلری ده
بوراده اوقوته مراجعتله سطح خارجیلری صمانله یوغورلمش چامورلرله

صیوالی اخشابدن متحرک و بر آدم ارتفاعنده سپرلر انشا ایدهرک مذکور برجک شدتلی آتشلرندن محاصرین عثمانیهی مهمما ممکن محافظهیه موفق اولدیلر .

طوپراغه صمان قارشدرمقدن مقصد سپرلرک اوزرلرندن دوکلههسی ایچون اولوب ، سپرلری طوبراقله صیوامق دخی محضنا دشمنک اوزاقدن لایقیله تشخیصنه مانع اولسون وقوه مقاومتلری ردها زیاده بولسون ایچون ایدی .

محاصره نك بداندن بش گون مرورنده عثمانلی آمیراللرندن « اولوج علی بك » یارم فیلو [۶ قطعه] دونما ایله اسکندریه دن موصلت ایلدی . [بومشهور ذات اوروپا تاریخلرنده « اوشیال » (Ochiale) نامبله معروفدر] ویدنجی گونی (۱۳) پاره قادرغه دن مرکب اولان طرابلس دونماسیله « طورغود پاشاه دخی محل معرکه یه یتشدی . بواختیار آمیرال — برولایتک مرکز اداره سی فتح اولندیغی حالده سائر طرفلری سهولتله اله گیره جکی گبی ، عکسی تقدیرنده دخی توابعی ایله اوغراشماق عبثه اشتغال قیلندن اوله جنی قاعده اساسیه نه استناداً — يك نظرده سنت المو محاصره سنه شدتله اعتراض ایدهرک بوراسنك شهر آلتدقدن صکره کندی کندینه دوشه جکنی بیان ایلدی ایسه ده بر کره ایشه باشلانمش اولدیغندن آرتق ایستر ایسته مز بر نتیجه استحصال اولنتجهیه دکین تضییقنه دوام اولندی . طورغود پاشانك امر وتنسیبله مذکور برجه حاکم اولان نقاط سائریه یکیدن برطاقم استحکامات انشا اولنهرق محاصره سی شدتلندیرلدیکی گبی موسیت لیمانك غرب ساحلنده وتمام مذکور برجک مقابلنده بولنان برون اوزرینه دخی براستحکام انشا ایتدیردی . بواستحکامك انشا اولندیغی برون الحاله هذه مشارالیه آمیرالك نام عالیه نه نسبتله « دراغوت » برونی یاد اولنقده در . عثمانلی دونماسی دگزر جهتده کی مالطز مواقع مستحکمه سی اوزرینه طوپ ایشاتمکه باشلادیغی گبی قره یه چیقاریلان

(۳۶) قطعه آغر طویلرله دخی مواقع مذکوره اوزرینه دیگر جهتسدن یاغموور دانه‌سی گبی مریمات یاغدیلمغه ابتدار اولندی ؛ خصوصیه طورغود پاشانک کندی نامه منسوب اولان برون اوزرینه انشا ایتدیردیکی استحکامدن انداخت اولنان مریمات سنت‌المو برجنه بر صورت مدهشه ومهلکده اجرای تأثیرات ایلمکده ایدی . بری طرفده مالطزلر دخی شجیعانه مدافعه‌ده بولمقده ایدیلر . عثمانیلر صرفدن آردلقده بر ، بر غیرت فداکارانه ایله تاسنت‌المو برجنک خندقلری کنسارینه قدر صوقیلوب ، اوزون نردبانلر قوریلهرق بدنلری اوزرینه شدتلی هجوملر وقوعه گتیرلمکده اولدیغی گبی مالطزلر طرفدن دخی بوهجوملری ثمره‌سز براقق ودائما ایلرلمکده اولان مترسارک تقربلرینی منع ایتک خصوصنده فوق‌العاده غیرت مشاهده قلمقده ایدی . سیجیلیه والیسی طرفدن حزیران واسطنده گوندربله . جکی وعد اولنان امداد عسکرینک شوهنگامده غایت ایشه یارایه جنی درکار ایدی ؛ چونکه ، اوگده کی طایبه‌ده بولنان شوالیهلر عثمانلی آتشارینک پک زیاده شدتلی اولدقلرینی واستحکاملرینک فنا حاله گلمکده بولندیغنی و آرتق مقاومتیه امکان قلمدیغنی بر صورت قطعه ومتأسفده « لاوالهت » ه بیان ایلدیلر . بواشتکایه قارشی مرقوم دخی جواب اولمق اوزره هرکس ایچون بولندیغنی نقطه‌ده وظیفه‌سنی ایفا ایدهرک اولمکدن باشقه چاره اولمیدیغنی سویلمشدر . بو ائنده فی‌الحقیقه ، عثمانیلر سنت‌المو حصارینی مدافعه ایدن خندقک برجهتدن کناریته قدر سیرلرینی ایلریلده‌رک مذکور خندقک بر قسمنی بیله ضبطه موفق اولمشرایدی ؛ فقط غایت عمیق اولدیغدن بردرلو طو . لدرلمسی ممکن اوله‌مدی . بوجهته برمناسب یرندن یاروب ، ایکی طوب یرلشدیره‌رک حصارک بدن دیوارینی تملندن دوکه‌دوکه بر آدم صیغه‌جق مقداری بردلیک آچغه چالشدیلر ؛ وموفق اولدقدن صکره مذکور

دلیکی بیوتمک اوزره بر قاج ماهر نقابلر بر قاج گونلر چالشه رق
مطلوب نسبتده توسیع ایلدیلر؛ بعده اون قطعه قادرغه آناستونلری
کتیریلوب، بر نهایتلری بو آچیلان یووالره و دیگر نهایتلری خندق
کنارینه بندیریلرک بو وجهله بر موقت کوپری وجوده کتیردیلر؛
وبو کوپری قوریلان محکم اوزرینی، یعنی حصار دیوارینی متعدد
طوبلرله دوکه دوکه هجومه مساعد برگدک آچغه موفق اوله بیلدیلر.
بوندن باشقه گیجه گوندوز بلا فاصله ایشلدیلان طوبلرک تأثیرات
مخربهلرله سنت المو بر جنک قره طرفنده کی دیوارلری یارلمش ودها
بر طاقم گدکلرده آچیلمش ایدی.

گرک سالف الذکر کوپریدن و گرک آچیلان گدکلرک مهمما امکن
دخوله مساعد اولانلرندن ذی الحجه نك (۱۷) سنه مصادف اولان
حزیران افرنجینك (۱۶) نجی گونی طورغود پاشانك امر و تنسیبله
بر هجوم عمومی اجرا اولته رق اوزون نردبانلر اوموزلرنده اولدینی حالد
عسکر بدنلره و خندق کنارلرینه قدر صوقولدیلر و سالف الذکر گدکلردن
ایجری به قدر گیردیلر ایسه ده بدنلرک آرقه لرنده و گدکلرک آغزلرنده بولنان
شواله لر اللرنده کی اوزون مزراقلر و بالطه لرله جانلی بر دیوار شکند
بکلیه رک اللرنده یالین خنجر کمال شدتله کندیلرینی بودلیکلردن ایجری
آتمقده اولان عثمانی دلاورلرینی قارشیلایوب، بر خیلی قانلی مقاتله
و کشمکش اجرا سندن صکره بو هجومی نتیجه سز بر اقمه موفق اوله بیلدیلر؛
چونکه، سنت آنجلو و سنت میشل بر جلرندن فوق العاده شدت
و سرعتله انداخت اولنان مرمیات مهاجمله قارشى پک زیاده اجرای
تأثیر ایلمکده اولدینی گبی بو آتشلردن قورتولوب ده حصارک خندق
گیچن و تا بدنلره قدر صوقولانلر ایچون دخی داخلنه گیره بیلیمک اوزره
آچیلمش اولان گدکلر پک ده دخوله مساعد اولما مقوله عساکر عثمانیه

سرعت و سهولت و باخصوص جمعیتله ایجریه گیره مدکر نندن بومانعه لر مدافعلرک تأمین موفقیتلرینه پک بیوک یاردم ایلمشدر.

حاصل کلام، محاربه صباحدن باشلاوب، آلتی ساعت دوام ایتمکدن و مهاجملر (۲۰۰۰) نفر شهید ویردکدن صکره گیریه چکدیلر. هر نه قدر اوروپا تاریخلری مقدارینی بیان ایتورلر ایسه ده عثمانلی مؤرخلرینک سوزلرینه گوره مدافعلر دخی بوکوا یقین ضایعاته اوغرامشلر ایدی. بو هجوم مشوم ائناسنده سنت آنجلو برجدن انداخت اولنان مریمات مهاجملره پک زیاده خساری موجب اولمغه ضرورغود پاشا مذکور برجه مقابل بر استحکام انشاسی لزومنی سرعسکر پاشایه اخطار ایله مذاکراتده بولندقلری صروده ینه او برجدن آتش ایدیان بر طوپک دانه سی طورغود پاشانک یقینده بولنان بر قیایه چارپوب. مذکور قیای پارچه لش و بو پارچه لر دن بریده پاشای مشارالیهک باشنه اصابتله جریحه دار ایدهرک آغزندن، برونندن، قولاقلرندن فیشقیران قانلرله ملمع اولدینی و کندنندن گچمش بولندینی حالده همان طور دینی یرده سربلی و یرمشدر. حیفاکه، عثمانلی بحریونی میاننده وجودیله افتخار اولنان او امثالسز و شانلی اختیارک بو جریحه عاقبت موجب شهادتی اولدی. فی الحقیقه. جریحه دار اولدقدن صکره بش گون ده ایشادی ایسه ده بو مدتی بر حال احتضار ایچنده گچیروب، کندینه مالک اوله مامشدر. بوقضای ناگهانینک وقوعی اوزرینه پاشای مشارالیه — سردارک امریه — دوشدیکي محلدن قالدیرلیوب، اوزرینه بر قاپوط اورتوله رک صوک امری اولان استحکامک تنسیبی وجه اوزره انشاسنه باشلانلدی؛ و تمام اولنجه یه قدر سردار دخی موقع مذکور ی ترک ایلمدی. پاشای مشارالیهک فاجعه ارتحالی ایکنجی بر هجوم اجرا اولنه جفی گونک صباباحی شفق وقتی وقوعه گلوب، بین العساکر پک بیوک بر حزن و یاسی موجب

اولمشر . نعلشی احتفالات لازمه ایله قالدیریلوب ، معیتی فیلسندن بر قادرغیه ارکاب و (۴) قادرغه دخی رفاقتنه تعیین اولندقدن صکره طرابلسه اعزام ایدیلهرک اوراده احیا کرده سی اولان نام عالیه منسوب جامع شریفک خطیره سنده ودیعه رحمت قلندی .

طورغود پاشانک شهادتی اخذ ناری عثمانلیلر طرفدن شدتلی بر صورتله وقوعه گتیرلدی : — شویله که ، ماه مذکورک (۲۳) نجی گونی ایکنجی و فقط غایت دهشتلی وسوروکلی بر هجوم عمومی ایله سنت المو بر جنک ضبطنه موفقیت حاصل اولدی . دروننده بولنان محافظلر هر نه قدر صوگ درجه ده ثبات ایله مدافعه و مقاومت گوستردیلر ایهده دگر جهتنده (۱۰۰) قطعه قادرغه بردن دشمن استحکاماتنک شدتلی آتشرینه قارشی گوکس گره رک مالطه حصارندن گلن امداد یولنی قطع ایلدکن باشقه ، عثمانلی یورکلرینی « طورغور » گبی عسکرلک عالمنده امثالنه نادر تصادف اولنور بر قهرمانک شهادتندن متحصص جرایح بی التیام ایله داغدار ایلین بر حس انتقام هر مانعی اقتیحامه سوق ایتمکه عاقبت مهاجمین او متین بر جک ایچریسنه قدر گیردیلر ؛ ومدافعلردن بر نفر بیله قورتولماق اوزره بر قسمنی قلیچدن گچیر-دیلر ؛ بر طاقلرینی ده اسیر ایلدیلر . بو دهشتلی مقاتله ده (۳۰۰) شوالیه و (۱۳۰۰) مالطه عسکری ایله (۸۰۰۰) عثمانلی عسکرینک هلاک اولدینی اوروپا تاریخلرینک روایات غیر محقانه لرننددر ؛ حال بوکه ، عثمانلی مؤرخین مشهوره سی میساننده طوغری سوزلیله که اشتهار ایلمش اولان « کاتب چلبی » مرحوم بو حادثه بی یازدینی صره ده هر نه قدر طرفیندن وقوعه گلن تلفاتک مقدارینی تصریح ایلمیور ایهده مقتولیندن ماعدا (۱۴۰۰) نفر اسیرک دخی ید عثمانیانه گچدیکنی یازیور ؛ وینه بو صنف معتبر مؤرخلریمزدن « صولاق زاده » دخی بو وقعده عثمانلیلرک پک چوق تلفاته اوغرامش اولدقلرینی اقرار

ایلدیکی گبی دشمنك ضایعاتی ده همان بو مقداره قریب اولمق اوزره
گوسترمکده در. ایشه بویکی عثمانلی مؤرخنك شهادتلی خرستیان
مؤرخلرینك افاده لرنده کذب و مبالغه اولدیغنی میدان قویقمده در.

فی الحقیقه. مهاجرلک مدافع لردن زیاده خسار دیده اولدجق لرینی طبیعت مصلحت
دخی اثبات ایدر ایسه ده بی طرفانه واعتدال دم ایله بیان حقیقت ایتك یولی وار
ایکن تعصب فورطنه سنه طوتیه رق باش دونک لکی ایله عقلاک ونسبتك قبول
ایله جکی بر مبالغه بی ده حقیقتدر دیه انظار عامیه قویقمده محبوبیتدن باشقه بر
نمره یوقدر.

سر عسکر مصطفی پاشا ضبطنه موفقیت حاصل اولان مذکور
سنت المو برجنك بدنلری اوزرینه حقیقه رق اطرافی نظرتفتیشدن
گچیردیکی صروده قارشیسنده کمال عظمتله عرض اندام ایدن اصل
بیوک قلعه ودها سائر استحکامات متینه به باقوب، بونلره نسبة ایکنجی
درجه ده قالان بربرجنك تسخیری اوغورنده فدا ایدیلن قوه عسکر.
یهی نظر دهشتی اوکنه آله رق هنوز ایفا ایدلمه مش دهانه قدر بیوک
بربورجی قالدیغنی مطالعه به مجبور اولمشدر؛ فقط نه چاره که، حرکات
خود سرانه سی سیئه سیله برک ره ایشه ترس جهتندن باشلامش وعسکر.
جهده خیلی تلفاته اوغرامش اولدیغندن آرتق ارگچ دوچار اوله جنی
مسؤولیت شیدیده دن قورتوله بیلیمك ایچون بیوک برایش گورمك
خلیاسنه دوشه رك قلعه ایله استحکامات باقیه علیه نه دخی اجرای حرکاته
قرار ویرمشدر. بونك اوزرینه اردوده بولنان اسرای خرستیانیه دن
برینی — تسلیم اولملری تکلیفنی تبلیغ ایتك وگله جك جوابدن
دشمنك احوال وافکارینه مهما ممکن کسب اطلاع ایلیمك ایچون —
شوالیه لرك رئیس «لاوالهت» ه ارسال ایلدی. رئیس مرقوم دخی
عثمانلی قوماندانك سفارتله نردینه ارسال ایلدیکی ذاتی برابریه آله رق
قلعه نك غایت عظیم اولان بدنلری اوزرنده طولاشدیروب، زیرنده کی
عمیق خندق لری ارائه ایله «سر عسکره سویله! بنم اوله ویره هلم بریالکن

بوراسیدر! هدی بقیام! یکی میریلید کلسین ده ضبط ایتمسین!« دیمشدر .
وارد اولان بوجواب بارد اوزرینه عثمانلی اردوسی طرفندن سنت المو
برجی و سه به راز صرتی ایله دیگر مواقع مناسبه تعیه قلنان طوپلرله
گرك (بورق) تعبیر اولنان قلعه و گرك (دی له سانغل) برجی اوزرینه
غایت دهشتلی آتشلره باشلانیلوب ، ایلولاك (۱۱) نجی گونه قدر
بواسلوب اوزره محاصره و تضییقاته دوام اولندی . مدت مذکور
ظرفنده اونی بیوك و دیگرلری كچوك اولق اوزره يك چوق
هجوملرده وقوعه گلدی . گرك هجوملر ، گرك مدافعلر طرفیندن
صوك درجه شدت و متانتله اجرا اولندی . بومیانده خیرالدین پاشانك
اوغلی و طورغود پاشانك دامادی اولان جزایر بكار بکیسی «حسن پاشا»
دخی بر كچوك فیلو ایله محل معرکهیه مواصلت ایلمش ایدی . بو ذات
گرك پدرینك و گرك قائم پدرینك ابقای نامی ایچون دی له سانغل
برجی اوزرینه برأ بر هجوم اجرا ایتك فیکرنده بولمغله سرعسكر پاشا
طرفندن معیتته (۶۰۰۰) نفر ترفیق اولنه رق برج مذکور اوزرینه
سسوق ایدلمش وقوت الظهر اولق اوزره جزایر قادرغعلری دخی
رومدن دوئم «قاندیلزا» (Candelissa) نامنده براختیار (قودور)
قومانداسیله لیاندن ایچری گوندرلمش ایسهده بر نتیجه حسنه استحصاله
موفقیت حاصل اوله مامشدر؛ یعنی حسن پاشا آنجق (۵۰۰) نفرله
عودت ایده بیللمش ، گمیلر دخی خیلدیجه ضایعاته اوغرامشدر .

بویله بر هجومك اجرا اولندیغنه دائر عثمانلی تاریخلرینك هیچ بریسنده بر قید
یوق ایسهده اروپا تاریخلرنده مذکور اولسنه بناء وقوع بولش نظریله باقیله بیلیر؛
فقط اردوی همایونده بر مخبرلری ویا سائر مأمورلری بولتمسزین (۶۰۰۰) نفر
مهاجدن آنجق (۵۰۰) نفری دونه بیلش اولدیغنی صانكه جنازه لری صاعشجه سنه
اوكره نوبده جریده وقوعاتلرینه قید ایدن خرسیتان مؤرخلرینك مدافعلرك ده
تلفاتی مقدارینی بیللری و گوسترملری مقتضی ایكن بوجهتی مسكوت بر اقلرینه بیلیم
نه معنا و یرمك لازم گلیز؟ ایشته شو وقعه دخی عثمانیلر حقنده کی کین وعدا -

وتلرینه پاك گوزل برمشال اوله جنی جهته بزم ایچون اوزون اوزادی به مطالعه بیانه حاجت بر اقامشدر .

حاصل کلام، هر ایکی طرف کده صرف ایتدکاری غیرتلی، ابراز ایلدکاری قهرمانلقلردن طولای یکه دیگرینی تحسین ایتمه مک اللرندن گلمدی؛ فقط بو شجاعتلر وقهرمانلقلرینه ایکی طرفدن ده اجرا قلان شداند ایله قیمتدن دوشورلمشدر؛ از جمله: سرعسکر پاشا دشمن یدنده کی ساحل اوزرنده انشا قلنمش اولان بر شرانیولک عسکره زیاده مضرت ایراث ایتمکه اولسنه مبنی تخریبی ایچون دونمای هایون افرادندن منتخب، بر طاقم ماهر طالعجلی بالطه لرله تسلیح ایدهرک یوزه یوزه قارشیه گچمک اوزره سوق ایلدکی صره ده بولره قارشیه «لاوالهت» دخی مالطزلردن انتخاب ایلدکی بر طاقم طالعجلی ارسال ایله صو ایچنده بر عظیم مجادلّه خونریزانه وقوعنه سبب اولمشدر. گرک مالطزلرک عددجه زیاده اولسی و گرک عثمانلی طالعجلرینک دشمن آتشنه هدف اوله حق درجه ده مذکور ساحله تقرب ایتش بولنسی عدم موفقیتلرینی موجب اولغله بالآخره رجعته مجبور اولمشلردر. اردوی هایون افرادینک بویه بالدفعات وقوع بولان نتیجه سز هجوملرله دوچار اولدینی تلفات استکثار اولنه حق درجه بی بولش وبوجهته عسکرک شوق وغیرته کسل طاری اولش بولندینی گبی پیاله پاشا دخی طورغود پاشایه شبیه بر مردچنک آزما ایکن سردار آنک طرفه التفات ایتمه رک قولنده بولنان غزاة ولونداته باقدینی و سائر عسکری ترقیلر و بخششلر ایله تلطیف وتشویق ایلدکی حالده بحریه عسکرینی بولطفدن محروم بر اقدینی جهته قبودان پاشاده منکسر الحاطر اوله رق آرتق کندیسنه مراجعت ایتمز اولش وبوجهله میانه لرینه نفاق و برودت دوشهرک کیفیت مذکوره دخی

بوسبتون عدم موفقیتی انتاج ایلمشدر . حال بویله ایکن سیجیلیه والیسنک ارسائی درعهده ایلدیکی قوه امدادیه نك دخی ایلول ابتدا لرنده وصولی خبری بین العساكر شیوع بولمش اولمغله آرتق بویکیفیت ده امیدك بوسبتون انقطاعه سببیت ویرمشدر . هر نه قدر سیجیلیه دن گنل امداد عسکری (۸۰۰۰) نفر دن زیاده دكل ایدیه ده عثمانیلر بیننده انتشار ایتش اولان اراجیف بوعسكرك مقدارینی پك مبالغه لی بر صورتده گوسترمشدر .

سیجیلیه دن گنل عسکری حامل اولان دونمائی جزیره یه یناشدر ماق دونمائی همایون ایچون ممکن ایکن منی تشبثنده بولنالمش اولسی بر قصورگی ظن اولنور ایه ده لایقلیجه دوشونلیدیکی صورتده مؤاخذه یه محل قالماز ؛ چونکه ، مالمه اوزرینه سوق اولنان عثمانلی اردوسی آنجق (۳۰۰۰) نفر دن عبارت اولوب ، تعیین اولندیغی خدمتک پك زیاده حائز اهمیت اولسی ، یعنی تسخیرینه مأمور بولندیغی مواقع عسکریه نك متانت فوق العاده لرله برابر یکدیگرینه حاکم وآرهلری دگزگی مهوری مشکل بر مانعله آیرمش بر طاق قلاع واستحکاماتدن عبارت بولنسی گوزاؤکنه گتیریلنجه سالف الذکر اردونک یالگز باشنه بالطبع هیچ برایش گورمه جکنه بناء دونمائی همایون افراد عسکریه سنک دخی قسم کلیسی قیودان بیله پاشا قومانداسیله قریه سوق اولنهرق مستقل بر قول تشکیل ایداش وبر جهتک امر محاصره منی دخی بو قول اردویه حواله قلنش ایدی . هر نه قدر سردار ایله قیودان پاشانک آرهلرنده بر منافرت شدیدنه نك اجرای احکام ایتکده اولندیغی یوقاریده بالمناصبه عرض ایلش ایدیه کده بویکیفیتک ناموس دولتی اخلال ایده جک درجه لرده اردو ویا دونمائی همایونک بیوک بر تهلکیه دوجار اولسنه قدر واردریسی ایکی طرفه ده بالطبع آرزو ایدیلر حالاتدن اولمغله بو منافرتک اثباتی صد دنده بولندیغمن ماده حقنده هیچ بر تأثیر مضری اولممشدر . ایشته عساكر بحریه نك بولندقلری خط محاصره دی ترک ایله گمیلره چکلمسی وگنل دونمائه قارشى سوق ایدلسی جزیره ده قالدجق اولان جزوی عسكرك بوسبتون تهلکده بر اقلسانی انتاج ایلیه جکی جهته ممکن اوله مامشدر ؛ معافیه ، دشمن دونمائی دخی ناگهانی بر صورتده وکیجه لین جزیره یه تقرب ایدرک حامل اولدیغی عسکری جنوب جهتنده کی لیمانه اخراج ایله عودت ایلشدر .

قالدی که ، عساكر بحریه نك قریه اخراج اولنمنده ملحوظ اولان منافعه

معادل و بلکه ده دها بیوک بر مضرتك حصوله گلمسی وارد خاطر اولدیلیلر .
اشبو خاطره دخی خارجدن هجوم ایدجك بر دشمن دوئماسنك عسكردن خالی
بولدینی دونمای همایونی غرق و حرق ایله جزیره‌ده کی اردوئی یا تسلیم اولوق ویا
آچلقدن قیرلق گبی ایکی بیوک تهلكیه الفایتمسی کیفیتندن عبارتدر . بو مطالعه
پك مصیب ایسه ده دونمای همایونك همان کافه‌سی عسکردن تخلیه ایدلمش اولموب
دائماً لیانلرك مدخلنی محافظه به مقتدر بر قوه مفروزه‌نك خارجده بولندیرلدینی گبی
بر طاقم سریع السیر (قیرلانغج) لری دخی لیانك بش ، اون میل خارجنده و مختلف
جهتلرنده متدایاً طولاشدیره‌رق خارجدن هجوم قصدنده بولنه‌جق بر دونمانك
ورودینی — لیانه قبل التقرب — دونمای همایونه اخبار ایله برنجی فرقه‌نك
گلن دشمنی قارشیلایق اوزره حرکت ایلسنه و او ائنده قرده بولنان عسكرك
دخی منسوب اولدق‌لری گمیلره گیره‌رك ایکنجی واحتیاط فرقه‌سنی تشکیل ایله
برنجی فرقه‌نك آرقه‌سندن عزیمته مهیا بولنسنه میدان قازانمش اولمغله عساکر
بحریه‌نك قرده استفاده‌لری خصوصنه مانع اوله‌بیلجك هیچ بر تهلكه قالماشدر .

جزیره‌یه یگیدن بر قوه کلیه‌نك دخولیه دشمنك کسب تقویه
ایلمسی وشتانك تقریبه برابر مهمات ، ارزاق ، جیخانه‌نك توکنمك
اوزره بولنسی گبی غیرقابل اقتحام برطاقم موانع قویه‌نك ظهور یافته
اولسی عثمانیلر ایچون محاصره‌نك تمیدیخی ممکنسنر بر حاله گتیرمش
اولمغله ایلول افرنجینك (۱۱) نجی گونی رفع محاصره ایله جزیره‌ده
بولنان عسکری گمیلره آله‌رق عودته مجبوریت حاصل اولدی .
اوروپا تاریخلرینك روایتلرینه گوره آغر طوپلردن بعضلری ده ترك
ایدلمش اولدینی حالده عسکر گمیلره گروب ، آطه‌دن تباعده باشلا-
دیلر . ینه تواریخ مذکوره‌نك روایتلردن آکلاشلدیغنه نظراً بو
محاصره‌ده عثمانیلر (۲۵) بیك و مالطزلر (۵) بیك کیشی ضایعاته
اوغرامشلا ایش ! حال‌بوکه ، دونمای همایون آطه‌دن تباعد ایتدکدن
صکره طیشاریده ترك ایلدیکی طوپلری استحکاماته نقل ایتك خدمتده
استخدام ایچون مالطه (غران‌متری) سی «لاوالهت» ك آنجق (۶۰۰)
کیشی قدر آدم بوله بیلمش اولدینی ده تواریخ مذکوره‌ده مقیددر .

بو حسابجه مالطزلرك ضایعاتی (۵) بیگدن زیاده اولمق لازم گلیور ؛ چونکه ،ینه بوتاریخلرك ابتدای محاصره ده (۷۰۰) ی شوالیه اولمق اوزره مالطزلرك قوه عسکریه لری مجموعنی (۹۲۰۰) نفر قیدایتملرینه ، محاصره رفع اولندقدن صکره دخی طوپلرك قلعه لره نقلی خصوصنده قوللانیلان عسکرك مقدارینی (۶۰۰) نفر قدر گوسترملرینه نظراً — مؤخرأ سیچیلیه دن گلن (۸۰۰۰) نفر عساکر معاونه حسابه ادخال ایدلمدیکی حالده بیله — یکوندن ، صکره کی مقدار تنزیل ایدیلنججه مالطزلرك ضایعاتی (۸۶۰۰) و سیچیلیه دن گلن عسکرده حسابه قارشیدریله حق اولور ایسه اووقت مجموع ضایعات (۱۶۶۰۰) نفر اولمق اوزره میدانه چیقارکه ، بو حقیقت خرستیان مؤرخلرینک هروقه ده اولدینی گبی بووقعه ده دخی التزام دروغ ایلمش و عثمانیلره قارشى عداوتله قلم یوروتمش اولدقلرینی اثباته کافی بر دلیل غلنیدر .

دونمای هایون طرفدن مالطه نك ترکی حوادثی استانبوله واصل اولدینی زمان « سلطان سلیمان قانونی » حضرتلری دخی صوڪ سفری اولان اوستریا محاربه سنه حاضر لمقده ایدی . ایشته سلطان سلیمان اوستریا اوزرینه بالذات حرکات عسکریه اجراسنی تصمیم ایلمش اولدینی جهتله مالطه یه بر ایکنجی دونما سوقی تشبثده بولنما مشدر . اکر بو اوستریا وقعہ سی ظهور ایتمه مش اولسه ایدی ، همه حال بر ایکنجی دونمایله بالذات مالطه یه قدر اختیار سفر ایدهرک جزیره نك فتحنه موفق اوله جنی محقق ایدی . بوایله بر حقیقتدرکه ، گوزلری غرض پرده سیله اورتولمش اولان بالجمله خرستیان مؤرخلری بیله اظهر من الشمس اولان بو حقیقت محضه یی بر درلو انکاره جرأت آله مامشدر .

دونمای هایونك استانبول لیمانه وصولی اوزرینه سلطان سلیمان حضرتلری طرفدن بالذات عدم موفقیتك اسبابی تحقیق

ضمننده بو سفرده موجود اولان امرای عسکریه یکان یکان استجواب اولنه رق یالگز سردار پاشانك خود سرانه حرکتی وقپودان پاشا ایله معیتی عساکرینه قارشی معاملات غیر لایقه سی، خلاصه، اتحاده عدم رغبتی نتیجه سی اولدیغنی آکلایوب، گرک خزینه دولتك بیهوده یره ضیاعنه سبب اولمسنه و گرک هیچ بر فائده یی منتج اولمیه رق عسکرجه بر خیلی تلفاتك وقوعه بادی بولمسنه مجازاة مصطفی پاشای وزارتدن عزل ایله تأدیب وامثالی تهریب ایتك اصابتنده بولمشلردر.

ساقز (Scio) آطه سنك ضبطی — جزیره مذکوره آرشیپل

داخلنده بولنان جزائرک الگوزلارندن بریدر. آسیای صغرادن (۷) میل بعد ومسافهده وازمیر گورفرینك مدخلنده کاش اولوب، طولی (۳۲)، عرض اعظمی (۱۸) میل، مساحه سطحیه سی دخی (۴۰۰) مربع میل اوله رق تقریباً (۳۸۰۰۰) نفوسی حاویدر. مقر اداره سی ساحل شرقیسی اوزرنده و تقریباً (۱۸۸۰۰) نفوسی حاوی اولان جسیم بر شهر اولوب، (قاسترو) [قلعه] نامیه معروف و مندی رکه محفوظ صنعی برلیمانی ده موجوددر.

ذاتاً بوجزیره شرقی روما دولتنه تابع ایکن ونیدیکلیر طرفندن ضبط اولنش وبلا آخره یعنی (۱۳۴۶ م) تاریخنده جنویز لر بیدنه کچوب، عادتاً بر صورت مستقله ده اداره اولنه گلمکده بولنش ایکن سلطان محمد خان ثانی حضرتلرینک استانبولی قحی اوزرینه مدلی ودها سائر صورت مستقله ده اداره اولنان جزیره لر مثالی بو دخی عثمانلی خراجگذارلغنی قبول ایله نوعما استقلالنی محافظه مه مقتدر اوله بیلش ایدی. سلطان سلیمان قانونی دورنده جنویز اصیلزادکانندن اون ایکی نفر رئیسک تحت نظارتنده اوله رق عادتاً بر جمهوریت طرزنده اداره اولنقده وهرنه قدر صورت رسمیه ده دولت علیه حایه سی آلتنده بولنقده ایدیه ده رؤسای مرقومه نك بوتبعیتلری محضاً استقلاللرینی محافظه ایچون لفظی مراد بر تبعیت اولوب، بوقسه حقیقته ده دائماً دولت علیه نك زیاننه حرکت ایتکی کندیلرنجه برمسلك اتخاذ ایشلر واوروپا دول خرسیتیانیه سیله مخبره دن خالی قالمیه رق دولتك آق دگزه سوق ایلدیکی دونتالره دائر معلومات مکمله ویرمک ونه طرفه سوق اولنق اوزره حرکت ایتدیلر دکلی خبر ایتك وفرصت دوشوردکجه مصره آمد وشد ایدن عثمانلی سفائن تجاریه سنه ایصال گزندوخسار ایلک گی شقاوته

دوام ایتمکده اولملری دولتجه معلوم اولدیغندن سلطان سلیمان قانونی حضرتتلی سکتوار سفرینه عزیمت بیورمزدن اول قپودان دریا پیاله پاشایه جزیره مذکورہنک ۴۴۳۲ حال بر طریق اسهل ایله ضبطی خصوصنی اراده بیوزمشلر ایدی .

مقصد مذکورک حصولنه بر چاره تخریسی ایچون (۹۷۳ هـ و ۱۵۶۶ م) سنه سی بهارنده پیاله پاشا (۷۰) قطعه قادرغهن عبارت بر دونما ایله آق دگزہ عازم اولدی . دونمای هایون ساقز جزیره سنک قارشیسینده و آنا طولی ساحلنده بر قاق و قوعات حربیه ایله اشتهار ایلمش اولان [۹] چشمه لیمانه مواصلت ایلدی . قپودان پاشانک ساقزدن آنجق (۷) میل بعید اولان بر لیمانه واصل اولمش بولمنسی جزیره رؤساسنک تقدیم هدایا ایله استفسار خاطر و عرض خلوص ایتملرینی ایجاب ایتدیرر بر کیفیت اولمغله رؤسای مومی الیم دخی ترتیب ایتدکلری هدایا ایله بر قاق معتبر آدملرینی چشمه یه ارسال ایلدیلر ؛ فقط قپودان پاشا دولتک بر بیوک مأمورینی بالذات استقباله شتاب ایتملری وجیبه ذمت عبودیتلری ایکن بو خصوصه عدم رغبتلری دماغلرنده بر فساد اولدیغنی ایما ایدر دلائلندن بولندیغنی بیان ایله گوندردکلری آدملرینی حضورینه قبول ایلمدیکی گبی هدیه لرینی دخی رد ایدهرک استانبوله عودتنده کیفیتی عنعنه سیله رکاب هایونه عرض ایده جکنی و گله جک سنه بر جسم دونما ایله گلوب ، قلعه و جزیره لرینی قطعاً اللرندن آله جغنی مقام تعذیرده رؤسای مرقومه یه اسماع ایلمش اولمغله آنلر دخی بو خبر مدهش اوزرینه بلاتامل و قوعیافته اولان حرکتلرندن طولایی نادم اوله رق قپودان پاشانک خاطرینی اله آلمق وقصورلرینی اعتراف ایله عفورلرینی رجا ایتمک عزمنه دوشوب ، یگیدن بر طاقم هدایا ترتیب ایدهرک

[۹] بولیمانده (۱۹۴ ق م) سنه سی رومالیلر طرفندن سوریه حکمداری « آنتیوخوس » ک ، (۱۷۷۰ م) سنه سی دخی موسقوفلر طرفندن دولت علیه نک دوتملاری احراق ایدلش اولمغله شو ایکی وقعه چشمه نامنک لسان تاریخده قانلیقله اشتهاریه سبب مستقل اولمشدر .

جمله‌سی بردن قایق‌لره راکباً قارشی یق‌ایه مرور ایله نزد قپودانی‌یه دخول ایلدیلر . بونلرک ورودی اوزرینه پیاله پاشا حضرتلری کنسیدیلرینک استانبوله گوندریله جک‌لری و جزیره‌نک طوغریدن طوغری‌یه طرف دولتدن اداره اولنه جنی حقنده‌کی اراده پادشاهی‌نی تبلیغ ایله جمله‌سنی تحت توقیفه آلدیرمش و معیتی آمیرال‌لرندن قوجه ایلی میرلواسی «علی بک» قومانداسنده بر مفرزه بحریه ارسال ایدهرک قلعه و جزیره‌نی بلا حرب ضبط ایتدیرمشدر . کنسیدیسی دخی بالآخره باقی قالان دونمای هایون ایله شهرک اوکنه واصل اوله‌رق بر مدت آرام ایدوب ، مأمورین ملکیه ایله قلعه‌نک محافظه‌سنه لازم اولان عسکری تعیین واقامه ایلدکن صکره رؤسای موقوفه‌نی دخی در سعادته اعزام ایلدی . بوایشلرک اکالنی متعاقب پیاله پاشا دونمای هایون ایله اورادن قیام ایدوب ، آپولیا سواحلنه عزیمت ایدهرک خلیجه خسار ایقاعنه سبب اولدقدن و بر چوق اموال غنائم اخذ ایلدگدن صکره (۹۷۴ هـ) سی روز قاسمی ابتداسنده استانبول لیمانه عودت ومواصات ایلدی .


دونمای هایونک استانبوله عودتندن مقدم «سلطان سلیمان» ک ارتحالیه «سلطان سایم ثانی» جالس سریر عثمانی اولمش ایدی . قپودان پیاله پاشانک در سعادته حین وصولنده ساقز آطه‌سی گبی جسیم ومهم بر جزیره‌نک قان دوکمکسزین ضبطنه موفق اولیشی غایت قیمتدار بر خدمت مقبوله اولدیغنه مبنی هم بو خدمتنه مکافات اولمق ، همده داماد شهریارى بولمق حسبیلله لاجل التلطیف عهده استیالنه قبه وزارتى احسان اولنوب ، منحل قالان قپودانلق مقام معلاسی دخی سکتوار سفرنده خدمتی سبق ایدن یگنی چری آغاسی « مؤذن زاده علی آغا» یه توجیه اولندی .

فی الحقیقه ، پیاله پاشانک وزارتیه و علی پاشانک دیگر بر صورتله مکافات استحقاقلری

نمایان ایدی . آنجق یگی چری آغاسنه قیودانلق توجہیلہ مکافات ایتک غرائب عصریہ دن عد اولمغه شایان بر کیفیتدر . ایشته بو حادئہ غریبه سلطان سلیمان قانونی دورندن صکره سفینه دولتک اولسکی گبی شناور بحر ظفر اوله مامسنه سبب اولان باشلیجه مقدمات نزلدن بریدر . « پیاله پاشا » غایت دکرلی ، درایتلی ، بہادر بر ذات اولدینی حالده عظام امور بحریہ ده سلطان سلیمان خان حضرتلری مرحوم طور غود پاشانک رأیدن خارج حرکت ایتہ مسنی ارادہ ایلر و او دخی پاشای مشار الیک ارانہ ایلدیکی خط حرکتدن طشره چیقماز و داءا اهل واربایله مشاوره دن خالی قالماز ایدی . ایشته بو خصائل جملہ سایه سنده درک ، آز زمان ایچنده احوال حرب و بحره کسب و قوف ایله نیجه نیجه خدمات مشکوره ایفاسنه مظهر اوله گلمشدر . مؤذن زاده علی پاشایه نقل کلام ایدیلنجہ : فی الحقیقه ، نفسنده بہادر بر ذات اولدیغنه دیہ جک یوق ایدیسه ده شدت و تهور ایله موصوف ورأی خودیله حرکتہ مألوف اولدقدن باشقه احوال دریا و فن حرب بحریہ دخی اصلا و قوفی اولمیدندن زیرده بیان اولنه جفی وجہ اوزره دونمای ہمایونک بتون بتون افناسنه سبب اوله رق نیجه بیوک ہمت و غیرت لر صرفیلہ دولتک بحرأ قازانمش اولدینی بر موقع ممتاز حاکمیتدن سقوطنہ باعث اولمشدر .

سلطان سلیمان دوریلہ امرای بحریہ سنہ دائر بر قایح سوز --

سلطان سلیمان قانونینک همان یارم عصر دیمک اولان (۴۸) سنہ لک مدت سلطنتندہ دولت علیہ عثمانیہ گرک برأ و گرک بحرأ نائل اولدینی فتوحات جسمیہ سایه سنده شوکت و عظمت بر جنک اک مرتفع بر نقطہ سنہ قدر عروج ایلشدر . قاموسلر ده مذکور اولان ترقی و عظمت سوزلرینک نہ دیمک اولدینی حقیقلہ آگالماق ایچون بو اوزون مدتک یادگار ابدیسی اولان وقوعات تاریخیہ یہ بر نظر عبرت عطف ایتک کافیدر . واقعا دنیاہ « سزوستریس » ، « کیخسرو » ، « دارا » ، « اسکندر » ، « قیصر » ، « جنگیز » ، « تیمورلنک » و سائرہ گبی پک جوق جهانگیر گلمش ، فقط بونلرک فتوحاتی آفریقہ نک واسع و تنہا چوللرندہ وزان اولان ریاخ شدیدہ ایله متحصل قوم تپہ لرینک ہبوب ایدن ایکنجی بر باد سموم ایله محو و زائل اولدقلری مثالی مخرب و دوامسز اولوب ، اجر آتلی دخی کندیلرلہ برابر عدم آباد نسیانہ قدر کیمشدر . سلطان سلیمان قانونی ایسہ بر جہانگیر واجب التذکیر درک ، او پادشاہ عالی ہمتک سایہ سیف و عدالتندہ داخل حوزہ حکومتی اولان ممالک و جہات آثار ترقی و عمران ایله رشک آور گلزار کائنات اولمشدر .



- لوحه ۱۷ — (۱) بيوك ليانك مدخلی (۲) سنت المو برچی (۳) موسیت لیانی (۴) قرآتیه
 خانه آله سی (۵) دراغوت برونی (۶) بورق (قلعه) (۷) سنت آتجلو قله سی
 (۸) قادرخه لیانی (۹) سنت میشل برچی (۱۰) ده لاسا نامل آله جی (۱۱) بیسولک لیان (۱۲)
 قورادین موقعی. [۱۵۶۵] سنه یلادی سنده مالطه ناک کوروینی شی .



سلطان سلیمان حدودی طونه و صاوا نهر لرندن نیل مبارک منبعار یله بحر محیط
هندی یه و قفقاسیه سلسله جبالندن آتلاس سلسله سنه قدر ممتد، مساحت سطحیه سی
دخی (۴۰۰۰۰) مربع میلدن زیاده، (۲۵۰) سنجاغه تفریق اولنش،
(۲۱) ایالتدن عبارت بر الکای وسیعه حاکم ایدی. زماننده بحر سفیدک قسم
شرقی سبله آطه لر دگز، آدریاتیق دگز، مرمره دگز، آراق دگز،
قره دگز، بحر احمر، فارس دگز بر عثمانلی گولی عد اولنقده و عثمانلی
دوخالری بو دگز لر دن باشقه عمان و هند دگز لری اوزرنده دخی اجرای حکم
و نفوذ ایلکده ایدی. بو دوراده دولت علیه نك دگز لر اوزرنده بولنان دائمی
قوه بحریه سی (۳۰۰) قطعه سفن حربیه دن عبارت دهشتلی بردوننا اولوب،
حین اقتضاده بوقوه دائمیه (۴۰۰) د قریب مراکب بحریه دخی الحاق ایدلدیکی
گورلش بر کیفیت اولغله بویه قوای جسیده مالک اولان بردولتک درجه قدرت
و مکتی حقیقه دائره فکر و ملاحظه نك خارجنده قالیر.

سلطان سلیمان دو نمانسه قوماندا ایدن آمیرالر میاننده مقام قیودانی احراز
ایش اولانلری یدی نفر ذاتدرکه، بونلرک برنجیسی «جعفر بك» و صوکنجیسی
«بیاله پاشا» در.

«جعفر بك» دور سلیم خان اول قیودانلرندن اولوب، سلطان سلیمانك
جلوسنده تحقق ایدن مظالمه منی قتل ایدلش اولغله بكده بودورک رجانلندن
عد اولنه ماز؛ فقط سلیم اول حضر تلری زماننده انشا و تجهیز قلمش اولان
دهشتلی بردونخادن باشقه ترسانه عامر نك توسیع و تنظیمی دخی بو ذاتك هندسه
کاری، همتیه وجوده گلمشدرکه، الحاله هذه، آثار باقیه سی مشهود نظر شکرانمز
اولان او عالی بنلرک شهادت لریله فضلی، کمالی، قدرتی، لیاقتی مرتبه بدهته واصل
ولش بولندیغندن سبق ایدن بونجه قیمتلی خدمت لرینه حرمة نامنك بو میانده
ذکرینه قلمز بزی مجبور ایشدر.

«بیاله پاشا» شهرت شایعه سیله کن دیسی جهان طانتد یرمش اولان عثمانلی
قیودان پاشا لرینک بریدر. بو ذاتك (وهران) موقعی ضبط ایتسی و خصوصیه
جریه جوارنده اهل صلیب دو نمانسه مکمل بر غلبه چاق شرفی اکتساب ایلسی
نام و شانك ولوله انداز جهان اولسنه باعث مستقل اولان وقایع عظیمه دندر.
ینه بودورده قیودانلق ایدنلر دن «یایلاق مصطفی پاشا»، «کانکش احمد بك»
«صو قوللو محمد پاشا»، «سنان پاشا» گگی ذاتلر دخی مباحث مخصوصه سنده
برتقصیر بیان و حکایه اولندیغی اوزره دولتك شان و عظمتی اعلایه جداً خادم

اولان بر طاقم اعظم دندر لر . و سیمای مقام معلای قپودانی به سایه انداز مهابت اولان و « بارباروس » عنوان هیبت نشانیله آق دگز سواحلی دهشت ایچنده براقان « خیرالدین پاشای غازی » حضرتلری ایسه دولت عظیم الشوکت عثمانیه نك قوه بحریه سنی ذکر اولنان درجه تفرد و كماله ایصال ایتش بر مجاهد بی نظیر اولدیغندن بومیانده یالگزن نام عالیسی ذکر ایتك سلطان سلیمان خان قانونی عهد سلطنتك جهت بحریه جه درجه علویتنی گوسترمكله برابر در .

بودورده اشتهار ایتش بر طاقم امیرالر دهها واردركه . بونلر حسب القدر منصب قپودانی بی احرازه موفق اوله مامش لر ایسه ده دین و دولته ایفا ایتدكلری حسن خدمت لرله تاریخك اك شانلی صحیفه لرینی اشغال ایشلدر در . بوجه دن بری قوجه « طورغود » پاشای غازی در . مشار الیه حضرتلری ، نام نامیسی عثمانلی قپودان دریالری سلسله نامه سنی تشکیل ایدن لوحه نك بالاسنده بر موقع ممتاز طوتان « خیرالدین بارباروس » ك ضیاعنی یسلدیرمین بر ذاتر دییه توصیف ایتك كافیدر . ینه بو صنف ذوات عالیهدن بریسی ده « خادم سلیمان پاشا » دركه ، بو ذوات دخی سنی سكسانی تجاوز ایتش اولدیغی حالده كنج اولان یوركینك سائقه حیثیله اجراسنه موفق اولدیغی براوزون هندستان سفری اثناسنده وجوده گتیردیكی فتوحات متوالیه سی نام عالیسی لسان امتده احترامات فائقه ایله تذكیره باعث اولان خدمات مقبوله دندر . « سلمان رئیس » و « مراد رئیس » دخی بوسره ده ذكره شایان ذوات نادره دندر لر . برنجیسی بحر احرك امواج مرتفعه سی اوزرنده بر قوتلی دونما ایله ایلک دفعه اوله رق عثمانلی سنجاغنی گوسترن شانلی بر قپودان اولوب ، ایكنجیسی دخی هرمن بوغازنده پورتكیز دونماسیله شدتلی بر مصادمه اجر ایدن قهرماندر . بو ذاتك خیرالدین پاشا معیتله دهها بك چوق محاربانده خدمتی سبق ایتش وخیرات وحسنات ایله كسب ممدوحیت ایش بولمسی ده باشقه جه قیتنی آرتدیران فضائل دندر .

سلطان سلیمان دونماسنده سنجاق چككم حقنی حائز اولان امرای بحریه دن « قره محمود » ، « علی » و « بوستان » رئیس لر ، قوجه ابلی میرلواسی « علی بك » ، تكه میرلواسی « خرم بك » ، صیدا میرلواسی « علی بك » علائیه میرلواسی « مصطفی بك » ، جزایر بكر بكیسی « صالح پاشا » ، خیرالدین پاشا زاده « حسن پاشا » ، « اولوج علی رئیس » [مؤخر اقلیم علی پاشا نامیله قپودانلق ایدن مشهور امیرالدر] . امرای مصریه دن « دزری مصطفی بك » ، رادوس میرلواسی « قورد اوغلی

احمد بك، مدالی میرلواسی «مصطفی بك» دخی خدمات عالیہ ایفاسنه موفق اولمش شهرت فوق‌العاده اصحابندن بولنان ذاتلردر.

بونلردن باشقه دونمای همایون سواریلرندن «ابراهیم قیودان»، «گوزلجه محمد»، «صادق رئیس»، «سلیمان رئیس»، «رجب رئیس»، «علم‌شاه رئیس»، «قره مصطفی»، «قلفات می»، «غازی مصطفی»، «قره قاضی»، «دلی جعفر»، «قوجه دانی»، «حسن کله»، «محمد رئیس»، «سبحاقدار رئیس» ودها سائر برطاق قیودانلر شجاعت وفداکارلیق ایله شهرت قازانمش اولان امرادن اولوب، بونلردن برطاقلری بالاآخره بکدر بکیک و سحاق بکلیکی گگی دولت ابد مدتک مقامات عالیہ‌سندده استخدام اولمش و خدمات مقبوله وجوده گتیره‌رک تاریخک برخیلی صحیفه‌لرینی شانلی وقوعاتلریله طولدیرمشلردر.

ینه بودوره منسوبیتی اولان عثمانلی مشاهیر بحریونندن «قورد اوغلی مصلح-الدین رئیس»، «کمال رئیس»، «شعبان رئیس»، «آیدین رئیس»، «سنان رئیس» و سائر گگی برطاقلری ده قورصالنقله‌اشتهار ایدره‌رک آق‌دگزده گزیدیردکلری دونمالرله عادتاً اوروپا دول بحریه‌سی دونمالرینه قارشی طور مق اقتدارینی حائزایدیلر. ذاتاً اسملری بالاده مذکور اولان مشاهیرک اکثریسی ده عصرلرینک تطبیقات حربیه مکتبلری حکمنده اولان قورصال سفائننده ایفای خدمت ایدره‌رک احوال حرب و بحره وقوف و معلومات کامله حاصل ایتدکدن صکره بر طریق ایله دونمای همایونه آلتوب استخدام اولنمشلردر؛ حاصل کلام، بو دورک آمراللری صنعتلرنده مهارت کامله اصحابندن اولدقلری گگی فنون و معارفک ترقیسی خصوصنه دخی فوق‌العاده خدمت ایتمشلردر: ازجله «پیری رئیس» ایله «سیدی علی رئیس» بوباده حق تقدیمی قازانان شهرتلی آمراللرمزدندر. سلطان سلیمان اراده‌سنة مبنی بویکی آمرال معیتلرینه تخصیص ایدیلن برریلو دونما ایله آرشیپل، آدریاتیق دگزلی، آق‌دگز، بحراجر، عجم کورفزی و عمان دگزلی سواحلی طولاشوب، بودگز لرك تعریفاتی شامل برر مفصل کتاب وجوده گتیر-مشلردر. پیری رئیسک تألیفکرده‌سی اولان «کتاب بحریه» باشلیجه ایکی قسمة، نسقم اولوب، بو قسملردن بری آطه‌لر دگزینک وقسم دیگرگی آدریاتیق ایله بحر سفیدک احوال طبیعیه و جویه‌سینی، و خلاصه، تعریفات مکمله‌سینی شامل اولوب. مذکور دگز لرك آقتیلرینی، اسقندیلرینی، لیمانلرینی، کورفز لرینی، قوبلرینی، تجارت بندرلرینی، اسکله‌لرینی ودها سائر قریه چیقلیق ممکن اولان و حرکات

عسکریہ اجر اسنہ مساعد بولنان محاررینی، طاتلی صو موقعلرینی، آطه و آطه جقلمرینی،
 بانق و دو کونیتلرینی، خلاصه، بتون ساحلرینی طوغریجه ارائه ایتک اوزره
 کندی نظارتی آلتنده اولدرق مکمل خریطه لرینی ده ترسیم و تنظیم ایتدیروب،
 مذکور کتابه زیلا علاوه ایشدر. بوائر نفیسک ال یازسیله استنساخ ایدلمش پر
 قوبه سی الحاله هذه مکتب بحریه و نور عثمانیه کتبخانه لرنده بولندیفی گبی برلین،
 دره زدین (Dresden)، و اتیقان (Vatican)، بولونیا (Bologna) کتبخانه لرنده
 محفوظ اولدیغی ده اوروپا مؤرخلری موثوقاً روایت ایتکده درلر.
 ایکنجیسنه نقل کلام ایدیلجه: بوزات عالی قدر «سیدی علی ابن حسین کاتبی»
 لقبیله شهرت شعار اولوب، قابل قبول اشعار و گفتاری اولدقدن باشقه سیر سفائن
 و فلکیات فنلرنده ماهر و نظم و نثر ایله تألیف کلامه قادر بروجود نادرالموجود
 ایدی. خزائن معارفی تزیین ایدن تألیفات عدیده سندن [*] «محیط» نامنده
 اولان کتابی اسمک دلاتندن دخی آکلاشیله جفی وجه اوزره بحر محیط هندی
 ایله شعباتسک [بحراجر، عدن کورفی، فارس دگری] تعریفات مکمله سنی
 شامل اولوب، بحریونک استفادۀ فوق العاده سنه خادم و مواد مندرجه سی اول
 زمانک عرب و عجم لسانلری اوزره یازلمش بولنان بو مثالی کتابلرینک کافه سنه
 فائق برائر معتبر و اشهر ایدی. بوندن باشقه «سیر سفائن»، «فلکیات»،
 «ربع واسطراب» و «ربع مقنطره» و «جیب» [مثلثات نسبیه]
 فنلرینی جامع، خلاصه، شعبات علوم ریاضیه دن باحث «مرآت کائنات»
 نامنده غایت قیمتی برائر نفیسی ده موجود در. بوفضیلتی کمچینک یادگار
 قیتمداری اولان آثار برگزیده سندن بریسی ده «فتحیه ترجمه سی» در. بحث
 مخصوص سنه برتفصیل حکایه اولندیفی وجه اوزره دونمائی همایونک بصره دن
 بحراجره ایصالی مأموریتله اول طرفه سوق اولندیفی زماندن اعتباراً کچیردیکی وقایع
 جریه یی ده حاکی بولنق اوزره دوچار اولدیفی فورطنه فلاکتیله برأ درسه ادته
 عودت ایلدیکی زمانه قدر، یعنی درت سنه لک برمدت ظرفنده کی سرگدشتندن
 باحث برسیاحتنامه قله آلوب، اسمنه «مرآت الممالک» تسمیه ایلش و بوائر مفیدی
 دخی آثار سائره سی مثالی قبول عامیه مظهر اولدگلمشدر؛ خلاصه، بوایکی
 آمیرال ملتینه قلماً خدمت ایتدکن باشقه — فتوحات عظیمه سیله شکران امتی
 قازانمش اولان سلیمان باشادن صکره — عربستان، عجمستان ساحلر یله هندستانک

[*] بو اثر نفیسک ال یازسیله برقوبه سنک یالکز ناپولی کتبخانه سنده موجود اولدیفی
 اوروپا مؤرخلری روایتشدنر.

شمال غربی سواحلی اوزرنده پاك چوق شهرلری ده ضبط واستیلايه موفق اوله رق طریق تجارتك تأمین و ثروت مملكتك تزیدی خصوصاً برینه دخی همت ایله شلردر. هله سیدی علی قیودانك پدر وجدی استانبولك قحی تاریخندن بری ترسانه کدخدلری بولندقلرندن اترتعلیم وتدریسلری اوله رق معلومات بحریه لری کندیسنه توارث ایله اولدقدن باشقه سلطان سلیمان خان حضرتلری ایله رادوس ققنده وبعده مغربده وآق دگزرک جهات سائر سنده خیرالدین پاشا و سنان پاشا ودهاسائر قیودانلر معیتلرنده بولنوب ، معلومات بحریه و تجارت عسکریه سی اکلله موفق اولسی سبب اشتهاری اولدیغی گئی همان یارم عصر اولنه کنگجه یه قدر امرای بحریه مز میاننده معلومات فنیه و تجارت عسکریه سی بودرجه مکمل باشقه برذاتك ظهور ایتمه مش اولسی کیفیتی ده حائر اولدیغی شان و شرفك برقات ده زیاده لشمسینه خدمت ایله شلردر .

نام عالی برینی کمال تعظیم ایله یاد وتذکار ایلمکده بولندیغمز سلطان سلیمان امیرا . لارینی هم عصرلری بولنان اوروپا امرای بحریه سیله مقایسه ایدءجك اولورایسءك شوکتابك سلطان سلیمان دورینه عائد اولان قسمی مطالعه ایدن هراصل انصاف گرك قدرت علیه وگرك لیاقت عسکریه خصوصاً بولندقلرینه عثمانی امیرالترینك اوروپا امیرالترینه نسبت قبول ایتمز درجه ده فائق بولندقلرینی تسلیمده ترددا یتمز لر . برکوه شو عصرده « سایلن دیره قشین » (Sailing Directions) نامیه دگزرلر تعریفاتندن باحث ، هرملت بحریونی بدلرنده موجود بولنان کتابلرکه ، عدم وجودی تقدیرنده نه بر ساحله * نه ده بر لیمانه تقریه جرأتیاب اولنه میور . بو گئی آثار نافعه نك ابتدای امرده عثمانی امیرالری طرفندن وجوده گتیراش اولسی اوزمانکی ترقیات بحریه نك عثمانیلرده اولدیغنه شبهه براقاز . فی الحقیقه ، دگزرلرک احوالی و سواحلك تعریفاتی شامل اولان آثارك اول امرده عربلر طرفندن وجوده گتیراش اولدیغی بزجه دخی معلوم ایسه ده مقصد مز آنجق قرون اخیرده و اوروپا لسانلری اوزره یازلش اولانلر میاننده کی برنجیلک و مکملتی افاده ایتك اولغله سوزمزمده بر خطا ایتمه مش اولدیغمز قانع . اگر پیری وسیدی علی رئیس لرك وجوده گتیرمش اولدقلری « **رهبر دریا** » کتابلرینك مکملیتنه معادل اوروپا بحریونی بدلرنده اول زماندن قالمه بر اثر موجود اولسه ایدی حق تفوئك کندیلرنده اولدیغی بزده تصدیق ایدر ایدك . دیمك اولیورکه ، عثمانیلر دوتسا گز دیر دکلری دگزرلرک هر وجهله احوالنه واقف بولندقلری بر زمانده اوروپا لیلر اجرا ایتدکلری سفولری امنیتسزك ایچنده وقوعه گتیرمکده ایدیلر . اما بر معترض چیقوب ده قیودان « قولومب » ، « آمریقو و سپوچی » (Amerigo

(Vespuci) '« پرنس ہانزی » (H. le Navigateur) ، « بارتلی دیٹاز » ،
 « واسقودہ غاما » ، « آلبوکرک » و ساثرہ گی برطاق کاشف لری ایلری یہ سورہ جک واقندار
 بخریلرندن بحث ایدہ جک اولور ایسہ ، بز بوگادہ شوو جھلہ جواب ویریز : —
 برکہ پرنس ہانزی ، بارتلی دیٹاز ، واسقودہ غاما ، آلبوکرک گی بحریونی
 بز کاشف عد ایدہ میز : آنجق ذاتا معلوم اولان بر طریق بحری اوزرندہ یکدیگری
 تعقیب ایدہ رک تقدم صورتیلہ اجرای سیر و سفر ایلش برر عادی قیودان اولق
 اوزرہ قبول ایدہ رز . سوزمزک صحتی اثبات ایدہ جک شاہد عادل دخی تاریخدر .
 ازمنہ متقدمہ فنیکہ کمیچیلرینک سبتہ طریقیلہ کینہ کورفزندن فیل دیشی و آلتون
 توزی گتیردک لرینی ، یعنی آفریقہ نك سواحل غربیہ سیلہ رواجلی بر تجارت اجرا
 ایلدک لرینی تاریخ خبر ویرمکدہ در . بوندن باشقہ مصر فرعونلرندن (نخاو) ک
 افرادی فنیکہ بخریونندن عبارت اولق اوزرہ تجهیز ایلش اولدینی بر دوننانک
 سویس لیمانندن حرکت ایدوب ، کشف مقصدیلہ اوچ سنہ ظرفندہ آفریقہ
 قطعہ سنک سواحلنی تماماً طولاشہرق شمعیکی اسکندریہ لیمانہ واصل اولدینی دہ
 تاریخنک جہلہ اخباراتسنددر . ایستہ قرون اولی ایچندہ اجرا ایلش اولان بو
 سیاحتار ذاتا (امید برونی) طریقنی معلوم بر طریق اولق اوزرہ عالمہ طائتیرمش
 ایدی . بوصورتہ اکر بالادہ اسملری مذکور اولان بحریون حق تقدی فنیکہ لیلرہ
 ترک ایتوبدہ طریق سالف الذکری کندیلری کشف ایتش اولدقلری دعواسندہ
 بولنہ حق اولور لر ایسہ بر حقیقت تاریخیہ قارشی گوز یومش اولور لر کہ ،
 یالانچیلقدن ماعد اجهالت محضہ گی مذموم بر صفتکدہ موصوفی اولش بولنور لر .
 ینہ تاریخنک اخبارینہ نظراً (بخراحر طریق) دخی ازمنہ قدیمہ نك مصریلر ، فنیکہ لیلر ،
 قدیم یونانیلر ، قارتاجہ لیلر ، رومالیلر ، عربلر گی مدنیتدہ ترقی ایلش اولان
 ملتلرنجہ معلوم اولوب ، ملل مذکورہ طرفلرندن مصر ایلہ ہندستان پینندہ
 — مرکزی جزیرہ العربک ساحل غربیسی اوزرندہ (اوفیر) نامیلہ مشہور اولوب ،
 شمعیکی حائدہ خرابہ سی بیلہ میداندہ گوریلہ مین (بندر تجارت) اولق اوزرہ —
 تراسپورت اصولیلہ بر رواجلی اخذواعطا جریان ایلش اولدینی آکلاشفقدہ و بو
 خصوصی فیلسوف مشہور « پہلینی » دخی جغرافیایہ عائد اولان تألیقاتی میانندہ
 ذکر و حکایہ ایلکدہ در : خلاصہ ، ہندستانہ گیدوب ، گلک ایچون بر ممر
 عمومی حکمنندہ اولان (امید برونی) و (بخراحر) طریقلری قرون اولیہ
 عائد اولان ملتلر طرفندن کشف ایلش ، معلوم برر طریق اولقلہ بو طریقلرک
 کشفی شرفی دخی ینہ او ملتلرہ عائد و راجع اولق لازم گلیر . بوصورتہ
 « واسقودہ غاما » نك ، موزامبقدن آلمش اولدینی عرب قلاغوزلر سایہ سندہ کلکو تہیہ
 قدر گیتمش اولسی و « آلبوکرک » ک ینہ عرب بحر یونندن « عمر » نامندہ

بر ذاتک عمان وفارس دگزلی حقنده تألیف ایتش اولدیغی بر (رهبر دریا) کتابی اله کچیرمش بولنسی کیفیتی اول طرفلرده کشفدن زیاده بر یولچی گی امثیله سیاحت اجرا ایتش اولدقلرینی میدان قویمازی ؟

قیودان «قولومب» ایله «آمریقووسپوچی» یه نقل کلام ایدیلنجه : بوایکی ذاتک ایکنجیلی ، یعنی آمریقووسپوچی دکل برکاشف فنون بحریه یه واقف برقیودان بیله عداولنه ماز. ذاتاده بوشخص قیودان دکل عادتاً بر تاجر ایدی. ولوکه* فن هیئته آشنا اولسون ؛ یالکیز بوفنی بیلکله گمی یوروتماک ممکن اولدیغی اربابنه معلومدر . آمریقا قطعه سی نشر ایش اولدیغی بر سیاحتنامه دن طولای هر نه قدر بونک نامیله توسیم اولمش ایسه ده ایشک ایچنده بر غرض او یونی اولدیغی وقیودان قولومبک حق تقدیمی و خدمت کشفیه سی اثر نفسانیت اوله رق بو آد مه اسناد ایدلمش بولندیغی مؤرخلرک طول و دراز تدقیقاتلری نتیجه سی اوله رق ثبوت بولمش بر حقیقت سدر ؛ بناء علیه ، بزده بو آدمک نامنی بخترک خارجنده طوتغه مجبورز . سوز یالکیز قیودان قولومبه مختصر قانجه : بو ذات حقنده دخی بروجه زیر بیان مطالعه یه مسارعت ایلرز : —

اول امرده شوقی عرض ایدم که* مکسیقا اهالی قدیمه سنک فنیکه لیلر مذهبنده بولندقلری و حتی فنیکه لیلرک معبودلره انسان قربان ایتماک عادتیه وارنجه یه قدر بالجه آیین مذهبیله رینه رعایت ایتدکلری تاریخچه بوگون مرتبه تحقیقه وارمش اولدقدن باشقه نمونه لری البوم اروپا موزه خانلرند محفوظ اولان آثار عتیقه ناک دخی شهادتلیله معبود اتخاذ ایتدکلری صملرک ده فنیکه صملرینه شکلا* مشابه اولسی بوایکی ملتک قدیمآ یکدیگرینی طائیش اولدقلرینی* یعنی یگی دنیانک ده فنیکه لیلرجه مجهول بر محل اولدیغی اثبات ایدن حقاقدندر ؛ معافیه* برازلیا طرفلرند اجرا اولنان بعض حفریات ایله بر چوق چین مسکوکاتنک میدانه چیقارلمش اولدیغی کیفیتی دخی زمانز وقوعانندن اولوب* وقوعات مذکوره ایسه آمریقانک ازمنه قدیمه ده چینیلرجه ده معروفیتی اثبات ایدر. شو حقیقت تاریخیه بیاندن مقصدمز آمریقانک وجودندن قیودان قولومبک اولجه معلوماتی اولدیغنی میدان قویق دکلدر ؛ بزده بیلورز که* قیودان قولومب هندستان ایچون بر یگی طریق بولمق افکارنده ایدی: حتی آمریقایی کشفه موفق اولدیغی زمان بیله بو قطعه ناک آسیادن باشقه بر قطعه اولدیغی آگالایه مامشدر ؛ بناء علیه* مقصدمز آمریقا قطعه سی کشف ایتماک شرفندن یالکیز قیودان مومی الهک دکل* تاریخک لایقیه احاطه ایله مدیکی زمانلره عائد اولان ملتلردن فنیکه لیلرک ودها بیلیم کیملرک ده حصه مند اولدقلرینی گوسترمک ودها طوغریسی حق تقدم بولنلرده اولدیغندن شرفک قسم اعظم ناک ده بولنره عائد اولسی لازم گلدیکنی افاده ایتماکدن عبارتدر .

برده قپودان قولومبك كشفندن مقدم اسقاندیناو بالقجیلرینك صید ماهی ایچون شمالی آمریکا دگز لرینه قدر گیدوب * گلمکده اولدق لرینی تاریخ خبر ویرمکده در . بز بو خصوصلری بخشه قارشیدر مقسزین قپودان قولومبی آمریکا کاشفی دیسه قبول ایلدیکنر . حالده دخی سلطان سلیمان آمیرال لرینه فائق برآدم اولسی لازم گلدیکنی بردرلو قبول ایدمه مکده یز : چونکه * قپودان مشار الیهك نائل اولدیغی شرفه ائک زیاده کسب استحقاق الیسی ارضك کرویتنه قائل اولوبده اوروپانك غرب ساحلندن قیام ایله غربه طوغری سیره دوام اولندیغی صورتهه اسپانك شرقنه واصل اولنه جغنی کسدرمه سی و بر جسارت قطعیله ایله بوسفری اجرایه قیام الیسی * خلاصه * معلومات ایله جسارتك بوذاتده برلشمش اولسی کیفیتدر . فی الحقیقه * شو ایکی صورتهه دخی فکرینك اصابتی * یعنی آردهه آمریکا قطعه سنك عدم موجودیتی تقدیرنده اوروپانك غربندن حرکت ایدن برسینه نك اسپانك شرقنه واصل اوله جغنه واقف اولسی کیفیتی نائل اولدیغی شان و شرفه استحقاقی اثبات ایدر ایسه ده بوندن طولای حق رجائی قازانمش عد اولنه ماز : زیرا ارضك کروی بر جسم اولدیغی مسئله سی شرق علماسنك ده اچوق اولدن واقف بولندق لری حل اولمش بر مسئله ایدی . بو جهتله عثمانی بحریونی ده ارضك کرویتنه واقف ایدیلر . فضله اوله رق شجاعت و جسارتلری ایسه قپودان قولومبه قات قات فائق اولدیغی کندیسیده بوگون بر حیات بولسه عالمه برابر تصدیقهه تردد ایلز اعتقادنده یز : بناء علیه * اگر دولت علیه انگلتره * فرانسه ویا اسپانیا قطعه لرندن برنده تشکل ایلش بر دولت بولنسه ایدی مالک اولدیغی مقتدر امرای بحریه سی سایه اهمتلرنده کشفیات خصوصی دها سریع و سهولتی و نتیجه سی مدینه دها موافق بر صورتهه وجوده گیر ایدی . بو بر حقیقه تدركه * اورته ده تاریخ گبی بر شاهه عادل واریکن بو حقیقی انکاره بردرلو امکان تصور اولنه ماز . عثمانی تاریخنه باشدن آشای بر گوز گز دیریه جك اولور ایسه : تجاوز تاتار بلیه سیله وطن لرینی ترك ایلش درتیوز چادر خلقدن عبارت اولان بر قبیله نك اوچ عصر ظرفنده دنیانك اوچ بیوك قطعه سندن اوچ بیوك پارچه سی استیلا ایله بر دولت جهانگیریه تأسیسنه موفق اولش بولنسی و خصوصیه بوقیصه مدتك ایچنده سفینه دولتك تیمورلنك سیل استیلا سی گبی ظهور یافته اولان برگر داب فلاکت اوگنندن دخی قورتولش و یگییدن طریق ترقی و فتوحاته سالك اوله رق غائب ایتدیکنی مع زیاده قازانمش بولنسی عقلاره حیرت ویره جك بر قدرت خارق العاده اثری اولدیغی تسلیم اولنمازی ؟ بحر سفیدك قسم شرقی سیله آفریقه نك سواحل شمالیه و شرقیه سنك * جزیره العرب و عجمستان سواحلیله هندستانك شمال غربی سواحلك * وندیك دگزینك سواحل شرقیه سیله

آرشپل داخلنده بولنان بالجه جزائرک و قره دگز ايله آراق دگزى ساحلارينک فاتحلى عثمانلى قيودانلى دگلميدر ؟

گرک براؤ وگرک بحراً قوجه عالم نصرانيتله عصر لرجه اوغراشمش وینه او عالمدن اوزرنده يشاديلمز طور اقلرله سنجاغمن آلتنده بولنديريغمن دگزلى جبراؤ وقهراً ضبطه قادر اولمش بولنان برمعظم دولت ايچون صرفنه مجبوريت حس ايلديكى قوتلى اگرچه اجبار اولميه جنى برقطعه اوزرنده بولنسه ايدى * عجباً نرمله ونه يولده قوللانده جق ايدى ؟ بوگاده ذهن يورمغه حاجت يوق ! اگر «ييلدريم بايزيد» خان حضرتلى جنك ميدانلرنده ابراز ايلديكى شجاعت و بسالت قدر اداره ملکده دخى دور انديشلک و مهارت اظهار ايلش اولسه — يعنى انقره وقعه سنک ظهورينه ميدان ویرمه مش بولنسه — ايدى * «فالح» و «ياوز سلطان سليم» گي امثال سز جهانگير لر اوروپا و آسيا قطعه لر ينى همان کامل اقبضه تصرفه کچيرميه جکلرمي ايدى ؟ يا «سلطان سلیمان» گي کنديني جهانۀ طانتدیرمش اولان فعال و مقتدر بر پادشاه اورته ده تسخير ايدجک برقطعه بوله مينجه بودنيادن باشقه بردنيا آرامغه و بولندينى صورتده اورايده سيف وعدالتى آلتنه آلفه القشيمه جقمى ايدى ؟ ايشته اوزمان آفریقا و آوستراليا گي قطعات مجهوله نك کشفى خصوصلى دخى قيودان قولومبه بدل فعاليت و شجاعتلرينه عالملى حيران ايلش اولان خيرالدين ، طورغود ، پياله ، سلیمان پاشا لرله سلمان ، پيرى ، مراد ، سیدی علی رئيسلر طرفندن ميدانه گتيريلمه جقمى ايدى ؟ بوفکر يعزى تصديق ايتک ايسسته مينلر شه سز عثمانلرله و تاريخلرينه دأر و قوف و معلومات حاصل ايله مش اولان طاقلردرکه * بو گيلرک عدم تصديقلرى ده بزجه کنديلرى قدر اهميتى حأردر . ايشته «سلطان سلیمان» دورنده کي عثمانلى امرای بحريه سنک قيودان قولومبه دخى فائق اولدقلرى بالاده کي ايضاحاتدن مستبان اولمشدر اعتقادنده يز ! قالدی که قيودان قولومب سلطان سلیمان دورينه داخل اولان اميرالردن دکل ايکن بومقياسه ده بزم بالخاصه آنى انتخاب ايديشمن بودوره عائداولان خروستيان اميراللى ميانده بو ذات قدر بر دکر ليلى موجود بولنه ميشندن ايلرى يه گلمشدر . بو جهته بزده بحث و دعوا مى قيودان مشار اليک نامنه اولدق يوروتمکه مجبور اولدق ! حيفا که * فتح و ظفر قلچيلرينک پارلتيلرى و فنون و معارف متبعلرينک شارلتيلرى سايه سنده رشک آور گلزار ارم اولان بو دور ترقى توأم ، مايه سى جهالت و ندنى عنصرندن مرکب مظالم و کثيف بر سخاب قسوتعأب آلتنده گيزلنمش بر طاقم ادوار مصائب دثار ايله تعقيب اولنه گلمشدر .

« اخطار »

شکلارک ز یرده گوستریلین صحیفه لر میاننه قونلمسی تنسیب اولمشدر.

صحیفه

۲۱ : ۲۰	لوحه (۱) قانو
۳۷ : ۳۶	لوحه (۲) بالزا
۱۳۳ : ۱۳۲	لوحه (۳) بوصله
۱۸۱ : ۱۸۰	لوحه (۴) ماونه وقیرلانغج
۱۹۷ : ۱۹۶	لوحه (۵) عثمانلی قادرغەسی
۲۱۳ : ۲۱۲	لوحه (۶) ونیدیك قادرغەسی
۲۲۹ : ۲۲۸	لوحه (۷) مالطز قادرغەسی
۲۴۵ : ۲۴۴	لوحه (۸) باشتارده
۲۶۱ : ۲۶۰	لوحه (۹) قالیون
۲۷۷ : ۲۷۶	لوحه (۱۰) قاراقا
۲۹۳ : ۲۹۲	لوحه (۱۱) بارچه
۳۰۹ : ۳۰۸	لوحه (۱۲) قاراوهلا
۳۲۵ : ۳۲۴	لوحه (۱۳) یولاقا
۳۴۱ : ۳۴۰	لوحه (۱۴) بورتون
۴۲۱ : ۴۲۰	لوحه (۱۵) یردهزه محاربەسنک پلانی
۴۳۷ : ۴۳۶	لوحه (۱۶) خیرالدین پاشانک رسمی
۴۹۳ : ۴۹۲	لوحه (۱۷) مالطه لیماننک گورونیشی







3 1761 06981556 1